



1

In secundam Fen primi Canonis Avicennæ,

In qua agitur
De Causis, Aegritudinibus, Accidenti-
bus, Pulsibus, & Vrinis.

Quibus præmissus est
Index rerum omnium notatu dignarum, quæ in
singulis Lectionibus continentur.

CYM PRIVILEGIO.



VENETIIS, Ex Officina Erasmiana Vincentij
Valgrisi, & Balthesaris Constantini.
M D L VII.

12. 13. C. 34

I. O. B. A. F. I. S. T. A. E.

MON TAVI TENGONG

DEPUTY SECRETARY

SECRETARY

Legation des Indes Néerlandaises

Le 12 Mars 1894

De Caste, Ambassadeur des Indes Néerlandaises

à Monsieur le Secrétaire

à Monsieur le Secrétaire

Je vous prie de bien vouloir

recevoir la lettre ci-jointe

de Monsieur le Secrétaire

à Monsieur le Secrétaire

VIV



Le 12 Mars 1894

Le Secrétaire

Le Secrétaire

2
ILLVSTRISSIMO
ATQVE EXCELLENTISS.
HERCVLI ESTENSI DVCI
FERRARIAE IIII.

FRANCISCVS Pegolotus Regiensis
artium ac medicinae auditor.



AB E M V S à Dijs immor-
talibus, illustrissime Prin-
ceps, ut sacrae literae luculen-
tissime nobis significant, me-
dicinam, tanquam diuinum
donum humano generi mandatam esse. Quibus
quidem Themistius lucidissimus inter philoso-
phos alludens, protulit medicinam esse, sicut
est animi philosophia, corporis perfectionem.
Cuius quidem semina, primum ab Hippocrate
Coo grauissimae authoritatis viro, post hominum
memoriam iniecta fuere. quae mox Galenus so-
lers humani corporis rimator strenue, ac quam
diligentissime excoluit. Post hos vero inter A-
rabes fuit princeps Auicenna, dignus nimirum
principis nomine: medicae enim facultatis prima-
tum in florentissima Arabum Academia obti-
nuisse,

nuisse, luce clarius omnibus manifestum est. I
Qui quidem Galeni paraphrasten omnino se esse
profitetur: eiusque vestigia adeò prosequutum
fuisse, ut ne latum quidem unguem procul ab
illius veridicis dogmatibus recesserit. His au-
tem nostratibus temporibus accedit & alius,
qui quidem cum his ingenij magnitudine confer-
ri posset, scilicet Clarissimus, atque Excellen-
tissimus, IOANNES BAPTISTA MON-
TANVS medicus, ac philosophus Veronensis;
qui inter alias egregias ipsius animi dotes, hac lu-
culenter profectò præditus fuit; ut Hippocra-
tem, Galenum, Auicennamque, & ut vni-
cotandem verbo dicam, totam medicam facul-
tatem candido, ac clarissimo ordine illustraue-
rit. Ita ut veluti lumen medicinæ, in tenebris
degenti, ab omnibus additum esse censeatur.
Nanque ipsorum sententias interpretando adeò
intimè penetravit, ac lucidè exposuit, ut ipsi ab
illo interpretari uoluisse videantur. Vnde arbi-
tror sententiam illam vetustissimam, quam vul-
go de Hippocrate proferunt, huic clarissimo vi-
rofore conuenientem: scilicet artem medicam
sine ipso intelligi, nec prudenter exerceri posse.
Multa vero præclara ab ipso edita fuissent, nisi
immatura

immatura morte nobis ereptus fuisset. Quamquam post eius interitum, non desierint illius amantissimi, ac dilectissimi discipuli, qui lucubrationes eius in Hippocratem, Galenum, & Auicennam in lucem protulere. Quæ quidem propter eius lucidam explanationem adeo in vniuersum distributæ fuerunt, ut nunc nouis impressionibus committere necessum sit. Cum autem adhuc nobis occulta fuerit expositio illa, quæ super secundam primi Auicennæ Canonis Sectionem, non paruo illius animi, ac corporis labore gessit, dum publicè medicinam Patauij, in primo loco profiteretur: ideò cum in manibus huius explanationis aliqua fragmenta habuissem, omnibus laboribus, meisque impensis nixus, cetera quæsiui: et adeo huic rei fauente Deo operam nauaui, ut omnem expositionem super hanc secundam primi collegerim, quæ quidem integerrima est, fida, realisque huius clarissimi uiri, non fucata, non ficta, nec sicut aliquæ sunt, quæ extant commentitijs referta, quæ huic tanto uiro adscripta fuerunt, quæ profana, ac irrita apud ipsum penitus erant. In hoc autem opere lenitas eius orationis adest, purum, candidumque dicendi genus. accedit quoque pulcherrimus illi

innatus, admirabilisque ordo, cum perfecta sententiarum explanatione. ideo non possumus, non nisi veridico ore fateri, hunc esse legitimum Clarissimi, ac Excellentissimi Montani opus, ab eius ore prolatum. His itaque ita collectis, ac reuisis, Illustrissime Princeps, cum diu mecum semper cogitaui non tantum mihi utilitati, ac commoditati, sed alijs quoque fore: Ideo uolui in lucem has lucubrationes, ad studiosorum omnium publicam utilitatem edere, suafus, ac persuasus à Clarissimo, ac Excellentissimo BASSIANO L A N D O Placentino præceptore meo (quem honoris gratia nomino) nunc summo honore Patavij Theoricam medicinæ ordinariam profitente, ideo non potui huic tanti viri consilio non parere. Sed quia, Illustrissime Princeps, apud omnes scriptores in more positum est, ut scripta omnia, quæcunque fuerint in lucem proferre non sinant, nisi sub præsidio; ac patrocinio alicuius Clarissimi; aut Illustrissimi uiri: nimirum ut maximam laudem sibi comparent, atque detractorum calumnias propellant: ideo cum in publicum daturus essem, hoc opus, sedulo aliquem clarissimum, aut illustrissimum virum inuestigare coepi, sub cuius nomine hæc clariora, ac tutiora

tiora redderentur. Neminem autem præter Illu-
 strissimam Excellentiam tuam inuenire potui,
 cui hæc tutela conuenientior, ac aptior esset: ac
 sub cuius nomine lucem, splendoremq; sibi com-
 pararet: quem tantum Principem profectò om-
 nes studiosi, ut patronum amplectuntur, & ve-
 luti Italiæ lumen colunt, & obseruant: Cum
 nunquam desistas omni ingenio, ac arte, ut qui-
 bus præses, honesti, ac beati euadant. quod om-
 nes, per florentissimum studium, quod in impe-
 rio tuo apprimè floret, intelligere possunt. Non
 aggrediar autem insolenter ad laudes optimi,
 post homines natos, ac sanctissimi principis. Mi-
 hi enim sicut Nycticoraci splendidos solis radios
 intuenti eueniret, qui adeo ab ipsorum lumine
 obtunditur, ut omnino visu ferè priuetur, sic quo-
 que volens egregias, ac summas laudes tuas ag-
 gredi, propter illustrissimi tui obiecti magnitu-
 dinem, ingenij mei lumen, in principio prorsus
 opprimeretur. Id tamen tantum dicam, quod
 præter alias animi tui dotes, quæ de te in uniuersum prædicantur, accedunt incredibilis humani-
 tas, atque iustitia, per quas omnes te colunt, ve-
 nerantur, summisq; laudibus ad sydera extollunt;
 præcipue inter alios populos imperij tui Regienses,

qui semper præclaram in te voluntatem præ se tu-
lerunt. Cum autem huius fidelissimi, ac aman-
tissimi tui populi vnus eorum sim, propter patriũ
amorem, à cunabulis usq; in me, erga Illustriss.
Excellentiam tuam insitum: propterq; beneficia
tua erga maiores meos collata, miro desiderio fla-
grans, ut aliquod publicum ostenderem signum,
quod esset veluti meæ in tuam Illustrissimã Ex-
cellentiam voluntatis obseruantia, & amoris te-
stimonium, laboravi. id quod, cum alia ratione
facere non mihi fuerit opportunum, has saltem
lucubrationes nomini Illustrissimæ Excellentie
tuæ consecrare, ac deuouere volui. Oro igitur ob-
testorq; , Dux Amplissime, ob tuam humanita-
tem, ac singulares virtutes, vt à me, tuo Regiẽ
digneris hilari fronte hoc exiguum munus acci-
pere, quod equidem dispar, & non dignum est
tua Illustrissima Excellentia, licet multo nitore
splendoreque fulgeat; tamen satis habeo, vt tibi
magni animi mei declaretur propensio. Vale
Deusq; optimus maximus felicissimam, ac diu-
tissimam vitam tibi præstet: meq; in eis, qui tibi
dediti, & obstricti sunt, numerare digneris.

INDEX, SIVE ARGV- MENTA RERVVM OMNIVM

notatu dignarum, quæ in hisce lectio-
nibus Ioan. Baptistæ Monta-
ni continentur.

NO

In Lèctione 1. Pagina 1

DE DOCTRINA cause, ægritudinis, & ac-
cidentis. Cap. 1.

Quæ quærentur in hac secunda Fèn, sunt ita neces-
saria futuris medicis, ut sine his nullus esse possit
medicus.

Medicus futurus præsupponat sibi dogma, quod in ar-
te illa sit sequuturus, aliter non poterit sibi consta-
re, sed uagabitur modo huc, modo illuc.

Auicennæ dogma rationale est.

Triplex genus dogmatũ in arte medica, primũ ratio-
nale, secundum empiricum, tertium methodicum.

Quæ cognoscenda in dogmate Auic.

Quicunq; ob ingenij ineptitudinem uel sorditiem quæ-
stus ad artem medicam accedunt, tales a dogmati-
cis recedant, & ad empiricos accedant.

Auicenna sibi proposuit methodum duplicem, idest,
quæ habet duas partes. in prima docet modum et
artificium quo cognoscere possimus & sciamus
ostendere & explicare passioncs de subiecto sibi
propriis.

proprias. quæ prima pars ab ipso dicitur scientia
scientialis et theorica. alia pars methodi Auic. est
quæ dicitur modus & artificium operandi secun-
dum methodum & rationem. hæcq; consistit in-
uentis et ostēsis passionibus per suas causas, etc.
Nisi sciuerimus subiectum quid sit & quale, non pote-
rimus scire passionēs alicuius subiecti, quæ quidem
omnino sciendæ.

Qui non didicerunt uniuersalem methodum, & pra-
xim addiscunt, pessime faciunt.

Causa quid apud medicos, philosophos, dialecticosq;.

Fixio causæ quid apud Auic.

In Lect. secunda

Pag. 13

De causa conseruante, efficienteq;.

Ordo naturæ diuersus est ab ordine doctorum, &c.

Sanitas & ægritudo quid.

Facultas quid.

In tertia

27

Vertigo quæ ægritudo est.

Symptoma, accidens, passio, signum, quam differentiā
inter se habeant.

Επὶ τῷ ἐν μέρει quid? est id quod generatur post gene-
rationem morbi, & sequitur morbum qui præce-
dit naturā symptoma.

Symptoma,

Accidens,

Accidens,

Passio,

Signum, quid.

Auic. elegantissimus est in sua lingua & utitur maxima loquendi proprietate.

Colica,

Peripneumonia quid.

Dolor est genus per se.

Causæ procatarticae siue

Primitivæ quæ sunt quæ extrinsecus adveniunt, ut sex res non naturales.

Causæ corporeæ sunt illæ, quæ intrinsecus sunt in corpore humano, ut humores crudi uel deprauati.

Causa antecedens & coniuncta, quæ.

In quarta

41

Symptomata quæ consequuntur morbum, sunt in duplici differentia: quando est

Parhognomonica necantia immediate ægritudinem: quædam dicuntur signa communia.

Catarrhacta,

Hypochyma,

Suffusio,

Descensus aquæ ad oculum, Idem est.

Contra Iacobum Forliuensem de receptaculis, sed receptacula intellexit Auicem. propria uasa quæ sunt in tunica coniunctiua, quæ est repleta uenis.

Ophthal-

Ophthalmia quid.

De oculorum tunicis.

De tribus humoribus oculorum.

Natura rei semper est consideranda.

*Cur tabescentes habent ceu rosas rubeas in maxillis,
cum tamē in toto corpore palleſcant? propter plu-
rimos uapores aſcendentes ad maxillas, quia ubi
ulcus, ibi eſt inflammatio.*

Prompti ad phthiſin qui.

Cur ungues curuantur & gibboſi fiunt.

Accidens quid.

In quinta

54

De egritudine & accidentibus.

*Omnia in arte medica conſiderantur propter finem,
ideſt propter ſanitatē.*

*Cauſa ſecundum medicos eſt res, quæ primo aduenit
ex qua inuenitur aliqua diſpoſitio permanens uel
fixa.*

*Si eſt febris putrida, aperiantur meatus cutis frictio-
nibus, linimentis, & per diuretica, nam aperiē-
do remouetur putrefactio.*

In ſexta

65

De cauſis multa

Quomodo remouendæ ſint cauſæ & egritudines.

*A natura morbi ſumitur uera indicatio curatiua, &
cura*

7
curatur morbus.

Vtrū accidens possit esse causa & possit esse morbus.
Accidens potest considerari dupliciter

Ex dolore depauperantur spiritus, ex defectu spirituum contingunt syncope & animi deliquia, et ita dolor potest esse causa multarum ægritudinum, cū tamen sit accidens. est enim actio læsa, cum sit tristis sensatio.

Exiens mutatum facit multas ægritudines ut sanguinis profluuium?

quid est dolor, & unde prouenit.

Auic. posuit doloris duas causas æque proprias & æquatas, scilicet malam intemperiem & solutionem continui.

Syncope est lapsus uirium.

Epilepsia

Apoplexia

Paralysis

Tremor.

} quid

In septima

80

De diuisionibus dispositionum corporis humani, et de generib. ægritudinum. Cap. 11.

Sanitas quid:

Ægritudinis definitio.

Dispositio neutra est in corporibus senum & puerorum.

Corpus neutrum quod.

Dispositio media quæ.

Vertigo est morbus in corpore neutro.

Auic.

Auic. in Arabico sermone multum est elegans.

Auic. fuit translatus primo de lingua arabica in hebream, postea in Hispanicam, postea in Latinam a quodam ignaro.

Corpus νοσῆρόν καὶ ὑγιερόν, idest ægrotabile salubre quid.

In octaua

94

Dispositiones corporis humani sunt tres sanitas, ægritudo, neutrum.

Ægritudo tripliciter diuiditur.

De morbis acutis, chronicis, medijsq̃.

Morbus est genus æquiuocum ad simplices & ad compositas ægritudines.

Ægritudo diuidenda est etiam penes subiecta.

Ægritudo uel est in complexione, uel in compositione, uel in solutione continui.

Pleuritis cum febre est morbus simplex.

Pleuritis cum febre pestilentiali est morbus complicatus & compositus quoniam medicus prius debet attendere feбри pestilentiali, deinde dolori.

In nona

105

Partes similes appellantur etiam primas partes corporum.

Ægritudo quid, & quotuplex.

De partibus similibus & dissimilibus, seu instrumentalibus, seu organicis, multa.

Ægri-

In decima pag. 119

Siccitas est lima caloris
De ægitudine multa.

In x i. pag. 132

De partibus similaribus & instrumentalibus.
Quod uiuit, necessario nutritur, nisi enim nutriatur,
nullo pacto uiuere poterit.

Instrumentum quid debeat habere.

Delectatio quid

Dolor quid.

Doloris causæ.

Auicenna fuit princeps in Aegypto, & ob id dictus
est princeps, fuit magnus uir, nobilis & mode-
stus.

Auer. semper odio habuit Galeni scripta.

In x i i. 147

Medicina uera non ita uasta est & magna & longa,
ut putant rudes aliqui: bene longa est quæ falsa
docet.

De ægitudinibus simplicibus & compositis, & earum combinationibus.

Omnes morbi reducuntur sub una specierum xvi.

Auic.

Auic. in complexione .

In xiii.

155

Vbi alij adducunt autoritates supra autoritates, nunquam ego in ipsis uolui confidere, imo potius adduco rationes quæ pro parte tali possunt adduci. nam uera ueris semper consentiunt . . .

Nullum instrumentum ex una tantum similari parte constitutum est .

De ægitudinibus compositionis .

Qui habent magnam concauitatem uentriculi, sunt ceu boues nunquam saturi .

Habentibus uentriculos minores quam oportet, aduenit epilepsia & ij sunt mali ingenij .

Cur habentes paruum caput, sunt sine iudicio .

Mul ti errores Auic. ascripti, sunt interpretum eius.

In xiiii.

176

Siccitas arteriæ & asperitas facit ad uocem commo diorem edendam .

Rauitas fit propter lenitatem arteriæ.

Anasarcam patientes omnes moriuntur .

Natura non abundat in superfluis, nec deficit in necessarijs .

Lectio

In xv. 194

De unitate philosophorum, medicorum, metaphysico-
rum, multa.

Totum hoc quartum caput falsum est, de solutione
continui.

Cur melius dicimus, solutio unitatis quam solutio con-
tinui, seu continuitatis.

Vnitas quid

Contiguitas quid

Continuitas quid

Ἀπόσπασμα quid

Luxatio quid

Punctura quid

Σιμμή

Incisio,

Obtusio,

Fractura,

κατάγμα quid

σπάσμα, &

σπάσμος, quam differant.

Totum caput quartum de solutione continuitatis con-
fusissimum est.

In xvi.

206

De aegritudinibus compositis, multa.

In xvii.

218

Passio seu

Alteratio non sunt morbi

**

Dia-

Dialectica medico maxime necessaria.

*Quomodo possibile est ut sint tot morbi simul in uno
& eodem subiecto, & eodem tempore.*

Apostema apud Græcos significat abscessum latinis.

Apostema apud Arabas est ὄγκος, seu humor præter naturam.

Apostema et tumor differunt quia apostema Græcorum & abscessus Latinorum & exitura Arabū, idem sint in rei ueritate.

Suppuratio latinorum & empiema græcorum et Al dubelati arabum, idem sunt

Apostema,

Pustula

Eminentia solum differunt secundum magnum et paruum. & in ipsa materia etiam differunt.

Pustulæ

Eminentie

Bothor,

Ἐξαιήματα Græcis dicunt.

In xviii.

235

De apostematibus

Simplex quid apud philosophos, & apud medicos

Quid sit simplex & compositus morbus

An durum membrum possit apostemari, necne.

Ossa recipiunt alimentum

De catarrho & quotuplex est.

In

In xix.

252

Apostema quid & eius essentia
 Tumor præter naturam et apostema aratum idē est.
 Inflatio quid &
 Infiagine &
 Infiatone.
 Inflammatio quid
 Apostema quomodo generatur.
 Emunctorium quid.

In xx.

266

Leoniceus dicebat de Auic. dum brevis esse laboro,
 obscurus fio.
 Causa materialis est efficiens apud medicos.
 Phlegmon uel melius
 Phlegmone est
 Inflammatio.
 Rubigo quid.
 Erysipelas unde.

In xxi.

279

Cancrī fiunt a materia in se quidem frigida, sed tamen
 calida per adustionem contra Auic.
 Exitura quid.
 Apostema,
 Abscessus, quid

* *

2

Spha

Sphacelos, seu
 Ascachilos, seu
 Gangræna quid.
 De scirrho &
 Cancro, &
 Durtie,
 Glandulæ sunt apostemata parua.
 Scrofulæ
 Chærades } quid
 Strumæ }
 Nodi seu } quid
 Natæ }
 Nodi habent proprium folliculum
 Glandulæ uero non habent.

In XXI I.

296

Glandulæ unde fiant, & quid.
 Quid intersit inter cancrū & scirrhum. scirrum ue.
 Scirrhus non destruit sensum contra Auic.
 Erysipelas mutatur in scirrhos.
 Oedemata, seu
 Vndimiæ.
 Melliceris }
 Steatoma } quid.
 Atheroma }
 Homines male uiuentes & habentes malos humores
 in uentriculo, sæpe euomunt ossa, ligna, & hu-
 iusmodi miranda uulgo.

Gana

Ganglia, seu

Nodi, quid

Plumbum et reliqua ponderosa non imponantur scrofulis, nec alijs apostematibus, nec calidum, nec frigidum. at conuenit nodis.

In XXXIII. § 309

Diuisio apostematum frigidorum.

Quomodo durum fit tripliciter.

Histilie quid.

Epiglotis Arabum est Larinx Græcorum.

Hernia

Ramex } quid.

Cele

Morbus in situ est cum aliquod membrum mutat suū locum, & ad alium cedit, ut in ramice omentoso, nam omentum descendit in scrotum.

Hydrocephalō est apostema aquosum in capite.

Inter Cachexiam &

Inflationem quæ differentia.

Flatus & uapores incrassati uertuntur in pluuiam & aquam.

De hydropē &

Cachexia.

Pustulæ, seu bothor sunt apostemata cutis.

Variolæ quid

Desudationes sunt pustulæ parue quæ æstate sunt propter sudorem, ὕδρῶν, λεῖψε

Essere quid.

Formice quid.

Clauus, dicitur il

Callo,

Verruca, dicitur il

Porro.

In curationibus istarum pustularum fallitur etiam ita
lib. 4. Auicenna.

In XXI.III.

321

De decoratione, pediculis, lendinibus, & similibus.

De uaris, seu

Goft.

Herpes miliaris.

De scabie, seu

Pfora.

Epini&ides Græcorum est

Planta noctis arabum.

Vesica uertosa, seu

Pblectides.

Ampullæ aquosæ, seu

Hydatides

Voladeghe.

Essere cutaneæ.

Morphea alba & nigra, seu

Alphus albus uel niger, seu

Vitiligo alba, uel nigra.

Morbilli Cutanei, idest.

Ex ana

Exanthemata . . .
Variole . . .
Fersa generantur ab humore putrefacto . . .

In xxv. 332

- De decoratione . . .
- De pilis . . .
- De palpebris . . .
- De capillis . . .
- Furfures quid . . .
- De cute rugosa , crispa , aspera , nigra , citrina , nimis
crassa , tenuisue . . .
- Modus faciendi gumeram pro pulcrificanda facie . . .
- Alia gumeras faciens cutim coloratam et splendescen
tem , prohibens rugas . . .
- De uariolarum uestigijs & cicatricibus remouendis . . .
- Ad maculas faciei delendas . . .
- A leuolatiche . . .
- Ad stercora demonum . . .
- Ad maculas citrinas . . .

In xxvi. 344.

- De foetore lendinibus , pediculis . . .
- Foetentes non habent facultatem odorandi . . .
- Quia foetor destruit eam , seu foetens materia . . .
- Foetent nares alicui , ergo ille non odorat . . .
- De foetore narium . . .
- Si foetor prouenerit ratione materiae existentis in ipso . . .

so uentriculo, ex hoc nosce, quoniam illi ieiuni
magis foetent quam post cibum, nam. cibus ob-
tundit.

De foetore proueniente propter putridam aliquam
materiam existentem in ipsis asellis & pedibus.

Cur pueri & puellæ uirgines non foetent ante coitū,
tamen statim cum coierint incipiunt foetere.

Vt optime curetur foetor.

In xxvii.

358

De pediculis, lendinibusq;

Interimentia huiusmodi animalia.

De pilis.

Quomodo pili generantur, cur longi, uel breues, cri-
spi, uel plani & lenes.

Cur fiunt multi & pauci.

De pilorum coloribus.

De caluitie & eius cura.

In xxviii.

373

De pilis præseruandis, & restaurandis.

Cur pili in cicatricibus non nascantur.

Quomodo prohibendus ortus pilorum & cum qui-
bus.

Cum quibus pili decidunt.

Quibus medicamentis facimus nasci barbam.

Vt capilli fiant aurei, longi, molles.

Vt crispī fiant,
 Vt plani,
 Vt multi.
 De canitie.
 Vt colorentur capilli canī, & fiunt nigri,
 Vt fiant flauī.

In xxxix. 387.

De temporibus ægritudinum.
 Principium quid.
 Augmentum,
 Status,
 Declinatio quid.

Quam necesse sit cognoscere in omnibus morbis prædicta tempora quatuor .. i i x x x

Medicamenta euacuantia danda sunt in principio, nā in statu non conueniunt secundum Hip.

Sex tempora morborum sunt, principium, inæqualitas, augmentum, status, declinatio, infabricatio.

In febribus incipientibus sine frigore, non datur inæqualitas.

In xxx. 393

De temporibus uniūersalibus.

Cum natura nondum est aggressa pugnam contra morbum, sed præparet se contra illum, dicitur
 prima

principium.
Inæqualitas
Augmentum,
Status,
Declinatio,
Infabricitatio quid.

In xxxi. 407

De principio, augmento, statu, declinatione.
Durum dicitur tripliciter.
Naturæ rei studendum, & sic nunquam error fiet.
Epilepsia dicitur, quoniam corripit & motum &
sensum.

In xxxii. 418.

Consensus,
Sympathia,
Apathia,
Impassibilitas,
Dissensus quid.

In xxxiii. 418

Contagium quid secundum Montanum.
De contagio nihil scripsere Græci.
De contagio contra quendam Veronensem
Ratione diuersitatis dispositionum, alij dispositi sunt
ad

ad recipiendum contagium, alij non. & ratione
fortitudinis uirtutis agentis.

Contagium est uenenum propter putredinem.

In xxxiiii.

440.

Contagium est affectus translens de subiecto in subie-
ctum mediate uel immediate, per conuenientiam
ipsius materie, & disconuenientiam, siue contra-
rietatem ipsius formæ mediante alteratione calo-
ris indebite excoquentis humidum ipsum subie-
ctum.

Contagium est affectus destructiuus substantiæ.

Febris putrida,

Pestilens simplex.

Pestilens hectica,

Pestilens perniciofa.

Cum substantia cordis putrescit, homo statim mo-
ritur.

Non possumus cognoscere gradus ipsarum complexio-
num, hoc solus Deus nouit.

Vbicunq; est putredo, ibi est destructio substantiæ.

De scabie.

De morbo Gallico.

Cur sunt quædam ægritudines quæ dant contagium
per quoddam medium, & ex his non solum per
medium alteratum realiter, sed etiam solum for-
maliter. quædam autem sine medio ita quod non
communicatur alicui, nisi corpora ambo se con-
tane-

tangant . quædam autem quæ uix quoq; communi
cantur per contactum immediatum .

Lepra non solum alterat realiter ipsum medium pro-
pinquum , ut uestes , sed etiam aerem longinquũ ,
adeo ut possit recipi in aliquo corpore cum infe-
ctum sit ab aere , qui est infectus per uapores in ip-
so congregatos exhalantes ex corpore alio .

Phthisis cõmunicatur de uno corpore in aliud per æ-
rem medium inspiratũ præcipue si materia in cor-
pore alio parumper sit parata .

Ophthalmia est morbus contagiosus .

In xxxv.

453 .

In contagio semper necessaria est destructio substan-
tiæ .

De contagio per medium formaliter .i. per speciem in
corpoream .

Magnes trahit ferrum, solum per speciem diffusam in
medio .

De magnete .

De electro .i. Ambra .

Fere omnes docti aiunt a proprietate occulta proue-
nire quòd una res magis aliam amat quàm aliam ,
& uni noceat , non alteri .

De imaginatione , miracula .

Imaginatio maxime potest & in materia propria , &
in aliena .

Cur mortuo homine idest occiso ab aliquo , si interfe-
ctor

Et accedat & sanguis susterit, iterū tamen prae-
sente interfectore sanguis fluit de illo cadauere?
Hoc est propter imaginationem illius de uulnere
illato & emissionem sanguinis.

Ideo non sepeliatur interfectus per aliquod tempus,
ut si interfector accedat, cognoscatur quis sit ille,
quoniam cum interfector accedit, sanguis exit pro-
pter illam imaginationem.

In xxxvi.

467

Consensus fit per conuenientiam in uijs.

Natura rei est illa ex qua manifestatur opinio uera,
uel falsa.

Galenus posuit nouem gradus dispositionum, quorum
graduum nonus perfectissimus est. qui est tāquam
regula & exemplar omnium aliorum graduum.
alios uero gradus imperfectos existimauit. secun-
dum enim quod magis ad illum nonum accedunt,
tanto magis perfecti sunt. quanto ab illo recedunt
tanto sunt imperfectiores.

De gradibus dispositionum.

De aegritudinibus sanatiuis & non sanatiuis.

In xxxvii.

478

Aegritudo similis ipsi corporis temperatura, etati,
& tempori in quo accidit, melior est, quam
quando est dissimilis.

De

De ægritudinibus multa .

In xxxviii.

495

Varicæ quid.

Podagra

Chiragra

Dolor coxendicum

Epilepsia quid & quibus fiunt .

La quartana i uechi ammazza & i gioueni sana .

Spasmus nil aliud est nisi epilepsia uniuersalis .

Spasmus sanatur per scabiem & papulas .

Diarrhœa simplex sanat apostema lateris si necdum
materia est incompacta .

Venæ hæmorrhoidales nascuntur non a uena caua sicut
dixerunt anatomistæ, sed nascuntur à uenis ipsius
lienis, ut mihi Vessalius ostendit in anatomia .

In xxxix.

510

Apostema lateris est .

Pleuritis seu

Pleuresis, seu

Inflammatiō lateris seu costarum .

Peripneumonia dicitur ab Auic. apostema pulmonis .

Peripneumonia quoniam est in pulmone membro no-
biliore quam membranam lateris, ideo etiam est
periculosior quam pleuritis .

Propter debilitatem uirtutis de pleuritide fit peri-
pneumonia.

pneumonia .

De contagio , multa , & quot modis fit .

Oculum ophthalmicum si quis sanus intueatur , corripi-
pitur ophthalmia .

Omne acetosum stupefacit dentes .

Patientes albarum albam , phthisin , lepram seu ele-
phantiasin , tineam naturalem & podagram , &
dolores articulorum , propter infectionē sangui-
nis & spermatis , generant filios iisdem morbis
infectos .

Albarum &

Morphea idem .

Alphos leuce

Vitiligo alba

Albarum alba

Patientes ophiastin naturalem , gignunt filios eadem
infectos .

Lectio 40. In doctrina secunda Fen secun-
dæ cap. I. De causis. 524

Causæ salubres , sunt quæ sanitatem facere possunt ,
insalubres , quæ aegritudinem , neutra quæ neu-
tram dispositionem .

Definitio causæ secundum Galenum , causa est quæ a-
liquid confert ad generationem ipsius rei .

Causa quotuplex secundum peripateticos & Platonē .

Causa proprie & per se

Causa per accidens .

In

Maxime confert ut medici cognoscant causas.
 Recte nunquam curabitur morbus incognita causa
 faciente morbum.
 Causæ contentivæ seu continentes sunt intrinsecæ a
 pud antiquos dictæ.
 Conseruantes causæ.
 Procatareticæ. i. primitivæ sunt extrinsecæ.
 Intrinsecæ sunt προγονικαὶ id est antecedentes.
 Causa contentiva hoc habet ut posita ipsa effectus po
 natur, & remota ipsa effectus remoueat.

De causis cuiusvis generis.
 De rebus naturalibus & non naturalibus.
 Scire diuisiones causarum, quantum proficiunt medi
 co?

Causa coniuncta Avicennæ, non est συνητική id
 est contentiva, sed est illa inter quam & effectum
 nihil intercedit.
 Causa coniuncta est illa quæ immediate præcedit ef
 fectum.
 De causis rebusq; naturalibus & non naturalibus.
 De conuenientijs & differentijs causarum.

De causa antecedente, primitiua, coniuncta, contentiua.

De affectione aeris circulantis corpora nostra.

Spiritus sunt ex aqua, aere, & igne.

Duo semper sunt in actu, in omnibus corporibus mixtis tum calor, tum spiritus.

Existente sanitate in corpore humano spiritus sunt mediocres, non crassiores, non subtiliores.

Omnia quæ sunt in magno mundo mouentur per aerem & flatum.

Quid est in quo non infundatur spiritus?

Aer est maioris necessitatis quam cibus et potus eoq; magis indigemus ut conseruemur in uita.

Aer continue attrahitur ut non detur uacuum, & propter nutritionem spirituum, & propter euentationem ipsorum.

Contra Gentilem multa.

Prouisit natura non solum de uaporosa parte sanguinis pro ipsius spiritus nutritione sed etiam de inspiratione aeris frigidi, nam spiritus sunt calidissimi.

Quaecunque calida sunt arte maxime ignis semper
agunt, semper nutriuntur, semper generantur,
& semper corrumpuntur, semper in motu sunt.
Ipsi spiritus continue agunt, semper generantur sem-
per corrumpuntur.

Ex aere spiritus & calor naturalis nutriuntur.

Continue quidē & semper spiritus nutriuntur, sicut
eodem modo continua est nutritio ipsorum anima-
lium.

Spiritus est uerum domicilium animæ.

Omnia sunt mista in hac sphaera.

Aqua si esset simplex non nutrirēt.

IN XLVII.

618

Aer quot habeat significata.

Spiritus non sunt anima, sed proprium domicilium
ipsius animæ.

Avicenna intelligit per spiritum non illam animam se-
cundum philosophos antiquos, sed substantiam me-
diam inter corpus & animam, quam alio nomine
appellamus calorem naturalem.

Dilatatio & diastole idem.

Constrictio & systole idem.

Definitio dilatationis & constrictionis.

Mundificatio spirituum & eorum euentatio quid

Quot modis spiritibus ignescant.

Contra Albertum Magnum qui dicit, per dilatationem aer expellitur, & per constrictionem aer inspiratur pro euentatione & nutricatione ipsorum spirituum, cum tamen omnino totum sit oppositum.

Propter magnam melancholiam in quibusdam intercipitur motus cordis, nedum thoracis contra eundem Albertum magnum.

In agro Puteolano apud Neapolim corruptus ita est aer, ut si proijciantur in illum aliqua animalia ut canes & talia, statim moriuntur.

De temporibus anni & eorum diuisione secundum antiquos, & secundum Galenum.

Ver non est calidum humidum, sed est temperatum. In inuestiganda ueritate, non esse utendum probabilibus & rethoricis argumentis ait Alsarabius.

De ueris temperie.

Ver esse saluberrimum aiunt omnes medici

Galenus nil aliud cupiebat, nisi nomen primi medici
sicut philosophi primi nomen iniunctum est Ari-
stoteli.

In LII.

684

De temporum temperiebus.

Antiqui philosophi posuerunt rarum & densum esse
principia rerum, Aristoteles uero posuit calidum,
humidum, frigidum, siccum esse principia qua-
tuor rerum naturalium, quoniam sunt principia
generationis, & sequutus est Platonem & Hip-
pocratem.

Rarum & densum immediate sunt mutantia ipsius
substantiæ.

Ad raritatem sequitur caliditas.

Ad densitatem sequitur frigiditas.

Ait Montanus, dico ego quod rarum & densum sunt
immediata principia mutationis rerum natura-
lium: Item quod calidum frigidum humidum siccum
sunt causæ intrinsecæ ipsius rei naturalis.

In LIII.

700

Contra aliorum placita de autumno (Montanus ait)
ego dico quod autumnus non est temperatus, imo
est inæqualis, sicut dixit poeta ille: & inæqualis
autumnus.

Duplex est humidum aliud substantiale, aliud infusio-
nis

nis secundum Arist.

Non credatis mihi, sed rationibus, demonstrantibus.

In LIIII.

714

Habitus est duplex, nam alius est de prima specie qualitatis, alius est de alio genere prædicamentali.

In LV.

730

Vbi desinit philosophus naturalis, ibi incipit elegans medicus.

Cum hyems est secundum naturam, est potius sicca quam humida nec facit plurimas pluuias.

In hoc capite corruptus in multis locis est Auicennæ textus.

In LVI.

743

De iudicijs temporum & eorum mutationibus.

Vt se habet corpus, ita se habet anima.

Quomodo intelligendum contraria contrarij scurantur, & similia similibus conseruantur.

Simile dupliciter capitur, uel in concreto uel in abstracto.

In LVII.

757

Caliditas & humiditas est mater putredinum.

PH

Putredo quid.

In LVIII.

771

Tempus constans quod.

Cur in uere excitantur morbi.

Tortura & spasmus cynicus, idem

De iudicijs temporum multa.

In LIX.

[785

De aere bono.

Aer diuiditur in quatuor partes.

Aer in propria substantia calidus & humidus est.

*Si aliquis mons esset altissimus qui attingeret partem
aeris maxime calidam, super illius cacumen ho-
mo ascenderet, suffocaretur attrahendo aerem
ita calidum, sed non inuenitur mons aliquis qui
pertranseat medium milliare uel circa per lineam
rectam.*

In LX.

797

*In quauis curatione non solum considerandus est aer
climatis & regionis, sed & ciuitatis & uici et
domus, et camerae.*

Medicina est donum dei secundum Hipp.

Medicina quantum necessaria.

In

In LXI.

812

*De accidentibus doctrinæ tertiæ, Fœn secundæ libri
primi est principium.*

De pulsibus multa.

In LXII.

813

*Auicenna de pulsibus doctissime, peritissime & bre-
uissime egit.*

F I N I S.

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

1840

LECTIO
EXCELLENTISSIMI D.
IO. BAPT. MONTANI
IN SECUNDAM FEN
PRIMI CANONIS
AVICENNAE.

De doctrina causæ, ægritudinis, & acciden-
tis. Cap. I.



ICAMVS, quòd causæ in li-
bris medicorum) Cum iam
propositum fuisset à nobis, si re-
cte memoria tenetis, usq; etiam
anno elapso nos interpretauros
istam secundam Fen, huius primi
libri, quem præ manibus habemus, & cum iam desue-
rit hæc lectio, uisum est operæ precium, inmo etiam se-
rè necessarium pro docilitate uestra, atq; etiam ut ma-
gis sitis attenti ad rem, ostendere quemadmodum hu-
ius prima Fen quatuor habet conditiones aduertenda-
das à nobis. Prima attinet maxime ad partem Theori-
cam. Secundaq; ea quæ quærentur in hac Secunda
Fen, sunt ualde necessaria futuris medicis, ut sine his
nullus esse possit medicus. Tertiaq; ordine doctrinæ
necessario continuetur primæ Fen. Quarta & ulti-
ma, quòd cognitio earum quæ traduntur in prima Fē,
sine cognitione eorum quæ traduntur in hac secunda,

A omnia

omnino frustratoria & mutilata sunt, instar manus à suo corpore auulsæ. Vt igitur omnia recte sciantur ex suis principijs, aduertatis discursum nostrum nunc faciendum, in quo obiter multa cognoscetis, plurimū conducentia ad artem, unde uos præparabimus ad ea quæ postea sumus tradituri. Primum scire oportet, quemadmodum unusquibet medicus futurus, & hoc etiam commune est omnibus artibus, tria esse præsupponenda, sine quibus non præsuppositis, non poterit sibi constare qui artem aggreditur, sed uagabitur modo huc, modo illuc. Primo præsupponat dogma, quod in ea arte sit sequuturus: nam quælibet ars habet propria dogmata, qualia præcipue habet ipsa Medicina: Et ideo antequàm uelit quis aggredi artem aliquam, is debet primum considerare dogma suum, & ipsum cognoscere. Secundo oportet proposito sibi dogmate, inuenire methodum, & artificium, quo recte progredia tur in illa arte, & recte possit consequi finem suum intentum. Tertio oportet habere empiriam quandam .i. modum, quo deueniat ad praxim artis .i. ad opus ipsum. Sine istis tribus male constabit sibi medicus futurus. Iste discursus non est nouus, nec sunt etiam nostra ista, sed antiquorum. uideatis inter reliquos Diuum Hieronymum in epistola sua ad Paulinum, quæ præponitur suis libris, qui describit ista tria, uir doctissimus certe. Quantum ad dogma Auicennæ quem præ manibus habemus, certum est fuisse dogma quod rationale appellatur. triplex enim numero dogma est in arte medica. Primum & præcipuum

cipuum est rationale. Secundum empiricum. Tertium methodicum. de istis tribus non faciam nunc diligentem sermonem. non enim hoc locus requirit. sufficit tangere necessaria. Omissio empirico dogmate quod etiam reuelatur à Galeno, & Auicenna, atq; et longe magis dogmate methodico, qualis fuit Thessalus insanus: Proponamus dogma rationale, quod sequitur etiam Auicenna, & fuit inuentio Hippo. ut testatur ubiq; Galenus. Istud dogma in quo consentit Auic. primum est, ut cognoscatur subiectum artis, circa quod uersari debet medicus, est enim proprium huius dogmatis ut proponamus subiectum circa quod uersatur. quod constat esse corpus humanum sanabile et agrotabile, ut dicemus postea. Proposito igitur corpore, ille qui dogmaticus est, considerat omnes passionnes huius subiecti, & illas cognoscit per suas causas: quibus cognitis aggredi debet modum curandi. Istud est dogma proprium quod docuit Auic. & Gal. Igitur qui ingrediuntur has Scholas, oportet ut ingrediantur hac ratione non ob aliam. Hoc enim abs re dixi. scio enim plures huc accedere siue ob paupertatem, siue ob imperitiam, siue maleuolentiam, ut uelint esse medici, qui tamen nesciunt quam scientiam & dogma uelint sequi: & cum accedunt. ad dogmaticos medicos querunt receptas ab illis, uel contempta ratione & theorica accedunt ad empiricos. Propterea debent sibiipsis proponere quod dogma uelint sequi, & si empirici esse cupiunt, non accedant ad scholas nostras, quia frustra ueniunt, sed accedant egrotos, a-

empiricos

pud quos receptas addiscēt, ut recte Gal. in libro Therap. Quicumq; propter ingenij ineptitudinem uel sortitiem quæstus ad artem medicam accedunt, tales à dogmaticis debent recedere, & ad empiricos accedere. Ergo oportet primo dogma digerere, & postea ad reliquas partes. Vbi aliquis præsupposuit rectum dogma, quale est Auic. debet secundo querere methodum & artificium, per quod consequatur suum finē, et postea accedere ad praxin, ad empiriam. Quā docte fecerit omnia Auic. apparet tum ex his, quæ anno superiori diximus, tum ex his, quæ hoc anno dicturi sumus. De dogmate igitur constat Auic. fuisse rationalē, proponere .s. subiectum & de illo querere passionēs subiecti proprias. De methodo oportet uidere: qua methodo docuit hanc artem. Circa hoc scire debetis Auic. sibi proponere methodum duplicem .i. sub duabus partibus. uidetur enim habere duas præcipue partes hæc methodus. In prima parte huius primi methodi docet Auic. modum & artificium quo cognoscere possimus & sciamus ostendere & explicare passionēs de subiecto sibi proprias. hæc est prima pars methodi, quā ille in proœmio primæ Ferri appellauit scientiam scientialem, & alio nomine appellauit partem theoricam. Alia pars methodi Auic. est, qua dicetur modus & artificium operandi secundum methodum & rationem: & hæc consistit inuentis & ostensis passionibus per suas causas. Aggreditur postea secundam methodum, in qua considerat quomodo possimus conseruare passionēs in corpore huma-

humano quando sunt secundum naturam, & natura-
les, & inuenire illas easdem, quando sunt præter na-
turam, & deinde inuenire etiam per eandem metho-
dum materiam & instrumentum qua id commodè fa-
cere possimus. Ista est methodus integra ipsius Auic.
quæ est duobus modis proposita, sicut iam diximus.
Videamus modo primam partem diligentius quàm re-
cte obseruauit & Auic. Diximus primam partem me-
thodi uersari circa hoc ut ostenderet per suas causas
demonstrando tum à priori, tum à posteriori passionem
de subiecto. Si debet hoc fieri præsupponit subiectum
de quo oportet scire, quid sit & quale sit, quod sci-
tis ex philosophis & didicistis in alijs scholis. Cum
ergo supponatur subiectum prius antequàm passionem
ostendamus, sciamus quid sit & quale, nisi enim sci-
uerimus subiectum quid sit & quale sit, non poterim-
us scire passionem alicuius subiecti, ut 8. phys. 22.
optime dicebat Auerrois. nō habet, inquit Auerrois, *Artifex*
artifex sermonem, per quem loquatur cum negante
sua principia sui subiecti. Igitur supponendum est,
quid sit subiectum & quale sit, non quidem per suas
causas, quatenus tale sit: quia hoc ad artem superiorem
spectat, ad physicam. s. Vnde est quod medicus futu-
rus sit primo physicus: quia ubi desinit physicus, ibi
incipit elegans medicus ex sententia Aristotelis de
sensu & sensibili: merito dixit elegans. oportet igitur
ista principia didicisse ab arte superiori, nō ab ar-
te quæ supponit istud subiectum. Auicennā igitur o-
portuit primo ut proponeret sibi subiectum & consti-

deraret quid nam esset, & quale esset hoc subiectum, non probando, sed tanquàm per historiam, quod optime fecit in prima Fē. sicut anno elapso docuimus, ubi supponit subiectum quoad quid est: Dicendo quod medicina est scientia qua dispositiones humani corporis &c. Videatis quomodo Auic. præsupponat subiectū quoad quid est corpus humanum, cum dicit ex parte qua sanatur &c. i. quatenus sanabile & ægrotabile &c. Proposito subiecto uoluit ostendere quale sit quid dicatur per sua principia quæ non probat: Qua propter alios carpit, ut Galenum quod hæc probare uolunt, quia dicit hæc ad su perio rem scientiam spectare, ad physicum. s. & ibi explicat principia sua. per omnes causas. Vidistis quæ essent elementa humani corporis proxima & remota, & quomodo remota essent quatuor elementa omnium rerum uniuersaliū principia, & proxima ipsi humori. Vidistis causas formales. i. temperaturas, finales ipsas operationes, & quid sint spiritus, per quos anima immediate operetur: ita tandem considerauit suum subiectū quoad quid est & quale quid, sine aliqua probatione propter quid, Immo historice hoc tantum declarauit ut audiuiſtis anno superiori. Sed cognito tātum subiecto quoad quid est & quale, quid sequitur? sequitur quod si hoc tātum cognosceremus istud subiectū quid sit & quale sit, & propter quid sit, nullius scientiam penitus in arte medica haberemus, si non cognoscamus per sua principia subiecti passionēs, nihil enim aliud uult propria cognitio alicuius scientiæ, nisi cognoscere

gnosceret passiones proprias de suo subiecto per suas causas. Quomodo igitur Domini si anno tantum elapso nos considerauimus subiectum quo ad quid, et quo ad quale, possumus esse medici, nisi cognoscamus quantum artificio debeat ostendere passiones de suo subiecto? Ista omnia docentur. sicut enim iam declaratum fuit in prima Fen, subiectum quo ad quid & quale, ita in hac secunda Fen ostendimus, quæ sint passiones huius subiecti, quas causas habet secundum omne genus causarum, quibus signis deprehendamus. Igitur agitur in hac secunda Fen de dispositionibus omnibus tam naturalibus quam præter naturam, de causis, & de suis signis. Quibus habitis, habuistis hætenus primam partem huius methodi quæ dicitur scientia scientialis, uel pars Theorica quæ continetur in istis duabus Fen. Igitur non oportet si legimus primam Fen omittamus hanc secundam, quæ est perfectio primæ. Iam apparet manifeste quod intendebamus, quod ista Fen attinet ad partem Theoricam, in quibus est perfectio totius Theoricæ. Secundum erat propositum, quantum erat necessaria cognitio earum quæ traduntur in hac secunda Fen primi continuetur ita, ut huius, talis sit continuatio, ut sine hac non possumus peruenire ad artem medicam, ostenduntur in hac passiones de subiecto. Quartum quod erat propositum, Videlicet, quam sit necessaria & utilis ista Fen in arte medica. hæc omnia erant proposita. sed perficiamus totum discursum Auicennæ. Dicebamus igitur quod secundum quod erat à nobis proponendum,

erat methodus: uidelicet, quæ duas partes habebat. in prima parte dicebamus tractaturi artificium rectū cognoscendi passionēs de suo subiecto, & quod tota pars erat theorica: secunda pars in qua docetur methodus recte operandi & ista considerat ut conferuimus passionēs existentes in ipso corpore, & est ipsa sanitas. Exempli gratia, quæ debet conferuari. Recte igitur in tertia Fen tractat Auic. omnes modos, omnem artem conferuandæ sanitatis. Deinde erat altera pars operandi in ægritudine remouenda quando adest, quæ perfectissime tractatur ab ipso Auicē. in quarta Fen. Tertium erat inuenire per eandem methodum instrumenta quibus commode nos possimus peragere, conferuare & curare: quæ omnia tractantur in primo tractatu secundi libri. Ista methodus continetur in libris Auicennæ. Prima est ubi consideratur subiectum: alia pars methodi est discursus naturalis & doctrina: artifex discurrit: sed conclusio syllogismi est opus, in ista parte methodi habet suum artificium, sed ista methodus dirigitur in operationem, ideo dicitur practica scientia operabilis non sciētiālis & est in tertia Fen & in quarta primi, & practici deberent eā docere, sed cur dimiserint, uiderint illi, qui eam dimittant, teuentur enim eam prælegere ex statutis, sicut & quartam primi, quæ magis practica est quam nonus liber ad Almanforem, uel prima quarti de febribus Auicennæ, qui libri attinent ad Empiriam & experientiam potius. Nam ubi medicus dicit totum artificium medendi in prima, secunda, ter-

tia,

tia, & quarta Fen, nihil aliud ipsi deest, quam ut dirigat studia sua ad opus in rebus particularibus quod diuinus noster Auicenna fecit; nam ubi artificium in prima, secunda, tertia, & quarta Fen docuit, aggregauit tertium librum, ubi docet methodum illam uniuersalem applicare particularibus, & ideo ista ultima pars attinet ad eos, qui recte didicerunt methodum, postmodum accedant ad opus & magis studeant his libris quando uolunt mederi actu. Et si hoc ordine progredientur Scholares, per se possent exercere praxim. Sed si absq; eo quod didicerunt uniuersalem methodum, praxim addiscant frustra addiscunt, quia uolunt sine fundamentis fabricare, & sine alis uolare, & propterea meo iudicio pessime faciunt isti Domini practici qui non legunt quartam Fen primi. Hæc quantum ad uniuersalem discursum. quibus uisis nunc modo diuino auxilio implorante deuenimus ad declarationem huius Textus.

D I C E M U S quòd causæ) Notetis miram breuitatem ipsius Auic. statim enim aggreditur rem ipsam absq; continuatione aliqua, quam debebat continuasse per diexodon hoc modo. Cum in prima Fen huius primi libri proposuerimus quid sit subiectum in hac arte medica, quale etiam subiectum, appellauit propterea Auic. primam Fen, librum subiectorum medicine, ita enim ipsemet inscripserat: Consequens est ut nunc pertractemus de dispositionibus eiusdẽ subiecti & de suis causis, & de signis per quæ demonstrari possint huius causæ &c. Hæc est continuatio, sed
cum

cum sit ita brevis Auic. non occupatus de studio loquendi & elegantia, posuit tantum necessaria, statim aggreditur rem sine continuatione & dicit (Dicemus) Circa istam partem uos debetis primo annotare rectum discrimen Auic. qui separat distinctiones huius nominis causa, at medici considerant consideratione dialectici & physici naturalis, nam aliter dialecticus aliter physici naturales, aliter medici hoc nomine causæ considerant. igitur recte considerauit discrimen hoc, nam physicus causam proponit in quaduplici genere, Dialecticus præmissas causas conclusionum, non ita tantum considerat eam medicus, & quamuis Auic. ista quarta genera causarum præsupposuit tractans de singulis, ut audiistis superius, tamen medicus quando ad opus ipsum accedit nullam aliam causam considerat quam causam efficientem, bene considerat ex forma & materia causas intrinsecas morbi, sed quando uult curare morbum accedit ad causam efficientem, nam per remotionem causæ efficiētis, siue sit proxima uel coniuncta, immediata siue procatar tica licet procatar tica non multum ad partem curatiuam cōducatur. Semper tamen medici intentio est ad remotionem causæ efficientis; Idcirco medicus considerat causam efficientem principaliter. inde est quod Gal. in tertio libro artis parue ubi agit de causis morborum, de nulla alia meminit quam de efficiēte, proposuit illa sex genera causarum alternantiū, quæ causæ omnes sunt in genere causæ efficientis si uolumus conseruare sanitatem & ægritudinem remouere. Item in lib. The-

rap. causas efficientes tantum intelligit. ergo merito Auic. distinctionem causarum considerauit secundum medicorum, dialecticorum & physicorum considerationem distinctam & dixit (Quod causa in libris medicorum est) Causa est id quod prima est, si igitur nos uolumus esse medici & non physici, dicimus quod eum nihil aliud est nisi illud quod primo est, & ex quo prouenit inuentio alicuius dispositionis in corpore &c. ergo causa duas habet conditiones. Prima quod sit primo ante suum affectum: secunda quod ex presentia huius sequatur affectus. Ita duo requiruntur ad causam efficientem, quantum attinet ad medicum & nulla alia consideratio causæ requiritur ad causam efficiētem, licet multiplex sit apud metaphysicos & physicos igitur nos tanquā medici erimus contenti causa efficiente. Hic non quæro quomodo causæ se habeant ad suum affectum, quæ sunt quæstiones dialecticæ: nos non consideramus causam ut est relatiuū ad suum effectum, sed prout est productiua alicuius affectus. oportet primo ut sit causa efficiens in actu, ut producat effectum qui est in potentia, non potest prouenire in actu sine auxilio causæ: & ideo causa efficiens semper est in actu, & de ista loquimur nūc. Causa itaq; habet istam primam conditionem, ut sit primo; deinde efficiat hanc ægritudinem quam incurrit homo. Exempli gratia ex alteratione aeris et mala ratione uictus: semper enim præcedit causa suum effectum, ergo oportet ut causa primo sit, secundo oportet ut ex presentia ipsius sentire inueniatur dixit.

ca

2^a col. hom
et cap. di
h. a med.

xit. (Ex quo, prouenit inuentio) medice loquitur Auic. nec sufficit producere effectum, sed oportet ut inueniatur per sensum, nam medici non dant sanitatem, nisi sensibilibiter appareant operationes bonæ secundum naturam, non morbum, nisi sensibilibiter lædat &c. & semper secundum sensum determinant dispositiones existentes in humano corpore, non quod imaginentur; & ita bene dixit inueniantur. Ex quo apparet inuentio alicuius dispositionis, tunc erit effectus productus a causa apud medicos, igitur duæ conditiones causæ efficientis apud medicos attribuuntur. Primo ut sit proportio, deinde ex præsentia eius appareat effectus sensui. Deinde dicit (Aut eius fixationis) dimittam longas ambages modernorum, quibus occupantur circa hanc partem, nam si uellem omnes adducere, & adductos confutare, non hæc lectio sufficeret, sed pluribus opus esset, & tandem frustra laboraremus, credo etiam esse optimam uiam docendi, ut reiectis inutilibus quæstionibus rem ipsam arte & methodo tradamus (Aut eius fixationis) quid uult inuentio alicuius dispositionis in humano corpore, aut alicuius fixationis? fuerunt nonnulli, qui interpretati sunt, ita hunc locum, ut Auic. inteligeret de duobus generibus causarum efficientium, de genere causæ procacitarticæ, & de genere causæ antecedentis & dicunt quod causa procacitartica fiet, & apparent tunc dispositiones in humano corpore, ut si uerbi gratia quis comederet fructus multos immaturos, statim apparet dispositio præter naturam, non

tamen adhuc figitur, sed quando ista perseverauit, & cum antecedens mouetur, ita ut producat ægritudinem fixam & permanentem, illa est secunda causa quæ dicitur fixio. causæ. s. corporæ a qua dependet ægritudo illa est fixationis causa. Alij aliter interpretati sunt & dicunt q. Auic. respexit duo genera dispositionum. altera est dispositio κατὰ σκέσιν altera κατὰ ἔξιν. Dispositio κατὰ σκέσιν. i. per habitudinem quæ non est fixa in corpore humano, sed est lubrica dispositio. κατὰ ἔξιν est dispositio fixa. i. per habitum. Hæc duæ dispositiones in 5. de tuenda sanitate à Gale. exacte traduntur, licet alibi sæpe etiam. Merito igitur cū sint duæ dispositiones, oportet quod habeant causas diuersas. Alia est causa secundum habitudinem, alia est quæ inducit dispositionem fixam, & ita quocunq; modo uultis interpretari hæc expositiones non sunt alienæ à ueritate, eligatis modo, quam uultis. Iam intellexistis quid inuentio & dispositio fixa. Ista sufficiant ad simplicem expositionem huius literæ: nunc tantummodo declarabimus literam cras mouebimus difficultates aliquas si quæ apparebunt. deinde continuabimus reliquum textus.

LECTIO SECUNDA.

VIDEBAMVS in superiori lectione quemadmodum Auic. proposuerat tractare dispositiones illas, circa quas uersatur medicus in humano corpore:
quate

quatenus .f. sanabile & ægrotabile est, quæ dispositiones omnino genere sunt tres, primo sunt passionēs, deinde causæ, tertio symptomata, siue accidentia cōsequentia passionēs. Videbamus autem statim, quomodo tantummodo istæ sunt tres passionēs neq; plures neq; pauciores. Dum pertractaturus sit Auic. de istis, primo proponit intentū suum, deinde quod intenderat, exequitur. In propositione dicit, primo quid causa, secundo quid ægritudo, tertio quid accidentia, postea de singulis quibuscunq; pertractabit. Vidimus quid causa esset & explicuimus eam, sed quoniam supererant nonnullæ dubitationes quas promissimus nos soluturos in hac Lectione, prima Quæstio est, quæ oritur super hoc uerbo (Causa est id quod primo est) Isti moderni instant & dicunt q, causa intelligendo etiam de causa medicorum. i. de efficiente non est primo nisi natura tantū. & confirman tibus, quæ dicunt esse posteriores suo conseruato. si enim corpus conseruandum sit calidum in primo gradu, causa conseruans nihil aliud facit quam conseruare temperaturam illius primi gradus, & illa temperatura primi gradus adest, immo ante ipsam causam, ergo effectus præcedit tempore suam causam, ita causa potest esse prior natura non prior tempore. Dicimus modernos istos inter quos fuit præcipue Iacobus Forliuiensis, male assequutos fuisse & male considerasse effectum quem producit illa causa, nō enim causa efficiens conseruans producit temperaturam conseruandam, sed de nouo producit calorem, qui po-

stea

Istea est ille qui conseruat illam temperaturam, est enim calor noster circa cor cōstitutus in perpetuo fluxu & nunquā eadem sanitas permanet mane & sero ideo indiget conseruatione perpetua, ille calor est de illo quod de nouo accedit, ponatur ille primus gradus caloris qui sit conseruandus, conseruat hoc modo, cū causa conseruās generat calorem de nouo primi gradus, qui gradus conseruat corpus & calorem existentem prius conseruandum, ideo semper causa efficiēs producit non tantum natura primo, sed tempore etiā effectum si intelligamus de suo effectu adequato. hæc satis quantum ad solutionem huius primæ Quæstionculæ. Quæritur secundo & in ista quæstione erit aliquid notatu dignum in arte nostra, cur Auic. proposuerit ordinem istorum trium considerandorum in tota ista Fen incipiendo primo a causis, deinde deueniēdo ad dispositiones, tertio ad symptomata ducit in executione, in quo proposito non seruauit eundem ordinem, nunc de causa, nunc de ægritudine nunc de symptomate agit quæ nam est ratio suæ immutationis & Ista sua mutatio ordinis est secundum rationem: debetis scire duplicem esse ordinem in ipso, alium ordinem ipsius naturæ, alium doctoris docentis, Ordo naturæ est, ut illud dicatur esse prius quod est simplicius, & simpliciores sunt causæ quàm sui effectus. Seruando igitur ordinem naturæ semper debemus incipere ab his quæ sunt priora natura. ita ipse Auic. incipit primo de causis quæ simpliciores sunt, deinde progressus ad ægritudines. tertio ad symptomata cōsequentia

sequentia dispositiones. Sed alius est ordo doctoris docentis, qui non est idem cum natura. Sed ordo doctrinæ incipit ab his quæ faciliora sunt nobis cognitu. Est enim innata nobis uia, ut Aristoteles testatur progrediendi à notioribus nobis ad ea quæ sunt notiora Naturæ: non enim eadem sunt notiora nobis quæ naturæ, naturæ enim notiora sunt illa quæ magis sunt simplicia & distincta, nobis autem notiora sunt magis composita & confusa. Ergo ordine doctrinæ semper à confusioribus incipiemus, in ordine naturæ semper à simplicioribus. Optime ergo Auic. proponit ordinem naturæ, & ostendit quæ priora, & quæ sunt posteriora, quia nihil tunc docet, sed proponit, ubi postea uult docere incipit ab his, quæ sunt priora nobis. s. ab ægritudinibus, quæ sunt notiores nobis, postea progreditur ad causas. Ultimo ad symptomata. Diceret aliquis si à notioribus incipiendum est, ergo à symptomatibus, quæ sunt longè notiora quàm ipsæ dispositiones, nam per accidentia deuenimus in cognitionem ipsarum dispositionum, ergo ab accidentibus debemus incipere ordine ipsius doctoris. De isto ordine dicemus inferius, quare primo loco ponat ægritudines, & ultimo loco symptomata. Vt autem melius noscat is istum ordinem essentialem qui est inter ipsas causas dispositiones & accidentia, & recte cognoscatis à natura rei quomodo in corpore humano sanabili & agrotabili, non possunt esse plures neque pauciores. Audiatis discursum Galeni. Primo est supponendum quod est physicorum, quod corpus humanum


humanum & omnium animalium quamdiu uiuit tam diu est in perpetuo fluxu, & motu, & perpetua alteratione, & nunquam secundum rationem idem est mane & sero. Istius perpetuæ alterationis multe sunt causæ: Primo intrinseca. est enim corpus nostrum compositum ex contrarijs principijs, quæ inter se contraria sunt, unde perpetua actio & passio, & destruunt seipsa mutuo, ergo ratione propriæ materiæ est in perpetuo fluxu corpus humanum. Deinde necessario suarum operationum hoc contingit, ut animales cerebri, uitales cordis, naturales hepatis sint in perpetuo labore & motu, ex quo fit maior destructio & consumptio caloris naturalis, & hinc ista perpetua mutatio. Ratione instrumēti proximi, qui est calor & spiritus propter plurimas motiones est in continuo motu. A causis extrinsecis etiam ab aere, cibo &c. est necessarium ut corpus perpetuo alteretur. posita ista necessitate mutationis est necessarium quod ponatur causa omnis alterans, & motus, nihil enim mouetur & alteratur ex se ipso: oportet igitur quod sit motor qui sit in actu, & præcedat natura & tempore ipsam mutationem & alterationem. hic est alteratio, ergo ipsa intentio & huiusmodi alteratio si comparatur ad motorem tamen, est actio, si ad rem alteratam dicatur passio, igitur huiusmodi alteratio ad humanum corpus relata est passio. ista potissimum alteratio ad humanum corpus relata, consideratur à physico naturali. Notetis separationē inter istas duas scientias, ut sciatis quan-

do uultis esse medici, quando physici. Huiusmodi ergo alteratio & passio aliter debet considerari à physico naturali, & aliter à medico. Passio quæ fit ab humano corpore si consideretur à physico naturali, nunquam eadem est, quàm diu uiuit animal tã diu alteratur. Igitur non possumus assignare terminum aliquem: non est forma certa, sed semper tendit ad alterationem, quæ consideratio non attinet ad nos; Medici considerant passionem hoc modo, ut per istum motum continue acquiritur aliqua certa forma ac certus terminus, qui talis est, ut inde proueniat sensibilis operatio secundum naturam. talis habitus causatus a causa alterate appellatur, sanitas: quum uero fit oppositum et ex actione illa requiritur terminus et si sensibilibiter lesio operationum appellatur ægrotudo. Ita in ista dispositione requiritur terminus siue naturalis siue non naturalis qui terminus licet habeat magnam latitudinem quia non consistit in eodem, tamen medicus non eam considerat, sed totam latitudinem appellat uel sanitatem uel ægrotudinem quia medici sunt artifices sensibiles & non iudicant nisi quod sensu apparet. Videtis igitur huiusmodi alteratione & motum quomodo se habeat & quem terminum requirat secundum medicos, nam in quolibet motu est terminus & transitus de uno subiecto ad aliud, ut quinto physicorum 7. Textu. et ea forma apud medicos satis est, licet in motu & in ulteriori gradu sit apud physicos, tamen dicitur sanitas uel ægrotudo. Hactenus habetis ex ipsa rei natura causas, quæ efficientes dicuntur uel

uel sanitatis uel ægritudinis quæ perpetuæ sunt circa corpus humanum. quæ semper adsunt uel adiuuando uel nocendo, prout illæ corpori occurrent. Illas modo dispositiones necessario sequitur quædam symptomata ut umbra corpus, nam ubi illæ dispositiones uel sanitatis uel ægritudinis sequuntur operationes uel bonæ uel malæ. Præterea quod sequitur in colore uel de asperitate uel de naturali potentia et impotentiâ et sic de reliquis hmōi. Ista accidentia dñr ab ipsis dispositionibus & sequuntur eas tanquam umbram corpus. Videatis ordinē essentialem naturæ, causæ generant dispositiones et præcedunt actu naturæ, & tempore, ipsæ dispositiones siue naturales siue nō naturales produciunt sua symptomata, quæ quidem symptomata ut melius infra dicemus quandoq; simul lētīm necessario generantur cum suis dispositionibus. quandoq; postea consequuntur, & habent sua distincta nomina apud medicos, ut melius postea disquiretur à nobis. Sufficit nunc ut sciatis quò tēditis & quò progredi debeatis. His uisis apparet quomodo causa præcedat naturæ et tempore dispositiones humani corporis, uidetis etiam licet causæ præcedāt naturæ dispositiones, quare in executione à dispositionibus debemus procedere quia notiores sint. Hæc satis de ipsa propositione de causis accedamus modo ad ipsas dispositiones siue præter naturam siue secundum naturam. loquitur hic Auic. tantum de ægritudine quam tantum proponit non de sanitate (Ægritudo est dispositio) debetis super hoc uidere & cognoscere, quod Auic. tantum

hic proponit quod uult tractare & exequi postea, dixit de causa, nunc de ægritudine: definit primo ægritudinem, nam à definitione omnis cognitio oritur à qua etiam omnes passionēs innotescunt nobis. (Ægritudo est dispositio non naturalis in corpore humano: ex quo essentialiter prouenit læsio operantium prouentu primo.) Ista definitio fuit quoq; Galeni hæc eadem in primo de definitione morbi, & est optima. Definitio postea sanitatis est contraria, quia contrariorum eadem cognitio. Quoniam hic ponitur dispositio loco generis remouē dum est unum dubium, in quo implicantur moderni, & ita ut nesciant se explicare ab ipso. Cum primo uident à Galeno & ab Auicenna ægritudinem definitam esse per genus hoc. s. per dispositionem, quæ est in primo genere qualitatis: & postea uident apud Galenum & Auic. quòd ægritudo uel est mala compositio, uel mala compositio uel solutio unitatis, & uident quòd mala compositio ut figura indecens aut numerus non potest referri ad dispositionem, quæ est in primo genere qualitatis, & implicant se, & fiūt admodū anxij, quomodo mala figura in humano corpore sit dispositio, quomodo sextus digitus in manu sit dispositio, unde coguntur postea dicere, & hæc est communis solutio omnium modernorum, hoc intelligitur multipliciter, dupliciter, tripliciter, & est ut uulgo dicitur la praga, del coion, ita semper soluunt suas dubitationes ut hoc quandoq; intelligitur Strictè prout est in primo genere qualitatis, quandoq; largo modo,

modo, & sic intelligimus etiam quando quis habeat
peſſimam figuram, eſt male diſpoſitus, & ita largo
& ſtricto modo iſti ſunt male diſpoſiti, et ita credunt
ſolutum eſſe dubium quæ omnia etc. male intellectu i-
pſius naturæ rei oriuntur, nam ægri- tudo non eſt ma-
la complexio, non ſolutio continui, ſed ægri- tudo
eſt in mala complexione in mala compoſitione etc. et
in hoc decepti ſunt iſti miſeri. Sed non credatis mihi
neq; diſcurſui noſtro, neq; authoritati meæ, oportet
declarare vobis à quo proficiſcatur ſanitas et ægri- t-
do. Sic diſcurratis ergo ut optime Gal. diſcurrit pri-
mo, de diſf. morb. capite primo, ita diſcurrebat ut in-
ueniret ueram eſſentiam morbi et ſanitat- is. Incipit
Galenus ab his quæ omnes conſentunt, et in quibus
nulla eſt diſcrepan- tia, ita uos facere oportet quando
uultis reducere hominem ad cognitionem alicuius rei
ut a notioribus incipiatis et ab his quæ omnibus mani-
feſta ſunt et nota. Certum eſt inquit Galenus ubi inue-
niuntur actiones corporis incorruptas, quòd omnes
homines appellant ſanitat- em hanc diſpoſitionem, con-
trarium ægri- tudinem: nemo enim eſt, qui cum uiderit
hominem recte diſcurrere, mouere ſicut oportet, be-
ne concoquere, appetere cibum, bene excrementa
egerere, et ita tandem omnes ſuas operationes tam
animales quàm uitales et naturales habere non impe-
ditas uelit contradicere iſtum hominem non eſſe ſanū,
quando uero oppoſitum uiderit, non dicat illum eſſe
ægrotum. Ergo in hoc conueniunt omnes, ut ap-
pellent hominem ſanum, quando uident operationes



in eodem corpore sanus; quando uero uident operationes eiusdē corporis esse uiolatas appellat ægrum. Stante hoc fundamento, tunc est necessarium, (discursus adiuuat sensum) ut ista sanitas uel ægritudo sic uel in ipsis actionibus, uel in causis immediatis, quæ faciunt actiones. si. n. ex actionib. desit et sanitas et ægritudo. Iste est sanus et rectus et necessarius discursus, In actionib. non est dicendū esse sanitatem uel ægritudinē, nā si sanitas et ægritudo essent in actionibus, sequeretur quod homo dormiens qñ habet impeditas operationes motiuas diceretur æger non sanus, si actiones essent illæ in quibus inueniretur sanitas et ægritudo. Propterea ubicunq; uideremus actionem aliquam ualde fieri, diceremus hominē sanum circa motiuam uirtutem, cum tamē sit maxime æger: ergo in actionibus non proprie dicitur esse neq; sanitas neq; ægritudo. Sed oportet in causa immediata a qua proueniūt operationes sit illa quæ uel leditur, uel sit robusta, tamē illud corpus dicetur sanum uel ægrum, quando causa immediata operationum sit secundum naturam uel præter naturam. Sed quæ est ista causa immediata operationum? Gale. in lib. de facultatibus naturalibus dicit, quod à facultatibus et uirtutibus immediate proueniunt operationes. Hoc idem dicebat Aristoteles secundo de anima, ubi ponit tria determinata, obiectum, operationem et facultatem quæ se inuicē consequuntur. ideo semper actio à uirtute prouenit, siue secundum actiones. Virtutes distinguuntur ut uidistis apud physicos, et nondum apud medicos. Sūg
igitur

igitur ipsæ facultates, à quibus immediate procedunt actiones, & causa immediata actionis est ipsa facultas. Ut uisus immediate provenit à potentia uisiva, sic auditus immediate à uirtute & potentia audiua, ita tandem uidebitis hoc idem fieri in omnibus actionibus nature, quæ proveniunt à diuersis facultatibus ut declarauimus anno elapso, quando legebamus caput de uirtutibus. Vnde si causa immediata (notate quia ex discursu isto tota natura egritudinis & sanitatis apparebit) est ipsa facultas, ista facultas autem uitatur, quantum attinet ad rationem formalem, uel ut illud uitium sit fluxum non permaneat, uel sit fixum & stabile. Si primo modo, ut quando homo est intentus ad aliquam rem, & habet uertiginem & obfuscationem quandam, est quidem fluxus sed statim recedit, est fluxus quidem qui cito præterit, ille homo non dicetur habere egritudinem, si statim euanescat & non redeat. sed si hoc uitium permaneret, dicetur fluxum esse uitium. Oportet quod istæ operationes non sint fluxæ, sed permaneant. Ergo huiusmodi uitia quando sunt fluxa, neq; talia uel talia appellantur, sed quando habent permanentiam, tunc habent denominationem. Sed quando modo uitantur, Facultas quid est? facultas est actus alicuius corporis organici, eadem enim ratio est de parte, quæ de toto. Anima est actus ergo & facultas quæ est pars eius actus, & ita cum facultas nihil aliud sit quam actus corporis, & corpus sit quod operatur, quia actio est compositi, non enim ut ex Arist. scitis, anima

aut intelligit, aut textit aut operatur, sed corpus cōpositum: operatio enim non fit à forma simplici, sed à forma composita. Facultas igitur est in aliquo, quia est actus alicuius corporis. Cum igitur sit actus, quæ est causa propter quā patitur facultas? patitur quia suum instrumentum est quod afficitur: si enim actus corporis non potest agere nisi secundum bonam dispositionem corporis & stabit in quo est, ut Galenus testatur in libro suo quod animi mores sequantur. Igitur ista facultas non operatur, nisi secundum instrumentum cui est actus, sit bene uel male affectum: ergo erit uel aegritudo, uel sanitas, quando. s. instrumentum proximum bene uel male afficitur. Ista affectio instrumenti potest esse bona uel mala uel ratione complexionis, quia est secundum naturā uel præter naturam. Oportet enim unumquodq; membrum si debet ista operari ut habeat bonam complexionem, si modo afficiatur ista complexio, pro gradu uitij fiunt aegritudines quia pro gradu complexionis uitatur facultas, à qua proueniunt operationes. Vitiatur facultas, ergo instrumentum suum afficitur uel propter malam compositionem, cum enim membra sint in duplici differentia, quædam simularia, quædā organica ergo diuersa mēbra, diuersas patiuntur res præter naturam. quæ enim sunt partes similes, ut caro, in carne uerbi gratia, sit mala complexio, in mēbris organicis, sit mala compositio, quotiescunq; non habebit debitam figuram, quantitatem non conuenientem, numerum incongruum suarum partium, ut est

sextus

*sex*tus digitus in manu, dicitur istud uitium in compositione, uel igitur in compositione, uel in complexione erit uitium. Postea est tertium uitium in solutione continui, ubi inciditur, et separatur, quod est continuū, ut dislocatio, uel ulcus aut uulnus erit istud tertium genus, quod reuera deducitur ad compositionem ut uidebitis melius. Videbitis igitur quomodo sanitas et ægrotudo est in facultate, quando acquirit dispositionem, quæ talis est ratione sui instrumenti propter suam complexionem compositionemq;. Operationes igitur læduntur: quare? quia uitiatur facultas, & acquirit malam dispositionem: quare? quia instrumentum eius est actus uitiatum: quomodo? uel quia accedit mala complexio, uel mala compositio, uel soluta unitas, nec ullum aliud est genus quod possit facere ægrotudinem quàm ista tria. uidetis quid sit ægrotudo formaliter, est dispositio, dispositio est in primo genere qualitatis, est dispositio. Quare medici definiunt ægrotudinem per dispositionem & non per habitum? quia medici distinguunt habitum à dispositione circa ægrotudines: nam quando ægrotudo est curabilis, est dispositio simplex, sed quando efficitur incurabilis: ut hectica, quæ habituata est, & in tertia specie habet habitum, hinc est quod hectica dicitur fixa illa intemperies calida uel sicca, uel etiam frigida & sicca, ut hectica senectutis, dicitur ægrotudo per habitum est fixa permanens, & quia unusquisq; habitus habet dispositionem, nam quodcunq; habituatum est dispositum, non autem e contra, ergo recte dixit

dixit Auic. (Aegritudo est dispositio) non habitus, quia sunt quaedam aegritudines, quae non sunt habitus, qui non nisi cum maxima difficultate possunt medicari. Aegritudo ergo est dispositio, ergo est affectus in facultate ergo subiunctiue est in membro, formaliter in anima, et parte animae, nam cum natura sit actus corporis, afficitur propter animam quae subiunctiue est in corpore, sed formaliter est in ipsa facultate, ita aegritudo est dispositio. Et ubi est ista dispositio? Notetis quoniam Auic. est affectus terminum. (In corpore humano) subiunctiue non formaliter, est enim aegritudo uitium facultatis, sed subiunctiue est in ipso corpore, cuius corporis anima siue facultas est actus. Ex quibus si recte meministis eorum quae proposuimus in discursu nostro, qui est Galeni facile est uidere omnem sensum huius diffinitionis, (A Q V O essentialiter) essentialiter prouenire dicitur ab alio quando dependet à propria essentia, a ratione sua intrinseca, ut risibilitas essentialiter prouenit à rationabilitate, quia à principijs intrinsecis rationabilitatis prouenit risibilitas (ut motus etiam mediante forma hominis) ita à uitio facultatis non propter aliud sed a se primo prouenit lesio operationum, merito ergo dixit. (essentialiter) Et primo, quia multa essentialiter etiam per aliud proueniunt, et non motu proprio, ut motus mediante forma hominis. Sed ab aegritudine prouenit primo et essentialiter lesio operationum, nihil mediat inter lesionem et uitium facultatum et operationum.

rationum. (Aegritudo igitur est dispositio non naturalis &c.) Hic domini remouendum est unum dubium modernorum.

LECTIO TERTIA.

EXPONEBAMVS in precedenti lectione secundum propositum Auic. proposuerat enim tractaturum in ista Fen tria illa contingentia circa corpus humanum, Causa, morbus, symptoma: declarauimus suum propositum quid esset aegritudo definit enim singula prius ut omnia diligentius postea pertractet. Circa illam definitionem aegritudinis satis omnia diligenter pertractauimus, quomodo sit dispositio non naturalis &c. Verum supererat quod interuentu horae non potuimus explere. super enim eo uerbo (essentialiter) isti moderni dubitant, & aliter exponunt quam ego exposuerim, nos enim diximus intelligi symptomata seu actionem lésionis essentialiter prouenire ab ipsis aegritudinibus immediate effluit actio lésa, ut ab rationabilitate defluit risibilitas essentialiter. quae est propria passio à suo subiecto fluit, ita quoque actionum lésiones defluunt à suo subiecto essentialiter. Moderni aliter interpretantur, praecipue Iacobus Forliuensis, qui dicit essentialiter lésionem actionum emanare ab ipsis aegritudinibus respectu ipsarum aegritudinum quoniam si aegritudines essentialiter sunt in ipso membro, ita ut non respectu actionis lésae essentialiter, sed quare essentialiter & quia aegritudo est essentialiter, ita exponunt isti, dicunt

cunt nocumentum actionum tripliciter contingere
 posse in corpore, uel quando ægritudo est essentiali-
 ter in ipso corpore, uel quando ægritudo essentiali-
 ter est in aliquo membro, ut quando ægritudo effici-
 tur per essentiam in aliquo membro, & sit apostema
 ratione cuius apostematis læderetur actio. istud apo-
 stema est essentialiter in membro, & in illo membro
 ægritudo est essentialiter, non propter aliud, iste est
 primus modus, quando. s. ægritudo est essentialiter
 in aliquo membro. Secundo modo, nocumentum ac-
 tionum potest prouenire, quando ægritudo non est
 per essentiam, sed per consensum, & quando non af-
 ficitur membrum principaliter in seipso, sed per con-
 sensum alterius, ut uertigo in capite per consensum
 à uentriculo, quæ uertigo ægritudo est, non princi-
 paliter in uentriculis cerebri sed nocumentum sit pro-
 pter consensum uaporum ascendentium à uentriculo
 ad caput, unæ sit uertigo illa quæ ægritudo est per
 consensum in cerebro, in hoc quoq; ægritudo est im-
 pedimentum in actionibus sed ægritudo non est essen-
 tialiter in membro. Tertio dicatur læsæ operationes
 & fieri nocumentum non propter ægritudinem siue
 per essentia siue per consensum, sed quando aliquod
 membrum ligatur, & impeditur, ut quando ligatur
 manus, non potest mouere se, tamen illud impedimē-
 tum non est ægritudo, neq; per consensum neq; per
 essentiam. Istis tribus modis dicunt fieri impedimen-
 tum in actionibus, & quantum ad istam suam diuisto-
 nem omnia uera dicunt. Modo quando dicunt quod
 essentia=

essentialiter fit impedimentum in operationibus propter ægritudinem non posse intelligi nisi primo modo, non quando est ægritudo per consensum. Ita ut si exempli gratia appareant omnia moueri & sit impedimentum operationum cerebri non tamen est essentialiter ab ægritudine cerebri, sed propter consensum uentriculi, ergo essentialiter tantum respectu ægritudinis essentialiter existentis in aliquo membro. Volunt isti quod ipsum accidēs uel læsio operationum essentialiter ab ipsa ægritudine ut ego dicebam, quia posita ægritudine, siue per consensum, siue per essentiā, dixi essentialiter prouenire impedimētum operationum. Et in hoc maxime errant, et est contra Galenum. Galenus enim illos irridet qui dicunt non esse ægritudinem in membro quando est per consensum, sed quando egrotat, oportet quod habeat propria sua symptomata, quæ effluunt à morbo essentialiter, quia ubi morbus, statim adsunt symptomata (quæ effluunt à morbo essentialiter) consequentia. Posito ergo morbo semper impedimētū sequitur et semper fluit à mala dispositione primo prouentu & essentialiter: & ideo est mala expositio illorum, & contra mentem Galeni. Audiuitis utranq; expositionem, eligatis modo quam multis. Sequitur postea Auicē. (ET B S T A V T complexio non naturalis, aut compositio non naturalis) Notetis super hoc uerbo. Iste modus loquendi induxit ut diximus in præcedentibus lectionibus omnino modernos maxime errare, & confundi, nam reuera ægritudo non est

com-

complexio siue compositio, sed uel in complexione uel compositione consistit, & ille modus non est tantum apud Auicem. sed apud Galenum etiam, ubi dicit morbos esse malam complexionem malā compositionem &c. et apud Aristotelem quoque, qui dicit, morbos alios esse calidos, frigidos, humidos & siccos, et ita omnes isti referunt morbos uel ad qualitatem, uel compositionem, uel solutionem continui. Sed isti nō ita uolunt, nam Gale. primo de differentiis morb. dicit in esse complexionem, sed postmodum ostendit facultatem uitiatam habere illam dispositionem, & esse in membro, in complexione esse morbum, & non esse formaliter complexionem. Circa quod ut recte intelligatis omnino debetis primo presupponere complexionem in singulis quibusque esse in quolibet membro subiectiue, sed quando consideramus egritudinem & sanitatem, consideramus rationem formalem, quia ratione formæ fit definitio; igitur quando definimus, abstrahimus & consideramus rei naturam formalem, quam definimus. Ratio formalis egritudinis est mala dispositio facultatum, si præter naturam est non naturalis, si naturalis est sanitas, ratione cuius sequitur, sanitas uel egritudo. si enim naturalis statim operationes immediate prodeunt secundum naturam, si in facultatibus sunt dispositiones præter naturam immediate operationes præter naturam emanant. Ergo nihil aliud est egritudo nisi mala dispositio præter naturam in facultate, qua stante sequitur impedimentum operationum. Modo quomodo uitia-

tur facultas: de se non uitiatur, quia est impassibilis ei actus incorporeus, sed subiectum uitiatur, quia uitium eius est in subiecto, quod non potest esse nisi in triplici genere, uel quia accedit mala complexio, uel mala compositio, uel solutio continuitatis, ubi aliquid istorum accedit, uitiatur instrumentum & fit impedimentum actionum & læditur facultas, Sequitur læsio facultatis, sequitur uitium in actione. Istis tribus positis formaliter, quid erit ægritudo? læsa dispositio facultatum uitiata, subiectiue erit mala complexio membri, quia ratione facultatis ægitudinis est uitium subiecti in quo est huiusmodi ægritudo, est membrum quod non uitiatur nisi uel propter malam complexionem, uel compositionem, uel solutionem continui. Quando igitur dialecticè & theoricè consideramus essentiam morbi, dicimus quod ægritudo est uitium facultatis, sed quando curamus, non curamus facultatem, sed malam complexionem, malam compositionem, & solutionem continui, quia illud est proprium subiectum morbi. Et quemadmodum febres essentialiter distinguuntur à suis subiectis, ita quoque morbi essentialiter distinguuntur à subiecto, et dicimus malam esse complexionem, malam compositionem &c. non quod formaliter sit hic, sed potius quod membrum ita complexionatum efficitur ineptum, ut facultas non sit secundum naturam, & impedita inducat læsionem facultatis. Ita his recte intellectis facile responderi potest obiectionibus modernorum.

Cum enim uident ex una parte membrum esse ex ge-

uere

nere qualitatis, ex altera parte uident compositionē ex genere quantitatis, se implicant isti miseri, & dicunt, quod ægritudo quandoq; est in genere qualitatis, quandoq; in genere quantitatis, & sic quandoq; erit subiectum ægitudinis formaliter, ut lapis in uestica, sextus digitus in manu: & si lapis in uestica formaliter esset ægritudo sequeretur, quod ægritudo esset in substantia & etiam sextus digitus. Quandoq; ægritudo esset quātitas et magnitudo lingue ut de Nili macho Galenus scribit. Illa enim magnitudo si esset formaliter ægritudo esset quantitas. Interdum in statu ut solutio continui, luxatio membrorum, et sic ægritudo esset transcendens quoddam, et nullum haberet genus proprium, et sic non esset uerus discursus à Galeno traditus, in primo de differentijs morborum, cum ait, quod ægritudo uel est actio læsa, uel causa immediata etc. non actio læsa, ergo facultas et causa immediata, et tūc neq; esset hoc uerum, quia neq; actiones læsæ, neq; immediata causa, immo potius mala complexio quæ uitiat actionem. Ita tenentis ægrotationem formaliter esse dispositionem nō naturālē, et sic est in genere qualitatis, postea subiectiue est uel mala complexio, uel mala compositio, uel solutio continui, quia ut sit ægritudo oportet q. denominetur, quod habeat istorum trium, uel malam complexionem, uel compositionem malam, uel solutionem continui etc. et medicus non curat rationem formalem ægitudinis sed uitium facultatis, uel malam complexionem etc. Ita bene dicunt Medici quando

do attendunt tantum subiecto ægritudinis, quod ægritudo est mala complexio, propter subiectum immediate corporis, uel malam complexionem, uel solutionem continui uel &c. quando non possunt habere hoc nomen commune. dispositiones. Hæc satis pro remotione huius dubij. (E.T. accidens est res.) Modo proponit Tertium, quia tria proposuerat. Dictum est de causa quantum ad propositum, quia diligentius de singulis postea dicetur, dictum de ægritudine consequens erat, ut de accidentē ageret. Circa hoc oportet q̄ conueniamus prius in nominibus. Debetis scire apud Medicos quatuor nomina uersari in hoc negotio, in quibus est magna confusio: est symptoma, accidens, passio, signum. Conuenientia et differentia consideranda est à nobis. In hoc cōueniunt ista quatuor quod semper accidunt corpori, & non sunt de essentia corporis, quibus accedunt magna: postea est differentia. Primo inter accidentia & symptomata, Accidens dicitur de quacunq; re siue naturalis sit, siue non naturalis, quæ accedit humano corpori, & non est de essentia corporis, ut albedo in corpore est accidens, tamen non est symptoma, est enim accidens contingens illi temperaturæ, propter suas rationes, quas non oportet hic tractare, consequitur temperaturam tamen non est symptoma. Symptoma non est de re naturali, sed de illa quæ est præter naturam. Et Galenus primo de differentiis symptom. cap. primo. Igitur Symptoma semper de re præter naturam erit, Accidens

de re naturali &c. Verum igitur est dicere quod omne symptoma est accidens, sed non omne accidens est symptoma, Nulla igitur alia differentia est inter accidens & symptoma. Modo distinguuntur accidens et symptoma à passione. differt primo ab accidente, quia sensus est in quodam, pati tamen est naturalis, passio est dolor accidens corpori, & non est naturalis: ergo passio dicitur tam de re naturali, quam non naturali, & in hoc cum accidente passio conuenit. Differt in eo quod passio motum et passionem denotat, est semper in motu, in perpetuo motu, illa alteratio quæ dicitur motiua est passio, accidens autem dicitur de re permanente, ut albedo est accidens in corpore, sed non est passio, quia passio tantummodo dicitur re fluente. Ista quoque est distinctio ipsius Gal. primo de differentiis sympt. Quomodo signum? A nullo istorum differt nisi secundum relationem, nam signum est in genere relationis, et est respectu alicuius signati: in quantum enim ad aliud refertur, in quo libet dicitur esse signum, et albedo naturaliter existens in corpore dicitur signum, quando indicat temperaturam humidam respectu illius quod significatur. Dicitur etiam symptoma signum in eo quod aliquid significat, ubi dolor ibi egritudo, dolor significat hic egritudinem. Passio quoque dicitur signum, quando in corporis parte significat aliquid. Igitur quantum ad interpretationem nominum quod symptoma, accidens, passio, et signum, satis sit. Ista omnia postea habebitis optime à Galeno declarata. Positis et
 decla-

declaratis nominibus singulorum, quod accidens tam
 de re naturali quàm non naturali dicatur, & sym-
 ptoma de re præter naturam tantum dicatur, cum
 symptoma in ampliori significato accipitur, tum de
 causa morbi quàm de morbo ipso, & symptomate,
 quia causa morbi est præter naturam, & morbus ipse
 est præter naturam, & deinde dicitur symptoma
 quicquid accidit corpori humano præter naturam,
 sed hoc in ampliori significato. Sed prout proprie
 medici accipiunt, significat non causam, non egri-
 tudinem, sed illud quod sequitur egritudinem quod
 ἐπιγένεμα à græcis dicitur, quasi illud quod genera-
 tur, post generationem morbi, & sequitur morbum,
 qui procedit natura symptoma. ubi iam habuerimus
 hoc, quod nomen symptomatici sit, eo quod sequitur
 morbum præter naturam, habito hoc dicimus, quod
 de hoc symptomate est loquendum in tota hac Fen:
 & de hoc intelligimus. Sed quare Auic. appellauit
 accidens? Domini, non fuit culpa Auicennæ quod
 usus fuerit hoc nomine, sed interpretum, quia Aui-
 cenna est elegantissimus in sua lingua, ut nullus Ara-
 bum, est eloquentissimus & utitur maxima proprie-
 tate loquendi, sicut mihi retulit D. Diegus Orator il-
 lius Imperatoris, quod in publicis Scholis Auicenna
 propter linguæ ornatum, sicut apud nos Cicero &
 Boccacius apud nostros uulgares prælegit. Ergo
 qui traduxerunt Auicennam traduxerunt accidens
 pro symptomate: uos non curetis de nominibus, græ-
 ci dicunt symptoma, & sic constat de nomine. Ha-

bita consideratione nominum dicit. (ET accidens est res.) Notetis, modo exponit quod sit accidens, uos accidens pro symptomate intelligatis & definite modo, ut Galenus & dicit, quod symptoma est quod sequitur morbum, & est præter naturam; igitur debet esse accidens, habet illas duas conditiones, & quod sequatur morbum uel tempore, uel natura, uel utroque. quia multa sunt symptomata quæ non sequuntur tempore, sed simul fiunt cum morbo, sed sunt posteriora natura, & oportet quod sit præter naturam & ipsum symptoma sequatur morbum & fluat ab essentia morbi; ut umbra corpus, si morbus est præter naturam, ergo ipsum symptoma erit præter naturam. Modo addit (SIVE sit naturali contraria, siue non) istud symptoma sit quod necessario est præter naturam, sit uel contrarium naturæ uel non contrarium naturæ, semper est præter naturam. Modo quandoq; contingit, ut non tantum sit præter naturam, sed contra naturam, quandoq; non est contrarium: Adfert exemplum ut dolor in Colica qui est accidens, & sequitur morbum, & est præter naturam, & non tantum præter naturam, sed contra naturam. Rubedo maxillæ est accidens sequens morbum Peripneumoniam & est præter naturam, non tantum contra naturam. Sed ut melius intelligatis, oportet tractare primo quid sit Colica, deinde quid peripneumonia. Colica est morbus in eo intestino quod dicitur Colica, ut uidistis in Anatome, contigit quoddam genus ægritudi-

ægritudinis in eo membro quod Colon appellatur, &
 istud colon potest esse in triplici genere morborum,
 uel quia accedit mala complexio, uel mala composi-
 tio, ut obstructio propter plurimas feces, ut non pos-
 sit uirtus aliquid distribuere, uel quia soluitur conti-
 nuum & fiat erosio, unde causatur dolor acutissimus
 quia membrum ualde sensibile, colica ergo est in illo
 membro, ad quod semper sequitur necessario dolor.
 Peripneumonia autem est apostema calidum in cor-
 pore pulmonis, unde sæpe fit transmutatio de pleuri-
 tide, quæ est apostema calidum in membrana costa-
 rum, peripneumonia est in corpore pulmonis, unde
 sæpe fit transmutatio de pleuritide ad peripneumo-
 niam & e contra. Hæc per capita tractantur. Hoc
 apostema calidum cum sit in pulmone est necessarium
 ut plurimi uapores ascendant ad maxillas unde rube-
 do apparet. Postea debetis scire, quod dolor est sub
 genere sensationum quia dolor est in sensu: sensatio
 est genus suum quod in se est indifferens ad dolorem
 & delicias: delicia est sensus cum iucunditate, dolor
 est sensatio & sensus tristis cum asperitate, ergo sunt
 duo contraria sub eodem genere. Iste dolor est totus
 præter naturam & dicitur dolor genus subalternū,
 quia habet multa sub se genera, ut secundo de locis
 affectis. Et dolor est quoddam genus per se, quod qui-
 dem genus est omnino præter naturam, & ubi dici-
 mus dolorem, dicimus rem præter naturam. Vbi igitur
 est species doloris, dicimus esse ex toto genere
 præter naturam. Quia si sumatur totum genus, &

quæcunque species sub eodem genere, est præter naturam, ita quod differentia specifica doloris est, quod si præter naturam, Rubedo est species coloris, qui color non est præter naturam, ergo neque rubedo in se erit, sed efficitur præter naturam, quotiescunque uariatur modus rubedinis in hoc uel in illo, dicitur præter naturam, nam rubedo in his qui sunt sanguinei non est præter naturam, imo est morbus hic quando non rubent, & est præter naturam, sed aliqua rubedo talis erit, ut sit præter naturam ut in maxilla; cum alioquin in suo genere & specie non sit præter naturam. Et ita uidetis quid dicat Auic. est iam facilis iste textus, rubedo non est ex toto genere præter naturam, sed illa in maxillis existens, quia est a causa præter naturam existens, cum tamen suum genus non sit præter naturam, sed quia ut diximus, prouenit à causa non naturali. (CAVSAE exemplum est putredo.) Vt melius intelligeretis quod intendit adfert exempla singularum, & quia ægritudo, causa, & symptoma possunt esse triplici genere, & quia triplex est genus morbi, in complexione, compositione, & solutione continui, & quia unusquisque horum morborum habet suas causas & symptomata. Igitur Auic. adfert singulorum exempla ægritudinis in complexione de causa, symptomate, & ægritudine deinde in compositione, tertio in solutione continui. In complexione dicit. (Exemplum causæ est putredo, exemplum ægritudinis est febris. Exemplum accidentium est sitis

fitis & dolor capitis .) Circa hoc debetis scire ,
 quomodo putredo sit causa . Primo sciendum est , cau-
 sarum quasdam esse procatarticas , quasdam anteceden-
 dentes uel corporeas . Procatarticae dicuntur primi-
 tiuae quae extrinsecus contingunt , ut occursum aeris ,
 praeter modum , accidentia animi , cibis & potus , som-
 nus &c . & sex istae res non naturales accidentes hu-
 mano corpori dicuntur causae procatarticae quae fa-
 ciunt morbum quando sunt praeter naturam : corpo-
 reae sunt illae quae intrinsecus sunt in corpore huma-
 no , ut humores crudi uel alij humores deprauati in
 corpore . Istae causae corporeae a nostris medicis sunt
 duplici differentia , quaedam antecedentes , quia inter
 morbum & causam sint aliquae modicae causae & di-
 cuntur antecedentes , quia non statim iunguntur mor-
 bo . Quedam statim coniunguntur morbo & posita
 causa morbi statim sequitur , quae causa dicitur con-
 iuncta . Videamus omnia ista in exemplo proposito .
 Putredo est causa morbi , si de morbo intelligemus
 subiectiue id est , de mala complexionem quae contingit
 membro propter putredinem , dico quod est causa
 coniuncta , nam inter putredinem & febrem subiecti-
 ue intelligendo febrem , prout est calor additus mem-
 bro , nullum est medium . Sed si intelligemus formaliter
 febrem , prout est dispositio & uitium facultatis .
 si uero subiectiue intelligitur febris , prout est calor
 subiectiue existens , in hoc mediat inter putredinem
 & uitium facultatis . Dicatis ergo quandoque con-
 tingit aer frigidus extremus qui occurrat et constrin-

Notandum
 bñ hī fār
 am dici
 subiectiue
 et forma
 lī

gat meatus cutis et faciat obstructionem, et in corpore humano sint multi humores deprauati, sicut in multis contingit. Occurrat hoc corpus aeri frigido, qualis nunc est, aer frigidus constringit meatus corporis, & extrinsecus propter aerem, & intrinsecus propter eum qui inspiratur, quia frigiditas penetrat. Vbi modo sunt deprauati humores, & frigiditas obstruit, prohibetur euentatio, calor naturalis ubi non euentatur, fit igneus & inflammat humores deprauatos, qui inflammati putrescunt, quia putredo nihil aliud est secundum Aristotelem, quam ubi humidum non potest bene concoqui, & trahitur a calore igneo, & facit putredinem, calor autem naturalis concoquens bene regit ipsum, unde adueniente calore ipsis humoribus igneo prohibet euentationem & fit putredo, qua facta humores magis inflammantur, nam quae putrescunt inflammantur magis, & inflammantur omnia uicina, ut uidemus in rebus extrinsecis, sicut Galenus narrabat de stercore columbino accenso &c. Vbi igitur humores existentes & inuenis & extra uenas propter prohibitam transpirationem ignescunt & putrescunt ex igneitate acquisita, totum corpus inflammatur, & ascendunt uapores ad cor, qui ponunt cor & corpus in calefacta esse, unde fit febris. Sic putredo est causa immediata febris, humores sunt causa sed non proximi, quia contingunt media inter febrem & humores, prohibita scilicet transpiratio & putredo. Omnes sunt cause, sed coniunctae & uera causa est ipsa putredo,

do, quia inter febrem & hanc intelligendo subiectiue non est medium, ita habetis exemplum de causa.

LECTIO QVARTA.

CUM proposuisset Auic. tria illa circa quæ semper uersatur medicus. Videlicet dispositionem, suas causas, & accidentia, declarassetq; quid esset singulaq; istorum, breuiter tamen, quia postea diffusius de his pertractabit: est enim caput hoc procemium quoddam. Vt igitur melius intelligeret unusquisque quæ proposuisset, attulit exempla singulorum, & quia tria sunt genera ægritudinum, de quibus pertractatum est, & tria genera dispositionum præter naturam (quod dicimus de ægritudine, idem dictum intelligatis de sanitate) primum genus est in complexione; secundum in compositione: tertium in solutione continui. Vt igitur melius intelligeretis, quia ægritudines causæ & symptomata sunt diuisa, in istis tribus adfert exemplum in singulo quoque genere, quid causa, quid ægritudo, & suum symptoma, & in præcedenti lectione nonnulla diximus, de causis, dispositionibus, & symptomatibus in primo genere, ubi uidimus exemplum allatum ab ipso Auic. de febribus, quæ est in primo genere scilicet in complexione: & dicimus fundamēta quæ semper uera sunt, quomodo febris sit calor, & ita in secunda specie qualitatis, quomodo etiam dispositio in primo genere qualitatis, quomodo qualitas est subiectiue, quia in membro in quo est febris inuenitur calor, & quomodo for-
malis

malis ratio febris est in facultate animæ, quod uitium dicitur dispositio præter naturam & febris formaliter. iam est notum, quomodo uitium & uirtus est in genere dispositionis & habitus. Illa diximus in præcedenti lectione, considerauimus causa febre, deerrat uidendum de symptomatibus. Vnde continuando præsentia præcedentibus dicit. (Causa in febre est putredo, ægritudo est febris, symptoma &c. Exemplum accidentis, est sitis & dolor capitis.) Pro quo sciendum est, quod symptomata quæ consequuntur morbum sunt in secundo differentia, quædam pathognomonicæ necantia immediate ægritudinem, quædam dicuntur signa cõmunia. Pathognomonicæ ita se habent, ut uno signo tantum proposito sequatur necessitas ægritudinis quæ symptomata pauca admodum sunt, ut in Epilepsia, constrictio uentriculorum cerebri est signum pathognomonicæ epilepsie, quia nullus morbus habet hoc accidens, quod uni & soli & semper conuenit Epilepsie, talia ut dixi pauca sunt, & licet in febre consequatur semper inæqualitas pulsus & mordacitas caloris, illa tamen nō sunt pathognomonica quia non soli febri conueniunt, sed bene semper sunt in omnia febre putrida, nam inæqualitas in pulsu, quæ fit à multitudine humorum in arterijs, & mordacitas caloris, sequitur, & propter alias causas quàm in febre. ista igitur duo signa non sunt in sola febre. Vbi uos habetis talia symptomata, nolite statim dicere esse talem ægritudinem, nisi faceretis collectionem, &

syndromen

syndromen signorum, quæ cum omnia simul iuncta faciunt morbum, ut in pleuritide est febris acuta, pulsus durus & ferinus, dolor pungitius &c. Vnum istorum non facit pleuritidem, sed ubi omnia simul conueniunt dicetis per istum concursum signorum esse pleuritidem. qui concursus à græcis syndrone dicitur. In proposito igitur nostro, sitis & dolor capitis non sunt pathognomonica, sed cōmunia, quia multis dolet caput, multi sitiunt, cum tamen non febriant. Causa horum duorum symptomatum inquirenda est. Plerumque contigit in febre putrida ut sitiant, quia cum febris principaliter sit dispositio calida, & consecutiua, sicca appetunt sua contraria scilicet refrigerantia & humectantia, quia sitis ex secundo de anima est appetitus humidi & frigidi: fames appetitus calidi & sicci. Et hoc est proprium omnibus qui patiuntur, præter naturam dispositiones, ut appetant contraria, sicuti qui naturaliter se habent appetunt similia. Cum igitur febris sit dispositio calida & sicca, merito appetunt sua contraria, frigida & humida, quia appetitus sitis est. Deinde dolet capite, nam ubi est febris putrida, humores qui putrescunt euaporantur, & fit euaporatio: ubi modo illi uapores tendunt ad caput, ipsum implent, ex qua repletionem excitatur calor, nam intemperies capitis repente immutatur, & soluitur continuitas: quæ duæ sunt causæ doloris. Iam igitur uidetis unde proueniat dolor capitis & sitis in febrientibus, in quibus non multum immorari oportet, res enim facilis iam est. Istud est exemplum

exemplum sufficiens causarum, dispositionum & symptomatum in primo genere dispositionis præternaturam. Causa est putredo, morbus febris, symptomata sitis, & dolor capitis. Adfert exemplum in secundo genere morborum in compositione. (Causæ quoque exemplum est repletio in receptaculis) Adfert exemplum de ægritudine, quæ dicitur a uulgaribus Cataracta hypochima, suffusio a nostris, ab Auicenna descensus aquæ ad oculum, & ponit primo suam causam, deinde ægritudinem, deinde accidentia consequentia. Quantum ad causam dicit, quod repletio in receptaculis in oculo est causa sufficiens, per repletionem intelligatis materiam repletam. Quantum ad receptaculum non audiat modernos, ut Iacobum Forliuensem, qui falsissimum dicit, intelligit enim per receptacula nervos opticos, in quibus dicit esse repletionem istam. Ego credo illud nunquam curasse cataractam, neque enim illa repletio in nervis opticis est causa suffusionis, sed facit distinctam ægritudinem ita ut impendiat uisum, quia spiritus uisui non possunt propter impedimentum permanere ad oculos. Propterea illi nervi optici non ueniunt ad eam partem ut modo possit pertransire ad partes illas, in quibus fit suffusio, imo nervus opticus in retina & schlireti tunica dilatatur, & facit duas tunicas, quæ non causant nouum circulum oculi. Sed quid intellexit Auicenna per receptacula? propria uasa quæ sunt in tunica coniunctiua, quæ est repleta uenis, ut in illis uidemus, qui habent oculos calidos, ta-

les semper repletas illas uenas & turgidas habent sanguine. Cuius rei signum est quod rarissime contingit, quod ubi essentialiter firmatur cataracta in oculo semper præcedit ophtalmia. Sed quid est ophtalmia? est inflammatio tunice coniunctiue, et ideo quando ita replentur illæ uenæ humoribus crudis & alterius generis, tunc fit inflammatio, & tunc per uiam transmutationis, transit materia in suffusionem: Unde receptacula non neruos, sed uenas intellexit, in coniunctiua, non nihil etiam est in ipsa retina, & ita habetis, quid sit illa uera causa præcedens cataractam, non est causa coniuncta, sed antecedens, quia duplex causa antecedens, & coniuncta, quam nos necessario ex Galeno ostendemus dari, & illi egregij Galenistæ eam propterea negant, quia inimici Arabum. Causa igitur ista in præsentia est antecedens faciens morbum. (Exemplum ægritudinis est, oppilatio in uuca, postea est ægritudo quando materia deuenit in eam partem quæ est inter vueam, & corneam, inter foramen vueæ & corneam.) Credo uos scire ex Anatomie, quomodo septem sunt tunice oculi, & tres humores, quemadmodum postrema tunica est Retina, alia est dura retina, conficitur ex membrana contegente neruos opticos, quæ membrana persluit à molliori menynge ipsius cerebri, sicut durior membrana à duriori menynge. Postea est alia tunica, quæ facit circumlum, & diuidit uitreum humorem ab albugineo, et est similis, ut optime Vessalius, lumen totius artis

Anatomicæ appellauit supercilia, cui assentior. Sunt deinde aliæ tunicæ uersus interiora: prima est coniunctiua, deinde cornea, tertia est aranea, quæ uestit et ambit humorem cristallinum, et est ipsa uuea, quæ continet in se humorem illum aqueum. Sunt postea tres humores: postremus est uitreus, in medio est cristallinus, in anteriori parte est aqueus, ut uidistis alioqui, et credo uos uidisse. Illa igitur tunica, quæ dicitur uuea, habet foramen ad instar uuæ, si pedunculum in uua auelleretis, ita foramen hoc in uuea opponitur corneæ, et appellatur pupilla, ut per hoc foramen lumen et species transeant, si uisus intromitendo fiat, si extramittendo, spiritus per hoc transeunt. Quod si igitur humores deueniant ad hoc spacium inter foramen uueæ et corneam, ita ut cornea obstruatur, et foramen, semper impeditur uisus: et si est omnimoda obstructio, penitus destruitur uisus, si ex aliqua parte, in ea tantum parte in qua colligitur humor fit destructio uisus, et est ægritudo. Dicit Auicenna quod est oppilatio, et bene, quia oppilatio est dispositio uel habitus malus, quia est in primo genere qualitatis, bene dixit oppilatio non materia oppilans, propter modernos, qui dicunt materiam oppilantem esse ægritudinem: nam illa materia non est morbus, sed est substantia, causa morbi coniuncta et oppilatio est ipsi morbus, ergo est uitium facultatis uisuiuæ, propter illam oppilationem non potest transire uirtus uisuiuæ, et facultas, et species ad oculos. Materia modo ut est causa coniuncta oppilationis est illa

materia

materia oppilans, quæ opponitur inter foramen uueæ & corneam. Causa erat humor, & persæpe caret nomine illa res quæ facit ægritudinem, permansit nomen ægritudinis materiæ. Vt est lapis in uestica, non est ægritudo sed est substantia faciens ægritudinem. Sed quia ægritudo, quæ prouenit ex lapide in uestica nullum habet nomen, permansit nomen materiæ, & dicimus lapidem esse ægritudinem. Sic dicimus sextum digitum in manu esse ægritudinem, non quod reuera sit ægritudo, quia est substantia, sed quia nomine caret, utimur suis causis. Vnde sequitur illa confusio propter defectum nominum. Sed nos semper debemus considerare naturam rei. igitur morbus semper erit dispositio, materia nūquam erit morbus, sed causa. Et propterea materia illa, quæ aggregatur intra foramen uueæ, & corneam, est causa non morbus, ipse morbus est oppilatio, quia aliud est oppilans, aliud oppilatio, aliud oppilatum. Oppilatum est corpus ægrum, oppilans est materia, oppilatio est morbus. Iam ergo habetis quæ sit causa antecedens ipsius suffusionis scilicet ipsa materia, quæ continetur in receptaculis idest in uenis existentibus in coniunctiua maxima ex parte, & aliqua ex parte in retina. Habetis quid sit formaliter suffusio, & quæ causa antecedens, quæ coniunctiua huius morbi, & est materia faciens oppilationem, audiat suum symptoma. (Exemplum accidentis est destructio uisus.) Hoc est accidens proprium quidē, & semper assidet cataractæ integræ, tamen non soli cataractæ,

raetæ, quia diuersis ægritudinibus, hoc etiam accidit,
 quod conuenit semper suffusioni integræ, non tamen
 soli. Igitur nolite uos propterea concludere hic esse
 cataractam, quia destructio uisus, sed oportet uide-
 re maculam illam, quæ nemini occulta est, & est de
 his quæ extrinsecus apparent, uidetis colorem quen-
 dam factum uel ceruleum uel croceum. Exemplum
 causæ est Rheumatismus. Habetis iam exemplum in
 ægritudinibus tam complexionis quàm cōpositionis,
 quid sit ægritudo, quæ causæ, & quod accidens, ad-
 fert modo tertium exemplum, de ægritudine in solu-
 tione continui: quando fit ulcus & separantur ali-
 quæ partes sicut carnositas. &c. Et quamuis hoc
 genus morbi habeat diuersa nomina, tamen habet unū
 commune nomen scilicet solutionem continui. quan-
 do postea inciditur neruus, uel os, diuersa habet nomi-
 na, de quibus nominibus nunc non curamus. Est ergo
 tertium genus ægritudinis, & adfert exemplum &
 dicit, (pro causa præcedens adfert ulcus in
 pulmone quādo aliquis fit phthisicus) tū enim
 appellat phthisicus ab effectu, quia communiter tabe-
 scit, cum tamen febris sit nouum accidens consequens
 ulcus in pulmone, quæ ægritudo dicitur *σάρον* à græ-
 cis, quando est ulcus in pulmone: causa alterans in
 pulmone est rheumatismus acutus idest catarrhus sal-
 sus, & subtilis descendens, quia in substantia subtilis
 est, in qualitate salsus. Caueant ab his iuuenes, qui
 habent molles pulmones, unde facile penetrat, & sus-
 ciipiunt catarrhos illos salsos & subtiles, quia catar-
 rhus

rhbus facit ulcus. (Eemplum ægritudinis est
ulcus.) Vlcus est ægritudo, causa est catarrhus
salsus & subtilis. (Exemplum accidentis est
rubedo.) Accidens consequens est rubedo in ma-
xillis. Vnde uidetis tabescentes ut plurimum habere
rosas rubeas in maxillis, cum tamen in toto corpore
palleſcant propter plurimos uapores aſcendentis ad
maxillas, quia ubi ulcus ibi inflammatio, & recte Ga-
lenus v. meth. Vbi ulcus in pulmone fecerit inflam-
mationem, quæ inflammatio accedit propter ulcus,
poſtea curabile non eſt, & ſic illa rubedo eſt ex mul-
titudine uaporum. Curuantur etiam ungues, quia cū
ungues ſe extendunt ſuper carnem digitorum, dum
caro adeſt quantum oportet, permanet, & ungues
ſecundum formam carnis, ſed ubi caro conſumitur,
ungues curuantur, & efficiuntur gibboſi, ut ſcuta il-
la incuruentur ſicut cōtingit in corporibus demacra-
tis, & quia carent carne, non habet cui inſedeant,
& ſic gibbuntur. Igitur in phthiſi ægritudine eſt ul-
cus in pulmone: causa eſt catarrhus ſalsus & subti-
lis. deinde addit, rubedo in maxillis, atque curuitas
unguium, et quia iſta ſunt facilia, et nō eſt ex profeſ-
ſo noſtro ut conteramus tempus, alia erunt dicenda;
quæ magis referunt. Vbi igitur dedit exempla illarū
trium diſpoſitionum, Nunc quoniam uidebat Auic.
accidens etiam, et ut ipſe alio nomine appellauit, no-
mine ſigni, quia ſignificat ægritudinem aliquam, ne
immoremini, poſtea ubi erit pertractaturus de acci-
dentibus in ipſo nomine, quod aliud ſit ab accidente;

quod proposuit, dicit. (Accidens autem uocatur) dicit quod unum & idem est, appelletur accidens non respectu suæ essentiae, immo esse hoc habet suum, ut suum esse sit in essentia, modo signum non est de substantia compositi, hoc est de illa substantia cui accedit, sed inest tanquam quoddam extrinsecum. In de dixit ratione suæ essentiae dicitur accidens, est enim de sua essentia, ut in sit quanta est, accidens hoc præter suam propriam substantiam est accidens respectu eius cui accedit, nam semper accidens dicitur, quia accedit accidens. Habet autem idem accidens ut sit signum, quia accidens utitur eo tanquam signo, comparando ipsum ad aliquam rem signatam, & ad alium quem terminum. Est igitur consideratio accidentis, prout est accidens est ens reale, ut est signum, habet ens rationis, prout medicus considerat ipsum tanquam signum, & uult quod hoc accidens comparatum ad rem signatam sit signum, hoc modo est ens rationis, & appellatur signum quod est factum comparatione ad rem signatam per discursum medici, propter quem discursum appellatur ens rationis. Vnde aduertatis quod Auicenna hic accipit accidens et signum longe diuerse quam paulo ante ubi dixit, & accidens est, res &c. hic accipit accidens alio modo in suo amplissimo significato, quando est res etiam naturalis, non tantum non naturalis, quod patet ex proprietatibus quas accidenti attribuit, quæ conditiones sunt in qualitate & accidenti naturali etiam. quando etiam dicit de signo, etiam hoc non tantum pertinet ad medicum

medicum prout est non naturale symptoma sed ad omnia accidentia. sic etiam Galenus diuisit signa in salubria, insalubria, et neutra: cum enim signum sit relatiuum, refertur ad aliquod signatum, recipit medicantia secundum diuersitatem termini signati, et si aliud ad quod refertur est res naturalis, dicitur signum naturale, et salubre, si ad aliquam ægritudinem dicitur insalubre, quando ad neutram dispositionem dicitur signum neutrum, ut diffusius alibi de his pertractauimus. (Et est cum ægritudo sit alterius generis.) Istud quod in illis omnibus uerbis intellexit usq; ad finem capitis est hoc et nihil aliud: proposuerat Auic. nisi tria illa circa quæ semper uersatur medicus, dispositiones siue præter naturam, siue secundum naturam, suas causas et signa, immo dicit aduertite; quod quandoque ægritudines, quæ sunt dispositiones efficiuntur, si alio modo considerentur et referentur, ad aliud causæ, & non sunt tantum ægritudines: quandoque sunt accidentia, ita etiam causæ. Causa erit quandoque causa in se, sed respectu alterius erit ægritudo, & accidens: sic accidens quatenus in se ipso sit accidens, tamen respectu sui ipsius fit ægritudo quandoque causa. Imo quandoque contingit, ut idem sit simul causa, morbus, et accidens. istud est quod proposuit Auicenna. Nunc modo nos uidere debemus propter quid ista dixerit Auicenna propter maximam utilitatem: primo dicamus cur hoc dixerit, deinde propter quid? Nō potuit Auicenna hoc commodius pertractare, quam in præmio;

nam non oportebat ipsum pertractare de his, ubi seorsum agebat de causa, de morbo, & accidenti, quia hoc non magis uni quam alteri competit, sed de bebat pertractare in eo loco ubi de animalibus agit. Alia causa fuit quia si recte intelligatur quare ista ponat, adfert maximam docilitatem, & attentionem, quia debet parari in procemio, si enim scietis quanta utilitas sit, ut cognoscatis quare ægritudo quandoque sit causa, quandoque accidentia, nisi sciatis istud quomodo curare potestis? Circa hoc oportet discurre & scire unum, quemadmodum ista pars, quæ est theorica, ita est theorica ut reducat ad proprium finem, ad sanitatem uel ad conseruandam, si adest, uel restituendam si abest, & pars ista theorica non facit distinctam scientiam, nam una scientia habet unum finem & unum subiectum, & si theorica pars ista & pars practica habeant duos fines, tunc essent realiter distinctæ scientiæ, sed habent necessario illum finem scilicet sanitatem. Quando igitur ille finis sit intentus uidetur per istam theoricam & per considerationem istorum trium, quid ægritudo, quod accidens quot numeros, quot passionem habent, ut sciamus illa remouere quando sunt præter naturam propter hanc formam, ut discamus, quomodo sint remouenda, iste enim est noster ultimus finis intentus, & nos non cognoscimus quando ægritudo habet rationem accidentis, quando rationem ægritudinis & sic de singulis, nec considerantur omnia ista propter aliud. Causa est quia aliter intendimus ad remotionem accidentium, aliter

aliter ad remotionem causæ. Variæ sunt intentiones ad accidens, ad causas, ad ægritudinem ergo oportet uidere quando ægritudo sit una, quando non una, quia sæpe contingit ut ægritudo sit uno loco, in alio non, ut in pleuritide est febris, ergo est ægritudo in complexione tamen in pleuritide non curatur, ut morbus, quia si hoc modo curaretis interficeretis omnes pleuriticos, nam hoc loco febris est accidens pleuritidis, est ægritudo in se, & debet remoueri accidens ad remotionem sui morbi, non enim intendimus aliter ad remouendum accidens, nisi per remotionem sui morbi. Igitur quia hic febris in pleuritide habeatur loco accidentis, non debetis intendere ad remotionem febris, sed ad remotionem causæ & ægritudinis facientis hanc ægritudinem. Quæ est ista ægritudo? Est inflammatio membranæ contingentis costas, ex qua inflammatione necessario sequitur febris tanquam umbra corpus. Vultis curare febrem, curetis inflammationem: si negligitis ægritudinem interficietis ægrum, imo multa sæpe adhibentur contraria pleuritidi, si feбри attendatis, curetis ergo inflammationem, quia sedata statim sedatur febris, quæ est accidens in pleuritide. Multum ergo refert domini scire, quando ægritudo habet rationem causæ, quando rationem ægritudinis, & sic de singulis. Audiatis modo hic pro bonitate istius textus unum etiam, ut sciatis optime quando ægritudo sit curanda prout est causa, quando ut morbus oportet ulterius discurrere, licet tamen hæc magis spectent ad practicam, uolo ergo uos exer-

54 Montanus in primi Auic.
cere in exemplis, quod puto esse utilius quam occu-
pari in uanis et logicis Quæstionibus.

LECTIO QUINTA.

DICTVM fuit in hesternâ lectione a nobis,
quemadmodum sæpe contingit, ut nos appellemus
morbos, qui reuera non sunt morbi, sed uel materiæ,
uel accidentia morborum, unde ex abusione sæpe
incidimus in maximos errores. attulimus exemplum
de lapide in uestica, & de sexto digito in manu, quod
unumquodq; appellat morbum. Nonnulli ex acutissi-
mis scholaribus obijcerent: Contra tu dixistis lapi-
dem non esse morbum, sed affectum aliquem malum,
sic sextum digitum non esse morbum, sed aliud carēs
nomine, dicas saltem essentiam nominis et non curā-
bo de nomine. Volui heri differre. responsionem: ut
omnes eam audirent, non enim sufficit scire res non
habere proprium nomen, sed scire oportet quæ sit
essentia operū, &c. Quantum igitur ad lapidem uesti-
cæ, dico non oppilante: aduertite, nam si oppilet
& impediat transitum urinæ lapis ille oppilans tunc
est causa coniuncta materiæ, oppilans, sed quoniam
non oppilat, ita ut non propter ipsum impediatur o-
peratio in eo actu mingendo, quæ est ægritudo, quam
tu dicis nomen non habere. Dico quod est ægritu-
do in complexione, contingit enim hæc mala comple-
xio, uel propter affluxum materiæ, uel sine mate-
ria, uel propter utrumque, ut exempli gratia, refri-
geretur uestica, ut plerumque contingit in lapidibus
uesticæ,

uesicæ, fit frigida complexio uel cum humiditate, uel siccitate, qua mala complexione facta, duo contingunt, primo ut alimentum delatum ad uesicam nō possit recte concoqui, sicut fieri solet quando color proprius adest, unde cum non bene concoquatur, & conficiatur alimentum necessario aggregentur excrementa ratione defectus in uirtute concoquente in ea parte uesicæ. Deinde cum infrigeratur uesica fit imbecillior se ipsa, unde reliqua omnia membra transmittunt sua excrementa ad ipsa & magis ad uesicam, quæ est tanquam sentina quædam excrementorum. Vbi igitur ad eam transmissa sunt excrementa, sicut non possunt insistere qui transmittuntur, ita non potest expellere transmissa excrementa, quia uirtus expulsiua a calore roboratur, hic uero refrigerata est. Videatis igitur quomodo tria contingunt: primo alimentum non potest recte concoqui, deinde omnia excrementa humidiora deueniunt ad uesicam, facta se ipsa imbecilliori propter frigiditatem. tertio non potest expellere excrementa propter debilem calorem, ergo ægritudo est complexio mala frigida ipsius uesicæ, uel cum humiditate, uel cum siccitate non curo, quia utrunque potest contingere, ita aggregatur materia, & tandem excoquitur illa materia in lapidem, ita ille lapis est effectus consequens quoddam symptoma & accedens illi malæ complexioni uesicæ. Videatis totam seriem. prima est mala complexio, quæ est ægritudo, & habet plures causas. Vel propter ætatem, ut in senibus; uel propter alias.

causas quàm malam complexionem, sequetur impedimentum, & actio lesa in uirtute concoquente & expellente, & in resistentia in qua unumquodq; membrum attrahat quod sibi conuenit, renouat quod inconuenit. Vnde est quòd plerunque contingit lapis in uestica in senibus propter malam temperiem frigidam existentem in uestica, uel in puero propter multam materiam crudam quæ deuenit ad uesticam, & suffocat calorem concoquentem, unde refrigeratur uestica, & sequitur huiusmodi accidens. Hæc est ægritudo, quæ facit lapidem in uestica, & quomodo sit lapis, exiens uero mutatum præter naturam existis, & sic uidetis quomodo usurpentur sæpe nomina affectuum & accidentium. Quantum ad sextum digitum in manu, si queratis à me quæ sit ægritudo, dico quòd est symptoma non substantia. Quæ est ista ægritudo, ratione cuius contingit? Ægritudo fuit à principio ætas in generatione, quia tunc impedita est actio, illa ægritudo non fuit heri uel nudius tertius, sed in generatione, quia uitium fuit in facultatibus, ergo querendum uitium in suis principijs? Fuit uitium in facultate formatiua, quæ non est nisi in corpore fœtus, & tunc temporis mala dispositio & ægritudo fuit. & quodnam fuit istud uitium. Vtrum complexione, uel in complexione subiecti & in complexione subiecti in qua erit ægritudo, ægritudo fuit in suo subiecto: exempli gratia, in semine quod semen fuit subiectum uirtutis formatiue, quod fuit uel frigidum nimis, uel peccans quantitate, & erat ægritudo

gritudo in quantitate quia non potuit regulare uirtus materiam & assequi finem intentum. Et quia natura, elegit id quod melius est, uoluit generare aliud quia habuit materiam redundantem, ideo ratione quantitatis materię fuit aegritudo & uitium fuit in tali quantitate, unde sequuta est actio læsa, ita semper uidetis hmoi symptomata cum contingunt habere proprios morbos. Ista sint extra lectionem dicta, cum tamen possint conferre, accedamus ad intentum. Si recte memorię tenetis audiat, audiebatk heri quę admoaum dixit Auicenna aegritudinem quandoque esse accidens, quandoque accidens esse aegritudinē; & quandoque contingere unum & idem sit causa diuersorum; Causa, accidens, & aegritudo. Audistis quantum referat hoc, ut sciat medicus, si debet uersari circa curationes, & ostendimus hoc exemplo pleuritidis: nam si curamus febrem tanquam aegritudinem in pleuritide, erraremus maxime. Et ut intelligeretis quid sit aegritudo & accidens. Supponendo illa quę supposuimus, quod omnia in arte medica considerantur propter finem, idest propter sanitatem. Habemus ista tria circa quę debemus uersari si medici sumus, circa quę speculamur & operamur. Videlicet aegritudines, causas, & symptomata, & intentio nostra est tandem, ut cognitis istis quoad speculationem & omnibus passionibus, accedamus ad remotionem illorum. Ergo consideramus ista ut tandē sciamus remouere. Ergo sunt omnia remouēda si remoueri debent, oportet nos inferre artificium rectū quo

quo remoueantur. & cum istæ sint res diuersæ, non eodem modo debent remoueri, quia aliter remouetur morbi, aliter causæ, aliter symptomata. ipse igitur medicus inuenire debet artificiale modum, quo ista remoueat. Vnde debemus incipere? Non ab alio nisi ab eo à quo Galenus author omnium bonorum nos incipere iubet. Videlicet ab ipsa rei natura. Volumus remouere causam, incipiamus a causa. ergo oportet sumere indicationes remouendi causas a natura causarum, quæ cognita statim apparebit quomodo remouende. Quæ est natura causarum? Non frustra proposuit Auicenna quid sit causa, quum dicat. Causa in libris medicorum (loquimur tanquam Medici nunc) est res quæ primo aduenit, ex qua inuenitur, aliqua dispositio permanens uel fixa. Ista est ratio causæ. Causa igitur hæc habet, quod sit primo ante ipsum affectum, quæ primo est, & nos quando dicimus causa, intelligimus ut audiuiſtis causam efficiētem priorem effectu uel tempore uel natura simul, uel saltem natura, quando enim contingit ut causa et effectus sint simul tempore, & tamen semper præcedit natura causæ. Ergo causa ita se habet, ut sit prior morbis, ergo tempore uel natura uel utrunque. Accipiamus ipsam causam quæ præcedit tempore & natura ipsum morbum. Possumus etiam alio modo procedere & dicere. Causa cum præcedit uel tempore, uel natura, uel utroque morbum, ita se habet, quod uel factura est morbum, & nondum cæperit eum facere, uel fecerit, uel faciat. In istis tribus

bus causis debet uersari medicus, & nulla est pars, quam non debeat exquisitissime scire, si uult esse bonus medicus. Videamus causam facturam morbum, quomodo sit remouenda. Ista causa proculdubio nondum fecit morbum, est tamen hæc causa morbi, cum tamen non sit morbus. exempli gratia, est aliquis qui aggregauit multos humores crudos, uel aliquod genus humorum deprauatorum, non tamen ægrotet, adhuc sit sanus. sicut credo multos hic adesse qui sint tales, nondum ægrotet, habeat tamen causas ægrotabiles in suo corpore, habeat humores qui sunt causa morbi, qui tamen nondum fecerint ægritudinem, facturi tamen à leui occasione nisi succurratur a natura uel ab arte. Ista causa quomodo indicationem sui facit? est cõmunis indicatio, quod debet remoueri, sed quomodo? Debetis scire quod ubicunque est causa antecedens morbum, & adhuc non est morbus, cum intentio recte curandi, ut 10. methodi & 11. sumatur à tribus, à re quam curamus, à temperatura corporis conseruanda, & ab aere, debemus ad tres illas indicationes respicere. sed quomodo remouendæ? Primo respiciendo ad temperantiam corporis: Iste homo non æger est sed sanus, ergo habet operationes omnes sanas & integras, non affectas, neque debilitatas, neque uitales, neque animales & naturales tantummodo, habet causam illam, & est sanus, ergo oportet ut causa ista longe aliter remoueatur, quam cum adsit ægritudo, ergo remouemus causam istam præseruan-

do

Intentio
curandi, a. t.
by sumit.

uatione, quæ longe tutior est, quam ipsa curatio,
Quando modo causa faciat morbum quomodo se ha-
bet ista causa? Quando facit morbum est necessa-
rium quod aliquid fecerit, & aliquid factum sit, nam
docet etiam Aristoteles in lib. physic. quando aliquid *Arist.*
mouetur, partim est in termino à quo, partim in ter-
mine ad quem. Quando igitur causa facit, partim fe-
cit, partim facit. Igitur ista causa non est una, sed est
duplex, & quia indicatio medici sumitur ab aliquo
termino, quia indicatio est in genere relationis ad
terminum indicatum, & qualis est terminus talis in-
dicatio, si simplex indicatio ut in præseruatione, si
compositus, composita indicatio. Modo causa hæc est
causa faciens quæ partim iam fecit, partim nondum
fecit, qui duo termini sunt diuersi: aliud enim est fe-
cisse, aliud nondum fecisse, ergo due adsunt indica-
tiones, prima erit ut utamur præseruatione pro eo
quod nondum factum est, secunda pro eo quod factum
est, utimur curatione. Adfero exemplum pleuriti-
dis: in pleuritide est sua causa, quæ est ista: deflu-
xus materiæ subtilis ad partem inflammandam. Vi-
delicet ad pleuritica .i. ad membranam succingentem
costas, quando adest causa idest materia quæ debet
de partibus longinquissimis & maxime distantibus ip-
si loco affecto. Exempli gratia si imminet periculum
ne fiat pleuritis, non debemus mittere sanguinem ne-
que à dextro brachio, neque sinistro, quia continge-
ret quod humor ille sit pronus ut præcipitetur ad lo-
cum, & uos immittatis sanguinem per locum propin-
quum,

quum, facitis morbum qui fortasse non esset factus, & uos cogitis ipsum fieri, ergo à partibus maxime remotis a pedibus, & tandem a uenis, quæ maxime recedunt à pleura debetis mittere sanguinem, quia indigetis præseruatione pleuritidis, quæ tutissime præseruabitur per sectionem longissimæ, & distantissimæ uenæ. Vnde in antispasmi simplici, quando non est mista debemus reuellere ad partem quam maxime oppositam humorem fluxurum non fluentem. Modo quādo partim plenitudo fecit pleuritidem, partim facit, partim factura, quod tunc est quando inceptit pleuritis. Materia fluxura est factura, materia quæ fecit auctu fluxit, Materia quæ facit est in fluxu & fluit, oportet remouere humorem fluxurum per partes distantissimas & maxime remotas: sed humor qui fluit & est in uenis propinquis debet deriuari per partes propinquas. Ergo indicationes diuersæ erunt pro diuersitate causæ. Nam causa quæ est fluxura indicat euacuationem a loco maxime distante. Materia quæ facit morbum indiget euacuatione a parte propinqua & deriuatione. Quid facit medicus peritus? mittit sanguinem a latere affecto & seruat distantiam mediam, quia cum misti affectus, debemus ex alia parte euacuare a longinquo, ex alia parte a propinquo. Non possumus facere netrum simpliciter, quia si à parte maxime distante, remedium paruum seu nullum esset: si uero euacuamus sanguinem fluxum à parte propinqua, ut facimus, quando materiam euacuamus cum his quæ applicantur loco affecto

Et o augebimus fluxum: ergo eligimus partem mediā,
quæ sapit naturam utriusque extremi, & quare?
quia non est tanta distantia, ut non sit etiam aliqua
deriuatio, non est tam propinquum etiam ut traba-
mus materiam ad locum: ergo reuellimus, & deri-
uamus simul. Sed si non esset inflammatio actu sed fu-
tura, à parte maxime opposita reuellimus. Hæc est
curatio, & sic diuersæ sunt operationes in causa quā
do facit & factura est morbum. Causa uero tertio
modo quando iam fecit & non amplius facit, quia est
cū suo subiecto, ut est materia faciens apostema, quan-
do apostema factum est, ut non amplius fluat humor,
sed causa est coniuncta cum suo morbo, quæ cum fe-
cit ægritudinem non facit, neq; factura est; Sic quan-
do in febre putrida humor totus computruit, & non
est alius sub forma causæ antecedentis qui debet pu-
rescere. sed clarius est adferre exemplum de aposte-
mate quam de febre, quia apostema patet ipsis ocu-
lis: ergo est in apostemate causa, quæ facit morbum
ut non amplius fluat materia. Quæ est indicatio quæ
datur hic? Videamus materiam rei, hic est causa con-
iuncta, complicata cum morbo, ita ut sit ita conne-
xa, ut non intendamus ad morbum, quia non etiam
ad causam & e contra. Vbi sunt sibi inuicem conne-
xa debent remoueri? Sed quō? Nunquam qui re-
cte medetur euacuabit causam coniunctam cum e-
uacuatione uel missione sanguinis, quia faceret maxi-
mum peccatum, quando iam fluxa est non faciatis e-
uacuationem. Nam quomodo uultis extirpare mate-
riam

riam ibam infixam cum medicamento euacuante, est enim error maximus. Imo Galenus iubet euacuare quando oportet per loca maxime propinqua: si materia in pectore, per tuſſim: Si in hepatis connexo per urinam: Si in concauitate hepatis per ſeceſſum. Quanto magis ſi materia inſidet in loco longinquo et eſt infixata, uultis euacuare uel ſanguinis miſſione, uel pharmaco. Si pharmaco, oportet quod materia craſſeſacta & putreſacta ingrediatur uenas & deueniat ad uentriculum. Si phlebotomia ad uenas, & ſic traxeris rem putridam intra uenas, quam abſurdum uel trunque ſit omnes ſciunt. Sed quæritis euacuationem & maturationem a proprio loco diſſilando uel maturando ipſum apoſtema. Quod ſi eſt putredo in febribus et cauſa ſit antecedens, huic debetur euacuatione. quod ſi actu ſit putrida aperiatis meatus cutis friktionibus & linimentis & per diuretica, ita quod aperiendo ſemper remoueatſ putreſactionem, ut iubet x. Methodi præallegato loco Galenus. Quando curas febrem & phlebotomas parte detrahas de ſanguine propter cauſam antecedentem non propter cauſam coniunctam, quia cum dicit quod non uult trahere quantum oportet de ſanguine, ſtatim intelligit, quod erit remouenda putredo cum alijs, quam cum euacuantibus, & ſic motus non ſufficeret ad tollendam putredinem: ita ſi recte diſcurretis efficiemini boni medici, quia habetis bona præcepta. Iam ergo uidetis quomodo cauſa ſecundum quod diuerſimode ſe habet, diuerſos modos curandi requirat. cauſa enim

nim factura tollitur uno modo, quæ facit alio modo, quæ fecit alio quoque modo & ratione, & sic quantum potuimus discurrere in tempore breui habetis, quomodo sit tollenda causa, audiat is modo quomodo tollatur ægritudo. Causam coniunctam in febribus pestiferis non euacuatione, aut pharmaco, aut solutione tollimus, bene antecedentem. Propterea quod putredo solis alterantibus curatur, refrigerantibus, & exiccantibus ex sententia Auicennæ, summa cura febris pestis est euacuatio.

LECTIO SEXTA.

UT recte possitis assequi quod Auicenna dicebat in calce huius proœmij esse dispositiones, causas & signa, quoniam scilicet diuersimode considerata in se, omnia, licet in se uel causæ, uel accedentia, uel ægritudines alio modo considerantur & potest esse ægritudo causa, et symptomata causa, et quandoque unum, et idem potest esse causa, symptoma, et ægritudo. Cum hoc proposuit Auicenna erat uidendum propter quam causam hæc ita se habent; ostendimus magnam necessitatem & utilitatem, inuicem ostendimus non posse aliquem recte curare ægritudines nisi sciet ista omnia, et tandem quare ita se habeant et immutentur ostendimus ista esse necessaria. Ad bonitatem etiam disciplinæ fecimus digressionem, quia non tantum doctores, sed scriptores solent facere digressiones in quibus sunt multa ex re admodum, in ea digressionem discurremus si recte memoria tenetis, quemad-

modum causa, dispositio, et accidens hoc habent, ut sint præter naturam, et cum sint præter naturam debent remoueri ex corpore, sed quia diuersa ista sunt, sumitur quoque diuersa ratio curandi ab his, sed quo modo incipiendum? An à re quæ docet quomodo uersari debemus circa illam rem? Ostendimus exactissime quomodo à natura causarum sumamus diuersas indicationes, & quomodo debeant remoueri, et quòd aliter remouetur, causa quæ est simplex & antecedens, aliter quæ est coniuncta morbo et facit morbum & separatur, aliter quando est tota coniuncta morbo & facit morbum, iam factus est, & causa perficit suum opus. Ostendimus in istis tribus quomodo diuersimode se habent causæ istæ, quomodo in singulis quibusque debemus operari, de quibus satis dictum est heri, non oportet ampliare ea & repetere. Deerat ut quemadmodum diximus quomodo sit remouenda causa, ita dicamus quomodo remouendæ sint ægritudines, quomodo accidentia. Ægritudines tolluntur, & ipsæ ut causæ. Videlicet, a cognitione naturæ ipsius rei; & quid est ægritudo? Ægritudo est dispositio præter naturam in corpore humano a qua prouenit læsio operationum prouentu primo, est igitur dispositio, & dispositio est quædam res, quædam qualitas permanens, est enim dispositio & habitus quidam affectus accedentes corpori permanentes; sic igitur talis est dispositio habet hoc unum principium, secundo habet hoc est in corpore humano à quo prouenit læsio operationum prouento, primo.

Cum

Cum igitur talis sit ægritudinis natura & sic permanens dispositio, & in corpore humano, quam indicationem adfert sui ipsius & non talem qualem causa, quia causa adfert indicationē non ut curemus, sed ut præseruemus corpus. sed quando curamus causam & non curamus causam nisi quando est coniuncta morbo, quia nihil curatur, nisi morbus, quia cum morbus sit uitium facultatis à quo læsto prouenit, & sit subiectiue in corpore humano propter aliquam malā complexionem uel ægritudinem, curamus morbum uel a mala complexione uel a mala compositione, purificamus corpus ab ea labe ab illa disponendo. In accidentibus non fit ita, ut audietis. In causis audiuitis quomodo præseruetur corpus ne labatur, quando autem ægrotum est corpus tunc curamus, quæ curatio semper fit per suum contrarium adæquatum. Causa non requirit suum contrarium, nam sæpe remouemus causas per ea quæ sunt similia; quando materia calida erit euacuamus cum calidis, bene uerum est, quod habet contrarietatem quando causa plenitudo est; & tunc euacuamus, quæ tamen contrarietas nō est sub eodem genere. Quantum ad morbum in complexione est manifestissimum imò seruamus eundem gradum oppositum, ut tertio artis parue. Exempli gratia, si per duos gradus complexio labatur per frigidum & humidum, occurrimus cum contrarijs cum duobus gradibus calidis & siccis, & hic erat magna quæstio an ab eodem gradu tollatur, contrarij gradus per se talis uidetur, quod ab inæquali

in gradu non fiat actio. Sufficit ergo dicere, quod a natura morbi sumitur uera indicatio curatiua, et curatur morbus, & curare nihil aliud est quam purgare corpus à uitio, quod ledit operationes, & tunc curamus corpus ab hoc malo affectu, quando tollimus eum, qui immediate causat impedimentum operationum, ut postmodum corpus possit operari. Causas tollimus quidem, sed præseruamus ne inducant affectum: oportet manere semper in terminis quando uolumus habere distinctam sententiam: In compositione patet: nam ubi figura est uitata, ut illa quæ debeat esse recta, sit obliqua uel e contra, uel quod asperum sit lenefactum, tollimus cum suo contrario. Nam si rectum est quod torquetur, dirigatur cum directione; si asperum cum asperitate. Si erit morbus in uia in meatibus ut sit obstructio uos aperietis, & tandem semper procedetis, cum his, quæ sunt contraria. Si est nimia quantitas in membro aliquo, quæ ratis eius diminutione, & c. Et tandem in quolibet genere & specie agrotationum quæ sunt in ipsa compositione semper procedetis per suum contrarium: curatio enim fit semper per contrarium. In solutione continui idem fit per contraria, quia per unitatem contraria est solutioni. Morbus igitur semper quatenus morbus est dat indicationem sui ipsius ut tollatur, & quod sola curatio conuenit morbo. Quantum ad symptomata, oportet quod & ipsum remoueatur, quia tam causa quam morbus, quam accidens conueniunt in hoc, ut sint præter naturam, ergo tollenda.

Accidens

Accidens autem non tollatur, neq; p̄ p̄s̄eruationē,
neque per curationem, sed accidens quatenus acci-
dens sequitur ægritudinem, ut umbra corpus. ergo
nulla est intentio curatiua ad accidens in quantum ac-
cidens, sed ad ægrotationē ipsam, a qua dependet ac-
cidens, nam remota ægritudine statim remouetur ac-
cidens, ut apparet in cataracta, quæ est destructio
uisus, propter illam causam coniunctam quæ obstruit
foramen pupillæ, modo si quis deponat illum humorē
in medio existente statim immediate sequitur uisio, ita
ut isti qui operantur, primo opponant rem aliquam
& quærunt, ex his num uideant, ita quod non opor-
tet quod curetur impedimentum uisus, sed in cata-
racta curatur morbus, qui est oppilatio, qua oppila-
tione remota statim sequitur uisio absque eo quod ali-
ter curetur. Ergo non curamus accidens in quātum
accidens, sed morbum. si enim uerum est quod mor-
bus est dispositio a qua essentialiter & prouentu pri-
mo prouenit impedimentum operationum, remota il-
la dispositione, a qua essentialiter dependet accidens,
necessario remouebitur, & ipsum accidens, ita non
oportet quod habeamus aliam indicationem esse acci-
dens, quā ut remoueamus morbum, dummodo stet
sub forma accidentis, & non habeat rationem alte-
rius. Et hic apparet necessitas considerandi quomo-
do accidens habeat rationem alterius. Nam quando-
que habeat rationem causæ uel morbi si morbus esse
oportet tunc trahit ad se curationem, & curatur ue-
ra curatione ut morbus. Si causa remouetur, ut cau-

sa. Igitur bene uerum est quod accidens quatenus accidens non curatur sed tollitur ad remotionem morbi quem insequitur. Sed quando accidens suscipit rationem morbi indicat quod curatur, ut morbus, quando rationem causæ ut tollatur quemadmodum curatur causa sicut audiistis. Hic est punctus ut primo uideamus, utrum accidens possit esse causa & possit esse morbus quemadmodum hoc loco dicit Auicenna. hic punctus non est facilis, immo tam difficilis, ut si uideatis Conciliatorem, qui profitetur se conciliare homines; Vir magnus certe, sed nunquā uidi hominem magis confusum quā in hoc negotio, differētia 36. & uidebitis aperte quod nihil intelligit in hac re multa loquitur & nihil docet. Gentilis quando bene disputauit, multa fatua infert. Iacobus Forliuensis in eodem paragrapho affirmat & negat, & ideo uidi omnes confusissimos in hac materia. Quod possit accidens esse causa res facilis est, nihilominus ut procedamus in ista quæstione ut debet procedi, & breuius quam possit fieri, oportet hoc nomen accidentis, primo distinguere, & non facere ut illi moderni, qui ante & post oppositum distinguunt quod distinguere debebant ante argumenta, quæ argumenta non faciebant tamen ad propositum, quia isti delectantur in coaceruatione argumentationum. igitur distinguamus. Accidens ut dixi in superioribus potest considerari dupliciter: primo in ampliori significato, ut in primo de differentiis symptomatum, ubi docet Galenus quod accidens in suo ampliori significato prædicatur,

catur, de causa, de ægritudine, atque etiam de uero
 accidente, nam quicquid accidit corpori est accidēs,
 sed causa & ægritudo accidit corpori, & etiam quæ
 consequuntur sunt accidentia, ergo modo ad hunc sen-
 sum & ægritudo & causa & illa symptomata sunt
 accidentia, sed quantum ad ueram sumptionem acci-
 dentis ut medici accipiunt quod à Græcis ἐπιγένεια
 dicitur pro ut consideratur hic modo, accidens est il-
 lud quod sequitur ægritudinem, ita quod essentialiter
 distincta ista tria sint apud medicos accidēs ægritudo
 & causa; nam causa est ex qua prouenit ægritudo.
 Ægritudo est dispositio permanens à qua sequitur
 symptoma ut umbra corpus, & ita unumquodq; ha-
 bet propriam essentiam & definitionem, sed potius
 descriptionem, non enim uere possumus definire acci-
 dentia, & ita aliud est accidens, aliud ægritudo, a-
 liud sua causa. Quando proponitur quæstio utrum
 accidens possit esse causa uel ægritudo intelligamus
 de accidente propriæ dicto, quia si de accidente in am-
 pliori significato nulli esset dubium, cum igitur acci-
 dens sequatur ægrotationem ut umbra corpus, de
 hoc accidente quærimus. Respondemus primo huic
 quæsito ut procedemus in solutione quæsti breuissi-
 me, quod accidens potest esse causa, quia cum acci-
 dens nihil aliud sit in propria essentia, quàm quod ac-
 cidit corpori, istud accidens efficere potest aliam æ-
 gritudinem, & tunc accidens est causa ægritudinis
 Vnde quantum ad hoc dicatis, quod accidens proprie
 dictum potest etiam effici causa. Sed cum tria sunt

esse causa malarum ægritudinum. Et quare? quia ubi læditur actio in aliquo corpore, ut non possit homo exercere suas operationes propter multas causas, possunt aggregari multi humores, à quibus sæuissima accidentia sequuntur. Vnum tamen symptoma est quod patet facere sæuissimas ægritudines, ideo potest habere rationem causæ, quale symptoma est dolor, ex dolore enim depauperatur spiritus, ex defectu spirituum contingunt syncopæ, & deliquia animi, & ita dolor potest esse causa multarum ægritudinum, cum tamen sit accidens; est enim actio læsa cum sit tristis sensatio. Exiens mutatum manifestissime facit multas ægritudines; Vt quando quis habet fluxum sanguinis superfluum, uel uarium, uel hæmorrhoidum, sequitur Hydrops. Vnde uidetis quomodo accidens potest esse causa ægritudinis, si comparatur ad aliud quod potest efficere; potest enim illud accidens ista omnia efficere. unde Galenus ista omnia docet x. methodi. Accidens nunquam curatur nisi quando habuerit rationem causæ, & nos uidemus quod posset facere multas alias sæuas ægritudines, uertimus nos ad accidens & tollimus, si est dolor acutus, uertimus nos ad dolorem sedandum, ut quando est dolor Colicus, dicit Galenus quod debemus sedare dolorem, quæ sedatio doloris non est curatio, sedamus dolorem uel narcoticis idest stupefacientibus, uel anodynis, quia licet non curamus, tamen remouemus accidens molestum, & deinde curamus morbum, malam illam intemperiem quæ faciebat

dolor

colicam

colicam et hoc est quod dixit Auicenna in quarta, pri-
mi & cum curare uolueris dolorem prius seda, nam
sedare dolorem non est curare. Vnde quando aliquis
bonus chirurgus uult dislocatum membrum repone-
re, primo sedat dolorem, & ita aliud est sedare dolo-
rem, & aliud curare, sedamus dolorem quando ha-
bet rationem causæ, & præseruamus hominem à fu-
turo periculo à morbo à syncope, &c. Hactenus
non habemus accidens esse morbum, sed bene causam
& ita nunquam debetur hactenus accidenti curatio,
bene præseruatio ut causæ, quia reuera causa est
neque oportet amplius dubitare an accidens sit cau-
sa, sed utrum accidens sit morbus & possit esse mor-
bus: hæc est tota questio. Disputant hic in utranque
partem, quidam argumentantur in partem affirma-
tiuam ut Iacobus Forliuensis, sæpe contingit ut ipse
dolor, Exempli gratia, est accidens immediate cure-
tur, medici enim intendunt ad doloris sedationem, sed
curatio debetur morbo, dolor curatur, ergo mor-
bus est. Præterea morbus est à quo impediuntur ope-
rationes, primo, &c. Sed à dolore prouenit impedi-
mentum operationum, primo, & essentialiter, ergo
dolor malus est; si modo dolor habet conditionē mor-
bi, curatur ut morbus. Decipitur Iacobus, quia do-
lorem accipit sub alio significatu: aut enim non intel-
ligit, aut dissimulat. Debetis scire quod nolo occupa-
ri in superfluis, sed faciam id quod præcepit Gale-
nus, ut uideamus æquiocationem, an sit æquioca-
tio doloris, quia omnes nugæ in æquiocatione dolo-
ris

*Utrum accidens
possit esse mor-
bus*

ris fundantur. Videamus ergo quid dolor? Dicunt isti est tristis sensatio; unde peruenit dolor? necessarium est quod habeat suas causas, est enim aliqua alteratio & passio, quæ dicit motum, ergo oportet quod sit aliquis motus, qui faciat istum dolorem. Ista alteratio in quo est? Alteratio est in qualitatibus, quod si debet aliquis dolere uel repente refrigeretur, uel exiccetur, uel excalescat, uel quod soluatur continuum. Ista duo attinet aliquo pacto ad alterationem, quia & solutio continui sumitur large pro alteratione, tunc sequitur dolor, & non potest sequi, nisi ex altera duarum causarum: ita determinauit Galenus, & Auicenna licet Auerroes dolorem tantum a mala complexione, fieri dixerit, non a solutione continui, & quod sit mutata qualitas ipse dolor. Supponamus nunc ut Galenus, quod ab utroque fiat dolor, et male interpretantur illi, qui dolorem a solutione continui, ex sententia Galeni fieri uolunt, quod falsissimum est, ut optime Auicenna, Galeni interpretes declarat, & qui solus Galenum recte intellexit, posuit duas causas æque proprias, et adæquatas doloris, malam uidelicet intemperiem & solutionem continui. Si igitur istæ duæ causæ doloris mutatio in complexio, & solutio unitatis quæ causæ faciunt tristem sensationem? Quando igitur alteratur & soluitur continuum fit dolor qui est accidens, & passio, quæ sequitur illam alterationem, dolor autem non est alteratio, non illa solutio continui, sed sequitur illam alterationem uel solutionem continui. Est igitur dolor ille tristis sensatio

satio (in hoc est totus punctus) qui sequitur in altera
 tione qualitatis, &c. Si uos consideratis dolorem pro
 ut talis est, nunquam dolor poterit esse ægritudo ali-
 quo pacto, neque aliquis est tam rudis, stupidus, &
 asinus qui dicat dolorem hunc esse aliquo pacto ægri-
 tudinem. Accipiamus dolorem capitis, & dolorem
 colicum permanentem & reliquos dolores existētes
 in corpore. Dolor sequitur alterationem & motū,
 quam diu sit dolor, tam diu est pugna, nā ubi perfectus
 est motus alterationis, statim cessat dolor. Vnde fe-
 bris hectica non percipitur à patiente, quia in toto
 perfectus est ille habitus; non enim dolor est nisi in
 motu & alteratione, illa alteratio & motus ad ægri-
 tudinem quando est tenens ægritudinis ita quod ap-
 pellari possit ægritudo, nam semper ægritudo est in
 motu, ut Aristot. in 7. problematum. Ægritudo est
 motus, sanitas est quies. & de hoc quomodo ægri-
 tudo est motus, &c. esset pulchra quæstio. Sed quan-
 do dicitur ægritudo est dispositio permanens, ratione
 huius termini ut deueniat ad hunc gradum, ut manife-
 ste & secundum sensum impediat operationes, quæ
 tantummodo illo alterato dicitur ægritudo, ante ea-
 rat illa alteratio motus sed non ægritudo, quia non
 impediēbat operationem. Igitur quando fit alteratio
 in corpore quando caput dolet, non dolet, nisi uel
 soluatur continuum uel mala complexio illi accadat.
 Accipiamus illam alterationem quando fit ultimo in
 capite, alteratio est unus dolor, alius dolor est acci-
 dens alterationis, alteratio modo uel est ægritudo uel
 non,

non . quando non est ægritudo, ægritudo? quando æg-
 gritudo capitis moleſtet quidem hominem ſed non im-
 pediuntur eius operationes, & illa cauſa non eſt æ-
 gritudo: quando autem ſigitur, ut ille homo non poſ-
 ſit neque dormire, neque comedere, & ſoluantur ip-
 ſus uires eſt ægritudo in capite non dolor, eſt illa al-
 teratio fixa in capite & Galenus in primo νατὰ τὸ
 πους, in primo quid curat, curat complexionem ma-
 lam, non dolorem niſi quando eſt ita acutus ut ſeda-
 re cogamur ipſum cum anodynis: curatur enim mala
 complexio & ſolutio unitatis, ad quam ſequitur do-
 lor; ſed audiuiſtis quomodo frequentiffime appella-
 mus acciðens nomine ægritudinis, & nolite credere
 Iacobo, qui decepit uos ſuis æquiuationibus, ſem-
 per intelligatis de dolore uero, qui dolor acciðes eſt
 & non de illo qui eſt mala complexio, non enim do-
 lor eſt. Dolor igitur capitis ſiue Galea, ſiue Hemi-
 cranea, aut ouum ſunt æg. lines quæ appellantur,
 nomine acciðentis, ſicut & paralyſis, apoplexia ap-
 pellantur, ſub nomine ægritudinem. Dolor capitis
 non eſt ægritudo ſed eſt ſua propria cauſa. Et quan-
 do Auicenna dixit dolorem capitis permaximam eſſe
 ægritudinem intelligit de alteratione permanente,
 quæ eſt ægritudo. Bene uerum quod Auicenna dedit
 occaſionem errandi illis aſinis ineptis. Quod ita in-
 telligatur Auicenna, uideatis ipſum in prima tertij
 quando curat dolorem capitis, non aliter curat niſi
 tollendo uel malam complexionem, uel ſolutionem
 continui, & ita ſemper uerum uero conſonat. Ut
 igitur

igitur concludamus quādo proposuit Auicenna quod
 ægritudo possit esse causa, concedatis, quia ægritu-
 do potest esse causa alterius ægritudinis, ut ægritu-
 do in pulmone ulcus sit, potest esse causa hæctica. Ac
 ægritudo potest esse accidens, ut febris est accidens in
 pleuritide. Sed nunquam causa potest esse ægritudo
 res est manifesta, quia hoc repugnat definitioni cau-
 sæ, ut si ægritudo. Si enim causa est illa a qua proue-
 nit ægritudo, quando est causa quatenus est causa
 non potest esse ægritudo, quia oportet quod ægritu-
 do sit res fixa, quia si causa habet hoc proprium ut
 causet ægritudinem antequam sit læso operationum,
 tunc illa causa dum est causa non potest esse ægritudo
 nam esset dispositio antequam proueniret operatio-
 num læso. Nanque etiam accidens causa esse potest,
 sed ægritudo bene esse potest causa & accidens &
 omnia simul. Iam omnia manifesta sunt. (Sicut in
 Colica dolor fortis.) Notetis esse uerba, intelli-
 gere non dolorem colicum, sed affectum in colo inte-
 stino, quia est uel mala complexio uel mala composi-
 tio uel &c. à qua sequitur dolor in eo intestino, qui
 dolor postea denominat illam ægritudinem, & dici-
 tur dolor colicus, ergo dolor colicus est accidens. Si-
 cut igitur ægritudo, quæ est uel in mala complexio-
 ne, uel compositione causæ sit ægritudo in se ipsa sem-
 per est causa alterius ægritudinis, ut paralysis, syn-
 copæ, & epilepsie. Notetis igitur, quomodo dolor
 possit esse causa trium ægritudinum syncopæ para-
 lysis & epilepsie. Primo quomodo syncopam Gal.

xii. Terap. Cum colica habuerit in se acutissimum dolorem ut si terebro intestina perforari uiderentur (qui non est expertus non curet experiri, ego expertus sum) est tam acutus dolor, ut sæpiissime faciat syncopam, resoluuntur enim spiritus & uires ex huius dolore, præcipue in his qui natura debiliores fuerint. Nam syncopa nihil aliud est, quam defectus spirituum, & malus motus spirituum cordis, quotiescunque spiritus uitales uel propter paucitatem suam, uel malam temperiem non possunt diffundi per singula membra ut dent actum perpetuum & uitam, tam diu enim uiuimus, quamdiu affluit calor ex corde actu in uniuersum, & quæ pars illo calore priuatur, illa destruitur à proprijs actionibus, & si diu permanet moritur illud membrum propter defectum caloris, quæ ægritudo dicitur Gangræna. Quoties igitur spiritus mouentur motu tremulo dicitur syncopa, quæ est nomen accidentis, quia syncopa est casus & lapsus uirium 12. Meth. & significant concedere, quando concedit uirtus & facultas uitalis, & est nomen ægritudinis. Quæ est causa? est uitium spirituum quando deficiunt spiritus & est ægritudo in quantitate quæ deficit uel abundat, deficit in syncopa spiritus, ad cuius defectum sequitur impedimentum & actio læsa ut membra priuentur tantisper suo actu uitæ &c. Syncopam igitur Auicenna non intelligat pro ipso defectu et actione læsa siue accidente, sed pro ægritudine. (Aut paralytis aut epilepsiæ.) Epilepsia est motus spasmosus uniuersalis, qui contingit in ægritudine quadam

quadam, quæ est in complexione uel compositione, quando propter malam complexionem cerebri, oppilantur uentriculi cerebri, & spiritus non possit moueri & distribui in partes corporis, & mouentur, motu tremulo, fit ille motus spasmosus, qui dicitur epilepsia, ille motus est nomen accidentis, sed ægritudo est imperfecta obstructio uentriculorum cerebri, quia si completa esset, epilepsia non contingeret sed Apoplexia. Igitur Epilepsia est ægritudo non acci- dens: Paralysis autem est priuatio uel sensus uel motus uel utriusque, sed plerunque permanet motus: quoties aliquod membrum non potest moueri uel sentire dicitur paralyticum & differt à tremore, quia plerunque præcedit paralytin, & ista passio est nomen ægritudinis non symptomatis, sed mala complexio in membris est ægritudo, licet paralysis sit nomen acci- dentis.

LECTIO SEPTIMA.

De diuisionibus dispositionum corporis humani.
& de generibus ægritudinum.

Cap. I I.

ERANT nonnulla dicenda in calcem præcedentis lectionis, sed quia ea facilia admodum sunt, no lo immorari in his amplius, si qui uero dubitauerint accedant ad me, & satisfaciemus illorum petitionibus. ergo aggrediemur hoc caput. Iam uidistis do-
mini

mini pro continuatione quemadmodum in superiori capitulo quod fuit tanquam procemium huius secundæ Fen, proposuerat Auic. tria, circa quæ non tantum uersatur Auic. in hac secunda Fen, sed totum artificium medici uersatur circa hæc tria, quæ neque plura neque pauciora esse possunt; Videlicet dispositiones, causæ, et accidentia. Cum proposuerit illa tria, & attulerit quasdam proprietates communes singulis istis tribus ut audiuiſtis; Nunc seriatim incipit agere de singulis sensim, et incipit à dispositionibus. Et iam diximus in superioribus quare proposuerit primo causas, secundo loco dispositiones, tertio accidentia, nunc uero in executione incipit à dispositionibus. Diximus de his satis diffuse, et etiam propter istam causam nunc dicendum, primo proposuit tractare de dispositionibus, quoniam cum ad dispositiones referantur, tam causæ quàm signa, habent eam se tanquam relatiua, ergo cum sint tanquam relatiui fundamentum, et distinguantur causæ et signa penes illas dispositiones, erat necessario primo agere de dispositionibus. Quod autem reliqua duo ad dispositiones referantur, manifestum est ex Galeno primo artis paræ ubi dicit, dicuntur causæ salubres, insalubres, signa salubria, insalubria, secundum quod dispositiones humani corporis, ad quas referuntur, sunt tales: si enim ad sanitatem referuntur, causæ dicuntur salubres: si ad ægritudinem referantur, insalubres appellantur; si ad neutralitatem, neutrales, sic de signis dicatis. Cum igitur sicuti patet & cau-

Quæstio

solut

se & accidentia referantur, ad dispositiones humani corporis, merito de dispositionibus primo agendum erit, deinde de illis quæ referuntur ad dispositiones; erat ergo necessarium, ex his quæ diximus, primo incipere & agere de dispositionibus, postea de causis & accidentibus. Sed est maior Quæstio, num tum causæ tum accidentia referantur ad dispositiones, & accidentia sint longe notiora quam ipsæ causæ, & à notioribus semper incipiendum est, & hic non est relationis ratio, cur igitur post dispositiones non tractauit secundo loco de accidentibus, postmodum de causis, ut Galenus primo artis parue, primo de dispositionibus tractauit, deinde de signis, tertio de causis, et quia ita natura rei exigit & Auicenna Galeni interpretem se esse fatetur, cum Galenus hoc fecerit, quare non ipse hoc idem fecit? facit hoc magno artificio Auicenna, neque potuit aliter facere, nam ipsa accidentia sunt signa & significationes & medici utuntur illis pro cognitione ægritudinum. Cum igitur non tantum signum fuerit ægritudinum, sed & causas ægritudinum, si debent denotare morbos, debetis habere peritiam signorum, quæ indicant illas dispositiones, & causas, si inquam debetis habere perfectam cognitionem subiectorum, nam accidentia cognoscuntur per sua subiecta, cum etiam referantur ad causas & distinguantur in quantum causas, primo oportebat Auicennam agere de dispositionibus, secundo de causis, tertio de accidentibus, quæ non tantum dispositiones demonstrant, sed etiam ipsas causas, quia si non cognoscetis,

gnosce-
tis causas, quas significant, frustra de his age-
retis. Quod autem accidentia significant, tam cau-
sam quam morbum, apparet in multis exemplis. di-
camus de febre putrida, à melancholico humore, uel
pituitoso dependente. ista accidentia non indicant tã-
tum febrem, sed causas, ut inæqualitas pulsus indicat
febrem putridam, in febribus hecticis, et ephemeris
non est inæqualitas pulsus. Præterea urinae crassio-
res, turbidiores, & crudiores in principio quando
incipiunt putrescere humores, indicant putredinem,
in colore postea, prout urina est rubea, citrina uel al-
bicans indicantur humores qui putrescunt. Pulsus
tarditas, frequentia, uelocitas, non indicat febrem sed
causas particulares febris a quo humore fiet febris,
ita indicant ipsa accidentia, quæ consequantur, non
tantum morbos, sed causas morborum. Cum ergo in-
dicant tam causas quam morbos, recte Auicenna ter-
tio loco egit de accidentibus, & non fecit hoc casu,
sed summa arte & artificio. Quod autem Galenus in
arte parua, seruauit alium ordinem, non miremini,
quia intentio Galeni non erat docere medicinam ibi,
sed rememorari ea, quæ in alijs libris, diexodice, do-
cuerat; quod expresse ipse docuerat fatetur in proœ-
mio artis parua; quod ille liber est factus ad memo-
riam. Ergo cum uoluerit Galenus ostendere quomo-
do ex definitione nascatur cognitio causarum & di-
spostionum, non curauit primo tractare de causis,
quia cum tradit doctrinam, sed quando seruat ordinem
doctrinae facit oppositum, ut hoc loco Auicenna fecit.

Quod hoc sit uerum uideatis librū de definitione morborum, & symptomatum, semper primo proponit morbum, deinde differentias symptomatum, deinde inuestigat causas singulorum, & semper postponit symptoma, ut cognoscantur causæ, ut de illis inuestigamus causas accidentium tantum, non morborum; nam causas symptomatū, uel symptomata intellexit Galenus prout unum non refertur ad aliud, sed prout separata sunt à seipsis, Auicenna autem considerat quo modo aliud ad aliud se habeat, & ideo merito prius egit de dispositionibus, secundo de causis, tertio de signis, uult enim docere artem integram per suum ordinem. corporis humani dispositiones, secundum Galenum sunt tres; exequitur textum & dicit, quod secundum Galenum dispositiones humani corporis omnino sunt . tres in genere dixit secundum Galenum secundum medicos dogmaticos. Quorum princeps fuit Galenus. Quauis Hippocrates fuerit prior Galeno, & parens, & inuentor medicinæ, Galenus tamen explicator, ergo interpretemini secundum medicos dogmaticos, omnes enim ita tenent esse tres dispositiones humani corporis, licet philosophi & Aristot. non cognouerint nisi duas dispositiones, sanitatem, et ægritudinem non mediam illam, tamen non est discrepantia inter Aristotelem & Galenum, nam quo ad uirtutem & rationem, non est medium, sicut neq; aliquod medium, inter priuationem & habitum, inter æqualitatem & inæqualitatem datur. Sed quando medicus considerat, quo ad sensum, nō curat nisi quod sensui

sensui apparet, dicit dari neutram dispositionem, & licet dare etiam sanitatem. quando operationes sunt sanæ & incolumes in corpore ægritudines, quando corpora sunt læsa, tamen quandoque contingit, ut neque manifestentur læsiones operationum, neque incolumitates, sed nesciamus quandoque perferre de nobis ipsis, an simus sani an ægri, ut est communis modus loquendi, ego neque sanus neque æger sum, nescio quid habeam, exercent quidam suas operationes, sed exercent debiliter in hoc, licet sit alteratio & dependeat ab ægritudine tamen non est ægritudo si æger dicitur, ille qui actu ægrotat, uel melius qui percipitur sensu ægrotare. Ad hunc terminum sumitur à medicis medium illud quod appellatur neutralitas, cum tamen dicerent Philosophi qui considerant rem non secundum sensum, sed secundum rationem, quòd toto eo tempore quo mouetur à termino, à quo ad terminum, ad quem est in sanitate, ubi uero in termino ad quem apparet læsio operationum dicitur ægrotare, & si bene consideratis rem ipsam, non est discrepantia nisi in uerbis. Secundum igitur omnes medicos tres sunt dispositiones humani corporis, quando sunt impeditæ operationes dicitur ægritudo: quando operantur omnes suæ operationes dicitur sanitas; & quando ambigunt medium ut neque planè sanum hominem, neque ægrum possis dicere, neutralis dispositio dicitur. De istis tribus dispositionibus est agendum. (Sanitas quæ est dispositio.) Incipit dicere quid est sanitas, & merito à sanitate ince-

Difficultas

pit, quia sanitas est prior tempore natura, & notior etiam quoad nos: Sed hic est difficultas. Vnde est, cū Auicenna proposuerit tres esse omnino dispositiones in humano corpore, quæ omnes sunt necessariae cognitu ab ipsis medicis, neque sine cognitione istorum trium, tum quo ad essentiam tum quo ad omnes passionēs, medicus non potest esse medicus, nihil dixerat de sanitate, proposuit tantum de ea, deinde uincipit tractare de ægritudine, potest esse dubium, quare hoc fecerit: est enim nobilior & magis necessaria sanitas; non possumus enim cognoscere ægritudinem nisi cognoscamus sanitatem, quia curamus ægritudinem per relationem ad sanitatem, ergo erat diligentissime agendum de sanitate. sicut Galenus prius tractauit de sanitate, antequam tractaret de ingenio & methodo tradendæ artis curatiuæ, cur ideo non idem facit Auicenna? Ad hoc respondemus, quod dupliciter consideramus sanitatem; uno modo theoricæ quo ad ipsam essentiam sanitatis, alio modo practice, quo ad modum & methodum operandi. Si theoricæ consideramus non possumus aliter facere, quam fecit Auicenna, neque aliter fecit Galenus: nam sanitas in se ipsa habet nomen, sed species sanitatis nullum habet nomen. Sanitas quæ opposita est. V. gratia Cataractæ nullum habet nomen, ita de singulis quibuscq; sanitatibus. Cum igitur non habeamus nomina particularia ut de ægritudinibus, quomodo tractabimus de sanitatibus, de quibus tractandum erat? Acgritudines, ut uidebimus quando agemus de ægritudinibus, habent
semper

Resp.

semper suam optatam sanitatem, licet non habeamus nomen, uidebimus tamen essentiam ipsius & contrarium. igitur non theorice quo ad species pertractare de sanitate, cum nos non possimus, ut nos uidebimus de singulis ubi de aegritudinibus agemus, quantum ad suum genus sanitas nomen habet, sed propria nomina non dantur. Sanitas autem duplex est, sanitas simpliciter, & sanitas ut nunc, ut distinxit Galenus primo artis parue. Sanitas simpliciter distinguitur adhuc, ut semper, ut multum. de hac sanitate egit Galenus etiam in libro de opt. habitu, & in primo de sanitate tuenda; & quando locutus est Galenus in genere nihil aliud dicit, quam quod sanitas quaedam est simpliciter sanitas quaedam, ut nunc non explicat alias species sanitatis. Ista sanitates possunt & docuit Auic. in prima Fen, non oportebat ut nunc doceret; sed docuit ubi locutus de temperaturis, ibi dixit temperaturam. Et ibi de hoc diligenter tractauit, ubi numerauit eius species multo diligentius atque accuratius ipso Galeno; neq; ob id debetis expectare tractationem ab Auic. theoricam de sanitate in uniuersali, sed ut consideratur practice, ut nunc Auic. copiosissime tractauit in tertia Fen primi. & imitatur ipsum Galenum, neq; alio modo egit Galenus de sanitate quam Auicenna. ecce ergo quo modo Auicenna manet intra limites suos & continetur in suo ordine. Ideo debemus eum imitari, quonia in tractando eas ipse met Galenus reuolutus est, quoniam id quod tractauit confuse Galenus Auicenna postea ordinauit, & ultra illud

lud quod facit Galenus ipse Auic. postea tradit modū
operandi, quod affectus non est Galenus in suis tra-
ctatibus, quoniam & si Galenus tradiderit medicinā,
tamen eam non constituit etiam circa particularia. i.
curando, quapropter bene dicebant isti antiqui no-
stri, non medeberis cum Galeno sed cum Auicenna
neq; ob id contemnendus est Galenus quoniam ille me-
dicinam illustrat. obhanc ergo causam Auicenna tra-
ctare noluit de sanitate in uniuersali, sed ueniam, mo-
do ad definitionem ipsius sanitatis, ideo (sanitas est
&c.) cum sanitas ipsa sit aegritudini contraria, &
multum inter se fiat distantia, ideo sub eodem genere
sunt, sed uisum est iam quod in definitione aegritudi-
nis est ipsa dispositio ergo dispositio erit etiam defini-
tio sanitatis, quoniam est earum genus: sanitas ergo
est dispositio, postea subiungit (per quam corpus
hominis in sui complexione & compositione
ne tale existit,) sunt autem istae causae proximae
sanitatis, quae sunt causae eius efficientes, quae existunt
in ipso membro subiectiuo, & sanitas est in illis subie-
ctiue, sed hic statim dubitatur cur solum numerauit
istas duas causas proximas, dimiseritq; unionem, cum
tamen supra numerauerit istas tres in exemplis aegri-
tudinis. ad hoc dico quod Auic. studens maxime bre-
uitati ipse subticuit istam tertiam speciem, quoniam
cum solutio continui sequatur intemperiem, & quo-
niam etiam in solutione continui ipsa compositio lae-
ditur, ideo cum dixit complexionem & compositio-
nem subticuit unionem continui, quoniam reducitur
sub

sub compositionem, ideo ne definitio sanitatis nimis protraheretur, diligens Auicenna pratermisit unionem, quoniam dixisset sanitas est dispositio, per quam corpus hominis in sui complexione, & compositione, & solutione continui tale est &c. sed huc usque sanitas conuenit cum alijs duabus dispositionibus quoniam ægritudo & neutralitas sunt dispositiones in corpore hominis in complexione, compositione & solutione continui, ideo Auicenna subiungit id per quod sanitas distinguatur ab istis dispositionibus, & subiungit differentias dicens (vt ex eo omnes operationes proueniant incolumes) sed sciatis quod Auic. dixit sanitatem esse causam complexionis & compositionis & solutionis continui, tamen est res, econuerso, quoniam compositio & complexio sunt causæ sanitatis, ideo sciatis quod sanitas potest dicere causam dupliciter, uel subiectiue, & hoc modo sanitas non est causa ut corpus humanum habeat bonam complexionem, uel bonam dispositionem, imo corpus & compositio sunt causæ sanitatis subiectiue, quia sanitas in illis subiectiue manet, alio modo sanitas potest dicere causam formaliter ipsius complexionis & compositionis, & hoc modo ueritatem habet dictum Auicennæ, quoniam sanitas est dispositio, & dispositio semper est in ipsa facultate primo, à qua immediate pendunt operationes ipsæ, ideo dictum Auicennæ habet ueritatem intelligendo sanitatem ut habet rationem causæ formalis, postea dicitur (& ægritudo est &c.) Cum Auicenna iam proposuerit de sanitate
camq;

eamq; definiuerit in presenti parte aggreditur proponere secundam dispositionē, uidelicet ægritudinem, & nihil aliud dicit quàm quod ægritudo est dispositio corporis humani illi sanitati contraria, & cur dimisit definitionem illius, cum tamen definiuerit sanitatem & primo dico quod prætermisit eius definitionem quia superius in primo capite definiuit eam cum dixit (& ægritudo est dispositio non naturalis in corpore humano &c.) ideo ne idem bis repeteret subticuit nunc eius definitionem, secundo quia contrariorum eadem est disciplina, & quia sanitas contraria est ipsi ægritudini, sanitasq; definita iam est ideo per contrariam rationem definiri possumus ipsam ægritudinem, ideo subticuit eius definitionem studens breuitati, sanitas enim est dispositio, qua corpus hominis existit in sui compositione, & complexione, ut ex eo omnes operationes incolumes proueniant, formetis modo uos definitionem ægritudinis contrariam, huic ægritudo est dispositio, qua corpus humanum existit tale in sui compositione, uel complexione, ut ex eo proueniant operationes læsæ. Sed hic unum est adnotandum, quia Auicenna definiens sanitatem per dispositionem in complexione & compositione, usus est coniunctione, uidelicet copulatiua, & cum tamen in definitione ægritudinis superius data, in capite primo usus sit disiunctiua uel, cum dixit ægritudo est dispositio &c. aut in compositione, aut in complexione. Ad hoc respondeo & dico, quod ratio huius diuersitatis fuit mira apud istum hominem, quoniā

ad hoc, quod corpus humanum sit ægrum non requiritur, nisi quod sit læsum uel in compositione tantum, uel tantum in complexione, uel tantum in solutione continui, non autem requiritur ad hoc quod dicatur esse ægrum ut sit homo in istis omnibus simul, ob id Auicenna definiens ægritudinem, usus est disiunctiua, sed quia ad hoc quod corpus humanum dicatur esse sanum requiritur non solum quod sit incolume in una istarum specierum, sed etiam oportet quod sit incolume in omnibus simul si sanum esse debeat, ideo Auic. definiens in præsentī cap. sanitatem, usus est copulatiua coniunctione, & quoniam est sanitas simpliciter, & sanitas secundum quid, ideo si debet esse sanitas simpliciter, oportet quod nullam habent operationem læsam omnino, & hoc notetis bene propter ea quæ dicturi sumus inferius, & propter ea quæ dicuntur ab istis modernis, ne uos implicent suis nugis cum disputant de neutralitate, sicut paulo inferius dicemus. est modo tertium propositum cum proposuerit duas dispositiones nunc exequitur de altera, uidelicet de neutralitate, quæ neq; est ægritudo neque sanitas. cum enim ipsum corpus neq; plane sit ægrum cum exerceat suas operationes, neque plane sanum, quoniam est aliquo modo læsum, & hæc dispositio contingit corpori tripliciter. Aut enim contingit, quia neque sanitas, neq; ægritudo sit in corpore illo in ultimo plane, sed faciunt quoddam medium ambæ remissæ, quod appellatur dispositio neutra, ut contingit corporibus senum & pucrorum, senum quidem, quia uidemus,

uidemus, quod neque penè sunt ægri, sed neque sani, quoniam semper sunt quærule; puerorum autem qui sunt nuper nati, qui non omnino exercent operationes suas, sed neque sunt ægri omnino, sed in medio ambigunt, & hoc sit uno modo dicta neutra dispositio, secundo modo dicitur esse neutra dispositio, cum uide licet in uno membro est sanitas, in alio uero ægritudo: puta quod sit sanitas in toto corpore præter quàm in crure, in quo est ægritudo, tunc enim illud corpus appellatur neutrum, aut quia sanitas & ægritudo quidem sunt in uno membro, sed sunt distinctæ per genera remota, quoniam illud membrum puta sanum est in compositione, quia bene compositum est, sed est male complexionatum, & ideo est ægrum, & hoc corpus dicitur neutrum, aut quia in eodem membro sunt istæ duæ dispositiones, sed distinctæ generibus propinquis, puta quod sanum sit membrum in figura, sed ægrum in situ uel quantitate, & est sub uno genere, uidelicet compositione, aut quando sanum est in duabus qualitatibus, puta est bene complexionatum quoad frigidum calidum, sed est ægrum quia est male complexionatum quoad humidum, siccum. Tertio modo contingit corpori humano ista media dispositio propter diuersitatem temporum, quoniam idem homo sanatur uere, & infirmatur hyeme, quæ omnia à Galeno tractantur in primo libro artis parue. Sed hic unum notate & diligenter, quoniam propter uerba Auicennæ hic et Galeni in libro artis parue male tractata est maxima difficultas, quoniam his stantibus

tunc

tunc dicemus, quòd quando aliquis habet Gangrenā,
 uel amputatam manum, & reliquum corpus sit sa-
 num, dicitur neutrum; sic quando habet ulcus, uul-
 nus sine aliqua ægritudine in aliqua parte, dicitur il-
 lud corpus neutrum, ita uidetis quot difficultates in-
 surgunt ex hoc, imo quando quis patitur uertiginem
 erit corpus neutrum, quia cerebrum patitur, quæ o-
 mnia tamen sunt falsa, quoniam medici experiantur
 contrarium. et hanc absurdam difficultatem sequun-
 tur multa alia incommoda, ideo dico quòd tam uerba
 Auic. quam illa Galeni sunt male translata. quantum
 sit ad Auic. ego nihil scio, sed ita puto, quia nescio li-
 teras Arabes, tamen unum scio, quòd Auic. est mul-
 tum elegans in suo sermone, sicut supra dicebamus,
 neque hoc dixisset ipse, sed est error interpretum,
 fuit enim translatus, primo de lingua Arabica in He-
 braeam, postea in Hispanicam, postremo à quodā Cre-
 monensi fuit, traductus in Latinam, qui erat multum
 ignarus, & in multis peccauit, bene scio tamen quod
 quantum ad Galenum textus græcus non ita se habet
 quoniam dicit ipse corpus νοσηρόν καὶ ὑγιαίνον, id
 est, egrotabile salubre, nō autem ægrum sanum, quo-
 niam est quidem aptum ad sanitatem et ægritudinem,
 non autem est sanum uel ægrum, ideo dico quod illud
 corpus neutrum dicitur esse non salubre propter æ-
 ptitudinem quam habet, non autem actum, sic enim
 egrotabile propter aptitudinem quam habet ad ægri-
 tudinem. Quando igitur in una parte corporis uel in
 pluribus est ὑγιαίνον, in alia parte νοσηρόν, insalu-
 bre,

bre, ista omnia uera sunt quādo exempli gratia quis habet stomachum imbecillum, ut non bene cōcoquat, ceteras uero partes habeat robustas illud corpus nō dicitur sanum exquisitē sed neutrum quia habet corporis partes sanas non omnes, non agrum tamē, quia si laborat uenter diceretur ager et habere agritudinem sed quando imbecillior uenter et non concoquit quantum oportet sed diminute concoquit iste uenter est insalubris tendit ad agritudinem ideo illud corpus est neutrum. quod dico de uentriculo dico de omnibus partibus. quando igitur aliquis in una parte habet insalubritatem in alijs salubritatem non intelligatis de insalubritate in actu, et quando homo caret dentibus licet in alijs partibus sit sanus non potest comedere est ager, tale corpus dicitur neutrum. Vos igitur uidetis quomodo dicamus corpora neutra, quando una pars uel plures sunt salubres, alie insalubres prout talis salubritas, uel insalubritas dicit aptitudinem, nam quando est actu insalubre dicitur agrum. reliqua modo omnia facilia sunt. Vos igitur habetis iam tres dispositiones humani corporis, et quomodo debent intelligi, et quæ sint.

LECTIO OCTAUA.

AGRITVDINVM uero alię sunt, quæ sunt simplices, alię sunt quæ sunt compositæ.) In superioribus dicebamus secundum Auic. quod dispositiones corporis humani sunt tres, sanitas, agritudo, et neutralitas, et uidimus quid sit sanitas, quid agritudo,

ægritudo, quid *neutralitas* etiam, & cur *Auic.* non egit de *sanitate*, sed primo incepit agere de *ægritudinibus*, postea etiam uidimus cur *Auic.* definiuerit ipsam *ægritudinem* *disiunctiue*, curq; *sanitatem* *copulatiue*, quare cum dimiserit tractatum ipsius *sanitatis*, incipit modo tractatum de *ægritudine*, & dicit (*ægritudinum &c.*) hic notare debetis mirum ordinem *Auic.* miramq; doctrinam eius, quoniam neque abundat in superfluis, neque deficit in necessarijs. Cum enim *ægritudo*, quod est quoddam uniuersale tripliciter diuidatur, primo quidem sicut quando diuidimus unum quoddam plura significata habens in sua significata, sicut quando diuidimus æquiuocum nomen in sua æquiuocata, secundo diuidere possumus *ægritudinem* tanquam sit quoddam genus uniuocum in suas subiectas species, quandoque autem diuidimus aliquid secundum sua accidentia illi inherencia, sic possumus etiam diuidere *ægritudinem* per sua accidentia, sed quoniam diuisio *ægritudinum* secundum sua accidentia est multiplex secundum Galenum, primo quidem diuiduntur *ægritudines* secundum tempora durationum, quando dicimus morbi alij sunt acuti, alij chronici, alij medij, quæ multum est necessaria ad hoc quod sciatur à medico, & est diuisio Galeni in primo pronosticorum textu. est enim necessaria medico quoniam aliter curantur acuti, aliter chronici, aliter etiam ipsi medij. Secundo diuiduntur *ægritudines* quãdo dicimus morbos alios primos esse, aliquos secundos, & hæc est necessaria medico quoniã pri-

dicuntur ἐνδεύεινοι. illorum ergo, qui inuadunt com-
muniter alij sunt ὁμογενεῖς alij uero ἐνδεύεινοι. &
pro hoc uidete Gal. primo de ratione uictus in mor-
bis acutis in principio, & in primo Epidemiarum, in
principio quoq; . Sed etiam diuiduntur morbi ex na-
turis suis, quoniam alij sunt suaues, mites, non ex-
acerbantes, & dicuntur proprie benigni, alij sunt ma-
li, exacerbatēs, et dicuntur maligni, præterea alia est di-
uisio morborum, quoniam alij sunt exitiales, alij non
exitiales, & hanc differentiam posuit Galenus in illo
libro de definitionibus si modo Galeni est, quoniam alij
qui putant illum lib. esse falsò iniunctum Galeno: sed
quid ad nos? scimus saltem unum quod ille author qui
composuit illum librum definitionum hoc dicit ibi sed
uniuoca diuisio morborum, ita quod morbus ponatur
esse quoddam genus uniuocum ad suas species. diuidi-
tur dico in suas species per medias differentias. Sed ta-
men hæc diuisio per differentias dupliciter fit secun-
dum quod differentie ipsæ sunt duplices. quoniam ali-
e sunt transcendentes et communes; transcendentes
quidem suum genus morbum, quoniam contingunt et-
iam alijs rebus, neque appropriantur soli morbo;
proprie autem sunt illæ, quæ soli morbo sunt appro-
priatæ. & hanc diuisionem persequitur Auicenna
dimittens primam diuisionem, quoniam de illa non cu-
rat nunc, diuiditq; morbum tanquam si esset quoddam
genus uniuocum per differentias transcendentes &
communes, quando dicit ægritudinum aliæ sunt sim-
plices, aliæ compositæ, & quoniam uult tractare de
ipsis ægritudinibus, ideo Auicenna etiam hic incipit

tractatum de ipsis, dicitq; quoniam alie sunt *agritudines simplices*, alie *compositae*: ecce quomodo iste differentie sunt communes, quoniam possumus diuidere multa per simplex & compositum ut ipsum morbum, & hæc est diuisio morbi in suas significationes, quoniam est *æquiocum genus ad simplices*, & ad *compositas agritudines*. & hoc est præceptum diuinum Galeni in libro de placitis secundum Platonis opinionem, quoniam semper primo tollende sunt *æquiocationes*, demum ueniendum est ad tractationem rei. sic facit etiam Auicenna imò Plat. laudat tanquã Deum illũ qui seruat hoc præceptum, ut sciat semper tollere *æquiocationes* in illo suo Philebo. Est alia diuisio morborum per proprias & *essentiales differentias*, & diuidimus hoc modo genus quando diuidimus illud per ea quæ sequũtur illud. Et hoc modo nos diuidimus ipsum morbum per subiecta, quoniam talis diuisio est *essentialis*, quoniam cum *agritudo sit accidens*, oportet quod accidat corpori, sed in qualibet ratione accidentis debemus sumere proprium subiectum, sicut dicebat etiam Aristot. 7. meth. ideo cum diuidimus ipsam *agritudinem* debemus eam diuidere penes etiam ipsa subiecta; quot ergo sunt subiecta, tot eorum *agritudines*. Sed aliqua membra in quibus est *agritudo ipsa sunt solum complexionata*, & sunt *similaria*. prima ergo erit *agritudo in complexione*, postea sunt alia membra quæ supra complexionem habent compositionem ipsam; & compositio aut est ex *similaribus*, aut ex *organicis partibus*. tertio uero superuenit his duabus *continuitas totius*. & quoties

tiescunq; unum istorum uitiatur, fit & constituitur unum genus morbi. quoniam si uitiatur complexio in similaribus fit primum genus ægritudinis dictum ægritudo in complexione: si uero uitiatur compositio organicorum fit secundum genus dictum ægritudo in cōpositione: si autem uitiatur continuïtas totius fit tertium genus dictum solutio continui, & ita sunt tres species ægritudinū diuisione facta per subiecta in quibus sunt, & est diuisio per proprias, & essentielles differentias, quam diuisionem persequitur etiam Auicenna in presenti cap. sicut postea etiam declarabimus. Quotiescunq; ergo fit læsio in una istarum dicitur ægritudo, sed si debet esse sanitas simpliciter, oportet quod nulla omnino sit læsio in istis sed sint omnes incolumes, & hoc est quod dicebamus superius, quando dicebamus, quod Auicenna definiuit sanitatē per istas species copulatiue, sed ægritudinem definiuit in primo cap. distinctiue, neque oportet hæc amplius repetere. habetis ergo diuisionem generis per suas essentielles differentias ab ipsis subiectis, sumitur modo alia diuisio ægritudinis à genere læsionum operationum, quæ sequuntur ipsas ægritudines uel complexionem, uel compositionem, uel solutionem continui, quam diuisionem accipimus à Galeno in primo therap. in duodecimo cap. quoniam uel est læsio operationum propter malam complexionem, uel propter malam compositionem, uel propter solutionem continui, quæ omnino diuisio incidit in primam diuisionem et ista diuisio morborum est magis practica,

illa uero est physica, magis. Auicenna autem in dando diuisiones morborum fuit multum diligens, & non abundat in superfluis, quoniam diuisionem per differentias accidentales dimisit, quoniam magis attinet ad practicum, non autem ad Theoricum, quoniam cum uenimus ad modum curandi, tunc dandæ sunt illæ diuisiones, quoniam secundum operationes læsas etiam in curatione morborum nos gerimus, ideo diuisio per operationes læsas non debebat numerari in hoc tractatu, quod faciens Auicenna diligenter duas tantum, reliquas diuisiones exequitur, primo quidem per differentias communes, quando dicit quod (ægritudinum aliæ sunt simplices, aliæ compositæ) sed uidetur quod ista diuisio sit logica quoniam uidetur quod attineat ad medicum eam scire, ideo relinquenda est, quoniam Galenus in primo de locis affectis, dicit omnem illam questionem, omnemque rationem quæ non attineat ad finem medici, esse logicas, imò uanas etiam; sed dico quod hæc diuisio non est logica, quoniam pertinet imò maxime ad medicum. Quod hoc sit uerum uideatis Galenum in quarto therapen. in principio ferè illius libri, qui dicit præcise oportere bene inuestigare & inquirere morbos, ut scias qui sint simplices quique compositi, quoniam simplicibus simplex, compositis uero composita indicatio conuenit, oportet enim diligenter aduertere in curatione morborum, quoniam alij sunt simplices alij compositi, quoniam non eodem modo curantur sed diuersimode; alia enim medicina adhibetur simplici,

alia

alia compositæ ægritudini . dat ergo diligenter optimeq; Aulc. primam illam diuisionem ægritudinis ; uideamus ergo uerba ipsius . (Ægritudinum uero aliæ sunt simplices , aliæ compositæ , simplices autem sunt , quæ sunt una ex speciebus ægritudinis complexionis , aut una ex speciebus compositionis , quam postea nominabimus , incipiemus igitur loqui prius , &c .) Sed hic scire debetis quod morbi sunt compositi triplici de causa , aut propter pluralitatem causarum facientium ipsos morbos , aut propter pluralitatem qualitatum , aut propter pluralitatem morborum simul iunctorum . Singula sunt consideranda a nobis , primoq; quoad primum . dico quod morbus potest esse compositus , quia proueniat a pluribus causis ; sed diximus superius etiam causas esse duplices , aut uidelicet antecedentes sunt , aut coniunctæ , & propter pluralitatē singularū compositi fiunt morbi . quod pluralitas causarū coniunctarū faciat compositos morbos , manifestum est exemplo ; quoniam uidemus quando aliquis laborat podagra propter materiam defluxā ad ipsas iuncturas , & est materia pituitosa & biliosa , ille enim morbus dicitur compositus propter pluralitatem causæ coniunctæ ipsi morbo , quæ est ipsa materia , sed propter pluralitatem causarum antecedentium quoq; compositi fiunt morbi , quoniam potest esse quod in corpore alicuius hominis humores colligantur biliosi & pituitosi , & ex nimia collectione ne putrescunt adueniente extraneo calore , & fit fe-

bris putrida, quæ postea est ægritudo composita propter causarum pluralitatem antecedentium quidem, uidelicet humorum phlegmatici & biliosi, quæ dicta est ab Auicenna in prima primi capite de humoribus, sicut anno elapso declarabamus de cholera uitellina; & materia est causa efficiens eas ægritudines, sicut supra diximus, sed etiam propter pluralitatem qualitatum ipsarum agentium uel patientium, quæ sunt causantes ipsum morbum, quoniam potest esse quoddam calidum, & frigidum, et humidum nimium excellant, & ita fiat mala complexio, ad quam sequatur ægritudo ipsa, quoniam caliditas ipsa & frigiditas cum humiditate non sunt facientes ipsam ægritudinem, neque sunt ægritudo, sed dispositio postea mala non naturalis, sequens talem complexionem est ægritudo quæ formaliter est in ipsa facultate, licet subiectiue in isto membro, siue corpore, in quo est ipsa mala complexio, quæ afficit illud corpus. uidete quomodo semper uerum uero consonat, & ratio formalis ipsius sanitatis est dispositio mala in facultate, quæ semper est in primo genere qualitatis. Sed ab ipsa facultate prouenit ipsa operatio immediate, quoniam est illa, quæ inuenta sit inuentio sui effectus & actionis, & cum læditur operatio, signum est quod læsa est facultas, quæ ipsa læsa fuit propter malam complexionem accidentem ex actione, & passione illarum trium qualitatum. Hæc obiter dicere uolui quoniam res introducta est uerissima; quando ergo caliditas, humiditas, frigiditasque adueniunt membro, deprauatur operatio

membrorum

membrorum, & tunc dicitur esse morbus qui est cō-
positus propter pluralitatem qualitatū causantium
malam complexionem. tertio autem dicitur esse com-
positus morbus propter pluralitatem morborum si-
mul iunctorum in uno membro, siue in uno corpore,
quoniam potest esse morbus in mala complexione, &
mala compositione corporis, & dicitur tunc mor-
bus compositus, quia sunt duo morbi simul iuncti. His
uissis remanent solutæ omnes dubitationes, omnesq;
nugæ Gentilis et Iacobi de Forliuio, ideo dico quod
morbus ille non est uere compositus, qui est composi-
tus ex pluralitate morborum simul coniunctorum in
uno membro & corpore, sed illi proprie dicuntur
morbi compositi, qui sunt compositi ex pluralitate
causarum, uel ex pluralitate qualitatū causantium
complexionem malam, quam sequitur agritudo non
naturalis dispositio, & sciatis quod iste discursus non
est meus solum, sed etiam Galeni in primo de differen-
tijs morborum cap. 12. & 13. & si tamen ibi obscu-
rius discurrat Galenus quam ego feci. cognitis autem
compositis morbis quomodo sunt compositi propter
triplicem causam, uos cognoscetis etiam idem de sim-
plicibus, quoniam contrariorum eadem est discipli-
na. erunt ergo morbi simplices, uel propter simpli-
citatem causarum, uel propter simplicitatem ipsarū
qualitatū, uel propter simplicitatem morbi, neque
hoc erit uobis difficile iudicare. Sed tantummodo re-
stat unum notandum hic, quia dubitatur cum sint duo
morbi coniuncti in eodem corpore, quorum alter sit

loco essentialis, alter uero accidentis; exempli gratia, cum sumus in pleuritide est inflammatio in ipsis membranis costarum, quæ est essentialiter ægrotudo in pleuritide, ad quam inflammationem sequitur febris, quæ est eius accedens, siue symptoma. queritur ergo an hic morbus ita cõplicatus sit cõpositus an simplex, uidetur. n. q. sit simplex, nõ aut cõpositus, quoniã cõposito morbo debetur indicatio cõposita (si modo uerum est illud q. dicebamus ex sñia Galeni superius) morbo simplici simplex, modo in pleuritide nos uidemus, quod attendimus solum inflammationi, non autem ipsi feбри, ergo est simplex, credo quod hoc dubium est solutum ex dictis superius a me, quia quancumque in pleuritide febris est ita, ut ad se nullo modo trahat curationem. Sed inflammatio attenditur ab ipso medico, tunc sumitur indicatio simplex, ergo etiam morbus est simplex, sed quotiescunque inflammationi est coniuncta febris, pura pestilentialis, tuncq; febris pestilentialis trahit ad se curationem, ita quod medicus non solum attendit ad pleuritidem, sed etiam ad ipsam febrẽ, inò sæpe magis attendit ad febrẽ pestilentialem, tunc dicitur esse morbus complicatus, atque cõpositus, ratio est quia requirit cõpositã indicationem, sed cum febris est mitis debilisq; consequens ipsam inflammationem, & non trahit ad se curationem, sed remota inflammatione remouetur febris, quod est symptoma, tunc morbus est simplex, quoniã attenditur solum ipsi inflammationi, sicut docebat curare pleuritidem Hippoc. in primo de ratione uictus

in morbis acutis . cum autē hęc dixerimus, ueniamus
modo ad expositionem literę sequentis .

LECTIO NONA.

INCIPIEMUS igitur loqui prius de e-
gritudinibus simplicibus, & dicemus quòd
ęgritudinum simplicium genera sunt tria &
quę sequuntur:) Dicebamus in superiori lectio-
ne quo modo Auicenna diuisionem ęgritudinum fa-
ciebat per differentias etiam essentielles, & per diffē-
rentias communes, sed quia prima diuisio per differe-
tias communes fuit in ęgritudines simplices & com-
positas, ideo Auicenna in præsenti parte uult incipe-
re tractare hanc diuisionem, tamen uult primo agere
de ęgritudinibus simplicibus, deinde de compositis,
& cum agat quidem de simplicibus, primo agit de eis
in uniuersali; secundo uero de eis in particulari de
singulis. ueniamus ergò ad diuisionem simplicium ę-
gritudinum, quando ait Auicenna, (Incipiemus
ergo, &c.) sed quoniam alia multa iam sunt decla-
rata, ideo circa hanc partem oportet uidere nonnulla
certe notanda, sine quorum habito prius intellectu
non possētis intelligere ea, quę dicuntur hic ab Aui-
cenna, & si bene animaduertētis, ac recte intellige-
tis ea quę sum dicturus, sciētis soluere omnia illa ua-
na dubia, quę quærunt hic isti moderni Gentilis, Iaco-
bus de Forliuio, Iacobus de partibus, etiam ille Con-
ciliator hic, debetis ergo primo scire, circa hoc, quòd
in corpore humano sunt operationes, & actiones
multę

multæ à facultatibus ; oportet ergo quod in corpore humano sint instrumenta ad obeundas illas actiones , quoniam actiones ipsæ sunt fines istorum corporum , sed quoniam nō possunt fieri tales actiones sine instrumentis , ideo oportet quod sint instrumenta data a natura , sed si ista instrumenta debent esse apta ad istas perficiendas , oportet quod sint composita quoniam sunt corpora . opus ergo est uidere eorum compositionem , si uolumus uidere ; ac recte cognoscere omnes species egritudinum , quæ contingunt circa ista instrumenta . ista ergo instrumenta sunt composita ex quibusdam partibus similaribus , quæ quidem sunt similes in toto & partibus , quoniam eorum partes habent eandem definitionem cum totius definitione , ut caro & pars carnis ; quælibet enim pars carnis est caro , & definitio cuiuslibet partis carnis eadem est cum definitione totius carnis , & ideo dicuntur partes similes . præterea appellantur etiam primæ partes ipsorum corporum , quoniam sunt illæ , in quas corporū fit ultima resolutio , ex quibus organica cōponitur tanquā ex partibus materialibus ; et notāter dixi materialibus , quoniā præter illas instrumentalia mēbra aliquid aliud habent , illæ quidem sunt tanquam eorum materia , sed postea aduenit forma illius compositi instrumenti , propter quam sunt postea instrumenta , & per quam differunt ab ipsis similaribus et à se inuicem , totum enim ultra partes aliquid aliud habet , neque hoc amplius est nunc declarandum , quoniā suppono uos in alijs scholis didicisse , sed istæ par-

tes similes ultra hoc quod dicuntur primæ dicuntur etiam simplices apud uidelicet ipsos medicos, quia res solutio compositorum in partes simpliciores est in has partes similes, quia istæ non possunt resolui in priora corpora sensibiliter, quæ sint composita uel humoribus, uel ipsis elementis, & tantummodo apud medicos dicuntur simplices partes corporis humani, quæ sunt compositæ ex humoribus quatuor tanquam ex materia propinqua, & ex quatuor elementis tanquam ex materia remota, sicut uidimus apud Auicennam in prima Fen, quam exposuimus anno clauso, quam diximus etiã hic superius ordinari ad hanc secundam Fen. & quod hoc sit uerum patet iam, quoniam ad quid Auicenna enumerasset elementa simplicia corpora, ex quibus istæ partes similes componuntur & ad quid numerasset quatuor humores, et eorum naturas nisi uidelicet ad hoc ut sciremus, quod ex illis istæ partes construuntur, ex quibus consistit ægrotudo ipsa, & quoniam aliquid aliud habere diximus totum quam ipsam materiam, ideo Auicenna in illa Fen prima numerauit complexiones ipsas, quæ oriuntur ex mixture istorum elementorum, quæ est ipsa forma ipsaq; ratio formalis partium similium, & ipsa eorum essentia, per quam distinguuntur non solum ab organicis, sed etiam à se inuicem. Sed quoniam ægrotudo ipsa nihil aliud est nisi uitium, & mala dispositio in essentia membrorum, in quibus membris est subiectiue, sed ut diximus essentia simplicium est ipsa complexio, igitur si in illis membris similibus

bus debet esse ægritudo oportet quòd ipsa complexio uitiata sit, ratione ergo suæ propriæ complexionis uitiatae uitiabuntur etiam ipsa membra simularia complexionata. complexio autem ista resultat ab actione quatuor primarum qualitatũ ipsorum elementorũ, & quotiescunque una illarum excedit, complexio ipsa uitiatur, in qua uitiata ipsa ægritudo consistit subiectiue, tamen non formaliter, sicut etiam diximus supra, unde bene dicunt illi unum morbum calidum, alium frigidum, alium humidum, aliumq; siccum, quoniam uidelicet illa qualitas excedens est subiectum ipsius ægitudinis, sed quod complexio ipsa non sit forma ipsorum corporum simplicium simularium, non est nunc locus disputandi. quoniam ad annum elapsum me remitto, in quo recte disputauimus, exquisitèq; de hoc, neque oportet amplius hæc repetere. cum ergo membra simularia sint composita ex humoribus elementisq; tam quam materia & complexione, tam quam forma & sua essentia. Cum ergo ægritudo in istis erit, oportebit, quòd sit primo in ipsa complexione, & ita ista ægritudo dicetur morbus in complexione, siue in partibus simularibus præter modo ista simularia sunt ipsa instrumentalia membra, quæ diximus componi ex illis partibus simularibus tanquam ex materia; sed quoniam istum aliquid aliud addit supra istas partes materiales, per quod distinguitur essentialiter ab istis partibus, per quod etiam constituitur tale totum, ideo ultra partes materiales ista instrumentalia membra habebunt formam atque essentiam ipsam, si ergo ut supra

praediximus instrumentum ipsum ordinatur ad ipsam operationem tanquam ad suum finem, neque operatio ipsa obiri potest sine instrumento, oportet quod tale instrumentum habeat formam aptam ad hoc ut facultas eo mediante possit operari. quæ ergo erunt suæ rationes formales? scilicet si talia instrumenta composita ex partibus similaribus tanquam ex materiis, oportet quod istæ partes conueniant in unum & ex illis unitis resultet quædam forma siue figura, quæ sit apta ad exequendas actiones: secundo oportet quod tale instrumentum habeat debitam quantitatem, quod neque sit maius neque minus quam oporteat ad operandum: tertio oportet quod habeat debitum situm in corpore humano: quarto oportet quod habeat debitum numerum partium, ne una uel superet, uel deficiat, & nisi unum quodque habuerit illud organum, operationes suas obire non poterit, & semper opus suum impeditur. nam si habuerit mancā figuram, neque aptam, opus suum non poterit perficere; similiter de alijs. uidetis ergo quod ista organica membra habent aliquid aliud præter ipsas partes similes, per quod sunt instrumentalia, & agunt suas operationes. si ergo talia organica sunt in sanitate, cum ista quatuor numerata sint in bona dispositione, ex opposito, sequetur quod quotiescunque istorum quatuor unum uitiabitur, uitium fiet etiam in ipsis organice membris, & dicentur ista uitia siue egritudines instrumentales, & in partibus instrumentalibus siue in compositione, & ita si uitiata erit figura instrumenti,

ti, dicetur *egritudo in figura*, si *situs* *egritudo in situ*, si *quantitas*, *egritudo in quantitate*, si *numerus* *egritudo in numero*, & ita *egritudines in istis membris* erunt plures, quàm illæ quæ sunt in *similaribus partibus*, & iam etiam credo quod sit manifestum totum aliquid aliud habere à *partibus similaribus siue materialib.* & secundū illud utiatur ipsum *instrumentum secundum*, quod est *instrumentum*, quia illa est sua *essentia*. neque putetis hæc me gratis dicere, quoniam omnia ista dicta sunt ipsius Galeni in 6. de *placitis Hipp.* & *Platonis in fine*, qui hæc aurea uerba certe ibi habet precise; notetis. Membra organica cōponuntur ex *similaribus*, tamen habent & *substantiā*. & *rationem formalem diuersam à similaribus*, ex quibus *conficiuntur*, unde non inuenitur aliquod *instrumentum* quod *assimiletur alteri*, nam alia est *substantia cordis*, alia *lienis*, alia *cerebri*, & sic de singulis *instrumentis*, nam ista *instrumentalia membra* sunt diuersa ab ipsis *similaribus* quoniam habent aliam *formam à forma illorum*, imo ipsa *instrumenta* inter se sunt diuersa *essentialiter*, quoniam habent etiam *distinctas formas* ita quod dicemus nunquam inueniri unum *instrumentum* alijs esse idem, sed secundum quod habent diuersas *formas*, etiam inter se sunt diuersa, non habent autem quod sint diuersa nisi per suas *rationes formales*, quæ quidem *rationes formales* sunt illa quatuor numerata iam à me *figura*, *situs*, *quantitas*, *numerus*. non autem *parte materiales* quæ sunt eiusmodi *subiecta*, & hic notetis unum, quod *corollarie*

rie sequitur ex dictis superioribus quod non omnis
ægritudo quæ est in instrumentis sit instrumentalis
quia et si sit sanum quo ad est instrumentum, id est, quo
ad suam formam, quo ad figuram, quo ad quantitatem,
quo ad numerum, quo ad situm, tamen potest laborare
propter malam dispositionem partium materialium,
et ita non semper laborat instrumentali ægritudine,
quoniam tunc laborat instrumentali ægritudine, quia
est læsum in sua forma, per quam est instrumentum.
Quoniam puta uenter certum est, quod est in-
strumentum, uidelicet concoctionis, est compositum
ex partibus materialibus, uidelicet humoribus & par-
tibus similaribus, postea etiam sua propria forma; po-
test ergo esse quod uenter ægrotet propter ma-
lam intemperiem suarum partium materialium, quo-
niam in eis superat frigiditas & humiditas, & ita uen-
triculus propter excedentes illas qualitates suæ ma-
teriæ læditur in sua operatione concoquendi nutri-
mentum; neque tamen dicimus uenter ob id la-
borare ægritudine instrumentali, sed ægritudo est in
mala complexione partium similarium componentium
ipsum uenter, sed cum uenter læditur, ut
est instrumentum concoquendi, est autem instrumen-
tum per suam propriam formam, quotiescunque er-
go forma eius male disponitur dicitur ægrotare in-
strumentali ægritudine. potest autem ledi per formam
quadrupliciter, quoniam forma debita eius ad hoc ut
concoquat debet consistere in illis quatuor, quæ iam
numerabo, quoniam tunc forma dicitur depruari,

cum

cum uel superficies ipsius uentriculi deprauatur, uel figura ipsius, uel receptacula, uel meatus. in uentriculo ergo forma debita erit, cū habuerit illa quatuor bene disposita, sed quando uitiatur unum illorum, uitiatur forma, consequenter ipse uentriculus leditur & egrotat ægritudine instrumentali in forma ipsa, primo quidem cum uitiatur forma eius; Vos enim scitis quæ sit eius figura ex ipsa anatome inspecta, quoniam est cucurbitalis, idest similis cucurbitæ. quoties ergo talis ista forma figuræq; uitiatur, tunc instrumentum laborat ægritudine instrumentali: secundo postea cum eius superficies etiam deprauatur, quoniam cum deberet esse aspera & quodam modo dentata ut amplectatur ipsum cibum melius & fiat lenis sicut contingit in ipsis lenterijs tunc uitium est in superficie uentriculi, consequenter in forma, & ipsum instrumentum egrotat postea ægritudine instrumentaliter tunc cum uitiatur sua cavitates, forma uitiatur & ipsum instrumentum. quarto cum eius meatus uitiatur, puta ipse œsophagus uel ipsi meatus pertranseunt, sicut uenæ etiam ipse, quæ sunt in ipso obstruuntur, et tunc egrotat quoniam sua forma læsa est, quoniam forma uentriculi consistit in istis quatuor in debita figura, in debita superficie, numero, & situ: & quod dico de uentriculo, intelligatis etiam uos de alijs membris, tamen non propter hoc uolo quod intelligatis omnia alia membra habere hæc quatuor, quoniam forma ipsa consistat in illis simul, sed forma est etiam in uno istorum ita quod uolo etiam membra habentia

unum

unum istorū siue duo habeat etiam formam uel deprauatam uel debitam, & quotiescunque unum illorum deprauatur, forma etiam ipsa instrumenti deprauatur, uenterculus ergo cum sit instrumentū potest pati temperaturam malam, non quod ægrotet ut est instrumentum, sed quia eius substantia, siue materia habet malam complexionem, & inde læditur ipsum instrumentum & non est ægritudo instrumentalis, sed in mala complexione ipsarum similarium partium; sed cum uenterculus ipse deprauatur propter suam formam deprauatā, quæ deprauatur quadrupliciter, uel propter quantitatem suam, quoniam sit maior uel minor quā requiratur ad concoctionem perficiendam, uel propter numerum suarum partium, uel propter suum malum situm, tunc uenterculus patitur ægritudinem instrumentalem, quoniam oportet quod situs ipsarum partium sit correspondens sibi, quoniam quotiescunque partes non corresponderent sibi, id est non essent proportionatæ ad operationem .i. ad hoc ut ipsum instrumentum posset commode operari, tūc uitaretur instrumentum, sed proportionem istarum partium non intelligo proportionem ad pōdus sed ad iustitiam, quæ refertur ad operationem, ita quod oportet fieri talem proportionem ad iustitiam partiū ut operatio possit perfici, quoniam aliquod instrumentum requirit partium suarum connexionem, aliquod uero laxationem ad hoc ut suum opus operetur. Istis sic distinctis credo quod nihil remaneat confusum, sed omnia distincta claraq; relinquuntur, & oportet re-

H linquere

linguere omnia illa quæ isti dubitant hic, quoniam omnia soluentur ex nostra methodo data, siue discursu, sed cum iam data sit ista distinctio ægritudinū quoniam distinguuntur, uidelicet secundum subiecta ipsa in quibus sunt essentialiter & primo, & quatenus talia, quoniam uidelicet aliæ ægritudines, quæ sunt in similaribus partib. quatenus sunt similes, aliæ quæ sunt in organicis quotiescunq; organica membra leduntur secundum quod sunt organica, idest secundum suam rationem formalem, & his uisus iam credo quod etiam uerba Auicennæ iam clara sunt quando dicit, (Incipiemus igitur &c.) Quoniam uult loqui primo de ægritudinibus simplicibus, secundo de compositis, cum ergo incipiat de simplicibus tractatum dicit quod (earum genera sunt tria, primum genus est ægritudinum quæ membris comparantur quorum partes sunt similes, & sunt malæ complexionis species, & ipsæ quidem non sunt comparatæ membris similaribus, nisi ideo quod in primis & similibus partibus essentialiter accidunt, & per eas membris accidunt compositis &c.) Videte quod Auic. non negat ægritudines quæ sunt in similaribus non esse in compositis, quoniam sunt omnes ægritudines in compositis, quoniam omnia membra in corpore humano uiuo sunt instrumenta consequenter composita sicut statim postea dicemus, sed dicit quod illæ sunt in similaribus partibus essentialiter per se, sed in compositis organicis per aliud, uidelicet per ipsa membra

bra similiaria, quia aliquis potuisset dubitare, instrumenta ipsa sunt distincta essentialiter, à similiaribus, quo modo ergo potest esse quod ægritudines existentes in similiaribus sint etiam in instrumentis? ideo dico quod cum similiaria membra nihil aliud sint quam materia ipforum organicorum, ideo cum in eis est ægritudo est in ipsis organicis compositis, & quia operationes fiunt ab instrumentis ideo læduntur eorum operationes, quæ tamen ægritudines quoniam sunt in materia non autem in forma, non dicuntur ob id instrumentales ægritudines, & hæc est opinio non solum mea, sed Auic. ut uidetis, & etiam ipse Galeni. Sed his dictis statim insurgit dubitatio quia diceret quis, tu dicis quod solum instrumentis debetur operatio quæ est illorum finis, tamen nos uidemus manifeste quod multæ operationes perficiuntur per similiaria ipsa membra. quod hoc sit uerum patet quia manifestum est quod humor cristallinus est pars similis, tamen in humore cristallino est ipsa uisio & actio uidendi essentialiter ac principaliter; secundo uenæ & arteriæ sunt similes partes, tamē etiam istæ edunt operationes, quoniam ducunt ipsum sanguinē; tertio etiam dicit Galenus quod unaquæque similis pars habet quatuor facultates quarum singulæ habent diuersas operationes, quoniam inter se sunt diuersæ attractio, immutatio & retentio, expulsioq; . certū autem est quod operatio attractiue uirtutis alia est ab operatione aliarum uirtutum, cum ergo uenæ sint similes habebunt omnes istas quatuor facultates,

ergo etiam habebit etiam quatuor operationes ab illis prouenientes. cum ergo hoc sit, cur ergo dicis tu quod solum instrumentis debetur operatio? non autem similis? Ad hæc obiecta ego facilius respondeo stando in opinione mea clara & Galen. Auicennæq; quod quando dicitur cristallinus humor est similis pars; hoc esse uerum fateor. postea quando dicitur quod actio est in ipso, dico quod in cristallinum humorem lumen quidem ipsum recipitur & species ipsæ uisibiles, sed non est ille in quo fit actio uidendi, imò totum est illud quod uidet ita quod oculus est ille qui uidet, non autem ipse humor, quoniam non solum est humor concurrrens ad uisionem, sed etiam aliæ partes, puta alij humores aliæq; tunicæ, ideo totum instrumentum est illud quod uidet non humor cristallinus, cuius rei illud est signum, quod si uitietur cornea tunica uel uuea, oculus non potest uidere secundum quod uitiatu uel magis uel minus, ideo & si in ipsum cristallinum recipiantur species uisibiles, & sit ille qui principaliter uidet concurrētq; ad uidendum, non propter hoc sequitur quod solum humor cristallinus concurrat ad uisionem, quoniam sine auxilio aliarum partium oculi non potest fieri actio uidendi, sicut dicimus etiam in crure quod chordæ ipsæ sunt illæ quæ principaliter concurrunt ad ambulationem, tamen non propter hoc dicimus chordas ambulare, quoniam ambulatio ipsa est totius cruris; dicimusq; crus esse illud quod ambulat, & si à chordis immediate proueniat operatio

ratio ambulationis, & est fallacia à secundum quid ad simpliciter, siue malæ dispositionis. Ad secundum dico quod uenæ, arteriæ, nerui & ceteræ partes quæ dicuntur similes non sunt similes in corpore uiuo, sed tantummodo appellantur denominanturq; similes à medicis, quoniam sunt minus compositæ quàm partes dissimiles. quoniam neruus ipse à nobis denominatur similis, tamen nequaquam similis est, quoniam est compositus ex tribus rebus uidelicet membrana, carne & medulla, quoniam est carnosus, membranofus & medullosus, secundum quod dicebat Galenus in septimo de placitis Hippocratis & Platonis, ubi querit an in neruo sit motus ipse, propter medullam uel membranam ipsam, & facit hanc rationem. principiata assimilantur suis principijs, sed medulla nerui nascitur à medulla cerebri, ergo assimilabitur medullæ cerebri. sed illa est alba, ergo &c. ideo & si neruus dicatur esse similis, tamen non est in corpore uiuo similis, quoniam organicum est, est enim instrumentum motus, sic caro nullibi inuenitur similis neque simplex, quoniam in ea sunt nerui admisti uenæ, arteriæ, ut possit nutriri, sic in unaquaque parte est diuersitas partium, neq; omnino sunt similes in rei ueritate, & si secundum denominationem dicantur similes, quoniam oportet eas habere diuersas partes, si debent etiam operari diuersas operationes illas quatuor numeratas; bene uerum est, quod compositio istorum non est ita manifesta, sicut compositio

membrorum quæ uere sunt organica, & secundum denominationem, tamen sunt cōposita ex diuersis partibus, quoniam sunt aliquæ partes magis organicae, quàm aliæ, id est magis dissimilares, quoniam componuntur ex pluribus partibus, & etiam ex alijs partibus organicis, sicut est ipsa manus quæ composita est ex uenis, arterijs, neruis, & ossibus, quæ omnes partes sunt organicae, sed similes secundum denominationem, & quia compositio talium partium, non est ita manifesta, ideo nos denominamus illas similes, quoniam si essent similes, secundum rei ueritatem, tunc non possent perficere illas actiones, & consequenter non nutrentur, quoniam non attraherent, neque minus expellerent. si enim caro incidatur ad minimum ita quod sola remaneat, certum est, quod non nutrietur, quoniam non poterit, attrahere ad se nutrimentum, ob id necessarium est, quod sint partes non similes, sed instrumentales & compositæ, tamen in anatome, si diligens quis fuerit inquisitor, inueniet incidendo partes similes, quoniam poterit demonstrare, hæc est caro simplex, hic est neruus in corpore mortuo, tamen in corpore uiuo nusquam inueniuntur, quoniam oportet eas operari si debent uiuere, quare sunt similes secundum denominationem, sed organicae secundum rei ueritatem, & ideo uerissima fuit etiam sententia ipsius Galeni quando dixit, quod unaquæque pars habet illas quatuor facultates quoniam sunt organicae secundum ueritatem, & ob id remanet etiam uerissima sententia Auic. hic quando

do dixit operationes sunt membrorum organicorū,
non autem partium similarium, quoniam si inuenire-
tur caro omnino simplex non posset operari neq; nu-
triri, neque consequenter uiuere.

LECTIO DECIMA.

CUM hæc materia sit admodum difficilis, neque
intellecta ab his nostris auditoribus, dico pluribus, ita
quod non possunt eam comprehendere ob id cogun-
tur dubitare, uel quoniam sunt rudes, uel quoniā sunt
iam imbuti in opinionibus aliorum, ideo studens ego
uestre omnium utilitati, quoniam heri feci quendam
discursum in diuisione ipsorum morborum, & ex na-
tura ipsius rei sicut solet semper Galenus, ob id uolui
repetere illum, sed alio diuersoq; modo quo melius il-
lum intelligeretis, quoniam quocunque modo discursu
semper iidem sermones erunt, eademq; senten-
tia permanebit, & hoc est experimentum sermonum
uerorum, quoniam ego doceo ueritatem, & ueritas
sequitur me, neq; uolo implicare intellectus uestros.
sciatis ergo circa hoc quod Galenus in libro illo quod
animi mores sequuntur temperaturam corporū cap.
quarto, & quinto, dicebat, uitam primo essentialiter
& per se esse in partibus similaribus; secundo uero
in ipsis organicis, & quod similes partes habent ip-
sam uitam tanquam formam ipsarum, & per eas est
in organicis, dico autem similes partes secundū de-
nominationem, siue modo illa forma sit ipsa comple-
xio sicut tenuit Galenus, siue sit proximum instrumē-

tum formæ secundum Ar. & alios, uel aliquid aliud
 nihil curo pro nunc, quoniam de hoc satis disputavi
 anno elapso cum exponerem primam Fen. in cap. de
 complexionibus: satis est, quod complexio bona uel
 mala est ratio formalis, ad quam sequitur bona uel ma
 la operatio, quoniam secundum eam facultates bene
 uel male operantur. modo si est in similibus primo
 per seq; ipsa uita, & est eorum forma & est una, ab
 eaq; non potest prouenire nisi una operatio, quæ ui
 ta est uiuentibus esse, quoniam unitas est, & quo ad
 ipsum uiuens est unum illuc usq; est ens uiuum et ens,
 quia esse prouenit ab essentia, modo essentia una est,
 ideo quo ad ipsum quod est, est unum illuc usque est,
 anima enim ipsa est entelechia, uita uero ipsa est secu
 dus actus, quæ est communis omnibus partibus corpo
 ris; tantum ergo habet res de esse, quantum de uno
 participat, sed cum una sit uita, & debebat fieri plu
 rimæ uariæq; operationes in corpore uiuenti, ideo o
 portuit fingere multa instrumenta, per quæ ista for
 ma una perficeret multas uariasq; operationes, qua
 niam nimium ridiculum fuisset, componere unum to
 tum in quo plures essent formæ animæq; quæ diuersa
 agerent, sed natura prouida formauit unum totum ex
 multis instrumentis, & una forma, ex hoc optime in
 stituto habemus quod instrumenta plura oportuit esse,
 cum una esset forma. uidete ergo necessitatem cur
 oportuit non solum facere membra simularia, sed et
 iam instrumentalia, quoniam uidelicet una est forma
 oportuit plura esse instrumenta, modo instrumenta
 operari

operari non poterant nisi fuissent composita, ideo formata fuerunt, & composita ex similaribus partibus, quoniam ipsa quidem anima & uita primo est & per se in ipsis similaribus, tamen particulares operationes sunt in ipsis organicis membris, quoniam per illam ista forma diuersa operatur, ob id uera est, hinc & manifesta sententia Auic. habita quod (operationes debentur ipsis instrumentalibus per se, quoniam sunt illa quæ operantur,) stantibus his sequitur corollarie, quod cum ægritudo ipsa accedit partibus similaribus est etiam in instrumentalibus, quoniam in illis est uita primo & ex illis componuntur ista instrumentalia, primum enim quod totum potest ledi secundum principia sua materialia læsa, & ægritudines tales fiunt in complexione mala ipsius similis. & dicitur ægritudo in similaribus siue in complexione, quoniam instrumentum ægrotat subiectiue .i. sua substantia materiali ægrotante, non autem formaliter, ideo neque illa ægritudo dicitur instrumentalis, non enim leditur instrumentum prout est instrumentum, quoniam uenter ipse potest ledi, propter læsionem suarum partium materialium, ex quibus componitur, sicut etiam supra docebamus. quoniam possunt, esse in mala intemperie complexionis, puta frigida, humida, & tunc uenter ledetur, neque poterit operationes suas perficere; postea potest ledi uenter ut est organum ipsum concoctionis, & ideo non sequitur, quod cum est ægritudo in instrumentis, quoniam est in ipsis similaribus, & propter

pter hoc sit ægritudo instrumentalis, quoniam tunc dicitur instrumentalis, cum læditur instrumentum, quo ad suas partes formales, per quas est instrumentum, & per quas est aptum factum ad obekndas operationes, non autem quia lædatur in mala complexione suarum partium materialium, & dico ut intelligatis sententiam omnino ueram. in hoc ego credo quòd iam unusquisq; etiam mediocris ingenij intelligat, & quòd possit separare has ægritudines cum sunt in cõplexione, cumque in compositione, & quòd possit uidere quemadmodum ægritudo quæ est in similaribus partibus, est omnium pessima, & prima ægritudo & origo omnium. dicuntur autem primæ ægritudines, quoniam etiam membra in quibus sunt, sunt prima dicta, sicut dicebat Galenus inò quod plus est, ægritudines illæ quæ sunt in similaribus, sunt illæ quæ ducunt membra & corpus ipsum ad mortem, non solum autem ad læsionem & amissionem operationum; sed ægritudines quæ sunt in instrumentalibus, quo ad sunt instrumentalia non ducunt illa ad mortem, sed bene ad amissionem operationum suarum, quoniam & si oppilatio in uuea ducat ad amissionem uisionis ipsum oculum, non tamen propter hoc ducunt cum ad mortem, quoniam et si non uideat, tamen uiuit quia nutritur; sed cum ægritudines sunt in similaribus ipsis, in quibus est uita secundum quod dictum, ideo etiam illæ ducunt ad hoc ut uita ipsa destruat, & sequatur mors non solum ad hoc ut fiat amissio operationum. Sed hic statim dubitaret quis, quoniam nos diximus
operatio

operationem deberi ipsis instrumentalibus, non autem similaribus, cum ergo à similaribus, non proueniat actio, quo modo ergo potest in eis prouenire læsio & amissio operationum si non habent operationes? si enim nō habent actiones, quomodo in eis possunt lædi? dico quod hæc dubitatio prouenit ex malo intellectu eorum, quæ à me dicta sunt superius: audiuitis enim quod ista similia sunt illa in quibus primo est complexio & uita ipsa: quotiescunque ergo uitam in illis esse dicimus, intelligimus in eis similaribus, secundum denominationem, non autem secundum rem ipsam, quoniam non uiuerent, cum uita & complexio leditur, tunc accidit ægritudo, propter quam animal, illud male uiuit, & est illa ægritudo, quæ facit amittere uitam ipsam, & ideo habent operationes, talia similia, quæ leduntur propter ægritudinem ipsam existentem in eorum mala complexione, sed ægritudines quæ sunt in instrumentis quo ad instrumentum faciunt destructionem tantum operationum. Sed hæc relinquamus iam, quoniam puto his satisfactum esse, ueniamus ad rem. Hic modo insurgunt multe instantiæ contra ea quæ à nobis dicta sunt, quoniam factæ sunt diuisiones ægritudinum. prima quidem in simplices & compositas, ideo prima etiam dubitatur quia uidetur quod in membris similaribus non possit esse ægritudo simplex quæ oritur ex iam soppositis a nobis, quoniam diximus superius secundum mentem Galeni, compositionem morborum tripliciter fieri uel propter pluralitatem causarum,

sarum, uel qualitatum, uel ægritudinum simul iun-
ctarum; quomodocunq; dicatur, dico quod non po-
test fieri ægritudo simplex in membris similaribus,
cum simplicitas ex opposito proueniat, aut a simpli-
citate causarum, aut qualitatum, aut ægritudinum
ipsarum; & probatur hoc, primo quod non possit es-
se simplex, à simplicitate causarum; & sic arguitur,
omnis materia est causa ægritudinis, si ergo est causa
corporea, ipsi humores erunt materia, & causa illa
coniuncta faciens morbum ipsum in complexione. sed
nullus est humor ex quatuor humoribus qui sunt in
complexione ipsa, qui sit humor simplex, ergo non
poterit fieri ægritudo ab ipsis causis in similaribus,
quæ sit simplex, cum causæ sint multiplices, quod
nullus humor sit simplex primum quia omnis humor
habet suas qualitates. cur ergo dicis tu in similaribus
posse fieri simplicem ægritudinem, cum primo non
possit fieri à simplicitate causarum? quod autem se-
cundo non possit fieri ægritudo simplex in similaribus
a simplicitate qualitatum, sic probatur, quoniam ui-
delicet qualitates ipsæ non sunt morbus, sicut supra
notauimus, sed in eis est morbus subiectiue, ideo ita
arguamus, nulla qualitas in ipsa cõplexione simplex
potest esse intensa ita ut ex ea fiat ægritudo, sed sem-
per est mista cum alia, ergo à simplicitate qualitatum
non potest fieri simplex ægritudo in similaribus pa-
ribus, cum non sit simplicitas talium qualitatum,
quod probo sic. quoniam in ipsa complexione calidi-
tas ipsa non potest esse sola intendi, ita ut ex ea fiat
ægritudo,

egritudo, nisi cum eo addatur siccitas, quoniam non potest intendi propter ea quia hebetatur à frigiditate & humiditate, sed si adiungatur siccitas intentio tunc magis intenditur, quoniam siccitas adiuvat eius intentionem, unde bene illi dicunt, quod siccitas est lima caloris: patet enim hoc: si ergo caliditas sola non intenditur nisi cum siccitate adiuncta, igitur ab ea caliditate simplici non potest fieri egritudo, quæ quidem sit simplex quoniam non facit eam nisi iuncta siccitati, si autem loquaris de frigiditate, eadem ratio erit, quia nusquam frigiditas sola intenditur, quia hebetatur à caliditate, nisi ei adiungatur siccitas, quæ eum acuat, uel humiditas non potest excessum habere, ex quo excessu; fiat egritudo in ipsa complexione, cum egritudo ipsa sit in excessu, sic dicatur de passivis qualitatibus, quoniam humiditas sola non intenditur nisi sit cum frigiditate, nec siccitas nisi sit cum frigiditate uel siccitate adiuncta, ergo non fiet egritudo ab humiditate, neque a siccitate simplici in ipsa complexione. quare remanet quod non dabitur egritudo simplex in partibus similaribus. Sed ad primum facile est respondere imò fere patet solutio, sed ad secundum est difficilis imò difficillima responsio, quod ad ergo primum respondetur primo, concedendo quod dicitur morbus ille simplex qui provenit a simplici causa, & ille compositus qui a multiplici causa. hoc enim concedo, sed quoniam ulterius dicitur materia etiam est causa egritudinis corporea modo humores sunt materia, ob id sunt causa egritudinum corporea,

ligere, & ubi poterat illum taxare multum gaudebat, & bene perpendebat cum, ut illum reprehenderet aliquo modo, habuit enim illū semper odio. sed suolumus percunctari ab Auerr. dicemus: non ne etiam ista dubitatio fuit antiquorum uirorum ante ipsum Auerr. & non ne mouit eam & recitauit et soluit eam in primo de temperaturis, quod caliditas sola ne una aliarum trium qualitatum in ipsis complexionibus potest intendi ita ut faciat ægritudinem, sed tamen illa qualitas ita intensa non est permanens, sed cito remittitur, & quodam modo in puncto est, quoniam cum ista caliditas est ita intensa, uincitur uel ab humiditate & frigidityte, uel ipsa uincit humiditatē, & adiungitur ipsi siccitati; sed in ægritudinibus dicemus eo modo, quoniam concedemus quod nulla qualitas simplex potest ita intendi, ut sola faciat morbum, quoniam non permanet, sed cito fluit, sed tamen si adiuncta est ipsi siccitati caliditas, est illa quæ primo agit ad ægritudinem imprimendam corpori, quoniam ponatur quod caliditas ignea, id est iuncta cum siccitate (dicitur enim ignea quoniā ignis habet illas duas qualitates) ponatur dico quod ingrediatur corpus, certum est quod inflammauit uel spiritus, uel humores, ex quo fit ut accedatur febris, quæ est subiectiue in ipsis membris, modo caliditas est illa quæ primo facit istam impressionem in ipsis membris, id est quæ complexionem deprauat, & eam calidam reddit, & si iuncta sit cum siccitate. non enim fieret febris nisi membra ipsa prius incallescere antequam exiccarentur,

tur à siccitate in hoc tempore certum est, quòd est
 ægritudo, tamen caliditas simplex fuit illa quæ cau-
 sauit febrem, & in illo toto tempore dicitur ægritu-
 do simplex & denominamus illa membra calida fuisse
 reddita, quoniam non est siccitas apparens sensui in-
 troduc[t]a quoniam læduntur bene operationes ab ipsa
 caliditate causante morbum, sed non à siccitate, sed
 postea si calor permanserit, siccitas incipit etiam ip-
 sa exiccare ipsa mēbra, et ita calida membra exiccā-
 tur & tunc fit compositus morbus, tamen in illo toto
 tempore in quo sola caliditas causauit ægritudo erat
 simplex, quoniam qualitas causans erat simplex. &
 quod dico de caliditate intelligatis modo uos etiam de
 frigidityte, quoniam potest esse quod frigiditytas cum
 humiditate & siccitate etiam intendatur, ita ut cau-
 set ægritudinem, tamen illa frigiditytas faciet impres-
 sionem primam in ipsis membris, & ex illa impressio-
 ne, mala complexio redditur, & fit ægritudo sim-
 plex dicta, quoniam simplex qualitas eam causauit;
 sed cum iam frigiditytas permanserit, postea humiditas
 incipit humectare, & postremo, & siccitas sicca-
 re, quoniam uolunt siccitatem sequi postremo, et tunc
 ista ægritudo dicetur composita, quoniam causata à
 multis qualitatibus, tamen illo toto tempore frigidi-
 tas sola agens causauit simplicem ægritudinem in cō-
 plexione ipsa, unde dicimus quòd humor primo est u-
 nus, quia habet unam formam à pluralitate qualita-
 tum non potest esse multiplex, ergo humor tanquam
 causa non potest facere ægritudinem compositā, quo-
 niam

niam simplex. qui humor etiam habet unam ex illis
qualitatibus duabus quas habet intensissimam in pri-
mo, quæ iuncta cum alia qualitate in ipsa complexio-
ne primo facit impressionem illam, propter quam ac-
cidit ægritudo simplex, & si postea simplex illa æ-
gritudo in compositam redeat, quoniam alia qualitas
incipit agere & imprimere suam impressionem, ta-
men non stat quod in illo primo tempore non fuerit
simplex morbus; quoniam puta corpus primo infrige-
ratur, postea humectatur, postremo uero exiccatur,
& tunc dicetur ægritudo composita, quoniam a plu-
ralitate qualitatum provenit. Datur tamen simplex
morbus in complexione à qualitate simplici, à calidi-
tate & dicitur calidus, à frigiditate frigidus, ab hu-
miditate humidus, à siccitate siccus, & hoc est unū
dubium quod erat soluendum in hac lectione; restat
modo aliud dubium, quoniam iam dictū est quod quod
in compositis membris, id est in organicis potest esse
in quatuor generibus non in pluribus, in forma, qua-
ntitate, situ, numero; contra nos dicemus quoniam
inveniuntur alia genera ægritudinum, quæ accidunt
illis instrumentis quæ non sunt sub aliquo illorum qua-
tuor generum, ergo male data fuit diuisio illa. quod
hoc sit uerum patebit, & ut res sit manifesta accipia-
mus destructionem uisus propter obscuritatem, atq;
opacitatem in humore cristallino; certum est quod
est ægritudo in compositione, quoniam instrumentum
ægrotat in sua ratione formali, ut est instrumentum,
tamen non est sub aliquo illorum quatuor generū nu-

meratorum . quod sic probatur , primo quod non reducitur ad formam , quoniam non reducitur sub aliquo illorum quatuor in quibus consistit ipsa forma , primo non in figura , quoniam figura ipsa est debito modo se habens , non in meatibus , non in receptaculis , non in superficie , ergo neque in forma . secundo quod non sit sub quantitate patet , quoniam eadem est quantitas oculi , neque minor , neque maior . tertio quod non in numero quoniam idem est numerus partium . non denique in situ . ubi est ergo ? uidetur ergo quod illa diuisio non sit sub quantitate patet , quoniam inueniuntur alie species ægritudinum quæ non possunt reduci sub illa numerata quatuor genera , formam , quantitatem , numerum , situm , ista sunt quæ possent facere dubium circa hoc , sed non est difficile soluere ista obiecta , si primo illud animaduertitis quoniam opacitas fit à duabus causis , primo propter priuationem luminis , secundo autem propter densitatem acquisitam . Videmus enim aerem priuatum lumine fieri opacum , sic quoque uidemus aerem cum sit densus propter uapores crassos fieri obscurum , quoniam non potest suscipere lumen ipsum cum est densus , & quanto magis densatur , tanto magis etiam fit opacior . Sic dicemus etiam de humore cristallino , quoniam opacus fit a duabus causis istis , quoniam aut priuatur spiritu luminoso , aut ita densatur propter humores occupantes uicem ut fiat opacus , si ergo cristallinus humor priuetur luminoso spiritu , & ob id reddatur opacus , consequenterque destruaturs uisus , tunc est ægritudo in numero ,

mero, quoniam non est debitus numerus partium requisitarum ad uisionem perficiendam, nam ad uisionem ipsam requiritur spiritus lūinosus, si uero cristallinus humor ita densetur ut fiat opacitas eius, consequenterq; destruatur uisto, tunc dico quod talis ægri-
tudo est in ipso situ: quid enim aliud est densum, quàm postio situsq; partium & illa enim sunt densa ex 4. metheororum, & 2. de Generatione & corruptione, quæ habent partes adunatas ad centrum, ita ut alia aliam immediate contingat. rarum uero illud esse dicitur, quod habeat partes à centro inter se dilatatas ita, quòd aliquod corpus possit ingredi inter eas, sicut est sponsia, pumex, quid enim aliud est dicere, quàm talis talisq; situs partium & ideo quomodo docunq; reddatur opacus humor cristallinus, ex quo sequatur destructio uisus, uel ex densitate, uel ex priuatione luminis, semper crit ægri-
tudo, aut sub situ, aut sub numero, quid autem aliud est quàm ponere illas ægri-
tudes sub aliquo illorum quatuor generum numeratorum in compositione & quare remanet conclusum & clarum, quòd genera defectuum et ægri-
tudinū in compositione, idest in instrumentis ut sunt instrumenta, sunt quatuor, neq; plura, neq; pauciora, ideo de hoc satis iam sit; non enim oportet amplius implicare animos uestros dubijs, satis soluisse ista cum iam sit manifesta res, ad alia modo procedamus.

LECTIO XI.

ERAT sententia Aristot. in tertio metaph. ita se habere dubitationes ad intellectum, sicut uincula ipsa ad membra corporis, quoniam quemadmodum uincula ad crura animalis posita ligant animal ne possit ambulare, sic dubitationes ligant intellectum ne possit amplius progredi; ideo cum essent plurimæ dubitationes circa ea quæ diximus, uolui eas remouere, ne uestros intellectus implicarem; sed quia ego audiui plurimos uestrum inter uos dubitasse circa dicta nostra, quoniam dicebamus animam ipsam esse adequatè in ipsis similaribus formam, secundo uerò in instrumentalibus. dicebant enim aliqui uestrum inuicem quo modo hoc potest esse uerum? quum tamen definitio animæ data ab Arist. in secundo de anima sit, quod anima est actus corporis physici organici, non autem similis, quare ergo dixit quod est in similaribus, cum dicat actum esse ipsorum instrumentalium membrorum primo. Præterea secundo instant & dicunt, ipse dixit quod in corpore uiuo non inueniuntur similes partes simplices, quoniam omnes sunt organicæ, hoc enim est contra ipsum, quia sequetur quod in simplicibus partibus ac similaribus ægritudo non poterit esse, quoniam sunt solum similes secundum denominationem, cum tamen supra dixerit, ægritudinum alias esse in ipsis similaribus, alias in instrumentalibus. tertio etiam instant aliqui dubitando, quoniam ego dixi quod ægritudines, quæ sunt in similaribus, sunt

sunt illæ quæ ducunt animalia ad mortem, non solum autem ad amissionem operationum, quæ autem sunt in organick ducere quidem animalia, ad hoc, ut eorum membra instrumentalia amittant suas operationes, non tamen ad mortem, quo modo enim hoc potest esse? Sed omnia ista dubia proueniunt ex malo certe intellectu eorum, quæ à me superius sunt dicta, quoniam si bene animaduertistis soluta sunt iam ex dictis meis, sed non intellexistis rem ipsam; ne tamen uos remaneatis confusi, uolo iterum clarissime repetere solutiones. Quantum ergo ad primum obiectum istorum ego respondebo, sed isti non debebant dubitare contra me, sed contra Galenum, quoniam ego eadixi de mente Galeni si recte memoria tenetis, sed isti debebant potius petere conciliationem inter tantos uiros, uidelicet inter Arist. & Galenum, non autem imputare me, ob id uolo eos conciliare, & dico quod nullo modo sibi in hoc contradicunt, quod ostendo; primo dixi ego quod instrumentorum, substantia, & pars materialis sunt partes ipsæ similes, sed tamē supra illas partes aliquid aliud habet instrumentum, quæ est forma ipsa per quam instrumentum est constitutum, ideo quid aliud sunt ipsa instrumenta, quam partes similes ipsæ, quæ sunt ipsum corpus? forma uero instrumenti nō est corpus; modo Arist. dicit animam esse actum corporis non autem formæ ipsius organi, sed corpus & materia ipsius organi non est aliud nisi ipsæ partes similes, ideo anima est actus ipsarum partium similiarium, quæ sunt materia in-

strumentalium & substantia, instrumenta autem ha-
 bēt formam supra ipsam materiam, idēst partes simi-
 lares quæ sunt potentia ipsa instrumenta quæ ta-
 men habent suum actum, uidelicet ipsam animam,
 non enim credatis quod tātus Arist. fuerit ita fatuus,
 ut uoluerit dicere animam esse actum formæ ipsius in-
 strumentī; sed dixit substantiæ ipsius instrumenti esse
 actum, uidelicet corporis, quod est ipsum organicū
 potentiæ; & dico quod ipsa similia membra sunt
 instrumenta in corpore uiuo, nēque uiuere possēt nisi
 essent organica; sed sunt similia secundum denomi-
 nationem, imō aliud addo quod si est aliquod simila-
 re membrum, quod non sit instrumentum non uiuit,
 neque habet ipsam uitam pro sua forma. quod probō
 per ipsum doctissimum Themist. in secundo de anima
 inquirētem cum Arist. definitionem ipsius animæ frē
 in principio credo quod sit tex. sexto, uel septimo; di-
 cit enim quod uiuit necessario nutritur, nisi enim nu-
 triatur nullo pacto uiuere poterit; sed nihil nutriri
 potest nisi sit instrumentale, quoniam in nutritione
 requirūtur multæ diuersæq; operationes, puta attra-
 ctio, immutatio, nutritio, concoctio, quæ omnino sunt
 diuersæ; sed quia ab uno non prouenit nisi unum in-
 quantum unum, ideo cum una sit forma non potest
 peragere tot operationes uno instrumento; oportet
 ergo quod sint multa instrumenta; sed nullū simile
 habet partem aliquam quam unam, ergo per illam
 non potest tot munera fungi. oportet ergo quod om-
 ne quod nutritur sit organicum, ideo primo in cor-
 pore

pore humano sunt aliqua simularia membra reperta
simplicia abiunctaq; ab alijs non possunt nutriri, con-
sequenterq; neq; uiuere, si modo uerum est. quod scia-
licet dicitur, quod illuc usq; uiuimus, quoad nutria-
mur. Vultis uidere quod hoc sit uerum, aspiciite hoc
quia sanguis qui est pure simularis secundum ipsum
Arist. loquendo de eo. Adeps etiam secundum Galenū
est simularis, pili, unguisq; sunt simulares omnino, i-
deo neq; sanguis nutritur, neq; adeps, neque pili, neq;
ungues consequenter, neq; sanguis uiuit, neq; conse-
quentia. dico etiam quod non augmentatur quoniā
non nutriuntur, bene additur pars sanguinis illi rela-
quo, & est potius additio quam uera augmentatio:
sicq; satisfactum sit primæ dubitationi. ad secundā pa-
tet ergo solutio ex dictis a me in superioribus lectioni-
bus, quoniam ego certe solui hanc dubitationē, quoniā
si recte memoria tenetis, dixi simularia duplicia esse,
sicq; instrumentalia; primo quidem instrumentorum,
alia sunt simpliciora, alia compositiora; neque hoc
ex me dico sed ex Galeno in primo libro de elemen-
tis ferē in fine illius libri, ita etiam simulariū, alia sunt
secundum ueritatem, alia uero sunt secundum deno-
minationem, puta os, caro, uena, neruus, & cetera
talita, quæ quidem à nobis dicuntur simularia atq; de-
nominantur, quoniam uidelicet qualibet pars eorum
habet eandem denominationem cum denominatione
totius, & hæc est conditio requisita ad hoc ut simila-
re sit aliquod membrum, ut uidelicet pars suscipiat
eandem prædicationem in recto cum suo toto. dici-

mus enim quælibet pars carnis caro est, quælibet pars nervi est nervus, sed similia membra secundum ueritatem rei sunt quidem ista si separentur, quia sunt similia, sed tamen huiusmodi partes sunt compositæ in corpore uiuo, neque separatæ inueniuntur, quoniam ut dictum est si separatæ simplicesque essent, non possent nutriri, neque uiuere, et tamen possunt separari ita quod uideamus clarissime talem esse carnem, talemque neruum, sed in ipso corpore mortuo in quibus tales partes non operantur; si ergo debent operari in corpore uiuo oportet esse composita, ideo non sibi contradicunt isti magni uiri, neque ego mihi met. Quoad secundam questionem istorum, in qua dicunt quod mihi ipsi contradico, dico quod hoc prouenit ex uestro malo intellectu, dicunt enim si per te non inueniuntur similes partes simplices in corpore uiuo, quo modo ergo in eis poterit esse ægritudo, sicut dixisti tu cum Auicenna hoc enim prouenit ex mala intelligentia sicut dixi, non autem quod mihi ipsi contradicam. Quoniam soluimus eam etiam superius, nam in mala complexione istorum membrorum similiarium secundum denominationem, potest esse ægritudo, quæ diximus reperiri in corpore uiuo, non autem in similibus secundum rem ipsam. Ad tertium obiectum quando dicunt ipse dixit (ægritudines quæ sunt in similibus, ducunt ad mortem animalia, quæ uerò sunt in instrumentis solum ad amissionem operationum ipsorum membrorum.) Si meministi dixi ego quod uita ipsa est primo in ip-

sis

fit similaribus & ipsa complexio, sed instrumentalia ipsa habent aliquid plus, uidelicet formam, quantitatem, situm, numerum, & cum hæc sunt bene disposita, est sanitas naturalisq; dispositio. si ergo uitentur ista quatuor, uel forma quæ est in superficie, meatibus receptaculis & figura, uel quantitas, uel situs, uel numerus ipforum instrumentorum, cum per ista fiat aptum ad suas operationes obcundas, certum est quod ipsum instrumentum non potest obire illas operationes, & sic fit, amissio & destructio operationum propter ægritudinem ipsam in instrumentis, quoad sunt instrumenta, non tamen propter hoc uita ipsa destruitur, quoniam uita in sua forma non consistit, sed in materia, uidelicet in partibus similaribus, sed cum est ægritudo in ipsis similaribus, in quibus est uita, ex illa potest deduci in mortem etiam ipsum instrumentum, quoniam in eodem est uita, nisi quia est in sua materia, uidelicet in partibus similaribus, & consequenter ad ægritudines quæ sunt in similaribus, consequi potest mors & destructio operationum, sed ad ægritudines instrumentales non consequitur, nisi destructio operationum, nisi communicentur ipsis similaribus, ideo uidete quod omnia ista proueniant à malo intellectu rei, non autem à mala doctrina mea, quoniam ego doceo ueritatem, & certe isti domini Veneti deberent soluere me duplo pretio, quoniam duplicem laborem sustineo, primo quidem ad remouendas falsas opiniones, quas acquiritis ab istis doctoribus, & etiam authoribus modernis, secundo uero ad introducendas

roducendas ueras sententias, in animos uestros. intelligite, intelligite rem, nihilq; confusi remanebit. sed cum hec extralectionem ipsam uagantes dixerimus, ad rem ipsam accedamus. (Et tertium genus est, ægritudinum cōmunium, quæ membris accidunt, quorum partes simulantur & accidunt &c.) Debetis meminisse quod Auic. hic non proposuit nisi tria genera simplicium ægritudinum, uidelicet earum, quæ sunt in complexione, earum quæ in compositione, & quæ in solutione continui. de duobus generibus diximus de complexione uidelicet, & compositione, accedamus modo ad tertium genus, uidelicet solutionem continui. Et dicit Auic. (& tertium genus est ægritudinum &c.) sed primo debetis scire quod unitas in essentia animalis est quoddam principium essentialē, non autem accidentale, quoniam unitas procedit ab essentia, & unū ab unitate, ideo quo ad animal unum est, eo est etiam, quantum enim unumquodque habet de uno tantum habet de ipso ente, quoniam forma ipsa est à qua procedit unitas ipsa, quo ad manet unitas manet forma, quo ad manet forma, manet esse, quoniam esse à forma ipsa procedit, si ergo formæ ipsæ perfectæ fuerint & soluatur unitas ipsa corporis in quo sunt illæ formæ, tunc totius perit operatio, & penitus ipsum totum destruitur; sed si formæ & potentiæ ipsæ fuerint imperfectæ, tunc si unitas ipsa dissoluatur totū illud non destruitur penitus neq; eius operatio, sed tantum illud instrumentum ægrotat, sed si tollitur unitas instru-
 menti

menti nobilis formæ operatio illius omnino cessat, unde solutio unitatis semper facit ægritudinem, sed maiorem in illis instrumentis, quæ sunt nobilis formæ, minorem uero in illis qui sunt formæ ignobilioris, & semper est contra naturam. Et ista ægritudo est cõmunis tam instrumentalibus membris quàm etiam ipsis similaribus, dico autem instrumentalibus quatenus instrumentalia, & similaribus quatenus similaria, ita quod cū est in organicis non est ratione ea, quia uidelicet sit in ipsis similaribus, sed est in eis primo essentiã terq; . Sed quomodo quatenus organica? dico, sicut scitis, quod instrumentum ipsum debet habere debitã formam, debitam quantitatem, debitum numerum, & debitum situm, quotiescunq; autem unum ex istis soluitur, tunc instrumentum, ut est instrumentum patitur solutionem continui, non autem propter similaria ipsa, ideo hoc tertium genus dicitur cõmune partibus similaribus & organicis, quoniam potest esse in istis ambabus uel simul uel separate, quoniam potest esse solutio continui in eis simul, potest etiam esse in similaribus separate, & in organicis per se separate; & quando dico nunc membra similaria, intelligatis semper similaria per denominationem, ne postea iterum quæratís dubitando, & hoc est quod dicit Auicenna in litera (Et tertium genus ægritudinum, &c.) Solutio enim continuitatis plerunq; accedit iuncturæ; ita quod simplicibus membris ex quibus iunctura fuit cõposita nullo modo accedit, & aliquando quidem etiam accedit uentis, ossibus, solum

140 Montanus in primi Auicen.
lū quæ sunt similiaria, ita quod non accidit instrumen-
talibus. Ex quibus dictis a nobis sequitur unum con-
rollarium quod essentia ipsa est in complexione et
unitate, quoniam complexio ipsa uel est tota essentia
formaq; animalis secundum quod tenet Galenus, uel
proximum quid essentia. Et dico hoc quia essentia
et perfectio ipsa animati membri permanet in com-
plexione bona, et unitate ipsa. Sed dicatis uos modo
per oppositum: existentibus læsis bis duabus rebus
et complexione et unitate ipsa, sequitur contrariū
essentia, sed quid uis dicere propter hoc? dico quod
hoc dixi quia cum animal habeat suam perfectionem
et essentiam existente bona complexione et unitate
continui, ut seruaretur in hac perfectione, et essen-
tia natura sagacissima muniuit illud, et dedit ei sen-
sus ipsos per quos quidē sentiret quid nociuū, quidue
conseruatiuum talis perfectionis, ut nociuum et of-
fensuum refutaret, sumeretq; conseruatiuum, et ac-
ceptaret, ideo uidemus, quod quotiescunq; accedit
aliquid conseruatiuum complexionis, et uitæ, tunc
animal illud acceptando sentit et ex sensatione sumit
delectationem, unde delectatio nihil aliud est quàm
sensatio cum letitia, sicut supra quoq; tetigimus, sed
cū quid accedit nociuū isti cōplexioni illud animal sen-
tiendo tristatur, quoniam sentit destruere essentiam
ipsam uel unitatem, et ex hac tristatione prouenit
dolor, unde dolor nihil aliud est quàm sensatio tri-
stis, quoniam destruitur essentia ipsa et complexio,
uel etiam unitas continui et tactus est ille qui sentit
dolorē

dolorem & delectationem, unde propter hoc recte Arist. in secundo de anima, & in libello de sensu & sensilli dicebat tactus sensuum non esse unum sed plures, quia ille est unus sensus qui habet unum obiectū, qui habet plura obiecta est plures uno, sed tactus habet plura obiecta uno, ideo conclusit illum esse plura non unum. Ecce ergo quomodo ex natura rei inuenimus dolorem ipsum fieri in animali; quoniam sentit nocivum uel ipsius complexionis, uel unitatis, & ex illa tristi sensatione fit dolor, & non solum à solutione continui, sed simul & à complexione. Exeant modo nunc illi, qui se tenent imitari Galenum & appellant se Galenistas, dicentes opinionem Galeni fuisse quod doloris causa sit solummodo solutio unitatis, & tenent hoc uerum esse, cum tamen non uideant Gal. neq; illum intelligant. Videtis uos iam ex natura rei quomodo fit à complexionis alteratione, & à solutione ipsius unitatis, hincq; apparet quomodo Auerr. male damnauit Galenū, cū uel nō intelligeret cū (quod mihi non datur credendum) uel saltem fingeret se illum non intelligere, ut eum damnavit. in quocunq; enim poterat inuehi in Galenum maximum studium ponebat ut in eum inueheretur, nescio cur tantum odisset Galenum, quem sapissime falsò, temereq; damnat, præsertim in hac re, cum Gal. in hac re suo modo interpretetur, & ideo Auerr. non solum damnauit Gal. quia poneret dolorem fieri à solutione unitatis solum, sed & contrariam posuit sententiam sustinendam, dolorem fieri solum ab alteratione ipsa in cōplexione

plexione facta, neq; propter hoc damno Auer. quia
 fuit maximus philosophus & certe magnus uir fuit
 semper apud me, & utiq; philosophi nostro tempore
 ita inuenirentur, sed postea Auicenna ille diuinus uir
 medius inter questiones & nobilis moribusq; integer
 nulli inuidus, neq; aliquem odio habens, qui certe fuit
 nobilis modestusq; in omnibus, sicut etiam magnus uir
 erat, erat enim in Aegypto princeps, unde etiā apud
 nos dicitur princeps, non quod fuerit princeps
 in medicina, qui est Hippocr. suntq; alij, sed quia in
rei ueritate fuit princeps, sicut declarauimus aliās in
principio primæ Fen, tetigit ambas causas, uidelicet
 & alterationem in complexione, & unitatis solutio-
 nem, neq; contendere uult iste magnus, sed hæc obli-
 ter tangere uolui, nolo enim ingredi hanc materiā,
 quia suo loco de hoc disputabimus, hæc sint dicta ex-
 tra propositum, ueniamus modo ad expositionē tex-
 tus, & primo notetis magnam Auic. doctrinam, quo-
 niam dicit (Istud tertium genus ægritudi-
 num simplicium esse commune tam simila-
 ribus partibus quàm organicis, ratio au-
 tem est (inquit ipse) quoniam accidit tam si-
 milaribus quo ad sunt simularia, & organicis
 quo ad sunt organica, & etiam simul in illis
 potest esse,) Ecce quo modo declarat id quod sepe
 dixi in hac lectione, & optime intellexit hanc rē.
 iste uir optimus certe, dicit autem declarando se, quo
 modo ista ægritudo accidit organicis per se, & ait
 quod accidit organicis, ita quod non accidit eis quia
 accidat

Auic: laudat
 Auic: Prin-
 ceps i. 681.
 pto, no rē
 m. d. q.

accidat similibus, quæ sunt eorum subiecta, atq;
materia, sed accedit eis primo ut sunt organica, id est
in sua forma, per quam sunt organa. Et postquam
Auicenna diuisit ægrotudines simplices in tria genera
eaq; declarauit quæ sint accidentia propria similibus,
quæue propria organicis, quæ etiam communia
ambobus membris, nunc concludendo epilogat breui
ter & ait (Et ad ultimum quidem ægrotudi
num tria sunt genera, uidelicet ægrotudi
num simplicium,) postea inquit (ægrotudi
nes quæ sequuntur malitiam complexionis,
& compositionis, & ægrotudines quæ conti
nuitatis solutionem sequuntur, & omnis æ
grotudo, &c.) His pertractatis in * & potius
proponendo nunc Auic. tractans de simplicibus ægri
tudinibus primo, postea de compositis quas diuisit in
tria genera, incipit modo tractare de eis in particula
ri singulatimq; primo de ægrotudinibus accidentibus
in mala complexionem; secundo de accidentibus in cõ
positione; tertio de accidentibus in solutione conti
nui, cum ergo tractat primo de illis quæ accidunt in
complexione inquit, (Ægrotudines autem com
plexionum possunt esse xvi, quas nomina
uimus.) Et hoc dictum fuit ab Auicenna in prima
Fen huius primi, quam antea exposuimus in cap. de
complexionibus, ubi exponendo Auic. dicebam quod
nesciebam cur hoc fecisset Auic. uidelicet numerare
istas complexionem intemperatas in illa prima Fen, di
cebamq; quod melius fecisset Auicenna, si separasset
earum

earum numerationem & tractatū ab illa prima Fen, posuissetq; in hac secunda Fen in loco presenti ubi agit de his quæ sunt præter naturam ægritudinibus; in hoc enim non poteramus neque possumus in rei ueritate solucere Auic. Sed quomocunq; sit, quoniam facit illud potius ad bonitatem doctrinæ quàm ad finē nostrum intentum in hac arte, ideo de hoc non est curandum modo hoc dixerit ibi, modo dixerit hic, satis est quod complexionum ægritudines sunt xv1, quas cum numerauerit in illa prima Fen Auic. eas gratia breuitatis non uult repetere, sed transmittit nos ad illum tractatum. Sed hic statim insurgit difficultas non dissimulanda, quoniam hic Auic. tractans de ægritudinibus simplicibus dicit (earum species esse xv1. in primo genere uidelicet in complexionē) tamen oppositum huius totum habet Galenus in primo de differentiis morborum, quoniam Galenus ponit ibi solum esse quatuor species ægritudinum in complexionē simplices, uidelicet, calidam, frigidā, humidam, stecam, alias uero complicatas ex duabus qualitatibus non enumerat inter species simplices ægritudinū, et est magna differentia certe inter hos homines. quomodo ergo Auic. dixit esse xv1. species pro huius rei intelligentia, notetis unum in quo consistit fundamentum utriusq; postea uidebitis differentiam eorum; dico ergo quod Galenus (sicut supra quoq; notatum est a nobis) ponit compositionē morborum fieri tripliciter, uel propter pluralitatē causarum, uel propter pluralitatē qualitatum, uel propter

pter multitudinem morborum simul iunctorū. Auic.
uero quoniam considerat essentias ægritudinum ap-
pellat illas ægritudines compositas solum, quæ sunt
complicatæ ex pluribus ægritudinibus una, non curat
autem de pluralitate qualitatum, uel causarum, quo-
niam quotiescunq; morbus unus est in se, dicit Auic.
illum esse simplicem, siue modo proueniat ab una uel
pluribus qualitibus, uel ab una aut pluribus causis,
ideo diuersa respicientes in fundamentis suis etiam di-
uersi fuerunt in numerando simplices ægritudines in
complexione, quoniam Auic. posuit eas esse x v 1.
quæ omnes sunt simplices, quoniam sunt unæ in se,
non autem complicatæ cum aliqua alia ægritudine.
Sed Galenus ipse respiciens indicationes, quæ sumun-
tur, & curationes ipsas dixit quatuor simplices esse,
quoniam quotiescunq; uariant curationem, & indica-
tiones ab indicationibus simplicium ægritudinum, tunc
appellant illas compositas, ideo quoniam ægritudines
12. præter illas quatuor uariant indicationes & cu-
rationem, ab indicationibus illarum quatuor appella-
lat ob id eas compositas, quoniam aliter curatur æ-
gritudo calida, aliter calida sicca, ideo sunt composi-
tæ siue modo sit unus morbus in se, siue multipli-
cati, satis est quod prouenit uel à pluribus causis,
uel à pluribus qualitibus; quare recte dicebat
Galenus, sicut dicebamus in quarto methodi in prin-
cipio lib. oportet te recte inquirere & inuestiga-
re ut scias qui sint simplices, quiue compositi mor-
bi, quoniam compositis composita, simplicibus sim-

plex conuenit medicina & indicatio, unde quoniam à morbis prouenientibus à pluralitate qualitatum, uel à pluralitate causarum indicationes compositæ et curatio composita adhibetur, ob id Galenus non solum appellat eos morbos compositos, qui sunt complicati ex multis morbis, sed etiam eos qui quidem proueniunt uel à pluralitate causarum, uel à pluralitate qualitatum; sed Auic. considerans ægritudinum essentiam appellauit eas simplices quæ essent in se unæ, siue modo sint à pluralitate qualitatum, uel à pluralitate causarum causatæ, & pro rei declaratione accipiamus exemplum, & dicamus quod tertiana notha, quæ prouenit ab humore bilioso, & pituitoso est simplex ægritudo apud Auic. quoniam ista ægritudo habet solum unam rationem formalem ægritudinis uidelicet febris. est enim sola febris, & si proueniat à pluralitate causarum coniunctarum, Galenus tamen appellaret eam, & connumeraret inter morbos compositos, quoniam ab ea sumuntur compositæ indicationes, eiq; adhibetur curatio composita; Vtra autem harum opinionum sit magis utilis medico uel illa, uel illa, quoniam tenemus ambas esse ueras, nunc non est disquirendum, quoniam inferius de hoc mentionē absolue faciemus ubi loquemur de ægritudinibus compositis, & hæc sint dicta pro intelligentia huius secundicap. Et quoniam nolumus recensere illas sex species ægritudinum in complexione, quoniam anno elapso satis de hoc diximus, ideo qui uoluerint uidere translationem de ipsis apud Gal. & Auic. ego citabo eis loca,

loca, quoniam nos in sequenti incipiemus tertium ca-
put. uideatis ergo Auic. quidem in prima Fen, primi
doct. tertia. cap. primo de complexionibus. Galenū
uero in primo de differentiis morborum.

LECTIO XII.

IN materia de simplicibus morbis, de quibus tra-
ctatus nobis præ manibus est, uisum fuit heri quemad-
modum sunt tria genera, complexio, compositio, con-
tinui solutio, & quemadmodum in primo, quoniam
uidelicet in complexione sunt sex species secundum
Auic. quæ contingunt similibus membris ut sunt si-
milaria, neq; sunt plures, neq; pauciores; sed dubiū
hoc uidetur esse, quoniam si inspiciamus tertium, quar-
tumq; librum Auic. inueniemus ferè innumeras species
ægritudinum simplicium in complexione, ergo uide-
tur quod sint plures xv i. imò quod sint species innu-
meræ, ad hoc ergo dicimus ut ostendamus quòd non
sunt plures, neq; pauciores, quòd ille cathalogus po-
tius morborum ferè innumerorum habitus in quarto,
tertioq; lib. canonis ab Auic. reducitur in xv i. spe-
cies numeratas, quoniam discurratis uos, & unum
quemq; illorum morborum uidebitis reduci sub ali-
quam istarum xv i. specierum neq; sunt plures, &
ideo uidete hanc artem medicam non esse ita uastam,
ita etiam magnam, longamq; sicut putant aliqui ru-
des, sed illa est bene longa quæ falsa docet, sed uera
breuissima est secundum etiam quod dicebat Galenus
in secundo de crisi; ut ergo habeamus rem secundum

naturam rei, non autem secundum hystorie modum, secundū quod heri docuimus, primo sciatis hic, quod complexio est æqualitas quatuor qualitatum primarum ipsorum humorum sicut audiistis a me iam anno elapso in prima Fen. cap. de complexionibus, sed æqualitates sunt octo, sicut ibi dicebat Auic. Sed eas dimittamus, accipiamusq; solum duas qualitates corporum humanorum, & dicamus quod una earum qualitas est complexionis speciei ipsius humanæ totius distinctæ ab alijs speciebus, alia autem est in ipso indiuiduo, id est in homine isto uel illo. Sed illa habet magnā latitudinem, ista uero non reperitur, quoniam existit in puncto, neq; permanet, si inueniatur aliquando, sed statim immutatur, quoniam cum est ista æqualitas cum semper qualitates primæ inter se agant, sit ex illa actione & non permaneant, sed statim cadat. de qua complexione dicendum est. quæ quidem & si non reperiatur permanere tamen inuenitur aliqua illi propinqua, ista ergo æqualitas proculdubio est in ipsis membris similaribus uidelicet in complexione ipsa quæ quidem est in similaribus, quæ complexio resultat ex actione uaria & continua quatuor qualitatum primarum. secundum ergo uariam earum qualitatum proportionem inter se etiam uariæ sunt complexiones & æqualitates in quibus consistit ipsa sanitas, ita quod omnes complexiones indiuiduorum inter se sint uariæ neq; inueniatur una quæ alij sit eadem, proportionem autem & æqualitatem intelligo nunc cum Auic. non ponderis sed iustitiæ, ideo in eis

æqua

æqualitatibus consistit sanitas ipsa & secundum magis & minus quoniam non est absoluta sanitas, est tamen sanitas quoniam propinqua absolute sanitati, ista ergo æqualitas est in magna latitudine, tamen summum eius est in puncto sicut audiuitis etiam ex Gale-
no; ex hoc autem relinquitur quod si debet fieri aliqua inæqualitas quod oportet ut fiat per excessum aliquarum quatuor qualitatum, uel caliditatis, uel frigiditatis, uel humiditatis, uel siccitatis, & sic ægritudo erit in æqualitate facta propter aliquam istarum qualitatum excedentem quoniam sunt opposita sub eodem genere æqualitas & inæqualitas, sanitas & ægritudo, modo sanitas consistit in æqualitate quæ habet multos gradus, sic etiam ægritudo ipsa erit in inæqualitate per contrarium. quot ergo gradus sunt in æqualitate tot sunt sanitates. quot etiam excessus fieri possunt in ista æqualitate, tot sunt species ægritudinum in ipsa complexione, sed excessus isti non sunt plures: xvi. ergo bene diximus cum Auicenna in hoc secundo cap. huius secunde Fen; quod ægritudinum species in complexione sunt sexdecim. quod hoc sit uerum patebit nunc, qui isti excessus uel fiunt ab una qualitate solum illarum quatuor uel à pluribus una, si fiant excessus per unam uel plures qualitates, aut per solas qualitates, aut per qualitates iunctas ipsi materie: quando ergo fiunt excessus ab una qualitate sola sine materia iuncta fiunt quadrupliciter isti excessus, uel enim caliditas sola excedit, & sic erit unus excessus calidus, uel sua oppo-

sita frigiditas excedit, & erit secundus excessus frigidus. Idem dicemus de passiuis qualitatibus quod dictum est de actiuis, quoniam excedente humiditate fit excessus tertius humidus; excedente uero siccitate fit quartus excessus siccus, & sic solum sunt quatuor excessus per qualitates solas sine materia etiam ut rem absoluamus, & ita erunt etiam quatuor excessus etiam secundum quatuor combinationes possibiles, quoniam uel fiet excessus à caliditate iuncta cum siccitate, & sic unus erit excessus, uel caliditate iuncta humiditati, & sic erit tertius excessus, uel fiet a frigidityte iuncta cum siccitate sicq; erit quartus excessus, & ita erunt quatuor excessus ex qualitatibus pluribus facti sine iuncta materia ipsa & erunt quatuor species ægritudinum existis quatuor excessibus. sunt ergo huc usq; octo species ægritudinum simplicium secundum Auic. à pluralitate et unitate qualitatum primarum sine materia, neq; possunt esse plures, quoniam excessus non sunt plures nisi addatis materiam ipsam. quod autem non possint esse plures sic patebit, quoniam manifestum est primo quod qualitates primæ sunt nisi quatuor caliditas, frigiditas, humiditas, siccitas, ab his ergo fiunt quatuor excessus, quatuor etiam ægritudines consequenter. sed combinationes harum qualitatum quatuor, non sunt nisi quatuor, ideo à qualitatibus pluribus non erunt nisi quatuor species ægritudinum: quoniam primo sunt duæ ab utraq; parte impossibiles & in combinabiles: ex parte quidem actiuarum caliditas cū frigiditas

gidityte, ex parte autem passiuarum humiditas cum siccitate, ergo remanent solum quatuor combinationes simplices, uidelicet caliditas cum humiditate, frigiditas cum humiditate, & utraq; istarum cum siccitate & sic erunt solum octo, excessus à qualitatibus solis sine materia & complicatis sine materia consequenter octo, species ægritudinum in complexione simplices secundum Auic. sunt modo octo, aliæ species morborum à qualitatibus iunctis cum materia ipsa secundum medicos ipsos, in complexione simplices secundum Auic. quia uidelicet humor qui est materia cum ipsa qualitate uel sola, uel multis inducit in membrum ipsum similem temperaturam malam, quoniã per excessum qualitatum cum materia fiunt excessus per quos æqualitas & cõplexio bona destruitur, neque ista complexio mala & temperatura est sicut illa quæ introducitur ab ipsis qualitatibus solis sine materia, sed est inducta in ipsum membrum similem per influxum materiæ, & fiunt octo excessus secundum qualitates numeratas, tamen adiungendo singulis ipsam materiam & ita erunt sedecim species sicut dicebamus: remoto autẽ influxu talis materiæ remouetur etiam qualitatum excessus consequenterq; ægritudo nisi admodum fixa sit, & ita moderni, quid dico de modernis? imò antiqui putauerunt dari octo species ægritudinum à qualitatum excessu cum influxu materiæ, uidelicet ipsorum quatuor humorũ. Sed hic statim magna dubitatio insurgit neq; pretereũda quoniam difficilis, & uidebitis, uidetur enim quod non

possint esse sexdecim species ægritudinum simplicium in complexione quoniam per affluxum materie non possunt esse nisi quatuor intemperies, ergo erunt solum duodecim, & sic probatur quoniā humores sunt solum quatuor, qui singuli habent duas qualitates, uel enim sunt frigidi, humidi, uel frigidi, sicci, uel calidi, humidi, uel calidi sicci, si ergo habent plures qualitates una, ergo uidetur quod nō dabuntur nisi quatuor species ægritudinum per excessum qualitatum cum materia, quoniam non dantur aliæ quatuor species, uidelicet qualitatum simplicium cū affluxu materie, si ergo sunt solum quatuor per affluxum ipsius materie, & octo sine affluxu humorum, quoniam nunc loquimur de simplicibus ægritudinibus, non autem de cōpositis, ideo dicimus quod solus humor affluit cū suis qualitatibus, ideo cum dicimus cum affluxu materie intelligimus unius humoris, quomodo ergo possunt fieri ægritudinum simplicium species plures xii. uos tamen posuistis xv. species. ecce quomodo ista dubitatio difficultatem præbet, & est quidem ita ardua difficultas, ut non possit solui nisi per fugam quandā, sicut docebamur etiam cum exponeremus primā Fen; et ego quidem soleo eam soluere, sed tamen ita soluo ut mihi met ipsi non satisfaciam, ego uobis eam dicam quomodocunq; sit, sed cur o Galene me in hoc melius non docuisti, qui huius rei author fuisti? sed audiat solitam meam solutionem huius dubitationis, quoniam sicut dicunt isti moderni dantur humores qui habent unam qualitatem suarū quæ manifesta est, altera au-

tem non ita manifesta, neq; curanda ita, ita quod humor ille qui est cōiunctus qualitati facienti excessum habeat unam solum qualitatem quæ agat sensibiliter & manifeste, & ideo cum sint quatuor humores, habebunt etiā quatuor qualitates manifestas singuli singulis, ex quo sequetur, quod fient quatuor excessus alij per unam qualitatem cum influxu ipsius materie. accipiamus ergo pituitam ipsam dulcem, quæ habet manifestam humiditatem, caliditatem autem non ita manifestam, neq; ita est magna caliditas, ut de ea curandum sit, per cuius defluxum iunctum illi qualitati potest fieri intemperies, tamen apparebit quod solum prouenerit ab ipsa humiditate, cum ipsa materia, & consequenter fiet una species ægritudinis, cum tamē hic nihil fecerit manifesti ipsa caliditas, & si sit in pituita talis caliditas tamen quia humiditas in eo est magna, ideo potest esse quod humiditas cum pituita dulci (sicut dicunt isti) faciat intemperiem humidam cū defluxu materie, nam ista pituita dulcis inducet impressionem in membro similari, cum ipsa humiditate. Sic dicemus etiam de humore melancholicæ, quæ quidem melancholia adueniens uni membro similari faciet intemperiem cum qualitate sicca, quoniam in ea est sensibilis & manifesta, ita quod faciet ægritudinē siccam cum materia defluente, tamen nihil imprimet ipsa frigiditas, cum tamen in melancholia sit frigiditas, sed quia nō agit ita sensibiliter sicut siccitas, quoniam in ea est maior, ideo non facit intemperiem frigidam, sed siccam solum, sicq; dicent isti de ipsa bile, quoniam

gus enim de se non est calidus, secundum quod dicebat etiam Aristot. in secundo libro de partibus animalium, credo quod sit cap. secundo uel tertio, imò est frigidus humidus, ita quod iste humor sanguinis inducit frigiditatem, ex qua fit intemperies et agritudo ipsa consequens frigida, et ita erunt quatuor species agritudinum ab una qualitate excedente cum ipsa materia. Hæc est solutio difficultatis quam soleo dare pro Galeno, et Auicenna, ego nondum inueni responsionem, quæ mihi placeret, tamen hæc est melior, et hucusq; nullus sciuit melius respondere, quoniam certe est difficilis, communicavi cum multis tam authoribus, quam etiam doctoribus adhuc uiuentibus, nullus respondet melius, si uobis placet accipite eam, nullam habeo meliorem, cum inuenero meliorem uobis communicabo, et si quis meliorem habet dicat mihi, sed ut res fiat clarior repetamus adhuc hanc solutionem. Dico quod potest esse ut inueniantur quidam humores habentes unam duarum qualitatum manifestiorem, quæ agens et inducens cum ipso humore intemperiem in membrum ipsum facit agritudinem, sed sunt quatuor humores, et habent singuli unam qualitatem manifeste agentem, ex quo fit ut sint quatuor species agritudinum per qualitates * cum ipsa materia; est enim bilis habens multam ferositatem, et ideo etiam multam caliditatem, quæ adueniens membrum facit intemperiem calidam, quoniam et si stecitatem habeat, illa tamen minime agit, et ita una erit species; secundo est pituita quædam dulcis habens multa

tam

256. Montanus in primi Auic.
tam humiditatem, quæ & si habeat aliqualem caliditatem, tamen illa caliditas non agit in intemperiem, sed ipsa humiditas cum humore. tertio est melancholia habens siccitatem multam, quæ adueniens membrum inducit intemperiem siccam, cum tamen habeat etiam frigiditatem, quæ quidem non agit manifeste, sed sola siccitas cū melancholia; sic dicimus quod est sanguis congelatus extra uenas habens frigiditatem propter absentiam spiritus, qui facit frigidam intemperiem. sunt ergo quatuor species ægritudinum simplicium in complexione ab una qualitate cum materie defluxu, sed erant prius etiam duodecim species, ergo erunt species 16. sicut dicebat Auic. species dico specialissimas, ita quod non possunt esse neque plures neque pauciores, sed sunt 16. quatuor à qualitate una sine materia, quatuor à quatuor combinationibus sine materia, & octo species postea cum materie defluxu, & istis qualitatibus uel una, uel pluribus, neque inuenietis esse plures. Sed quia dictum est in principio, nos uideamus quod ferè sunt innumeri morbi si discurramus in tertio libro & quarto Auic. quomodo ergo erunt solum, 16. species specialissimæ & dico ad hoc quod sunt nisi 16. species ægritudinum simplicium in complexione, confirmando illud quod dixit Auic. (neque sunt plures) sed quando dicitur quod sunt innumeri ferè in lib. Auic. dico quod omnes illi reducuntur in istas species 16. unde pro huius rei intelligentia notetis unum quod dicebat Galenus in secundo Terapent. quod morbi accipiunt nomina diuersa,

sa, uel ab accidentibus, uel à causis, uel à locis in quibus sunt, uel ab aliquo alio extrinseco, cum tamen idem sint morbi qui sunt in complexione, & unumquodque illorum possit, & re uera reducatur sub alia quod istarum specierum: neque enim nomina debent esse illa quæ faciunt nos uariare in differentiis morborum dandis, idem enim erit morbus, qui tamen duobus nominibus appellabitur, quoniam duobus locis accidit, uel quia diuersa habeat symptomata. Et hoc incipiendo ab ipso capite, nam in mala complexione fit intemperies quam sequitur ægrotudo ipsa, & fit dolor capitis etiam, & ista ægrotudo appellatur cephalæa ab istis quoniam uidelicet est subiectiue in ipso capite; cephalæa dicitur ab ipsis etiam Græcis, postea est cephalalgia appellata à duobus, uidelicet à loco & symptomate, primo quidem quia est in ipso capite, secundo quia eam consequitur dolor, dicitur cephalalgia, sic epilepsia quæ est morbus in complexione, & compositione mala compositus, tamen dicitur epilepsia ab ipso symptomate consequente ipsam ægrotudinem, quoniam uidelicet membra ipsa contrahuntur & nerui; sic etiam apoplexia nominatur ab effectu, quoniam uidelicet motus aufertur & sensus; sic pleuritis nominatur à loco, uidelicet à membrana succingente costas, inter quam fit ista inflammatio, sic denique febris ipsa est ægrotudo in complexione, & quædam intemperies calida, imò calida & sicca quæ tamen accipit nomina diuersa, & diuersimode denominatur secundum diuersas materias, in quibus consistit ista intemperies,

peries, tamen semper est intemperies calida, & sicca. nominatur autem si accidat spiritibus ephemera, si humoribus putrida, si solidis membris bectica dicitur, tamen ut dixi est semper intemperies calida & sicca, & est inter species simplicium ægritudinum in complexione; sic dysenteria ipsa, & lienteria, quæ est intemperies ipsius uentriculi, quando uidelicet ipsius superficies leuigatur. ita quod discurratis uos modo per omnes ægritudines, & inuenietis omnes ægritudines, quæ possunt reduci sub unum illorum trium generum, postea inuenietis ægritudines quasque in ipsa complexione quæ est primum genus reduci sub aliquam istarum 16. specierum enumeratarum, & discurrite per totum tertium, & quartum lib. Auic. certe non inuenietis plures, & exercemini in illis particularibus per uos ipsos, ita quod sciatis reducere unumquemque sub suum genus, & tandem sub suā speciem specialissimam, quia sicut non sunt plures species in complexione 16. sic inuenietis non esse plures species in compositione quàm illæ, quas postea numerabimus, sic etiam de solutione continui inuenietis, & uidebitis in rei ueritate non esse plura genera tribus. Videatis modo quòd illi morbi qui tractantur ab Auic. non sunt innumeri, sed sunt solum sicut diximus. hæc sufficiant pro præsentī lectione, & certe credite mihi quod Auic. recte fecit in exercendo nos in morbis particularibus, quod Galenus ipse non fecit. sed & si uideatur ista lectio breuis & nullius momenti, forte quòd est maioris utilitatis quàm sint illæ

illa plenæ quæstionibus dialecticis; est enim lectio familiaris & utilissima.

LECTIO XIII.

IN hac materia debetis uobis proponere & cogitare quo tenditis; sumus enim in hac materia ut ueniamus ad inuentionem differentiarum morborum simplicium omnium, tractamus enim nunc de simplicibus morbis & usq; ad differentias specialissimas, ut postea possimus uenire ad inuentionem omnium differentiarum morborum compositorum, de quibus post præsentem tractatum agemus, qui est totus progressus in hac tota secunda Fen, & uolumus inuenire differentias usq; immediatas & ultimas, sicut modo nunc fecimus in uno genere simplicium, uidelicet in complexione, ubi ostendimus esse 16. species ægritudinum, neq; pauciores, neq; plures, exercendo uos parumper in particularibus, ut sciretis omnes reducere ad illas species ultimas. cum ergo dixerimus de ipsa complexione, quotq; in eo genere sint differentie ultimæ, ueniamus modo ad secundum genus, & exponamus Auic. tractantem de ipsa compositione, quot sint etius differentie ultimæ, quæ quidem ægritudines dicebantur superius à nobis cum Auic. esse ægritudines instrumentorum, ut sunt instrumenta, quæ quidem in instrumenta dicebamus esse composita ex similaribus partibus tanquam ex sua substantia & materiali parte, supra quas quidem partes diximus instrumenta ipsa adiungere aliquid aliud, uidelicet ipsam formam
per

dens, tamen securis constat ex una tantum parte similari, uidelicet ferro, est enim tota ferrea; & supra hanc partem similem, quæ est eius substantia, & materia, habet ipsam formam per quam est securis. qua formali ratione remota, etiam ipsum instrumentum securis destruitur, neq; amplius est instrumentum, sicut dicebat Arist. in secundo de anima, tamen est ex una parte similari ferrea, ergo etiam in naturalibus .i. corpore humano hoc erit, sed ad probationem maioris non possumus respondere, neq; debemus, sicut quidam inepte certe respondent, quod securis non constet solum ex una parte similari, uidelicet ferrea, quoniam ultra illud ferreum habet ipsum capulum, constat ergo ex duabus partibus similibus uidelicet ferro & ligno, est enim ineptissima responsio, quia dimittamus securim, & accipiamus cultellos ferreos omnino, sicut sunt illi qui adducuntur ex Brixia, certum est quod sunt instrumenta, tamen constant ex una tantum parte similari, uidelicet ferrea, ideo ualeat argumentum, sed dimittamus artificialia, & accipiamus parumper aliquid in ipsis naturalibus, imò in corpore humano: in corpore ergo humano est humor cristallinus qui est nobilissimum instrumentum, quoniam in eo est uisio principaliter facta, certum est quod est impermixtus purissimus, sed qui quidem habet figuram rotundam, & partem illam exteriorem depresso, ergo uidetur quod dentur instrumenta, ex una parte tantum similari constantia, præterea ultra hoc accipiamus alia instrumenta edentia nobilissimam

ribus partibus uel ex una, cum sint multa quæ sunt composita ex una tantum, sicut in instrumentalibus dictum est. sint præterea multa quæ sunt composita ex multis sicut manus ipsa, sed postea hoc habet, uidelicet ut sit compositum ex pluribus partibus similaribus in quantum est instrumentum animatum, quia necessitas inuenitur in instrumento animato, ut sit ex multis similaribus partibus, quoniam in corpore animato non inuenitur aliquod instrumentum quod sit instrumentum, quod non habeat plures actiones una, nullum enim instrumentum animatum inuenitur, quod habeat solum unam actionem, & quotiescunq; est aliud quod in corpore uiuo, quod uiuit est instrumentum, necessario si est uiuum oportet quod nutriatur, modo non potest nutriri, nisi habeat multas operationes. Ad hoc autem quod faciat multas operationes oportet, quod sit compositum ex multis partibus similaribus, quia sic etiam simplex non potest agere, & ideo sunt aliqua instrumenta quæ habent unam tantum operationem, illa sunt composita, ex sola tantum parte simili & sua forma, ob id securis & cultelli habent unam tantum partem similem, uidelicet ferream, quia habent unam solam actionem, uidelicet secandi, supra quam materiam adiungunt suam formam, per quam hæc quidem est securis, ille uero culter, & habent propriam figuram, habent quantitatem, situm, & numerum debitum, ad hoc quod possint esse apta ad secandi actionem, sed postea in humano corpore, non eo modo se habet, quia cum unumquodque uiuat,

instrumentum oportet ut habeat plures operationes una, ergo & plures partes similes. Et primo accedamus ad humorem cristallinum, quem dicebamus esse partem, in quo primo principaliterq; species uisibiles lumenq; recipiuntur, tanquam in speculo, & postea fit uisio, cum species acceptæ sunt in illo lucido terfoq; humore, & si enim principaliter uisio fiat ab humore cristallino, tamen non sequitur propter hoc quod humor cristallinus sit ille qui uidet, sed est totū instrumentum illud quod uidet, quoniam præter humorem illum concurrunt ad uisionem aliæ partes etiam, sicut in anatome oculi uidistis, ob id dico quod humor cristallinus non est ille qui uidet, sed tamen principaliter concurrat ad uisionem, non fieret tamē uisio nisi aliæ partes concurrerent, sic dicamus quod sanguificatione facta ab ipsa carne hepatis, quod caro quidem hepatis concurrat tanquam pars principalis ad sanguificandum, non tamen sanguificatio fieret nisi etiam aliæ partes concurrerent, sic dicimus oculum uidere, cum pupilla ipsa principalis pars concurrat ad uisionem, non autem dicimus pupillam esse illā quæ uidet, quoniam etiam aliæ partes concurrunt, cuius rei illud signum est, quia uidemus quod offensa una ex illis partibus uisio fieri non potest, est tamen principalis pars ad uisionem faciens, quia lumen & species uisibiles in eo recipiuntur, sic quod de oculo dico & de hepate, dicamus in omnibus partibus instrumentalibus corporis, sicut in ipsis cruribus dicimus quod uincula sunt illa, quæ principaliter faciunt ambula-

ambulationem, tamen nō propter hoc dicimus chordas esse illas quæ ambulant, sed crura ipsa sunt, illa quæ ambulant, quoniam ad ambulationem concurrūt etiam aliæ partes, præter chordas, & si illæ sint principaliter concurrentes, & ideo est fallacia compositionis & diuisionis, quia sic quoq; dicimus Socrates, & Plato trahunt nauim, non tamen dicimus Plato trahit nauim, neq; Socrates trahit nauim, sed bene dicimus Plato, & Socrates trahunt nauim & si etiam unus eorum magis trahat quàm alius, tamen tractio est amborum simul, non autem huius, uel huius separationis, sic dicimus omnes partes oculi concurrere ad uisionem ipsam, & totum oculū compositum ex istis partibus uidere, non tamen dicimus illam partem uidere, uel illam, sed omnes simul operantur, tamen operatio non est earum alicuius separatim & si una principaliter agat, tamen non fieri posset operatio talis nisi etiam coadiuuantibus alijs partibus, sicut dicimus exercitum Imperatoris uicisse Lutheranos, & scimus quod Socrates, Plato, Antonius & singulares homines sunt illi qui pugnarunt, tamen dicimus exercitum ipsum totum simul pugnasse & uicisse Lutheranos, sic etiam dictum est de oculo. Quantum autē ad carnem iecinoris dico quod est. quidem pars & ipsa principalis concurrens ad sanguificationem, non tamen est illa quæ sanguificat sola, sed coadiuuantibus alijs partibus existentibus in hepate, quoniā sanguificatio fieri non posset, nisi fieret attractio humoris, qui debet uerti in ipsum sanguinem; sed certū est

quod non attrahitur ille humor à carne ipsius hepatis
 sed attrahitur per uenas quasdam & sunt in ipso he-
 pate, quæ ita parue sunt ut ferè sint inuisibiles, &
 ex illis propter caliditatem resudat ille humor, sunt
 enim conspirabiles uenæ, postea in ipsa carne uertit-
 tur in ipsum sanguinem rubrum, cuiusmodi est substã-
 tia ipsius carnis, & unaquæq; partium similariũ ibi
 existentium conspirat ad sanguificationem, & si ipsa
 caro hepatis sit illa, quæ principaliter concurrat ad
 sanguificandum; ideo cum hinc sint multe operatio-
 nes, etiam oportet quod in tali instrumento, uidelicet
 in hepate sint multe partes similes, ideo si est alia
 quod instrumentum, quod habeat unam solam opera-
 tionem, illud erit simplex ex una parte similari con-
 stitutum, sed in corpore animato non inuenitur alia
 qua operatio instrumentorũ quorumlibet simplex, ob-
 id sequitur quod neq; inuenitur unum instrumentum
 ex una tantum similari parte constitutum, sed omnia
 sunt constituta ex pluribus una parte, non quia hoc
 instrumentum, ut instrumentum requirat, sed quia
 est animatum. bene uerum est quod sunt aliqua instru-
 mentalia membra, quæ secundum se tota componun-
 tur & inferuntur similaribus partibus, sicut uenæ ip-
 se sunt, in quibus est pars carnosæ per totam uenam,
 ita quod uideri non potest separatim, sed uidetur esse
 una substantia, & ideo dicitur uena à medicis simila-
 ris, & caro illa separari quidem potest, sed in corpo-
 re mortuo artificialiter ab anatomicis sicut ipsi sciũt
 secare, ita quod monstrant substantiam solam ipsius
 uenæ

uenæ & carnis, sic etiam dicimus nervos esse compositos ita ex partibus similaribus, ut uideatur esse una substantia, tamen est compositus ex parte medullosa, carnosa, & nervosa, et hæ partes incidi separariq; possunt artificialiter, ita quod nervus solus remaneat, unde uidentur etiam istos qui conficiunt & condunt nervos, curant eos ostime exiccari ita quod pars medullosa & carnosa exiccata separatur etiam per se, & remanet nisi solus ipse nervus, & uidemus etiam istos condentes pelles separare ipsam carnem, ne putrescant pelles, & illi curant exiccari ne nervi corrumpantur propter humiditatem ipsius carnis, et tamen atteritur tandē caro & medulla, solusq; nervus siccus remanet, habet enim in se siccitatem nervus. Alia uero sunt instrumenta quæ componuntur ex partibus similaribus, ita quod illæ partes non sunt ita insertæ, sed solum sunt adherentes ita ut separari faciliter possint, uideaturq; quomodo componuntur manifeste, sicut est manus composita ex nervis, carne, osse, istæ enim partes sunt ita adherentes, ut facile possint à se inuicem separari. ut diuidebat compositionem membrorum instrumentalium Galenus in primo lib. de natura humana. sed cū hæc dixerimus, accedamus modo ad rem ipsam, quam tractandam habemus, dicit ergo Avicenna.

De ægritudinibus compositionis.

Cap. III.

COMPOSITIONIS ægritudines sunt quatuor generibus comprehensæ, &c.) dicit Auic. quòd illæ ægritudines quæ accidunt instrumentis sunt quatuor, uidelicet aut quia forma in se uitiatur instrumenti, aut quia magnitudo, aut quia situs, aut quia numerus, sed ut sit clarius uobis omnibus ostendamus ex nostra methòdo ista omnia, & quot ægritudines accidunt instrumento & quo modo: dicemusq; quòd instrumentum est compositum, ex materia & forma, est enim corpus; cum ergo instrumentum uitiatur, uel uitiatur quo ad materiam suam, uel quo ad formam, si ergo ratione materie uitiata uitiatur ipsum instrumentum uitiabitur ratione ipsius magnitudinis. i. quantitatis, quoniam uidelicet quantitas ipsa uel est maior quàm conueniat ipsi instrumento, uel est minor, quantitas enim sequitur immediate ipsam materiam, & illi est adherens ut uix separari queat, hoc enim audiistis iam in alijs scholis, oportet præsupponere uos hoc scire, non est enim locus iste docendi uos hanc rem, sed cum læditur ratione formæ. i. quia forma ipsa læditur dico quòd læditur ex ornatu et pulchritudine læsa, cū ergo ornatus et pulchritudo læduntur, forma ipsa læditur, cōsequenterq; instrumentum; sed unum sciatis quòd ornatus & pulchritudo non consistit in mollietie & albedine carnis. sicut

sicut opinantur temere istæ mulierculæ, sed consistūt in debita confirmatione partium, & situ debito, ad hoc ut operationem suam cōmode apteq; edere possint, quoniam pulchritudo & ornatus tendunt ad operationem partium secundum quod dicebat Galenus, cum ergo ipsa figura sit in pulchritudine & ornatu, quæ consistunt in conformatione partium debitoq; situ, læsa pulchritudine & ornatu forma ipsa læditur, & ipsum instrumentum ex parte formæ ipsius læsum esse dicitur, sicq; erunt quatuor differentiæ morborū in instrumento, uel enim tenet se ex parte materiæ illa ægritudo quæ est in membro instrumentali, uel ex parte formæ, si ex parte materiæ quantitate ipsa læsa, quæ immediate est in ipsa materia læditur instrumentum, sed cum qualitas duplex sit, alia continua, alia uerò discreta, discreta ut numerus, continua ut magnitudo, ideo ex parte materiæ erunt due ægitudines, uidelicet numeri & quantitatis. i. magnitudinis, ex parte uero formæ læditur ipsum instrumentū, cum uidelicet læditur, aut conformatio partium, aut situs earum, ex parte ergo formæ etiam erunt due differentiæ ægitudinum, uidelicet in situ & in conformatione siue figura, sicq; erunt solum quatuor species specialissimæ ipsarum ægitudinū in compositione ex natura rei inuentæ, neq; plures, neq; pauciores, quarum una uitiata instrumentum ipsum læditur, sed hic quando dicimus figuram, intelligimus conformationem ipsam, non autem formam substantialem, ne decipiamini in translationibus malis istorū, sed intelligimus

telligimus cōformationem partium, quæ quidem apte dicitur latine plasmatio, & bene dicunt illi appellantes plasmationem curantes rei naturam, & si uelint potius barbare loqui, dicit enim Græce Galenus $\epsilon\upsilon\pi\lambda\alpha\sigma\tau\iota\varsigma$, non autem $\epsilon\iota\delta\omicron\varsigma$ speciem uel formam substantialem, sed conformationem, quæ quidem conformatio consistit in proprio membro instrumentali debito modo cum figura ipsa, receptacula, meatus, & superficies etiam non sunt deprauata: non autem intelligimus formam substantialem, quæ est in ipsa materia formans illam & dans ei esse in actu, conformatio etiam ista uitiatur cum unum eorum uitiatur, quibus bene se habentibus diximus eam etiam bene se habere, & consequenter ipsum instrumentum esse sanum; uel enim uitiatur ipsa figura, uel ipsi meatus, uel ipsa receptacula, uel ipsa superficies instrumenti, & discurratis uos per totam hanc artem, & non inuenietis esse plures differentias quàm illas quatuor in hoc genere compositionis; bene uerum est quòd sepe caremus nominibus, ideo plures morbos dicere debemus, sed tamen iidem sunt morbi, qui accipiunt nomina sua uel à locis, uel à materia, uel ab aliquo alio, neq; tamen uos debetis perturbari propter ipsa nomina, sed rei naturas semper inspicere. prima ergo differentia est cū forma ipsa idest conformatio uitiatur, quæ uitiatur quatuor de causis. primo quia figura ipsius instrumenti deprauatur, neq; debito modo est, ut quā debet esse recta, fit obtorta, cū debet esse obtorta, est recta, cū debet esse rotunda est quadrata, sic
quomo=

quomodocunq; figura debita uitiatur, tunc forma ipsius instrumenti uitiatur: ad hunc sensum dicimus similitudinem nasci esse ægritudinem, quia figura debita uitiata est, sed tamen similitudo ipsa non est ægritudo, sed ægritudo illa caret nomine, & nominatur postea nomine symptomatis. habet autem lesionem operationū ista ægritudo, alio pacto ægritudo non esset, sed potius deformitas quædam, ideo ægritudo ipsa est quia obstruitur ipse nasus, & ipsa obstructio est ægritudo, ad quam sequitur operationum lesio, quoniam isti omnes loquuntur ita ut uix intelligantur, & dicuntur loqui in naribus, sed quia ista ægritudo caret nomine, nominatur nomine causæ, quæ est ipsa similitudo; similitudo ergo causa est non autem ægritudo, & est ægritudo in mala figura, quoniam quod debet esse non depressum, fit depressum; sic dicimus etiam in tibijs ipsis, quoniam uidemus aliquos ambiguos in ipso motu, quia uidelicet habent ossa crurum obtorta, quæ deberent esse recta, & ista est ægritudo in figura mala, quoniam impeditur operatio uidelicet ipse motus, & isti uel habent illa ossa obtorta ad partem quam isti moderni appellant siluestrem partem, et dicuntur tales homines Lori: si autem à contraria parte fuerint ossa obtorta dicuntur nari, Et ita istæ sunt ægritudines in figura mala, & habent nomina, sed in brachijs ipsis potest etiam fieri ut ossa fiant obtorta, uel ab una parte, uel ab alia, ex qua ægritudine aliquæ operationes impediuntur, sed carent nominibus, uerum etiam de nominibus nobis non debet esse cura, modo

rem ipsam intelligamus . sit enim quomocunq; uel careant nominibus, uel quòd ea habeant , semper erit eadem differentia morbi in mala figura, & habet uenam uniuersalem indicationem & curationem, sed aliquando etiam ipsa superficies uitiatur, quando uidelicet superficies asperatur, quæ lenis esse debet, & quæ debet esse aspera leuigatur, ex qua ægritudine sequitur læsio in ipsis operationibus, & dat exemplū Auicenna in textu quando dicit (Vt os stomachi quod debet esse asperum leuigatur,) Vos enim scitis ex ipsa anatome quod ipse uenterculus habet superiorem partem asperam multū & quodammodo dentatam, ut possit complecti constringereq; ipsum cibum, modo cum ista pars superior sit lenis, ita ut non possit ita bene amplecti cibum, ex quo sequitur læsio in operationibus, quia uidelicet concoctio cibi non fit & fit lienteria ipsa & defluxus alui, quoniam cibus incoctus propter lenitatem uentriculi defluit, sic etiam intestina ipsa lenia fiunt in superficie, cum tamen aspera esse deberent & sit fluxus ille alui, sic etiam uidistis uteri partem interiorem esse asperam modo quotiescunq; illa pars leuigatur fit abortus, sic & in gula cum pars quæ debet esse aspera fiat lenis, sic in quibuscunq;, & si tales ægritudines carent nomine, non curetis de nominibus, modo scitis, quòd ipsa superficies aliquando uitiatur, quia quæ debet esse aspera fit lenis, quæ uero debet esse lenis asperatur, & ista ægritudo est in forma ipsa, quoniam quotiescunq; superficies ipsa læditur, conforma-

tio quoque uitiatur, sic etiam eo modo dicimus tracheam arteriam uitari in superficie, quoniam uidelicet aspera esse debet, tamen fiat lenis, ex qua lenitate sequitur læsio in operationibus, idest in prolatione uocis; tertio autem habemus differentias morborum in forma, quando uidelicet receptacula instrumentorum læduntur, quæ quidem uitiuntur quadrupliciter etiam, nam aliquando receptacula fiunt nimium ampla quàm deberent esse, ex quo sequitur læsio in operationibus, quoniam est inutilis tanta magnitudo receptaculorum, sicut quando cavitates uentriculi est magna, ita ut illi homines comedant satis, sequitur enim læsio in operationibus, quoniam primo comedunt nimium quàm oporteat, ex qua comestione cibi tanti, sequitur quod uenter non potest concoquere illum cibum, & illa mala concoctio est operatio læsa, neque postea bene nutriuntur, & isti tales habentes magnam cavitatem uentriculi sunt tanquam boues nūquam saturi, sed semper aliquid comedere uolunt; secundo aut quia receptacula sunt paruiora quàm oporteat, sicut quando cavitates uentriculi est nimium parua, & ita est parua, ut non possit capere tantam copiam cibi ipsius, quantum opus erat ad corpus illud nutriendum, & etiam constringuntur sicut sunt uentriculi ipsius cerebri quādo minores sunt quam oporteat, ex quo sequitur ipsa epilepsia, si uidelicet non sint ex toto obturati, sed sint paruiore, minoresque quàm debium sit, & propterea qui habent paruos illos uentriculos sunt mali ingenij neque possunt intelli

gere, quapropter si hoc fiat ab ortu ipso uel remanent penitus sine aliquo iudicio, uel penitus sani, & ideo caueant illi qui habent caput paruum, quoniam spiritus non possunt pertransire propter paruitatem ipsorum uentriculorum cerebri, & ideo fiunt sine iudicio, & ictico diximus aliis magnitudinem capitis meliorem esse, quia illi homines habent magnos uentriculos cerebri, ex quo fit ut possint pertransire commodum, & illi habent iudicium; aut fit uitium in receptaculis, quoniam in eis fit aliqua oppilatio, sicut fit in uentriculis cerebri; cum enim oppilantur ex toto fit apoplexia, cum uero ex parte epilepsia; quarto modo cum receptacula deferuntur & euacuuantur ab eo quo pleni esse debent, sicut sunt uentriculi ipsius cordis, cum deferuntur à sanguine propter aliquem timorem, & magnum metum; tertio ægritudines in compositione fiunt propter meatus ipsos deprauatos, sunt autem meatus sicut pori, uenæ, arteriæ, & talia foramina quæ non sunt receptacula, qui quidem meatus uitiantur quadrupliciter, aut enim isti meatus sicut sunt uenæ, exempli gratia coalescunt, sed felicius longèq; commodius dicemus Græco uocabulo, quando uidelicet meatus aliquis coalescit. Quia magis enim proprie loqui possunt ipsi Græci in hoc quàm nos, tamen nos possumus interpretari coalescunt, sicut quando ita coalescunt uenæ, ut in eas non possit recipi quod debet, secundo autem cum illud quod aliquid recipere debet, sicut sunt uenæ, in eo tamen fiat oppilatio aliqua, sicut contingit in uenis hepatis,

hepatis, & in uueæ foraminibus. per illas enim uenas non potest transire sanguis; tertio quando uidelicet meatus ita arefcit, ut partes inter se concidunt ut se contangant, sicut sunt meatus quando macrescunt, uasa enim ipsa propter inanitionem factam sanguinis habent suas partes concidentes inter se, non enim possunt remanere uacue, ideo concidunt suæ partes; quarto autem meatus uitiuntur quotiescunq; apostema aliquod fit extrinsecus, ex cuius compressione ipsi meatus obstruuntur, ita quod illud quod per eos permeare debet non potest permeare, sicut exempli gratia sunt ipsæ uenæ, cum aliquod fieret apostema exterius supra ipsas, & illud apostema ita comprimeret illas uenas, ut sanguis permeare non posset, ista est sufficiens diuisio ipsorum morborum contingentium in unaquaq; differentia illarum quatuor positarum sub illa specie, uidelicet formæ, siue conformationis: unum ergo genus sit istud; ueniamus modo ad aliud, sed cum nolitis me amplius legere, sinatis me dicere unum uerbum saltem; admoneo uos, ut studeatis recte diligenterq; Auic. quoniam certe ista litera sequens est partim falsa, partim defectuosa, tamen non credo ego quod Auic. ipse fuerit, sed fuerunt interpretes qui errauerunt peccato manifesto, & non est certe Auic. quoniam est magnus uir in alijs rebus & diuinus, ita quod non dixisset istam fatuitatem, quam imponunt sibi isti traditores. Sunt traditores certe.

LECTIO XIII.

ENVMERABAMVS in superiori lectione
 ægritudines quæ contingunt in ipsa compositione. &
 intelligatis simplices, quoniam sum in hoc tractatu
 de simplicibus ægritudinibus, sicut supra proposuera
 mus, de eis enim inquirimus; dicebamus autem tria
 genera esse simplicium ægritudinum, unum expediui
 mus, aggressi sumus secundum genus, in quo quidem
 genere dicebamus esse quatuor species differentiarū
 morborum, quoniam sunt uel in forma, siue conforma
 tione, ut recte dicamus, uel in quantitate, uel in
 situ, uel in ipso numero, diximusq; formam ipsam ha
 bere etiam quatuor differentias, quarum una lesa le
 ditur ipsa parium conformatio, & consequenter ip
 sum instrumentum, numerauimusq; eas, uidelicet su
 perficiem, figura, receptacula, & motus. reliquæ
 erant modo tres aliæ differentię genericæ, uidelicet
 quæ sunt diuidendæ, uidelicet quantitatem, situm,
 & numerum, sed quoniam unum dixeramus in supe
 riori lectione, quod uidetur contrarium omni
 no ipsi Auic. ideo ut uideatis, quod Auic. non contra
 dico audiatis, diximus enim in exordio differentię ab
 ipsa superficie quod aspera arteria debet esse aspera,
 quotiescunq; autem sit lenis, tunc est ægritudo in su
 perficie, ideo dico iterum quod oportet asperam ar
 teriam esse asperam, ut uidelicet aer ipse impediatur
 per asperitatem ipsius tracheæ arteriæ, ut ex illo
 impedimento fieri possit sonus, ut tandem edatur uox
 ipsa

ipsa propter quam operationem natura fabricauit ipsam arteriam asperam, neq; enim posset fieri impetus aeris nisi esset aspera, neq; edii sonus, ideo cū sit lenis est ægritudo in superficie, & læditur ipsa operatio, quoniam uox ipsa redditur magna sicut est uox anserum, cuius rei signum est illud, quod qui habent eam arteriam humidiores habent etiam uocem magnam, & quia lenis est arteria sicut gruum, anserumq; & talium animalium, ideo siccitas arteriæ, & asperitas facit ad uocem commodiorem edendam, ideo signum etiam est illa cartilago quæ dicitur epiglottis, quoniam magna est in illis qui arteriam eam habent lenem humidamq;, ideo dicebamus asperitatem arteriæ iuuare ad ipsam uocem edendam, tamē Auic. hic in textu uidetur dicere contrarium totius huius rei, quando dicit, aut exasperatur quod debet esse lenes, sicut trachea arteria quando exasperatur, Ecce oppositum totum, dico quod non est oppositum dicto meo, imò dico quod est uerissimum asperitatem arteriæ facere ad edendam uocem, & raucedinem fieri propter lenitatem ipsius arteriæ, unde est ægritudo in superficie, ratio est quia operatio ipsa læditur, est autem maxima lenitas in laringe facta, & in ipsis cartilaginibus, præcipue ad raucedinem faciendam, & signum huius rei est, quia quotiescunq; catarrhus humidus frigidus descendit ab ipso capite in laringem fit quedam mucedo, quoniam illa materia uiscida humida illinit ipsas cartilagines, & ipsam arteriam, & ideo editur rauca uox: unde Galenus in secundo aph.

aph. 48. ubi dicebat Hippo. *branchi & corixæ* in ualde senibus non maturantur. *branchi* enim apud Græcos dicuntur *Βραγχίαι* raucedines, ubi Galenus in com. dicebat quod isti *branchi* non solum in senibus non admittunt concoctionem, sed nec in iuuenibus aliquando, & alij quicumq; morbi frigidiores, illos enim usq; ad ipsam mortem comitantur, cuius rei signum est illud etiam, quoniam qui curant eam raucedinem cum ipsis rectificantibus, puta ipso saccaro candificato, ut uocant isti, & talibus. uidete ergo quomodo ex natura rei, ex autoritate Galeni, & ex ipso signo ab experimentis curationū raucedo ipsa fiat propter humiditatem & consequenter lenitatem ipsius tracheæ arteriæ; sed ut scitis ex ipsa anatomie, trachea ista arteria habet multos anulos, & ideo etiam est aspera, sed ut facilius ipse aer posset ingredi in interiore parte fabricauit eam natura ipsa leniorem, non tamen in substantia propria, quia oportet sicut diximus eam esse asperam, sed est quædam membrana eam regens intus per totam suam longitudinem, in qua est quædam unctuositas & humiditas, & hoc natura prouidit quoniam repente expirantur fuliginosi uapores calidi, & sicci, ideo ne ipsa arteria pateretur aliquem dolorem, uel aliquam ægritudinem propterea quia nimium siccaretur, ideo membrana illa facta est unctuosa, non ipsi anuli arteriæ qui sunt de eius substantia, & hoc ne operationes lederentur, & illa unctuositas in hac membrana est quemadmodum pinguedo fabricata fuit in ipsis intestinis

testinis, ne uidelicet eroderentur ab ipsa bile flaua, quæ immittitur ad excitandum ipsa, ut expellat feces, sic ne illi fumosi uapores eam tracheam lederent, dedit natura unctuositatem non quidem arteriæ, quoniam oportebat eam esse asperam ad edendum sonum præcipue in ipsis cartilaginibus, sed ipsi membranæ quæ eam tegit; sic ergo nec ego falsum dixi, neq; Auic. mihi contradicit in textu, quoniam quando dixit, (vt trachea arteria quando exasperatur cum tamen lenis esse deberet) non intellexit ipsam arteriam, sed iste diuinissimus uir & eloquentissimus intellexit ipsam membranam tegentem ipsam arteriam quæ debet esse lenis, & habere quandam unctuositatem; quotiescunq; ergo ista membrana, exiccatur & consequenter exasperatur, fit læsio in operationibus propter ægritudinem accidentem in superficie ipsius tracheæ arteriæ, sed ipsa trachea arteria debet esse aspera, & quotiescunq; fit lenis tunc est ægritudo in superficie deprauata, quoniam illud quod debet esse asperum læuigatur; cum uero membrana exasperatur, tunc illud quod debet esse lene exasperatur, sicut optime dixit Auicenna in textu. hæc sint satis quantum ad hanc contradictionis apparentis solutionem. & quantum etiam sit ad illas quatuor differentias primæ genericæ differentiæ, uidelicet conformationis. aggrediamur modo secundam differentiam genericam eamq; subdiuidamus, demum duas alias reliquas, ut possimus in sequenti lectione uenire ad tertium genus diuidendum. Dicit er

go Auic. (Aegritudinum autem quantitatis duæ sunt species, quia aut sunt ex genere augmenti, &c.) Cum corpus quantum sit, ideo potest ladi ista quantitas, & ista erit secunda differentia generica aegritudinũ in compositione, ipsa quãtitas dupliciter potest deprauari, uel qũ sit maior, uel qũ minor quam oporteat, quando uidelicet pars una corporis, uel totum excrescit ita, ut operationes ipsæ ledantur, uel etiam ita decrescit totum uel una pars, ut fungi actionibus non possit; quoniam ut sæpius dixi, & ut definitum est superius, non esset aegritudo, & dat exempla utriusq; differentia Auic. sed iã expeditum est hoc membrum diuisionis. Hic modo quidam ingeniosi uiri dubitationem mouent, quæ certe neq; est prætereunda, quia uidetur quod non possit esse aegritudo in magnitudine quia dicunt isti: Accipiat una pars ipsius corporis cui addita sit tanta materia ut excreuerit ita, ut non possit suas operationes edere, illa magnitudo non est aegritudo ex qua proueniat læsio operationum, sed est causa uel accidens ipsi aegritudini, quod probant ita, ex ista magnitudine operationes non læduntur, ergo non est aegritudo per definitionem supra datam ab Auic. quod autem magnitudo sit causa, non autem aegritudo, sic probant, quia sit magnitudo in aliqua parte maior quàm debeat esse, tunc arteriæ ita constringuntur, ita ut non possint spiritus pertransire, sit tunc refrigeratio carnis & partium illarum, ita ut aegrarum fiat mortificatio, ex qua mortificatione sequitur Gangrena

grana; hic magnitudo non est ægritudo, sed est causa ægritudinis, ægritudo uero ipsa est in constrictione illa & mala complexione, uel etiam magnitudo est accidens, non autem ægritudo; exempli gratia, fit aliquis humor præter naturam supra cutim solū, ita quod non impediat operationes illius membri, tūc magnitudo est solum accidens, non autem ægritudo, ideo non uidemus (dicunt isti) quomodo magnitudo possit esse ægritudo. Sed isti non uident illud quod est uidendum, decipiuntur enim per paralogismū, quia sumunt unum falsum, sumunt enim quod magnitudo non est illa quæ impedit operationes, bene etiam ego scio quod si magnitudo non est illa quæ impedit operationes, quod non est ægritudo; sed oportet quod probent illud quod magnitudo non impediat actiones, sit enim exempli gratia facultas manus motiua, quæ debet mouere duas libras ponderis, tunc magnitudo ipsius manus ita excrescat ut facultas amplius non possit mouere illas duas libras ponderis, tunc ægritudo in manu est, quia operationes eius sunt uitiatae, sed ista ægritudo est formaliter in ipsa facultate motiua, quia ipsa uitiatur propter nimiam sui subiecti magnitudinem, ita quod ab ea actiones debite non possunt prouenire, sed ægritudo est in ipsa magnitudine manus subiectiue tamen, ita quod magnitudo est ægritudo subiectiue, quoniam magnitudo est illa quæ immediate lædit actiones manus, ita quod manus non potest mouere amplius illas duas libras ponderis, ideo materialiter est ægritudo, non formaliter sicut su-

pra dicebamus, quoniā formaliter est in facultate motiua laesa, semp. n. ægritudo est dispositio in primo genere qualitatis, nō aut in gñe quātitatis, quoniam in facultate ipsa est formaliter, sed subiectiue magnitudo ē ægritudo nō causa sicut illi dicebant, impedit. n. immediate actiones ipsas, unde magnitudo potest fieri tāta, ut pars illa in qua est magnitudo, uel ē totū nō possit exercere suas operationes, ecce quomodo est ægritudo. Sicut Galenus in primo lib. de differentijs morborū narrabat de quodam homine qui dicebatur Nicomachus, qui quidem excreuerat tantum in toto corpore ut moueri nō posset, & talem ægritudinē dicebat Galenum curasse Asclepiadem, ideo non uult quod dicunt isti sicut supra notabamus, morbus est in magnitudine ergo est, in quātitatis genere, dico quod & si magnitudo sit ægritudo, tamen est materialiter, sed est in ipsa facultate formaliter modo denominate fit à forma, non autem ab ipsa materia. oportet enim manere etiam in fundamentis philosophiæ, nō aut sicut faciunt isti quamprimum se dedunt medicinæ obliuiscuntur philosophiæ, ægritudo ideo semper est dispositio in primo genere qualitatis, & pro hac quæstione uidistis quo modo magnitudo esse potest ægritudo, ita quod sit secunda differentia ægritudinum simplicium in compositione: & hoc pro solutione huius sufficiat. Est modo alia quæstiuncula propter uerba Galeni sibi contradicere apparentia, quæ talis est, an detur ægritudo in magnitudine non solum propter materiam aliquam naturalem, sed etiam propter

pter aliquam materiam præter naturã, ita quod corpus ita fiat magnum in aliqua sui parte, ut illa pars non possit operari. Sed si diceret quis, ego te non intelligo; iterum repeto, & quero utrum possit esse ægritudo non solum propterea quia temperatura talis corporis est, ut ita magnum sit etiam an possit fieri ut aliqua materia adiungatur alicui parti præter naturam, sicut si fiat apostema aliquod quod quidem impediat (puta) manum ipsam ne possit moueri; & primo uidetur quod hoc non sit possibile, quia est auctoritas Galeni, in primo de differentijs morborum, quando dicebat quod raro contingit ut fiat tanta magnitudo corporis, quod illud corpus moueri non possit, nisi cõtingat hoc ab ipso ortu; uidetur enim quod dicat Galenus ibi non posse esse ægritudinem propter aliquam magnitudinem nisi hoc sit ab ortu, idest nisi temperatura talis corporis fuerit ita ut corpus illud fiat aptum ad excrescendum, sed oppositum huius uidetur dicere postea Galenus in fine illius libri de morborum differentijs, ubi loquitur de apostematibus, dicit enim ibi Galenus, si tumor ipse facit læsionem & impedimentum operationum, tunc est ægritudo, si uero non impediuntur operationes, tunc est accidens, docet enim ibi Galenus cognoscere quando tumores sunt ægritudines, quando, etiam accidentia. si ergo tumor est præter naturam tamen à tumore impediuntur operationes, ergo in magnitudine potest esse ægritudo, quoniam uidelicet materia præter naturam adiuncta est, quod totum est oppositum illius quod dicebamus

cebamur superius : ideo ne in ambiguo maneatis , dico, quòd illi qui sic dubitant debent melius perspicere uerba Galeni omnia , neq; inuenient quæstiones , sed quia uolunt inuenire quæstiones , & intricare se ita faciunt , non enim perlegunt omnia uerba ipsorum doctorum , sed tantum illa quæ possint facere dubium , ideo uos aduertite omnia uerba , & ea bene perpendite , postea siquid dubium facere uidetur dubitate . dico igitur quoniam Galenus ibi loquebatur de magnitudine totius corporis , quando dixit raro contingere quòd fiat tanta magnitudo corporis , ut moueri non possit , & operationes ipsæ ledantur , sicut acciderat Nicomacho , & ideo adiungebat illa uerba bene & sanctissime nisi hoc contingat ab ipso ortu , raro inquit fit ut aliquod corpus ita excreseat in magnitudine ut impediatur in suis operationibus nisi fiat ab ipso ortu , idest nisi habuerit talem temperaturam ab exitu uentris . credo enim quod si tenerent me , sicut tenent capones , ut pinguescere non possem excrecere magis quàm sum , ratio est quia ab ipso ortu nō sum natus talē temperaturā ; imò sunt aliqui , qui ab ortu suo nati sunt tēperaturā corporis ita ut semper sint graciles , & uolunt comedere deuorareq; tantā copiam alimentorum ut excrecant , tñ potius suffocantur quàm excrecant , quia calor naturalis non est tantus ut possit sustinere tantam concoctionem , neq; membra indigent tanta copia cibi . Sunt postea aliqui , qui ab ipso ortu habuerunt temperaturam aptam ad excreandum , & sunt sicut boues uasto corpore , ita quod

non

non possunt suas exercere actiones, & hoc uerificatur quoad totum corpus; quod raro contingit, nisi hoc fiat ab ipso ortu, sed non est uerum quoad partes, id est quod non contingat ut partes ita exerceant, ut non possint exercere suas operationes, nisi hoc contingat ab ortu, quia hoc fit post ipsum ortum sepiissime: potest enim esse aliquod apostema in aliqua parte propter quod illa pars leditur in actionibus suis, tamen apostematis materia est præter naturam, non ab ortu, sed post ortum, sed hic statim quaeritur de ipsa anasarca, id est ἀνασάρκῃς, quæ quidem contingit toto corpori, tamen post ipsum ortum. credo autem uos scire quid sit anasarca, tamen propter iuniores dico quod anasarca est una species hydropis, qua inflatur totum corpus, illa materia non est naturalis, ut manifestum est, quia non est aliqua pars corporis, neque pro ipso nutrimento est, sed est quædam pituita in toto corpore incocta, & totum corpus album redditur, dicitur autem alio modo talis ægritudo λευκοφλεγματία, quapropter uos aduertite uerba Galeni quando dicit, raro contingit tanta magnitudo corporis, ut corpus non possit moueri, nisi hoc fiat ab ortu, dicit enim raro contingit, qui autem dicit, raro contingit, non tollit omnino possibilitatem, quapropter non negat, ipse quod non contingat talis magnitudo, puta anasarca, quæ fit post ortum in toto corpore, sed hoc raro contingit, & ideo uidemus etiam istas ægritudines rarissime contingere, & aliquando totum corpus inflatur, aliquando pedes, & uenter,

uenter, aliquando etiam solum uenter, tamen contingit & ego uidi, fuiq; in curatione eius, tamen non sanauit eam, quia omnes patientes talem moriuntur, neque possunt omnino curari, ob id dico quod in hac materia nihil ambiguum remanet, sed iam credo omnia soluta esse quæ dubium facere uidebantur: primo quod datur ægritudo in ipsa magnitudine; secundo quod datur magnitudo ipsius corporis totius, ita quod corpus non potest moueri, sed hoc raro contingere diximus cum ipso Galeno, nisi hoc fiat abortu ipso, contingit tamen in anasarca, sed etiam partes ipsæ corporis, aliqui ita excrescunt etiam post ortum, ut impediuntur sue operationes, & est ægritudo puta quando esset aliquod apostema in brachio, tunc brachium ipsum non posset moueri essetq; ægritudo illa magnitudo, sed cum accideret aliquis tuberculus in cuti, ita quod operationes brachij non læderentur, tunc non esset ægritudo, sed quoddam accidens. Postquam autem numerauimus duas differentias generis secundi ægritudinum simplicium, uidelicet compositionis, quarum prima fuit conformatio; secunda uero quantitas ipsa, ueniamus modo ad tertiam differentiam eiusdem generis. Dicebamus enim esse quatuor differentias huius generis, dicit ergo Auic. in textu (numeri quoque ægritudines aut sunt ex genere augmenti &c.) potest esse (inquit) ægritudo in ipsis instrumentis, quoniam uidelicet numerus partium ex quibus compositum est ipsum instrumentum, non est debitus, uitiatur autem numerus partium cum uideli-

cet partes aliquæ aut excrescunt ita quod plures sunt quam opus sit, uel quia aliquæ partes deficiunt, quæ quidem ad compositionem talis instrumenti requiruntur, debetis enim præsupponere illud uerissimum dictum quod didicistis in philosophia, quod uidelicet natura ipsa neq; abundat in superfluis, neq; deficit in necessarijs, nihil enim frustra agit, nihil diminutum creat, nisi impediatur ab aliquo, puta à materia; cū ergo ipsi instrumento additur aliqua particula, uel aliqua diminuatur, tunc læditur in suis operationibus instrumentum, & est ægritudo dicta in numero, quoniam numerus partium requisitarum ad compositionem talis instrumenti est deprauatus, siue modo per minorationem, siue per maiorationem, sed quia ista particula quæ additur uel diminuitur potest esse quid naturale, uel quid non naturale, ideo dicimus quod quomocunq; sit, est ægritudo in numero, cū autem est ægritudo in numero, ita quod aliqua particula naturalis addatur est quando illa pars est de substantia corporis, & de numero partium eius, sed tamen est uel superflua, uel diminuta: superflua quidem sicut sextus digitus in manu, qui est de numero partium corporis, uiuit enim tamen est superfluus, & est ægritudo in eo quoniam læduntur operationes, uidelicet comprehensio ipsa quam debet facere manus, tamen non ita commode potest facere, sic etiam aliqui nerui superabundant in corpore aliquo, uenæ quoq; inueniunt enim isti anatomici sicut ipsi testantur aliqui uenas in uno corpore superabundare; si uero est
ista

ista particula redundans non naturalis tunc non est pars ipsius corporis, sed est quid extrinsecum additum ipsi corpori. sicut est lapis in uestica, lapis enim est non naturalis pars adiuncta ipsi uesticæ, ex qua sequitur læso in operationibus mingendi, & est ægritudo in numero, & lapis ipsa est substantia, estq; ægritudo subiectiue, sed formaliter est in ipsa facultate dispositio mala, ratione cuius malæ dispositionis in facultate operationes prouenientes ab ipsa facultate læduntur, in ipso quidem membro consistit subiectiue, sed in facultate ipsa est semper dispositio formaliter, sic in manu ipsa dicimus quod manus est ipsum instrumentum in quo recipitur ægritudo ipsa, sed digitus ipse est numerus additus manui, qui est ipsa ægritudo materialiter, sed uirtus comprehensua læditur & male disponitur, quæ quidem mala dispositio est ægritudo ipsa formaliter, a tali enim digito causatur læso operationum ipsarum, est ergo ægritudo in ipso subiecto uidelicet instrumento manus, siue addatur manui digitus, siue minuatur ab ea, & hoc dico propter aliquos ineptos, qui facientes quasdam quæstiones duxerunt homines in tantum stuporem ut nesciant quid dicant, nam sic loquuntur; si defecit digitus pars requisita ad compositionem manus, quomodo ergo est ægritudo in manu, si uidelicet ægritudo ipsa est in digito, tamen digitus deficit, neq; adest, quomodo potest ergo esse ægritudo, & digitum non habet manus? dico enim ad hos homines quod ægritudo ipsa est in instrumento manus, cuius operationes lædun-

leduntur, quia non habet numerum debitum: digitus autem est causa immediata cur ipsæ operationes læduntur, et ægritudo ipsa est in manu non in digito ablatō, sicut dicimus etiam nauim periclitari gubernatore absente, non enim ægritudo ipsa est in Gubernatore, idest periclitatio, sed est in naui, quia nauis est illa quæ periclitatur, gubernator uero est causa immediata, cur uidelicet ipsa nauis periclitatur, sic prope modum non est ægritudo in digito absente, sed in ipsa manu, cuius operationes læduntur, uidelicet ipsa comprehensio, iste autem digitus uel est naturaliter deficiens, uel non naturaliter; naturaliter quidē cum est diminutus propter aliquam causam intrinsecam, ut in ipsa generatione propter defectum ipsius materiæ, uel propter qualitatem materiæ, digitus enim non creatur a natura quoniam semper de possibili facta facit, & melius semper facit quod potest, non naturaliter autem diminuitur iste digitus si incidatur ab aliqua extrinseca causa; quotiescunq; enim pars addita & diminuta est ab aliqua causa intrinseca, tunc est naturalis illa pars, licet quotiescunq; ab aliqua causa extrinseca est, tunc est etiam non naturalis, sicut materia in apostematibus, sicut lapis in uestica, sicut digitus incisus. Postquam autem iam diuissimus tertiam genericam differentiam huius genericæ compositionis, ueniamus ad quartam genericam differentiam & ultimam, quæ est situs ipse; unde dicit Auicenna. (Ægritudines uero situs, & cætera.) Volui autem uenire ad hanc partem,

partem quoniam certe multum est attendendum .
 in hac enim parte Auic. habet multa primo super-
 flua, secundo multa diminuta, & multa falsa et-
 tiam habet, sed non credo quod Auic. fuerit pecca-
 tum, quoniam uidemus nos quod est doctissimus uir
 in alijs rebus, tamen in hoc non potest esse quod tam
 uile, tamq; magnum peccatum commiserit, quoniam
 primo etiam uidemus nos quod Auic. transcribit à Ga-
 leno totum quod dicit, & imitatur eum, modo nos
 uidemus quod Gal. non habet ea quæ dicit ipse hic, &
 ego legi Auic. translatum a lingua Arabica, in quo nō
 continentur talia dicta, ob id neq; possibile est quod
 propter librum Gal. Auic. errauerit, sed ipse non er-
 rauit transcribens ab ipso Galeno, sed fuerunt isti ma-
 li homines interpretantes & transferentes eum qui
 illa ei iniungunt temere falsoq; neq; aliter mihi per-
 suadeo certe, quoniam Auic. fuit diuinissimus sequēs
 Galenum, & rectissime commodissimeq; transcribēs
 ab eo, ita quod certe est omnibus præferendus qui
 transcripserunt ab ipso Galeno, est enim primus cer-
 te post ipsum Galenum. habetis quidem Græcos illos
 transcribentes à Galeno, sed certe nihil sunt apud A-
 uic. hic est diuinissimus, habetis Aetium, habetis Pau-
 lum Aeginetam, habetis Oribasium, sed non sunt cō-
 parandi Auic. Aetius, Paulusq; sunt pædagogi certe
 nihil aliud sunt, Oribasius modo melior, est enim uir
 non contemnendus, licet Auic. melius transcripserit
 à Galeno, illi enim sciunt furari; sed nesciunt ordina-
 re, & abscondere sicut optime, diuineq; facit Auic.

ita quod non credo Auic. hæc fatua dixisse, sed isti traditores illi iniunxerunt. Gal. enim optime dicit quem legimus propria lingua, sequamur ergo eius diuisionem, dicit ergo Gal. quod ægritudines in situ fiunt dupliciter, primo quidem quoniam pars à parte separatur, & dat duo exempla de hoc, primo quidem sicut quando fit luxatio, tunc enim os separatur ab alio osse, ita quod unum deserit concauitatem alterius, & suum proprium locum, & dicitur luxatio ista ægritudo, quæ est in prima differentia huius differentie genericæ; secundo dat exemplum de intestinis, quando uidelicet ipsa intestina quæ debent esse intra communem eorum membranam, uidelicet peritonæum dictam, tamen ea disrupta ipsa intestina descendunt per illam rupturam in ipsum scrotum dictum à Latinis, quæ quidem ægritudo dicitur à Latinis ramex, à Græcis κίλη, et est ægritudo in situ, quoniã intestina proprium mutarunt locum, & est in ipsa differentia genericæ differentie situs, quando uidelicet regiones ipsæ mutantur. prima enim differentia est quando regiones à membris mutantur, ita quod una pars ab una alia separatur mutando regiones suas. Secunda differentia est quæ pars est nimium propinqua, uel longinqua à suo socio, ita ut per illam propinquitatem nimiam uel longinquitatem læso sit in ipsis operationibus, quoniam membrum non potest solito modo operari exempli gratia, ut res sit manifestior quando quintus digitus est in suo proprio situ, sed tamen aliud est nimium ab eo longinquus, ita quod ex illa longinquitate

te

te læditur operatio manus, quia non comprehendit debito modo, uel quando istæ digitus sit nimium propinquus alij socio, ita quod iterum impediatur operatio comprehensionis; & est ægritudo in secunda differentia situs, sic etiam uidemus aliquos ambulantes sicut ambulant boues laxi sine fortitudine in motu ipso, est enim aliquando laxatio nimia ipsorum ligamentorum, ita quod ex illa laxatione causatur talis ambulationis modus, tamen non est mutata regio, sed est mutatus habitus quem inter se habebant, quia sunt nimium inter se laxa & longinqua, non dicam quod non sit mutatus situs, quia non esset ægritudo facta in situ nisi aliquo modo esset mutatus situs, manent quidem in proprijs locis, sed tamen non habent inter se ita ut deberent se habere ad edendas operationes, sic etiam si nimium constringantur ista ligamenta, tunc fit læsio in operationibus, quia est difficultas in ipso motu ambulationis. Ad hanc differentiam secundam reducitur ægritudo illa qua laborat lingua ipsa, quæ uidelicet ligamenta ipsa linguæ nimium constringantur, ita quod uitiant ipsam linguam, & lingua tunc non potest moueri in omnes differentias, & fit læsio in operationibus, quia tales homines non loquuntur libere expediteque, sed impeditè, unde uidemus quod isti curant incidenda talia uincula, ut melius loqui possint mouendo linguam ipsam in omnes differentias, ad hanc etiam differentiam reducit Galenus ipsa labia, quando uidelicet inciduntur & iterum consolidantur, tamen non possunt continuari, sed faciunt quandam consolidationem

dationem ita quòd coniunguntur sed non possunt moueri ita commodè, itaq; etiam apte ad hanc etiam differentiam reducitur & ita sunt duæ differentie solum ipsius situs qui est quarta & ultima differentia generica ipsius compositionis; legatis modo uos Auic. quoniam multa inutilia dicit diminuteq; incedit et falsa pronunciat, sed non est eius error ut dixi, sed traditorum, qui ei falsa iniungunt, dicit enim multas differentias inutiles postea quod falsum habet, quoniam dicit (unã differentia esse situs, sicut quãdo membra tremunt, & mouentur motu inuoluntario) ita quod uult Auic. quod quando brachium ipsum exempli gratia tremit sit illa ægritudo in situ, quod tamen stare non potest, quia quomodo possibile est quod tremor sit morbus in situ, non enim mutat aliquem situm, sed tremor membri fit alia de causa, & est alia ægritudo non autem in ipso situ, tremor enim fit secundum quòd dicebat Galenus in quinto de differentijs symptomatum, & in suo illo libro de tremore & iectigatione, quoniam sunt duo motus contrarij facti à uirtute ferente ipsum brachiũ puta q; tremit, & ab ipso mēbro quoniam facultas illa mouet ad sursum, sed brachium ipsum mouetur ad deorsum propter suam grauedinem, ex quibus motibus sequitur tremor. Postquam autem perturbastis me, ego cras si quid in hoc prætermisi repetam, & uos legatis illud Auic. & uidebitis omnia male se habere in hoc.

LECTIO XV.

De solutione continui. Cap. IIII.

EXPEDITIS duobus generibus ægritudinū simplicium, uidelicet in complexione & compositione, reliquum est uidere tertium genus quod superest, quod est solutio continui, quando Auic. dicit (solutionis uero continuitatis, &c.) Sed quoniam Auic. est talis in hoc cap. ut sit confusissimus in dando differentias huius generis; potius enim lacerat illas differentias quàm diuidit, & ponit multa quæ hic non erant ponenda, sed potius debebat transmittere nos ad partem illam practicam, in qua tractantur particularia illa quæ ipse hic enumerat, nec dicenda erant ista in parte theorica, ideo autem puto non esse Auic. hoc caput certe, sed potius est immissum ab istis traditoribus, neq; istud caput sentit Auic. quoniam certe est uir doctissimus in alijs, ideo non dixisset ista, nec est farina Auic. credite mihi, ideo ego constitui artificio tradere completam diuisionem huius tertij generis imitando ipsum Galenum, sed tamen colligendo simul ea quæ ipse dixit sparsim & in locis diuersis, & non solum imitari uolo in hoc, sed in omnibus alijs rebus etiam. debemus enim colligare Galenum cum ipso Auic. postea uobis tradere methodo completiua doctrinam ipsarum rerum, & certe debere-tis non perlegere illum librum de differentijs morborum

rum, & de causis morborum symptomatumq; sed de beretis memoriæ tradere, alij enim libri sunt perlegendi, sed isti memoriæ mandandi, quoniam in eis consistit ars medica, sed ut aggrediamur rē nostram circa hoc, primo scire debetis quod oportet primo uidere terminos ipsos eosq; distinguere, ne in equiuocationibus laboremus, sed distincte procedamus in danda ista diuisione, debetis ergo primo scire quod unitas alio modo accipitur ab ipsis medicis, alio modo à philosophis et metaphisicis, quoniam philosophi ipsi intelligunt per unitatem quoddam simplex & impermistum purumq; quod se tenet ex parte formæ, sed medici ipsi uersantes circa humanum corpus, non accipiunt unitatem pro quadā re simplici ex parte formæ sicut philosophi, sed unionem ipsam partium materialium uniuscuiusq; corporis humani, quæ quidem unio partium fit ab ipsa forma, quæ quidem est illa quæ terminat istas partes materiales, quantitas enim ex parte materiæ se tenet, quæ sequitur immediate materiam, quæ quidem quantitas de se est interminata, sicut in alijs scholis audistis, ideo partes quantitatiuæ ex parte materiæ se tenent, licet superueniens ipsa forma terminat talem quantitatem, & partes ipsas quantitatiuas simul unit continuatq; unitas enim partium istarum est à forma, quæ est in ipsis partibus materialibus, ista enim forma est in materia, idest corpore quanto, & istud corpus quantum compositum ex multis partibus quantitatiuis unit, ideo quot sunt compositiones corporis huius quanti,

tot erunt ipsæ unitates, sed sunt duæ compositiones corporum istorum in corpore humano; scimus enim primo esse compositionem ipsam ex partibus similari-
bus, ex quibus componuntur instrumentalia mēbra, quæ quidē similaria prius cōposita fuerunt ex humori-
bus quatuor, et ex remota materia, uidelicet quatuor elementis, quæ sunt materia uniuersalis omnibus cor-
poribus mixtis. Secunda autem compositio est totius corporis ex ipsis instrumentalibus simul, sicut ratio-
nes audiistis ante & uidistis à Galeno: erunt ergo et-
iam duæ unitates huius corporis: prima erit in ipsis
similariibus, ex quibus diximus componi instrumenta-
lia: secunda uero erit in instrumentalibus ipsis, ex
quibus dictum est componi totum, si enim forma est
illa quæ unit partes quantitatiuas ubi erunt partes
quantitatiuæ, oportebit inuenire formam ipsam uniē-
tem tales partes, sed in istis ambobus membris sunt
partes quantitatiuæ ex quibus componuntur, oportet
ergo quòd sit forma dans eis unionem, in ambobus
erit unitas, ecce ergo quomodo unitas est passio quæ
dam communis ex causa intrinseca, quoniam ab ipsa
forma procedit ista unitas, ideo cum separatim dixe-
rimus de duobus generibus ægritudinum simplicium,
uidelicet compositione quæ accidit solum ipsis instru-
mentalibus, & complexione quæ solum ipsis simila-
ribus primo & per se, ideo reliquum est quod dica-
mus de tertio genere communi ambobus, uidelicet tā
similariibus quam organicis. istud autem tertium ge-
nus est solutio unitatis huius quam diximus proueni-

re ab ipsa forma; sed primo circa hoc unum scire debetis ne in ambiguo ambuletis, quod unio ista in similiaribus est alia ab unione in ipsis instrumentalibus existente, quoniam continuitas est proprie similarium ipsorum, ita quod continuantur proprie ipsa similia, modo continua sunt, illa quorum extrema fiunt unum sicut definitum est ab Arist. in v. phys. modo illa non possunt continuari quæ non sunt eiusdem materie, & eiusdem materie, eiusdemque denominationis in partibus & toto, sed quæ sunt habentia eandem naturam, eandemque denominationem sunt similia dicta à Græcis ὁμογενεα, sive ὁμωγενῶν quarum habent partes idem nomen cum nomine potius, sed quæ sunt diuersæ materie neque eiusdem generis sed diuersorum generum, illa bene possunt se contingere, sed non continui, cum illa sint continua quorum ultima fiunt unum, v. phy. declarata definitio est modo illorum ultima, non possunt fieri unum quæ non sint eiusdem generis, eiusdemque nature, sed bene ut dixi possunt se contingere modo illa sunt contigua secundum dicta Arist. loco citato, quorum, ultima sunt simul, sed tamen non sunt facta unum, sed remanent duo actu, ideo illa quæ sunt generum diuersorum bene possunt contiguari, sed continuari minime, quoniam eorum ultima non possunt fieri unum, sed remanent duo actu demonstrata. His ita stantibus medici illi doctiores, & seruantes proprietates rerum uoluerunt cum tractant de isto v. genere ægritudinum simplicium, inscribere tractatum de solutione unitatis, quia ista solutio est communis tam

similaribus, quam dissimilaribus, sed quia unitas est
 communis etiam ambobus membris, ideo etiam dicunt
 de solutione unitatis, sed quia continuitas est solum si-
 milarium, ideo nolunt inscribendum de solutione con-
 tinuitatis, & certe rem ipsam aduertere & optime,
 quoniam unitas est communis ad continuitatē, & con-
 tiguatē, ideo longe commodius inscribimus de so-
 lutione unitatis, quam de solutione continuitatis. His
 sic recte perspectis ulterius procedamus: sed circa
 hoc primo sciatis quod contactus in partibus organi-
 cis est duplex, primo quidem est contactus non mani-
 festus sensui, sed ipsi rationi tantum sicut, est conta-
 ctus in ipso neruo, obscurus enim in neruo est conta-
 ctus partis carnosæ, cum medullosa & nervosa ita
 quod sensu ipso percipi non potest, sed tantum secun-
 dum rationem, & si debet perspicui talis contiguitas
 opus est magno artificio, tamen possibile est sicut su-
 pra dicebamus, & ideo medici artifices sensati appel-
 larunt talia membra simularia, quoniam etiam secun-
 dum se tota sunt composita ex suis partibus, alia est
 contiguitas nō solum manifesta rationi, sed etiam ipsi
 sensui, ita quod sensu possumus perspicere hanc par-
 tem contingere illam & illam, sicut in magno instru-
 mento, exempli gratia, in pede uel in ipsa manu. par-
 tes enim unæquæq; ipsius pedis uel manus discernun-
 tur sensu ipso se contingere, quando ergo medici lo-
 quuntur de continuitate & contiguitate, loquuntur
 de continuitate, & contiguitate manifesta sensui non
 solum rationi ipsi, quoniam ut sæpius dictum est sunt
 artifices

artifices sensati . sed istis stantibus iā patet quòd unio ipsa est sanitas . i. quod quando debita unio est , tunc etiam sanitas ipsa est , secundum unionem loquemur , sed cum ista unio soluitur , tunc fit ægritudo ipsa contrario modo se habens ipsi sanitati , & dicitur solutio unitatis communiter , sed nos hic non loquemur de unione , quoniam præsupponimus dictum fuisse , ubi agebatur de ipsis membris in prima Fen , ubi de hoc tractatum est , ideo solum de solutione continuitatis agemus , quoniam etiam oppositorum eadem est scientia , ideo postquam cognouerimus de solutione unitatis , sciemus etiam per oppositum quando erit unitas ipsa . Incipiamus ergo loqui de hac solutione unitatis . dicimus ergo quòd ista solutio unitatis est communis tam similaribus quàm organicis partibus , sed est duplex secundum quòd dicebat Galenus in primo lib. de differentijs morborum , alia quidem quæ fit tum in instrumentalibus , tum in similaribus simul & semel , ita quæ fit duplex ægritudo , uidelicet in solutione unitatis similarium , & in solutione unitatis organicorum membrorum , aut fit separatim in uno istorum per indifferetiam , ita quòd fit in similaribus absque eo quòd fit in instrumentalibus , aut è contrario , quando exempli gratia , fit solutio unitatis nerui ipsius ita quæ etiam brachij (puta) soluitur unitas , tunc enim ægritudo est in simili & organico membro , sed cum est solū solutio unitatis ipsius nerui non existente solutione ipsius brachij , tunc est ægritudo separatim ipsius nerui , non autem in simul & brachij , sicut erat in superiori

casu, quoniam tunc lædebatur brachium etiam in suis operationibus, & neruus, sed cum est solum excoriatio ipsius nerui tunc brachium ipsum non læditur in suis operationibus, sed est solum ægritudo in simili membro, uidelicet in ipso neruo; sed cum totus neruus est abscissus tunc simul læditur ipsum brachiū, sed potest etiam fieri quod fiat solutio unitatis, absq; hoc quod fiat in similaribus, sed solum in ipsis instrumentalibus, puta quando est solutio unitatis, in iunctura ipsa sine aliqua intemperie similarium partium, saltē in aliquo tempore, uidelicet per paruum tempus in principio, quoniam potest fieri, post talem solutionem aliqua intemperies, & aliquis dolor, ideo diximus in aliquo tempore, puta in principio, tunc enim est ægritudo in ipsis instrumentalibus absq; hoc quod sit in ipsis similaribus. Videte ergo quo modo est duplex communitas ipsius unitatis, alia enim est communitas, quando uidelicet unitas utrorumq; membrorum soluitur, aut quādo unitas utriusq; soluitur per indifferentiam ita quod sit in uno eorum absq; eo quod sit in altero sicut diximus. sed his iam sic declaratis ueniamus modo ad rem nostram, uidelicet ad diuisionem huius tertij generis ægritudinum simplicium per suas differentias, dico ergo quod ista solutio unitatis uel est in similaribus membris, uel in instrumentalibus: si ista solutio unitatis est in ipso instrumento tunc felicissime dicitur ab ipsis Græcis à quibus propriissime omnia proferuntur ἀποσπασμα, latine possumus dicere separationes, diuulsiones, auulsiones. quotiescunque

cunque enim ista solutio unitatis, fit in ipso instrumen-
to dicitur ἀποσπασμα generalis nomine, neq; ha-
bet nomen latinum propriū, sed utamur nomine Græ-
co. Fœlicissime enim Antiqui etiam ipsi medici per-
seuerauerunt in isto nomine Græco, ita quod omnem
solutionem continui generaliter communiterq; uoca-
runt ἀποσπασμα, sed postea indita sunt nomina
diuersa, secundum quod accidit particulari isti mem-
bro instrumentali uel illi, uel illi, secundum enim loca
in quibus fiunt, habent etiam nomina quæ postea om-
nia doceri debent in particulari medicina. i. in practi-
ca, si aliquid dicemus in hac diuisione, dicemus loco
exempli non quod ea particularia docere nunc profi-
teamur ne extra limites nostros progrediamur, ideo
gratia exercitationis dicimus quod si ista solutio uni-
tatis existens in instrumentis communiter dicta ἀπο-
σπασμα accadat ipsis iuncturis, tunc secundum pro-
prium nomen dicitur à latinis luxatio, tamen est ἀπο-
σπασμα quoniam accidit, instrumento à Græcis di-
citur luxatio ὑγέμματα, si uero hoc ἀποσπασμα ac-
cidat ipsis intestinis dicitur à latinis proprie ramex,
siue hernia, cum uidelicet ipsa intestina propter mem-
branam dictam περιτόνιον, descendunt in ipsum scro-
tum, sed tamen ista nomina nihil curetis, modo habea-
tis rem ipsam, quia quotiescunque ista auulsio, siue
ἀποσπασμα accidit instrumentis tali nomine nun-
cupatur, siue modo intestinis, siue iuncturis, siue illi,
siue illi, satis est quod semper est auulsio, sed mutat
nomina secundum singularia membra, quibus accidit.

Si

Si autem solutio unitatis est in ipsis similaribus partibus, quam proprie debemus appellare solutionem continui, sicut supra diximus, uel sit ab extrinseca causa, uel ab intrinseca, uel simul per indifferentia, ita quod uel illa, uel illa faciat talem solutionem continui tatis; si ergo fiat ab extrinseca causa, tunc illud extrinsecum soluens hanc continuitatem oportet quod sit aut acutum, sicut est acumen cultelli & ipsius pugionis, & hæc solutio dicitur à latinis proprie punctura $\sigma\iota\gamma\mu\eta$, uel istud extrinsecum est incidens sicut est acies ipsius ensis, & dicitur talis solutio continuitatis incisio; uel ista solutio sit ab aliqua re extrinseca obtundente & graui, & dicitur obtusio proprie. Et ista sunt tria genera quædam subalterna, imò species dicimus specialissimæ in rei ueritate, neq; plures, neq; pauciores, sed postea mutant nomina ipsa secundum similaria membra, quibus quidem accidunt, nam si sit in ipso osse talis solutio continui dicitur fractura, siue modo sit ab incidente, siue à pungente, siue ab obtundente, quæ quidem fractura ipsa postea sumit nomina diuersa secundum loca particularia, sicut si accadat caluitio, uel alij particulari ossi, & omnino istius sunt octo differentiæ, quæ postea debent doceri in particularia tractante medicina, uidelicet in practica; sed quomodocunq; sit semper erit sub una illarum trium specierum numeratarum: sed postea nomina accipiunt à membris quibus accidunt, quoniã sicut diximus, si accadat ossi talis solutio dicitur $\kappa\alpha\tau\alpha\gamma\mu\alpha$ fractura, sed illa hic non sunt docenda, satis est

est quòd doceamus uniuersalia, quoniam nunc doceamus fundamenta artis, sed illa postea debetis addiscere in particularibus, uidelicet ubi tractantur curationes morborum ipsorū, quomodocunq; sit, tamen semper habemus unam uniuersalem indicationem & curationem solutionis continui, & uel si est ab extrinseco aliquo incisionis, uel puncturæ, uel obtusiois, neq; ista curatio quantum sit ad ipsum morbum uariatur, sed postea si uariatur, uariatur propter locum ipsum in quo est, quoniam aliquando accidit loco magis sensibili quàm alius sit, & secūdū quod est sensibillior etiam magis timemus, & curationem diligentiores facimus; sic etiam si est in aliquo membro nobiliori, uel minus nobili, tamē quantum sit ad ipsam solutionē semper tenemus eandem curam, semperq; eandem si est incisio, uel si est punctura, uel obtusio, si modo ista solutio continuitatis facta in similaribus membris sit à causa intrinseca. sed notetis quòd illa causa intrinseca (sed unum sciatis quod oblitus erā, quòd illæ tres species postea nominatæ habent unum commune nomen, quia unaquæq; earum dicitur uulnus à latinis) cum ergo sit à causa intrinseca, notetis quod illa causa aut corrodens est, uel est extendens ipsa membra similaria, corrodit etiam materia acuta & acris, corrodit enim sicut catarrhus falsus, acutus enim est sicut melancholicus humor, uel biliosus, est enim acris, catarrhus enim falsus descendens à capite corrodit ipsum pulmonem, uel aliquas uenas, & uenæ illæ dissiliunt; sic biliosus humor acris corrodit, facitq; for-

micas

micas illas, si ergo fiat ab aliquo extrinseco, siue mo-
 do fiat ab extendente, siue à corrodeute, cum dicitur
 ulcus, dummodo sit ab aliquo intrinseco, fit autem ab
 aliquo extendente, cum uidelicet membrum ipsum ita
 extenditur, ut dissiliat & soluatur ipsa continuitas,
 & utroq; modo dicitur ulcus: sed ista solutio susci-
 pit diuersa nomina secundum quòd fit extensio, uel se-
 cundum longitudinem, uel latitudinem, uel profundi-
 tatem quæ omnia ut dixi sunt docenda in practica ip-
 sa, uel modo fit ista solutio continuitatis à causa per
 indifferentiam uel extrinseca, uel intrinseca, & est
 sicut ipsa extensio quam iam nominauimus, ista enim
 potest fieri tam à causa intrinseca, quàm ab extrinse-
 ca indifferenter. potest enim non solum fieri illa ex-
 tensio per causam intrinsecam, sed etiam per extrin-
 secam, puta per retentionem spiritus & anhelitus,
 cum aliqua pars similis rumpitur, retentio enim
 anhelitus & laxatio est motus uoluntarius, quæ ru-
 ptura si fiat in carne, uel in membrana dicitur pro-
 prie ruptura, si uero fiat in membris aliquibus fibro-
 sis tunc dicitur σπάρμα cum accidit aliquibus mem-
 bris filamentosis, & notetis quod dixi σπάρμα, nō
 autem σπασμός, quoniam est differentia, & uos po-
 testis decipi in his, sicut ego uidi deceptos fuisse, &
 uidi quendam prouectum medicum senem, barbæq; ca-
 num, qui à me petebat differentiam inter hæc duo, ne-
 que sciebat quomodo inter se differrēt, ideo dico quod
 talis solutio continuitatis in membris filamentosis, si-
 cut chorda dicitur σπάρμα, non σπασμός, quo-
 niam

niam inter se multum differunt, spasmus enim est contractio neruorum ipsorum, & mutant suum sitū nerui, ideo est ægrotudo in situ in genere compositionis male, sed σπᾶσμος est species solutionis cōtinui quæ accidit membris, sicut dixi modo filamentosis & fibrosis sicut ligamentis, chordis, & neruis, & notetis bene ista nomina, quoniam postea inuenietis apud Gal. & Græcos, & istos qui transferunt in latinum, & hoc modo distincte procedetis, satis est tenere fundamenta, & ne putetis hanc diuisionem esse contemnendam, quia curanter solū nomina, dico uobis quod data est diuisio secundum rem ipsam breuissime quā fieri potuit, & sufficientissime, & est diuisio in species etiam specialissimas, sed ut illi qui non scribūt habeant etiam ipsi fructum ex his lectionibus, nos faciemus quandam pagellam in qua omnes istas diuisiones simplicium morborum ponemus, quā sufficientissime, & curabimus eam imprimendam in his ferijs nostris carnis priuij, & uendentur uilissimo pretio, nomina postea particularia ipsorum morborum addiscentis apud practicos, & hæc pro declaratione & diuisione omnium morborum simplicium in suas species specialissimas. legatis modo uos istud quartū caput Auic. & uidebitis quantum aberret à scopo, quoniam certe non est farina Auic. ego nolo eum exponere, quoniam confusissimus est certe in hac parte Auicen. non culpa sua, sed translatorum & debemus facere in legendo Auic. sicut illi qui in pratis ipsis existentes colligunt flores & dimittunt spinas. In principio Quædragesimæ

LECTIO XVI.

ERIT primo sciendum à uobis ne forte me contumacem esse putetis, quia pollicitus sum me uobis daturum tabulas quasdam, in quibus haberetis differentias omnes morborum simplicium, quos iam enumerauimus in lectionibus nostris, sed quia fui negocijs impeditus non potui perficere eas ut possent imprimi tempore debito. Ne dubitetis, quia quod promisi dabo, etiam fortasse alio modo quo putatis: uidebitis imprimentur. Sed ueniamus modo ad negotium nostrum. credo uos meminisse secundum quod dicebamus in principio huius tractatus intentionem Auic. in hac secunda Fen esse, tractare de tribus illis rebus, uidelicet de causis, de dispositionibus, et symptomatibus, ita quod ista tria sunt subiectum in hac secunda Fen, & circa quæ uersari medicus semper debet, & cum hanc dixissem esse Auic. intentionem, postea Auic. incepit tractatum suum, primoq; de ægritudinibus; secundo de causis; tertio uero de accidentibus: huius rei rationem, & causam dedimus supra, cum ergo ageret de dispositionibus ipsis incepit diuidere genus ipsum, uidelicet morbum, & assignare eius differentias, primam autem omnium differentiarum diuisionem dedit cum dixit, (ægritudinum aliæ simplices, aliæ compositæ,) postea accepit aliud membrum diuisionis istius generis, dimisitq; reliquum tanquam postea tractandum. dixit ergo quod ægritudinum simplicium

plicium sunt plura genera, & inuenit tandem tria genera esse morborum simplicium, uidelicet alios morbos simplices esse in temperatura, alios in compositione, alios in unitatis solutione, dedimus quoq; ultimas differentias talium generum, de eisq; sufficienter tractauimus.

De agritudinibus compositis.

Cap. V.

CUM ergo iam satis pertractauerit de morbis simplicibus tanquam principali membro, nunc modo Auic. uult tractare de morbis compositis, qui componuntur ex simplicibus complicatis atque coniunctis, sed antequam ueniamus ad interpretationem literæ primo quædam præmittamus ad intelligentiam dicendorum, quot uidelicet modis compositio morborum fieri dicatur. Dico ergo quatuor modis fieri compositionem morborum uno quidem modo, quando duo, uel tres morbi ita simul complicantur, quòd ex eis resultat unus quidam tertius morbus qui dicetur morbus compositus, sicut dicimus quatuor ipsa simplicia corpora simul complicari ita quod ex eis resultat unum quoddam tertium, uidelicet mistum; unum dico unitate formæ, ita quòd uidelicet illud mistum habet unam tertiam formam, sic hoc modo dicamus de ipsis morbis. sed dicet quispiam nõ te intelligo; dico ergo quod quotiescunq; sunt plures morbi simplices, qui simul iunguntur, ita quidem ut iungantur per essentiã, quod
resultet

resultet quidam tertius morbus compositus; cū enim sint simplices morbi, aut calidi, aut frigidi, aut siccī, aut humidi, faciatis modo uos quod duo istorum morborum existentium propter excessum alicuius qualitatis quatuor primarum puta morbus calidus & morbus humidus, qui duo morbi si ita iungantur, ut ex eis resultet unus quidam tertius morbus, dicetur tunc morbus compositus, quoniam hic sunt duo excessus, uidelicet caliditatis, & humiditatis, & exempli gratia accipiamus febrem hecticam, quæ est calida & sicca. iste morbus est compositus ex duobus excessibus, tamen una eius est forma & unus dicitur esse morbus, uidelicet febris hectica quoniam ex illis duobus excessibus resultat unus alius tertius excessus, & hoc modo primo dicuntur morbi componi. secundus modus compositionis morborū est quotiescunq; est unus morbus per unam suam formam, tamen propter causam cum causantem, quæ multiplex est, dicitur esse compositus, puta quando duo humores causant unum morbum, exempli gratia accipiamus febrem tertianam notham siue spuriam, quæ quidem in se simplex est, quia simplicem formam habet, sed tamen dicitur morbus compositus propter multiplicitem causarum uidelicet humorum, nam bilis iuncta ipsi pituitæ excedenti facit tertianam, quam uocamus notham, quæ ob id dicitur spuria, quia tertiana pura prouenit à bile sola, in hac uero humores duo coniunguntur. tertius modus compositionis morborum dicitur secundum denominationem, quotiescunque

coniunguntur duo, uel plures morbi etiam realiter distincti, diuersiq; secundum diuersas intentiones, tamen secundum denominationem dicitur morbus talis compositus, cum naturaliter sint multi distincti morbi; exempli gratia accipiamus apostema; dico quod apostema est morbus compositus hoc modo, uidelicet secundum denominationē, in eo enim sunt plures morbi realiter distincti diuersiq; inter se, tamen secundum denominationem dicitur apostema, hic enim sunt tria genera morborum simplicium, est enim hic morbus in complexione, quia non fieret apostema aliquo modo, nisi qualitates aliquæ excedentes cum materia affluente, & facerent morbum in complexione; præterea in apostemate est mala compositio, quoniam quomodo potest fieri ut compositio ipsa non lædat, cum materia ipsa destuat ad membrum, ex quo intumescit illud membrum & acquirit maiorem magnitudinem et indebitam, ita quod ex illa impediuntur operationes eius, præterea meatus ipsi aperiuntur, & ita est ægritudo in meatibus quoq; adhuc hic adest solutio unitatis, quod est genus commune, nam si debet intumescere huiusmodi membrum, oportet partes inter se longinquari, & à se ipsis dissolui, quare in apostemate sunt tria genera morborum simplicium, tamen dicitur unus morbus secundum denominationem, quia appellatur apostema, secundū rem tamen ipsam sunt multi morbi realiter distincti, & communi nomine dicitur inflammatio, apostema. quartus modus componendi morbos est, quotiescunq; multi morbi uniuntur

unitate loci, uidelicet membri, quia sunt in uno & eodem membro simul: exempli gratia, quando oculus patitur simul ophthalmiam, ulcus, & oppilationem, dicitur enim esse unus morbus compositus ratione unitatis membri, in quo sunt isti plures morbi, & iste quartus modus tripliciter adhuc contingere potest, uel quia uidelicet sint plures morbi, qui sibi inuicem subsequuntur in uno & eodem membro diuersis temporibus, puta in duabus febribus tertianis; uel etiam accipiat is duas febres diuersorum generum, se ipsas inuicem subsequentes sicut in hemitriteo in quo est quotidiana febris, cui succedit tertiana, nam cum est augmentum paroxysmi illius incipit paroxysmus huius; secundo autem morbo cum uidelicet per coalter nationem componuntur plures morbi, exempli gratia accipiamus duas tertianas, uidelicet tertianam puram & notham seu spuriam, quæ quidem per coalter nationem inuadant, nam paroxysmus puræ inuadit tempore suo, deinde paroxysmus spurie inuadit etiam tempore suo, ita quod sequitur paroxysmum puræ, ita quod per coalter nationem inuadunt, puta quod hodie inuadat paroxysmus puræ, cras autem paroxysmus nothæ, post cras iterum paroxysmus puræ, & ita coalter nentur paroxysmi harum febrium, hoc enim modo unus compositus morbus dicitur. tertio modo quotiescunq; illi morbi sunt simul in eodem tempore, quemadmodum diximus de morbis illis qui sunt simul in oculo ophthalmia & oppilatio, & dicuntur per communicantiam coniuncti atq; compositi, sicut ipse

ipse quoq; Auic. declarat in quarta Fen huius primi tractatu secundo cap. 8. Cum ergo dictum sit esse quatuor modos compositionis ipsorum morborum, in primo modo, declarando Gal. fuit copiosissimus, uidelicet modo componendi multos morbos per essentiam in suo illo libro de differentiis morborum. Aui. autē uel cognouerit talem modum uel non cognouerit, ipse prætermisit, non possum enim mentem eius comprehendere in hoc, unum est quod prætermisit eum. secundum modum autem hic Auic. non posuit, neque Galenus in illo suo libro allegato de differentiis morborum, sed uterq; eum posuit alibi, Gal. quidem posuit multis in locis, sed præcipue in illo libro ad Glauconem, Auic. autem posuit hunc modū in prima Fen libri quarti, hic uero nihil dixit de eo, tertium quoq; modum refert Galenus in libro allegato, & Auic. refert eum hic in hoc capite, quod sumus exposituri, & de tali modo ita facit mentionem, quod in hoc capite nihil aliud commemorat, nullum ergo alium modum expectabitis ab Auic. præter istum tertium in hoc capite, de quarto modo habetur copiosus tractatus à Galeno in libro de differentiis morborum. Hic statim aliquis dubitaret, an uidelicet multi illi morbi appellari debeant an unus morbus, & hanc dubitationem ibi mouit quoq; Galenus, & tandem uidetur inclinare ad hoc ut dicatur unus morbus potius quam plures, tamen subdit quòd quomodocunq; sit non facit nos aberrare à proposito, ita quod non attinet ad rem, modo appelletis unum, siue modo plures, tamen

excitauit ingenia; oportet enim scire ista talia. sed cum sint declarati quatuor modi compositionis morborum, accedamus ita paulatim ad Auic. quoniam eius interpretes sumus nunc, dicamus tamen quod potissima ueraq; compositio, est compositio dicta per essentiam; alij autem modi non sunt secundum naturā, sed secundum nostrum conceptum, neq; sunt uere cōpositiones, nos tamen ita imaginamur componi quoque morbos ipsos. Ratio huius est quia compositiones oportet esse in complexionibus, aliter non erunt ueræ compositiones; quoniam in unientibus oportet esse actionem, & passionem, sed actio & passio sunt inter quatuor primas qualitates. Quare cum qualitates primæ excedentes faciant morbos quotiescunq; duo morbi uel plures componentur qui proueniāt ab excessibus qualitatum tunc fit unus tertius morbus cōpositus uere quoniam ex actione et passione ipsarum qualitatum excedentium fit una tertia forma, & tertius morbus compositus, agendo enim inter se qualitates resultat tertia forma per refractionem earum sicut in mistione quoq; dicunt philosophi, modo in differentijs alijs in morborum diuersorum compositione, non enim est actio & passio, ideo non potest fieri unus tertius morbus, bene possunt esse in eodem loco & dici eo modo unus morbus compositus, tamen non est uere compositus unus morbus nisi quotiescunque duo aut plures morbi coniungentur, qui quidem sint in temperatura, quoniam ex actione qualitatum & passione resultat una tertia forma, per quam consti-

tuitur

tuitur tertius morbus, & hoc modo uere fit compositio morborum, alijs autem modis non uere fit, hac ratione Galenus quoq; copiosus fuit in declarando per tractandoq; talem modum primum, quem appellamus per essentiam, eo quia est omnibus principalior, & tractans de tali modo dixit esse tot species huius morbi compositi, quot sunt species morborum simplicium in complexione; quemadmodum enim ibi erant morbi quatuor per excessum qualitatum quatuor primarum singularum simpliciumq;, & quatuor per excessum combinationum quatuor illarum qualitatum primarum, quoniam alius est calidus siccus, alius calidus humidus, alius frigidus humidus, alius frigidus siccus, & octo alij adiuncta uidelicet materia ipsa istis superioribus excessibus, ita quoq; dicit Galenus in morbis compositis hoc modo sunt octo species sine materia, et octo alij cum materia, quoniam etiam morbi compositi possunt esse per excessum illos sine materia, & aliquando cum ipsa materia affluente; potest enim fieri morbus compositus ut tertiana ex caliditate solis alterante; sed hic dubitandum esse uidetur, quæ quidē dubitatio non est dissimulanda, imò est ita difficilis quòd solui ea non possit, nisi fugiendo, nam uidetur quòd Galenus ab errore non sit longinquus, nam non uidetur rei naturam in hoc perspexisse, quoniam uidetur quòd tam in simplicibus quàm in compositis utrinque sint solum species octo morborum, quoniā morbi constituantur in esse per sua intrinseca, non per extrinseca. hoc enim concessum est ab omnibus unū quodq;

constitui in esse proprio per suam rationem formale
 intrinsecam. uideamus ergo parumper naturam mor-
 bi in quo consistat; morbus iste est in temperatura, si-
 ue complexione dicatis, & est mala dispositio semper
 ipsius facultatis formalis, sed subiectiue est ipsa com-
 plexio, quæ quidem complexio fit mala propter ex-
 cessum quatuor qualitatum primarum. quotiescunq;
 enim excedit caliditas, uel frigiditas, uel siccitas, uel
 humiditas uel istæ combinatæ modo possibili, tunc ma-
 la complexio fit ex eorum actione & denominat hoc
 corpus calidum, hoc frigidum, hoc humidum, hoc sic-
 cum, uel calidum siccum &c. siue modo hoc proue-
 niat ex aere alterate. i. sine affluxu materiæ, siue per
 affluxum quoq; ipsius materiæ quid refert ad essentiã
 ipsius morbi? quoniam qualitates sunt illæ quæ faciunt
 istam complexionem & semper est eadem mala com-
 plexio facta à caliditate, & siccitate siue modo afflu-
 te materia, siue non, nam cum febris est, certum est
 quod est morbus calidus siccusq; , ergo febris est subie-
 ctiue mala complexio, quæ facta est propter exces-
 sum caliditatis cum ipsa siccitate, siue modo facta fue-
 rit hæc febris quia steterit ægotans in aqua calida,
 siue in aere calido, siue propter humores affluentes
 calidos & siccos, quid ad febrim? quomodocunq; e-
 nim sit semper idem morbus est calidus & siccus. Sed
 adhuc hic aliquis instabit huic opinioni, & dicet hoc
 non est uerum, quia uidemus quod febris ephemera di-
 uersa est à febre putrida, nam alia est forma febris e-
 phemere, alia uero ipsius putridæ, sed non nisi pro-
 pter

pter materiam diuersam, eo quia illa in spiritibus, hæc uero in humoribus; ergo materia ipsa uariatur, ergo erunt octo species quoque distinctæ cum materia ab illis octo sine materia. Sed ad hanc instantiam respondere facile est, nam bene hoc uerum est quod calor in ephemera febre & putrida, quia in ephemera calor non est mordax sed mitis, quietus, dulcis; in putrida uero est mordax, immitis, inquietus, acris, & hoc quidem prouenit ratione subiecti in quo fundatur hæc et illa, nam quoniam ephemera fundatur in spiritibus, spiritus uero sunt humidi uaporosi, ideo in ephemera calor est mitis dulcisque; sed cum putrida febris sit in humoribus, sed humores sunt solidiores ipsis spiritibus, ideo calor in putrida febre est mordax, & ideo istæ differentiæ sumptæ sunt ratione subiecti non autem ratione causæ tanquam efficientis, ideo semper quanto materia crassior fuerit in quo est febris tanto calor mordacior fit, tamen febris semper est calor et idem morbus, imo accipiamus aliquam febrim hecticam quæ non pendeat ex affluxu materiæ, in hac tamen est calor mordax, & mordax quidem ratione eaque quam diximus, uidelicet quia subiectum in quo est febris hectica est solidum, nam febris hectica fit in membris solidis, præterea argumento ipsius met Gal. utamur contra Gal. nam Gal. in suo libro de differentiis morborum ait frigiditatem inducere frigiditatem in membris ita quod commoriantur, sicut & cum frigiditas inducitur per intrinsecam, ergo non uariatur forma morborum propter affluxum ipsius materiæ, sed

semper est idem. Morbus factus à qualitatibus, siue modo affluat materia, siue non, sunt enim gradus in eadem specie isti. præterea quo modo hoc aufugere possumus cum ratio ipsa id indicet, dicit enim ipsemet Galenus in libro de differentiis morborum quòd consideramus quoq; compositiones ipsorum morborum & simplicitates secundum simplicitates compositionesq; ipsarum indicationum, & secundum indicationes uarias & easdem iudicamus eosdem uariosq; morbos, sed semper eadem sunt indicationes morborum, siue eorundem, siue modo sint per affluxum materiae, siue non, nam semper febris indicat de sui curatione, siue modo sit per affluxum materiae, siue non, indicat enim semper de alteratione quoniam calida est, ideo alterandum esse suo contrario uidelicet frigido, & * est ideo humectandum esse, semper ergo febris indicat de alteratione per contraria, siue modo affluerit materia, siue non, nam postea materia ipsa indicat de sui euacuatione, ideo potius indicatio causæ alia est ab indicatione ipsius morbi, quoniam causæ est potius indicatio præseruatiua, sed morbi est curatiua, ideo semper febris & quicunq; morbus habet unā indicationem alio modo unus esse non poterit à quacunque causa prouenerit. Præterea accipiat morbum compositum ex duabus qualitatibus, hic habebimus duplicem indicationem, quoniam duæ qualitates, nam in hectica non solum habemus indicationem uidelicet infrigidandi, quoniā calida est, sed & humectandi, quoniam sicca est, ideo cum est una qualitas excedens

dens habemus quoque unam simplicem indicationem, sed cum duæ sunt qualitates est quoq; duplex indicatio, siue modo sit per affluxus materiæ, siue non, nihil attinet ad essentiam morbi, quoniam indicatio postea sumpta à causa alia est ab ista sumpta ab ipso morbo. hæc est dubitatio contra ipsum Galenum ualde difficilis, & ita difficilis ut non possim ego perspicere quo modo solui possit, possum quidem fugiendo intricare ita quod apparebit soluta, ut defendamus Galenum sed quod in rei ueritate postea soluta sit fieri non posse mihi persuadeo. possumus enim ita dicere, quod Galenus considerauit morbos illos ratione materiæ, quando uidelicet dependent ab ipsa materia quæ iam affluxit, quoniam ab ea principaliter dependent, sed quid mihi appareat de hac solutione, dicam quod nulla est, neq; quomodocunq; sit mihi placere aut satisfacere potest. Meliorem tamen nō habeo neq; est excusatio quæ afferri possit pro Gal. & ego dicam illud quod dixit Auer. multis in locis cū arguit contra Galenum & homines defendentes eum. i. medicos; dicit enim sæpe postquam argumentatus est contra, provideant illi de responsione, sic propemodum ego dicam uobis provideatis de responsione. Ego autem non laudo neq; uitupero in hoc Gal. satis est me excitasse ingenia hominum, & admonuisse uos de hac difficultate, quoniam omnes post Gal. qui huius sententiæ author fuit secuti tanquam * dixerunt omnes eodem modo, cū non uideant talem difficultatem non somniandam quoniam est ipse met Gal. contradiçtio,

traditio, ut patuit per argumentum, quod contra se ipsum retorſi, ego expectabo reſponſionem aliquorum, ſi habebunt mihi quoq; communicent, ſed credo non inuenient, forte quod ſum craſſioris ingenij, ideo non poſſum percipere rem, unum tamen credo, quod nunquam mihi ſatisfaciam in hac re.

LECTIO XVII.

PROPONEBATUR dubitatio in ſuperioris lectionis calce difficillima contra Gal. de differentijs morborum in temperatura, quoniam ille ponit differentias eorum per affluxum materie, cum tamen hoc falſum eſſe ſit demonſtratum; nam affluxus ille non eſt de eſſentia ipſius morbi, & adduximus rationes ad hoc, inter quas illa eſt potiſſima, quia uidelicet natura uniuſcuiuſq; rei eſt à cauſis intrinſecis, non autem extrinſecis; intrinſecis, ideſt à forma ipſius morbi, ideo natura morbi non debet ſumi ab affluxu ipſius materie: præterea probabamus id ex ipſa curatione, & indicatione, accipiendo ea quæ ipſemet Gal. docuit, quoniam ſemper eadem eſt indicatio morbi, ergo ſemper idē morbus a quacunq; cauſa modo fiat. Sed quoniam iſta opinio noua eſt, & neminem hucusq; quē ego uiderim tractaſſe manifeſtum eſt de hac dubitatione, ideo prima fronte patietur plurimas inſtantias, ſed ſi intelligetis mea fundamenta uobis facillimū erit ſoluere omnia in contrarium; bene ſcio (ut dixi) multas inſtantias fieri poſſe, ſed nullæ erunt. Quoniam ergo poſſet aliquis primo inſtare,
ideo

ideo ut sciatis soluere tales instantias, dico quod si quis hoc modo instet distinguendo de affluxu ipsius materiae, quoniam uel materia quæ affluxit iam fecit impressionem, ita quod amplius morbus non pendet ab ea, uel materia nondum fecit impressionem, ita quod affluxit materia, & ab ea essentialiter dependet ipse morbus, ut materia ipsa remota morbus quoque remoueatur: tunc enim dicitur essentialiter dependere ab ipsa materia, sicut uidemus in quibusdam febribus putridis quæ dependent a materia putrida secundum quod dicebat Galenus de syncho in 1x. illo Therapent. nam ipse facta phlebotomia, & consequenter per phlebotomiam remota materia morbum quoque remouit, idest synochum, quapropter distinctione habita dicet iste instans, uera est ista tua opinio de affluxu materiae, quæ quidem materia iam fecit impressionem, & ab ea non dependet morbus, sed falsa erit, neque ualebit de materia a qua dependet morbus, quoniam accipiunt differentiae morborum ab ea quoque, sed hæc responsio non satisfacit, quoniam ego dicam quod Galenus in primo lib. de differentiis morborum dicit passionem differre à morbo, passionem dico, siue alterationem, quoniam quando fit morbus non est morbus, sed est passio & alteratio, terminus uero huius alterationis est morbus, quoniam unumquodque tale est cum suam ultimam formam acceperit, nam sanguis menstruus non est animal, sed bene est aptum fieri animal ita quod cum acceperit ultimam formam, idest animalis, dicetur animal, quapropter dicant

dicam ego uel ista ægritudo est facta uel non, sed sit
 & pendet à materia affluente, si ergo tu loqueris de
 morbo qui fit, & pendet iam à materia tunc ego lo-
 quor de morbo facto qui iam morbus est, iste autē qui
 fit non est morbus, sed alteratio, si autem loqueris
 de morbo facto qui non amplius a materia pendet, tūc
 ego dicam quod cum non dependeat a materia am-
 plius, ideo non sumendæ sunt differentie a materia,
 quoniam materia iam fecit impressionem, sed sume-
 tur indicatio eadem a morbo, ergo idem morbus. in-
 dicatio autem sumpta a causa ipsa & materia alia ex-
 rit ab indicatione quæ sumitur a morbo facto, semper
 enim ut diximus morbus, ut morbus habet eandem,
 unamq; indicationem. hæc pauca ergo uolui dicere,
 ut circa hanc opinionem paralogismos contingentes
 soluere possitis, & cogitare sciatis syllogismos de-
 monstratiuos, ne decipiāmini sed inquiratis ueritatē
 ipsam; uidete ergo quantum sit utilis dialectica medi-
 cinæ, cum Galenus ubiq; fieri nihil aliud exclamet
 quā de ipsa dialectica, tamen propter dialecticam
 nesciuit distinctam tradere nobis hanc rem. Quare
 quantum scietis de dialectica, tantum quoq; scietis
 de medicina, non dicam solum de medicina theórica,
 quam nos nunc profitemur, imò magis de practica,
 quoniam in illa opus est nos uti diuisione si uolumus di-
 uidere ipsos per suas ultimas differentias, ut sciamus
 curare talem, & talem morbum, secundum eorum
 naturas, sed diuisio ipsa est maxima pars ipsius diale-
 cticæ, imò qui scit bene diuidere est in * diale-
 cticæ

*Et*ice quoniã eũ quoq; qui diuidere scit res ipsas usq; in differentias earum ultimas laudabat, & usque ad cœlum extollebat diuinum hominem eum appellans Plato in Philebo. Sed dicet aliquis, Auerr. ille magnus philosophus uidetur multum uituperare diuisionem, cur ergo ista dicis? o bone Deus creditis uos domini quod ille diuinus uir fuerit tam stupidus ut ista dicere ausus sit, o non est dicendum, sed quid? bene iste magnus philosophus intellexit rem ipsam; nam non uituperauit diuisionem illam lib. uidelicet diuisionem in libros ipsius scientiæ librorum in capita, capita uero in textus, quoniam dicebat hoc prouenire ab imbecillitate nostri ingenij. uidete ergo quàm diuinus fuerit hic homo, quoniam damnat illud quod damnandum est, erat enim perspicacissimi ingenij Auerr. Sed non uituperat diuisionem illam de qua nos sumus locuti, neq; propter hoc quando dico ego quòd debeatis addiscere dialecticam, loquor de dialectica istorũ uulgarium, quæ nunc usitatur, qui reputant se esse dialecticos cum sciunt componere unum syllogismũ, aut unam inductionem, aut unum enthimema, neque sciunt quid sit resolutio, quid diuisio, quid definitio, quidue ipsa demonstratio, sed de hac dubitatione nihil ad huc determino contra ipsum Galenum, sed dubito, & excito animos uestros & aliorum ad solutionem huius dubitationis, non enim adhuc uideo aliquid, quod pro eius solutione mihi satisfaciatur; sequitur ergo ut ueniamus iam ad expositionem literæ A. uic. dicit ergo (In ægritudinibus autem, &c.)

cum

cum Auic. iam absoluerit tractatum de morbis simplicibus; nunc modo uult agere de morborum compositorum differentiis, dum autem hoc sit facturum proponit primo modum quo est usus in tractando de ipsis et qua uia; secundo postea proponit de qua compositione morborum, siue de quo modo illorum quatuor dictorum sit dicturus, quasi conscius de illis omnibus quatuor: ecce quo modo iste uir erat maximus, non enim illos modos ignorauit, ideo ne forte putaremus eum tractaturum de illis omnibus proposuit de quo modo est mentionem facturum in hoc capite. postquam ista proposuerit Auic. exequitur suum intentum.

Quoad ergo primum attinet, dico quod Auicenna proponit modum et uiam, qua processurus est in hoc tractatu, cum inquit. (In ægritudinibus autem compositis dictionem proferemus uniuersalem.) quasi dicat Auic. ego non inueniam differentias morborum particularium, quoniam hoc non est meum negocium, nunc, sed tantum modo uniuersalium. s. non tractabo particulariter sed quadam uia uniuersali, quoniam ego nolo recedere a proposito, neque ab intento meo, in hoc enim meo primo lib. canonum, siue canonis quomodo uultis appellare, intendo tradere medicinam in uniuersali tam theoricam in duabus primis Fen, quam practicam in duabus ultimis, sed in alijs libris postea tradam illam in particulari. Ecce ergo quomodo memor fuit sui propositi in hoc primo lib. quando dixit se secuturum quandam uiam uniuersalem in tractatu de morbis compositis,

tunc

tunc autem dicimus tractare rem in uniuersali, quando uidelicet ita eam tractamus, ut dicamus eius essentiam omnino in se non quatenus contra habito ab aliquo exempli gratia, nos uolumus tractare in uniuersali de albedine, tunc dicemur de ea uniuersaliter tractare, cum uidelicet considerauerimus eius essentiam omnimodam secundum se abstractam ab omni subiecto, non autem secundum quod est in cerusa aut in niue, quoniam illæ differentię postea sunt contractę a subiecto sed consideramus albedinem, ut albedinem, sic Auic. tractat de ægritudinibus compositis uniuersaliter quoniam uidelicet considerat morbos compositos in se & eorum essentiam in se, non autem ut sunt contracti, hæc potest esse una ratio cur Auic. tractare dicatur uniuersaliter de morbis compositis. secundo etiam potest dici quod Auic. dicitur de morbis compositis tractare in uniuersali, eo quoniam illa compositio de qua tractat est de differentijs uniuersalibus composita, & ut rem hanc intelligatis, notate quod compositio morborum aliquando fit morborum particularium, ut quando coniungitur febris pblegmatica cum biliosa, alia autem compositio est quę fit ex morbis uniuersalibus, idest ex differentijs generici ipsius morbi, quę erant complexionales, alij sunt morbi, alij compositiones malę, alij unitatis solutionis. quotiescunq; ergo fit compositio una istarum trium differentiarum, ita quod sit unus morbus in quo inueniantur istę tres differentię, dicetur compositio uniuersalis. de hac compositione Auic. tractauit in
hoc

hoc capite, de illa autem ex morbis particularibus non pertractat nunc, sed remittit uos ad suum lib. quartum, & tertium, in quibus de hac compositione tractat, quapropter agens de tali compositione uniuersalium, & genericarum differentiarum merito Auic. dixit quod uult in ægreditudinibus ipsis compositis dictionem profere uniuersalem, idest loquemur de tali compositione ex genericis differentiis morborum, non autem de compositione morborum particularium. propter has ergo causas assignatas Auic. tractare dicitur in uniuersali de morbis compositis. Postquam ergo Auic. proposuerit quem modum secutus est in hoc tractatu, nunc modo sequitur secunda pars huius cap. in qua Auic. diximus proponere de quo morborum compositione sit locuturus tanquam conscius aliorum quoque modorum, sed ne eum taxemus, & ne expectaremus omnes istos modos, proposuit se dicturum de compositione morborum secundum denominationem quando ait in text. (Dico ergo cum ægreditudines dicimus compositas non quilibet ægreditudines coniunctas intelligi uolumus sed ægreditudines, &c.) Sed hic notetis unum, quod diligenter est notandum à uobis, dicebamus enim quod Auic. hic solum tractat de compositione illa secundum denominationem, & dabamus exemplum de apostemate, sed quoniam huius rei tractatū prolixum & exquisitum prætermisimus, ideo nunc dicamus declaraturi rem ipsam, quod cum denominationis unitas semper referat aliquam unitatem rei.

nomen

nomen enim est possum ut per illud nobis declaretur
res cuius rei hoc nomen esse dicitur, cum ergo hic
dicamus esse compositionem secundum denominationem,
de qua tractat Auic. oportet denominationem
istam factam fuisse ab aliqua unitate ipsius compositi,
quoniam unitas denominationis repræsentat unitatem
ipsius denominati, quæ ergo unitas est ista in apostematis
quæ apostemata sunt morbi dicti secundum
denominationem quia in eis sunt tres differentiæ genericæ
morborum, tamen dicuntur isti morbi omnes
simul apostema, hic non est unitas essentiæ, quoniam
unitas essentiæ est per actionem & passionem, sed
istæ tres differentiæ genericæ non agunt, neque patiuntur
inter se, ideo ex eis non fit compositio morborum
secundum essentiæ, sed ista unitas erit unitas illa,
quæ est maior omnibus alijs unitatibus compositionis
præter unitatem ipsius essentiæ, quam modo diximus:
est autem unitas ista secundum locum, quoniam isti
plures morbi sunt in uno loco & per communicantiam
unius loci sunt unus morbus, quomodo autem sunt
in uno loco declaremus, quia uidelicet non est
assignari aliqua pars membri apostemati ut utamur
nomine istorum quæ non participet istis tribus morbis
iunctis, quoniam unaquæque pars membri patitur
malam complexionem, malam compositionem, quinetiam
& solutionem unitatis, sed quis dicet quomodo est
possibile hoc ut sint tot morbi simul in uno, eodemque
subiecto, tamen eodem tempore? Ad hoc dico quod non
inconuenit, sicut non conuenit quod mul

ta accidentia inueniantur in uno eodemq; subiecto simul, dummodo uidelicet accidentia non sint contraria, alioquin possunt multa accidentia reperiri in uno eodemq; subiecto, eodemq; tempore simul, sicut uidemus in eodem pomo esse rotunditatem dulcedinem & albedinem, quoniam ista accidentia non sunt contraria, sed tantummodo sunt diuersa, sic propemodum dicamus de istis tribus morbis iunctis, quoniam sunt in eodem subiecto uno tempore non enim sunt sibi inuicem contrarij: quapropter illi qui dicunt apostema unum ab unitate causae propterea quia unus et idem defluxus materiae facit istos tres morbos, non bene dicunt, quoniam una causa non est ut sumamus ab ea unitatem morbi, quoniam una eademq; causa existens efficiens simul, & semel potest facere morbos multos diuersos, sicut heri dicebamus. Dico ergo quod & si isti aliquid ueri dicant tamen hoc est per accidens, quia quod non est simpliciter est per accidens, ideo quia non semper eadem causa efficit unum morbum, sed aliquando multos, ob id dicendum est quod non semper sumimus unitatem morbi ab unitate causae, sed si hoc factum fuerit, est per accidens, neq; est uniuersaliter uerum, quoniam idem catarrhus descendens à capite in pectus facit asthma, descendens in uentriculum facit inappetentiam, descendens uero in iuncturas facit podagram, tamen non sunt unus morbus, sed multi uno existente catarrho, sic etiam ad unum morbum concurrere possunt multae causae, tamen semper unus, idemq; erit morbus ut erysipelas,

las, ad hoc enim aliquando concurrunt multi humores, tamen idem semper est unusq; . Videatis ergo quomodo unitas causæ non est sufficiens ad unitatem ipsius morbi compositionis, quapropter unitas apostematis non erit, eo quia eius causa sit una sed propter unitatem loci, quia uidelicet illi tres morbi sunt in uno eodemq; subiecto, ubi enim est mala complexio, ibi mala compositio, ubi mala compositio ibi solutio unitatis & è conuerso, ita quod sunt simul complicati in unaquaq; sensibili parte, qui cum sint tres morbi diuersi tamen secundum denominationem est unus morbus qui dicitur apostema, non est autem unitas secundum essentiam, quoniam unitas per essentiã tunc est, cum uidelicet componentia inter se agunt & patiuntur, neq; stant sub eadem forma qua sed refracta in suis formis faciunt unam quandam tertiam formam aliam ab illis, sicut dicimus quoq; elementa quatuor agendo inter se patiendq; refracta tandem suis formis constituere ipsum mistum, quod aliud est ab ipsis elementis; ex illis enim resultat una quedam tertia forma per quam unam formam compositũ siue mistum unum est, ideo oportet ibi esse actionem & passionem, alioquin non fieret mistio, mistio enim est miscibiliũ alteratorum unio secundum Arist. primo de Generatione & corruptione in fine, sed alteratio fit per actionem & passionem: quapropter uidetis quomodo fiat compositio per essentiam. Sed quod talis compositio non sit in apostematibus probat, quoniam hic non est actio, neq; minus passio, nã

neq; complexio mala agit compositionem, neq; compositio mala in solutionem unitatis, neq; solutio unitatis in alios priores morbos, ergo hic non potest esse mistio, neq; compositio quam uocamus per essentiam compositionem, sed isti tres modi sunt separati, atq; distincti inter se, seruantq; propriam naturam, idest formam, neq; refranguntur, ideo apostema non est unum per essentiam compositionis, sed per unitatem loci in quo simul inueniuntur sicut recte declarauimus superius, & isti tres morbi postea propter talem unitatem denominantur apostema. propterea inquit Auic. quod quando dixit se dicturum de compositis morbis, non debemus intelligere eum tractaturum de quacunq; compositione morborum, sed tantummodo de compositione dicta secundum denominationem, idest quando sunt aegritudines, ex quibus omnibus cum coniungetur prouenit ex eis res quæ est una aegritudo, & ut hoc melius possitis intelligere, affert exemplum & inquit. (Et hæc quidem est sicut apostema, & eminentia in cute est ex genere apostematis,) Et quoniam in hac compositione inuenitur solum unum genus, siue una species morbi quod dicitur apostema, ideo Auic. uult tractare de apostematibus & de eminentijs, quæ sunt idem, differentia tamen inter se secundum magis & minus, quoniam eminentiæ sunt parua apostemata, sicut apostemata sunt eminentiæ magnæ, sed antequam deueniamus ad huius rei tractatum, primo oportet uidere de hoc nomine apostema, ut conueniamus primo in
nomi-

nomine ipso, quoniam aliter sumunt Arabes doctores apostema, aliter Græci, nam Græci dicunt apostema illud, quod nos Latini appellamus abscessum, apostema ergo apud Græcos est abscessus, quid autem sit abscessus uidebiris infra, sed Arabes intelligunt per apostema nū abscessum, sed illud quod apud nos dicitur tumor præter naturā, à Græcis autem dicitur ὕκος, apostema autem est nomen generalissimum, quotiescunq; enim aliqua pars humani corporis intumescit præter naturam, dicitur apostema cōmuni nomine, accipit postea uaria nomina secundum uarias res ut secundum uaria subiecta in quibus reperiuntur, secundum uarietatem temporis, dicitur autem tumor in principio, quando uidelicet intumescit pars præter naturam propter defluxum materie a magnis uenis in paruas, à paruis in minores, & tandem in minimas, & aperiantur orificia ipsarum, & materia ipsa imbibitur in poris ipsius membri. quæ propter repletis poris intumescit manus, puta quod uis aliud membrum, ad quod peruenit illa materia; intumescit autem ita quod fit magnitudo maior in dimensionibusq; grandescit, & tunc dicitur tumor. accipiat is uos exemplum quadragesimale, quoniam nos sumus nunc in quadragesima, accipiat is dico grana ciceris & imponatis in aqua, tunc illa, grana imbibent aquam & propter imbibitam aquam grana fiunt maiora in suis dimensionibus, sic quoq; intumescit manus cum materia quæ defluit ex magnis uenis, i. tumores, idest minimas tandem uenas, & ex mi-

nimis in partem ipsam. i. manum, repletis autem poris manus tunc intumescit, cum autem intumuerit manus, isti humores poterunt discuti & dissolui per flatum, ita quod cessabit tumor aut percussione, ita quod materia illa reperiatur per applicationem frigidorum quæ sunt reperiencia. tertio potest ista materia exire in spatium illud, quod est inter cutim & ipsum membrum; cum ergo humores isti fuerint in illo spatio emissi dicitur tunc apostema à Græcis, id est ἀποστήμα à latinis abscessus, qui uolunt seruare latinitatem. Videte ergo quo modo differunt apostema & tumor, quoniam apostema apud Græcos, abscessus apud latinos, exitura apud Arabes idem sunt in rei ueritate, quando enim materia exit in spatium illud, quod quidem est inter cutim & carnem dicitur exitura apud Arabes, sed tumor præter naturam & apostema apud Arabes idem quoque significant, cum autem materia deuenierit ad pus seu suppurationem dicitur apud Græcos ἐμπύμα, ab Arabibus autem aldubelari, non putetis autem me dicere ista propterea quia uidear dicere nomina Arabum, sed ut possitis intelligere istos arabes, & modernos nostros qui insequentes Arabes utuntur talibus nominibus Arabum: aldubelati enim idem est quod suppuratio. Sunt ergo in summa repetendo tres gradus apud Arabes quidem apostema exitura aldubelari, apud Græcos autem ὄγκος. i. tumor præter naturam apostema ἐμπίμα, apud latinos autem sunt isti tres gradus tumor præter naturam, abscessus, & suppuratio,

tio, ita quod habetis modo quomodo conueniendū est in ipsis nominibus ne decipiāmini, sed sine equiuocatione intelligatis rem claram; habetis enim iam quid per apostema intelligi debeat apud ipsum Aui. qui de apostematibus tractat in hoc cap. Quapropter etiā Auic. uolens determinare de suis nominibus ut intelligeretur melius distinguit ob id apostema, & quot significata habeat. ecce ergo quod non immerito nos quoq; distinximus nomina ista prius. Dicit enim Auic. (Sicut apostema & eminentiæ, eminentiæ enim sunt de genere ipsius apostematis, quoniam sunt apostemata parua sicut, sicut apostemata sunt eminentiæ magnæ.) ecce ergo quod Auic. quando dixit se tractaturum de morbis cōpositis secundum denominationem, idest de apostematibus, quoniam in tali modo compositionis est solum morbus dictum apostema, ut autem sciremus quid per apostema intelligat, an uidelicet solum apostemata, an quoq; pustulas, dixit ob id quod quando dicit apostema intelligit uidelicet apostemata & pustulas, quoniam apostema & pustula siue eminentia differunt solum secundum magnum & paruum, sed & si in hoc uerum dicat Auic. quoniam differunt solum secundū magnum & paruum, tamen sciatis quod differunt etiam in ipsa materia, nam materia quæ subtilior est & transmissa à membro mandante non potest retineri in partibus interioribus, quoniam subtilis est & pori earum partium sunt magni & lati, ob id materia non potest retineri, sed pertransit usq; ad cutim

expulsa à partibus internis, unde quia pori cutis sunt strictiores, neq; ita amplius sicut pori partium intrinsecarum, ob id materia non potest pertransire cutim et sunt stricti, quoniam aer continens constipat eos & astringit, & materia ibi collecta facit pustulas, nam collecta materia postea recipit figuram rotundā, sed materia crassa transmissa à membro materia dante non potest ita pertransire poros partium intrinsecarum ideo non peruenit materia ad cutim, sed collecta facit apostema in partibus intrinsecis. Neq; aliquis poterit dicere pustulas, seu eminentias fieri propter paucitatem ipsius materiæ, ratio est quoniam quandoque fiunt in toto corpore, ita quod ne poni quidem posset acus inter eas, sed proueniūt ratione materiæ subtilioris, præterea etiam fiunt pustulæ propter uirtutem expulsiuam fortem ipsius membri mandantis, quoniam & si crassa esset materia, tamen existēs uirtus fortis expulsiua mitteret eam ad partes exteriores, si autem fuerint hæc ambo congregata ita quod uirtus expulsiua fortis fuerit, materia quoq; subtilis tanto magis fient pustulæ propterea quia tanto magis transmittetur materia ad cutim, sed si ista ambo defuerint ita quod uirtus debilis sit præterea materia fit crassa tunc retinetur illa materia ad intra & fit apostema, non autem transmittitur ad cutim ita quod generari possint pustulæ, quæ quidem pustulæ dicuntur ab Auic. quoq; eminentiæ, ut patet in hoc textu; dicuntur quoq; ab eodem bothor, ut uidebitis infra in hoc quoq; cap. à Græcis autem ἐξανθήματα, cuius quidem

quidem sunt multæ differentiæ, quæ dicendæ sunt in hac parte, ne ponamus capitulum in capitulo, nunc enim uniuersalia docemus, quando autem ad particularia descenderimus tunc omnes istas differentiæ cū Auic. exactissime exquiremus. fuit enim in hoc quoq; diligens Auic. ut patet in tertio libro & quarto. Ecce ergo quomodo apostemata & pustulæ differunt non solum secundum magnum & paruum, sed etiam secundum materiam ipsam. (Et in apostemate quidem omnia ægritudinū genera reperiuntur, &c.) Quoniam autem Auic. uult tractare de apostemate tāquam quod apostema sit morbus cōpositus secundum denominationem de qua quidem compositione pertractat in hoc capite, ideo ne putetis quod ista gratis dicat, uult ostendere nunc quæ sit ista compositio in apostemate & quomodo quæcunq; eius unitas, & inquit. Et in apostemate sunt tria genera morborum quæ supra a nobis enumerata sunt, primo quidem in apostemate est malitia complexionis, est malitia compositionis, est quoque commune genus unitatis uidelicet solutio) deinde ipse incipit demonstrare quomodo in eo sit mala complexio quando dicit in littera, (In eo namque reperitur ægritudo malitiæ complexionis) Et dat huius rei rationem quando ait (nullum namque apostema accidit nisi ex cōplexionis malitia cū materia) idest quando in omni apostemate est materia aliqua defluens, ideo materia illa impressionem facit in ipsa complexionē,

xione, deinde dicit (quomodo in apostemate reperitur quoque mala compositio quod est secundum genus,) & inquit . (Et in ipso quoq; inuenitur malitia cōpositionis & formæ) *ratio est ista* . (Nullum enim fit apostema quin cum eo proueniat læsio in figura & in dimensione, &c.) Cum enim materia ipsa defluat & imbibat ab ipso membro apostemato, oportet ergo quòd intumescat & maius fiat membrum, et cum tumor erit magis quàm par sit ad obeundas suas actiones, tunc impeditur, neq; potest operari ea, quæ innatum est operari, nam læditur eius figura, neque seruatur debito modo. diximus autem ita quòd non possit exequi operationes suas, eo quia si tumesceret membrum, ita quod tamen illud non læderetur in suis operationibus, non diceretur ægritudo sicut dicebat Galenus in primo de differentijs morborũ cap. 13. si bene memini; de ratione enim ipsius ægritudinis est, ut lædat operationes immediate, & essentialiter, uera est definitio ægritudinis quam supra declarauimus cum Auic. ægritudo est dispositio non naturalis in corpore humano, ex qua in operatione nocuumentum essentialiter prouentu primo, operatio enim est quæ describit ipsam ægritudinem & sanitatẽ, quapropter cum apostema sit ægritudo, oportet quòd operationes membri apostemati lædat, alioquin non est ægritudo, sed potius accidens in apostemate; ergo est mala figura membrũ non potest exercere suas operationes, præterea fit læsio in dimensionibus, quoniam

niam dimensiones omnes mutantur, & fiunt maiores propter ipsam materiam additam membro, dimensiones autem sunt tres longitudo, latitudo, profunditas, augetur ergo præter naturam membrum apostematum in profundo, quia si trahatur linea per medium ipsum membrum erit longior linea quam fuerit si tracta esset antequam apostemaret. in longitudine quoque fit longius membrum, quoniam longitudo protrahitur, sed in latitudine modo dico quod non solum non augetur, sed & minuitur, & si augetur in latitudine diminui illud oportet in longitudine: nam in rebus extrinsecis hæc est regula, ut cum una istarum dimensionum augetur alia diminuatur, sed cum fit augmentatio naturalis membrum augetur in omnibus simul, quoniam fit æqualiter augmentum naturale, & per transmutationes antecedentes, in his autem accidentalibus (ut dixi) si latitudo minuitur longitudo augetur, si longitudo minuitur, illa augetur, ideo cum membrum apostematur fit hoc modo, quoniam non est augmentum naturale sed per accidens.

LECTIO XVIII.

IN calce præcedentis lectionis uidebamus primum intentum Auic. in hoc capite, quod quidem erat loqui de morbis compositis secundum denominationem, et ideo quoniam erant multi modi compositionis secundum quod postea nos ante declarauimus Auic. proposuit de quo modo dicturus esset, idest de illo qui est secundum denominationem, quæ compositio cum solū inueniatur

inueniatur in apostematibus, ideo proposuit se dictum de apostematibus. Cum autem proposuisset ista incepit postea ostendere quomodo apostema compositus morbus est secundum denominationem, & dicebat quod in eo reperiuntur omnia genera morborum simplicium, mala complexio, mala compositio, & solutio unitatis; cum autem ista denominatio sit referens aliquam unitatem, ideo oportebat inuenire quæ esset ista unitas qua unus morbus dicerentur illi tres: dicebamus autem istam unitatem esse unitatem loci, quæ est talis quoniam non datur aliqua pars sensibilis, in qua non reperiantur simul omnes isti tres morbi, pars sensibilis dico membri apostemati; in unaquaque enim est mala complexio, est mala compositio, est quoque solutio unitatis, sed hæc dicta sunt, neque oportet amplius ea repetere prolixius. Nunc modo uidendum est cur Auic. solum meminerit de hoc modo compositionis secundum denominationem, non autem de alijs quoque modis quos nos numerauimus. Dico ergo quod prætermisit modum primum qui est per essentiam, quoniam uiderat Gal. de eo pertractasse satis prolixè; cum autem esset declaraturus de compositione secundum denominationem, & cum in ea non reperiatur solum apostema, ideo merito uoluit agere de apostematibus, cum ergo morbus compositus per essentiam sit uerius compositus quam morbus secundum denominationem ut apostema, ideo dicendum est cur hunc morbum tetigit illum uero prætermisit, non enim hoc fecit sine magna causa cogente,

te, dimisit ergo talem modum primum, quoniam etiā erat contemnendus & dimittendus, non enim quemadmodum phisici medici quoque considerant, sed medici dicunt illa esse una quæ habent unam naturam, et putant illa esse simplicia, sicut quoque uocant simplicia ipsas herbas, & talia quæcunque possident unam naturam simplicem: phisici autem putant ea solum simplicia, quæ constant ex materia & forma, ut elementa, alia uero composita quæcunque ex his sunt elementis; ideo hanc considerationem habentes medici dicunt illum esse morbum simplicem, qui quidem habet unam essentiam, unamq; naturam siue formam, cum autem morbus qui secundum essentiam compositus dicitur habeat unā simplicem formam, namq; ideo medici dicunt illum morbum simplicem non autem compositum. quotiescunque autem sunt plura quæ iuncta retinent singula propriam naturam & formam, ita quod conueniunt & faciunt potius quandam unionē, quoniam iuxta ponuntur, sed non miscentur tunc medici dicunt talia esse composita non simplicia, ut sunt isti morbi secundum denominationem, in apostemate sunt tria genera morborum simplicium iuncta simul, tamen retinentia omnia propriam formam atque naturam, quoniam tamen iuxta posita sunt dicuntur composita, non sunt autem mista quoniā ad misionem requiritur, ut formæ unientium refrangantur, & remaneat una tertia forma, quæ ex eis resultet, dicebat autem Galenus in lib. de elementis misionem esse solius dei & naturæ, sed composita possunt quoque esse

esse ipsius artis : cum ergo morbi secundum essentiam componuntur , tunc dicuntur misceri potius , quoniā habent inter se actionem passionemq; , ex qua actione & passione inuicem formæ unientium & miscibilium morborum refranguntur & resultat ibi una tertia forma dissimilis , aliāq; ab illis formis morborum simplicium , si enim fieret forma quæ non esset dissimilis ab istis non esset mistio , nam mistio est unio alteratorum miscibilium ; cum ergo in ista mitione formarū morborum simplicium resultet una quædam tertia forma , ideo unus etiam morbus compositus erit , simplex tamen apud medicos dicetur , quoniam habet unam naturam , siue formam . Quare cum Auic. hic esset medicus non autem philosophus , ob id putauit illum modum esse simplicem nō compositum , ideo cum quoque prætermisit tanquam non ad medicum attineret , tractantem dico de compositis morbis , in compositione autem secundum denominationem , idest in apostemate sunt illa tria genera morborum simplicium , quæ quidem simul iunguntur , tamen non agunt , neq; patiuntur inter se ideo non amittunt suas formas proprias , sed uniuscuiusque forma seruatur perfecta atque completa , conueniunt tamen in ipso loco quoniā ut diximus non inuenitur una pars sensibilis in qua nō reperiantur simul omnes isti morbi tres ideo ex eis non resultat una tertia forma , quoniam carent actione & passione , sed remanent tres diuersæ formæ , ideo non erit mistio sicut in primo modo , sed potius compositio uera ad quam non requiritur actio et passio,

flo, ob id Auic. tractans de compositis morbis tracta-
uit de hoc modo tanquam ueriori modo compositio-
nis. sed adhuc aliquis qui curiosus est instans dicet,
cum unus morbus sit unus per unam formam, imò u-
numquodque unum est per formæ propriæ unitatem,
cum ergo hic sint tres formæ morborum quomodo ap-
pellabitur unus morbus? Sed ad hoc respōdeatis quod
hoc uerum est unumquodque unum esse per unam for-
mam in ipso modo compositionis per essentiam, ibi
enim unusquisque morbus est unus per unam formam,
sed fallit in modo compositionis secundum denomina-
tionem. ad hoc enim quod dicatur aliquis morbus u-
nus secundum denominationem non requiritur unitas
formæ, sed tantum unitas ipsius loci quam unitatem
repræsentat denominatio, cum denominatio refera-
tur ad denominatum, sed uideamus modo, cur alios
modos compositionis dimisit Auic. prætermisso illo se-
cundum essentiam, quantum ergo ad modum illum de
unitate uel pluralitate causæ, dico quod Auic. præ-
termisit eadem de causa, quoniam quotiescunq; unus
morbus habet unam formam dicitur simplex morbus
apud medicos, siue modo ad hunc concurrat plurali-
tas causarum, siue unitas causæ. quid enim attinet ad
hoc ut sit unus morbus, ut habeat unam causam uel
plures? modo uidelicet habeat unam formam; si au-
tem plures habuerit dicetur compositus; nam dicitur
simplex & compositus per sua intrinseca, non autē
extrinseca; sed efficiens causa est extrinseca, forma
uero est intrinseca. quare dico quod secundum for-
mæ

me unitatem aut pluralitatem iudicamus unum simplicem uel compositum morbum nihil respicientes ad causam efficientem. Quantum autem ad alium modum compositionis dico quod Galenus quoque concedit nos posse eum appellere simplicem uel compositum quomocumque uoluerimus. est autem iste modus quoties sunt multi morbi in diuersis locis & dicuntur unus morbus uel plures, neque enim in hoc uim facit Gal. sed concedit eum quoque qui eos plures appellare uoluerit, à uero non dissentire. ut in oculo quando est ophtalmia, ulcus, & suffusio, quare cum isti modi non sint uere compositionis sed tantum modo sit unus modus uerus qui dicitur secundum denominationem, ob id Auic. prætermittens alios tres modos de hoc tantum sumpsit tractationem, circa quam medici uersantur, quamque dicunt ueram compositionem, sed tandem si quis mihi dixerit quis istorum duorum melius dixit Gal. ne an Auic. huic ego respondebo & dicam quod uterque bene dixit, alia tamen & alia ratione diuersaque respicientes, quoniam debetis scire quod Auic. considerat rem ipsam secundum se secundum quod dixi in primis nostris lectionibus huius secundæ Fen. Nam in istis duabus Fen Auic. theoricæ res ipsas considerat, quatenus uidelicet de eis intelligere uidetur accipere scientiam non applicando ad curationem ipsam & ad exteriorem operationem, sed uniuersaliter quatenus talem rem. ob id merito quoque Auic. dimisit modum illum compositionis secundum essentiam, quoniam non est compositio morborum uera secundum

cundum rem ipsam in se, sed quando nos uolumus applicare ad curationem tunc consideramus quoq; hanc compositionem, quoniam quando uolumus nos curare, sumimus duas intentiones, quoniam sumimus primo duas indicationes, ideo cum sunt duæ indicationes morbus est compositus intentio quoq; & curatio non simplex, sunt ergo considerandi à nobis omnes modi compositionis, qui quidem afferunt nobis compositā indicationem, quando uidelicet consideramus applicando ad ipsam curationem & opus externum. id autem præuidens uolensq; seruare Gal. bene fecit, qui considerauit illos omnes quatuor modos, bene etiam fecit Auic. qui tractauit solum de uno modo qui dicitur secundum denominationem prætermittens alios omnes modos; quoniam eius intentio est considerare res in his duabus prioribus Fen secundum suas proprias essentias in se, non autem applicando ad curationem ipsam, sicut ipsemet dicebat in proœmio primæ Fen, quam anno elapso exposuimus, sicut scitis. dicebat enim quædam pars medicinæ est quæ dicitur theorica; quam cum acquisiuerimus scientiam tantum acquiramus ita quod in declaratione qualitatis operationis nos non immittemus, habetis ergo quod uterq; bene dixit, sed alia, & alia ratione. cum ergo tractet de apostemate Auic. ipse dixit in eo reperiri malam complexionem, & malam compositionem quando accidit mala figura membri apostemati & mutantur dimensiones & aliquando situs etiam ipsarū partium. Et tandem dicit quod in eo requiritur quoque

tertium genus ægritudinis, quæ dicitur solutio unitatis, quando inquit & inuenitur in ipso ægritudo communis, quæ est continuitatis solutio, & ratio est quia cum fiat defluxus materiæ in membrum apostematū, & illud fiat tumidum præter naturam, oportet si debet intumescere quòd ipsæ partes inter se disgregentur, ut materia possit subintrare. Et ita in apostemate esse tria omnia genera morborum manifestum est; litera autem patet quando dicit (Nullum enim apostema accidit, nisi proculdubio continuitas solvatur cum in membro apostemato materiæ euacuantur superfluentes, & inter partes penetrant ipsius, & ita partes ipsæ separantur, & orificia uenarum soluuntur, ut uidelicet materia possit exire in ipsum membrum,) postea inquit (Apostema præterea membris accidit mollibus, &c.) Hæc est tertia pars cap. huius. tria enim facere dicebamus Auic. primo quidem proponere modum & uiam qua erat processurus in hoc cap. secundo autem proponere suum modum de quo uellet tractare; tertio autem aggredi suum intentum. Cum ergo proposuerit modum procedendi ibi in ægritudinibus autem, &c. Secundo proposuerit, declaraueritq; suum intentum in hoc cap. dixissetq; quomodo compositio de qua tractaturus erat reperiiebatur in ipso apostemate, nunc modo quod reliquum erat tertium exequitur; aggreditur enim intentum propositum; uult enim dare differentias ipsarum apostematū & in quibus fiant, & quam

obrem fiant, idest quibus de causis fiunt apostemata;
& dixit (Apostema præterea, &c.) idest apo-
stematum accidens membris mollibus, molle autem il-
lud est secundum quod dicebat Arist. secundo de Ge-
neratione & corruptione, quod quidem cedit ta-
ctui, sed non recedit; humidum autem est illud quod
cedit & recedit, ideo optime dicimus, omne molle
humidum est, sed non ualebit postea consequentia, ut
dicatur omne humidum molle, quoniam præter hu-
midum ipsum molle habet quod non recedit, est enim
aliquod humidum, fluidum quod non dicitur molle sicut
est aqua. durum autem est quod non cedit, sed aliud
est durum siccum, quod omnino non cedit, aliud
uero est durum coagulatum siue concretum; durum
siccum nullo pacto potest extendi, sed durum aliquod
tripliciter potest fieri, & hoc Arist. additur ab ipso
Gal. aut enim potest fieri durum per arefactionem,
seu siccationem, sicut ligna arefacta, alia possunt fie-
ri dura per concretionem, & congelationem, ut est
cristallus, ut est glacies, alia autem non per arefa-
ctionem, neq; per congelationem, sed per repletio-
nem sicut uter quando repletur aqua, uel quando Co-
rium capræ repletur uino, seu olco, uel flatu, uel
aliquo tali, fit enim durum illud corium repletum, sed
quid uis dicere propterea? Ego uolo inferre quod
Aui. dicit apostemata fieri in mollibus membris non
autem in duris, quoniam mollia extendi possunt; ex
hoc ergo uidetur inferendum esse quod dura non pos-
sunt apostemari. Dubitari ergo potest, an durum

membrum possit apostemari nec ne, & uidetur quod non possit apostemari eo quia durum & siccum non potest extendi, ergo non potest apostemari, quoniam si quid debet apostemari oportet quod extendatur in dimensionibus, & maius fiat quam antea, sed quod extenditur tumidum est, nam ratio formalis, qua aliquid est extensibile est humiditas ipsa, quare benedicimus quod omne molle humidum est, eo quia omne molle extendi potest, sed durum modo in proposito nostro non potest extendi eo quia siccum est, & consequenter non est humidum, ergo non potest apostemari stante in sua essentia, uidelicet duri & sicci, sed uidetur quod durum concretum, siue per congelationem, & eodem modo durum per repletionem possit extendi eo quia humidum, ergo possunt apostemari. Ex quo manifestum est quod caro, nerui, chordæ possunt apostemari, quoniam possunt extendi, sunt enim mollia: modo dictum est quod molle apostemari potest, cedunt enim tactui, nec recedunt propterea, sed os & cartilago sunt dura siccaque, non humida, ergo non possunt extendi, si non possunt extendi, ergo neque apostemari; sed hoc falsum esse manifestum est experientia & sensu, nam uidemus ossa apostemari, ideo quando dicitur omne quod apostematur extensibile est alioquin apostemari non posset, concedo totum; sed quando dicitur os non extenditur ego nego hunc
 * ratio est quia ossa sunt dura non sicca, sed dura concreta, sed dura concreta habent in se humidum, ergo possunt extendi, ergo & apostemari; quod autem

tem extendatur manifestum esse uidetur, quoniam uide-
mus quod nutritur & augmentatur consequenter,
sed omne quod augmentatur & augmentando nutri-
tur extensibile est, maior quidem propositio patet, eo
quia quid aliud est quaso augmentum quàm extensio
in ipsis qualitatibus? Sed uidetur patere sensui quod
uidelicet os nutriatur & augmentetur, quoniam ui-
demus in adolescentia minora esse quàm in tempore
ultimo ipsius ætatis augmenti, sed statim quis dicet, e-
go non loquor de ossibus nisi postquam eorū augmen-
tum completum fuerit, postquam uidelicet animalia
pertransierunt ætatem talem augmenti, nam post ta-
lem ætatem & si fiat augmentū in alijs partibus cor-
poris tamen ossium magnitudines stant neque mutan-
tur, & cum animalia impinguantur tunc enim & si
sit ætas consistentiæ, tamen caro, muscoli & tales
partes impinguantur, ossa uero ipsa extendi non pos-
sunt, ideo neq; augeri neq; minui, quoniam dura facta
sunt, ideo neq; poterunt apostemari; ita ergo aliquis
posset instare, ad quod respondendo dico ego quod et
si ossa post etiam ætatem ipsam consistentiæ, cum ui-
delicet animalia impinguantur non patiantur ita cito
augmentum & decrementum, neq; ita manifeste per
ipsum nutrimentum, tamen ego dico quod augentur
& decrescunt & hoc probatur sensu ipso, quoniam
nos uidemus quod in tabe factis ossa ipsa sunt macera-
ta propter defectū nutrimenti, & exiceata ita quod
diminuta satis sunt, imò aliquando diminuuntur, ita ut
non appareant eadem animalia quæ prius, quare ui-

demus quoq; in animalibus pinguibus ossa humidiora esse & pinguiora, unde suscipiunt alimentum ossa ipsa, & consequenter augmentum ipsum. Modo cum probatum sit ossa recipere alimentum, procedamus modo & dicamus si recipiunt alimentum tunc, si quādo accidat quod non fiat optima concoctio alimenti in ipso membro, cui assimilari debeat, ut ossibus remanet excrementum, ideo in ossibus remanebit alimenti excrementum, & uirtus debilis est, ita quod non potest excernere illud excrementū, contingit quod remanens ibi ossa fiant maiora in suis dimensionibus & intumescant ita quod apostemantur. Præterea quod ossa possint extendi, patebit quoq; ex hoc quod torquentur, tamen absq; hoc quod frangantur, tamen nō est dicendum quod ita manifeste extendantur, uel augeantur sicut caro, & talia similia quoniam sunt aliquo modo sicca, non enim omnino carent siccitate, sicut quoq; uidistis in prima Fen anno clapso, apostema ergo fit in membris ipsis mollibus, audistis enim quod molle est illud quod cedens tactui extenditur, quare ratione qua molle accidit ei apostema, quoniā extenditur, postea inquit Auic. (Et est etiam cum ossibus accidit res, quæ apostemati assimilatur &c.) non enim omnino fit apostema, sed res quæ apostemati assimilatur, quā pulchre dixit Auicen. (quoniam non est ita manifesta extensio in ipsis ossibus, sicut in alijs membris & partibus corporis sicut carne, musculis,) deinde declarat hoc dicens (per quam eius ingrossatur
conca-

concauitas, & eius augmentatur humiditas) ita enim stat litera antiqua (quoniam ingrossatur eius concauitas, idest immutatur concauitas,) quoniam os ipsum redditur humidius, ex quo fit ut intumescat & consequenter eius concauitas immutetur in ipsis dimensionibus, & hoc aduertens Andreas Alpagi in suo lib. nouo quem traduxit posuit (per quam eius magnitudo ingrossatur) siue modo ita stet litera Arabica, siue non, ego id nescio quoniam ignarus sum, tantum dico unum, quòd litera Andreæ noua facilius est, quoniam si stat concauitas ingrossatur, oportet potius traducere atque interpretari quod immutatur. i. minoratur, quoniam si fit maius eo quod intumescit in ipsa substantia, necessarium est quod concauitas eius fiat minor, quare melius est dicere cum litera noua (quòd eius magnitudo ingrossatur quia intumescit in suis dimensionibus.) Iam credo q̄ declarauimus satis hanc partem; cum ergo Auic. declarauerit nobis in quibus membris fiant apostemata, nunc modo uult dicere à quibus causis fiant, & animaduertite, quoniam est multum obscurus in hoc loco Auic. ideo ut clarior reddatur uolo quòd in summa dicamus suā sententiam quam in his uerbis habet, sentētia eius est ista, quando dicit (Et omne quidem apostema &c.) Apostemata aut fiunt à causa intrinseca, aut à causa extrinseca, si autem fiūt à causa intrinseca, aut hoc prouenit propter uitium ipsius membri patientis apostema, aut non propter illius uitium, sed propter

consensum aliorum membrorum, quæ cum sint læsa transmittunt ad illud materiam ipsam, tamen unum sciatis quod si apostema sit, oportet fieri tumorem à causa præter naturam accedentem, sed illud quod accidit aut est extrinsecum, aut intrinsecum, tunc accipiamus alterum membrum diuisionis & dicamus, si est extrinsecum aut percutitur, ut quando obtunditur & contunditur membrum ab aliquo graui ita quod membrum illud postea apostematur, propterea quia sanguis ille putrescit, & prius inflammatur & sic intumescit membrum, aut esse uulnus accedens, aut illud membrum offenditur per medicamina caustica applicata. Accipiat postea aliud membrum diuisionis & dicatis si à causa intrinseca, uel ista causa est in proprio membro patiente apostema, uel ab alio transmittitur ad illud, patitur autem hoc modo recipiens materiam transmissam quoniam mutatur sua compositio. i. quando nimis dilatatur membrum illud in receptaculis suis uis & meatibus per quam dilatationem postea præparatur ad recipiendum superfluitates aliorum membrorum uel etiam patitur propter ipsam intemperiem quæ accedit, quoniam uidelicet accedit complexio calida aut frigida, si enim fuerit calida complexio tunc præparatur ad attrahendas illas superfluitates, si complexio frigida, tunc hoc potest præparare dupliciter, primo quidem quoniam cum est mala complexio uidelicet frigida, tunc membrum non potest concoquere alimentum ad se transmissum, ut nutriatur, ex incoctione autem alimenti potest continere

gere sicut contingit de facto quod excrementa multa
fiant, quæ excrementa cū ibi permanserint tunc mea-
tus ipsi clauderentur propter frigiditatem ipsam, &
cum illa excrementa neq; possent retrogredi, neque
diffiliari propter ipsam obstructionem, tunc cū ibi ma-
ior sit materia, consequenter oportet ipsum mēbrum
maiorari & intumescere, & sic propter frigiditatē
duplici de causa fit tumor, quoniam propter frigidita-
tem fit incoctio, & secundo quia ipsi pori & mea-
tus obstruuntur, uel etiam complexio est nimis humi-
da uel sicca, ex quibus complexionibus etiam posset
consequi apostema, primo quidem per humiditatem
relaxantem, & sic præparetur ad suscipienda excre-
menta aliorum membrorum, etiam propter siccita-
tem, quoniam pori ipsi dilatantur per partium sicca-
tionem, & præparatis ipsis cavitatibus præparatur
fluxus materiæ ad illud membrum, & sic propter ca-
lidam intemperiem, uel frigidam, uel humidam, uel
siccam potest contingere apostema rationibus dictis,
siue sit compositæ ut uidelicet sit intemperies calida
humida, uel calida & sicca, & sic de cæteris, & his
modis præparatum membrum ad suscipiendū excre-
menta aliorum potest apostemari, si autem hoc pro-
ueniat propter membra ipsa transmittentia, quoties-
cunque illa sunt repleta, expellunt enim & trans-
mittunt materiam illam qua grauabantur per uiam
communem, qua uidelicet cōmunicant cum alio men-
bro debiliore etiam si illud non sit debilius, tamen pro-
pter eum magnum consensum & communicantiam
transmittitur

transmittitur ad illud materia ipsa, & aliquando etiam propter laxitatem uiarum ipsarum & affinitatem locorum, quo modo autem membra ipsa uidebimus postea deo concedente, dico ergo quod transmittentia membra transmittunt materiam illam qua grauantur, ad membrum debilius, & si non est debilius tamen aliquando transmittit non illud, propter uidelicet uiarum communicantiam & preparationem earum ad hoc quod materia possit transmitti; istae ergo sunt causae facientes ipsum apostema, aut enim sunt intrinsecae, ut repetamus breuiter ea quae diximus, aut sunt extrinsecae, si sunt intrinsecae aut propter ipsum membrum patiens, quod uidelicet in eo materia generetur & colligatur, ex qua postea ipsa apostemata generantur, aut propter alia membra transmittentia, si extrinsecae sint, tunc aut uulnus aut contusionem, aut propter caliditatem, aut propter frigiditatem aut propter medicamenta applicita, & omne quidem apostema quod causam non habet manifestam & eius causa corporalis monstrat materiam de uno membro ad aliud quod est sub eo fuisse mutatum uocatur catarrhus &c. Videte domini quod hic tetigit Auic. primum membrum diuisionis factae quando diximus quod causarum aliae sunt extrinsecae, per causam enim manifestam intelligatis uos extrinsecam, quae uidelicet exterius uenit quaeque sensu percipitur, tunc enim dicitur esse manifesta; quando ergo Auic. dicit (Et omne quidem apostema quod causam non habet manifestam) quoniam quod habet causam

causam manifestam, habet causam extrinsecam, quod autem non habet manifestam non habet etiam extrinsecam, postea quando dicit Auic. (Et eius causa corporalis monstrat &c.) tangit secundum membrum, quando diximus quod alie sunt intrinsecæ, quod quidem membrum in duas partes diuidebamus, dicebamus enim si apostemata fiant à causa intrinseca dupliciter contingit, aut enim propter ipsum membrum patiens, aut propter transmittens ideo hæc membra tangit cum inquit. (& eius causa corporalis monstrat hoc) est membrum hoc secundum integrum quod diximus diuidi, ideo tangit secundum membrum huius secundi quando inquit, (materiam de uno membro ad aliud quod est sub eo fuisse transmissam) idest quando diximus hoc prouenire à causa intrinseca, intelligimus propter ipsum membrum transmittens nimis repletum ad ipsum patiens, & per hoc membrum secundum dedit intelligi quoque primum membrum, quod erat oppositum, uidelicet aut propter ipsum patiens membrum, sed hoc tacuit & per illud intelligi uoluit, (quando ergo transmittitur ista materia ab uno membro in aliud dicitur catarrhus) inquit Auic. sed sciatis pro huius rei clara intelligentia quod catarrhus dupliciter accipi solet apud medicos, uno modo proprie, alio modo uero improprie, sed communiter, si sumatur catarrhus communiter & sub suo amplo significato, tunc dicitur de omni defluxu materie, si autem sumatur proprie catarrhus tunc accipitur solum pro illo defluxu

de fluxu materie à capite descendens ad pectus, uel in fauces etiam aliquando secundum Hip. Gal. & Auic. quoq; in prima tertij libri cap. de catarrho & hoc testatur quoq; uersiculus ille istorum modernorum.

LECTIO XIX.

IN hoc capite de morbis compositis erat intentio Auic. pertractare de ijs, qui sunt compositi tātum secundum denominationem, & quoniam in tali modo compositionis reperiuntur apostemata, ideo uoluit de apostematibus agere, neq; enim aliam compositionem hic cognoscit, & tractando de eis dicit, quod uult dare de eis differentias uniuersales, quoniam de particularibus postea non se ingerere uult, nam illas postea cognoscit in 4. lib. & antequā deueniret ad dandas eas differentias, diximus quod prius præmittebat quedam uniuersalia, quæ quoq; uidimus, sed quoniā ego circa quedam alia negocia quamplurima occupatus eram, non potui ea recte ampleq; declarare, sicut uolebam pro uestra omnium utilitate, ideo ea parumper altius repetens uolo docere clarius. Videbimus ergo primo quid sit apostema, quoniam Auic. hic dicit quid sit, dicemus ergo quid sit sua essentia, nam moderni circa hoc faciunt questionem magnā de essentia & quiditate apostematis, & dicunt tot nugæ quæ postea nullæ erunt, uisis his quæ dicturi sumus: secundo autem uidebimus quomodo apostema generetur, tertio deueniemus addandas differentias uniuersales apostematum. Vt ergo hoc intelligatis primo
supponere

supponere debetis id quod diximus in superioribus, et in mente semper habere quod apostema apud Arabes dicitur pro tumore præter naturam, ideo tumor præter naturam & apostema idem sunt, si modo aliquid addatur, uidelicet quia tumores præter naturam non omnes sunt apostemata sunt enim quidam tumores qui quidem non sunt apostemata, tumor ergo præter naturam amplior est in suo significato, nam tumor in ampliori nomine sumptus, significat omne illud quod est additum corpori, sed tumor iste duplex est, alius est enim naturalis, qui quidem per ipsum augmentum naturale quando uidelicet crescit illud corpus in suis tribus dimensionibus, fit autem istud augmentum formaliter non materialiter, quoniam illud quod augmentatur, augmentatur in sua forma, non in sua materia, nam forma ipsa maior fit illius corporis. & ut intelligatis Aristotelem in primo de Generatione & corruptione tractatu de augmentatione, dicamus declarando hoc, quod nunc diximus, quod si manus, pars uidelicet ipsius corporis animati, augmentetur, tunc eius forma augetur, non autem eius materia, nam forma manus eadem crescit in dimensionibus & extenditur permanens eadem; sed pro forma intelligatis figuram, augmentum uero materialiter non fit, quoniam materia non manet semper eadem, quare neque manus dicitur augeri eo quia augeatur eius materia, sed eius figura, & augmentum huius manus materialiter est in partibus sensibilibus & in insensibilibus, fit enim appositio minimæ partis ad minimam partem, sed tumor

mor præter naturalis tunc fit, cum uidelicet membrum illud in quo est talis tumor augetur per materiam ipsam non autem per formam, quoniam non manens eadem forma figuraue augetur, imo potius uariatur figura talis membri & in hoc aduertatis differre tumorem naturalem, & tumorem præter naturam, quoniam tumor est præter naturam cum fit augmentum membri materialiter in omnibus partibus sensibilibus eius crescendoq; in omnes suas dimensiones longum, latum, & profundum, & dico in partibus sensibilibus, non autem in insensibilibus, sed hic tumor naturalis fit in omnibus partibus sensibilibus quam in insensibilibus, cumq; manens eadem figura augetur, tamen cum tumor non naturalis est materia prædicto, ita quod ex eo non propterea lædantur operationes illius membri non est dicendum quod sit apostema, quoniam ut bene dicebatur à Galeno in primo de differentiis morborum, quoties aliquod membrum ita intumescit, quod non propterea operationes eius lædantur, tunc talis tumor non est morbus sed potius quoddam accidens consequens alium morbum, nam morbus est dispositio à qua prouenit læsio in operationibus prouentu primo, & essentialiter, sed omne apostema est ægritudo, quoniam ad omne apostema consequitur operationum læsio, quare cum talis est tumor membri præter naturam quod ex eo operationes læduntur, tunc dicendum est quod talis tumor est morbus, & tunc tumor idem est quod apostema, ita quod ad hoc quod tumor idem sit cum apostemate requiritur hæc conditio,

tio, quod ad talem tumorem sequatur lesio sensibiliter in operationibus, & ideo forte bene fecerunt Arabes pro tumore usurpare hoc nomen apostematis, ut uidelicet cauerent talem circumscriptionem, quam nos cauere non possumus, quando enim nos uolumus significare apostema, oportet quod dicamus tumorem præter naturam, ex quo prouenit lesio operationum, illi uero uno nomine proferentes dixerunt apostema, & forte ad hoc aduertentes antiqui Græci ut fuit Hipp. ut cauerent talem circumscriptionem uocarunt tale apostema œdema ut dicebat Gal. de Hipp. quoq; in. 5. particula aph. com. 65. & quidam quoq; antiquorum latinorum nostrorum uocarunt optime inflationem, potius uolentes rei naturam sequi quam uocabulorum elegantiam, ne cogerentur postea circumscribere, quod aduertentes quoq; uulgares nostri in Lombardia appellat sermone uulgari infiasone. Qui autem uolunt seruare latinitatem sermonis & appellantes tumorem præter naturam, necesse est eis circumscribere postea multis uerbis, ideo dicamus potius apostema quam inflammatio, quoniam apostema est eius species inflammatio autem huius est genus, cum iam nomina conueniant, hæc enim dico ne erretis in nominibus; quæ modo erit definitio, siue descriptio ipsius apostematis? hanc enim intendimus, latini hic faciunt quæstiones longas, uanas, quas prætermittamus, quoniam erunt nullæ uis his, dicamus ergo per regulam illam topicam, quæ talis est, cuiusq; competit definitio illi quoq; competit definitum, sed definitio morbi

morbi competit apostemati ipse, ergo morbus quoque
 predicabitur de apostemate, quod autem definitio mor-
 bi competat apostemati patet, nam morbus est dispo-
 sitio ex qua prouenit læsto in operationibus essentia-
 liter prouentu primo, sed apostema est dispositio non
 naturalis ad quam dispositionem sequitur læsto opera-
 tionum, ergo apostema est morbus; quare cum sit in-
 uentum morbum ipsum prædicari de apostemate, cum
 uolumus describere apostema ponamus in eius defini-
 tione primo morbum tanquam genus, dicamusque; apo-
 stema est morbus, postea deueniamus ad differentias
 ipsius morbi superius datas, & uideamus quæ huic
 competit. Erant autem primæ differentie morbi si-
 recte meministis, quod morbi alij sunt simplices, alij
 uero compositi, sed apostema non est simplex ergo
 compositus, dicemus ergo apostema est morbus com-
 positus, sed quia ut dicebamus compositio est multi-
 plex, alia enim est in similaribus partibus, alia uero
 in organicis. quare erit compositus primo ex compo-
 sitione mala, & mala complexione & solutione con-
 tinui, sicut supra cum Auic. declarauimus, erit ergo
 apostema morbus compositus ex complexione mala,
 mala compositione solutioneque; continui, sed compo-
 sitionis morborum alia est quæ dicitur per essentiam,
 alia uero quæ dicitur secundum denominationem, ideo
 apostema est compositum modo compositionis secun-
 dum denominationem, quoniam in eo sunt tria illa ge-
 nera morborum simplicium annumerata quæ quidem
 seruant suam propriam formam perfectam unaquæque
 suam

suam, tamen ille morbus est unus qui dicitur apostema, sed compositio quæ fit per essentiam tunc fit, quotiescunque multi morbi ita iunguntur, quod ex actione inuicem passioneq; resultat una tertia forma refractis illis manentibus, et tunc dicitur unus morbus per essentiam, quoniam omnino sunt adunati illi morbi ita quod unus est secundum eius essentiam: quare ad huiusmodi differentiam superaddendum est ipsi definitioni seruata uniuscuiusq; forma perfecta, ita quod dicatur apostema est morbus compositus ex mala complexione, mala compositione, & solutione continui seruata uniuscuiusq; istorum forma perfecta, sed est alia compositio quæ dicitur fieri per complicationem, quando sunt multi morbi, ita complicati in uno morbo, ut tamen sint in diuersis partibus; ut quando in eodem oculo est ophthalmia, ulcus, & suffusio siue oppilatio, nam est idem organum in quo sunt, sed tamen existunt diuersis in partibus, nam ophthalmia est in coniunctiua, ulcus autem in cornea, oppilatio in uuea, ideo uidetur quod in hac definitione data apostema conueniat cum hoc modo compositionis. est enim & iste morbus compositus ex tribus morbis simplicibus, seruata uniuscuiusq; forma perfecta, ideo oportet inuenire differentiam aliquam per quam distinguantur isti duo morbi, ideo dico quod hoc modo differunt, nam in apostemate illa tria genera morborum sunt simul in unaquaq; parte sensibili, ita quod ubi mala complexio ibi quoq; mala compositio, ibi quinetiam solutio unitatis, sed in illo morbo non eodem modo se habet,

Q ino

imò ut diximus sunt loco omnino inter se distincti illi tres morbi. Quare oportet nos dare talem definitionem apostematis quæ quidem nobis det cognitionem suæ essentiae, & per quam cognoscamus differentiam eius à quibuscunq; alijs morbis, ita quod usq; ad ultimas eius differentias perueniamus, per quas constituatur apostema, & detur definitio quæ uni soli apostemati conueniat; apostema ergo est morbus compositus ex mala complexione, mala compositione & solutione unitatis seruata uniuscuiusq; horum morborum forma perfecta, ita quòd in unaquaq; parte sensibili omnia ista tria genera morborum reperiantur simul. hæc est uera perfecta & completa descriptio apostematis, per quam primum iam quid sit apostema, ex quo patet iam quam uana sint illa quæ hic isti dicunt, ut Conciliator, Gentilis, & Iacobus de Forliuio. dicunt isti quod apostema est grossities (utar enim suis uocabulis) ecce quomodo idem per idem definiunt, nam quid aliud est apostema quam grossities, est ergo idem ac si dicant grossities est grossities, o quam ineptum est hoc modo definire, omnia enim facile definirentur si nihil aliud esset perquirendum, sed Conciliator ibi citat unam authoritatē ipsius Galeni in 4. lib. de causis symptomatum cap. 5. ubi uidetur dicere quod apostema est tumor, ita quod tumor est genus apostematis, sed hoc non potest stare, quoniam ostendimus nos superius quomodo apostema & tumor sunt idem dum modo intelligatur tumor ut dicebamus, sed falsa est illa authoritas quam citat iste conciliator, quoniam

Galenus

Galenus hoc non dicit ibi imò textus Græcus Galeni habet se hoc modo ; propter defluxum materiæ generatur tumor præter naturam . Vnde dico quod si per apostema intelligatis abscessum, siue exituram , tunc non est tumor, sed cum tumor accipitur proprie tunc idem est quod apostema . Quare cum dicimus apostema est tumor , siue ut ipsi inquirunt grossities , definimus idem per idem quod inconueniens est. quare optime fecimus nos qui per discursum inuenimus genus cõuenientissimum quod poni debet in definitione eius cū diximus, apostema est morbus nam morbus est eius genus . Sed hic remouenda una dubitatio atq; ultra procedamus, quoniam Galenus in suo illo primo lib. Therap. cap. 8. dicit quod ad inflammationem sunt multa mala accidentia consequentia sicut tumor , ubi uidetur quod Galenus dicat tumorem esse symptoma consequens inflammationem , ergo uidetur quod dicat tumorem non esse genus ipsius inflammationis cum tamen dicemus infra nos cum ipso Auic. & Galeno definimus enim inflammationem per tumorem tanquam suum genus , quando dicimus inflammatio est tumor præter naturam genitus à sanguineo humore & materia calida , quomodo ergo dixit Galenus tumorem accidens esse ipsius inflammationis ? Ad hoc ego respondendo dico quod Gal. ibi non accepit tumore pro ut nos definimus ut est apostema, quoniam tunc est genus ipsius inflammationis , uerum per tumorem intellexit ibi abscessum ἄποστήμα, quoniam tunc est consequens ipsam inflammationem non autē genus, pro

cuius rei intelligētia notetis quod inflammatio habet istas partes, quoniam primo est in ipsis uenis, quando uidelicet materia est in extremis uenarū apud partem quæ intumescere habet, & facit eas intumescere, postea materia illa imbibitur in ipsis partibus mēbri & tunc quoq; muscoli ipsi apostemantur. i. intumescunt: tertio autem fit quædam eminentia apparens ipsi sensui, & tunc apparent postea omnia illa accidentia consequentia quæ dicebat Gal. nam tunc sequitur tumor cum materia illa mittitur intra spatium illud intra cutim & carnem, nam Gal. accipit hoc in loco tumorem pro abscessu eminentiaq; tumor autem iste contingit & ossi & cerebro quæ apostemantur & ingrossantur, quoniam tota eorum substantia ingrossatur, sed non deueniunt ad illam protuberationem et abscessum, quoniam primo ossa sunt dura sicut declarauimus supra, ideo non possunt ita faciliter extendi sicut aliæ partes, sed cerebrum postea est materie mollis, est enim ferè humidum fluidum, ideo nō potest in eo fieri talis protuberatio, quare ossa & cerebrū apostemantur absq; hoc quod patiantur exiturā, quare tumor hoc modo non est de eius essentia, bene est eius accidens, sed tumor acceptus pro ut iam definimus est de eius essentia, imò est eius genus, sic quodque modo dictum est, habetis ergo quid sit apostema, loquor de apostemate ut accipitur apud Arabes. habita ergo eius definitione ueniamus modo ad secundū propositum, quomodo uidelicet apostema generetur, dicamusq; quod apostema generatur aut per fluxum humorū,

humorum, aut per defluxum eorum, dicimus autem tunc fieri apostema per confluxum, quotiescunq; humores confluunt ad membrum quod est apostemandū absq; eo quod transmittantur ab aliquo alio membro, tunc autem generatur per defluxū cum humores mutant locum ita quod de uno loco in alium transmittuntur. quantum ergo ad primum membrum diuisionis dico quod tunc generatur apostema per congeriem siue per confluxum, quando materia ipsa aggregatur in membro patiente paulatim, non autē eo quia transmittatur ista materia ab alio, & hoc contingit dupliciter, uel ab intrinseco, uel ab extrinseco, si ab extrinseco tunc illud extrinsecum est causa quod materia adunetur & colligatur in illo membro, & hoc potest esse, aut à contundente, nam sanguis contusus denigratur & confluit ad partem contusam, quo fit ut putrescat, & fiat apostema, aut per uulnus aliquod, aut propter nimiam calefactionem, attrahitur enim materia ad partem calefactam, ab intrinseco autem potest contingere, cum uidelicet membrum ab extrinseco non fuerit læsum, sed ab aliquo intra corpus, puta propter malam complexionem accidentem ipsi membro, & primo propter frigidam, tunc enim concoctio ipsius alimenti transmissi ad membrum nutriendū impeditur, non facta autem concoctione multa fiunt excrementa, & constipantur potius, atq; meatus propter frigiditatem congelantem, & sic prohibetur excretio ipsarum sæcum, & eo modo generatur apostema. potest quoq; euenire à causa calida & à quacun-

que alia intemperie ; si autē generetur apostema per defluxum ipsius materie .i. cum ab uno mēbro transmittitur ad aliud hoc quoq; tripliciter potest contingere, primo quidem quoniam membrum transmittēs est fortius, membrum autem ad quod trāsmittitur e; debilius, quare notate quod apostemata sēpissime fiunt in ipsis emūctorijs, uoco emūctoria partes glandulosas quæ quidem sunt loca ad quæ purgantur mēbra principalia, ut in glandibus gutturis, in glandibus quoq; inguinum, & sub asellis, sed tamen sēpius in glandibus gutturis, quoniam cerebrum est frigidissimum, ideo generat multa excrementa quæ cū transmittat ad guttur sēpe faciunt apostemata; naturale ergo est quod materia superfluens transmittatur à membro fortiori ad membrum debilius, sicut dicebat Gal. in illo primo de facultatibus naturalibus, sed cum sunt mēbra fortiora, alia debiliora, uel ergo ista trāsmissio materie de uno membro in aliud est naturalis, uel non naturalis, naturalis est cum uidelicet transmittitur à fortiori ad debilius, ut cum cerebrū transmittit excrementosam materiam sub adenas asellarum, cum cerebrum transmittat ad adenas colli, cum hepar ad adenas inguinum, cum autem transmissio est non naturalis tunc dicitur fieri, cum uidelicet membra quæ esse deberent fortiora læsa fuerint, et ita sint debiliora, & per consequens illa quæ debilia esse debebant, fiunt fortiora. tunc enim illa quæ debiliora esse deberent, nunc tamen sunt fortiora transmittunt sua excrementa ad illa quæ fortiora esse deberent, ta-

men nunc sunt debiliora propter læsionem, & ista transmissio est non naturalis & acquisita potius, tertio autem sit. transmissio materiæ de uno membro ad aliud propter affinitatem situs, & propter rectitudinem uiarum, hoc est uenarum, & si etiam unum membrum altero debilius non sit, nam commoditas locorum, rectitudoq; uiarum facit talem transmissionem facilem, cum unum membrum præsertim sub alio collocatum fuerit, nam sit maior præcipitatio ipsius materiæ, & hoc quoq; dico posse probari mathematica demonstratione, quod aliàs latius id demonstraui, cum ex professo hoc exponerem, nunc tātum sufficiat per capita quædam pernarrare, nam si fiat transmissio de uno membro ad aliud facilius pertransibit per lineam rectam cum uni subiaceat, nam cum omne graue deorsum tendat per lineam rectam tunc si illud graue nullum angulum reperiatur citius descendet quàm si inueniat angulum, ideo cum inter unum membrum & aliud, sint uiae rectæ transmitti potest materia facile, eo quia præcipitatur, sed maxime si materia illa fuerint humores frigidi atq; terrestres, nam sunt grauiorres possuntq; facilius præcipitari, ideo per consensum uiarum & earum rectitudinē potest fieri transmissio humorum de uno membro in aliud, uel propter affinitatem locorum etiam si unum uno debilius non sit, & diximus dupliciter fieri posse, cum ergo hæc omnia simul conueniunt in duobus membris, tunc putate fieri commodiorem citioremq; transmissionem, ut quando unum uno fortius sit, inter ista duo fuerit,

affinitas situum fuerit, quinetiam rectitudo uiarum, fuerintq; humores crassi frigidi terrestres. hæc sufficiant quantum attinet ad secundum propositum. Accedamus modo ad tertium, hic ergo uolumus tradere differentias apostematis, sed sciatis quod dicemus differentias generales tantum non autem particulares, quoniam nos tractamus res in uniuersali, inueniemus ergo differentias apostematis quatenus apostema, non autem quatenus in hoc loco, uel in illo, quoniam sunt ferè innumeræ neq; possumus nunc numerare seruantes doctrinam nostram. Sed Auic. postea enarrabit de eis in tertio suo lib. 4. & 5. quoniam distinguuntur apostemata per loca, per materiam, per tempora. quare triplex potest fieri sumptio differentiarum ipsius apostematis, uno quidem modo possunt sumi differentie à ratione formali ipsius apostematis, & hæc est uera optimaq; inuentio earum, et est cum dicimus Apostematum alia calida, alia frigida. est enim necessaria distinctio ipsius generis & si non sit per differentias formales ueras, tamen quia illæ latent facta est distinctio per differentias propinquissimas ipsis essentialibus, dicamus ergo cum sunt apostemata calida sunt propter materiam ipsam calidam ex quibus fiunt atque generantur ut puta bilis quæ est in se calida quædo facit aliquod apostema, sed hoc contingere potest dupliciter, uel quia materia in se calida est ut in exemplo dato manifestum est, uel quia materia non in se calida est imò frigida, tamen propter ipsius putredinem calida facta est, nam potest fieri apostema calidum à

pituita

pituita quæ tamen in se est frigida, cum uidelicet putrescit tunc incalescit & sic ex ea generatur apostema calidum, sed ista putredo ipsius humoris potest dupliciter contingere ipsi materiæ, uno modo quando illa materia ita putrescit ut non omnino putrefacta sit sed secundum partem ita quod in ea seruetur, adhuc aliquis calor innatus qui resistit corrumpenti, & ista potest facile corrigi. alio modo fit putrida materia cum uidelicet iam omnino putrefacta est neq; in ea aliquid remanet adhuc ipsius caloris innati, & ista nullo modo potest corrigi ut patet in ipso uino, aliquando enim parumper mutatur, sed cum fuerit euentus redibilis ad pristinum gradum, aliquando ita putrescit ut omnino fiat acetum, neq; aliquo modo potest corrigi; & propter utramq; materiam putridam potest fieri apostema calidum & ea apostemata quæ sunt à materia calida per putrefactionem non omnimodantur sed secundum partem, tunc ista possunt facile corrigi, sed apostemata, quæ sunt à materia calida propter putrefactionem absolutam sunt lethalia & pestilentia sicut sunt carbunculi, dicuntur ergo apostemata calida à materia calida quomodocunq; sit calida. Accipiamus modo secundum membrum diuisionis, alia sunt frigida. Dicuntur autem frigida à materia frigida ex qua generantur. Aut enim ista materia frigida est aqua, aut uentus, aut melancholia, aut pituita, sed à pituita possunt fieri apostemata, quæ sint fluida non indurata, & sunt mollia apostemata, aut ab ea indurata, suntq; dura dicta uidelicet stiti, cū autem

autem fiunt à flatu sunt dura, diximus enim supra tripliciter fieri aliquid durum, sed istud apostema non cedit tactui, sed resistit & habet renitentiam per hocq; distinguitur ab apostemate facto à pituita fluida, tunc enim est molle & consequenter cedit tactui neq; habet illam renitentiam, quæ reperitur in illo quod pendet à flatu sed sunt etiam aliæ differentiæ apostematum sumptæ à dolore sicut dicebat quoq; Galenus 4. aph. 65. com. si bene memini. Apostematū enim alia sunt cum dolore alia uero sine dolore, illa omnia quæ sunt cum dolore sunt calida, illa uero quæ sine dolore sunt frigida, & ideo diuisio ista secunda cadit sub primam, quoniam apostematum alia sunt calida quæ sunt cum dolore, alia frigida, quæ sunt sine dolore & ista secunda diuisio proprie accepta est ab accidentibus ipsorum apostematum, ideo facimus secundam diuisionem istam quod uidelicet sumuntur differentiæ ab ipsis materiebus ex quibus generantur apostemata, eruntq; sex differentiæ secundum quod sunt sex materiæ, nam apostematum alia sunt à sanguine, alia à pituita, alia à bile, alia à meācholia, alia à flatu, alia ab aqua, quid differat aqua à pituita nos uidebimus infra.

LECTIO XX.

CIRCA tractationem ipsorum apostematum tria proposita erant a nobis, uidelicet de definitione primo ipsius apostematis; secundo uero de eius generatione; tertio uero de ipsius differentiis, quæ omnia

nia a nobis absoluta esse puto, quin etiam ab ipso Auic. sed admodum difficulter præcipue in designanda eius definitione & generatione, ut qui non audierit ab aliquo declarante aut saltem non fuerit plusquam doctus in medicina non possit ipsum intelligere, habuistis autem eius definitionem quando dixit, (In hoc cap. dico, &c.) Secundo autem habuistis generationem, quomodo uidelicet generatur, et in quibus uidelicet in membris mollibus quando dicebat, (Apostema præterea, &c.) ubi obscurissime faciebat illas suas diuisiones de generationis modo, quoniam modo per defluxum, modo per confluxum, quæ omnia a nobis clara reddita sunt, nam cum dixit (Et omne quidem, &c.) Tetigisse diximus unū membrum, uidelicet apostematum quæ fiunt per defluxum ipsius materiei, per quod quidem membrum dicebamus intelligi quoq; suum oppositum membrum. declarauimus autem quomodo secundum Auic. ille defluxus materiei dicitur catarrhus, quomodo etiam catarrhus dupliciter sumi potest uno modo proprie pro uidelicet ipso descensu materiei a capite in pectus, alio modo cōmuniter pro quocunq; defluxu materie, & hæc omnia obscurissime tractauit Auic. sed in hoc dicebat quoq; præceptor meus uidelicet Leonicensius ille Nicolaus de Auic. dum breuis esse laboro, obscurus fio. Videte uos quomodo est obscurus, ut obscurior esse non possit, ego nescio quid dicam cum hoc fecerit Auic. uult postea soluere unam tacitam obiectionem, quæ ipsi fieri posset, sed est in ipso difficillima

ficillima & obscurissima. Dicamus ergo nos quod uis his quæ iam ab Auic. dicta sunt, aliquis posset obijcere dicta hoc modo; ò Auic. tu proposuisti generationem ipsius apostematis per defluxum materiæ, quãdo uidelicet mandatur materia a membro mandante ad membrum patiens, propterea quia materia talis est irritans ipsam mandans uel propter ipsius multitudinem, quoniam repletum est tale membrum, sed nos uidemus oppositum illius quod dixisti, quoniam uidemus aliquando membra esse repleta ipsa materia, quæ tamen non expellunt eam ad aliud membrum sed cum postea pene euacuata fuerint expellunt, quid ergo ais ò Auicennas? ad hoc respondet Auic. quòd dū est multitudo humorum qua repleta sunt illa mēbra, potest esse quod ibi sit multum de sanguine bono, et de humoribus bonis, & ideo illi boni humores contemperant malos ipsos quare mēbra mandantia non irritantur, neq; consequenter expellunt illam materiam, sed cum sit euacuatio euacuantur boni humores & remanent postea soli mali, ideo non contemperantur amplius ab illis bonis; euacuari autem possunt uel arte, uel natura, quare cum soli mali remaneant irritant ipsum membrū, quare illud expellit eos ad aliud, & ideo hæc est obiectio solutio quoq; simul Auic. uideatis modo quo modo difficillima est in litera sua ita ut pene intelligi non possit. dicit ergo. (Et est cum causa materialis ex qua apostemata & eminentiæ generantur) per eminentias intelligatis pustulas quæ sunt apostemata parua, sicut supra dixit Auic.

est submersa in alijs humoribus non secundum suas impedientibus qualitates, id est, sanguine. dicit enim quòd illi boni humores in quibus mixta est materia non impediunt suis qualitatibus, quoniam sunt naturales & per tales humores ut dixi intelligit sanguinem. postea dicit. (Cumque humores illi boni idest sanguis aliquo modo euacuationis se euacuauerint,) Et postea tangit modos quibus potest fieri talium humorum bonorum euacuatio, & inquit (Quòd uno modo euacuantur naturali sicut in mulieribus accidit cum pariunt, & cum fuerint in eis relictì soli humores mali irritant membra in quibus reperiuntur, & sic illa membra transmittunt illos humores malos ad alia membra quæ sunt debiliora.) Et si non sint debiliora quia sunt propinqua, aut propter aliquid eorum quæ à nobis supra sunt enumerata, & sic generantur apostemata, postea tangit aliud modum quando dicit, (Aut non naturali,) & dat exemplum (Vt eis accidit qui uulnerantur cum egreditur sanguis bonus & remanent humores illi mali puri singulares, & impeditur per eos natura, & expellit eos,) Propter uulnerationem enim euacuantur boni humores hoc est sanguis bonus sicut supra quoque exposuimus; euacuatis autem bonis relinquuntur mali soli, qui antea contemperabantur, & sua malignitate irritant ipsum membrum, in quo uidelicet reperiuntur, & sic membrum illud insurgit ad eorum expulsionem, expulsi

pulsis autem humoribus ad aliud membrum tunc apostematur illud ex quo elicere potestis quod aliquando potest esse corpus plenum malis humoribus permistis tamen bonis, tamen non propterea corpus illud ægrotat quia illi mali permisti cum ipsis bonis contemperantur ab eis, sed postea cum humores boni euacuati fuerint aliquo illorum duorum modorum sentitur incommodum in exercendis operationibus, & cōsequenter accidit ægritudo (Et est cum expulsio nis modus est ad cutim, & faciunt apostemata seu bothor.) Et sciatis quod humores transmittuntur ad ipsam cutim duplici de causa, uel quando materia fuerit subtilis, tunc enim propter subtilitatem eius transit illos poros partium intrinsecarum, qui sunt laxiores. cum autem usque ad cutim peruenierint ibi permanent, quoniam pori ipsius cutis sunt arctiores propter aerem constringentem, collecta autem materia fiunt apostemata parua quæ dicuntur pustule siue bothor. Secundo modo potest transmitti materia ad cutim propter fortitudinem ipsius uirtutis expulsivæ, tunc enim fortis uirtus existens longius transmittit quàm si sit debilis & si unum istorum deficiat non transmittitur omnino ita longe, si autem ambo, remanet in partibus intrinsecis ipsa materia, & fiunt apostemata, ut cum transmittitur materia ad ipsos lacertos, idest musculos, quæ postea apostemata sunt mala & difficilia curatu. (Apostemata uero differunt, &c.) Postquam Auic. pertractauit illa duo proposita, nunc modo aggreditur tertium propositum

propositum, uidelicet agere de differentijs apostematum, & antequam incipiat talem tractatum primo se excusat, quod uidelicet sunt plures differentie ipsorum apostematum. Sed dicit Auic. (Ego pertrabo solum differentias uniuersales.) quoniam sunt multe alie quae postea sunt enumerandae alio loco, nam alia sunt extrinseca, alia intrinseca, alia bona, alia mala, & multe alie differentiae, quae sumuntur a locis & quae sumuntur ab accidentibus, quas praetermittet hoc in loco Auic. quoniam ad propositum non faciunt, sed tantum tanget uniuersales quae quidem sumuntur a causis essentialibus, & per causas apud medicos quoque intelligatis ipsas materias quae praecipue sunt efficientes, neque enim eodem modo considerant medici ac physici, nam physici non possunt imaginari quomodo materia sit efficiens, sed medici ipsi bene hoc imaginantur, quoniam non inconuenit hoc ut idem sit materialis causa & efficiens, non tamen uno eodemque modo, neque secundum easdem intentiones, sed diuersas. quare inquit. (Apostemata uero differunt diuersis differentijs, sed quae magis sunt considerandae sunt differentiae quae propter eorum existunt causas, quae quidem sunt materiae ex quibus generantur apostemata.) Ecce quomodo causa materialis est efficiens apud medicos, & postea incipit sumere differentias ab ipsis materijs, sicut dixerat se accepturum inquit. (Materiae uero unde fiunt apostemata, &c.) Circa quod scire debetis quod non debemus

bemus sumere differentias à materia secundum diale-
 cticam diuisionem & ueram, neq; minus a causa effi-
 ciente, quoniam bonæ ueræq; differentiae sunt illæ
 quæ sumptæ sunt ab aliquo intrinseco ipsius rei, non
 autem ab aliquo extrinseco, quare sumi debent po-
 tius à ratione formali ipsius rei diuidendæ, quoniam
 illa est de intrinsecis principijs, & per eam consti-
 tuitur res in suo esse; propterea dicebamus quòd dif-
 ferentiae sumptæ à defluxu materiæ, & à confluxu
 non sunt differentiae bonæ ueræq;, quoniam sumptæ
 sunt ab extrinseco, ideo neq; differentiae sumptæ a
 materia sunt bonæ, quoniam materia est extrinseca
 a quiditate ipsius apostematis; & quòd hoc uerū sit
 uideatis, quoniam diuisiones has, quas assignat Auic.
 tradidit quia aliter facere non poterat, non enim ha-
 bebat alias quas posset assignare. sed uidete quæ diui-
 siones sint istæ; ait ergo. (Materiæ uero ex
 quibus generantur apostemata sunt sex, &c.)
 O pulchra diuisio: sunt sex materiæ, ergo erunt sex
 differentiae apostematum, sed tamen nos excusamus
 Auic. quia non poterat aliter facere, cum alias diffe-
 rentias non haberet, & inquit numerando illas mate-
 rias, (Humores quatuor, idest sanguis,
 phlegma, bilis, & melancholia, aquositas po-
 stea, & uentus.) Sed quoniam etiam ipse Auic.
 uidebat quod talis diuisio non erat artificialis, ideo
 alias affert & ait. (Et apostema quidem aut
 est calidum, aut non calidum, &c.) Debebat
 ergo primo ita diuidere, omissa illa diuisione secundum

dum materias. A postematum alia calida, alia frigida, calida alia habent caliditatem uaporosam, ut quæ sunt a sanguine, alia uero habent caliditatem per putredinem factam ipsius materie peccantis. Frigidorum uero alia dura, alia mollia, ut diuidemus postea suo loco. istæ enim erant differentie formales, atque essentielles & necessariae. ideo hoc animaduertens quoq; Gal. cum daret differentias febrium in primo illo de differentiis febrium acceptas ab ipsa materia posuit quoq; diuisionem Hipp. eamq; laudauit quoniã dicebat. Febrium alie habent calorem nitem, alie uero acrem, & assignabat differentias omnium febrium per ipsum calorem, postea Gal. diuisit quoque febres per sua subiecta, dicebat enim alie febres sunt in spiritibus, alie in humoribus, alie in membris solidis, sed dedit illam diuisionem gratia maioris intelligentie. Vnde uidemus quoq; Auic. huius rei consciũ fuisse, cum post illam diuisionem per materias subiunxerit aliam essentialem, & si non sit per differentias omnino formales, tamen est diuisio per accidentia propinqua differentiis formalibus, possumus enim occultis differentiis formalibus diuidere res per accidentia, quæ sint magis essentialia, ideo prima diuisio non est diuisio, sed est potius quedam enumeratio, nam diuisio est per opposita membra, sed cum sunt multa diuersa membra quæ enumerantur non est artificialis diuisio, sed est quedã membrorum enumeratio et per cunctatio, sed quia Auic. aliter facere non potuit posuit illam, sed tamen hoc uidens subiunxit postea il-

R

lam.

lam. (Et apostema, &c.) Ecce quod tandem fuit coactus assignare aliam diuisionem. (Apostematum ergo alia sunt calida, alia non calida,) Et declarat primum membrum Auic. cum inquit, (Neque existimandum, &c.) Sed nos ista omnia de hoc primo membro resolute declarauimus hert. Quæ enim sunt calida dicebamus quòd aut fiunt à materia calida p se et essentialiter non per accidens, & hoc dupliciter, uel quòd in illa materia sit coniuncta caliditati, ipsa humiditas, & tunc fiunt apostemata calida a sanguine, uel in illa materia est siccitas caliditati coniuncta, & tunc fiunt a bile. Alio modo sunt calida apostemata quæ fiunt ex materia quæ calida est, sed non per se sed per accidens, quoniam uidelicet acquisiuit illam caliditatem extraneam propter illius putredinem, sed materia ista putrida dupliciter potest esse putrida, uno modo quod adhuc sit in putrescere, nondum tamen putrefacta sit, idest cum secundum partem putrefacta est, secundum partem uero nõ ita quod in ipsa adhuc est aliquid caloris innati quod resistit putredini, alio modo cum iam putrefacta sit, neq; aliquid sit residui quod putrescere habeat, neque in ipsa seruatur aliquid ipsius caloris naturalis resistenti calori præter naturam, qui putrefacit ipsam materiam, & sunt duo differentie ualde insignes, istæ quæ sunt assignatæ, & si apostemata fiant ex materia calida per putredinem non autem essentialiter, tuncq; materia omnino putruerit, ut quæ generantur ex humore pituitoso, aut melancholico

cum

cum illi humores putruerint omnino, ita quod in eis non est aliqua pars quæ resistat putredini, sunt apostemata lethalia uel ad mortem ducentia & corruptionem ipsius membri, uel saltem faciunt ulcera incurabilia, & quæ non curantur uel saltem difficulter, & notate ista quæ dixi, quoniam omnino Auic. uult dicere ista sed tamen non potest se declarare imò inutricat se ita quod intelligi difficulter potest. Quare dicamus recolligendo quòd apostematum calidorum quæ fiunt propter materiam calidam fiunt dupliciter aut per se materia calida existente, aut per accidens, si à materia per se calida tunc uel à sanguine, uel à bile, si a materia calida per accidens, tunc materia est calida propter ipsius putredinem, quæ duplex esse potest, uno modo quòd omnimoda sit illa putredo, alio modo quòd sit imperfecta. istæ sunt differentie generales & necessariae apostematis calidi primo, & quamuis huiusmodi diuisiones possunt fieri circa alios quoq; morbos tamen specialiter nunc numerauimus ipsas in apostemate, Et hoc est quod dicit Auic. (Neque existimandum est quod apostema calidum sit illud quod ex colera aut sanguine generatur tantum, sed ex quacunque materia siue sit calida per essentiam, siue accidat ei caliditas propter putrefactionem,) Ut sunt pituita, melancholia, uentus, & aqua. postea inquit, (Licet etiam hæc genera secundum speciei diuisionem cuiusque materie diuidantur dignius tamen est ut in apostematibus,

bus specialis proferatur dictio,) Ecce quomodo Auic. dicit (dictio,) id est uidetur quod specialiter ista diuissio reponenda sit in apostematibus, & sequitur. (Et sanguinem quidem purum, &c.) Hic notate quod phlegmon & phlegmoni græce id est quod apud Latinos nostros inflammatio, sed Græce proprie dicitur Φλεγμαῖον, sed isti uertentes nomen quod erat secundæ declinationis, fecerunt tertiæ. oportet etiam quod simus Grammatici propter malas interpretationes. inflammatio autem apud antiquos & modernos nostros tripliciter assumitur secundum quod Gal. quoque ait in quinta particula aphor. 65. com. primo. n. uocant inflammationem quando membrum super accenditur non pro apostemate, sed postea moderni usurparunt pro apostemate calido. i. quod generatur a materia calida, siue modo materia illa sit calida per essentiam, siue per accidens, dicitur quoque phlegmon ab Arabibus istis, alio modo sumitur strictius, uidelicet pro una quadam specie ipsius inflammationis, quæ generatur a materia habente caliditatem simul cum humiditate, id est à sanguine, & appellant talem inflammationem phlegmonem. quia tripliciter sumi uidistis inflammationem; sed in illo primo significato sumitur sæpius apud ipsos medicos, uerum Auic. hic sumit phlegmonem pro uidelicet tertio significato, & apud ipsum quotiescunque inuenietis mentionem fieri de phlegmone intelligatis de illo tertio significato, sed hic unum notandum est à uobis, quod ideo hic refero, quoniam non erit melior, atque

commodior locus in quo possim hoc referre; dico ergo quod alio modo & diuerso fiunt inflammationes. i. apostemata calida a sanguine genita, & apostemata frigida, quoniam in apostematibus ipsis calidis generandis materia descendit à uenis magnis in paruas, deinde in minores, postea in ipsas carnes & musculos, & fit inflammatio, postea fit abscessus, & exitura, quoniam ille humor deuenit in spatium illud, quod est inter cutim & carnem, & sic sunt genita calida apostemata incipiendo, sed frigida generantur a materia quæ aggregatur paulatim paulatim, et sic incipiunt fieri abscessus in ipsis frigidis, non enim incipit inflammatio in membro, & hoc modo dixit Auic. (Et sanguinem quidem apostema purum phlegmonem appellare consueuerunt,) postea inquit. (Et quod ex cholera rubea & pura erysipelas) dicit quod apostema quod generatur pura bile dicitur erysipelas: sed hic dubitatio contingit, quoniam isti moderni propter istam auctoritatem Auic. uoluerunt erysipelas fieri à sola simplici bile, cum hoc sit contra naturam ipsius rei, ut ostendemus, nam si hoc esset uerum, tunc sequeretur quod in erysipelate omni esset ulceratio, quoniam pura bilis non facit inflammationem siue apostema, siue ulcerationem, unde dicebat Gal. quod herpes quæ fiunt a pura bile serpunt erodendo propter subtilitatem & acritudinem ipsius bilis, quia erodit bilis nisi refrangatur a sanguine, unde dicebat Gal. in secundo lib. ad Glauc. de arte curatua, & in lib. de

tumoribus præter naturam quòd erysipelas generatur à bile, sed tamen refrenata a sanguine subtili, sed & isti moti sunt propter Gal. quoque in 13. methodi, qui illud uidetur dicere. Quid ergo dicemus? dico quod in libris citatis a nobis Gal. hoc clarissime dixit; quòd modo a nobis declaratum est, & diffusissime id exposuimus, dum ex professo legeremus praxim in illo secundo ad Glauc. quare nunc sufficiat si per quædam capita recensēbimus. Dico ergo quod sicut est sententia sæpiissime ipsius Galeni, quod sanguis dum putrescit uertitur in bilem, quare dico quod erysipelas generatur à sanguine qui putrescit & factus est bilis, ita quod erysipelas generatur a bile permista sanguini, unde uidetis erysipelas esse rubidum cum quadam citrinitate, ergo designatur nobis in eo esse sanguinem & bilem, quoniam dicebat Gal. quod ex colore existente in corpore nos iudicamus prædominium humorum; quales ergo colores tales humores abundantes, sed in erysipelate est color rubidus, qui color designat sanguinem. est quoque citrinus color qui designat nobis bilem ipsam. Ecce ergo quomodo natura rei contradicunt isti, postea dico quod Gal. si bi ipsi non contradicit, quoniam nos dicimus quòd erysipelas fit a bile permista cum sanguine in principio, sed postea cum ille sanguis magis accenditur sitque subtilis uertitur in bilem, sicut crassus sanguis uertitur in melancholiam, & ideo tunc postea erysipelas pendet a sola bile, & iam factum est erysipelas, & tunc propter subtilitatem bilis serpit, ideo erysipelas

las generatur a bile cum sanguine permista in principio, sed postea pendet a sola puraq; bile, & hoc modo Gal. intellexit, ideo sibi non contradicit, bene isti illi contradicunt, præterea etiam quod isti contradicant ipsi nomini imposito ostendo. Nam antiqui Græcorum solebant appellare rubrum ἐρυθρόν, sed postea mutarunt θρ, in σ, & dixerunt ἐρυσόν, ex quo appellarunt ἐρυθρίνην, postea ἐρυσίνην, seu ἐρυσήνην, morbum illum, quem nos appellare consuevimus rubiginem: est autem rubigo morbus spicarum frumenti, cum uidelicet rubescunt, quare illi antiqui ut spicæ conseruarentur à Dijs ne inciderent in rubiginem celebrabant quædam festa dicta ἐρύσιδες, & loco earum nostro quoq; tempore fiunt & celebrantur illæ litanie, ideo medici uidentes tale apostema habere colorem illarum spicarum cum patiebantur rubiginem uocarunt illud ἐρυσιπέλας, quoniam color tendens ad ruborem cum quadam citrinitate. Ecce ergo quomodo isti moderni contradicunt non solum ipsi naturæ rei, sed Gal. et tandem ipsi uocabulo.

LECTIO XXI.

DIVISIO apostematum per differentias essentielles, & necessarias erat in superiori lectione, quod apostematum alia sunt calida, alia non calida, de calidis agebatur, quæ quidem secundum Auic. diximus diuersari per materias suas diuersas, & dicebamus diuersificari secundum loca in quibus fiunt, sed illæ differentie à nobis non erant tangendæ quoniam

sunt nimis particulares, illud ergo diximus apostema calidum esse, quod sit ex materia calida, sed istam materiam diximus esse dupliciter calidam, uel secundum suam essentiam, uel secundum aduentitiam putredinem, illamq; quæ per se calida erat, dicimus esse duplicem, aut enim est sanguis aut bilis. quod ergo pendet à sanguine dicebamus uocari nomine sui generis hoc est inflammatio, quod uero a bile mista tamen cum sanguine subtili erysipelas, remanebat dicere quod aliquando congregantur istæ duæ materiæ & faciunt apostemata, quæ nominantur a prædominante materia, si enim prædominatus fuerit sanguis dicetur phlegmon erysipelades, si bilis erysipelas phlegmonodes, unde dicit Auic. (Et ex eis est compositum nomine composito superantis præponendo nomen quandoque dicunt phlegmonem erysipeladem, quandoque erysipelas phlegmonodem, & cum congregatur uocatur exitura) Cum uidelicet materia aggregatur intra spatium illud inter cutem & carnem. Remanet modo ut dicamus de illis apostematibus quæ fiunt à materia calida, secundum accidens, quoniam illis accesserit putredo, cum iam absoluerimus de illis quæ generantur ex materia calida secundum suam essentiam, sed ut dicebamus materia quoq; ista dupliciter potest putrida esse, uno modo quod nondum omnino putrida sit, sed sit in putrefieri adhuc, alio modo quod omnino putrida sit, neq; aliquid eius reliquum est quod non putruerit; possumus quoq; addere tertiam causam, cum uidelicet materia

teria illa putrida non est, sed quia illi accedat caliditas extranea non per putrefactionem, sed per adustionem, quæ & si non sit putrefactio uera tamen est putrefactio improprie, secundum quod dicebat Arist. in illo quarto metheororum; & hoc pacto fiunt apostemata melancholia adusta ut sunt cancri ipsi & talia, nam notate hoc, quoniam contra Auic. tenemus cancos esse apostemata calida per materiam adustam, non autem frigida sicut ipse opinatus est, ut infra patebit, ubi reponit cancerum in apostematibus frigidis, fiunt enim cancri à materia in se quidem frigida, sed tamen calida per adustionem; sed quare fiunt apostemata, & quomodo calida à materia calida per putrefactionem, ita quod uidelicet materia omnino putrida sit, neq; aliquid sit amplius in putrescere, dico quod tunc fiunt quum humores puta frigidi putrescant & per accidens fiunt calidi, ex illisq; generantur carbunculi, et talia apostemata pestilētia, quæ oriuntur tēpore pestilēti, sed hic quæri posset ab aliquo utrū aliqui abscessus sicut sūt illa tria nota apostematū, uidelicet melliceris atheromata & steatomata, dicitur autem melliceres quoniam est apostema pendens a materia putrefacta, unde quia illa materia quæ est in ipso abscessu assimilatur melli & cera dicitur melliceres, aliud uero dicitur atheroma, quoniam materia in illo existens est tanquam farina, siue tanquam quoddam pulti; tertium uero quoniam in eo materia existens assimilatur adipi, uidetur enim esse quoddam adeps, ideo dicitur steatoma; & sunt inter se diuersa

sa ista tria: quæritur ergo utrum uidelicet isti abscessus sint reponendi inter apostemata calida an inter frigida. Dico quòd sunt reponendi inter frigida. ò dices quomodo hoc possibile est cum fiant a materia putrida? dico quod sunt iam abscessus, non autem sunt iam amplius inflammationes, quoniam inflammatio tunc est cum membrum super calefit, & cum sit ipsorum humorum ebullitio in ipsis uenis, & ad talem inflammationem sequuntur illa accidentia, dolor, rubedo, pulsatio & nitentia, & fit quidem talis inflammatio à materia quæ putrescit, ideo a materia calida, sed postea cum fiunt abscessus illi, & exitura, sicut sunt ea quæ diximus supra, tunc calor abscedit & materia illa iam putrida omnino remanet, sed nō putrescit amplius, est autem calor præter naturam dum putrescit, sed calor ille putredinalis discedit cum omnino materia illa putruerit, quare in proposito modo dico quod illi abscessus fiunt à materia putrida, ergo à materia calida, nō ualeat, quoniam ut diximus est calida dum putrescit, non autem dum putruerit, ut est in proposito, quare remanet quòd illa sint reponenda inter frigida apostemata, non autem calida, & ita non erit alia differentia generalis quàm istæ quæ sunt numeratæ nobis, quoniam si bene perpenderitis uos inuenietis omnia reduci sub illas differentias. Apostematum ergo alia sunt calida, alia frigida: de calidis quomodo diuidantur patuit. Diximus autem quomodo fiunt apostemata calida a materia calida per se, & quomodo no-

minantur

minantur, quomodo etiam nominantur cum sunt compositæ materiæ ex quibus fiunt, ea autem dixit exempli gratia Auic. ut excitaret ingenia hominum, non quod iste esset locus tradendi illæ, nam bene cognouit etiam ipse alium esse locum in quo talia docenda sunt. Et inquit (Cum materia congregatur uocatur exitura,) Sed poterat bene facere sine hoc, dicit ergo quod cum materia illa congregatur inter spatium illud, quod est intra cutim & carnem, uocatur tunc abscessus, exitura siue ἄποσιμα à Græcis quomodocunque modo appelletis hoc supra quoque dicebamus. Deinde inquit. (Cumque exitura, &c.) Hodie erimus textuales, sumus enim deputati ad exponendum Auic. ideo oportet etiam legere ipsum textum, dubitabimusque ubi dubitandum erit. Postquam ergo diuiserimus primum membrum diuisionis, & iam patuerit de primo membro huius primi membri, accipiat modo secundum membrum quod erat quod apostemata calida fiunt alia à materia per accidens calida, hoc est per putrefactionem, quare hoc membrum declarans Auic. inquit. (Cumque exitura in carnibus fit laxis & sub asellis, & post auriculas & in inguinibus. & ex genere corrupto, quod in suo particulari loco nominabimus uocatur taum) . i. quomodo materia ipsa colligitur in paribus illis & carnibus & denosis, siue glândulis quæ dicuntur enunctoria, quoniam ad ea mittunt sua excrementa principalia membra ut in inguinibus, in glândulis quæ sunt sub asellis, post auriculas, siue sub gula,

la, quæ omnes partes dicuntur à Gal. partes glandosæ, tunc exituræ illæ siue abscessus dicuntur taum, & alio nomine quoq; appellabat ipse in tertia Fen quarti lib. pro taum enim dicebat altohim à Græcis ἀλθῆρες, carbunculi à latinis dici solent. fiunt ex materia toto suo genere putrefacta, ideo cum materia talis congregatur in partibus istis glandosis fiunt genera ista apostematum pessima & pestilentia, sed ad quid numerauerit hanc differentiam ego nescio, non erat hic locus in quo illam poneret, sed oportebat eum prætermittere hanc differentiam, quoniam attinebat ad alium locum, non dico totam differentiam, sed quoniam dixit de apostematibus, quæ fiunt in illis partibus glandosis, & in hoc non solum peccat hic, sed et inferius, quoniam istæ differentie prætermittendæ erant particulari parti medicinæ, sicut ipse met dixerat se facturum, oportebat enim diuidere hoc modo. Apostematum alia calida, alia frigida, calidorum alia quæ fiunt à materia calida secundum se, alia quæ à materia per accidens calida, non autem numerare quod fiant in inguinibus modo sub asellis, modo post aurículas, quoniam sunt differentie: postea illæ sumptæ à loco in quo fiunt quæ differentie sunt pene infinitæ, neq; enim solum fiunt ista apostemata calida propter putredinem in ipsis partibus glandosis, sed etiam in toto corpore tempore pestilenti. Postea inquit, (& apostemata quidem calida habent principium &c.) Hic modo Auic. uult sumere alias differentias apostematum calidorum ab ipsis temporibus,

poribus, uidelicet principio, augmento, statu, & declinatione, quæ differentiæ certe non erant hoc in loco connumerandæ. Ecce ergo quomodo nō menet in suo proposito, nam supra dixerat se prolaturum dictionem uniuersalem in apostematibus, tamen descendit ad particularia, quid enim refert de temporibus ipsis quando uolumus scire differentias apostematis, ut est apostema in uniuersali quo ad suam essentiam, idem enim est dicere, & ideo melius fecit Galenus in suo lib. de tumoribus præter naturam in sumendo differentias eius. Sed quoniam nunc exponimus ipsum Auic. ideo dicamus etiam nos de huiusmodi differentiis cum ipse quoq; dicat, inquit ergo. (Et apostemata quidem calida habent principium in quo humor ad exteriora egreditur & apparet quod concauitas augetur, deinde capacitas cum eo augetur & distendere postea stat; cum aggratio ad maiorem peruenit statum in quo esse debet, post incipit minui, & maturaturus, & declinat eius esse, aut ad resolutionem, &cæt.) Sed notate hic quod malæ egritudines non habent ipsam declinationem; eo quia declinatio stat in bonum, sed pro intelligentia dictorum notate quod apostemata possunt terminari per repercussionem, quoniam materia retrocedit reperiussa uidelicet. dicimusq; ipsum hoc modo per repercussionem terminari secundo per resolutionem discussionemue, quando uidelicet ipsa materia discutitur, aut per suppurationem ita quod fit erup-
ptio,

ptio, & exit pus ipsum, uel per indurationem, & cū
est ita induratum apostema dicitur sius. transit enim
materia illa in lapidositatem quandam uel per corru
ptionem ipsius membri, & tunc fit apostema dictum
ab Arabibus ipsis sphacelos siue aschachilos aliquan
do siue Gangræna, aduertendum tamen est quod dif
fert quodammodo Gangræna ab aschachilos, quoniā
dicitur Gangræna in principio, quando uidelicet mē
brum nondum corruptum est, sed tendit in corruptio
nem, dicitur autem aschachilos cum facta est omni
moda corruptio ipsius membri, ita quod reliquum est
solum incidere ipsum membrum, tres primi abscessus
sunt terminantes. i. habent suas declinationes, sed duo
ultimi sunt incurabiles, ideo neq; dicendum est quod
habeant declinationes, nam membra moriuntur uel
in augmento, uel in statu, quare non perueniunt ad
declinationem, nam scirrhum lapidosum scitis incurā
bilem esse, & sphacelos ut diximus est cum membrū
ipsum omnino corruptum est, quare isti abscessus nō
habent declinationem, quoniam cum deueniunt ad de
clinationem iam superatum est membrum, resolutio
autem & suppuratio sunt cum uidelicet fit exitura,
siue abscessus in membro, cum uidelicet materia ipsa
exierit intra spatium illud carnis cutisq; tunc enim
medici si sunt docti, & experti non utuntur ipsis re
percuſiuis, sed tentant discutere per resoluentia, uel
deducere ad suppurationem ipsam, uerum tamen est
quod si nō poteritis uti resolutione, oportebit uos uti
ducentibus ad ipsam suppurationem, quoniam faci
lius

lius est suppurari materiam, quàm discuti, sed unum
hic sciatis, quod in declinatione ipsius apostematis
sunt quædam symptomata, ut dolor, & febris quo-
niam in generatione puris febris & dolor accidunt,
sicut dicebat quoq; ille Hip. in aph. & inquit in tex.
Auic. (Et apostemata quidem calida habent
principium in quo tumor ad exteriora egre-
ditur, & apparet quod concauitas augetur)
idest principium apostematum, est cum uidelicet ma-
teria expellitur ab ipsis intrinsecis partibus ad exte-
riora. i. extra uenas, non autem expellitur ad exte-
riora, hoc est intra spatium illud quod est inter car-
nem, & cutim, neq; enim alio modo intelligere possu-
mus, quapropter id animaduertēs Andreas ille Alpa-
gi correxit suum tex. & dixit (in quo humor
expellitur) absq; hoc quod dicat ad exteriora, &
melius iacet quoniam stantem literā primo modo de-
ciperemur in exponendo eam illo modo quo diximus,
unde etiam dicit (& apparet quod concauitas
eius augetur,) fit enim extensio in dimensionibus,
tamen non adhuc facta est exitura, sed postea fit, ue-
rum non in ipso principio, & ideo in hoc multum est
falsus Auic. oportet quod colligatis flores ex Auic.
& dimittere spinas, quoniam sæpiissime fallit; unde di-
cam illud quod dicebam quoq; in expositione primæ
Fen primi huius, anno elapso, quod in Auic. sunt mul-
ta capita quæ non sunt digna Auic. uerum uos suma-
tis ex eo utilia, et ea quæ falsa sunt dimittatis, dicit
enim quædam in uno cap. quæ dicta sunt ab eodem in
eodem

eodem quoq; cap. iterum, & hoc est quoniam Auic. ut dixi aliàs composuit hunc librum magnum certe, & mirabilissimum, sed euentu mortis præuentus corrigere eum atq; emendare non potuit, itaq; relictus est nobis incorrectus, quare non est mirandum si idē bis repetatur tanquam sui oblitus, quoniam ipse conscribat sperans se emendaturum, & mirandum est de tanto homine, quoniam quis esset ille tempore nostro & si etiam esset maximus uir qui talem tantūq; librum componeret, & ita iuuenis, mortuus enim est suæ ætatis anno quadragesimo, quis esset ille quæso? Ego certe aliquando miror & stupidus maneo quoniam certe fuit maximus uir, ideo parcendum est ei, si quando uidetur errare neq; mirum est. (Deinde capacitas cum eò augetur, & distendere postea stat, cum ægritudo ad maiorem peruenit statum in quo esse debet, post incipit minui, tuncque dicitur declinatio, & maturatur pus & declinat eius esse aut ad resolutionem, cum uidelicet materia discutitur, aut ad puris collectionem, cum uidelicet fit suppuratio) sicut supra declarauimus (aut ad conuertendum in duritiem cum fit scirrhus,) postea cum compleuerit dare differentias quoad primū membrum principale diuisionis, nunc modo incipit declarare quoq; secundum membrum. dictum iam est quæ sint apostemata calida, quotupliciaq; à quibus materijs generantur, & inquit (non calida uero apostemata sunt aut de materia melanco-

lica

lica aut phlegmatica &c.) quasi dicat diximus quod apostematum alia sunt calida, alia frigida, de calidis dictum sit haftenus, dicamus modo de alijs uidelicet frigidis. (Non calida enim &c.) idest frigida apostemata aut sunt ex materia melancholica, aut phlegmatica, aut aquosa, aut uentosa, sed hic statim querendum est cur Auic. sit usus nomine priuatiuo, cum dixerit (non calida &c.) non autem nomine positiuo ut dixerit frigida autem &c. protulit autem hoc membrum infinito nomine quonia sunt quedam apostemata, quae non sunt calida, tamen neque sunt reponenda inter frigida, sicut sunt multa: ideo si dixisset apostematum alia calida, alia frigida, praetermisisset illa, & ita quis potuisset in eum calumniam conferre, quoniam illa neque sub calidis, neque sub frigidis poni possunt. Auic. ergo uidens id protulit hoc secundum membrum nomine infinito, quoniam nomen infinitum nihil reponit in specie, ideo cum dicit quod apostematum alia sunt non calida, non propter id excepit apostemata quae non sunt frigida, tamen neque sunt dicenda calida, quoniam si non sunt calida possunt esse modo uel frigida, uel non frigida, quae tamen calida esse non est dicendum, si protulisset autem nomine positiuo, tunc non potuissimus ponere ea quae non sunt calida, neque frigida, sub aliquo illorum membrorum, & ita fuisset manca diuisio, unde per hoc quoque posset se saluare Auic. à calumnia illata à nobis cum dixerimus quod male fecit Auic. qui posuit cancrum inter frigida apostemata, sicut melius quoque declarabimus,

clarabimus, posset enim dicere Auic. ego non reposui inter frigida apostemata, quoniam dixi esse non calidum, non enim propterea dixi esse frigidum, quoniam in eo est non manifestus calor, quoniam etiam adustio occulta fuit, ideo non possumus appellare cancerum esse calidum, sed neq; frigidum, sed ut dixi non calidum, hoc modo ergo posset se defendere Auic. à calumnia cum dixit (non calida autem &c.) sub hoc autem membro continentur & frigida membrorum apostemata, & media inter calida & frigida, inquit ergo (non calida autē apostemata sunt de materia melancholica, aut phlegmatica, aut aquosa, aut uentosa,) ecce quas differentias ponit Auic. non essentielles, cum sumat eas à materia ex qua fiunt ipsa apostemata, ideo sunt differentie non referende propter quod uidebitis quoque Auic. multa bis repetere & enumerare potius, quod nō est faciendum in bonis & uniuersalibus diuisionibus, & omne hoc prouenit quoniam non sumit differentias à ratione formali. dicebat enim Arist. primo de generatione animalium; qui bene non diuidit hoc est non facit diuisionem per membra formalia opposita, contingit ei idem bis repetere, ideo Auic. non debebat diuidere frigida apostemata, quoniam alia sunt quæ fiunt à melancholia, alia à pituita, alia ab aqua, alia uero à uento, sed melius fecisset, si hoc modo diuississet. Apostematum frigidorum alia sunt dura, alia mollia, postea iterum sumere primum membrum hoc est apostematum frigidorum durorum, alia sunt dura cum nigredine,

gredine, alia cum albedine, ecce enim quomodo diuisio ista facta est per differentias essentielles & formales quantum possibile est, sed apostemata frigida dura cum nigredine sunt postea illa quæ generantur ex materia melancholica, quæ uero cum albedine generantur à materia pituitosa. Deinde sumatis secundum membrum huius diuisionis, & diuidatis hoc modo, si apostemata fuerint frigida mollia tamen tunc aut cedunt tactui, ita quod cum tanguntur remanet fovea, aut non remanet fovea, cum tamen cedant tactui, si primo modo tunc fiunt à materia aquosa, si autem secundo modo tunc fiunt à pituita non indurata tamen, sed durorum etiam apostematum alia sunt cum sonitu cum uidelicet tanguntur, alia uero sine sonitu, cum sonitu sicut tympanitis, sine sonitu sicut sunt multa alia, hoc modo debet fieri recta diuisio per membra opposita formalia non autem per materiam distinguere apostemata, unde si eo modo diuideremus, uidelicet materialiter idē bis diceremus sicut dicebat Arist. & quod hoc modo sit uerum audiat Auic. in quas tricas deuenit, intricat enim seipsum potius quam explanet unde dicit, (Et illorum quidem quæ ex materia sunt melancholica tria sunt genera durities, cancer quorum plurimum sunt acuta, & glandularum genus ex quibus sunt scrofalæ & nodi &c.) Dicit ergo quod apostematum frigidorum generatorum ex melancholia tria sunt genera, cancer, durities & glandulæ. uerū est quidem quando reponitur cancer inter apostema

ta dura frigida, sed non recte facit postea cum reponat illum inter apostemata melancholica, hoc est generata ex melancholia, quoniam ueniamus postea ad aliud membrum diuisionis suæ hoc est quod apostemata alia sunt à materia pituitosa, tunc enim oportebit eum quoq; idem repetere, quoniam cancer non solum generatur ex materia melancholica, sed etiam ex materia pituitosa, sic quoq; durities fiunt à pituitosa materia, & glandulæ sicut dicit ipse generari ex melancholica, quod autem durities fieri possit tam ex melancholia quàm ex pituita, habetis apud Gal. in v. de simpliciū medicamentorum facultatibus cap. 7. & 8. & in illo 7. cata geni, sed quando fiunt à pituita tunc fiunt cum pituita capit musculos ipsos & partes adenosas, sed cum fiunt apostemata à melancholia, tunc sunt magis cæceroſi, ecce quomodo recte doceat Gal. docet aliquid credite mihi homo ille diuinus per rectā diuisionem non se intricando, ponit enim ibi primo unum genus uidelicet durities fieri ab humoribus frigidis, postea ingeniosissime peruestigat quot sint humores frigidi, tuncq; inuenit tantum duos esse humores frigidos, uidelicet pituitam & melācholiā, ideo durities cum fiant ab humoribus frigidis, uel non fient ex pituitosa, uel ex melancholica, ecce quæ diuīſio optima huius nominis, sed Auic. cogitur idem bis dicere, quoniam sumit differentias illas ab ipsa materia, non autem à rationibus formalibus, ideo non sunt semper ista apostemata ex materia melancholica, sed aliquando etiam à pituitosa. Sed hic unum notetis quod est

est multum difficile, & ita quidem difficile, ut isti expositores nihil dicant de hoc, sed omnes illud prætermittunt, quoniam nesciunt quid sibi uelit Auic. cum inquit (quorum plurima sunt autumnalia,) sed siue modo litera arabica habeat autumnalia, siue alio modo, ego nescio, quoniam non uidi neque enim peritus sum illius linguæ. unum est quod id aduertens quoq; Andreas Alpigi cum non uideret quomodo stare posset autumnalia, emendauit suum tex. & dixit (quorum plurima sunt acuta,) uel hoc fecit suo cerebro, uel ita iacet litera ego nescio, neq; mihi placet illa prima litera. Sed stante litera Andree insurgit postea dubitatio, quoniam dicit quod sunt acuta, tamen non solum non sunt acuta ista apostemata, sed etiam sunt chronica, imo chronicissima si liceat dicere; quid ergo dicemus ad hoc? Dico ad hoc quod quotiescunq; scirrhus à melancholia, & cancer tentantur curari, semper deterius se habent, de scirrhis simplicibus dicit hoc Gal. qui quidem pendent à melancholica materia, quoniam quanto magis curantur, tanto quoq; duriores fiunt & asperiores, & consequenter peiores, ita quod postea non possunt curari, sic quoq; cancri fiunt incurabiles quanto magis exasperantur, exasperantur autem uolendo curare eos, quod quidem experientia quotidiana comprobatum esse puto, unde bene quoq; propter hanc causam moderni nostri medici appellant eam noli me tangere, quia uidelicet si me tanges peior fiam noli me tangere, ob hanc causam durities, siue scirrhi & cancri dici possunt

possunt acuta apostemata secundū literam And. quoniam non solum appellamus morbos acutos qui sunt præcipientes citiq; in suis progressibus, ut dicitur de morbis illis acutis, de quibus Hip. sed etiam dicuntur oñs illi morbi qui quidem sunt præcipientes ad deueniendū in ultimam sui perniciem qualibet minima causa; unde quia cancer scirrhiq; minima aliqua causa tactu deueniunt in extremitatem malam ideo recte possunt apostemata acuta oñs, quare recte dicebat ille mite tractes cancer, & hoc modo quoq; Hipp. appellauit tempus acutum oñs, idest præceps tam ad bonum quam ad malum in primo aph. tex. primo. Vita breuis, ars longa, tempus acutum; hoc modo ergo canceri & durities dicuntur acuta, quoniam sunt præcipitia ad malitiam si tãgantur a minima causa leuiq; sicut exempli gratia nos quoq; appellamus hominem acutum, qui quidem minima causa tactus præceps est in iram, unde caueas hominem acutum hoc modo dixit Auic. quorum plurima sunt acuta, nolite ergo aggredi curationem cancerorum nisi mite. Postea inquit (Et glandularum generis ex quibus sunt scrophulæ & nodi.) Oportet quod declaremus quid sint istæ glandulæ, quoniam isti uestri medici nesciunt certe quid sint; glandulæ ergo sunt apostemata parua in corpore humano, pro quo notate primo sicut supra quoq; diximus, quod in corpore nostro sunt quædam partes glandosæ dictæ à Galeno carnes glandosæ, quæ sunt humidæ, ideo facilliter possunt intumescere & a quacunq; leui causa, possuntq; intumescere

mesecere propter quamlibet materiam, propter quā intumescunt quoq; aliæ partes corporis, cumq; istæ partes intumuerint illi tumores siue apostemata parua dicuntur scrophulæ, à Græcis uero χοιράδες, strumæ quoque alio modo nominantur a nostris, sed cum fiunt quædam durities etiam in toto corpore, ita quod tamen sint in spatio illo intra cutim & carnem, tunc dicuntur nodi, & possunt generari ab eadem materia a qua & strumæ ipse. sed sciendum quod aliquando habent folliculum proprium, aliquando autem non, & glandulæ quidem sunt exituræ siue abscessus, apostemata autem sunt cum nondum materia exiuit intra spatium illud, sed sicut diximus cum deuenit in illud spatium materia feceritq; exituram abscessus nominatur, & hoc modo sunt ipsæ glandulæ, tamen abscessus sunt frigidi, quoniam a materia generantur frigida, sed istorum abscessuum alij sunt duri, alij molles; dicamus primo de duris. istorum ergo abscessuum durorum, alij habent proprium folliculum alij uero non habent, qui habent proprium folliculum qui ut diximus generantur, aut a materia pituitosa, aut a melancholica, sed cum habent proprium folliculum dicuntur nodi, cum uero illum non habent dicuntur glandulæ, quæ figuntur in ipsa cuti separatæ tamen a substantia membri, cum ergo habent proprium folliculum aliquando fiunt maximi nodi, qui postea extirpari solent, sicut quoq; habebat Excellentissimus Dominus Franciscus Frizimelega, dicuntur autem uulgo tales nodi natæ, qui curauit sibi inciden-

dam cum ipsa quoque proprio folliculo, habebat autem eam in capite et sanatus est sicut uidetis quotidie eum, ideo cogetur etiam Auic. uenire ad hanc diuisionem, sed modo quodam intricato oportebat enim afferre solum hanc distinctionem, non autem communi uocabulo appellare glandulas istos duos abscessus, sed debebat dicere aut sunt cum certo proprioq; folliculo, & sic dicuntur nodi, aut sine proprio folliculo & sic sunt glandulae, & eo modo rectam dedisset distinctionem nobis.

LECTIO XXII.

DICEBAT in superiori lectione Auic. secundum membrum diuisionis principalis, quod (Apostemata alia sunt non calida,) cum iam tractasset de primo & iam diuisit hoc secundum membrum per quatuor materias, ex quibus fieri possunt talia apostemata non calida, alia enim a materia melancholica, alia a phlegmatica, alia ab aquosa, alia uero a uentosa, postea sumpsit adhuc primum membrum huius diuisionis, hoc est quod alia fiunt a materia melancholica, & in hoc genere posuit tria genera apostematum, duritiem, cancrum: & glandulas: de scirrhis & cācris dictum est a qua materia generari possunt, nunc dicamus quoque de glandulis ex qua materia fiunt, sicut de duritiibus & canceris. Dico igitur quod glandulae fieri possunt tam a materia pituitosa, quam a melancholica, ideo non bene fecit Auic. qui posuit illas in genere illorum apostematum, quae fiunt

ex melancholia, quoniam cogetur postea idem bis dicere, glandulæ autem sunt quædam apostemata quæ generantur in spatio illo intra cutim & carnē, sūtq; ex materia dura frigida, neq; enim debemus curare an fiant à pituita, an a melancholia, cum ab utrisq; possint generari, tamen secundum formam differunt, sicut uidebitis infra, sed scirrhus, siue durities sunt apostemata dura quæ possunt fieri in quocunq; membro ipsius corporis, quæ tamen habent omnes gradus quos habere debent omnia apostemata, sed glandulæ non habent illum primum gradum, quòd uidelicet sint apostemata, sed solum sunt abscessus qui fiunt in illo spatio carnis & cutis, neque habent locum determinatum quoniam ipsi substantiæ membri non miscentur, tamen adhærent ipsi superfici ei intrinsecæ membri, sin autem permiscentur toti substantiæ membri, aliæ tamen sunt glandulæ quæ solum continentur in superficie extranea, hæc est differentia quam dat Auic. in præsentia inter glandulas, & illa alia duo genera, hoc est durities & cancros quando ait, inter genus uero glandularum, & inter alia duo genera est differentia, eo quòd genera glandularum sunt separata ab eo, in quo stant, sicut glandulæ puræ aut superfici ei sunt retentiæ tantum, sicut scrofulæ, sed illa alia sunt mista & infusa in * membri in quo stant, sed aduertatis quoniam uidetur maxime intricatus hic Auic. quem nos secuti sumus huc usque in expositione eius, hic modo uidetur esse maxima cōfusio, quoniam si modo uerum est quod glandulæ sunt illa

illa apostemata quæ contingunt omnibus partibus adenosæ & glandosæ, tunc non uidetur esse uerum illud quod dicit hic Auic. quia istæ glandulæ non solum adhærent ipsi superficiei membri, sed etiam permixtæ omnino sunt toti substantiæ membri, neq; hoc negari potest, quoniam uidetis hoc patere sensui, quare uidetur quod Auic. nunquam uiderit istas glandulas, neq; eas cognouerit: sunt enim in tota membri substantia permixtæ ipsarum partium adenosarum, neque possunt contingere alijs partibus corporis. quàm istis glandosæ, sed tamen potissimum fieri solent in adenis colli, siue Gulæ, & ratio huius esse potest, quoniam cerebrum est frigidissimū membrum, ideo uapores ad se transmissos non potest ita aliquando concoquere, quare multa relinquuntur excrementa quæ postea transmittit ad emunctoria sua, cum uelit se purgare, non potens sustinere talia excrementa, sed emunctoria sua non sunt nisi partes illæ adenosæ colli, ideo transmittit sua excrementa ad illas & ita fiunt glandulæ, quoniam autem sæpe transmittit, ideo sæpe quoq; fiunt glandulæ in illis partibus. Ex quo apparet iam quomodo differentia quam dedit Auic. non est bona, cum inquit (quod glandularum aliæ sunt nodi, aliæ uero scrofulæ) nam nodus alius est qui dicitur à Græcis γόνα γλιον. prouenit artem propter laborem ipsum, cumq; tanguntur sunt duri, neque differunt à scirrhis in ipsa materia, ita quod nodi sunt scirrhi, sed differunt hoc modo inter se, quoniam dicuntur nodi propter

propter ipsum locum, quoniam dicebat Gal. nodos fieri circa chordas, nervos, & musculos, & adherent in superficie, & potius dicamus quod sunt quædam callositates, ex quo sumatis illum Manardum de ceptum fuisse, quoniam uoluit γόφυλα idem esse cum ijs quæ Arabes nominant * iam ego puto nos audiuisse et intellexisse quid sint glandulæ quidue nodi, accedamus modo ad reliqua quæ dixit Auic. in tex. (Inter genus uero glandularum & inter alia duo genera est differentia, eo quod genera glandularum, &c.) Notetis quoniam Auic. uult ponere differentiam inter illa tria genera apostematum numerata per modum coherentiæ, Et ita facit duas partes, in una quidem ponit differentiam inter glandularum genus & alia duo, in altera uero ponit differentiam illorum duorum inter se, sed falsum est illud quod fiant solum a melancholia, sicut diximus; dicit ergo quod glandulæ differunt à cancro, & à scirrho, quoniam glandulæ non miscentur toti substantiæ ipsius membri, sed aliæ adherent ipsi, aliæ uero omnino separatæ sunt ab illius substantia, suntq; in cute hoc est in illo spatio intra carnem & cutim, quæ omnia iam sunt declarata, sed illa duo miscentur toti substantiæ membri, & hoc est quod ait (inter genus uero &c.) Ponit deinde differentiam inter cancerum & scirrhum, quem Arabes quandoq; consueuerunt appellare sephiram, & inquit. (Et inter cancerum & duritiem est differentia, quoniam durities est apostema quic-

tum,

tum, sedatum, destruens sensum, permanēs in membro in eodem statu, cum quo non est dolor scirrhus non augetur, non diminuitur, non sentitur, quoniam non dolet membrum immobile,) *sed de cancro quid dicat auicenna* (& cancer est mobilis, addens, lædens, & habens radices innexas ipsi membro, neq; oportet ut per ipsum destruatur sensus, nisi elongatum fuerit eius tempus & mortificet eius membrum, & destruatur eius sensus, cancer ergo augetur, diminuitur, est enim mobilis quoque & dolet nisi quando deuenerit ad mortificationem, sed postea tunc non est cancer, sed Gangræna potius, estque inquietus,) *sed circa hoc quod dicit scirrhum destruere sensum, dico quod non est de essentia ipsius scirrhique destruat sensum, bene dicere uerum est quod scirrhus est incurabilis, neq; membrum patiens ipsum dolet, tamen propterea dicendum non est quod destruat sensum, quoniam aliud est quod in scirrho membrum non sentit, aliud uero quod scirrhus omnino destruat sensum ipsius membri, nam differt non sentire à destrui, ideo cum legimus Auic. oportet quod nos cribramus eum, quoniam multa quidem bona dicit, sed etiam multa mala falsa; permiscet, sed dicet propterea aliquis ex uobis, cur ergo legis Auicennam? dico quod ego lego quia melior est author omnibus qui sit dignus expositione, & si multa falsa dicat, quem enim reperiemus legendum præter Auic. ex his qui*
conscri-

conscripterunt à Galeno in quo sint tanta bona quanta in ipso Auicenna: neq; enim poteritis assequi Gal. quoniam qui debet eum assequi, oportet habere aliū altiore discursum quam uestros, neq; enim quilibet potest assequi ipsum. sed redeamus modo ad propositum nostrum, (cancer quoque habet radices ipsas fundatas quoniam pendet à materia melancholica) in hoc enim tantum uerum dixit Auic. de cancro ponendo ipsum in hoc membro diuisionis, quod fiat uidelicet à materia melancholica, habetq; tales radices quodam modo nigras & inuolutas, ita quod uidetur esse animal, quoniam est mobilis & proprie potest assimilari ipsi cancro aquatico animali, ob id etiam existimandum est appellatum esse cancerum, uerum diximus eum habere nō solum radices, sed adiunximus fundatas, eaq; de causa difficillimus est curatu, nam sunt radices magnæ, & ideo oportet, si curari debet, omnes illas radices omnino destruere, quoniam si minima relictæ fuerit, periculum imminet ne iterum accedat, & quia difficillime omnes extirpantur, ideo difficillime quoq; curatur, & cum deuenierit ad mortificationem ipsum membrum, tunc destructio sensus causatur, sicut cum scirrhus omnino induratus est ita quod in omnimodam lapidositatem deuenit destruitur sensus, & ratio huius est, quia cum est omnino induratum ipsum membrum, tunc sensitiva qualitas pertransire non potest, ideo neq; potest fieri sensatio. iste homo poterat facere differentias quas nos diximus supra, neq; processisset hoc modo confuso,

confuso, nunc cogitur modo etiā deuenire ad ea, quæ
omnino dicenda erant in principio & in toto hoc tra-
ctatu pertinentia, quoniam & si cancer & scirrhus
essent idem per materiam, quoniam fiant ab eadem
materia, tamen differre dicendum est per eorum ac-
cidentia essentialia & inseparabilia, saltem cum per
differentias substantiales differre non possimus cogno-
scere, nam cum ultimæ differentie rerum latent, si-
cut docebamus nos quoq; supra, possumus uti acciden-
tibus inseparabilibus ad diuisionem ipsarum rerum,
& hoc est quod inquit in litera. Deueniamus modo
ad alia, dicit Auic. (apostemata uerò dura me-
lancholica plerunque &c.) Dicit quod scirrhi
aliquando fiunt incipiendo, aliquando autem non in-
cipiendo, sed cum eos antecesserit aliquod aliud apo-
stema, sed sæpius fit scirrhus non incipiendo, raro au-
tem fiunt incipiendo, quoniam ut plurimum ipsos an-
tecedit erysipelas, ita quod erysipelate mutantur in
scirrhos sicut dicebat Gal. in illis lib. 13. & 14. me-
thodi medendi, & in illo secundo de arte curatiua ad
Glauc. aliquando etiam inflammatio præcedit eos, ita
quod cum curare uolueritis eam applicetis medica-
menta uel infrigidantia, uel calefacientia, tunc enim
induratur ipsum membrum ex quibuslibet istorum,
& hoc modo fit scirrhus, per calefacientia quidem
resoluendo induratur, per infrigidantia uerò conge-
lando & cōstipando, sed etiam si sæpe erysipelas mu-
tetur in scirrhum, tamen sæpius euenit quod scirrhi
fiant præcedentibus pblegmonibus, hoc est inflamma-
tionibus,

tionibus, sicut inquit in tex. Auic. quoniam in inflammationibus sanguis dominatur, sed sanguis facilliter mutatur in melancholiam, cuius rei signum est, quod illi qui sunt sanguineæ naturæ sunt sepius facti melancholici, nam cum sanguis sit facilis conuersionis in melancholiam, in sanguineis autem sanguis dominatur, ideo facillime quoque sanguinei uertuntur in melancholicos, sicut nos uidimus sepius multos Venetijs præcipue & insignes quidem uiros, præcipue tamen quendam medicum insignem, qui sit autem iste credo quod sint hic aliqui, qui me intelligant, & hæc est cum hoc quandoque contingit in phlegmaticis. Ecce quomodo Auic. cogitur tandem deuenire ad id, quod nos supra declarauimus, quod maxime inconuenit in scientia diuisiua, nam repetit idem bis, cum enim posuerit scirrhum inter melancholica apostemata, nunc modo uult quoque ponere ipsum inter phlegmatica, quod facere non cogeretur si diuisionem perfecisset eo modo quo dicebamus, sed tamen hic quis posset eum defendere, quoniam & si uideatur contradicere Gal. tamē non propter hoc damnandus, quoniam ipse fuit in ea opinione contra Gal. ideo manens in suis principijs iam iactis, aliter dicere non poterat, nam uult ipse in prima Fen huius primi, sicut anno elapso exponebamus, quod melancholia possit fieri ex phlegmate, quādo uidelicet phlegma exiccatur tunc enim uertitur in melancholiam, ideo cum posuit scirrhum inter apostemata ipsa melancholica non male fecit, quoniā non fit à phlegmate immediate, sed solum ex melancholia,

lia, quoniam si fiat à phlegmate tamē mediate fit, quoniam phlegma uertitur primo in melancholiam, per exiccationem ipsius. quare Auic. & si contradicat Gal. tamen non est damnandus, quoniam stat in suis principijs, eiusq; fuit opinionis, ideo dico quòd non possemus nos destruere ipsum, quatenus ad hoc quia in hoc contradicat Gal. & alijs Græcis, qui à Gal. cōscripserunt, sed oportet primo tollere ipsius principia, & destruere illius positionem, quo ad principia, postea de se tolletur quoq; hoc quod sequitur ex illa positione, sicut memoria tenere debetis. credo quod sciatis me anno elapso cum legerem illam primā Fen, in qua posuit illam suam opinionem, destruxisse illam, & ei contradixisse, quoniam contradiceret ipse Galeno, & Græcis alijs authoribus, & ipsi sensui ueritatiq; plurimaq; argumenta ad hoc adduximus, primo quidem, quoniam melancholia non potest fieri ex phlegmate exiccato & consequenter indurato, ratio huius est quia melancholia, quanto magis indurefcit & exiccatur tanto magis nigrior fit, sed quanto magis pituita ipsa induratur tanto magis albior fit, ideo ex pituita indurata non potest fieri melancholia, secundo dicebamus quod hoc contradicit sensui, quia si illa potest esse uera sequetur quod podagra & multi alij morbi tales fierent omnes ex melancholia, & essent cancerosi, tamen fiunt à pituitosa materia, cū hæc sint inconuenientia, ergo & illa positio falsa est, ex qua consequantur multa alia quæ adduxi ad hoc argumenta, quæ cum iam dicta sint alio loco, non pu-

to referenda esse in præsentia, sed tantum ista sufficiant pro incitandis premonendisq; ingenijs uestris, ut sciatis principaliter esse falsa, & ista quæ consequuntur ex principijs, remitto enim me ad primam Fen lectam. Dicit Auic. (phlegmaticorum uero apostematum genus in duas diuiditur species &c.) nunc modo ex quo distinxit differentias apostematum frigidorum generatorum ex melancholica materia, consequens est ut dicat de differentijs generatorum ex phlegmatica, & cogitur idem bis dicere, quoniam non sunt bonæ differentię, quas ipse posuit hic, neque formaliter sumptæ. Et uideatis quæso quam differentiam det hic homo, inquit enim quod apostematum phlegmaticorum, alia sunt laxa, alia uero glandulæ molles, ista autem apostemata laxa sunt sicut cedemata à uulgaribus dicta undimie, quæ sunt apostemata mollia, quoniam cum tanguntur cedunt & remanet quædam fouea, sed uideatis modo quomodo erret hic, quoniam appellat talia apostemata laxa, si enim per laxa intelligat quæ quidem non cedunt, sed cum tanguntur resiliunt & dissiliunt sicut sunt aquosa, aqua enim cum premitur tactui nõ cedit, sed dissilit, ita quod in ea non remanet aliqua fouea, tunc dico quod nugatur, & idem bis repetit ut patet, si autem per laxa intellexit mollia quæ cedunt tactui, tunc transgressus est suum genus, quoniam non solum mollia sunt laxa, sed alia quoq; apostemata quæ non sunt mollia, quare per laxa non solum possumus intelligere magis mollia, quàm nõ mol-

lia, sed quomocunque sit satis est quod diuisit suo modo, credatis mihi. Et distinguit apostemata laxa à glandulis, quas supra posuerat inter apostemata melancholica, ecce ergo quomodo iterum cogatur ponere quoque glandulas inter phlegmatica & inquit. (Et hæc quidem differunt quoniam glandulæ sunt separatæ & inuolutæ in coopertorio, & apostema laxum est mistum & non separatum,) idest glandulæ sunt inuolutæ in proprio coopertorio, habent proprium folliculū, oblitus sui Auic. qui posuit supra glandulas esse cum non habent proprium folliculum, sed pro eo saltem dicendum est quod intellexit omnes abscessus illos, qui quidem generantur ex phlegmate, & continentur in spatio intra cutim & carnem, habentes proprium folliculum, quiq; sunt molles ut sunt apud Græcos illa tria genera apostematum μελλινῆς in quo materia existens similatur melli & ceræ, σιχαῖμα in quo est materia similis farinæ & αἰερῶματα quæ omnia dicuntur in genere σήματα, quæ sunt apostemata laxa, quæ fiunt ex materia putrefacta, imo aliquando est tam putrefacta ut dicebat Gal. in lib. illo de tumoribus præter naturam, quod in ipsis inueniuntur multæ res putres sicut ossa, pili, ligna, et talia, quod non proueniret nisi quando materia est satis putrefacta, et quo etiam potestis uidere aliquando homines qui male uiuunt, et mulieres habentes malos humores in uentriculo sæpe euomere ossa, ligna et huiusmodi miranda uulgaribus. Sed nescio quomodo iste homo inculca-

uerit

uerit differentias sumptas à tempore, quæ potius dicende erant postea, attinent enim ad particularem praxim non ad hanc uniuersalem speculationem, dicit ergo (apostemata præterea hyemis plerunque sunt phlegmatica, ita ut illorū quæ sunt calida sunt coloris albi.) Dicit quod apostemata quæ contingunt in hyeme sunt potius de genere phlegmaticorum, quam aliorum, quoniã hyeme phlegma dominatur iuxta illud quoq; Hipp. in tertia particula aph. neq; enim fierent phlegmatica præter aliquam rationem in hyeme sæpius quàm alijs temporibus, & quàm alia in hyeme generentur, dicimus autem hoc esse in causa, quoniam abundat pituita tempore hyemali, postea inquit (& glandulæ quidẽ & his similia a nodorum differunt nodositate, eo quod nodositas magis fit in suo loco mansiua, & eius tactus nodosus sentitur, & cum figendo tangitur, spargitur & ad suum locum redit,) nodi ergo qui à Græcis dicuntur γάγγλις habent istas conditiones alias ab ipsis glandulis, quod adherent ipsi membro, sed præcipue neruo, chordæ, & ideo etiam cum tangitur cedit non nisi quia & subiectum in quo est spargitur & cedit uidelicet nerui & chordæ, sed postea redit ad pristinum locum remoto prementi, & cum forti medicamine spargitur absq; comprehensione non redit, & plurimum eius accidit propter laborem, & destruitur propter ponderositatem, sicut plumbum & eius similia, per reperiectia ergo aggrauantia, & pre-

mentia medentur isti nodi, sed hic non possum non notare illud erratum nostrorum modernorum medicorum, qui uidentes medicos antiquos super nodos imponere ponderantia sicut plumbum, ipsi postea conuerterunt se quoque ut imponerent ipsis scrofulis, cum tamen debeamus cauere ne imponamus ipsis scrofulis, & calida & frigida, calida quidem nimium resoluedo indurant (sicut supra quoque dictum est) frigida uero exprimendo illud quod est humidum, & ideo indurant, exiccantque, bene acceperunt isti imponendum esse plumbum ipsis nodis ab antiquis medicis, sicut ab Auic. hoc in loco, ratio autem huius est quia cum nodi permaneant in eodem loco, & adhæreant ipsi membro, ideo per aliquod imponderans impostum facile possunt dissilire & ita sanari, sed in scrofulis & alijs apostematibus est nō agendum hoc & credite mihi quod requiritur aliud medicamentum quam plumbum, quoniam non solum adhærent ipsi membro, sed mista sunt toti substantiæ membri, neque per aliquod ponderans possunt dissilire, sed oportet quod alia moliamur medicamenta. Et queso uideatis quā inapte deuenierint in hanc fatuitatem, quoniam uiderunt glandulas, seu scrofulas esse duras, & nodi sunt duri, ideo non solum possumus imponere ponderantia nodis, sed etiam ipsis scrofulis, o pulchrum, o bonam dialecticam didicerunt isti, ecce enim quomodo arguunt in secunda figura duabus propositionibus affirmatiuis, quod quidem quantum sit absonum scitis ex Arist. nam ita arguunt, isti nodi sunt duri, & eis conue-

conueniunt ponderantia ad hoc ut dissoluantur, sicut plumbum, & consimilia, sed scrofulæ sunt duræ, ergo scrofulis idem conueniet quod nodis, ita quod uni conuenit, oportet etiam alteri conuenire, o pulchrū argumentum, uideatis quæso; non enim uident quod & si ambo sint dura, tamen nodi adhærent solum ipsi superfici ei membri, sed scrofulæ sunt mixtæ substantiæ membri, ideo requirunt alia medicamenta quàm plumbum.

LECTIO XXIII.

DICEBAMVS quemadmodum Auic. circa diuisionem apostematum frigidorū per materias tandem coactus fuit idem bis dicere secundum uerissimā regulam ipsius Aristot. datam, ideo ne cogamur nos idem bis repetere, nisi forte gratia doctrinæ facilioꝝ, uolo hoc mane dare completam diuisionem ipsorum apostematum frigidorum, non per materias ut Auic. sed per differentias non dicā essentialia sed saltem propinquas ipsis essentialibus; dicamus igitur omne apostema frigidum aut resistit tactui, aut cedit; ecce quomodo datæ sunt istæ differentiæ à modo fere essentiali & necessario, a naturali uidelicet potentia & impotentia, & est propinqua diuisioni essentiali; postea sumatis illud primum membrum, si resistit tactui, uel est cum sonitu, uel est sine sonitu, si est cum sonitu tunc est durum & flatuosum, quoniam repletur flatu, & ita facit duritiem. nam superius dicebamus posse fieri tripliciter durum aliquid secundum ip-

sum Galenum uno modo per exiccationem & arefactionem, sicut lignum, alio modo uero per congelationem ut est aqua cum congelatur, sitq; glacies, sed neq; his modis dura sunt ista apostemata, sed tertio modo, cum uidelicet repleantur, & per illam repletionem indurescunt, nam repleretur flatu, hoc autem proprium habet flatus, ut cum aliquid sit eo repletum, sonet. Quare cum uidebimus apostemata cum sonitu, tunc dicemus ea dependere à flatu, sicut patet in specie hydropis quæ appellatur *τὸν πᾶντίς*, quæ per illum sonitum distinguitur ab hydrope aquosa, sicut uidebimus quoq; melius infra, si autem non est cum sonitu, tunc aut est cum extensione cutis, aut est sine extensione cutis, quoniam si non sonat tamen est durum, tunc oportet quod sit aut cum extensione cutis, & tunc aut sonabit .i. flatuabit, aut fluctuabit, sicut aqua, aut non fluctuabit, si fluctuabit tunc est aquosum apostema, si non fluctuabit tamen est durum, tunc est pituitosum .i. generatum ex phlegmate crasso uiscoso, nam quoniam pituita illa replet ideo durum est etiam cum extensione cutis, tamen quia uiscosa & uiscida est, ideo adheret superficiebus uacuitatis illius, & propterea non fluctuat, & istud est primum membrum; postea sumatis secundum, uel est sine extensione cutis, tamen resistit tactui, tunc ergo aut exasperatur ipsis medicamentis adhibitis, aut dulcescit, si exasperatur, tunc signum est quod sit à melancholica materia, si autem dulcescit tunc sit à materia pituitosa crassa. his uisis ac expeditis sumamus modo secundum

dum membrum principale ipsius diuisionis, (uel cedit ergo tactui,) si ergo cedit tactui, uel retrocedit, uel dissilit, sed si quis dicat non te intelligo, de-claro tunc me intelligere apostema cedere, retroce-dendo, cum uidelicet tangendo facit foueam, per dis-silire uero ego intelligo quando uidelicet non retro-cedit, sed refugit & dissipatur, neq; remanet fouea, sicut exempli gratia dicimus aquam dissilire, tamen non retrocedere, quoniam cum eam premimus disti-patur, & facimus quidem foueam, ita tamen quod re-manet illa, & tunc habet diuersam materiam ab eo quod retrocedit; si retrocedit, uel est cum fluctua-tione, uel sine fluctuatione, si est sine fluctuatione & cedit tactui neq; est cum extensione cutis, tunc gene-ratum est ex uentosa materia, si autem est cū fluctua-tione tunc generatum est ex materia aquosa, si disti-liunt tunc sunt aliqua aquosa. Ecce modo quæ diui-sio sit ista perfecta, habetis enim hic differentias om-nes apostematum frigidorum, neq; sunt plures neque pauciores, siue modo sint glandulæ, siue alia quælibet apostemata, ideo necessarium erat diuidere per acci-dentia inseparabilia propinqua differentijs ipsis es-sentialibus, & formalibus, si uolebamus seruare re-ctam doctrinam diuidendi, non autē diuidere per ma-terias sicut fecit Auic. sed nunc reliquum est quoniam sumus interpretes Auic. ut repetamus cum ipso mo-do Auic. qui inquit. (Et tibi quidem sciendum est quòd apostemata phlegmatica diuersifi-cantur secundū diuersitatē grossitie phleg-

matis & mollitiei ipsius &c.) Ecce quomodo cogatur Auic. repetere & enumerare potius quàm diuidere, & in eundem scopulum incidit sine utilitate, omnia enim ista poterat comprehendere sub membris diuisionis à nobis traditæ, dicit enim quod phlegmatica apostemata differunt secundum qualitatem materiæ ex quibus fiunt, quia aliquando illa pituita est mollis, aliquando dura, aliquando subtilis & laxa, dura autem aliquando ita ut melancholicis assimilentur, quandoq; autem uentosa, postea inquit (phlegma præterea subtile multoties descendit in rheumatismis in uacuitatem, quæ est in uillis neruorum, ita ut perueniat ad musculos qui sub epigloto, & ad ea, quæ sub istis &c.) Dat nunc quasdam differentias apostematum particulares quæ ad præsens negotium non attinebant sumptas à locis in quibus fiunt apostemata, neq; enim debebat ponere eas hoc in loco, sed referendæ erant postea in tertio & quarto lib. ubi de his tractat particulariter; sed aduertatis quod apud Arabes idem est epiglotis, quod apud Græcos larinx, quæ est composita ex tribus ossibus siue cartilaginibus, sicut uidistis in anatome præterita. inquit ergo Auic. quod aliquando descendit phlegma subtile ex capite & deueniens per epiglotum uenit tandem ad musculos ipsius epiglotidis, & ibi fiunt apostemata: uidete quæso quæ differentię sint istæ: nam si uellemus dare omnes differentias quæ dici possunt, sumptæ uidelicet à particularibus, ingrederemur magnum pelagus, ita quod

non

non possemus diuidere sed potius esset narrare per historiam & enumerare, tamen placuit Auic. ponere hic istas aliquas differentias, ex quo autem ipse non dederat primo essentiales differentias, ideo cogitur historice numerare: inquit ergo (Aquosa autem apostemata sunt sicut hydropisis, hernia aquosa, & sicut apostema quod accidit in craneo de aquositate & similia, & cæt.) Hoc modo scire non est scire a natura rei Domini, debetis autem scire quod hernia est tumor aquosus qui generatur, quando uidelicet exempli gratia aqua descendit in ipsum scrotum, tunc enim inflatur scrotum & apostematur, a Latinis autem nostris dicitur ramex. Queritur ergo, cum est ramex non aquosus, sed uel intestinalis, uel omentalis, sub quo genere sit reponendus, siue sub qua differentia, non enim possum uidere sub qua differentia reduci possit earum, dico, quæ datæ sunt hic ab Auic. non enim potest dici apostema sanguineum, non pituitosum, non melancholicum, non biliosum, non aquosum, non uentosum; sub quod ergo ponetur? uidetur ergo quod sit alia quoque differentia, quam non numerauit Auic. dico ergo quod scire debetis ramicem, siue intestinalem, siue omentalem esse morbum non compositum, sed simplicem, in genere uidelicet compositionis, & in situ quidem, est autem tunc morbus in situ, cum aliquod membrum mutat suum locum & cedit ad alium locum, sic quoq; in ramice omentoso omentum ipsum mutat suum locum, & descen-

dit

dit in ipsum scrotum, in intestinali uero intestina. Et ideo cum sint morbi simplices in situ non sunt apostemata. sic propemodum dicamus quod ramex carnosus non est apostema, sed est simplex morbus in genere compositionis, et in magnitudine ipsa, nam magis excrescit scrotum quam oporteat; quare ad dubitationem respondetur, quod non reducuntur sub alia quod illorum genus apostematum, cum non sint apostemata, sed morbi simplices. Sed Auic. bene dixit herniam aquosam esse apostema, et sicut apostema quod accidit in cerebro dicebat Auic. congregatur enim acquositas illa in cerebro, et ita facit apostema; sed precipue hoc euenit in pueris. possibile enim magis est quod aqua illa colligatur in cerebro puero- rum, quam in aliorum cerebro: Et ego uidi aliquando pueros laborantes tali apostemate, qui habebant maius caput quam reliquum totius corporis, quod quidem apostema dicitur à Græcis ὑδρονέφαλον, et cum aliquando quidam chirurgus uellet secare tale apostema, statim inciso ipse puer in eius brachijs mortuus est. unò etiam fiunt talia apostemata sub gutture magna quidem, et ego uidi semel quandā puellam habere tale apostema quod cum moderate incisum fecisset curata est, dicuntur autem à nostris uulgaribus gosl. Postea inquit Auic. (Et uentosa quidem apostemata secundum duas diuersificantur species, una est cachexia, altera est inflatio, &c.) Nunc modo accedit ad primam differentiam apostematum uidelicet uentosorum, et inquit quod

quod eorum aliud est quod dicitur cachexia, aliud uero inflatio. postea inquit dans differentiam inter ista duo (Inter cachexiam autem & inflationem est differentia duobus modis, una est essentia, & altera est commistura.) Postea declarat se, & declaratio huius est quod uentus huiusmodi in cachexia est admistus in substantia ipsius membri, sed in inflatione est separatus & aggregatus & non admistus membro, idest horum duorum apostematum aliud est separatum in spatio illo existens, quod est inter carnem & cutim, sicut in ipsa tympanitide, hydropes, & tunc dicitur inflatio, aliquando autem ipse uentus non est separatus, sed est commistus toti substantiæ ipsius membri, & tunc dicitur cachexia, & cum nocetur aliquod membrum principale, sicut esset ipsum hepar, tuncq; apostemetur dicitur cachexia, quoniam apostema omnino est in substantia membri illius, & cachexia quidem hepatis, postea facit hydropem, quoniam propter illud apostema debilitatur calor innatus, pro cuius rei intelligentia aduertitis quod cum calor innatus est debilitatus, tunc propter ipsius imbecillitatem non potest concoqui alimentum, sed generantur ipsi flatus loco spirituum, & ita penetrant ipsum abdomen & fit species illa hydropis dicta tympanitis, si autem secundum gradus magis calor refrigeratus fuerit & debilitatus, tunc non solum non generantur spiritus, sed & flatus ipsi incrassantur & fit aquositas quædam, quæ ingrediens abdomen facit secundam speciem hydropis, quæ dicitur

tur ascitis, nam ipsi flatus & uapores incrassati uertuntur in pluuiam & aquam, sicut dicebat ille magnus Alexander Aphrod. in primo libro quæst. naturalium cap. 4. si recte memini, nam cum calor primo non potest dominari ipsi alimento, neque potest conuertere ipsum in bonum sanguinem conuertit saltem in sanguinem flatuosum. Cum uero non potest ita dominari ut uertat ipsum in flatuosum, uertit saltem in aquosum, & sciatis quidem quod primo fit cachexia, postea uerò fit anasarca, quæ est uera hydrops totius corporis. cachexia ergo minor est quam hydrops. quare contingit aliquando apostema in parte uentris inferioris, & est mistum ipsi toti substantiæ non autem separatum, cum tamen ibi deberet esse bonus spiritus, sed generantur propter imbecillitatem caloris flatus, & ita fit postea hydrops tympanitis, quæ est postea, non cachexia, sed inflatio dicenda. Sed cum magis debilitatur calor flatus condensantur, & ita per gradus fit aqua inter cutim, secunda uerò species hydropis. tandem deuenitur ad tertiam speciem, quæ anasarca dici solet, cum uidelicet totum corpus inflatur, & hoc modo habetis completam differentiam inter cachexiam & inflationem. declarat ergo se Auic. quando inquit (Declaratio istius est, &c.) Quando dicit quod differunt in essentia, denotat quia cachexia est in modo substantiæ, sed inflatio est separata. Cachexia etiam cedit tactui, in exituris autem ipsis non est aliquo modo casto, nec remanet fouea, cum premuntur isti sunt modi substantiæ

tie quodammodo naturalis potentia & impotentia. præterea est alia differentia, quoniam in cachexia non est sonitus cum non sit intra aliquod spatium, sed commissa in tota substantia ipsius membri, inflatio autem potest sonare, quoniam est separata in illo spatium. postea inquit Auic. (Et cachexiam quidē inuenit sensus mollem, sed inflatio resistit sensui resistentia, aut multa, aut pauca,) dicit ergo quod cachexia mollis est, cedit enim, neque resistit ipsi tactui, nam cum sit in tota substantia membri, non est possibile quod resistat, bene dissilit per dissipationem ipsius membri & cedit, sed inflatio modo resistit aut multum, aut parum secundum eius duritiam; & est facilis ratio ista: transeamus ergo ad alia apostemata. si recte memoria tenetis erant in duplici differentia in principio huius tractatus, alia enim erant intra cutim, alia uero supra cutim; quoniam iam expeditum est de illis quæ sunt infra cutim ueniamus modo ad ea quæ sunt supra cutim, dicunturq; apostemata cutanea à Græcis in genere ἐξενθήματα. Auic. autem in litera inquit (Amplius bothor sunt secundum numerum apostematū, &c.) Pusula seu bothor sunt apostemata cutanea, quorum differentias assignat Auic. proportionem respondentem ipsis differentiis sumptis a materia, quæ datæ sunt in apostematibus supra, & ideo quemadmodum differentie proportionem quadam correspondent differentijs apostematum, cause quoque earum correspondebunt causis ipsorum apostematum, nam

supra

supra quoque assignabamus causas cur modo fierent magis apostemata, modo uero pustulæ, & assignabamus esse tum propter crassitiem tenuitatemq; materiæ fortitudinem & debilitatem ipsius uirtutis expulsiue. nam cum fuerit aliqua materia peccans, tunc natura seu uirtus expulsiua insurgit grauata ut illam expellat, sed si est debilis transmittit eam solum ad musculos, & ita fiunt ibi apostemata, si uero materia tenuis uerit magis expellitur, quoniam transit facilius poros membrorum intrinsecorū, sed ultra hoc quod materia sit tenuis si uirtus expulsiua fuerit fortis tunc transmittit illam materiam usque ad cutim, cum tamen sua intentio esset transmittere eam omnino extra corpus, sed materia quidē pertransit poros partium intrinsecarum cum sint lati, sed cum peruenit ad cutim non potest ultra progredi, quoniam pori ipsius cutis sunt strictiores propter aerem ambientem condensantem, & ita fiunt apostemata cutanea, quæ dicuntur bothor ab Arabibus, differunt postea secundum differentiam humorū peccantium. sicut ergo apostemata fiebant aut à sanguine, & c. ita quoque bothor fiunt aut a sanguine, aut pituita, aut ex cholera flaua, aut melancholia, aut aqua, aut flatu, sed aduertatis quoniam hic Auic. multum decipitur, nam sunt ferè tot mendacia quot uerba, estote ergo atenti; inquit ergo (Amplius bothor sunt secundum numerum apostematum) hoc transeat, subiungit deinde (Eorum enim aliæ sunt sangninx, sicut uariolæ).

hoc falsum est, quoniam nos dicemus quod uariolæ fiunt ab humore putrefacto, non autem a sanguine, postea inquit ulterius (Aliæ ex cholera rubea fiunt sicut materiæ cholericæ, & desudationes) Hoc quoque falsum est, quod desudationes fiant ex cholera rubea pura ; ut intelligatis autem hoc, sciatis quod desudationes sunt pustulæ parvæ et fiunt propter sudorem in æstate uidelicet quæ dicuntur à Græcis ὕδρῶν à nostris uulgaribus fersia, quæ quidem generantur ex humore seroso, non autem à cholera rubea pura, sicut inquit Auic. nam excitant pruritus sicut sciiis, humor autem scirrhusus huius est causa, cum sit falsus & plurimum à bile uero pura fiunt herpes, à parte uero sanguinis serosa fiunt istæ desudationes sicut sunt esseræ illæ quoque quæ sunt pustulæ parvæ & ipsæ statim accedentes & recedentes excitantes pruritus magnum, quæ fiunt & ipsæ à parte flatuosa & serosa ipsius sanguinis, non autem fiunt à pura bile, nam si essent à pura bile siue esseræ siue desudationes, tunc sequeretur quod eroderent sicut herpes, sed hoc falsum est, ut patet ipsi sensui ; transit ad alia & inquit. (Et aliæ sunt ex eis mistæ sicut morbillus & formica, & clauus, & scabies, & uerrucæ, & horum similia,) hoc quoque falsum est, quod morbillus fiat ex materia mista sicut dicemus, sed est alius turpior error quando dicit (Verrucam, & clauum fieri quoque ex materia mista) & est ita magnus error iste Auic. ut Leoniceus quoque meus præceptor, & ille

Manardus fecerint quandam inuectiuam in ipsum, uiderunt enim & ipsi hunc errorem, neque ego possum illum excusare in hoc. formicæ autem dist. à Græcis μύρμηκες sunt pustulæ, quas dicit Auicenna fieri ex materia mista, postea est clauus qui à uulgaribus nostris dicitur callus, uerruca autem dicitur porrus a nostris quoque sunt unum & idem, & si Auic. posuerit eam tanquam duo, hæc tamen differentia intercedit quod callus insidet, sed porrus habet suas radices infixas, & callus cum hoc quod insidet habet latitudinem, fiunt autem clauus & porrus, aut ex materia pituitosa, aut melancholia, non autem (ut inquit Auic.) ex materia mista. postea inquit. (Et plerunque sunt aquosæ sicut ampullæ, & uentosæ sicut sunt inflaturæ) Ego autem dico quod ampullæ non fiunt ex materia aquosa, sed bene fiunt ex materia uentosa, sed illæ pustulæ quæ sunt ab aqua dicuntur ὑδατίδες, non autem ampullæ φλέγιτιδες, quare ego nescio quomodo in omnibus fræ istis uerbis aberrauerit. ἐμψίσματα uerò nō sunt apostemata cutanea, sed quotiescunque inflatio est infra cutim, quæ alio modo curari solent ab ipso Gal. quæ ὑδατίδες, sed quomodocunque sit, saltem habemus quod non debemus in hoc consentire ipsi Auic. uidistis quam doctrinam sit sequutus tractans de his apostematibus, quod quidem ipse quoque præuidens dixit in fine tandem huius cap. (Tu autem in lib. 4. inuenies distinctionem, quæ sibi in dispositionibus sufficiet apostematum & bothor,

de

de qua conueniens est ut in ipso sit si Deus uoluerit,) Sed aduertatis quod cum fuerit confusus in hoc capite huius secundæ Fen primi lib. tamen confusus est adhuc in illo suo quarto, propter quod etiam medici nostri temporis qui insequuntur ipsam nesciunt mederi, neque uti in eis methodo, quoniam est confusissimus, quod ostenderem uobis si semel legere illam partem, sed hæc satis de hoc cap.

LECTIO XXIIII.

DICEBAMVS heri quomodo Auic. multum deceptus sit circa tractatum de ipsius pustulis, sed illorum rationes non assignauimus, ostendimus tantum esse ipsum in errore, ideo ne uidear dixisse ea gratis, uolo in hac lectione dicere aliqua ad id conducentia, ut expediti simus de hoc tractatu apostematum, si prius tamen dicemus quædam pro declaratione cap. sequentis quem nunc uolumus incipere. dicit autem Auic. inscribens illum hoc modo.

De rebus que cum ægritudinibus numerantur, tamen non sunt ægritudines.

Cap. V I.

AGEMVS ergo in hoc cap. de decoratiua arte, quasi dicamus de quibusdam dispositionibus, que omnino non sunt ægritudines cum non lædant actiones proprias membrorum, sed neque possunt dici nō
V ægritudines,

ægritudines, quoniam corpora non ita exercent suas
 operationes sicut deberent, neque cum curantur, cu-
 rantur modo eo quo curantur ipsæ ægritudines, sunt
 ergo quædam mediæ dispositiones, de quibus agere
 proposuimus, ideo etiam Auic. proponendo nomina-
 uit eas numerari quidem inter ægritudines, quoniam
 curantur, sed tamen non sunt ægritudines. ista autem
 ars dici solet a nostris decoratiua, à Græcis uero κο-
 σμητικὴ, oportet ergo scire talia pertinentia ad
 hanc artem decorandi, quoniam iuuant multum me-
 dicum: dico igitur quod huiusmodi attinentia ad deco-
 rationem quæ sunt circa corpus, aut sunt solum ad
 uoluptatem neq; afferunt ei aliquod nocumentum, si-
 cut sunt lendes, pediculi, aut afferunt nocumentum
 corpori, & incommodum ipsi actioni, non tamen tan-
 ta eius læsio est, ut ægritudo dici possit, sed non exer-
 cetur debito modo, ut cum ceciderunt palpebræ, nam
 incommodat quidem ipsum uisum talis casus, quoniam
 non possunt illi homines ita acute uidere sicut soliti
 sunt: nam scitis ex anatome cur palpebræ datæ sint,
 quoniam uidelicet acuunt uisum congregando spiri-
 tus, ideo cum cadunt illæ non possunt postea homines
 ita acute uidere, scitis enim etiam quod ultra hoc,
 quod incommodant uisum, turpitudinem quoq; affer-
 re, quoniam nōne turpe est hominem esse sine pal-
 pebris? ò nemo dubitabit, non est tanta tamen læsio
 operationum (ut dixi) quod dici possit ægritudo, quo-
 niam ut supra audiistis tunc est ægritudo, cum actio-
 nes læduntur sensibiliter, sed cum ceciderunt palpe-
 bræ

bræ uident adhuc illi homines, & si non ita bene sicut ante uidebant. Quare istæ dispositiones decoratiuæ uel afferunt incommodum, uel non afferunt incommodum. quæ uero non incommodant adhuc sunt duplices, aliæ enim sunt, quæ cum non lædant operationes, tamen sunt molestæ ipsi uitæ. aliæ uero non solū non lædūt operationes, sed neq; sunt incōmodæ ipsi uitæ uel molestæ. quæ sunt molestæ uitæ sunt sicut scabies, pruritus, & consimiles, quæ non sunt ægritudines, sed potius quædam mediæ dispositiones: illæ uero quæ non sunt molestæ uitæ sunt tamen turpes, sunt sicut lendes, pediculi. de quibus omnibus oportet medicum scire, & causas illorum perfecte cognoscere, ne postea, cum petatur ab aliquo talium dispositionum curatio, cogatur fateri suam ignorantiam, nam sæpe petuntur præcipue ipsi medici a mulieribus & matronis, etiam a uiris qui magis cupiunt se esse mulieres, quàm homines. neque hanc artem spernatis domini, quoniam utilis est & honorata ipsi medico, nam ipse quoque Galenus in lib. primo de compositione medicamentorum secundum loca, fatetur se quidem contempsisse prius hanc artē decoratiuam appellatam, quæ pars medicinæ uocatur, tamen quia sæpius consulebatur a mulieribus & matronis, modo aliæ uolebant pulchritudinem ipsius cutis, aliæ pilorum, aliæ quid aliud, coactus fuit, tandem exercere eam, et de ea scribere sine aliquo pudore, et forte plus lucrabatur ex eius exercitio, quàm ex alijs rebus, ultra hoc quod erat in gratia

illarum pulchrarum matronarum ; non spernatis ergo hanc artem decorandi quam non contempserunt medici antiqui , et Asclepiadem dico et Gal. cum ergo istæ dispositiones quæ non omnino sunt ægritudines , sint tamen præter naturam , oportet esse in aliqua parte ipsius corporis puta in ipsa cute , quæ quidem non solum facta est a natura propter illud paruum iuuamentum , quod offertur omnibus partibus corporis , cum eis substrata sit tanquam operculum earum , sed etiam data est propter decorum , sicut dicere scitis Gal. in lib. de usu partium ; turpissimum enim esse uidere hominem excoiatum et quoddam monstruosum quam quod offert decorum . istæ ergo dispositiones decoratiuæ sunt cutaneæ , non erunt ergo ægritudines , sed molestæ ipsi uitæ , uel ei incommodum aliquod afferentes cum sit præter naturam . Ideo si uoluerimus eas curare sicut par est curari , oportebit nos exactissime cogitare causas eorum usque ad minimas , alioquin non curabimus eas curatione quæ digna sit medico dogmatico . Causæ istarum hoc modo inquirentur sicut in alijs quoque morbis : Sunt enim eadem causæ , sed differunt solum penes hoc , quia istæ dispositiones non deueniunt ad hoc , ut lædant operationes sensibilibiter , sicut in illis morbis , nam si læderent sensibilibiter ipsas operationes , tunc essent ægritudines ut scitis , hoc tamen falsum est per dicta à nobis , unde eodem quoque de his est , sicut de pustulis , respectu ipsorum apostematum , nam Auic. proposuit quoque tractans de pustulis eas fieri ab eisdem causis ,

causis, tamē istæ sunt non apostemata simpliciter sed parua apostemata. Quare sicut morbi fiunt, aut propter malam complexionem, aut malam compositionem, aut solutionem continui, sic propemodum nos dicemus de his dispositionibus; quod aut fient propter malam complexionem, aut propter malam compositionem, aut propter solutionem unitatis. Cum ergo istæ dispositiones sint circa cutim oportet nos perquirere per omnia ista tria genera, in quo reponantur propterq; harum causarum aliquam inuenire an sint factæ per quandam rationem & rectam uiam. Dicturi ergo de his, incipiemus a mala complexionem. Si ergo hæ dispositiones fiant propter malam complexionem, aut fient propter complexionem malā cum materia, aut sine materia sicut in alijs quoq; ueris morbis fit mala complexio, si autem propter malam complexionem sine materia, tunc aut propter nimiam caliditatem, tuncq; cutis fit nigrior. Nam dicebat Auic. in prima Fen huius primi lecta, quod caliditas quæ agit in humorem existentem in aliqua parte ita agit, ut ex eius actione proueniat nigredo illius partis, ubi est humor in principio, in fine tamen illius actionis redditur alba, aut propter nimiam frigiditatē, tuncq; cutis fit nimium alba quā oporteat, aut propter nimiam siccitatem, & tunc cutis induratur, aut propter humiditatem, tuncq; laxantur nimium, aut fiunt istæ dispositiones cutaneæ propter unam istarum dictarum complexionum malarum, cum affluxu tamen ipsius materiæ. Sed diceret aliquis tu posuisti supra

non dari talem affluxum materiae, quomodo ergo tunc cum affirmes? ecce quomodo tibi ipsi contradicis, & propter hoc aliqui doctores admirati sunt de meate meritate, qui ausus sum negare affluxum materiae, quem concesserunt omnes medici, tum antiqui, tum moderni usque ad haec tempora, sed non bene intellexerunt meam opinionem uerissimam, nam quomodo negavi ego affluxum materiae, bene dixi affluxus illius essentiam distinctam omnino esse ab essentia ipsius morbi contra Galenum, nam & si morbus ipse & affluxus materiae sint simul, tamen eorum essentiae sunt diuersae, & sunt duae realiter distinctae, ideo dico quod possunt fieri etiam dispositiones illae cutaneae propter malam complexionem cum affluxu materiae, & alio modo coloratur & disponitur cutis propter caliditatem nimiam cum materia. quam propter caliditatem sine aliqua materia. quod dico de una complexione mala, de alijs quoque intelligatis, materia autem ista est aliquis ex quatuor humoribus, qui cum sint colorati, unusquisque eorum non habet proprium colorem, ideo secundum eorum colorem ipsa cutis colorabitur. scitis enim membra corporis humani colorari secundum colorem humoris superabundantis, sicut dicebat Galenus in quarto lib. de tuenda ualitudine. Ponamus ergo quod sanguis superabundet cum caliditate, tunc cutis fit rubea, quoniam sanguis quoque rubeus est, si bilis flaua, tunc cutis quoque flaua erit, uel citrina ut patet in ictericis, si pituita subalbida, siue pallida, si uero melancholia, tunc fit cutis liuida

coloris

coloris plumbei, unde dicebat ille, magis caueo à li-
uido quam à pallido, quoniam liuidus color signifi-
cat melancholicum hominem illum esse, quare ma-
gis coloratur præter naturam ipsa cutis propter ma-
lam complexionem cum affluxu ipsius materiæ, quàm
propter solam complexionem, sic etiam propter cõ-
plexiones compositas, aut cum materia, aut sine ma-
teria, ecce quomodo ieci fundamenta * huius uni-
uersalia tamen, quoniam ultra transire non attinet ad
negociũ nostrũ, sed oportet nos stare in his nostris li-
mitibus, curationes uerò talium dispositionum et par-
ticularia alia ad hanc artem attinentia, discetis ex
alijs præceptoribus successiue qui docent artem pra-
xeos, quam nos nunc non profitemur. immutatur
quoq; cutis propter malam compositionẽ, sicut fiunt
quoq; morbi ueri propter illam, & primo quidem
propter malam figuram, quæ dispositiones adhuc sunt
mediæ non autem ægritudines, & in figura male di-
sponitur cutis propter aliquam magnam cicatricem,
uel quando superficies fit nimium aspera aut nimium
plana, quàm oportet, uel in meatibus cum illius mea-
tus obstruuntur nimium, & si isti non laxentur, &

* accidere possunt postea morbi ueri, quoniam
calor innatus et ipsi humores non possunt euentari,
tuncq; putrescunt & generantur febres quæ sunt ue-
ri morbi, sed sæpius accedit ut male afficiatur in
superficie quoniam nimium exasperatur, uel nimium
plana fit & lenis, imò hoc est proprium ipsi cuti, ali-
quando enim etiam fit nimium rugosa sicut contingit

in senibus, & hæ dispositiones sunt multum contrariæ ipsis mulieribus, cupiunt enim illæ esse tenues in cute, aliquando etiam turpiter maculatur ipsa superficies ut sit modo rubea, modo alba, modo flaua, quod multū dedecet mulieres. hæ sunt ergo dispositiones attingentes ad superficiem ipsius cutis, aliquando etiam quantitas eius mutatur. aliquando enim crassa nimis redditur, aliquando nimis tenuis, & mulieres consulunt ipsos medicos de his sæpiissime, cum habent cutim crassam, ut uidelicet attenuent eam. Postea habent illam nimium tenuem cum à quolibet extrinseco noceantur uolunt incrassare eam aliquantulum, ideo oportet uos omnes scire causas harum dispositionum, ut possitis eas curare. Aduertatis tamen quod secundum obesitatem sit crassa uel tenuis cutis, aliquando etiam mutatur cutis in situm, aliquando in numero, & omnes alias dispositiones in compositione. Quoad autem tertium genus hoc est solutionem continui, manifestum est cutim eam posse pati, nam aliquando sunt cicatrices concauæ propter aliquod uulnus præteritum, uel propter uestigia uariolarum. Amplius potest pati aliquando malum odorem, qui maxime odiosus est ipsis mulieribus. Quare aduertatis quoniam sæpe consulemini de eo. hæ sunt dispositiones simplices, quas pati potest cutis, quas omnes oportet uos scire, cognoscere, & curare. Aliquando etiam patitur morbos compositos, siue (ut melius loquar) dispositiones, sicut alia quoque membra. potest enim pati pustulas quæ dicuntur

tur ab Auic. bothor, quæ postea habent multas uarietasq; differentias secundum diuersas materias peccantes: aliquando enim fiunt à sanguine quæ dici solēt à Latinis uari, dicuntur autem à nostris uulgaribus in Lombardia gosti, generantur potissimum in facie, sed præcipue iuuenes eos pati solent, & memini semel me passum fuisse tale genus pustularum cum essem iuuenis, cumq; uidisset me quædā mulier dixit an uellem sanari, quasi etiam ipsa cognosceret tale genus pustularum prouenire propter nimiam copiam alimenti, hoc est sanguinis, & credite mihi quod non generantur nisi in his qui sunt optime temperaturæ & longæ uitæ futuri. Aliquando etiā generantur ex bile pura et dicuntur à Græcis ἐγὼτῆς puri, à uulgaribus nostris autem miliares, quoniā illi sunt cum febre, sed dico simplices, quoniam non sunt cum febre, neq; impediunt operationes quoniam essent ægritudines, sed tantummodo sunt molesti uitæ. Erysipelata autem cum sint cum febre & impediunt sensibiliter operationes, dicuntur esse ægritudines, de quibus dicit & tractat Gal. in lib. de tumoribus præter naturam, & in secundo illo artis curatiuæ ad Glauc. Aliquando etiam fiunt istæ pustulæ ex pura pituita, non ex illa crassa, sed ex illa salsa, quæ putrefacta est, non autem quod mista fuerit cum bile flaua sicut dicebat Auic. sicut est scabies quæ est cum pituita propter illum humorem falsum, quæ dicitur Τεμπύρος non autem ἰώρα quoniam esset morbus postea nō autem dispositio media sicut sunt istæ cutaneæ

de

de quibus nunc intendimus, nam ἰώδης impedit operationes consequenter est ægritudo, aliquando autem generantur ex melancholia sicut sunt ἐπιὺν τῖδες à Græcis dicti, ab Arabibus autem planta noctis, quæ sunt posite ab Auic. in tractatu de decoratione; allusit autem ipse quoq; Auic. ad nomen Græcum cum nominauerit talem dispositionem compositam cutaneam plantam noctis, à Græcis autem prius dicta est ἐπιὺν τῖς quoniam laborantes ea magis patiuntur pruritum noctu quàm in die, & sic uidetis quomodo habent differentias diuersas secundum humores diuersos peccantes, fieri quoq; possunt in cute pustulæ ex uento, quæ quidem dicuntur uesticæ uentosæ Φλεγκτῖδες aut etiã generantur ex aqua & dicuntur ampullæ aquosæ ὑδατῖδες, possunt quoq; generari pustulæ in cuti ex humoribus putridis sicut diximus de morbillis quoq; & talibus apostematibus, etiam ex mistis humoribus duobus sicut cum fiunt ex materia biliosa mista cum pituitosa, & fiunt illæ pustulæ, quæ dicuntur à nostris uulgaribus uoladegæ, quæ erodunt cutim, tamen non sunt ægritudines, uel fieri possunt ex pituita mista cum ipso sanguine, & fiunt esseræ cutaneæ, aut possunt generari etiam ex materia biliosa mista cum melancholica, & tunc fiunt morpheæ illæ alba, & morpheæ nigra, sicut nominat Auic. sicut dicunt Græci ἄλφος albus, uel ἄλφος niger, dicitur autem à nostris latinis elegantibus uutiligo, ut à Celso, secundum quod dominatur unus humor, si enim dominetur bilis fit albus, si melancholia fit niger, tamen sæpius

pius dominatur melancholia, & fiunt aliquando feræ
uitilignes & diræ. Aliquando etiam miscetur pitui-
ta cum melancholia & ex ea materia possunt quoq;
generari. tot ergo modis possunt generari pustulæ
siue dispositiones cutaneæ ex materia mista, sed ad-
uertatis quoniam aliquando etiam humores ipsi pu-
trescunt in cuti, & ita afficitur, fiunt enim morbilli
cutanei ἐξ αὐτῆς μάλα à Græcis dicti, & tales disposi-
tiones quæ fieri solent in febribus ipsis pestilentibus,
sicut sunt uariolæ, quæ quidem generantur ex humo-
ribus illis malis, qui contrahuntur à natiuitate factus,
sicut dicunt mulieres, & Arabes quoq; doctores, pu-
tant enim quosdam malos humores generatos pro-
pter malum uictum ipsarum matrum conseruari in
ipsis membris, qui quidem cum expellantur postea
à natura, generant ipsas uariolas, ita tamen quod an-
te illas fiunt febres pestilentes. huius autem emissionis
temporis non est determinatum, sed pro crassitie &
tenuitate illorum humorum, pro etiam fortitudine ip-
sius uirtutis expulsiuæ educuntur citius uel tardius,
sed eas semper febris pestilens præcedit, fiunt ergo
morbilli & uariolæ ex humore putrefacto, non autē
ex illis humoribus quos dicit Auic. inquit enim (fieri
uariolas ex sanguine) cum tamen hoc sit falsum
ut patuit: inquit præterea (morbillos fieri ex
materia mista) cum fiant ex materia putrefacta,
postea generantur quoq; feræ illæ ab humore quoq;
putrefacto, non autem ut inquit Auic. ex cholera ru-
bea sicut notauimus supra, sed hic diceret aliquis tu
dixisti

dixisti cum proponeres tractanda in hoc cap. te tractaturum de dispositionibus cutaneis attinentibus solum ad decorationem, non quæ sint ægritudines, tamen non stas tuis promissis, quid ergo uagaris? Ad hoc respondeo & dico quod declaro solū ea quæ proposita sunt à me in superioribus, tracto enim solū de dispositionibus istis, quæ cum non sint ægritudines tamen molestæ sunt ipsi uitæ, non enim uariolæ ferstæ & omnes aliæ dictæ sunt ægritudines, imò sunt symptomata consequentia ad ipsos morbos ueros postea, sicut sunt illæ febres pestilētes, quæ (ut diximus) semper præcedunt talia symptomata, quæ sunt dispositiones cutanæ mediæ non autem ægritudines.

LECTIO XXV.

AGEBAMVS in superiori lectione de attinentibus ad ipsam decoratiuam, & dicebamus circa aduersari talem artem, ut cognoscat dispositiones cutaneas, quæ non sint ægritudines, neq; ultra progredi. istæ autem dispositiones sunt neq; causæ, neq; symptomata, neque ægritudines, sed dicendæ sunt dispositiones mediæ quatenus cuti superueniunt, diximusq; quod sunt in eisdem generibus & tot sicut ipsi morbi ueri complexione, compositione, solutione unitatis. in hoc tantum differre ostendimus à morbis ueris, quoniam eas non consequitur læsio operationum, nam si hic essent læsæ actiones, tunc essent omnino morbi, istæ enim est characteris unus ipsius morbi ueri, per quem distinguuntur ab ipsis medijs dispositionibus, sicut

cut sunt istæ cutaneæ, de quibus nunc tractamus. Cum ergo sint dispositiones præter naturam, fiunt à causis aliquibus, istæ autem causæ sunt eadem cum illis morborum uerorum, differunt solum secundum magis et minus. Incipiamus ergo dicere de hac decoratione, cum oporteat eas remouere decorando. Ista decoratio dupliciter potest esse, uno modo naturalis, alio modo non naturalis. i. harum dispositionum decoratiuarum aliæ possunt esse naturaliter contingentes in tota substantia cutis, aliæ autem quæ contingunt non naturales ipsi cuti, ut sunt lendes pediculi, et has omnes oportet medicum exquisitissime cognoscere & earum causas, quoniam sæpe ab ipso hominibus & mulieribus, oportet ergo uos esse doctos in unaquaq; parte huius artis medicæ, cum ergo dedecoratur propter aliquas harum dispositionum, aut hoc prouenit propter malam complexionem calidam, uel frigidam, humidam, uel siccam, uel compositam, uel cum ipsa materia adiuncta, aut propter malam compositionem, quoniam cutis fit nimium crassa, uel tenuis, uel rugosa, uel tensa, uel aspera, quandoq; propter calorem immutatum, quandoq; propter ipsorum pororum constrictionem, ex qua postea proueniunt ueri morbi nisi remoueatur, sicut febres; aliquando nimium laxantur illi pori; & in unaquaq; specie huius generis discurrendo inuenietis ipsam cutim posse dedecorari. Amplius cutis potest pati solutionem continui, sicut patet ipsi sensui, cum uideamus scissuras fieri in ipsa ut in manibus, scissuras quoq; labrorum. quare uni-

cuique

cuique harum medicamenta, & remedia conuenientia oportet medicum habere. pati quoque diximus cutim ipsos morbos compositos hoc est apostemata, siue pustulas, quæ sunt apostemata parua, secundum quod dicebat Auic. in proprio cap. lecto, quæque non sunt ægritudines, sed dispositiones mediæ, accidentia tamē ad morbos ueros aliquando, sicut sunt uariolæ et consimilia. Ista omnia sunt declarata circa primum membrum contingentia, quæ uidelicet circa substantiam cutis fiunt. Reliquum est ut dicamus modo de his quæ attinent ad secundum membrum diuisionis, cum dicebamus quod aliæ sunt dispositiones, quæ non oriūtur in substantia cutis, sed extra sicut sunt pili: pili autē aut oriuntur ubi non debent oriri, & ubi nollent mulieres oriri, aut in nimia quantitate, sicut quando oriuntur longissimi & spissi pili in ipsis palpebris, ubi oportet esse mediocres, uel in fronte & supercilijs, uel non oriuntur ubi debent oriri, sicut in hominibus in mento, sicut contingit cum decidunt in alopetia & caluitie capitis, & si caluities non recipiat aliquam curationem: uel capilli peccant in quantitate uidelicet continua: quandoq; enim sunt grossiores, quandoque tenuiores, quandoq; longiores, quandoq; breuiiores; quandoq; etiam peccant in figura, aliquando enim sunt nimis plani, quandoq; nimis crispī; quandoque etiam peccant in solutione continui, nam aliquando detruncantur, quandoq; peccant in colore ut modo sint nigriores, modo albiiores; sicq; de alijs coloribus, sed quæ modo oriuntur non circa cutim,

sed

sed circa ea quæ oriuntur, circa cutim tamen non deberent oriri, sunt, sicut circa capillos furfures illæ, lentes, & talia: ista est diuisio omnimoda quæ dari potest theoricam seruantes partem, neque transgrediendo limites suos, quàm seruare & animaduertere debetis, neq; possumus nos ultra amplius extendere sed dimittenda est curatio harum dispositionum ipsi doctoribus practicis, qui docebunt uos eam & ultimas diuisiones in particulares differentias, propter bonitatem tamen ipsius doctrinæ, quoniam etiam uidemus hos uestros practicos nunquam hæc uobis explanare neque curationes harum dispositionum cum ordine quodam & per quandam rotam doceant modo tractatum de febribus, modo uerò illum Cont. Rasis ad Almanforem, neque ad plura se extendere, uolo nunc uos pauca quædam de hoc accipere, quæ non erūt ingrata auribus uestris, sed nollem postea ut hoc supposito expectaretis omnia, quæ dici possunt in hac materia, dicam solum aliqua pro exemplo potius, ut melius uos fundati in optimis principijs sciatis postea uti methodo, ne putetis etiam me ista gratis docere, uidebitis postea utilitatem. nunc ad rem me conuerto, de ipsaq; cuti dicamus primo. Cutis ergo fit aliquando rugosa, aliquando aspera, ideo mulieres delicatæ & homines qui uolunt magis esse mulieres quàm uiri quærunt consulunt medicos ut curentur, uos autem medicos oportet scire talium dispositionum curam, alioquin despiciemini ultra hoc quod non lucrabimini, curabitur ergo illas sicut alij quoque morbi ueri

bi ueri curari solent a medicis dogmaticis, methodo enim uestra utemini, non autem curabitis sicut faciūt illi impostores qui cantant in plateis dando istis mulierculis quosdam suos appellatos ab ipsis uulgaribus belettos, sed semper considerabitis rei naturam, & sic ex natura rei medicabimini, alioquin transgredere mini limites medici dogmatici. si ergo cutis fuerit affecta in colore aut quod sit nigra aut citrina, aut in magnitudine quod sit nimium crassa, tunc considerate à qua causa proueniat talis dispositio; an à causa priuatiua hoc est extrinseca, an ex causa intrinseca & corporea; à causa quidem priuatiua ut puta si fuerit passa mulier illa propter moram in sole, aut propter uentos, aut propter aliquem morbum, aut aliquid tale internum, percunctabimini ergo ab ipsa patiente causam huius dispositionis quare sit facta decolor, aut cur exasperata cutis; & si non fuerit sub Sole, neq; morata sit in uentis, aut propter aliam causam externam non sit affecta per eius mansionem, tunc oportet uos persecuturi causas intrinsecas, uel enim color ille malus & turpis acquisitus est naturaliter, & tunc non potest curari recta methodo utentibus, & ex natura rei curantibus, bene curari potest ab istis impostoribus illis suis aquis fortibus, nos autem huiusmodi curas relinquemus eis, quoniam non est medici laudabilis, curamus autem decolorationem nos dogmatici quæ accidit præter naturam percunctabiminiq; de ratione uictus, percunctabimini de animi affectibus, & uidebitis an acciderit huiusmodi decoloratio propter

pter eos an propter aliquem humorem peccantem,
quoniam diuersimode curabitur, potest enim pecca-
re sanguis, & eo modo fieri nigra cutis, oportetq;
si sanguis peccet medicum primo mundificare sangui-
nem; secundo trahere illum ad cutim quantum possibi-
le est; tertio autem exinanire illum et euaporare per
attrahentia. mundificatur autem sanguis per purgan-
tia ipsum sanguinem, per confortantia & roboran-
tia ipsa membra. primo ergo mulier illa patiens pur-
ganda est et purgandus est humor ille qui peccat; quē
quidem iudicabimus per ipsum colorem, nam si cutis
fuerit citrina, tunc purgetur ipsa bilis, si nigra pur-
getur melancholia, si alba pituita, si rubea sanguis.
purgata muliere, oportet postea iubere eam uti bonis
cibis, boni uidelicet nutrimenti, comedat oua illa for-
bilia, mirabolanos illos comedat qui mundificant san-
guinem: cum autem uolumus postea auocare & at-
trahere sanguinem ad cutim, si cutis debet recipere
ipsum oportet primo præparare eam purgando uide-
licet per abstergentia ipsam, inter autem abstergen-
tia id ualentia possunt esse alia simplicia, alia compo-
sita, si sint simplicia uos utemini citrijs limonibus, ut
accipiatis citria, limones & distillantur simul, ex qua
distillatione lauetur cutis illius, sed aliquando etiam
sunt aliqui qui habent cutim decoloratam propter
sordities quæ obstruunt meatus cutis, & sic etiam
possemus ad hoc uti ipsis floribus uel etiam siliquis re-
centibus fabarum ex lupinisq;, & facere distillatio-
nem, non quod illi succi limonum & citriorum non

possint ualere, sed dico etiam ista ut possitis uti in illis qui non sunt ita delicati sicut aliquæ mulieres pro quibus utimini succis illis, propterea non miremini, si dedi uobis hanc distillationem, oportet ergo postea uti attrahentibus ut sanguis quem uolumus expellere trahatur ad cutim, ista autem attrahentia sunt calida, ideo in hoc cauebitis illa quæ attrahendo adurunt, quæ sunt calida in summo, sed erunt moderate calida, sicut in isto casu conuenientissima oleum amigdalarum dulcium, etiam oleum amigdalorum amararum, et in hoc casu conuenientius erit hoc oleum amarum, ut nihil magis, quoniam ultra hoc quod abstergit, auocat etiam ipsum humorem, et cum hoc oleo inungatur cutis. Quatenus autem ad medicamenta composita dico quod sunt quædam gumeræ ab Arabibus dictæ, quæ ad hoc conueniunt et sunt mistæ ex his, quæ quidem tum abstergunt, tum auocant, purgantque cutim. debent autem esse semper odorosæ istæ gumeræ et delicatæ propter has mulieres. unum autem admo-nebo uos prius, quia nolo uos expectare a me gumeras illas, quæ describuntur ab Arabibus, aut à Grecis antiquis, et modernis nostris, quoniam illas iam habetis, et apud eos legere potestis absque hoc quod ego laborem in earum repetitione, dicam aliquas apud me approbatas et usitatas, dico apud me, non apud omnes. Vna autem gumeræ istarum insignis est apud me: ut accipiat lib. 3. siliquarum immaturarum, exempli gratia pono istas quantitates, ut distinctius intelligatis, mellis quam optimi lib. 2. ter-cibinthinæ

binthina lib. 5. croci quoq; 3. i. imponatur, quæ quidē omnia in uase suo coopertorio concluso ne omnino exhalare possit sicq; sub fimo uas illud ponatur per octo dies aut ad solem exponatur quousq; fermententur ista omnia, illa fermentata aspergantur lib. 4. lactis asinini, & hanc compositionem ponatis in distillatoria antequam putrescat lac, propterea quia postea foeteret, & illud distillatorium erit non modo cōmuni, sed quod sit bene conclusum, & ita fiet distillatio & liquor, aqua uidelicet & oleum, oleo quidem illi nenda est cutis noctu, die uerò abluenda ipsa aqua, quam quidem gumeram poteritis aromatizare uos propter istas mulieres delicatas, ut imponatis parum de musco & ambraca, sed si non succedet illa, do uobis aliam fortiolem, insignem quoque, sed illa prima succedet. loco siliquarum fabarum immaturarum accipietis ipsum orobum recens, & lupinos & amygdalas amaras, ex omnibus sumatis lib. 2. cartami quoque 3. iij. imponantur, nitri rubei 3. iij. adiungantur, ac etiam limonum siue citriorum incisorum lib. 2. cum lib. 2. terebinthi, commisceantur omnia, & in uase reponantur concluso sub fimo, aut sole per 8. dies sicut docuimus de alia quoq; , quousq; fermententur omnia simul, & distillatorio distillantur, ex eo exhibit oleum & aqua, sicut in superiori quoque exhibant, oleo utatur sero ad inungendum, aqua mane ad lauandum, hæc est fortior (ut dixi) illa prima, quando sunt etiam mulieres fortiores, & facit cutim coloratam quoque splendescentem, prohibet à rugis, sed super

omnia iubeatis eas esse lætas quo ad animi affectus .
Amplius bonis cibis uestantur, & quæ generent bonum chilum, ut fiant boni humores, & optima nutritio omnium membrorum, alioquin nullo pacto curabuntur, quod quoque sciens tanquam ex natura rei docta quædã mulier semel uolebat docere me quomodo sint colorandæ cutes mulierum, quid ego inquit illa dicit uolo dare hanc receptam, qua quidem melior esse non potest ad hoc ut cutis decolorata coloretur. Recipiantur duo boni & pingues capones qui decoquantur, & fiat optimum ius de quo in mane sorbeatur, comedaturq; illi capones, & cum bono uino seruetur uictus ratio recta, ecce quomodo hæc quoq; mulier instituta a natura quodammodo sapienter iussit hanc rationem uictus seruandam esse in his qui uolunt colorari sapienter quidem dicam præceptum est. aliquando etiam consulemini de uariolarum uestigijs, deq; cicatricibus quas quidem curare non poteritis, cura quidem digna medico dogmatico. potestis quidem forsitan decipere ipsos, sed quod curetis (inquam) hoc est impossibile, nam consideremus quæso naturam rei: scitis equidem uestigia uariolarum, ita se habere ut habeant in medio quandam foueam, in cuius dico, ipsa modo cutis non potest regenerari, nisi sint patientes pueri teneri, tunc enim hoc possibile esset, sed iam adultis quomodo possit fieri permitto considerandum, non enim possibile est hoc, quoniam cutis ipsa est ex numero partium illarum quæ a natiuitate ex spermate generata sunt: postea in cicatrici-
cibus

cibus debetis scire quod factæ sunt cicatrices quoniā primo incisa fuit cutis & diuisa & facta est quedam supracombinatio non tamen quod sit continuata cutis, sed porus quidam superuenit, ideo cum uelletis curare, oporteret uos remouere talem porum, & sic fieret discontinuatio & diuisio ipsius cutis, ideo non possemus regenerare postea cutim, cum iam dixerimus cutim de eis esse, quæ quidem sunt spermatica partes, quæ regenerari non possunt, sed si uolueritis modo uos per mollificantia, & ita resoluerē illum porum, dico quod hoc non erit possibile: ratio huius est, quoniam non possumus resoluerē iam ipsum porum induratum sicut non est possibile resoluerē per mollificantia ipsos lateres, sed si possibile est aliquo modo, dico quod possibile erit in ipsis tenebris, præcipue pueris, in ijs enim poteritis quandoque corrigere huiusmodi cicatrices, si ergo uultis corrigere faciatis sic, primo remouendus est ille porus si est factus, remoto ipso continuanda est cutis. ponamus ergo casum nostrum in puero tenero, tunc remouete porum & quidem cum ipsis causticis & crodentibus, accipiat autem ammoniacum dissolutum in oleo, & illinatis ipsam cicatricem quousque abeat, si hoc non suffecerit uos poteritis uti unguento egyptiaco, uel iside, uel unguento illo apostolorum, siue diacalcitide illo, qui quidem ab istis solet appellari diapalma, quæ omnia sunt uulgatissima apud Arabes, cum tamen isti nostri moderni putent & glorientur se inuenisse talia remedia. dicunt enim se inuenisse

se ista nouiter cum sint antiqua imò uulgata, hæc dixi obiter ne existimetis hos esse inuentores. remoto ergo poro per ea quæ diximus, oportet postea nos habere intentionem ad curandam cutim ipsam, et uti his quæ id præstare nobis ualeant & incarnantibus ipsam incisam cutim, est autem unum inter alia remedia uulgatissimum, quod ex uitellis ouorum componitur, sed habeo aliud quod est mirum ad id ut accipiuntur thus, terebinthum hoc est laricinam illam, crocum, quæ omnia misceantur, & sic reponantur quod fermententur. postea eliciantur aqua & oleum per distillatorium ipsum, oleo illincendus est locus scro, manet uero aqua abluendus est, & hoc fiat usque quo cutis ipsa adæquetur, neque ingeratis uos nisi in curandis teneris, puta usque ad septimum annum, quoniam non habebitis uestrum intentum in alijs.

Veniamus modo ad ipsas maculas decorandas, nam diuersimode curantur quam illæ primæ, quoniam in prima dedecoratione cutis nos quærebamus bonum colorem reddere, & trahere ipsum sanguinem ad cutim, hic autem nos quærimus eius remotiorem, ut consequenter remoueantur quoque ipsæ maculæ & primo dicamus de his maculis quæ fiunt in facie, quando percussa fuerit aliqua mulier, uel etiam homo, isti nostri Empirici medici accipiunt cerusam cum oleo rosato & faciunt inunctionem superimponuntque, aliquando etiam accipiunt absinthij succum. Ego autem dico non semper esse faciendum hoc indifferenter, nam si fuerit quis percussus nunc per casum

sum nos debemus prohibere ne sanguis concurrat ad partem percussam, ne fiat deinde macula, & in hoc casu bene accipienda est cerusa cum oleo rosaceo, sed cum iam concurrat sanguis tunc per hoc medicamentum uos non potestis repercutere ipsum. potest autem conuenire absinthij succus cum macula nondū est facta, sed est in fieri. Quando uerò nigredo est facta, omnino oportet inuenire alia remedia à succo absinthij: opus enim est resoluentibus, sicut esset si hoc modo faceretis medicamentum, accipiatis amygdalarum amararum ℥.i. uini albi aromatici ℥.ij. nitri rubei 3. ij. decoquantur & bulliant omnia simul usque ad resolutionem ipsius uini, de quo quidem postea lauetur locus. Aliquando fiunt aliæ maculæ cutis, ut cum miscentur in cuti melancholia cum sanguine ipso, & fiunt quædam maculæ dictæ à nostris uulgaribus uoladegæ. Aliquando etiam miscetur cum sanguine ipsa bilis & fiunt maculæ illæ appellatæ ab his nostris modernis stercora demonum, & hoc aliquando naturaliter prouenit, sunt autem maculæ citrinæ maxime in his qui habent pilos rubeos & citrinos, hi enim abundant sanguine subtili & ipsa bile, nam isti humores perueniunt ad ipsam cutim, & cum cutis sit exiccata uel à calore intenso resolvente, uel à frigore compangente, his enim modis potest exiccari sicut dicebat quoque Ar. ille diuinus in 9. lib. de natura animalium, & ideo cum illi humores resolui non possint remanent ibi, ex quo postea fiunt maculæ & cū extrahatur bilis cum illo sanguine subtili ab ipso calo-

re iunt consequenter maculæ illæ citrinæ, postea ille color citrinus in nigrum æstuante calore, unde uidemus maculas huiusmodi maxime fieri in æstate maximeq; si sub sole moratus fuerit patiens. Cū ergo uultis præseruare tales maculas in æstate cum aliquando necessarium sit ambulare existente magno calore, tunc accipiat amygdum cum albumine ouorum & cōmiscantur simul, illinaturq; cutis in sero, quoniam illi humores reperiuntur, neque possunt peruenire ad ipsam cutim, sed hoc diximus antequam fiant pro præseruatione, si modo factæ iam sint maculæ, tunc oportet prius purgare totum corpus, postea cōcludatur patiens in domo ne ad solem accedat propter ipsum calorem, postea sumatur oleum amygdalarum amararum, farinæq; fabarum, uel lupinorum quantū sufficiat sicq; commiscebitis, & illinetis. hoc modo enim resoluentur maculæ illæ. ista sint dicta de maculis, cras modo, ex quo non uultis me legere, dicemus de lendibus, pediculis, & de pilis ipsis.

LECTIO XXVI.

CIRCA materiam de decoratione in præcedenti lectione diximus de his quæ contingunt circa superficiem cutis decoloratam aliqua macula, aliqua quidē diximus, sed non omnia quæ dici possunt in hac materia, quoniam bene sumus excusati sicut supra admo-
nuimus, hodie ergo tractabimus de fœtore, de pediculis & lendibus, in alia postea lectione dicemus de pilis, ut tandem hanc materiam compleamus, & ueniamus

mus ad propositum nostrum, esset enim perridiculum uelle omnia trahere ad locum istum de decoratione, ne faccremus, sicut dicunt fecisse Excellentissimum illum D. Curtium, qui cum legeret quendam Aph. Hip. compleuit in lectionibus 49. traxit enim ad locum illum omnes species morborum, quæ dici poterant de morbo illo, de quo tractabat ibi Hip. cras ergo materiam hanc omnino uolo complere. De fœtoreq; primo loquendum est, inquirendumq; primo de materia illa quæ causat hunc fœtorem, siue modo sit sub naribus siue in anhelitu, siue sub asellis, siue sub pedibus, siue in inguinibus, sunt enim aliqui qui ita fœtent, ut si approximent alicui, magnum quid solueret ille si non sentiret talem fœtorem, dico igitur quod fœtor non est dispositio ægritudinalis quoniam tunc non pertineret ad decoratiuam, ut puta qui proueniat ab aliquo apostemate in naribus. cum ergo omnis fœtor fiat à putredine alicuius, putredo autem sit cum humidum non potest concoqui & dominari ab ipso calore, tunc autem sit illa inconcoctio quam Græci ut Arist. in 4. illo meteor. $\mu\omicron\lambda\iota\upsilon\varsigma$ in nos rectissime dicimus coinquinationem, sed homo cum sit perfectissimæ formæ, optimæq; temperaturæ inter omnia animalia, sicut copiose declarauimus anno elapso in prima Fen huius primi, ideo maxime fœtorem ipsum sentit, sed cum sit putredo oportet ibi esse aliquam materiã quæ quidem putreat, & consequenter fiat fœtor, uideamusq; oculata etiam fide, quod si quis uoluerit inuenire talem materiam putrescentem nõ poterit eam inuenire

uenire uel tangere quandoquidem sit in partibus intrinsecis, sed saltem habebimus hoc quod non oportet partes similes putrescere, nam corrumpentur sicquod esset substantialis membrorum ipsorum putredo, & consequenter læderentur operationes, essetquod ægrotudo, sed necessarium est materiam illam esse sparsam in aliqua parte earum, ex quo necessarium est hic esse quandam materiam, materia ergo ista erit in illis progressibus narium aut in carunculis, ubi sit odoratus quæ mamillares appellari solent, uel erit in ipsis uentriculis cerebri, non est possibile quod illa sit in uentriculis cerebri, nam cum cerebrum sit ualde nobile membrum, ideo propter illam materiam læderetur, sicquod sequerentur multa alia pessima accidentia ad fœtorem, ut puta aliquæ uertigines. oportet ergo eam esse in carunculis mamillaribus, uel in illis progressibus, & quomodocunque sit materia, illi qui patiuntur fœtorem non odorantur propterea quia ista sunt instrumenta ipsius odoratus, nam aliqui sunt qui tenent carunculas esse instrumenta odoratus, aliqui uero tenent progressus illos, Arabes tenent carunculas illas esse odoratus instrumenta cum uelint assentire Gal. cui nos quoque assensimus aliis & si isti nostri moderni sint potius quidam intricatores, quoniam multa reprobant dicta Gal. & Auic. in hoc sed in fine nihil penitus de suo astruxerunt, destruunt, sed non astruunt, uerum dimittamus pro nunc hoc litigium, sed supponamus pro confesso nunc ipsas carunculas esse instrumenta odoratus, cum ergo hoc ita sit, tunc si materia

est in illis, cumq; cerebrum indigeat continua euenta
tione per inspirationem & expirationem per nares,
non propter substantiam ipsius, quoniam est frigidis-
simum, sed propter uasa & arterias existentes in ip-
so, sed si debet transire ille aer ad ipsum, oportet ut
transeat per illa instrumenta, sed ubi est illa putredo
materiæ non potest odorari species odorabilis per ip-
sum sensorium, quoniam iam recepit speciem illam fœ-
tidam, iam ergo habemus locum in quo materia pu-
trefcit, uidelicet in carunculis illis, cuius rei signum
attulimus, quoniam uidemus hos fœtentes non odora-
re, quoniam illa eadem materia quæ facit fœtorem de-
struit ipsum odoratum, sicut accidit quoq; in alijs sen-
sibus cum suis speciebus proportionabiliter, sed pleni-
tudo ipsarum caruncularum & ex illa materia de-
struit odoratum, propter putredinem uerò fit fœtor,
ideo ualet ista propositio uniuersalis, omnes qui fœ-
tent naribus non odorant, sed nō possumus postea cō-
uertere ut dicamus omnes qui non odorāt fœtent na-
ribus, quoniam scitis uniuersalem affirmatiuam in se
ipsam non posse uniuersaliter conuerteri, sicut in logi-
ca & didicistis, & ratio huius est, quoniam destru-
ctio odoratus & fœtor non perueniūt ab eisdem cau-
sis, quoniam sicut diximus, plenitudo caruncularum
causat destructionem sensus, sed putredo causat fœto-
rem, unde quia potest esse plenitudo caruncularum
absq; hoc quod materia sit putrida qua replentur, ob
id non ualet quòd omnes illi, qui quidem non odorant,
fœteant quoq; bene ualet, fœtent nares huic ergo nō
odorat,

odorat, quoniam ubicunq; in illis carunculis fuerit foetor, oportet ibi esse materiam quæ foeteat, ob id dicimus cum ibi sit materia quod destruitur sensus, ualet ergo omnes illi qui foetent non odorant, sed non econuerso uniuersaliter, particulariter autem potest conuerti ut dicamus aliqui qui non odorant foetent, quod hoc sit uerum patet experimento, quoniam si quis est qui laboret coriza non odorat, tamen non foetet, cum ergo putredo sit causa foetoris, quoniam omnis foetor continget ex putredine, putredo autem fit quotiescunq; calor non concoquit ipsum humidum subiectum, sed fit inconcoctio siue coinquinatio, & sic putrescit illud humidum: cum ergo sit talis coinquinatio, aut sit ratione agentis, hoc est caloris, aut ratione subiecti, hoc est ratione humidi passiui; ratione quidem agentis quoniam quandoq; calor ita debilitatus est atq; diminutus, ut non possit concoquere ipsum humidum, sed aliquando etiam existet calor fortis, tamen humidum quod est materiae quam intendit concoquere calor, ut non possit omnino concoquit, & ita fit coinquinatio illa, postea putredo: quomodocunq; tamen sit semper prouenit putredo; quod sit uerum autem quod etiam foetor prouenit aliquando ratione diminuti caloris patet, quia uidemus conualescentes foetere non tamen quia in eis sit aliquis humor putridus, sed quia habent calorem diminutum; quod autem aliquando foetor fiat propter rationem ipsius humidi patet, quia in corporibus sanguineis calor est fortis, tamen aliquando mala est ita materia hoc est humidum præparatum ad putredinem,

tredinem, ut corpora illa fœteant, imo hoc erat signū
apud Galenum corporum humidorū sanguineorumq;
cum uidelicet fœterent eis nares, ex quo habemus nō
solum in corporibus frigidis fœtere nares propter di-
minutionem ipsius caloris, sed etiā in calidis propter
materiæ præparationem hoc est humidi ad putredi-
dinem, imo in his sæpius fœtent propter maximam re-
dundantiam humidi, quod cum nō possit concoqui pu-
trescit & implentur carunculæ illæ in capite repletis
eorum capitibus, nam grauatur & ita mittit multa
excrementosa, cuius rei quoque signum illud esse po-
test, quod illi excernunt per nares multam materiam
crassam uiolentam uiridemq;, quæ est magna indi-
catio ipsius putredinis, aliquando apparet in ea cîtri-
nitas quæ indicat calorem magnum, humoresq; bilio-
sos ascendentes ad capita eorum, sicut ego sæpius
memini me curasse. sed his omîssis ueniamus modo ad
curationem ipsius fœtoris, ex quo iam satisfactū est
ad hoc, ut sciretis quomodo generatur, & ex qui-
bus. primo ergo debetis uos diligenter animaduerte-
re an totum corpus sit immundum, si fuerit immun-
dum tunc oportet quod illud euacuetis, euacuato ip-
so si indiget euacuatione tunc oportet quod respicia-
tis an caput totum sit immundum, antequam uenia-
tis ad ipsa instrumenta, quæ sînt autem purgatoria
ipsius capitis, sunt illa caputpurgia ab istis sic nomi-
nata, suntq; sternutatoria per quæ in hoc casu consu-
lerem ego non esse purgandum caput, sed potius per
illa masticatoria per gargarismum, quoniam trabe-
retis

retis materiam ad partem illam diuersam, non autem ad eandem, sicut faciunt caputpurgia: facto hoc, tunc oportet uos euacuare, purgareq; ipsum locum particularem, & tunc oportet uos uti illis errhins hoc est caputpurgijs, & sternutatorijs quæ dicuntur tetmi ab istis, per quæ inquiretis loci purgationem quoad fieri potest; & hæc est tertia euacuatio & ultima, sunt ergo tres ordine euacuationes se consequentes, primo illa uniuersalis, secunda uero particularior uidelicet capitis. tertia loci particularis, hoc est caruncularum, postea sunt instrumenta, & alia, quæ omnia patebunt in libris multis istorum modernorum et antiquorum. sufficiat nobis dare uniuersales intentiones quantum attinet pro nunc ad munus nostrum. postea poteritis imponere aliqua odorata ipsis naribus, ut uidelicet amittat impressionem illam quam acquisiuerat propter putredinem ipsius materie, & eo modo postea poterunt odorare. faciatis autem odorata sicut si accipiatis moschum, ambraca, nigellā, garyophyllas, ladanum, ex quibus omnibus fiat pomum quod supponatur naribus sepius ad odorandū. & hæc satis de foetore narium. Dicamus modo de foetore oris per anhelitum, uel aliud quid. de hoc autē breuibus expediemus, & aduertatis circa hoc, quoniam frequentissime accidit, inueniamus autem causam huius foetoris, dimittendo uidelicet illam uniuersalem gratia breuitatis. Supponamusq; semper illam, quoniam foetor semper fit propter aliquam putredinem, quæ sit aut propter materiam, aut propter

pter ipsum agentem . inueniamus modo particularia,
quæ huic speciei foetoris contingunt . ista ergo mate-
ria potest esse in diuersis locis tamen semper idem ef-
fectus cueniet foetoris , aliquando enim materia ipsa
existit in uentriculo , aliquando autem in membris
spiritualibus in pectore quandoque . Et ideo cum fit
exspiratio sentitur foetor . quandoque autem in denti-
bus putrescit ista materia , quandoque in ipsis gingi-
uis , quandoque in palato , cum uidelicet materia ex
capite fluit putrefacta , & adhæret ipsi pelliculæ pa-
lati , & ita expirantur uapores illi foetentes . quos
modocunque sit ergo , satis est quod sentitur huiusmo-
di foetor cum expiratur & inspiratur aer , difficile
autem est cognoscere à qua causa proueniat , sed ta-
men ut sciatis cognoscere docebo uos per ipsa conse-
quentia . si ergo foetor peruenerit ratione materiæ
existentis in ipso uentriculo tunc cognoscetis ex hoc,
quoniam illi ieiuni magis quàm post cibum foetent ,
expirando enim ascendunt uapores a uentriculo ad
ipsum os , post cibum autem assumptum tunc obtun-
ditur et postea iterum foetent , imò magis quàm prius,
ratio autem huius est , quoniam materia semper ali-
qua super additur , & consequenter semper aliqua
putredo , ad maiorem autem putredinem consequitur
maior foetor . quando uerò fit propter materiam pu-
tridam existentem in ipso pectore , non loquar nunc
sicut sunt phthisici , quoniam materia est in membris
spiritualibus hoc est pulmone , sed cum est proprie ma-
teria in pectore , tunc cognoscemus ex hac ratione
prouenire

prouenire foetorem, quoniam illi homines semper eodem modo foetebunt & ante cibum, & post cibum. Si autem foetor fuerit propter materiam contentam in dentibus, uel gingiuis tunc uobis patebit sensu, quoniam erit forsitan aliquis dens infectus, & erit impactus mala putrida; materia, sic gingiuae quoque, & ideo oportet medicum recte inquirere ista loca in quibus materia putrescit, quoniam diuersimode curatur talis foetor, si autem ratione palati proueniat tale accidens tunc cognoscetis ex priuatione omnium aliorum. Cum enim inspexeritis omnia recte se habere, tum uentriculum ita quod in eo materia putrescere non possit, tum membra spiritalia, tum dentes gingiuae; tunc iudicabitis uos talem materiam putridam adherere ipsi pelliculae palati, cum uidelicet foeteat, & si melius quoque ac certius hoc scire uolueritis, iubeatis ut fricet palatum ipsum linteo ieiuno stomacho; & cum remouerit illum linteolum uidebitis ibi materiam derelictam esse quam quidem si uos uolueritis, faciat ipsum odorare, & si foeteat uos iudicabitis certo talem foetorem prouenire propter putredinem materiae adherentis palato. manifesta ergo causa, manifestus quoque loco, in quo contineatur illa, tunc patebit quoque recta curatio; si ergo fuerit foetor ratione materiae existentis in ipso uentriculo tunc iniungatur foetenti recta ratio uiuendi cum his quae faciles sunt coctionis, & purgare quacunq; mala materia ipsum uentriculum oportet, postea ante cibum exhibeatis uos hieram illam & aloen, quoniam ultra hoc quod

euacuant

euacuant & purgant ipsum uentriculum, præseruat
quoq; materiam ne putreat, & his adhibitis fœtor
cessabit; si autem fuerit ratione materiæ contentæ in
ipso pectore, tunc diligentissime curetur illud & ad
hoc multa habetis, tñ inter alia præstat multum suc-
cus ille de sarfara, siue de tusilagine, & iniuncto sy-
rupus acetofo scillitico, iubeatis quoq; suscipiendum
esse bolum armenum orientale, siue ut appellât isti
glebam armeniacam, prohibebit enim materiam pu-
trefcere in thorace, si autem fuerit à uobis cognitum
fœtorem illum prouenire ratione materiæ putridæ
existentis in ipsis dentibus, ita quod dentes ipsi sint ma-
le affecti, tunc oportet si materia solum adhæreat, ut
expurgentur illi dentes, si autem putrefacti sunt den-
tes, tunc oportet eos extrahere, neq; enim alia erit
uia, & eo modo consequenter remouebitur fœtor, si
autem ratione ipsius materiæ existentis in ipsis gingi-
uis, ut propter aliquod ulcus, aut corrosionem exis-
tentem in ipsis, tunc curetis illas ulcerationes, & cu-
rate ut sint mundæ semper, eoq; modo extirpabitur
quoq; fœtor, sed si ratione palati fuerit fœtor, quia
uidelicet materia aliqua putrida sit in pellicula pala-
ti, tunc opus est ut confortetur caput & exiccetur,
abluetis enim caput lixiuio illo exiccante ut fiat hoc
modo decoctum, accipiat is maioranam, stachados, be-
tonicam, pulegium, postea imponatis agaricum quo-
que si uolueritis, fiatq; ex talibus lixiuium, de quo la-
uetur caput, hoc modo enim exiccabitur & corrobo-
rabitur, sicq; sistetur materia ne fluat ad ipsum pala-
tum,

tum, facta ergo purgatione euacuationeq; totius capituli, tunc oportet uos deuenire modo ad ipsum locum particularem, utemini autem masticatorijs quæ ualent quoq; ad exiccandum, ut si accipiat masticem, cere parum dissoluantur, misceantur postea cum his garyophylli, cinnamomum, moschum, ambraca, ex quibus omnibus fiat masticatorium modo ipsius pillulæ, sed unum aduertatis, quoniam oportet quod conficiatis solum ipsa odorata post remotionem ipsius causæ fœtoris, hoc est ipsa putredine, quoniam si impone-
retis talia, existente adhuc materia fœtida, magis au-
geretur fœtor. sunt & alia remedia, inter quæ ta-
men præcipuum est unum uulgatissimum: non dico
uulgatissimum eo quia sit in communi usu, pauci enim
sciunt illud nisi periti, sed dico uulgatissimum, quoniã
faciliter commodeq; fieri potest ex rebus uulgatis ui-
libus etiam, ut accipiat semina illa siue granula po-
morum, & illorum quædam mastigent cum domo exi-
re uoluerint, & cum mastigarint sumant in ore uinum
album aromaticum quo albuatur, & iubeatis sepius
fricare palatum panno aliquo albo ut semper mundum
sit & eo modo curabuntur. Sed quid dicemus de
fœtore proueniente propter putridam aliquam mate-
riam existentem in ipsis asellis & pedibus? Dico quod
sicut admonuimus superius omnis fœtor habet comu-
nissimam illam causam. i. materiam ipsam putridam,
quæ quidem putrescit aut ratione ipsius, aut ratione
agentis, hoc est caloris, de quibus non dicemus, quo-
niam iam illud uniuersaliter præmissimus, tanquam sup-
ponendum

ponendum pro omni fœtore, non est ergo amplius re-
petendum, sed ueniendum est ad hoc ut uideamus pro-
prie de causis & ijs quæ attinent ad hunc fœtorem
asellarum & pedum. cum ergo fœtor prouenerit ra-
tione materiæ putridæ existētis in ipsis asellis aut pe-
dibus, tunc proueniet aut propter illam materiam pu-
tridam quidem in illis asellis, sed tamen transmissam
ad illas ex toto corpore putridam uidelicet, uel mate-
ria quæ ibi est putruit in asellis ipsis absque hoc quod
transmissa fuerit illuc ex toto putrida, si fuerit fœtor
propter materiam putridam in toto sed transmissam
illuc, tunc erunt signa manifestæ humorum putridorū
in toto, sed si propter materiam putridam in illa par-
te, tunc uidebitur hoc euenisse propter nimiam humi-
ditatem illius, & si debet fieri talis fœtor, oportet cō-
currere quoq; constipationem ipsorum pororum, ut
uidelicet humores ipsi diffilari non possint, nam cum
non diffilantur putrescunt, existente uidelicet ibi de
humido satis, ideo hoc potest contingere dupliciter,
quod uidelicet alicui fœteāt pedes, uel aselle, aut quo-
niam uapores ipsi eleuati ex materia existente in ip-
so corpore occurrunt cum exire uolunt aeri frigido,
qui quidem cum constringat ipsos meatus, ideo rema-
net ibi illa materia, ubi quoq; putrida relictæ emittit
fœtorem, aut etiā potest prouenire fœtor in illis par-
tibus propter materiam existentem fœtentem existiē-
tem in illis, sicut cum sunt sordes multæ, quibus pori
& cutis est referta, tunc enim fœtor eleuatur, unde
huius signum illud esse uidetur, quod sunt multi qui-

bus pedes foetent, quoniam habent in eis multas sordities. Sunt modo aliqui qui quidem, & si quotidie lauent sibi pedes, tamen illis foeteant, quoniam non prouenit tunc foetor ratione sorditierum, sed ratione materie illuc transmissæ intrinsecus, quoniam si esset foetor propter sordities auferretur per ablutionem, sed hic modo restat unum soluendum neque est aliquo modo prætermittendum, cur uidelicet pueri & puellæ uirgines non foeteant ante coitum, tamen statim cum coierint incipiunt foetere, hoc non est maximum, ut ante coitum non foeteant, post coitum autem maxime; aliqui uolentes soluere hanc difficultatem, quam turpissime putauerunt hoc prouenire propterea quia ad axillas ipsas in coitu mittatur aliqua pars ipsius seminis, ideo cum ante coitum transmissa non fuisset illa materia ad eas, non foetebant, sed cum post coitum iam transmissa esset foetent. sed quod hoc falsissimum sit probo, quoniam si hac de causa foetor esset post coitum, sequeretur quod pueri & puellæ magis foeterent.

Sed dicamus nos hoc prouenire potius quoniam cum animal utitur ipso coitu, tunc læduntur maxime principalia membra, uidelicet cor, cerebrum, & hepar, ideo cum debilitentur, transmittunt sua excrementa, quæ habent ad loca debita, hoc est sua emunctoria quæ sunt inguina, asellæ, & glandosæ carnes in gutture, præcipueque ipsum hepar transmittitur ad inguina, unde hepar est membrum in quo principaliter cupido reperitur, si modo Galeno, & maximo Plat. credimus, cum illi uapores & excrementa fuerint transmissa

missa ad loca illa cum non possint diffilari, neq; euapo-
rari, quoniam constricti sunt pori propter continen-
tis frigiditatem, ideo constricta talia excrementa pu-
trent, & eo modo fit fœtor post coitum, quoniam il-
la excrementa quæ transmissa erant ante coitum cū
membra læsa non fuissent, neq; stimulata ad hoc quod
transmitterent excrementa sua ad loca dicta: cum e-
nim ibi quoq; calor multum sit debilitatus, cū sint par-
tes humidissimæ ideo excrementa illa transmissa non
possunt bene concoqui sicq; putrescunt & sequitur
fœtor, ut ergo optime curetur fœtor talis qua uia
procedemus? Dico primum oportere totum corpus
exquisite purgandum atq; mundificandum esse, mun-
dificato toto deueniendum est ad ipsa loca particula-
ria, quid ergo agemus? Dico illa loca quàm optime
esse euacuanda, & purganda exterius si fœtor talis
fuerit ratione ipsarum sorditierum impactarum in ip-
sis meatibus, huius autem signum quod uidelicet fœ-
tor proueniat ratione ipsarum sorditierum erit uo-
bis, quoniam linteamina erunt immunda, ubi uidelicet
iacent cum partibus illis, uel ubi iacent pedes uel in-
guina, uel asellæ, sed quoniam curari non possunt ta-
les fœtores nisi remoueatür obstructio ipsorum mea-
tuum, ideo primo facietis ut purgata sint loca, dein-
de utemini illis ualidius exiccantibus, aperientibus, si-
mulq; resoluentibus & discutientibus ipsam materiã
non enim ualerent leuius exiccantia secundum ipsum
Gal. in 4. illo de simplicium medicinarum methodo,
sicut sunt aqua ordeï siue ipsum ordeum mundifican-

tia, tamen non ualidius sed leuiter, farina uero ipsorum lupinorum, farina quoque orobi sunt efficaciores ad id, quoniam sunt amara, efficacissima uero erunt ista, oleum amygdalarum amararum, myrrha quoque, sed non tantum quoniam crassior est in substantia sua, hinc quoque accipere potestis quomodo prouenit quod absinthium ipsum cum abstersiuam uirtutem habeat in se, tamen applicitum exterius non abstergit, quoniam crassum et terrestre in sui substantia, ideo non potest penetrare eius uis abstersiua, cuius signum quoque est illud, cum cortices nucum sint acres habeant quoque uim abstergendi tamen si applicentur ipsi loco non solum non mundificabunt, sed etiam de turpabunt et nigresciant ut patet in manibus illorum, qui illas tractant, quod ex alia quidem causa prouenire non potest, nisi quia cum sint crassae substantiae, ideo ad quendam determinatum terminum ingrediuntur cutim, postea claudunt ipsos poros, et cum sint terrestres admodum ideo tingunt cutim ut etiam difficulter postea abijci possit talis color, ideo in hoc casu quam conuenientissima erunt amygdalarum amararum olea, neque ab eis recedatis. et ita cum mundificata fuerint loca particularia foetor cessabit. haec sufficiant de foetore ipso, cras de alijs dicemus quae pertinent ad artem de coratiuam, hoc est de pediculis et lendibus.

LECTIO XXVII.

CIRCA materiam de pediculis et lendibus breuis esse conabor. ero ergo breuis, quoniam iam puto

nos optime intellexisse quæ circa putredinem erant intelligenda, uidelicet suas causas, ideo quoniam etiam pediculi & talia animalia fiunt ex putri materia, prætermitemus tanquam declaratum & intellectum tractatum de causis huius putredinis, differt autem materia istorum animalium à materia ipsius scætoris, quoniam materia scætoris. i. ad quam cum putrida sit sequitur scætor, est subtilis uaporosaq; sed materia istorum animalium est crassa uiscidaq; alioquin quomodo generari possent? Et ut debitum conueniensq; principium capiamus de hoc, dicemus quod horum animalium orientium circa cutim ipsam sunt tria genera, quorum unum est illorum pediculorum, quod super cuti & in ipsa cuti manet, & sunt in ea ita infixi, ut eripi aliquo modo non possint ex proprio loco, materia autem istorum est magis sicca, magisq; terrestris quàm materia aliorum pediculorum, hac de causa hærent fixi ipsi cuti conseruanturq; in proprio loco ubi orti sunt, quoniam unum quodq; in proprio loco conseruatur, locus enim proprius est conseruatiuus locatorum suorum. quod autē sint terrestriores patet sensu ipso, quoniam sunt nigriores, neq; fiunt nisi in ipsis adultis, qui abundant terrestri tate magis quàm pueri teneri. secundum genus horum animalium est illorum pediculorum, qui non amplius figuntur in cuti, sed uagantur & generantur ex materia subtiliori quàm generentur illi primi, quoniam eleuantur uapores materiæ istius ex partibus internis & petunt extrinsecas, cumq; ibi fuerint occurrunt

runt frigori continentis, ideo congelantur, & sic existente ibi calore extraneo, fiunt sub forma animalium tales materie, non enim possent alio modo generari, nisi ibi adesset calor extraneus putredinalis, cumq; generati fuerint isti pediculi uagantur per ipsam cutim fiunt autem maxime ex pituita ipsa cuius illud signum esse uidetur, quod nascuntur sæpiissime in ipsis pueris qui sunt pituitosi & humidi magis, fiunt etiam in adultis sed humidioribus. dicuntur autem proprie pediculi. est & tertium genus horum animalium dictorum à nostris lendium, quæ quidem lendes modo neq; fixæ adhærent ipsi cuti, neq; uagantur per ipsam, sed adhærent ipsis pilis, sunt aut lendes quoddam excrementum ipsorum capillorum, et sicciores sunt ipsis pediculis, quoniam et principia earum sunt sicciora, nam pediculi fiunt modo dicto supra cutim, sed lendes supra capillos, modo capilli sunt sicciores ipsa cuti, tñ materie ex quibus generantur lendes sunt subtiliores quam illorum primorum, qui adhærent ipsi cuti pediculorum. Et ideo non oportet homines relinquere in huiusmodi foetidissimis rebus: ut ergo possint mundari quam optime, oportet ipsos medicos scire omnia ista tum causas horum animalium, tum etiam naturam, tum remedia conuenientia ad ipsorum remotionem. cum ergo huiusmodi animalia fiant ex putri materia, oportet primo quantum ad præseruationem remouere causas putredinis, eoq; modo non poterunt generari. Quantum uero ad illa quæ generata sunt, oportet uos illa interimere: & cum quibus: cum obstergentibus pur-

gantibusq; quæ quidem exiccant & aperiunt, modo materia istorum pediculorum est humida, non enim alioquin putruisset ob id dico quod talia medicamenta conueniunt, quoniam sunt contraria illi; amplius aperientia conueniunt, quoniam prohibent putredinem cum remoueant causas putredinis. scitis enim illam fieri propter obstructionem pororum ipsius cutis. conueniunt etiam siccantia quæ sint calida & sicca, quoniam exiccant materiam illorum, ut uidelicet non possint generari, & illa non possint uiuere. conueniunt quoq; incidentia ut est acetum, quoniam materia dissoluitur & dissilit quæ iam collecta erat: conueniunt exiccantia salsa & nitrosa omnia. hæc est uniuersalis methodus curandi, siue remouendi huiusmodi causas pediculorum. neque inuenietis aliqua medicamenta conuenientia ad hoc propositum in ipsa praxi, quæ reduci non possint sub has uniuersales intentiones, neque enim attinet ad negotium nostrum dicere & numerare illa particularia remedia, nisi forte exempli gratia. Diximus ergo conuenire abstergentia ut est succus fabarum immaturarum; exiccantia quoque sicut sunt omnia aromata, aperientia sicut sunt omnia amara, amara enim destruent ista animalia, acria quoque conuenit enim etiam sal nitrum, et talia quod plura istorum uel omnia coniungeretis, tunc sunt perfectissima et conuenientissima, conueniet ergo absinthium quod est amarum, exiccabit, aperiet, absterget. Est enim regula Galeni in illo quarto de simplicium medicamentorum facultatibus, quod conuenientissima sunt illa

illa medicamenta, quæ habent plures intentiones simul requisitas curationi, & promitto uobis absinthium exiccare siquid aliud est, quare uidetur quod sit contrarium istis animalibus; conueniens ergo erit. idem quoque dicemus de agarico, rheubarbaro, idem quoque de saxifragia, ista enim multum conueniens est in hoc casu, si quid aliud, est enim acris, amara, calida, sicca, quæ omnia contrariantur materie istorum animalium, quæ est frigida humidaq;. Ista quidem occidunt pediculos, quoniam secundum suas qualitates eis contrariantur, sunt modo alia medicamenta, quæ quidem a tota sua substantia conueniunt, illisq; contrariantur, non quia sint calida, non quia sicca, non quia amara, non quia acria, sed quia talia sunt occidunt ista animalia, sicut est arsenicū quod quidem nouerunt & illi aucupes, cum falcones & accipitres habent lendes & pediculos, tunc enim utuntur isto arsenico. Est & argentum uiuum quod maxime contrariatur pediculis, imò dicebat quoq; Plinius ille, quod quibuscunque animalibus applicitū fuerit contrariatur ita quod ea occidit. Galenus quoque in illis lib. de simplici medicina cap. de argento uiuo dicebat se nihil cognoscere de hoc argento uiuo, nisi quod est purum uenenum, applicatum ergo argentum uiuum occidit pediculos, imo solum ex eius odore fugiunt. Et hoc quoque testantur isti nostri medici uulgares, qui quidem solent accipere cingulum aliquod cum hoc argento uiuo et ligant capillos, quod cum sentiant pediculi solum ex odore fugiunt, tantum

tum abhorrent argentum uiuum, tunc uideretis exercitus milium occidi moriq; , eodem quoq; modo animalia alia moriuntur ex hoc argento uiuo ; potestis enim curare non solum pediculos isto , sed etiam uermes in intestinis , & in aliquibus rebus putridis . His uisis de lendibus atque pediculis ueniamus modo ad id quod magis attinet , uideamusq; pauca de pilis , utilissimum enim erit uobis scire hoc , oportet autem scire quoque uos ista , ut supra dixi , quoniam continget sepius uobis curare tales dispositiones , cum uide licet ipsi pili laeduntur , & ut hoc commodius rectius rationabiliusq; facere possitis , oportet primo scire essentiam ipsorum pilorum , quomodoq; generentur . in hoc autem tractatu dicam solum ea , quæ ad rem nostram facere mihi uidebuntur , dicemus quæ sint quotq; differentie ipsorum ; de his ergo differentiis dicamus primo ; dico quod pilorum alij sunt congeniti , alij uero postgeniti , hæc est diuisio ipsius met Aristotelis . congenitos illos appello , qui a natiuitate cū ipso animali nascuntur , qui quidem intenduntur ab ipsa natura propter aliquem finem , & propter aliquem usum , sunt enim tanquam partes ad totum animal requisitæ necessariae & essentielles quodammodo , quoniam cum illos à principio generet natura , dicendum est factos fuisse propter aliquid . Naturam enim nihil frustra facere est quoddam fundamentum certum , atque impermutabile : pili autem isti congeniti sunt in trib. locis reperti , in capite , in palpebris , atq; in supercilijs . Post geniti autem non sunt a natura facti

ti sed oriuntur propter materiae necessitatem, qui
 quidem non intenduntur a natura propter aliquem
 finem, sunt autem & isti in tribus locis reperti, in me-
 to, sub asellis, & in inguinibus. Sicut habetis ab
 Arist. quoque in illo primo de partibus animalium.
 Cum enim partes ille sint admodum laxae, ut possint
 recipere excrementa transmissa ad ipsa ab ipsis mem-
 bris principalibus, ideo procedente tempore pori ip-
 slus cutis magis laxantur, & cum ibi sit materia con-
 tinua, ideo incipiunt erumpere huiusmodi pili. Quae
 propter hoc dicens hoc modoq; reddens naturam ge-
 nerationisq; causam pilorum Gal. in illo suo 10. de
 usu partium deridet ipsum Mosē, praeterca et ipsum
 Epicurum reddentes causam generationis horum pi-
 lorum congenitorum, Mosē quidem referentem in
 Deum primum. dicebat enim Mosēs omnia referenda
 in uoluntatem Dei, ut cur pili congeniti hoc modo ge-
 nerantur in uno loco, alio autem modo in alio loco ut
 longi quidem fiant in capite breues autem in superci-
 lijs. Respondebat Mosēs quia ita uoluit Deus, Epi-
 curus uero quia materia huius loci talis est ut ex ea
 erumpant pili longiores, materia autem illius est ta-
 lis ut ex ea generentur pili breuiore, inquit modo
 Gal. quod Deus non dixit pilis capitis uos o pili capi-
 tis crescatis usque in immensum, uos autem o pili su-
 perciliorum & palpebrarum non crescatis, sed esto-
 te breues; neque minus capilli fiunt longiores pro-
 pterea quia materia in capite est talis, ut ex ea fiant
 pili longi, & pili superciliorum breues sunt, quia

materia in illo loco existens est talis, ut ex ea fiant breues pili, inquit Galenus male faciunt isti, quoniā contemnunt artificem sapientem, neque considerant ipsum, quoniam uidentur facere ipsum insipientem. Artifex enim cum uult facere aliquid, præ ligit ipsam materiam, quæ possit esse apta ad hoc, ut fiat tale, uel tale artificiatum, & ideo Deum optimum eligere materiam aptam ad hoc, ut generentur pili longi in capite, breues uero in supercilijs, & in palpebris. hæc enim est sapientia optimi artificis, alioquin esset imprudens, si non eligeret materiam aptam, neque materia talis est, ut ex ea generentur pili uel longiores, uel breuiore, quia sit talis, sed neque quia Deus uult ita, sed oportet dicere generari longos pilos in capite, quoniam Deus elegit materiam aptam ad eorum generationem, ut sint longi in capite, breues in supercilijs, & hoc modo artificiosè agit Deus & sapientissime. & postea Galenus dicit quòd si cōparemus has duas opiniones simul tum Mosi, tum Epicuri, nos cogemur a rei ueritate dicere melius sensisse Mosem, qui in Deum ipsam retulit, quàm Epicurus, qui in materiam; uterque tamen errauit; causam uero huius rei completam tradidimus nos. sed contra Gal. deridentem Mosen insurrexit, & inuectus est in illum ille Rabi Moses in suis aphorismis, defenditq; Mosen ab eius calumnia, & quam optime certe, uideatis ipsum. hæc satis quantum ad primam differentiam pilorum istorum, secunda modo differentia eorum sumitur ab eorum essentia, quoniam pilo-

rum

rum quidam sunt duri, quidam molles, quidam longi, quidam breues, quidam crispi, quidam lenes, & plani, quidam multi, quidam pauci. Præterea sumuntur differentiæ a coloribus quoniam pilorum alij sunt nigri, alij albi, alij flauī, & consimiles; habent autem omnes pili uiam communem passionem quod possunt scindi, & hæc sint salis quoad differentiās ipsorum. Iam tempus est ut ueniamus ad inueniendum modum generationis illorum, id est quomodo generantur, et oportet primo nos uidere locum ipsorum, quare dico quod locus proprius pilorum est ipsa superficies cutis, & notetis ista quam optime, quoniam uidebitis postea quid conferat scire ista, & quid non conferat; & ne erretis, sciatis quod cutim appello illam crassam quæ sentit, non autem cuticulam illam: dicemus ergo, quod locus ipsorum pilorum est cutis; sed materia illorum sunt humores glutinosi, cuius signum est quod non sunt aliquæ cutes, quæ non habeant uisciditatem aliquam propter humores illos ad eam transmissos, unde hoc quoque patet in corijs ipsis, & hoc quoque sciunt illi, qui conficiunt coria, non est enim aliqua cutis, ex qua non potest fieri gluten: causa autem efficiens horum pilorum sunt duo calores, intrinsecus scilicet & naturalis, qui expelli facit materiam illam ad ipsam cutim, & extrinsecus qui cum materia illa peruenerit ad cutim expulsa per calorem innatum, sunt autem uapores, tunc illos congregat, & condensat, iste autem calor extraneus dictus est calor continentis. his stantibus ueniam modo

do ad dicendum modum, quo nascuntur pili. Dicamus ergo, quod uapores illi eleuati, & expulsi a calore innato ad cutim tendunt, & cum in cuti sint pori, ideo uapores illi prorumpunt per ipsos: postea calor continetis ambiens corpus ipsum condensat et coagelat ipsos, sicq; fiunt pili, cuius signum illud est, quod in cicatricibus uos non uidebitis nasci pilos, quoniam ibi non sunt pori, per quos exire possit materia illa, atque prorumpere, est enim cutis quam durissima: neque ubi fiunt possunt nasci, imò quod plus est si nati sint, cadunt, quoniam sunt ita duri, ut uapores non possint erumpere ad nutriendum ipsos, sicq; cum careant alimento, cadunt, cum etiam materia non possit exire, non possunt nasci eadem ratione pili. sed uideamus parumper quomodo et a quo sumuntur naturæ illæ, quas supra numerauimus. Dicebamus enim primo quod pilorum alij sunt duri, alij molles; hæc ergo differentia sumitur hoc modo, quoniam cum cutis dura est, duri quoque sunt pili, si mollis, molles, ita quod qualiscunque sit cutis, tales sunt quoq; ex ea prorumpentes pili. hoc quoque dicebat Aristoteles ille homo diuinus, sed non hoc sufficit, nam oportet etiam concurrere ad hoc ipsam materiam, nam si esset cutis dura, tamen materia mollis esset non fierent pili duri, sed molles, sicut manifestum est in elephantibus nam habent cutim duram, solidamq; tamen habent pilos quam remississimos, quod non ex alio prouenit, nisi quoniam materia illa ex qua eleuata ad cutim fiunt pili, est humida,

mida, mollisq; , nisi ergo cum cuti dura sit quæq; ma-
 teria dura, uiscosaq; , non fiunt duri pili; si ergo cu-
 tis sit dura, materia uiscosa per casum tunc pili nati
 ex eis sunt asperi, sed si materia sit mollis, & cutis
 quoq; sit mollis, & tenera, sicut in mulieribus et pue-
 ris tenellis, pili quoq; fiunt molles, sed cur fiant lon-
 gi, uel breues, dicamus, nam cum hoc q. cutis est mol-
 lis, si materia sit multa, fiunt pili longi, sed hoc non
 sufficit, uerum requiritur etiam agens fortius, quod
 expellat. s. calor intrinsecus, quanto enim magis ex-
 pellet materiam illam multam, tanto longiores fient,
 breues autem fiunt per causas contrarias, quoniam
 contrarioris sunt contrariæ causæ, nam cum debilis
 sit ille calor, neq; possit tantum expellere materiam
 ad extra, & cum hoc modo materia pauca sit, tunc
 pili fiunt breuiiores; in cerebro ergo fiunt multa ex-
 crementa quæ eleuantur ad cutim ipsius capitis, ideo
 fiunt longi capilli, quoniam semper uapores illi tran-
 smissi fouent materiam, ex qua nutriuntur capilli, &
 cum ibi quoq; sit calor idoneus, & satis potens, qui
 expellit illam materiam, ideo prolongantur, calor au-
 tem nō est propter cerebrum quoniam est frigidum,
 sed propter uasa multa ibi existentia, quæ ad ipsum
 portant nutrimentum, & hæc est causa propter quā
 capilli longiores fiant, quā in cæteris locis, cū hoc
 modo quoq; cutis non est admodum dura, & ualde pa-
 rosa, ideo fiunt multi, sed in supercilijs, primo os est
 ibi durum ualde, ideo materia non potest transmitti
 in multa quantitate. Amplius calor debilis est, ideo
 non

non potest ita transmittre materiam ipsam, propter
ea sunt breuiores hic pili, sed in senibus fiunt longio-
res, quoniam magis exiccatur os, laxantur pori, &
humiditates multæ colliguntur, ideo calor quoq; ille
expellit, sicq; fiunt longiores. sed dicamus iam de a-
lijs quoq; differentijs, nam cur fiunt crispi pili, cur
plani, & lenes, Aristoteles assignabat unam causam
ipsius crispitudinis, cur uidelicet pili fiant crispi, dice-
bat enim hoc prouenire propter ipsum calorem adu-
rentem, cuius signum esse potest, quod chordæ cri-
spantur & torquentur, si nimium calefiant, quod
quoque optime cognoscentes mulieres, cum uolunt
ipsos reddi crispos, accipiunt aliquod ferrum, & ca-
lesfaciunt, postea torquent pilos eis applicando illud,
& hanc quoq; causam confessus est Galenus. Sed non
ea solum contemptus, sed adiungere uoluit quoq; a-
liam causam, quoniam dicit quod aliquando pori ip-
sius cutis sunt in obliquum tendentes, aliquando autē
in rectum, cum autem tendunt in obliquum, & eru-
punt per eos illi uapores, ex quibus congelatis fiunt
pili, accipiunt figuram illam loci uidelicet obliquam
& obtortam, & quoniam augentur secundum mate-
riam, non autem secundum formam, secundum quam
ea quæ augentur, prompte augentur, ideo non cre-
scunt in omnibus suis partibus manente eadem figura
sed secundum materiam aduenientem attolluntur tan-
tum sicq; pertranscentes per poros illos obliquos ac-
cipiunt eorum figuram, & cum prolongati sunt, po-
stea manent obtorti & crispi, si autem meatus sint

Z

tendentes

tendentes in rectum, eadem ratione fiunt pili plani, & recti, sed distinguebat Galenus, quoniam si crispitudo pilorum sit propter figuram ipsorum meatuum, tunc pili fiunt tenues, mollesq; si autem proueniat propter calorem adurentem, tunc fiunt asperi, unde Aethiopes propter ardentem, adurentemq; solem et calorem habent capillos obtortos & crispas, tamen asperos, sed Sicambri habent quidem obtortos, crispasq; capillos, non enim asperos, sed tenues, quoniam crispi non fiunt propter calorem adurentem, unde bene sciens hoc dicebat ille poeta,

Crinibus in nodum tortis uenere Sicambri,

Atque aliter tortis crinibus Aethiopes,

Aduertatis ergo hanc Gal. distinctionem, quomodo fiant crispi a duabus causis, differenter tamen, ut audivistis. hæc de crispitudine, & planitie: Dicamus modo a quibus causis fiant multi & pauci: Ista enim est alia differentia ipsorum pilorum. Dico ergo, quod paucitas pilorum prouenit primo propter ea quia pauci sunt uapores ascendentes ad cutim, cum hocq; stat imbecillitas caloris innati expellentis ipsam, & Galenus assignauit causam ipsius caluitij, quoniam uidelicet materia sicca est, & pauca, sed Aristoteles quam optime assignauit eius causam, cum dixit quod eius causa est paucitas agentis, idest caloris innati expellentis, unde hoc modo refert Aristoteles, quod huiusmodi signum esse uidetur iuuenes habere multos pilos ante coitum, sed cum incipiunt coire, quoniam calor innatus debilitatur, fiunt pauciores, & rariores, ca-

lor autem extraneus magis augetur, postgeniti autem pili augentur, cum minuuntur antegeniti, quoniam multa remanent excrementa propter imbecillitatem caloris non recte concoquentis ideo sunt multi postgeniti, sicut enim est in paludibus, in quibus sunt multa excrementa non nascuntur herbae, quoniam non est ibi calor; sic quoque in nostro corpore inquit Aristoteles, ut si multa sint excrementa post coitum, tamen quoniam calor est imbecillis; ideo non possunt transmitti ad cutim, ideo non fiunt multi, sed excrementa illa cum debili calore illo sunt causae cur postea magis augentur postgeniti, sed Galenus (ut dixi) hoc retulit ad causam materialem, nam inquit ipse caluitium fieri, siue etiam paucitatem ipsorum pilorum propter defectum materiae, quoniam cum exsiccatur ipsa et pericranium, nam aut propter coitum, aut propter aetatem pericranium elongatur ab ipso craneo; tuncque induratur, unde vapores postea non possunt ascendere ad cutim, et ideo pili fiunt rariores, et pauciores, cuius signum illud est, quod qui coeunt magis, fiunt etiam magis, citiusque calui. Habetis ergo omnes differentias pilorum, quantum ad duritiem, molliem, asperitatem, lenitatem, multitudinem, et paucitatem, longitudinem, et breuitatem, crispitum, et planitum, sed quoniam sunt datae quoque differentiae pilorum a coloribus, dicamus parumper et de his. Dicamus ergo pilos uariari in suis coloribus propter uariationem ipsius materiae, et agentis, propter materiam quidem uariantur, quoniam

si humor sanguineus peccet in corpore humano, fiunt
 pili rubei, clari, sicut docebat Gal. in secundo illo
 artis parue, lib. Si uero bilis, fiunt pili lutei, flauī,
 seu fului, si pituita fiunt albicantes, sicut uobis mani-
 festum esse credo de ijs qui habitant Patauij ad Pra-
 tum Vallis, qui exercent artem illam, quam uocant
 pellizariam, nam si atres, sorores, omnesq; illius
 domus habent pilos omnes albicantes, quoniam mul-
 tum in illis peccat humor pituitosus, et habent tan-
 tam frigiditatem ipsius cerebri, ut parum uideant.
 fiunt autem nigri pili propter melancholicam mate-
 riam peccantem, & hoc modo fiunt colores propter
 materiam, sed propter agens fiunt hoc modo diuersi
 colores pilorum, secundum quod ipsum quoque diuer-
 satur, nam si peccet in aliquo melancholia tamen ca-
 lor sit debilis, non propterea fient nigri pili, quoniā
 sicut dicebat Galenus in lib. secundo de Temperamen-
 tis, fiunt potius subnigrescentes & cineritij pili, quo-
 niam propter materiam quidem facti essent nigri, sed
 quoniam calor, qui est agens, non fuit tantus, & ita
 fortis, ut reduceret ipsos ad nigredinem, ideo non po-
 tuerunt fieri nigri, sed relictī sunt subcineritij, idest
 coloris illius cineris, sic etiam dicendum est de alijs
 materijs peccantibus, puta pituitosis, nam cum pro-
 pter pituitam deberent fieri albi, tamen quia calor de-
 bilis fuit, non fiunt albi, sed subalbi, sed cum peccat
 bilis, aut sanguis, tunc quoniam agens, idest calor
 non potest deficere, & debilis esse, ideo fiunt secun-
 dum humorem abundantem, si sanguis, rubri, si bi-
 lis,

lis, flauis. Sed quid dicemus de caluitie? Quomodo enim fit? Dico quod fit propter multitudinem pituitæ, & humiditatum, ex quibus generari deberent ipsi pili, tamen putrescunt, ideo pili quoque cum foueri non possunt, decidunt, aut fit caluitiem propter defectum caloris agentis, unde uidemus quod in iuuenibus fiunt multi pili & plures quam in senibus sint, quoniam in eis calor innatus multus est, sed etiam uidemus iuuenes fortes, calidosque habentes plurimum de calore innato, & illo quidem forti, tamen propter humiditates multas abundantes & putrescentes fiunt calui, propter defectum autem caloris fiunt calui senes. Quid dicemus de curatione caluitiei? Dico ergo quod non potest curari, neque pili illi possunt reparari in senibus, quoniam sicut optime declarabat Aristoteles in lib. ultimo, de Generatione animalium, si tempora ipsius hominis possent redire, posset quoque caluities reparari, sicut plantæ & arbores reparant sua folia, quoniam singulis annis reparantur sua tempora, nam redit uer singulis annis, postea æstas, autumnus, & hyems, & iterum uer, sed non redit adolescentia, non iuuentus, non senium primum ipsi homini, ideo neque pili illi possunt regenerari.

LECTIO XXVIII.

CIRCA eam partem decoratiuæ, quæ uersatur circa pilos docebamus in hesternâ lectione unde orirentur, sumerenturque differentię omnes ipsorum

pilorum, nam oportebat primo uos præscire illa omnia quantum heri, tum in superioribus lectionibus diximus, si uolebatis recte curare, ubi curatio materia est. supponatur ergo ista tanquam optime declarata & etiam intellecta. Veniamus modo ad curationem ipsam, ne maneamus in his per mensem, & ueniamus ad rem nostram, uidebitis modo nunc quid referat præscire illa. prima ergo differentia pilorum erat ista quod pili sunt in duplici differentia, aut. n. sunt antegeniti, aut postgeniti, & quomodocunque sint, semper sunt in tribus locis, nam antegeniti sunt in tribus locis, in capite, supercilijs, & palpebris, postgeniti autem in totidem locis, in mento, inguinibus, & ascellis. Nunc dicamus de curatione postgenitorum, si in aliquo deficient, nam hoc genus pilorum habet quod diuersum ab illis naturalibus, uoco naturales illos qui congeniti sunt. Dico ergo primo quod nullus querit destruere pilos congenitos & naturales, siue sit mas, siue foemina, immo omnes quoad fieri potest custodiunt illos, sed in postgenitis est dissensio, quoniam sunt quidam qui desiderant illos habere, quidam autem cupiunt non habere, sicut sunt multæ mulieres, & aliqui homines qui malunt esse mulieres, quam uiri. Multi ergo querent a uobis præseruare ne oriantur huiusmodi pili, siue in mento, siue in inguinibus, siue in ascellis. Amplius sunt alij, qui si orti sint pili, querunt illos destruere, & quocunque artificio, ut decidant; tertio alij sunt qui uolunt ut post decessum eorum fiat, ita ut non amplius oriantur.

tur. Quoad ergo primum, Dico quòd non debetis querere præseruationem ortus pilorum eo modo, sicut faciunt isti nostri empirici, sed queratis ex methodo, & secundum medicos dignos Aesculapio, naturamq; rei semper præ oculis habeatis, & semper recte procedetis in curatione uestra. Credo ergo quòd iam sciatis materiam ipsorum pilorum illam esse, quæ transmittitur ad ipsam cutim, idest uapores illos humidos, uiscidos, uiscososq; expulsos ad cutim ab ipso calore innato cuius signū esse diximus supra, quòd coria omnia sunt unctiosa, uiscosaq; & artifices faciunt gluten ex ipsis, quoniam semper est aliqua materia uiscida, quæ transmissa est a calore expellente, habemusq; poros apertos in ortu pilorum. Quare cum hic habemus tria calorem naturalem expellentem, materiam uiscidam transmissam, & pororum apertionem, habemus quoque tria facere, cū uolumus præseruare ortum pilorum; primo quidem exiccare materiam illam humidā, uiscosamq;. Quod hoc sit faciendum patet, quia etiam calui fiunt homines propter siccitatem illius materiæ, ut diximus supra, & uidemus senes siccos esse, cum calui fiunt, præcipue secundum dicta Galeni. secundo quia calor innatus est ille qui expellitur ad cutim huiusmodi materiam, ideo oportet debilitare ipsum, ne possit expellere eam. tertio quoniam habemus poros laxos, oportet nos constringere illos & constipare, cuius signum est quòd in cicatricibus non oriuntur pili, quoniam indurata est ibi cutis, & consequenter sunt

pili constricti, ita ut non possint erumpere pili. Quantum ergo ad exiccationem ipsius materie, Dico quod exiccabimus illam applicando exiccantia, quæ simul cum hoc penetrent, quoniam nisi penetrarent, non haberetis uestrum intentum, sed si debent penetrare, oportet ut sint subtilis substantiæ, tenuisq; quoniam tunc ad profundum penetrabunt, ex ijs autem quæ sunt tenuioris substantiæ, faciliusq; penetrant, sunt calida & sicca, quæ si applicentur, non solum non habebitis intentum uestrum, sed etiam magis crescent pili, & ideo non utamini istis exempli gratia, sicut est Cinnamomum, sed utamini exiccantibus quidem quæ sint sicca, cum hocq; frigida, sicut est acetum, penetrat enim statim ad profundum, frigidum est & siccum, utamini quoq; succo limonum, aut citrionum, siue succo lapatii, ista enim refrigerant, exiccant, penetrant, & ita conueniunt in hoc casu, & cõsimilia accipiat, nolo enim nunc cumulare syluam medicamentorum, quoniam nimium prolixum esset, satis est ista dixisse exempli gratia, & ut sitis prõptiores ad inuenienda multa alia cõsimilia, quæ pene sunt infinita, neq; hic sunt dicenda, cum ad nos nunc non attineat. hæc sint quoad primum, uidelicet ad exiccationem ipsius materie uiscosæ. Quoad secundum etiam, idest quoad extinguendum, debilitandumq; calorem naturalem expellentem uapores uiscidos illos, oportet quod inueniatis refrigerantia insigniter, utamini ergo sanguine rubetæ, succo cicutæ, succo mandragoræ, sanguine uespertilionis, ista enim

enim omnia refrigerantia sunt quàm maxime; sunt autem alia quæ id conuenientia sunt non propter qualitatem aliquam quia .f. refrigerent, sed à proprietate occulta * substantia extinguentia ipsum calorem innatum, & prohibentia insimul pilos ipsos, sicut est lac canis, & talibus. tertio oportet quòd adstringamus poros laxos, ne possint prorumpere pili per adstriagentia, ut sumantur balaustriæ, uel terra sigillata, uel bolus armenus dictus ab istis modernis gleba armeniaca, & talia, quæ adstringant, postea misceantur simul omnia, quæ .f. refrigerant, & siccant propter materiam, quæ insigniter refrigerant propter calorem expellentem, & adstringentia propter poros cutis, ut esset quoq; cerusa, & ita bene mista facient quoddam compositum medicamentum, de quo superponatur loco, & eo modo prohibebuntur pili, ne oriantur. possitis postea uos augere, minuereq; quantitatem componentium secundùm indigentiam, non enim uolo hic omnia dicere, sed de uobis methodum solum inueniendi conuenientia medicamenta, inuenietis enim ex his plurima alia, ita ut uobis declaro, quia inuenietis in lib. istorum medicamenta alia, sicut oua formicarum, quæ conueniunt in prohibitione ortus pilorum. Alij autem dicunt alibi, immo & illi ipsi quòd non conueniunt, immo faciunt ipsos crescere, inuenietis etiam apud ipsum Archigenem. Quomodo ergo potest eadem causa contrarios producere effectus? nam oua formicarum, prohibent ortum pilorum, & faciunt ipsos crescere, ideo

pili constricti, ita ut non possint erumpere pili. Quantum ergo ad exiccationem ipsius materie, Dico quod exiccabimus illam applicando exiccantia, quæ simul cum hoc penetrent, quoniam nisi penetrarent, non haberetis uestrum intentum, sed si debent penetrare, oportet ut sint subtilis substantiæ, tenuisq; quoniam tunc ad profundum penetrabunt, ex ijs autem quæ sunt tenuioris substantiæ, faciliusq; penetrant, sunt calida & sicca, quæ si applicentur, non solum non habebitis intentum uestrum, sed etiam magis crescent pili, & ideo non utamini istis exempli gratia, sicut est Cinnamomum, sed utamini exiccantibus quidem quæ sint sicca, cum hocq; frigida, sicut est acetum, penetrat enim statim ad profundum, frigidum est & siccum, utamini quoq; succo limonum, aut citrionum, siue succo lapatij, ista enim refrigerant, exiccant, penetrant, & ita conueniunt in hoc casu, & cõsimilia accipiat, nolo enim nunc cumulare syluam medicamentorum, quoniam nimium prolixum esset, satis est ista dixisse exempli gratia, & ut sitis prõptiores ad inuenienda multa alia cõsimilia, quæ pene sunt infinita, neq; hic sunt dicenda, cum ad nos nunc non attineat. hæc sint quoad primum, uidelicet ad exiccationem ipsius materie uiscosæ. Quoad secundum etiam, idest quoad extinguendum, debilitandumq; calorem naturalem expellentem uapores uiscidos illos, oportet quod inueniatis refrigerantia insigniter, utamini ergo sanguine rubetæ, succo cicutæ, succo mandragoræ, sanguine uespertilionis, ista enim

enim omnia refrigerantia sunt quàm maxime; sunt autem alia quæ id conuenientia sunt non propter qualitatem aliquam quia .s. refrigerent, sed à proprietate occulta * substantia extinguentia ipsum calorem innatum, & prohibentia insimul pilos ipsos, sicut est lac canis, & talibus. tertio oportet quòd adstringamus poros laxos, ne possint prorumpere pili per adstriagentia, ut sumantur balaustriæ, uel terra sigillata, uel bolus armenus dictus ab istis modernis gleba armeniaca, & talia, quæ adstringant, postea misceantur simul omnia, quæ .s. refrigerant, & siccant propter materiam, quæ insigniter refrigerant propter calorem expellentem, & adstringentia propter poros cutis, ut esset quoq; cerusa, & ita bene mista facient quoddam compositum medicamentum, de quo superponatur loco, & eo modo prohibebuntur pili, ne oriantur. possetis postea uos augere, minuereq; quantitatem componentium secundum indigentiam, non enim uolo hic omnia dicere, sed do uobis methodum solum inueniendi conuenientia medicamenta, inuenietis enim ex his plurima alia, ita ut uobis declaro, quia inuenietis in lib. istorum medicamenta alia, sicut oua formicarum, quæ conueniunt in prohibitione ortus pilorum. Alij autem dicunt alibi, immo & illi ipsi quòd non conueniunt, immo faciunt ipsos crescere, inuenietis etiam apud ipsum Archigenem. Quomodo ergo potest eadem causa contrarios producere effectus? nam oua formicarum, prohibent ortum pilorum, & faciunt ipsos crescere, ideo

ideo homo qui habet methodum & naturam rei semper considerat, soluet facillime hanc apparentem contradictionem, non enim hoc prouenit propter naturam medicamenti, quoniam semper eundem effectum producit per se, diuersum postea per accidens, nam quatenus tali, & tali homini applicantur ista oua per priorum prohibitionem, taliter etiam & taliter producant suum effectum modo. scilicet prohibent, modo uero fouent, sunt enim oua formicarum frigida & sicca, ideo debilitant calorem innatum, exiccant etiam materiam illam humidam, uiscosamque, ideo si cui applicantur, prohibent pilos propter has causas, sed quoniam sunt aliqui calidissimi naturaliter, qui quidem non habent pilos, quoniam scitis ad generationem pilorum requiri moderatum calorem, non autem adurentem, illi enim (ut uidetis) non habent barbam, quod non prouenit nisi hac de causa, quoniam calor ille inmoderatus absument materiam, ex qua generandi erant pili, & ita non generantur, ideo oua formicarum adhibita istis temperant illum excedentem calorem, et cum moderatus sit, non amplius absument materiam illam, ideo generantur pili, modo illa refrigerantia etiam non sint ita refrigerantia, & extinguunt calorem innatum & absument quoque simul materiam ipsam, uidete ergo quomodo eadem oua formicarum producant diuersos & contrarios effectus, nam producant pilos, & prohibent, hoc autem diximus non esse propter ipsa oua, sed esse ratione illorum, quibus applicantur, & hoc per accidens prouenit.

accidit

accidit enim quod sunt applicata ipsi calidissimo homi-
ni, ideo temperatus est eius calor & generati sunt pi-
li. Postquam ergo diximus quomodo prohibendus est
ortus pilorum, & cum quibus, ueniamus modo ad se-
cundum à principio propositum, & doceamus quo-
modo & cum quibus possumus facere ut pili decidant,
post medicamenta omnia istorum medicorum nostro-
rum faciatis ut accipiatis auripigmentum cum calce
ipsa æquis portionibus misceantur simul, sunt quidē
& alia, sed non ita citò expediunt rem, sicut illud no-
strum medicamentum dictum, illa enim si cito faciunt,
hoc est in teneris solum ut est in pueris & talibus, sed
teneatis ut dixi meum auxilium, quoniam statim inci-
deret detruncat pilos, tanquam si esset quædam noua
cula, quæ abraderet, si autem uolumus insensibiliter
curare decessum pilorum, non possumus meliori me-
dicamento quam illo, quoniam habet causticam uirtu-
tem; & quod hoc sit uerum patet, quia ubi applica-
tur, locus ille rubescit, ideo postea ille locus est abluē-
dus, ne inflammetur puta decocto fabarum, & mala-
uæ, altheæ, cōsimilibusq; potestis etiam accipere ps-
lotrum. dicunt enim quod facit decidere pilos, postea
quam autem decesserunt pili debemus postea uenire
ad ea quæ prohibent pilos, quæ sunt autem ista, iam au-
distis, oportet uos illuc animum intendere, neq; enim
uolo bis idem repetere, quoniam eadem quæ conue-
niunt ad prohibitionem pilorum antequam oriantur,
conueniunt etiam ad prohibitionem pilorum post ca-
sum ipsorum, ideo cum iam satisfecerimus tribus pro-
positis

possitis à nobis superius, sufficiant ista de pilis post genitis, ut de ijs quæ sunt in inguinibus, sub ascellis et in mēto, sed multi sunt, qui quærent habere barbam quomodo ergo eis satisficiemus? Dico quòd ex methòdo data prò casu pilorum & prohibitione ipsorū potestis inuenire contrariā, quæ uobis id præstare possint, sed quid dicemus de congenitis, qui sunt in capite, supercilijs, & palpebris? quantum ad illos qui sunt in supercilijs, quærent istæ mulieres præcipue habere illos paucos, breuesq; , sed quantum ab illis, qui sunt in capite, quærentur colores pulchri, ut aurei & lucidi ab istis mulieribus non autem nigri, quærent etiam illæ habere capillos longos, quoad fieri possit. Dicebamus superius quinq; differentias pilorum, ideo omnes sunt singillatim considerandæ, ut si in aliqua illarum deficiunt pili, possimus succurrere. primo ergo dicebamus pilos alios molles, alios duros, mulieres nostræ quærent pilos molles, ideo oportet si non habeant molles, ut ita faciamus quòd habeant molles, delicatosq; . ex methòdo data, credo quòd iam sciatis, quomodo oriantur pili, quoniam requiritur materia uiscosa humida, laxitas pororum cutis, amplius calor moderatus, non adurens, quoniam calor immoderatus facit pilos duros, sicut manifestum est, in Aethiopibus, oportet ergo si calor innatus sit immoderatus, ut moderetur, caueant ergo patientes à solaribus radijs, ne ambulent sub sole, eiusq; calore, ex quo potestis colligere quantum errent mulieres nostri temporis, quæ cum putent se colorare capillos

pilos manendo sub ardentibus radijs solis pectendo, incidunt in maius peccatum, quoniam colorant quidē ipsos, sed fiunt postea breues, & duri asperiq; cuius signum illud est, quod Scythæ habent pilos molles propter frigiditatem ipsius aeris existentis in Scythia secundum quod dicebat quoq; Aristoteles. Amplius caueant à frictione cum pannis calidis, neq; exiccent pilos apud ignem propter igneum calorem, sed oportet uti illis quæ moderantur, temperantq; calorem innatum, ut lixiuia, quibus abluuntur, sint dulcia, puta facta ex aqua, & cinere uitium, non autem illarum arborum fortiorum, sicut sunt quercus & tales, & in eo lixiuio decoquantur mollientia aliqua, sicut esset aliquid de malua aut althea, neq; sit lixiuium illud feruidum, in quo abluuntur, & breuiter caueant ab omnibus immoderate calidis. postquam autem siccauerint illos, inungantur oleo rosaceo composito, quod sit ex oleo sisamino, oleoq; rosaceo, moschoq; ut sit odoratum. quando postea uellemus colorare ipsos, ut puta aurcos reddere, sicut cupiunt istæ nostræ mulieres, tunc ego habeo unum mirum remedium, ut accipiantur oculi populi, quam nos uocamus albaram, ex illisq; exprimatis & faciat is oleum, uidelicet imponendo in oleo sisamino, de quo illinantur capilli, postquam loci sunt. Dabamus postea aliam differentiationem pilorum, cum dicebamus pilos alios esse multos, alios uero paucos, mulieres nostræ quærun multitudine illorum, ad hoc autem ut sint multi pili, requiritur primo materia multa, quæ ad cutim ascendat, secundo

secundo calor innatus, qui moderatus sit, ideo oportet patientes uti illis cibis quæ generant bonum sanguinem, suntq; optimi chymi, quoniam multitudo aliorum humorum facit cadere pilos potius, quàm augeri, unde non esset inconueniens si prius totum corpus purgaretur malis humoribus, utendo postea bona uictus ratione. Dicebamus postea opus esse pilos aut longos, aut breues esse. mulieres quærunt ipsorū longitudinem, primo ergo dico quòd oportet caput quàm mundissimum esse, ut materia melius possit erumpere, & prolongari possint; & ut euentetur materia illa, ne putrescat, ideo dico etiam quòd non oportet in hoc casu uti exiccantibus, ut sunt illæ suæ aquæ fortes, quibus utuntur, quoniā istæ mulieres semper quærunt peius, nam etsi putant se colorare, tamen adurunt illos, & fiunt breues, destruunt quin etiam substantiam ipsorū, & quod deterius est, destruunt propriam uitam, & ea quæ conueniunt ad mollitiem ipsorum pilorum conueniunt etiā ad longitudinem ipsorum, quoniam eadem sunt causæ facientes longos & molles, poteritis ergo uti illo lixiuiio supradiçto, recurratis ad illa, quoniam nolo nunc repetere, sed uolo expedire me, ut hodie possim perficere materiam istam, & uenire ad res maioris momenti. Quantum autem ad crispitudinem & planitiam, dico quòd etiam quærūt istæ mulieres crispitudinem pilorum, sed ego hortarer ut cauerent à rebus incrispantibus ipsos, quoniam cum hoc quòd incrispant, destruunt substantiam pilorum, sed si uolunt incrispare, utantur calidis illis

pannis

pannis fricando pilos, hæc patent ex data methodo. Præterea dicebamus pilos alios multos, alios paucos, mulieres quærunť multitudinem illorum, ideo parum-
per insistendum in hoc, quoniam maximi refert, pri-
mo ergo dicamus quòd paucitas pilorum fit, quando
cadunt pili, sed quando cadunt, aut cadunt propter
materiam nullam ascendentem ad cutim, quæ foueat
ipsos, aut propter ipsam deprauatam, aut quia exico-
cata est cutis, & tunc induratur cutis, neq; erumpe-
re possunt pili, & tunc non est quærenda curatio ut
fiant multi quoniam est impossibilis, cum uolu-
mus prohibere aliquam caluitiem quæ ideo fit, quo-
niam paucitas pilorum est, & cadunt, tunc conueniẽ-
tiori non possumus uti remedio, quam sit illud oleum
amygdalarum dulcium, nam conseruat tum humidũ,
tum calorem innatum, sicut erat sententia illius ma-
gni medici Auenzoar, sed quando fit caluities, pro-
pterea quia materia deprauata est, ex qua generari
habent pili, fit puta in alopecia & ophiafi siue mor-
phea alba, ut modo istorum Arabum & modernorũ
nostrorum loquar. cadunt etiam pili, & fit caluities
propter materiam nullam, quæ foueat pilos, sicut ali-
quãdo prouenit in ægitudinibus magnis, et genera-
tur postea per generationem humorum, qui deficie-
bant. in morbo autem gallico cadunt pili propter pu-
tredinem ipsius materiæ, quoniam cum morbus galli-
cus sit intemperies in hepate, ut aliàs ostendimus in
proprio tractatu, ideo non potest generare bonos hu-
mores, & cum concoquit cibum, eleuantur uapores
isti

isti mali putridi ad cutim, & ideo cum non possint fo-
ueri pili cadunt, ideo quid agemus in isto casu? dico
quod omnium putredinum curatio est primo exicca-
tio, sed non utendo ijs, quæ absumunt humidum natu-
rale & utile, sed utamini illis, quæ parum penetrent,
& absumantibus illam materiam inutilem, quæ putri-
da est, sed non oportet quod remedia illa sint frigida,
sicut eis utebamur quando prohibebamus ortum pi-
lorum, sed neq; oportet esse nimium calida, sed sint
moderate calida, quoniam calor moderatus cum fiat,
concoquit materiam, & facit euaporare putridos ua-
pores, sicq; conuenientissimum erit hoc remedium,
hoc enim proprium est caloris moderati, quia tolle-
tur putredo humorum. medicamenta autem id nobis
præstantia erunt secundum nostros medicos, si suc-
cus ipsius Thapsiæ misceatur cum oleo liliorum albo-
rum. Sed quoniā Thapsia oritur in Regno & Appu-
lia, ideo cum asportant nostri Itali in Italiam, longo
tempore stant in itinere, ideo quoniam est genus ser-
ule habens radicem raram post aliquot dies euaporat
ipsius uis, & propterea ego dimitterem ipsam Appu-
liam & sumerem aliquid aliud, quod loco ipsius uale-
ret, ut si sumamus euphorbium cum prædicto oleo, si
autem uolumus medicamenta agentia à proprietate
occulta sumamus oleum illarum lacertarum uiridiū,
quod optime sciunt conficere homines nostri tempo-
ris, hoc enim oleum à proprietate facit multitudinem
pilorum, & eorum pulchritudinem ut uideantur om-
nino aurei coloris esse, uti patetis quoq; illo oleo ga-
ryophyllorum,

ryophyllorum, oleo quoq; nucis moschate, quod in-
cepit afferri in Italiam, penetrat mirum in modum,
exiccatq; & ego uidi experientiam præcipue dum
essem Romæ, unus inunxit sibi manum, & quamprimum
illud oleum penetravit ad aliam partem manus.
Sed dicamus modo quædam de coloribus ipsorum pilorum
& primo uideamus causam caniciei. Dico ergo
quod canities fit propter putredinem ipsius pituitæ,
eiusq; multitudinē, sicut patet in his qui perpeffi
sunt aliquam ægritudinem, nam in illis calor est debi-
litatus, & generatur pituita, sicq; canescunt pili, sic
etiam in senibus hoc prouenit. quod autem propter
infirmiorem aliquam fiunt cani pili, manifestum uobis
est si uidistis illum patavinum nobilē, qui post quædam
ægritudinem magnā canuit, tamen postea conu-
luit, & denigrati sunt pili, quod signum fuit non ca-
nuisse ipsum, nisi propter ægritudinem quæ præces-
serat, oportet ergo in his confortare calorem innatū
& prohibere putredinem, necesse est etiam prohibere
sorditiem, ut fiat euentatio materiæ, quoniam nisi
euentetur, putrida relinquitur, cuius signum est il-
lud, quod ij qui portant aliquid super caput, semper
citius canescunt, quod non est nisi, quia prohibetur
euentatio materiæ; utamini ergo oleo citoniorū, oleo
de garyophyllis, cum hoc enim quod exiccat, confortatq;
calorem, alterat etiam pilos, ita quod conuenientissimum
crit omnium remediorum, sed quando sunt cani homines
dicunt aliqui quod debemus, uti exiccantibus, quoniam
albedo illa pilorum non pro-


uenit, nisi propter pituitam dominantem quæ maxime humida est, & nihil præstātius esse potest ad exiccandam illam, quam sint calidæ ualide, ut quod componitur ex calce lithargyrio & talibus. ad exiccandum etiam possumus uti gumi cedria quæ asportatur ex oriente, loco eius possumus uti oleo iuniperi, sandaraca quoq; & uernix conueniunt quæ misceantur & ex illis fiat destillatio, et illinatur locus, possumus etiam colorare, ut ex uitreolo, & corticibus granatorum, & omnibus ijs, quæ tingunt, gallam quoq; imponatis, fiatq; coloratio, galla enim fere ubique in ijs quæ tinguntur, imponitur, nam nouerunt quoq; hoc tinctores, qui semper imponunt ipsam in tincturis, sed tamen mihi magis placet, ut exiccationi attendamus, quam colorationi. si autem uultis facere flauos pilos, utamini abstergentibus quoq; ut sulfure, alumine, nitro, talibusq; sed si qui quærant tincturam pilorum existentium in supercilijs, tunc potestis accipere garyphyllos cum radice illa guadi cum antimonia, quæ misceantur quoad fermententur omnia simul, & fiat oleum, de quo illinantur supercilia, optimum namque est remedium ad nigrescendos pilos illos. Sed hæc iam sufficiant pro hac materia, dixi enim ista ut excitarem potius ingenia uestra quam ut facerem tractatum completum. si haberem tempus docerem etiam facere uirginitatem. i. quomodo appareat, etsi non esset, tamen multa quoq; alia essent dicenda, quæ non dicam hic, quoniam oportet attendere rei naturæ.

LECTIO XXIX.

De horis ægritudinum. Cap. V.II.

C R E D O uos meminisse quòd sumus in tractatu de dispositionis illis, quæ accidunt corpori humano, sanitate, ægritudine & neutralitate. de sanitate & neutralitate dictum est, tractauimus quoq; de ægritudinibus omnibus, uidimus enim quot essent genera simplicium ægritudinum, quotq; compositarum, & de eis sufficienter dictum est. diximus etiam de illis dispositionibus, quæ non sunt ægritudines, tamè numerantur inter ægritudines, quoniam curantur quoque ipsæ, quæ sunt res attinentes ad decorationem ipsam; superest modo ut expleamus cum Auicenn. tractatum hunc de ægritudinibus, quem quidem non possumus explere, nisi ultra hoc, quòd cognoscimus essentiam morborum, cognoscimus quoq; propria accidentia ipsorum, nam secundum Ar. primo de animalib. tex. ij. Accidentia magna ex parte conferunt ad cognoscendum quod quid est, immo accidentia propria sunt illa, quæ demonstrantur, sed inter accidentia propria ægritudinibus est unum proprium, quod ab eis non potest separari aliquo modo neq; actu, neq; imaginatione, quod est tempus ipsum, nam cum ægritudo semper moueatur, & omne quod mouetur, mensuretur tempore, ergo ægritudo mensuratur tempore, neq; possibile est imaginari motum sine tempore, cum tem

pus sit eius mensura, & nihil aliud sit, quam prius et posterius, quæ numerantur in motu, cum motus fiat successiue de termino à quo ad terminum ad quem. Dicendum est ergo de tempore ipsius ægritudinis, cū ipsa aliter se habeat in uno tēpore, & aliter in alio. et antequam tractemus de temporibus istis, primo uidentum est quid medici, quid Galenus, & quid Auic. intelligant per tempora morbi. Dico ergo quòd medici intelligunt per tempora morbi mutationes ipsius, sed dicamus aliter quòd medici intelligunt mutationes rei per tempora, nam uiderunt illi, quòd aliter se habet res in principio .i. cum mouetur à termino, à quo, aliter cum est in termino ad quem, aliter autem in medio motus, & illæ mutationes habent uarias diuersasq; ideas, & uarios habitus, quæ quidem mutationes sunt in multis rebus, sed secundum diuersa subiecta, in quibus inueniuntur, diuersæ quoq; nominantur; nam si sumantur tempora, & mutationes ipsius uitæ animalis cum aliter se habeat in principio suo, aliter autem cum est in medio, et aliter cum est in termino ad quem .i. ad mortem, ideo tempora sunt illi appellata a medicis ætates, homo enim ualde insigniter & notabiliter diceret in adolescentia a se ipso dū esset in pueritia, aliter in iuuentute, & aliter in senectute, eiusq; Ideæ sunt diuersæ in his diuersis ætatibus diuersæq; formæ secundum dicta Galeni in proprio tractatu de quatuor temporibus uniuersalibus morbi. Discurratis ergo uos in unaquaq; re, & inuenietis ibi tempora sua diuersa inuicem, nam in motu locali

cali primo sunt ista tempora, & primum tempus est cum res ipsa mouetur in termino, à quo incipit, postea incipit augeri, hoc est magis accedere ad terminum ad quem, sed inter istos duos terminos, tū à quo, tum ad quem, est terminus medius, in quo mouetur res, quæ distat æqualiter ab ambobus, & tunc motus est in suo uigore, postea cum incipit accedere propius ad terminum illum ad quem, tunc declinat, et hic est motus localis rectus, sed manifestius mihi esse uidetur in motu locali super linea semicirculi, quæ super linea illa recta, nā sit semicirculus  Cum res est in principio, uultq; ascendere, ut tandem deueniat ad finem illius semicirculi, uno modo se habet, cū uero incipit ascendere, tunc augetur motus, cum iam ascendit, & est in summitate illius, tunc est in medio & uigore motus, postea cum incipit deflectere ad aliud caput tunc declinat, sic non solum dicendum est in motu locali, sed etiam in motu augmenti, alterationisq; nam in augmento quidem est principium, cum incipit augmentatio, postea augetur augmentatio, cū magis augetur res, postea cum peruenit ad summam maximamq; quæ potest quantitatem, tunc est in uigore, neq; amplius potest augeri, quoniam omnium natura constantium determinatus est modus & mensura, secundum Ar. in secundo de anima, postea declinat, cum augmentū incipit cessare. in alteratione quoque sunt sua tempora, sed sunt magis occulta quam sint in motu locali & augmento etiam, quoniam aliqui sunt, qui negant principium ipsius, & cum hoc

sit dubium, prætermittatur pro nunc, quoniam est ni-
 mis longinquum à proposito negotio. Aliqui alij ne-
 gant statum quoq; ipsius, ideo demus parumper exem-
 plum in alia mutatione .s. in generatione, nã hic sunt
 manifesta tempora, cum enim incipit generari homo,
 tunc est ipsius principium, quoniam modo non erat,
 tamen nunc incipit esse, postea dum augetur usque ad
 quendam terminum, dicitur augmentum ipsius, postea
 cum auctus est, stat neq; augetur, neq; minuitur, sed
 consistit, & dicitur uigor ipsius; quarto incipit incli-
 nare, & est tempus inclinationis, sic quoq; dicatur
 in omnibus substantijs, quæ generantur, discurratis
 in illis, & inuenietis omnia ista tempora, in alijs mo-
 tibus uidetis quomodo non sunt ita manifesta ista tem-
 pora, præter quã in motu locali. uolui pro nunc ista
 dicere, quoniam conferet multum ista scire ad cogni-
 tionem illorum temporum, quæ sunt in morbo, habe-
 tis enim quid per tempora intelligant medici. Visis
 istis, nunc uideamus quantum conferat habere cogni-
 tionem ipsorum temporum in morbo. Dico enim quòd
 tantum confert, ut nihil possitis rite facere sine illo-
 rum cognitione, nisi me fortuna faciat. Quod autẽ
 hoc sit uerum declaro, quoniam tempora in morbis
 sumuntur penes uirtutem, & dispositionem quæ est
 præter naturam, quæ etiam ipsis facultatibus huma-
 num corpus dispensantibus contrariatur, intelliga-
 mus quòd sunt duo inimici, uidelicet morbus & ipsa
 uirtus, quæ simul pugnent, ideo penes ista duo pugna-
 tia sumuntur tempora morborũ, nam est aliquod tem-
 pus

pus, in quo morbus inuadit corpus humanum, & manet sine aliqua resistantia ipsius uirtutis notabili, quæ que sit manifesta sensui, & tunc uirtus præparat se ad pugnandum & ad expellendum morbum illudq; tunc pus dicitur esse principium, cum uero uirtus quæ iam præparauerat se, incipit pugnare, & expellere morbum tunc dicitur augmentum, cum uero pugnant ambo, tum uirtus, tum morbus, ita quod alter non superat alterum, tunc dicitur esse status, cum uero iam apparet uictoria unius puta uirtutis, tuncq; uirtus superat morbum omnino, est declinatio, sed ut faciamus rectam comparisonem, ut res ipsa manifestetur, dicamus qd uirtus est dux ciuitatis, ciuitas autem est corpus humanum, postea hostis & exercitus uolens expugnare ciuitatē, est ipse morbus. cum ergo exercitus & hostis circuit muros ciuitatis ut incipiat, & præparet se ad pugnandū, sed dux in ciuitate nōdum incipit pugnare, sed etiam ipse præparat se, ut ueniat ad expellendum hostem, tunc dicitur principium obsessionis, sed cum hostis & dux in ciuitate incipiunt pugnare, tunc est augmentum, cum uero pugna ab utraq; parte ita summa est, ut iam omnia sint permixta, neq; possit apparere sensibilibiter quis uincat, uel saltem quis uincere debeat, tunc est status obsessionis, cum autem apparet uictoria manifesta ab una illarum partium puta ducis, tunc est declinatio, tunc hostis abit, propemodum sic putandum est de uirtute, morboq; penes quæ duo sumuntur tempora ipsa, ideo si quis non cognouerit tempora morborum,

quomodo possibile est quod aliquid pronuntiet de ipso
pronostico, uel salutis uel mortis: nam comparatio
ipsius uirtutis dat nobis quid dicamus de pronostico,
si enim uirtus uincitur a morbo habemus pronostica
re de morte, cum autem morbus uincitur a uirtute,
tunc habemus quid de salute dicendum, sed si ignora-
mus huiusmodi comparisonem, cum ipsa tempora ne
sciamus, quomodo ergo poterimus pronosticari? Nā
ad pronosticandum oportet nos scire modum inuadē
di, & modum ipsius pugne morbi cum uirtute, &
si quis attenderit prudenter etiam in principio sciet
quid firmi saltem probabiliter, & si non demonstra-
tione pronosticamur, unde etiam si in statu omnia
sint in summo, tamen ex modo pugne etiam prudēs
medicus sciet quis uicturus sit an uirtus, an uero mor-
bus, eodem modo dicamus de ratione uictus iniungen-
da, quoniam nesciemus illam recte iniungere, si igno-
remus tempora morborum, nam aliter datur, iniungi-
turq; ratio uictus in principio, aliter in augmento,
aliter in statu, secundum etiam quod habetis ab Hip-
pocrate in prima illa particula aph. Amplius medi-
camenta quomodo applicabimus recte, nisi scientiam
temporum habeamus? nam medicamenta alia dantur
in principio alia conueniunt in statu, nam in princi-
pio sunt danda medicamenta euacuantia, quoniam in
statu postea non conueniunt, secundum quod clare
Hippocrates in secunda illa particula aph. in princi-
pio morbi si quid mouendum, moue, quoniam in statu
postea silentium melius est, uidete ergo quā necessa-
ria

ria sit cognitio temporum medicis, cum sine illa nihil recti possint facere, circa curationem morborum, unde uidens hoc quoq; ille poeta dixit,

Temporibus medicina ualet, &c. Alibi quoq; dixit etiam Lucretius, Medici quoq; tempora seruant, Quapropter non immerito Auicenna hic uolens perficere tractatum de dispositionibus, uoluit quoq; agere de temporibus morborum, in cap. presenti, sed in hoc sunt dubitationes quædam tum Antiquorum, tum Modernorum medicorum, quæ antequam ultra procedam, sunt soluendæ. Primo quidem aliqui negauerunt principium ægritudinis, quoniam uident ægritudinem semper in motu & alteratione esse, quapropter aut illud principium est instans, aut non est, sed potius est quædam fabula, in hanc sententiam uenit magnus ille Archigenes, & isti concedunt augmentum, sed quidam postea ultra principium negant quoq; ipsum statum, quoniam cum ægritudo semper sit in motu & alteratione, non inuenietur ergo tempus, in quo morbus consistat, sicq; non datur status. Amplius dicunt aliqui declinationem non esse necessariam, quoniam sunt multi morbi, qui per crisi terminantur sine aliqua notabili declinatione, si ergo non est necessaria in omnibus morbis, ad quid ergo illam connumerare? Ista sunt quæ dubitarunt medici circa tractatum temporum morbi & non solum Antiqui, sed etiam Moderni nostri, qui postea proponunt alias ualde ineptiores quæstiones, ideo illas ego non recitabo, quoniam proueniunt ex malo intellectu, sed uos uidebitis quod

quòd omnes per se soluentur sine labore nostro, diu
modo concipiatis tempora ipsa secundum quod conce
pit etiā Galenus qui primus huius rei declarator fuit,
sed radix harum dubitationum contingentium tota fuit
hæc, quoniam isti considerant omnes ægritudines si
mul, & putant esse easdem omnes, neq; illas distin
guunt, & accipiunt rem, quæ est multiplex, tanquam
si esset una, ideo, ut omnes dubitationes appareāt nul
læ esse, oportet distinguere id primo quod est multi
plex, neq; enim eodem modo sumuntur tempora ista in
omnibus ægritudinibus, quoniam cum tempora sint
numeri motus secundū dicta Aristotelis quarto phy.
ergo secundum diuersitatem motus diuersabuntur tē
pora quoq; , sed secundum diuersa tempora, in qui
bus sunt motus diuersantur, ergo etiam ipsa tempora
diuersificabuntur secundum diuersitatem subiectorū,
ideo uidemus quòd in uno subiecto principium est bre
ue, in alio autem longum, & in aliquo est ita breue,
ut non percipiamus aliquo modo illud sensibilibiter, ta
men omnia subiecta habent principium, & si hoc per
ceptibile, illud uero imperceptibile, ideo omnes diffi
cultates soluentur de his temporibus supponendo il
lud quod diximus & iam concipiendo hoc quod dice
mus, quoniam dupliciter possumus considerare tem
pora morborum, uno modo secundum exacerbatio
nes, quoniam sunt aliqui morbi, qui habent tales exa
cerbationes & ista dicuntur tempora particularia
morborum, alio modo secundum quòd sunt uniuersa
lia. i. in toto morbo, quare primo consideremus illa

particularia, & dicamus quòd sunt quædam febres, quæ sunt cum rigore summo uel frigore, quædam autem sunt, quæ sunt sine talibus, loquamur de ijs quæ habent frigus perceptibile, & sunt illæ, quæ ad infectionem terminantur, hoc enim in ijs plurimum fit, & si quandoq; contingat, ut illis coniungantur paroxysmi alij, ideo in his febribus sunt distincta quatuor tempora, & ne putetis quòd distinguantur ex animo nostro & imaginationis ui, sed ex parte ipsius rei diuiduntur quoniam re ipsa sunt distincta, primo enim habemus tempus illius frigoris, cū uidelicet corpora frigent. (& hic debetis reminisci dictorum à nobis in principio huius lectionis) nam calor innatus, qui est uel uirtus ipsa, uel saltem proximum instrumentum ipsius uirtutis insurgit & præparat se ad pugnam, ut expellat frigus ipsum, quod est suum contrarium, tamen nondum pugnat, nam in hoc tempore frigus ipsum fit propter existentem ibi materiam, quæ inducit frigus, uel propter mordicationē ipsius, uel propter sensum ipsius, quæ frigida sit, nam decurrens ad musculos ipsos mouet sensum tactus, & tunc calor innatus retrahitur ad intima .i. ad principium suum, in hoc ergo toto tempore dum friget corpus, est una distincta idea & forma ipsius febris, postea sequitur secundum tempus, in quo est alia idea distincta à prima, cū uidelicet iam calor igneus incipit expandi per totum corpus expanditur innatus calor ut pugnet cū morbo, incipitq; pugnare, tum frigus adhuc pugnat. & tunc hoc tempus à græcis dictum est ἀνομαλία quia

quia frigus & calor stant in eo corpore expansa. Arabes autem qui uolebant forte proferre nomen græcum, eiq; adherentes nominarunt hoc tempus Aluicila, non enim potuerunt proferre nomen græcum, & hoc est secundum tempus paroxysmorum non omnium febrium, sed illarū in quibus est frigus in principio ut est in ijs, de quibus sermo præsens est, a nostris autem latinis dicitur inæqualitas, postea calor incipit augeri & magis intendi, ita quod expanditur eo modo per totum corpus, ut non relinquatur amplius aliquid frigoris, & hoc est tertium tempus paroxysmi, quod dicitur augmentum, postea calor peruenit ad summum, quo potest peruenire, & maxima pugna est inter ipsum & uirtutem, ita quod omnia sunt permixta, neq; uidetur quod uincat, diciturq; status paroxysmi, quod est quartum tempus in his paroxysmis. Accedit quintum tempus in quo calor incipit mitescere circa extremitates ut pedes, & manus circaq; pectus, & tunc signum est quod uirtus uincit calorem igneum, & ipse fugit, decubuit enim in pugna, unde dicebat Hipp. in secundo de ratione uictus in morbis acutis, quod cum calor febrilis ad pedes decubuerit, tunc est declinatio febris, ubi Gal. in com. dicebat quod ultra hoc in declinatione quoq; calor mitescit circa pectus & hypochondria, additur his quin etiam sextum tempus, cum uidelicet iam cessauit febris, neq; amplius febricitat & hoc tempus dicitur à nostris infrebricitatio, interuallum $\delta\lambda\gamma\sigma\mu\alpha$, quod est inter declinationem unius paroxysmi, &

prima

principium alterius, & hæc omnia tempora sunt inter se distincta quoniam febris in ipsis habet aliam & aliam ideam ac formam. Quare in febribus, quæ incipiunt cum frigore, & desinunt ad infebricitationem, sunt omnia ista sex tempora distincta essentialiter inter se, principium, inæqualitas, augmentum, status, declinatio, & infebricitatio, sed in febribus, quæ incipiunt sine frigore, dari quidem non potest inæqualitas, sed principium in omnibus datur, nam illam diximus inæqualitatem esse, in qua calor et frigus simul dominantur corpori modo in his febribus non est frigus secundum nostrum suppositum, sed solum calor, ergo non possunt dominari ambo corpori simul, ergo non datur inæqualitas in ipsis, datur tamen principium insensibile aliquando, & aliquando sensibile, & ideo isti, qui negarunt principium in morbis, moti sunt propter id, quia uiderunt illud esse quandoque insensibile, sed dicebat Galenus quod non propterea debemus nos negare principium in morbis, quia aliquando non percipitur, in paroxysmis ergo harum febrium principium est insensibile & imperceptibile sensu ἀναίσθητον. dicebat Galenus. secundo est augmentum in his ualde insigne tempus, atque uotabile, est quoque status manifestus, & declinatio omnia inter se distincta realiter, & sic sunt quatuor tempora in his febribus dummodo non desinant ad infebricitationem, nam si desinunt ad ipsam, tunc in ipsis sunt quinque tempora, uel ergo quatuor uel quinque in his febribus sunt tempora, sex autem esse impossibile est, quoniam natura rei

non patitur inaequalitatem, quæ datur in febribus incipientibus cum frigore, & in his est unum tempus, quod est principium insensile, & sic patet quomodo est principium quoq; in alteratione & si imperceptibile. Isti quærunť multa, utrum detur principium sanitatis, & alia, quæ omnia per uitam meam sunt uana dialectica, & non solum dialectica, sed etiam sophistica, neq; enim considerant naturam rei, sicut nos considerauimus cum Galeno, quoniam si hoc modo cōsiderassent, non intricarentur in his difficultatibus. hæc satis de particularibus temporibus morbi, dicemus modo de uniuersalibus.

LECTIO XXX.

QVANTVM sit utilis speculatio de temporibus ipsorum morborum, uidimus in superiori lectione, in qua etiam uidimus quid antiqui medici intelligant per tempora, declarauimus quomodo sumantur ista tempora à uaria actione ipsius uirtutis & morbi, hæc enim erat radix, à qua sumebatur tota eorum distinctio. Vidimus quin etiam quomodo tempora paroxysmorum sumantur tum in morbis, qui habent suas periodos, tum in ijs, qui non habent, & dicebamus qđ tempora ubiq; ista essentialiter sunt, & omnino diuersa inter se. Amplius diximus morbos, ut febres habentes exacerbationes suas aliàs incipere cum frigore, aliàs sine ipso. Declarauimus etiam quomodo in febribus, quæ incipiunt cum frigore, sunt sex tempora omnino distincta, principium, inaequalitas, augmentũ, status,

status, declinatio cum infabricitatione, siue interuallo, quomocunq; dicatis. In febribus autem non incipientibus cum frigore, aut sunt quatuor tempora aut quinq; , nunquam sex esse possunt, quoniam ab eis tollitur omnino inæqualitas, etsi infabricitatio modo ponatur, modo non, hæc sunt intellecta iam. Reliquum est modo ut accedamus ad temporum uniuersalium morbi speculationem, & hic sicut in superioribus quoq; diximus sumitur unum commune per se manifestum quod uidelicet sumitur diuersitas istorum temporum uniuersalium a diuersitate motuum, quorum tempora sunt mensuræ, isti autem motus sunt diuersi secundum diuersitatem ipsius materie morborum, hoc enim repeto, quoniam uolo hoc semper ante oculos uos habere, & diligenter illud aduertere, quoniam multum iuuabit ad curationem ipsorum morborum, & cum hoc solutis multas dubitationes istorum moderatorum, qui multas mouent quæstiones hic ex malo intellectu eorum, quæ proponuntur, & quod hoc sit uerum patet, quia magis se intricant. sed ut habeamus bonam occasionem exordij huius tractatus, dicamus quod morborum alij sunt simplices, alij complicati, ubi aduertatis unum, me non intelligere illam diuisionem, quam supra assignauimus, cum inciperemus loqui de ægritudinibus, sed nunc intelligimus aliam ab illa, nam nunc appellamus morbos simplices illos, qui sunt soli. i. quomocunq; unus est morbus sine alio, siue modo habeat materiam simplicem & qualitates, siue cõpositas, modo enim sit unus morbus, dicitur simplex

plex nunc à nobis, per complicatum autem intelligimus, cum sunt duo morbi simul, qui tamen distincti sunt inter se essentialiter. simplicium adhuc hoc modo intellectorum, alij sunt cum materia, alij sine materia, qui sunt sine materia, sunt sicut hectica simplex, arefactio uel totius corporis, uel alicuius membri, ut puta uentriculi, & alij consimiles morbi, qui uero sunt cum materia, adhuc sunt alij cum defluxu ipsius materiae, alij autem sunt bene cum materia, sed sine defluxu, si sunt cum defluxu materiae, tunc possunt duo fieri, aut enim materia fluens colligitur, figiturq; in aliquo loco, & sic fiunt abscessus, aut non figitur, sed fluit, exitq; sicut in mulieribus accidit, cum sit profluuium menstruorum alborum. hæc distinctio necessaria est, alioquin nunquam possetis recte concipere institutionem de temporibus, quam sum traditurus hodie, si enim hoc modo distincte procedetis, non implicabimini, sicut solent implicari isti nostri moderni, qui permittunt augeri dubitationes, & difficultates usq; in immensum, et ita expectant magnam ægritudinem, antequam illas curent, postea faciunt pessimam curam. Nos autem faciamus oppositum istorum, uolo enim quod etiã antequam accedat morbus, præueniamus ei, & prohibeamus ne accedat, nam faciunt primo questionem magnam adducendo in utranque partem rationes sophisticas, authoresq; postea faciunt quasdam suas distinctiones, & putant se soluere omnia, quæ dubium faciunt. Quapropter consideremus parumper in morbis illis, qui sunt sine mate-

ria, quomodo sumuntur ipsa tempora. Debetis ergo
scire quòd unumquodq; quod oritur, habet illa qua-
tuor tempora principium augmentum, statum, & de-
clinationem, quare unusquisq; morbus sine materia,
habet illa, quoniam oritur, sed hic sunt aliqua, quæ
possunt implicare intellectum uestrum, nam quoniam
Galenus in illo suo libro proprio de quatuor tempo-
ribus uniuersalibus morborum, dicebat quòd tempo-
ra ista sumuntur à duobus, à natura. i. uirtute, & à
materia, quæ facit morbum, sed nihil dubitat, neq; mi-
nus soluit ea quæ dubitanda sunt, cum implicent alio-
quin intellectus hominum, nam secundum ipsum uicto-
ria & non uictoria sumitur penes ipsam materiam,
quæ aut concoquitur, aut non concoquitur, ideo do-
cet quidem, sed non complete Galenus in hoc: princi-
pium nanq; est in illis morbis cum materia non conco-
quitur ab ipsa natura, nondum enim illam natura est
aggressa, sed præparat se ut illam aggrediatur, quan-
do autem aggreditur illam, tunc dicitur esse augmen-
tum, cum autem æqualiter pugnant ambæ, ita tamen
quòd aliqua illarum magis possit aliquo modo, dicitur
status, cum iam natura uincit uel materia, est declina-
tio, quoniam una illarum fugatur, hæc sunt tempora
sumpta in morbis, qui sunt cum materia, sed quid di-
cemus de morbis, qui sunt sine materia? quomodo su-
memus tempora illorum, hic non est materia, & non
possumus sumere uictoriam, cum non sint quæ pu-
gnent, uidete ergo quomodo Galenus non soluat hoc
dubium cum tamen arduum esse uideatur. Ego autem

dico quòd regula illa Galeni uniuersalis est, & uera, perpetuæq; ueritatis in omnibus morbis siue sint cum materia, siue sine materia, & sumuntur ipsa tempora semper à natura ipsa. i. uirtute, quando aggreditur siue materiam ipsam, siue morbum, modo hic sit aliquis hostis, contra quem natura possit pugnare, cum enim natura nondū est aggressa pugnam contra morbum, sed preparat se contra illum, dicitur principium & morbus sit sicut in arefactione ατφοφία deficiente nutrimento principium dicitur ipse, cum autem incipit minorari corpus, si est arefactio totius, tum dicitur ipse augmentum, cum minoratum est, & ideo arefactum, tunc est status, si autem contingat quòd natura tunc incipiat nutrire corpus, dicitur declinatio arefactionis. Amplius in tabe tendente ad mortem, supponatis q, natura semper uincatur à morbo, cum sit hectica & incipit corpus diminui, sicut dicebamus quoq; in ipsa arefactione corporis principium esse, cum deficit alimentum in huiusmodi hectica nondum natura est aggressa, quæ nondum facta est, sed est in fieri, cum autem facta est omnino hectica, tunc est principium ipsius augmenti, & morbus adhuc superat naturam, tamen facit aliquid quoq; natura, nā membrum adhuc nutritur, est tamen uerum quòd magis resoluitur, & diminuitur, quam augeatur & nutriatur, est tamen hic aliqua actio naturæ adhuc, augetur morbus ad mortem, & hoc est augmentum, cū autem non apparet omnino aliqua nutritio, sed iam facta omnimoda arefactio, & tunc moritur homo, est

est status, nam tales morbi non habent declinationē, non enim omnes habent quatuor tempora, qui enim tendunt ad mortem, non expectant declinationem, sed minuuntur in statu, aut in augmento etiam in principio homines ipsi, cum autem aresfactio ista seu tabes tondit ad bonum, tunc habet quidem idem principium quando morbus fit, nondum factus est, & natura nondum pugnat, sed preparat se ad pugnandum, sed cum natura incipit pugnare contra morbum, & hic magis potest quam morbus, tunc est augmentum ipsius morbi, sed quando pugna est tota commissa, ita quod nondum scitur manifeste quid futurum sit, tunc est status, sed cum iam apparet manifeste, quod natura vincit, & iam aresfactio fugatur, tunc est declinatio. Sed contra illa, quæ docebamus in superioribus instatur, quoniam videtur quod principium non detur, nam principium esse debet eiusdem essentiae, & naturæ cum principiato, si enim non est eiusdem naturæ, tunc non est ipsius principium maxime cum contrarium est ipsi essentiae principiati, sed in aliquibus morbis est, quod dicitur principium contrarium ipsi principiato, neque de ipsius essentia ergo non est ipsorum principium & hoc præcipue est contra illud, quod dicebamus heri secundum mentem Galeni, quod in febribus habentibus exacerbationes incipientes cum frigore, principium illarum exacerbationum est cum frigus incipit esse in corpore modo febris est calor igneus, frigus autem non est de essentia ipsius caloris, immo illi contrarium, quomodo ergo erit principium ipsius exacer-

cerbationis febris? quomodo poterit esse illius pars,
 si est illi contrariū? Ad hoc ego respondeo q̄ oportet
 principium conuenire in materia semper, non autem
 in forma, oportet enim esse in eodem subiecto, eademq;
 materia, in qua est ipse morbus totus, sed non oportet
 habere eandem formam, cum ipso toto morbo, nam fun-
 damenta domus sunt eiusdem materiæ cum ipsa domo
 tota, quoniam sicut illa fundamenta quoq; sunt compo-
 sita & aggregata ex lateribus & calce, tamen funda-
 menta non sunt eiusdem figuræ cum tota domo, sic quo-
 que in motu locali principium ipsius est in eodem sub-
 iecto, in quo faciendum est augmentū, & reliqua tem-
 pora, tamen nō eodem modo se habet tunc illud quod
 mouetur, neq; est in ea figura uel forma, sicut postea
 est in alijs temporibus, unde homo, qui non est factus
 sed fit, est eiusdem materiæ cū homine illo, qui postea
 factus est, quoniam ex eisdem nutrimur & augemur,
 tantum non est eiusdem figuræ cum illo, est tamen in
 principio ipsius, sed quantum ad illud, quod dicebatur
 de febre incipiente cum frigore dico quod frigus est
 principium ipsius, quod quidem & si contrarium sit in
 forma toti morbo, tamen conuenit ipsi in materia, quæ
 est eadem. i. pabulo, nam in febre putrida in principio
 est materia putrescens, quæ erit quoq; in febre reli-
 qua futura, quæ nondum facta est sed fit, quia si facta
 esset, tunc esset augmentum, non autem principium ec-
 ce ergo quomodo principium conuenit cum augmento,
 & alijs temporibus in ipsa materia, cum tamen forma
 alia & alia sit intellexistis ergo iam omnia ista & ui-
 detis

delis quomodo soluta illa duo, quæ dubitationem faciebant in his dictis Gal. & nostris de temporibus morborum sine materia, declaratum est; quomodo sumantur tempora in illis morbis quomodo; principium est. Restat ut ueniamus ad reliquas differentias datas. Dicebamus enim quod alij sunt cum materia, & hi adhuc sunt duplices, aut enim cum defluxu materiae, aut sine defluxu tamen cum materia, si sine defluxu materiae, ut cum humor putrescit intra uenas, & fit febris continua, nam materia non defluit, sed ibi existens putrescit: in hoc ergo morbo, quomodo sumenda sunt tempora, & penes quid? Dico sumenda esse tum ab ipsa materia, tum à natura, & ista quatuor tempora fiunt ab illis duobus, uel modo ad bonum, uel ad malum, nam cum est morbus in fieri, neque factus est, materiaque ibi iam adest, nondum tamen natura coepit pugnare, sed præparat se, tunc est principium, sed cum iam morbus & materia pugnat quidem, & uirtus incipit expromere suam uim contra materiam, fitque quædam leuis pugna, tunc accidentia incipiunt augeri, quoniam semper natura facit aliquid contra materiam, ut illam resoluat, unde eleuantur uapores ex illa materia, & fiunt dolores in capite, diuersisque partibus, fiunt instantiæ uigiliarum, & inquietudines, taliaque symptomata in principio omnia tacent, quia nondum est pugna, unde dicebat quoque Hippocrates omnia leuiora esse in principio & in fine, & hoc quoque interpretabatur ita Galenus, quoniam natura quidem in principio nondum pugnat, in fine au-

tem iam morbus declinat, natura autem uincit, in statu autem & augmento omnia sunt grauiora, unde dicebat ille idē Hippocrates in aph. in principio. si quid est faciendum, oportet facere, sed in statu est melius silere, & oportet potius uti quibusdam medicamentis mitigantibus morbum, & consolantibus, confortantibusq; uirtutem, nam si utemur fortibus pro cura morbi, tunc impediremus, & diuerteremus ipsam uirtutem à pugna, nam iam uirtus audax, & uidemus quod tentat pugnam contra morbum, ad quid, ergo diuertere ipsam? oportet potius ut consoletur, si defatigetur, cum autem iam pugna est in summo, ita quod hincinde maxima strages est, omnia sunt commista, neque uirtus, neque morbus uincit, neque possumus iudicare quis eorum sit uicturus, nisi sit maximus iudex prudentissimusq; ex arce providens hanc pugnam, iudicat enim quis uicturus est; quoniam optime cognoscit modum pugnandi utriusque, ex quo modo pugnandi medicus ille iudex iudicat de uictoria, unde ille peritus medicus in statu, etsi accidentia sunt in summo, sperabit, ubi uiderit, uictoriam futuram ex parte ipsius uirtutis, tamen medicus imprudens timet, quoniam uidet omnia esse permista, desperat, ne scit quid agat, sicut dicebat Galenus in hoc proposito in primo lib. de crisi, cum autem materia ipsius morbi siue ipse morbus incipit declinare, ita quod materia abit, & euacuatur, siue per sudorem, aut per loquium, aut per alium, aut talem euacuationem, tunc est declinatio morbi, si autem sit morbus tendens ad malum,

lum, sumuntur eodem modo tempora, sed diuersimode quantum ad hoc, quod sicut semper Natura aliquo modo uincebat supra morbum, hic morbus uincit naturam, nam cum morbus sit nondum uictus pugnat, sed preparat se ad pugnam, tunc est principiu, cum incipit pugnare, sed adhuc morbus plus potest, est augmentum, & tunc natura aliquid facit apparent tamē mala signa, sicut minoratio Vrinæ, pulsus fiūt paruiore, & alia talia symptomata, cum uero pugna ad summum peruenit, tunc est status, tamen morbus uicturus est, quod ex modo pugnandi fortiori iudicatur, cum uero iam Natura decūbit, & morbus fugat iam morbum tunc est ipsius declinatio: uellem tamen pronunc ut intelligeretis per declinationem, non illam ueram, sed æquiuocam, quæ est mala, quoniam declinatio uera ipsius morbi est bona, nā in illa morbus declinat, cum natura ipsum superauit, hic autem dicitur declinatio ipsius uirtutis, cum illam superauit morbus, ideo in hac declinatione non est uera propositio illa data ab Hippocrate in declinatione non contingit aliquem mori, sed uera est illa, in declinatione uera, quæ est declinatio morbi cum uictoria ipsius uirtutis.

LECTIO XXXI.

DICEBAMVS in superioribus de temporibus uniuersalibus ipsorum morborum, & uidebamus dubitationes, quæ in hac materia accidunt sicut solent accidere quoq; in alijs rebus, & docebamus quomodo tempora ipsa metiuntur motus, qui sunt diuersi, secun-

dum diuersa subiecta, ideo diuersa quoq; sunt tempora secundum diuersitatem subiectorum, & ut clarius, retiusq; haberemus ista nos in quibuscunq; generibus morborum proponebamus declarare, & ideo primo faciebamus quādam diuisionem morborum hoc modo, quoniam alijs sunt simplices alij compositi, simplicium autem alios dicebamus esse cum materia, alios sine materia, de ijs, qui sunt sine materia dictum est, postea adhuc diuidebamus illos, qui sunt cum materia, & dicebamus quod alij sunt cum defluxu materie, alij sine defluxu, uidimus quomodo sumuntur tempora illa in his, qui sunt cum materia quidem, sed sine eius defluxu, postea quoniam adhuc diuidebamus illud membrum & dicebamus quod illorum, qui sunt cū defluxu, aut cum defluxu materie ita sunt quod materia colligitur in aliquo loco, aut nō colligitur, sed exit corpus ipsum, diceamus ergo quomodo sumantur in ijs, qui sunt cum defluxu materie, ita quod illa exit corpus nam principium in his est, quoniam scilicet est summa cruditas, & illud quod descendit subtile est, & est signum quod natura nondum cœperat pugnare, & concoquere ipsam materiam, quoniam omnis concoctio fit per ingrossationem, ut loquamur more istorum, sicut ostendimus alias, cum exponeremus primam Fen primi Auicen. ubi docebamus pituitam subtilem esse crudam secundum Galenum quoq;, cum autem natura incipit concoquere materiam illam subtilem tunc est augmentum ipsius catarrhi in bonum, quoniam natura uincit supra materiam. nam & si accidentia sunt maiora,

tamen

tamen materia tendit ad cōcoctionem, & morbus ad minorationem, cum autem summa pugna est, ita quòd utrinque conflictus est, tunc est status, apparet tamen ex modo pugnandi quis uicturus sit. s. natura, cum autem minoratur materia, & natura uincit illam, tunc est declinatio, & hæc sunt tempora morborum istorum cum tendunt ad bonum, cum autem tēdunt ad malum, dico quòd principium eo modo sumitur, quo qui dem est sumptum in illis, cum autem catarrhus incipit augeri, & natura incipit pugnare, sed parum facit, immo non solum non concoquitur ab ipsa materia, sed etiam putrescit aliquo modo, & tunc est augmentum, cum uero iam pugna mista, ita tamen, quòd ostenditur ex modo pugnandi materiam nō posse concoqui, & ideo superare uirtutem, dicitur esse status, cum abit omnino uirtus, ita quòd fugatur, tunc est declinatio ipsius morbi, seu catarrhi, uideatis ergo quo modo male faciunt illi, qui negant declinationem in morbis tendentibus ad malum, quoniam negant ignorantes modum, quo sumuntur ista quatuor tempora, bene uerum est, quòd proprie non est declinatio in his malis morbis, sed dicimus quòd habent quatuor tempora, & declinationem quidem improprie, nam illam uocamus declinationem propriam, quando morbus declinat, sed uirtus superat, modo hic est e contra. impropriam autem illam dicimus, quæ est declinatio uirtutis, & uictoria morbi, sed si loquamur de illis morbis, in quibus est materia, quæ defluit, & colligitur in aliquo loco, non autem exit, tunc principium,

pium est, cum materia defluit secundum ipsum Galenum, sed quid de Auicen. dicam, nescio, nam nescio an erret, saltem scio, quod difficulter loquutus est de istis morbis apostematum, ideo in hoc dicamus cū Galeno, quod tunc dicitur esse principium apostematis, cum materia ipsa fluit, quoniam tunc apostema fit, et cum fit, tunc est ipsius principium, cum autem materia desijt fluere, fit multus tumor, & materia coarctatur in isto loco angusto, ideo ita coarctata ebullit, ebulliendo putrescit, aut dissoluitur, cū ergo ebullit materia, tūc est augmentū ipsius apostematis, quoniā augetur et intumescit mēbrū, sicut & in his exteriorib. patet, quādo aqua ebullit, nā crescit in dimensionibus, ideo mēbrum in hoc tempore intumescit, incallescitq; propter magnum calorem ibi existentem, doletq; quoniam cum intumescat membrum, soluitur ipsius continuum, ad solutionem autem cōtinui sequitur dolor, habet quandam renitentia propter illam duritiem quam habet durum enim est, nām diximus superius quomodo tripliciter durum esse aliquid potest, rubet etiam propter magnum calorem, quia sanguis concurrit ad illam partem, fitq; pulsatio propter arterias ibi existentes, quæ habent necessitatem, ideo pulsant, et tunc augentur tam accidentia, quā essentia ipsius morbi, cum autem materia iam suppuratur, tunc est status ipsius apostematis secundum Galenum; hic enim in summo sunt omnia tam accidentia, quā morbus, nam in generatione saniei, & puris febres sunt atq; dolores secundum Hippocratem ideo sunt hic sæuissima accidētia, tamen

uirtus

uirtus stat, & pugnāt quāmaximē, ut expellat inimicum, cum autem iam suppurata est, tunc aut dissoluitur, aut erumpit per locum, & exit, tuncq; est declinatio, quoniam hostis fugatur, uirtus autem superauit ipsum, & hæc sunt tempora sumpta, cum apostema tendit ad bonum, cum autem tendit ad malum est eadem ratio sumendi principium, nam principium est cum materia defluit, & colligitur, est tamē magna multaq; materia illa, quæ fluit, cum autem nigrescit, refrigeraturq; tunc cessat dolor consequēter, nam parum agit, & iā incēpit decumbere prostrata à multitudine materię, & est augmentum apostematis, cum autem iam natura decubuit, ita quod destructa est & morbus superauit hoc modo ut facta sit cancrena, & morbositas sit mēbrum est status, & declinatio uirtutis cum uictoria apostematis, sed hic queritur, quoniam dictū est de resolutione materię & cancrena & * quomodo sunt declinationes, alię in bonum, alię in malum an cum apostema mutatur in ipsum scyrrhum, scyrrhus sit status, uel declinatio, an aliquā aliud tempus ipsius apostematis. Ad hoc respondeo & dico quod scyrrhus nō est de temporibus ipsius apostematis, quoniam neq; est de eius essentia, & ut hoc intelligatis distinctius, sciatis quod ægritudines aut declināt aut mutantur in aliam ægritudinem. quæ declinant, habēt illa quatuor tempora, quæ autem mutantur in aliam ægritudinem, habent etiā ista tempora distincta à temporibus illius, in quam mutantur; ideo cum apostema mutatur in scyrrhum, dico quod habet principium, augmentum

mētum, statum declinationemq; distincta omnia à temporibus quatuor ipsius scyrrhi, qui habet quoq; omnia illa, unde declinatio apostematis est principium ipsius scyrrhi, quod non incōuenit, ideo studeatis naturæ rei, nunquam errabitis, sed omnia soluetis, quæ contra ueritatem sunt, sicut faciunt Galenus & Aristoteles ille magnus, & fugite dubitationes quæso, quoniam sunt scopuli, nam inuenietis plures quæstiones quàm uelitis, studeatis semper naturæ rei, & soluetis omnia sophisinata, exerceatisq; uos in istis omnibus generibus ipsorum morborum, ut sciatis in eis sumere tempora ista quatuor, tum in ijs, qui tendunt ad bonum, tum qui ad malum, in omnibus enim sunt ista tempora sicut in pluribus exemplis nos manifestauimus, hæc sunt, quæ uolebam ego de temporibus istis docere, quorum cognitionem quantum referat habere, credo iam uos intellexisse, in hoc nihil aliud dico.

De dispositionibus ægritudinum.

Cap. VIII.

EST modo aliud caput, quod subiungit Auicenna in quo sunt res non multum difficiles usq; ad dimidium fere capitis. Nam uidebatur ipsi Auic. quòd cum tractasset de ipsis morbis non esse iustum discedere ab eorum tractatu, nisi prius diceret quædā pro complemento huius tractatus, ut postea sigillaret eum, ideo optime composuit hoc caput, quod rectissime inscriptum hoc modo: Cap. ad complementum de dispositionibus

bus ægritudinum, & in hoc sunt omnia scitu iucunda,
& desiderabilia, aliter non haberemus cōpletam scien-
tiam de morbis, & in hoc cap. tria facit Auicenna, ita
quòd diuidemus illud in partes tres, in prima quarum
tractat quomodo denominantur ægritudines & à qui-
bus; In secunda autem tractat de morbis manifestis, et
occultis; In tertia & ultima, quomodo sunt aliqui mor-
bi in membro proprie, aliqui autem per consensum al-
terius membri, & hæc erit illa pars, in qua est maxi-
ma doctrina danda uobis de consensu ipso, sed dicamus
primo de illis duabus primis etsi sunt pauci momenti;
neq; enim contempsit docere illa quoq; Gal. in secūdo
lib. Therap. à quo ista sumpsit Auic. ibi in principio li-
bri. Quoad ergo primum dico domini, quòd ægritudi-
nes denominantur uario modo, aliæ enim ab accidenti-
bus, aliæ à locis, in quibus fiunt, aliæ à suis causis, &
consimilibus alijs. inquit ergo Auic. quòd ægritudines
multis modis sortiuntur nomina, aut à membris, in qui-
bus fiunt sicut illa quæ est lateris, & illa quæ est pul-
monis. i. ægritudines aliæ denominantur à membris &
locis, in quibus fiunt, sicut est apostema lateris. i. pleu-
ritis, quæ est apostema in membrana succingente co-
stas, quæ pleura appellatur, unde nomen sumpsit pleu-
ritis, sicut etiam apostema pulmonis, quod quidem fit
in substantia ipsius pulmonis, à quo nomen traxit peri-
pneumonia, & ideo Auicenna præsupponit uos scire
nomina græca, quoniam illa sunt clarissima quomodo
sumantur à loco, ipse uero appellat apostema lateris,
& apostema pulmonis, postea inquit, aut à suis acci-
dentibus

dētibus sicut epilepsia, nā nihil aliud significat hoc nomen, quā correptio ipsius motus, & sensus, tamen hoc est symptoma consequens morbum illum, qui à tali symptomate dictus est epilepsia, corripuntur enim epileptici in motibus suis & sensibus, cum autem uolunt mouere se, non possunt, tamen tremunt, neq; dicatis, sicut ausi sunt dicere illi nostri Moderni, & magni quidem uiri, qui quidem parum aduertentes dixerunt epilepsiam dici hunc morbum $\alpha\pi\lambda\epsilon\psi\iota\varsigma$ $\epsilon\pi\iota\lambda\epsilon\psi\iota\varsigma$, sed dictum est $\lambda\epsilon\nu\sigma\iota\varsigma$, postea $\lambda\epsilon\omega\tau\iota\varsigma$, quasi morbus, qui sit supra, ideo cum errent, neq; cognoscant, neq; habeant iudicium in nominibus, quomodo iudicabunt recte de ipsa re? permitto uobis considerandum, neque enim uident, quomodo epilepsia dicatur ab accidenti, quod illum morbum consequitur .i. à correptione, epilepsia enim est correptio. Amplius sunt aliquæ ægritudines quæ denominantur à causis, à quibus fiunt, & dat exemplū Auic. cum inquit sicut dicimus ægritudinem melancholicā, nā ista ægritudo cū fiat p̄p̄ spiritus atros maleq; qualificados .i. melancholicos, qui quidem cum occupent cerebrum, offuscant sensus interiores, præcipue imaginationem, cuius signum est, quod illi homines habent malas chimericasq; imaginationes à sua causa ista ægritudo nomen sumpsit, ut dicatur ægritudo melancholica, à nostris uulgaribus melācholia. (Præterea aliquando ægritudines sumunt sua nomina à similitudine, sicut dicimus ægritudinem Leoninam, & ægritudinem Elephanticam.) sicut dicimus quoque

cancrum

cancrum à similitudine cancri animalis, nam cancer
est postema rubrum habens radices infixas in mem-
bro, in quo sit sicut sunt tibiæ cancri animalis, & mo-
uetur, quia repit sicut animal, sic quoque ægritudo di-
citur, quia assimilatur Leoni, sic ægritudo elephan-
tica, id est elephantiasis ab ipsa similitudine Elephan-
tis, quæ est lepra detestabilis, quoniam segregat ho-
minem illum, qui eam patitur à societate aliorum ho-
minum, & facit quod sibi met olet male, & quia ista
lepra est quæ facit hominem illum esse sine pilis, cum
turpi cuti, ideo dicunt aliqui illam dictam esse elephan-
tiasim, quia elephas habet in pedibus turpissimam cu-
tim sine pilis, à similitudine ergo ipsius nomen sorti-
ta est ista ægritudo, neque credatis dici elephantiasis,
quia eam patiatur elephas quoque, quoniam hoc est
falsum. (Amplius sunt aliæ ægritudines quæ
denominantur comparatæ ei cui primo acci-
disse dicuntur, sicut dicimus ulcera balchiæ,) id est
sunt aliæ ægritudines quæ sumunt nomen suum
ab autore, qui scilicet primo passus est illas, sicut dici-
mus uulnera thelephia, quoniam scilicet primus the-
lephus passus est. uulneratus enim fuerat ab Achille.
& quia uulnera illa quæ inferebantur ab Achille non
poterant sanari, nisi iterum intulisset in eundem lo-
cum suum gladium, secundum quod narrat poeta,
ideo cum intulisset iterum in eodem loco, in quo Tele-
phus fuerat uulneratus ab eo sanatus est, tamen per-
seuerarunt illa uulnera in alijs hominibus, & dicta
sunt telephia. Auicenna autem pro telepho dicit bale-
chiam,

chiam, nescio cur isti Arabes nesciunt proferre nomina Græca. Videte modo uos quantum differat telephus à balechia, uolebat tamen dicere telephū Auic. (Aut comparatæ ei cuius fama fuit, quòd me dicendo eas curabat, sicut dicimus ulcera charoniæ.) idest, sunt etiam ægritudines, quæ nomina sumunt ab excellentissimo aliquo medico qui eas curabat quàm felicissime & solus, sicut dicimus ulcera chironie ab illo excellentissimo chirurgo, qui dicebatur chiron. Nam medici apud antiquos erant solum chirurgi, neque enim exercebant hanc partem, neque discebant, quam uocamus nos physicam. Cum ergo chiron curaret solus quàm felicissime quædam ulcera maligna, ideo illa nomē sumpsere, ut dicta sint chironia ulcera. (Aut à sui substantia & essentia, sicut dicimus febris & apostema.) id est, sunt aliæ ægritudines quæ denominantur à sui intrinseca ratione, sicut dicimus febrim. Nā febris cū græce dicatur πυρετός nomen sumpsit ab intrinseca ratione αὐτοῦ τοῦ πυρός, quoniam fit calor igneus, siue accipiamus etiam nomen nostrum latinum, nam cur dicta est febris, nisi à feruescendo, sicut dicunt isti nostri medici quoque, quoniam febris est feruor maximus, & ita idem habebimus. Postea inquit (& apostema.) Sed apostema cum dupliciter dicatur, & secundum Arabes, & secundum græcos autem apostema sit abscessus. Ideo dicitur abscessus à propria essentia, quoniam facit discessum, sicut plebs Romana in Capitolium. & sic ista est prima pars huius cap. quæ iam declarata est. Veniamus

niamus modo ad declarationem secundæ quando dicit. (Inquit Galenus ægritudines aut sunt manifestæ, quæ sensu cognoscuntur aut sunt occultæ quas facile est cognoscere, sicut dolores stomachi & pulmonis &c.) hic est pauca speculatio. permittatis me dicere duo uerba, & expediam hanc partem. permittatis, quia cras incipimus postea illam auream partē tertiā. dicit ergo quod ægritudines, aut sunt manifestæ, quæ scilicet sensu cognoscuntur, sicut sunt scabies, & tales ægritudines quæ Φαινόμεναι sunt. Aliæ sunt occultæ, quæ. s. non sensu, sed tantum ratione deprehenduntur. & istarum aliæ deprehenduntur non sensu, sed firma cognitione rationis, aliæ uero non firma cognitione rationis, aliquæ tamen ratione, aliæ autem sola coniectura, & aut facile, aut difficile cognosci possunt istæ omnes. facile quidem ex coniectura cognoscimus epilepsiam qualis morbus sit, ex actionum læsione, sic quando uidemus fluere bilem non coniectura percipimus hepar supercalefactum esse, alia autem cum maiori difficultate cognoscuntur, sicut cum quis expuit sanguinem, tunc iudicamus esse ulcus in membris spiritalibus, puta in pulmone, tamen non possumus scire hoc firmiter nū sit propter ulcus in pulmone an uero in cerebro. discurremus postea per alia signa ut distinguamus locum, sed difficulter hoc cognoscimus. Aliæ autem sunt ita difficiles ita quod non aliqua firma ratione cognosci possunt, sed sua coniecturali demonstratione quæ dubia est. sicut cum uidemus dolorem

in hypochondrijs, uel dextro uel sinistro, nos iudicamus esse dolorem colicum tamen potest esse dolor renum. Vnde Gal. quoq; narrat de seipso in secundo de locis affectis, quod est deceptus in seipso, uideatis cap. v. illius lib. Nam narrat cum haberet maximum dolorem in partibus illis existimabat esse calculum. sed cum excreuisset parum quid fecis, & cessasset etiam parum dolor, statim cognouit esse colicum dolorem. Ideo cū uidemus, quod est dolor in hypochondrijs, & illi homines patientes iuuantur à clysterijs impositis iudicandum est illud esse colicum dolorem, non calculū. sed non semper inde clysteria iuuant pro hoc dolore. nam cum materia aliqua uel inflammatio est intra membranam internam intestini tunc non iuuatur à clysterijs impositis, tunc iudicandum est, & hoc artificiali quadā coniectura illud esse dolorem colicum, aut calculum. & hæc sufficiunt pro nunc. Iam enim omnia intellexistis quo ad istas secundas primas partes cap. Cras modo uidebimus tertiam partem, & loquemur de consensu & contagio. uidebimus quid contagium, & quid illud nomen significat multa; dicemus cōtra illum nostrum Veronensem.

LECTIO XXXII.

INTER reliqua quæ necessaria sunt ut medicus possit recte exercere suam artem, oportet etiam cum scire qui sint morbi in membro principaliter, & qui non per se à primo sed per consensum alterius membri. postquam ergo loquimur de ipsis morbis et

curatio

curatio uaria est secundum uarias indicationes. Indicationes sumuntur ab essentia ipsorum morborum ergo uariae erunt indicationes huius morbi & illius quoniam illorum essentiae uariae sunt, sed uariae sunt essentiae morborum, qui principaliter sunt in aliquo membro, & eorum qui per consensum, ideo etiam loquendum est à nobis, de his morbis maxime, Cum etiam Auic. de ipsis tractet confuse tamen & breuiter obscureq; sic ut & male moderni nostri Gal. quoq; incomplete & si ea quae dicit in hoc sint lucidissime dicta in secundo lib. de locis affectis. Quapropter uidentis ego neminem distincte hucusque tractasse de his uolo ex methodo necessaria ut tradamus doctrinam horum distinctam, oportet ergo quod uos sitis attentati, & aduertatis neq; perturbetis me, quoniam ista non ubiq; inuenietis & si sunt noua tamen omnia ex fundamentis methodoq; antiquorum. Dicemus enim quid sit contagium, quoniam sunt aliqui ex istis modernis qui de ipso tractant, sed nesciunt quid dicant. Antiqui etiam de ipso nullam mentionem fecerunt quam ego uiderim. ita quod usq; ad ista tempora nostra neminem uidi optime declarantem, quid sit contagium, nescitur ergo quid sit nunc, sed uidebitis clare à nobis quid sit. Debemus ergo scire quid sit consensus ut deueniamus postea ad contagium. quo ad nomen ergo dico quod consensus apud latinos nostros medicos est quando unum membrum immutatur, uel aliquo modo afficitur propter immutationem affectumq; alterius membri. hunc autem appellant graeci συμπαθία

ὁπότε τὸ συμπαθεῖν hoc est compati, suum autem
 oppositum. i. quando non compatitur membrum dici-
 tur ἀπαθεῖν nos propter indigentiam uocabulorum,
 non nominamus nomine recto, sed si uellemus recte
 transferre diceremus impassibilitatem, quando .s. unū
 non potest pati aliquo modo propter aliud, motus au-
 tem qui fit dicitur ἀπαθεῖν exempli gratia albedo
 nō patitur à dulcedine hoc dicitur ἀπαθεῖν. Est ad-
 huc unum quoddam medium inter συμπαθεῖν, et
 ἀπαθεῖν uidelicet, δυσπαθεῖν quando aliquid quie-
 dem patitur, sed tamen difficulter, sicut quando fer-
 rum colliquatur ab igne, nam difficulter patitur ab
 ipso igne, possumus quidem nos dicere dissensum, sed
 felicius dicunt græci hæc nomina. Quare his stantibus
 ueniamus modo ad nostrum propositum. Dico enim
 quòd consensus est pati simul unum membrum cum al-
 tero patiente, oportet ergo hunc consensum fieri ab
 aliqua causa, quoniam quod cumq; quod sit, sit à pro-
 pria causa, causæ autē erunt quas assignabimus nunc
 nunc. summum autem fastigium huius diuisionis cau-
 sarum erit istud quòd consensus, aut prouenit pro-
 pter unitatem compositionis, aut propter conuenien-
 tiam naturæ, intelligo autem propter unitatem com-
 positionis, quando sunt duo membra quæ ita compo-
 nuntur in partibus suis, ut si una pars patiatur ex par-
 tibus unius membranæ partes quoq; alterius membri
 compatiuntur, et ut hoc clare habeatis exemplū pro-
 fero tam in rebus naturalibus quàm artificialibus.
 In naturalibus quidem sit hoc exemplum in corpore

humano

humano cū membrana ipsius cerebri afficiuntur tunc oculi dolent quoniam ita colligatae sunt membranae cum oculis ut cum patiatur ipsum, oculi quoq; compatiatur, unde uidemus illos qui uulnerantur in illis membranis habere inflatos oculos. Amplius si sit laesa ligula ipsius arteriae, tunc totum instrumentum. scilicet aliae eius partes laeduntur, tamen non per essentiam patiuntur, sed per consensum ad ipsam ligulam, cui compositione sunt alligatae, quocirca operationem suam edere non possunt, cum non edant uocem, quare unitate quoq; compositionis compatiuntur membra, & quod dictum est de ipsa naturali arteria, dicatur quoq; eodem modo de artificiali. sed sciatis modo quod unitas ista compositionis multiplex est, nam uno modo dicuntur esse unita duo membra in compositionem quotiescunq; unum ad alterum est principium, illud uero alterum ut principiatum, hocq; modo ad passionem ipsius cordis omnia alia membra patiuntur, quoniam illud est principium illis, illa uero principiatum, aut patiente cerebro compatiuntur omnes partes nervosae quoniam ad illas est tanquam principium ipsum cerebrum, nam omnes nerui à cerebro ortum habent. alio modo dicuntur duo membra colligata compositione pati simul cum communicant ad se inuicem per unam quandam uiam inter medium uel per transitum, uel per loca ipsa, & hoc multipliciter potest fieri. Diuidamus ergo differentijs essentialibus hunc modum consensus, per compositionis unitatem. Dico ergo quod huiusmodi συνπαθήσις fit aut quia aliquid deriuatur

ab uno illorum membrorum ad alterum, ad illas uias
et transitus, quod tum non debebat transferri, et de-
ruiari ad illud, uel non deriuatur quod debebat deri-
uari. postea accipiamus primum membrum, et dica-
mus quod quando deriuatur illud quod non debebat,
aut illud est tantum quædam qualitas exempli gra-
tia, si quis habeat in una parte corporis bubonē pro-
pter calorem igneum, qui est in eo transcuntem ad
alia membra per communes uias, tunc illa mēbra hu-
iusmodi calore quoq; ipsa afficiuntur, uel quod defer-
tur et deriuatur nō est qualitas sed materia, et hæc
materia duplex esse potest, aut enim est materia spiri-
tuosa, aut crassa, spiritiosa quidem, ut cum ex uen-
triculo ascendunt uapores ad oculos qui faciūt quas-
dam apparentias, et ascendunt ad cerebrum sicq; fa-
ciunt imaginationes et uertiginem, quando uero est
materia crassa? exempli gratia quando ex cerebro
descendit materia pituitosa, catarrhosq; ad neruos
et facit paralytim, uel descendit ad pectus uel ad fau-
ces sicq; secundum loca diuersa fiunt morbi diuersi,
quoniam illa membra cōpatiuntur, et hoc modo con-
sensus fit, quando transfertur de uno membro in al-
liud, illud quod non debebat. Videmus modo de alte-
ro membro, dicebamus enim aut non transfertur il-
lud quod debebat transferri, et eodem modo diuidi-
tur. nam aut illud debebat transferri et non trans-
fertur, est solum qualitas, ut cum quis percusserit ali-
cuius cerebrum quod est principium ipsorum neruo-
rum, aut propter aliud accidens illi superueniens
amittatur

amittatur motus, quoniā uirtus motiua non pōt trans
ferri postea per neruos ad mouendum ipsa membra, sicut
narrabat quoq; Gal. de illo qui percussus fuerat
in dorso, ubi est spinalis medulla, & ubi incipiunt ner
ui tendentes ad brachia, ideo cum motiua uirtus non
posset transferri ad ipsa non poterat mouere ille bra
chia sua, nam inflammata fuerat spinalis medulla ex
illa percussione, & ideo intercipiebatur uirtus tran
sire solita & amisit sensum motumq; brachiorum. mā
nifestum autem est, quod uirtus motiua ac sensitiua
sunt qualitates, & si Gal. de hoc uideatur ambigere
& 7. de plac. Hipp. & Plat. tamen certum est, qd
sunt qualitates, aut illud est materia & hæc duplex,
aut enim materia uaporosa, aut corpulenta & cras
sa, de uaporosa materia sit exemplum hoc, cum inci
duntur nerui intercostales, tunc nō potest transmitti
spiritus ad pectus & ideo læduntur partes, quæ cir
ca ipsum sunt quoniam operationem suam edere non
possunt. s. uocem, non enim possunt facere exsuffla
tionem spiritus, qui non transmittitur, cū tamen trās
mitti deberet, quando uero materia crassa corpulen
taq; est, sit hoc exemplum puta in atrophia, quoniam
chylus non transmittitur ad hepar. non enim potest
transmitti propter obstructionem ipsorum uasorum,
ideo non potest nutriri, neq; præparare cibum alijs
membris, ideo neq; illa nutriuntur, & per consequēs
demacerantur, & arescunt per consensum ad ipsum
hepar. Hepar autem habet se ad illa tanquam princi
pium ad principiata. uidete ergo hanc diuisionē pri

mi membri uniuersalis diuisionis . Nam cum aliqua membra patiuntur , quoniam alia patiantur , quibus sunt tanquam principata , aut cum illis coniunguntur per aliquas uias , hoc euenit quia non transmittitur id quod debebat transmitti , aut transmittitur id quod non debebat , & utroq; modo aut est qualitas , aut materia , si est materia aut crassa , aut uaporosa . habetis declarationem modo huius diuisionis . Restat ut uideamus reliqua quæ uidenda sunt . Dico igitur quòd cum transfertur illud quod non debebat transferri , tunc efficitur ægrotudo in illo membro ad quod trāsferitur , nam cum humores mali descendunt in ipsos oculos , ita quòd ex eis replentur oculi , tunc nemo diceret q̄ illi non ægrotent , sic etiam cum catarrhus ex cerebro descendit in pulmonem nemo diceret quòd pulmo non ægrotet . Cum autem non transfertur illud quod consuevit , & debet transferri , tunc illa membra quidem impediuntur in suis operationibus aliquando , tamen non ægrotant uere , nam cum uirtus motiua non transiit ad manus , manus quidem non potest exercere motum quem consuevit exercere , tamen non ægrotat , quoniam complexio ipsius non mutatur ad malū . neq; compositio neq; solutio continui fit . q̄ aut non lædantur in complexione sua patet , quia exercēt operationes suas quæ solent prouenire à bona cōplexione concoquit enim & alterat alimentū translatum ad ipsum neq; in compositione eam lædi manifestum est , minus in cōtinuo , sic etiā cum spiritus non transmittuntur ad guttur non possunt illæ partes gutturis exsufflare

flare, consequēter neq; edere uocem, quoniā per consensum ad alia membra aliqua lēdūtur, tamen non dicuntur egrotare uere. Ideo aliquando membra afficiuntur solum per consensum ad alia, aliquando etiam egrotant: quæ omnia sunt à uobis quàm optime aduertenda. uerum tamen est quòd cum materia crassa corpulentaq; non transfertur ad membra ad quæ solebat transferri, quòd tunc alia per consensum non solum afficiuntur, sed egrotant. Nam cum chylus (ut ste= mus in exemplis propositis) non transmittitur ad hepar, qui transmitti debebat, tunc alia membra egrotant, quoniam calor illorum diminuitur, et tendunt ad mortem, & ideo in complexione lēduntur. Amplius lēduntur in plasinatione, quoniam cū hepar non concoquat & præparet alimentū illis, neq; minus transmittatur ad illa uasa inaniuntur, inanitaq; concidunt, cum non possit dari uacuum, & hoc modo afficiuntur membra per consensum ad alia propter unitatem alicuius compositionis, hæc satis sint quoad primum mēbrum. Quantum autem attinet ad secundum dico q, membra aliqua afficiuntur per cōsensum ad alia propter conuenientiam alicuius naturæ. Nam posui illam notam alicuius, in prædicato non autem in subiecto, et hoc artificiose factum est. ratio huius est, quoniam semper quidem patiuntur per conuenientiam cum patiuntur hoc modo secundo, sed tamen nō semper propter conuenientiam eiusdem naturæ sed alicuius uel huius uel illius, quoniam sunt multiplices naturæ. Natura enim multipliciter dicitur, sed tamen principa= liter

liter dicitur tum de forma tum de materia sicut habetis ex Aristotele secundo phys. in principio principalius de forma prædicatur. Amplius natura dicitur secundario de aliquo accidente consequente compositione unam, sicut dicimus nos naturam scamonei esse ut euacuet bilem. i. scamonium habere hanc proprietatem, ut trahat bilem: lactucæ dicimus naturam esse ut refrigeret, piperis autem ut calefaciat. Quare cum natura dicatur de huiusmodi rebus, dico quod quando dicimus consensum fieri per conuenientiam alicuius naturæ intelligimus aut propter conuenientiam materiæ, aut formæ, aut accidentis proprii consequentis compositionem ipsius rei. Cum ergo aliquod consentit alij per conuenientiam formæ aut in dolore aut uoluptate, & bona uoletudine tunc est, puta cum sunt duo quorum duæ sunt formæ, altera autem earum uoluptate affecta reliqua quoque compatitur in hoc. Vnde philosophi dicunt elephātem delectari hominis præsentia, quoniam habet quandam conuenientiam formæ. Delphinus quoque delectatur humano aspectu, est autem alia conuenientia, cum sunt duo quæ sibi contrariantur in forma, tamen in genere conueniant propterea habent communes actiones, & passionēs, est autem hæc conuenientia quodammodo materiæ, quoniam genus est quoddam formale confusum, & ideo lupo & agnus maxima inimicitia se prosequuntur, homo & uipera maxime se oderunt non alia de causa, nisi quia habent formam quidem diuersam, ideo non delectantur præsentia alterius, sed quia conueniunt in genere
ideo

ideo compatiuntur inuicem, per conuenientiam autē
materiæ aliquando unum alteri consentit in passione,
et hic notatur quoniam sano modo oportet intellige
re hanc materiam, nam intelligimus nos materiā pro
pinquam non autem illam primā de qua laborant phi
losophi, et hoc modo dicimus carnem pullorum galli
naccorum esse conuenientem homini non per formam
sed per materiam, unde ex illa nutritur. Disconue
nientiam autem materiæ est inter aconitum et homi
nem. loquor ego nunc de Aconito uiridi quod habet
propriam materiam dispositam, ideo ad ipsius præsen
tiam patitur homo, nam cum est desiccatum non est
aconitum uere neq; habet materiā primā illam quā
habebat uiride. i. ita dispositam, neq; eandem formam
nam * ista simplicia dum exiccantur. Vnde di
cebat Mesue quod rosa sicca non est rosa nisi æquiuo
ce dicta. Nunc modo dicamus quod aliquando unum
alteri compatiitur per conuenientiam in aliquo acci
dente, et primo quidem in habitu, nam pulchritudi
ne unius animalis alterum animal delectatur, turpi
tudine autem tristatur. Animalia enim in his maxime
sibi inuicem compatiuntur atq; consentiunt. Amplius
in primis qualitatibus conuenientia delectantur. Sci
tis enim uos, quomodo afficiuntur homines à talibus
qualitatibus caliditate frigiditate humiditate et sicc
itate. In qualitatibus secundis idem dicendum est. nam
sapores multum afficiunt homines siue modo delecta
tione siue dolore, secundū quod sunt odorabiles quo
que facultates et tales qualitates, alterāt hominem,
audibiles

audibiles gustabilesq;. Quod enim diximus de tactilibus putetis dictum de alijs omnibus, quæ mouent sensus. Vnde quod hoc quoq; sciuerint antiqui philosophi patet quoniam Arist. in procemio metaphys. dicebat tactum in uno melius affectum esse, in altero autem peius secundum quod sunt qualitates ipsæ aut conuenientes aut non. His ergo sic uisis restat ut uideamus modo cras quid sit contagium, & de ipso pertractemus quoniam nullus adhuc qui à me uisus sit tractauit perfecte de illo, multaq; dicentur contra illum maxime Veronensem nostrum, qui ausus est scribere de contagio & reprehendendo Gal. cum tamen ipse magis damnandus sit. uidebitis omnia.

LECTIO XXXIII.

AGEBAMVS in superiori lectione de consensu & uidimus quid sit consensus quoniam est translatius de uno subiecto in aliud & quidam affectus propter unitatem compositionis uel conuenientiam alicuius naturæ, declarauimusq; exemplis quomodo est consensus tum per unitatem compositionis, tum per conuenientiam alicuius naturæ. Cum autem contagium sit quidam consensus quoniam contagium est quidam affectus transiens de uno subiecto in aliud, & maxime cum hic sint plurimæ difficultates, quæ soluendæ sunt. Nam cum hac nostra ætate multi conati sunt aggredi cognitionem contagij quid sit non potuerunt pertingere essentiam ipsius & cum dicant multa de ipso nihil intelligunt neq; adhuc sciunt quid sit contagium

gium immo non intelligunt significationem nominis .
Quare dicturi de ipso incipiamus declarare quid si-
gnificet hoc nomen contagium, non enim dixerūt ali-
quid de hoc græci doctores . Nam ego ut ingenue fa-
tear nunquam uidi apud Gal. aut Oribasium aut Pau-
lum aut alium quempiam hoc nomen contagium græ-
ce de ipsoq; nomine dicamus . Contagium à contactu
deuenit & est transitus alicuius affectus de uno ad al-
terum corpus . Quare contagium primo non poterit
fieri nisi sint duo corpora . Nam non possunt se con-
tangere nisi corpora, modo contagium fit per conta-
ctum, ergo non potest esse nisi sint duo corpora, quo-
niam oportet de uno ad alterum transire affectum ,
alioquin non fit contagium . Contactus enim cum du-
plex sit secundum q. habemus ex Auer. 5. phys. tex.
com. 30. & ibi alias mathematicus & naturalis, de
naturali nunc loquimur, quoniam mathematicus non
fit semper inter duo corpora sed inter magnitudines.
naturalis autem fit semper inter duo corpora, quæ in
loco sint alioquin contingere se non dicuntur natura-
liter. præter corpora ergo se contingere nihil potest
hoc cōtactu naturali quod cognouit quoq; Lucretius
ille Poeta, dum dixit. Tangere enim & tangi nisi cor-
pus nulla potest res. Declaratus est ergo modus con-
tagij quomodo scilicet sit consensus & quidem per
contactum duorum corporum, neq; hoc solum est in
motu contagij, sed in omnibus motibus alterationis .
His sic firmiter constitutis, dico modo quòd contactus
dupliciter fieri potest aut enim mediate aut immedia-
te.

te.immediatum autem illum contactum uoco qui sic quotiescunq; sunt duo corpora se contangentia ita q; nihil inter ipsa mediat sed unū quod dat affectū, alterū uero quod suscipit est, & ita seipsa contangunt, sicut contingit in morbo gallico de quo dicemus ēt infra. diximus autem de ipso aliās ex professō loquentes; mediatum autem dico illum cum sunt duo corpora quæ contangunt se non immediate sed alio aliquo corpore intercedente, ut cum ego tango lapidem baculo, non autem propria manu sentio enim num sit durus, aut mollis, nam cum lapis afficiat baculum, baculus refert postea manui qualitatem illius lapidis. Quare dico quod per medium aerem cōtangere se possunt duo corpora, & ita quod unum afficiat alterum, nam primo afficitur, aer, qui postea affectus afficit alterum corpus, potest quoq; medium esse inter illa aliud corpus ut aqua & hmoi. supponamus ergo nos hæc omnia quæ dicta sunt tum de modo ipsius contagij, tum de nomine à quo deriuetur, & quomodo fiat. ueniamus modo ad intelligēdam ipsius essentiam, de qua multum dixere moderni nostri sed nihil penitus profectō intellexere. Dico ergo quod iam manifestum est contagium fieri per contactum duorum corporum, ita quod affectus de uno corpore in aliud transit, ideo quidam consensus esse dicitur. Cum ergo contagium sit quidam consensus, dico quod necessariū est ut fiat aut propter unitatem compositionis illorum duorum corporum, aut propter conuenientiam alicuius nature, sicut declarauimus superius in uniuersali de ipso consensu,

consensu, sed cum non fiat per unitatem compositionis, quod palam est quia uidemus illud fieri inter corpora duo penitus disconuenientia in compositione, & diuersa, ergo relinquitur secundum ex sufficiente partium enumeratione, quod. s. fiat propter conuenientiam alicuius naturæ. Cum ergo contagium fiat per conuenientiam alicuius naturæ uideamus modo quomodo fiat, & cuius naturæ sit ista conuenientia, semper sequimini naturam rei, neq; aberrabitis nam natura rei indicabit uobis, quod contagiū est affectus inductus ex uno corpore transiens in aliud, sed iste affectus potest esse uel conseruās illud corpus in quod transit & est, cum similis est ipsi corpori, quoniam manifestum est quod simile conseruatur à suo simile sicut in philosophia habuistis, aut est immutans cum est dissimilis, conseruans autem potest esse uoluptas mediocris, sed quoniam omnis mutatio quæ fit de uno termino in alium terminum fit de contrario in contrarium, ergo in hoc motu contagij cum affectus transit de uno corpore in aliud oportet esse contrarietatem, ita quod contrarius sit terminus à quo & terminus ad quem. oportet ergo hanc contrarietatem esse aut ex parte materiæ aut formæ, aut alicuius accidentis proprii. Ex parte quidem ipsius materiæ hæc cōtrarictas esse nō potest, quoniam materia solum apta est & disposita suscipere & pati, non enim habet in se aliquod principium actiuum, est enim illa quæ immutatur, aut conseruatur, non autem immutat aut conseruat. nos autem quærimus contrarietatem

trarietatem illorum, quæ agunt & inmutant, non autem illorum quæ inmutantur & patiuntur, ergo ex diuisione illa relinquitur quod sit contrarietas aut ex parte formæ aut ex parte accidentis. sed contagium cum fiat per motum, ergo in cōtagio aut est motus localis, aut corruptio, aut augmētum, aut alteratio: non enim sunt plures motus secundum quod Arist. demonstrauit. 5. phys. sed in eo non est motus localis cū non uideatur aliquid moueri de loco ad locū, non augmentationis motus, nihil enim ibi augetur, ergo relinquitur quod in ipso sit aut corruptio, aut alteratio. Illud ergo corpus quod recipit per cōtagium illum affectum aut alteratur, aut corrumpitur, sed non alteratur quia semper corrumpitur in illa parte in qua cōtagium sit, non dico autē propter ea quod non sit semper necessaria alteratio. semper enim alteratur corpus illud, si modo uerum est quod dicebant philosophi omnem corruptionem præcedere alterationem, sed quoniam alteratio non est de eius essentia, sed necessario requiratur in ipsius essentia corruptio alioquin cōtagium non diceretur esse, ideo cum accidentia solum alterent, non autem corrumpant, alteratio enim est inter accidentia, corruptio autem in substātia, erit ergo hæc contrarietas in substātia, si corruptio fieri debeat, si est in substātia, aut est in materia aut in forma, non in materia per iam declarata superius, ergo in forma, formæ ergo horum corporum se contangētium sunt contrariæ, non enim dicimus compositum composito esse contrarium sed formam simplicē quæ est

est pars illius substantiæ compositæ formæ simplici, sed quoniam unum uni contrarium est ut audiistis alibi, ergo una forma alteri erit contraria, si autem debeat fieri destructio et corruptio, oportet essentiã destrui et corrumpi ipsius corporis. Quare essentia illius per putredinem corrumpitur, forma ergo inducens illam putredinem erit forma putredinalis contraria illi alij formæ cum corrumpere quærat illam, putredo enim quedam corruptio est secundum Arist. 4. meteor. contraria ergo forma putredinalis est illi, quam destruit per putredinem, cum autem actio fiat merito contrarietatis, ut patet ex rei natura et philosophis, et contrarium non suscipiat suum contrarium, relinquitur quod hic sit subiectum quoddam, quod recipiat ista contraria. istud autem est materia ipsa communis, tum huic, tum illi contrario, non enim agerent inter se contraria nisi conuenirent in aliquo quod quidem susciperet utrumque; huius gratia dicitur quod contraria sunt in eodem genere, nam si omnino differrēt, nec in aliquo conuenirent, non fieret actio. habemus ergo hic Domini tum principium actiuum huius corruptionis & motus quod est contraria forma putredinalis. s. habemus quoque principium passiuum quod est putrescibile & suscipere aptum ambas formas contrarias siue generationem & corruptionem. nam illa contraria appellamus pro nunc formas, quoniam alia nomina non habemus, ut possimus autem expedite & breuiter loqui appellamus illa formas. non enim sunt propriæ formæ. satis est quod intelligatis rem

ipsam de nominibus quoque non curetis. hic ergo est conuenientia in materia, quoniā potest suscipere tum hoc tum illud contrarium, & disconuenientia, siue contrarietas ratione formarum ipsarum. ergo contagium fiet ratione cōuenientie materie cōis ambobus contrarijs. & disconuenientie formarum. per destructionem enim unius forme & introductionem, alterius in illam materiam corruptio fit essentie illius corporis, siue partis recipientis contagium, omnem autem generationem, & omnem corruptionem, sicut dictum est, præcedit alteratio cum ipsius fines sint istæ duæ mutationes, alteratio autem omnis est inter qualitates, per qualitatesq; perficitur, quoniam omne agens naturale indiget instincto aliquo si agere debeat, oportet ergo quod cum inuenerimus agēs principale quod inueniamus modo alterationē, quæ est in huiusmodi contagio, & instrumenta, hoc est qualitates, cum ergo putrescat illa pars quæ suscipit contagium, oportet quod prius alteretur, quoniam putredo est corruptio, sicut diximus, alteratio autem ista erit calefactio, calefactio autem in membro illo, aut corpore præcedet putredinem, sed ista calefactio facta est per suum instrumentum ab agente principali, per instrumentum, dico calorem ipsum, qui cum agat in humidum & siccum passiuas qualitates non omnino conuertit illas & concoquit. ideo dicitur quod cū passiuæ qualitates uincunt actiuas, tunc sequitur putredo. Nam calor agendo in humidum & siccum modo facit elixationem modo assationem. cum enim ca-

lor agat in humidum, ita quòd ferè solum siccum relin-
quatur tunc assatio fit, sicut cū os assatur, sed cum
agit in illas qualitates ut conuertat quidem eas mul-
tum ad sui naturam, ita quòd calor superet illas, sit
autem non superabundantia unius super alterum, sed
ambo sint æqualia, & calor finem suum attingat fit
elixatio, sicut cum sanguis elixatur, si autem contin-
gat ut ita sit debilis calor quòd non attingere possit
finem suum superando humidum, immo humidum ad-
huc superabundet tunc non elixatur illa res, puta san-
guis, sed potius coinquinatur, & cum in assatione
non pertingat finem suum adhuc coinquinatur, ita
quòd calor dominatur ab ipso humido, coinquinatio
autem est uocabulum & nomen ipsiusmet Aristot. 4.
meteor. quæ quidem est debilis assatio siue elixatio,
quoniam prouenit à debili ori quàm proueniat elixa-
tio, nam propterea quia calor non potest superare
ipsum humidum, ideo coinquinatio fit, ad quam coin-
quinationem sequitur putredo, quoniã scitis uos quo-
que ex illo. 4. meteor. putredinẽ fieri propter redun-
dantiam humidi super calidum. habemus ergo princi-
pium actiuum huius putredinis, habemus instrumen-
ta, habemus alterationem præcedentem, habemus
quin etiam ipsam putredinem in contagio, unde uide-
mus illa quæ habent intensum calorem et magnũ non
putrescere, quoniam illa potius exiccant, unde audi-
mus nos quòd in tertio climate, id est in Arabia, quo-
niam est quædam uia per quam incedunt mercatores
omnes ad orientales regiones plena ipsa barena, quo

niam est propinqua mari cum sit in littore, & ita feruida est & calida propter ardentiam solis ut moriantur in illa uia, ita quod exiccantur à radijs solaribus ut totū humidum in eis uideatur esse deperditum. ex illisq; fit mumia quæ in nostras regiones affertur nunquam putrescens, propterea quia humidum non redundat supra calorem, ita quod possit fieri putredo. Amplius propter maximum frigus nō putrescunt res. nam in illis montibus Gallie sanctiq; Bernardi, ubi sunt ingentissima frigora mercatores quandoq; morientes non putrescunt, immo remanerent in sepulchris illius sancti Bernardi per multos annos, quod non putrescerent. quid uis dicere propter hoc? Ego uolo dicere & inferre quod putredo fit à modico debilitatoq; calore cum dominio ipsius humidi, quoniam non potest illi dominari calor, sicut dictum est iam satis. Quare habetis omnia requisita ad contagium. omnes causas, scilicet naturæ habetis principium actiuum, passiuum, instrumenta, & effectus. in hac autem re non est requirenda causa finalis, quoniam contagium est res præter naturam, & habet rationem mali, modo finis habet rationem boni, quomodo ergo in contagio potest requiri causa finalis? Quando iam facile crit cognoscere definitionem ipsius contagij & consequenter ipsius essentiam quam nūc inquirimus. poterimus ergo hoc modo illud definire. Contagium est affectus transiēs de subiecto corpore in subiectum corpus per contactum uel immediatum, uel mediatum propter conuenientiam ipsius materiæ, disconuenientiam

tiam autem ex parte formæ mediante alteratione caloris indebite excoquētis ipsum humidum subiectum, hæc est completa & perfectæ ipsius contagij definitio. Ex quibus omnibus iam declaratis & expositis patent modo consequentia multa. patēt enim cur quædam corpora recipiunt contagium, aliqua uero non, ad hoc enim quod corpora suscipiunt illud requiritur uis agentis quæ possit inducere illud & dispositio patientis in quod est inducendum, unde quia sunt uariæ dispositiones corporū ideo si est corpus aliquod quod non sit dispositum ad recipiendum contagium immo sit illi contrarium in dispositione, non recipit illud. patet autem secūdum quod sunt uaria contagia nā quia sunt uariæ dispositiones patientium corporum uariæ quoq; fiunt ipsæ inductiones contagij. unde ad hoc quoq; potest facere exemplum quod dat Gal. in illo suo secundo lib. de differentijs feb. ubi inquit quod existentibus decem milibus hominibus in Theatro sub sole feruente abibunt quattuor febrientes, omnes autem alij nihil perpeſsi sunt, hoc autem inquit Gal. unde prouenit nisi quia isti sunt uariæ dispositi ab illis, idem enim est agens inducens febrem. s. sol tamē nō inducit illam in omnes sed in hos non in illos autem sic quia erant dispositi ad recipiendam illam, sic quoq; in proposito nostro sunt aliqui qui conuersantes & dormientes cum scabiosis capiunt scabiem, aliqui autem non quoniam illi sunt dispositi ad recipiendū scabiem, isti autem non, & isti capient parum illi multū. Quare ille noster Veronensis quantum errarit in quæren-

do uana in hoc nescire dicere non enim debebat ita in
 consulto reprehendere homines, sed debebat prius
 optime aduertere contra quos loqueretur quoniam
 loquebatur cum hominibus doctis & qui magis sciunt
 quam ipse: cum enim reprehendat illos nescit quid di-
 cat in hac re immo nihil recte dicit, & somniat credi-
 te mihi quæ dicit iste homo. errat enim quando quære-
 bat ex Gal. quoniam etiam audet in hoc irridere cum
 ipse sit irridendus, non enim considerauit quantum re-
 ferat intelligere Gal. & homines doctos, audiat quæ
 so quæ iste homo errauit. Quærebat enim interrogā-
 do ipsum Gal. cur est quod quidā homines sunt qui re-
 ciipiunt contagium quidam uero non, & irridet Gal.
 quod huic dubitationi respondere nesciat, ideo respon-
 det ipse formando quoddam suum imaginarium semi-
 narium quod nō est sed proprie est imaginarium, non
 enim uidit neq; minus intellexit Gal. iste pauper ho-
 mo, nam Gal. in illo secundo lib. de differentiis feb. non
 ne causam huius reddidit quemadmodum docuimus su-
 perius parum, nam hoc diximus prouenire ratione di-
 uersitatis ipsarum dispositionum, quoniam alij sunt di-
 spositi ad recipiendum contagium alij uero nō, & pro-
 pter ipsam magnitudinem fortitudinēq; uirtutis agen-
 tis, quoniam etsi quandoq; recipiens corpus non esset
 dispositum ad recipiendum contagium immo agenti re-
 sisteret, tamen quia agens esset ita ualidum in agendo
 ut superaret illius resistantiam ideo induceretur in ip-
 sum contagium: unde homines quoq; sani qui non sunt
 dispositi ad illud immo contrarie dispositi & anima-
 lia

lia alia quandoq; alia moriuntur cum ita ualidum est
agens cum. s. est multum infectus aer ita quod inducat
quam maxime ipsum contagium, sicut dicebat quoq;
ipse Gal. in illo secundo lib. de pronosticatione per pul-
sum, ubi docebat quomodo quandoq; fiant feb. pestilen-
tes hecticae sine putredine antecedente ipsorum humo-
rum. ex quo loco illud sumite quoniam possunt fieri
feb. pestilentes hecticae sine putredine humorum se-
cundum Gal. mentem, nam spiritus putridus & aer ip-
se intro sumitur & ita uadit ad ipsum principium ui-
tae quod est cor, cumq; multum potens sit tabefacit ip-
sum cor, & consequenter totum corpus, & sic moriun-
tur ipsi homines in duobus uel trib. diebus, aliqui etiam
in eadem hora immo quandoq; statim cum tanta uis est
agentis ut inducat quamprimum ipsam putredinem in
corde. quomocumq; autem sit siue ex putredine in-
trinfeca. i. humorum siue extrinfeca. i. quae inducitur
ab agente sicut diximus semper est eadem putredo quae
facit illam feb. pestilentem hecticam semper est idem
effectus. Quapropter dicunt quoq; nostri moderni
illud quod est pestilens esse Venenum quoniam inter-
ficat & contrariatur ipsi homini. Quare hoc uidens
quoq; ille noster Veronensis uir parui ingenij & qui
dem falsi querebat quomodo est uenenum: non enim
intelligit rei naturam ideo non est mirum si cecidit.
Dico quod est uenenum propter putredinem ipsam
contagium, quoniam illa putredo est contraria for-
ma ipsius hominis & ubi etiam putredo ad summum
uenerit, dico quod est ita uenenosa ut immutet quoq;

materiam ipsius hominis non solum formam ideo cum est magnus gradus ipsius putredinis mutatur forma, & materia alteratur, itaq; illud quod est putridum et pestilens omnino contrariatur homini in tota ipsius essentia & substantia, quomodo ergo sit uenenum manifestum homini quoque indocto esse potest, neque enim hoc ignorant medici ideo non debebat querere iste homo à uiris doctis, & ab ipso Gal. quidem maxime ista uana, debebat enim prius tacere & cogitare quid dicturus esset, antequam aperiret os et loqueretur, nam omnia ista sunt clarissima etiam ignaris ad quid ergo reprehendit doctores, & putat se pulchra dicere in rebus his, laudando & extollendo doctrinam suam cum tamen magis erret dum magis protrahit sermonem suum, credite mihi quod iste homo nihil sciebat penitus de philosophia, minus de medicina, ideo intricatus est.

LECTIO XXXIIII.

IN præcedenti lectione uidimus quid sit contagium de quo sermonem habemus in præsentium quo ad nomen, tum quo ad essentiam ipsius, declarauimusq; quomodo intelligeretur illa diffinitio contagij, illucq; uentum est, ut definiremus ipsum cum diceremus, & contagium est affectus transiens, de substantia in substantiam, mediate uel immediate per conuenientiam ipsius materie & disconuenientiam siue contrarietatem ipsius forme mediante alterationem caloris indubite excoquentis humidum, per hoc ergo quod dicebamus

bamus contagium esse affectum oportet ibi adiungere destructiuum substantiæ ut hoc pacto dicamus contagium est affectus destructiuus substantiæ. per hoc enim intelligimus primo quid sit, quoniam est affectus sed ita quod destruit subiectum per hocq; distinguitur ab alijs affectibus, qui non sunt destructiuus substantiæ, est autem transiens de subiecto corpore in aliud subiectum, quoniam illa duo corpora se contangunt, postea dicebamus mediate uel immediate, per hanc enim differentiam nos distinguimus contagium ab alijs affectibus, tñ qui semper mediãte aliquo fiunt tumq; semper immediate & sine aliquo medio, postea adiungebamus aliam differentiam, cum dicebamus per conuenientiam materiæ disconuenientiam formæ, & per hanc differentiam distinximus ab illis affectibus, qui quidem fiunt ex transitu materiæ de loco ad locũ. postremo diximus mediante alteratione caloris indebite excoquentis humidum, quoniam non fieret destructio substantiæ per ipsius putredinem nisi prius fieret illa alteratio statibus illis quæ supra sunt declarata. Quare exposita huiusmodi definitione ueniamus modo ad alia, nam uidentur hic esse difficultates contra talem definitionem primo quidem cõtra illud quod diximus, contagium affectum esse destructiuum substantiæ, nõ enim uidetur esse de ipsius essentia, quod destruat essentiam, quoniam scimus in morbo gallico esse contagium & manifestum est, tamen in illo non est destructio substantiæ, sic in scabie est contagium, tamen ibi non est destructio substantiæ, quomodo ergo uerum est

est illud quod diximus in principio illius definitionis & destructiuum est substantiæ & Accipiamus feb. pestilentem quæ si debet esse oportet in corpore ipso esse putredinem, nam putredo in corpore est sua idea suisque characterismus per quem ab alijs feb. distinguitur & per quem in esse constituitur, nam cum aer inspiratur qui putridus sit, & communicetur cordi ita quod in illo fiat putredo tunc fit feb. pestilens, aut cum uirtus debilis est ita quod superatur à qualitatibus passiuis. cū ergo fit ista feb. ex inspiratione aeris putridi tunc fit una species febrium pestilentium sine materia, de qua diximus superius quoque Gal. loqui in lib. de pronosticatione per pulsus si bene memoria tenetis, appellabat autem eam febrem pestilentem hecticam, dicitur enim hectica quoniam illi assimilatur, est enim si ne materia cum dixerimus fieri ex inspiratione aeris putridi, quoniam autem ponitur cor in calefacto esse sic etiam assimilatur illi. Est autem alia species feb. pestilentis quæ depēdet, & ipsa ex putredine sed tñ putredine humorū ipsorum corporeorū qui sunt tanquā materia illius, & hæc conuenit cum alijs feb. putridis quoniā in ea est calefactio humorū, sed est quoque in illa putredo humorū quæ nō requiritur in omnibus alijs. satis enim est quod in alijs humores ipsi alterentur in corde, illæ enim dicuntur proprie febres putridæ, sed cum propter magnam uim agentis in humores in corde non solum ponuntur in calefacto esse, sed etiam putrescunt ita quod fiunt accidentia seuissima tunc dicuntur esse feb. non solum putridæ sed pestilentes. si

autem

autem ultra maior sit uis agentis ita quòd non solum putrescāt humores in corde sed etiā substantia ipsius cordis in calefacto esse tunc ultra hoc quòd est feb. pestilens est quoq; hectica & hæc dicitur feb. pestilens hectica quoniam illi in hoc assimilatur quòd cordis substantia posita est in calefacto esse, ita quòd si magis perseveret uel propter maiorem uim agentis tunc putredo non solum in humoribus sed etiam in substantia cordis inducitur & tunc homines statim moriuntur quoniam non potest pati cor corruptionem substantiæ suæ uiuens, immo quandoque ita est ualida uis agentis. s. caloris putredinalis ut statim ferè in instāti temporis cordis humores non solum ponantur in calefacto esse & putrescant, & substantia ipsius cordis putrescat et in hoc casu homines quoq; statim moriuntur. est enim feb. pestilens pernitiōsa sicut contingit tēpore pestilentie & ita uidetis quomodo se habeant ipsi gradus febrium quoniā primo est feb. putrida, secundo est pestilens simplex, tertio est pestilens hectica, quarto est pestilēs pernitiōsa. ex hoc potestis quod deducere quantum crassi fuerunt illi homines qui quærebāt quomodo possibile est ut putredo sit in corde tamen animal uiuat non enim uidetur hoc possibile esse. Nam dicimus nos quòd hoc est possibile cum tantum modo humores ipsi putridi sunt & substantia cordis calefacta est, tunc autem dicimus esse feb. pestilentem hecticam in hac possibile est animal uiuere ea laborans, male enim arguunt & quæunt isti homines neq; sciunt distinguere feb. istas. nam alia est feb. cum
tantum

tantummodo humores sunt putridi in corde tuncq; uide-
 tis homines illos quod percipiunt se ægrotare, sed
 cum postea substantia cordis non solum calefit sed
 etiam putrescit alia est febris, alia est etiam cum hu-
 mores putridi sunt & substantia cordis calefacta est
 solum, tunc enim uidetis homines illos non percipere
 ægritudinem suam immo delirantes dicunt se non ægro-
 tare, hæc enim dicitur hectica quoniam substantia cor-
 dis calefacta est sicut contingere solet in uera hectica,
 dicitur pestilens quoniam ipsi humores putridi sunt.
 cum autem substantia cordis putrescit tunc homines
 statim moriuntur & in hoc uerum est quod dicunt il-
 li, quoniam non est possibile animal ea laborans uiue-
 re. sed in alijs possibile est, sicut iam patet unde etiam
 possumus dicere, quod non omnes feb. hecticae sunt in-
 curabiles immo possunt curari omnes gradus ipsius
 nisi sit tertius gradus cum. s. iam factus est marasmus
 tunc enim sine dubio homines moriuntur neq; curari
 possunt. hic autem gradus est incognitus non enim pos-
 sumus habere cognitionem in quo gradu sit talis &
 talis feb. quoniam dicebat Gal. in primo lib. de feb. ad
 Glauc. & in illo tertio Therapeutice quod non possu-
 mus cognoscere gradus ipsarum complexionem, hoc
 enim solius Aesculapius nouit qui est Deus nos autem
 qui sumus homines non possumus illos cognoscere.
 Quare dicamus iterum, quod non potest esse febris pe-
 stilens nisi humores in corde putridi sint, sed cum pu-
 trefacti sunt non sunt amplius humores quoniam amit-
 tunt suam formam per putrefactionem ipsorum &
 substan-

substantiam : quapropter ubicunq; est putredo ibi est destructio substantiæ. Cum autem contagium non possit esse sine putredine non potest esse sine destructione ipsius substantiæ. in feb. ergo pestilētib; est destructio substantiæ ipsorum humorum cum autem cor ponitur in calefacto esse nondum putrescit sed cum ipsi communicatur contagium ipsius putredinis tunc putrescit substantia ipsius & consequenter destruitur cum autem destruat; cor homo moritur propter ipsius nobilitatem cum sit totius principii. eo modo quo uidimus fieri destructionem substantiæ in feb. pestilentibus uidemus quoq; in scabie et morbo gallico de quibus isti faciunt instantias, cum dicunt quod in scabie quidem primo est contagium non tamē destructio substantiæ. quod hoc sit uerum declaro quoniam uidemus in scabie esse magnum pruritus ubi sunt pustulæ ipsæ propter. s. putredinem humorum generantium ipsam ideo in scabie est putredo humorum, & partium ipsarum in quibus sit scabies non totarū ita quod omnino putrescāt sed ubi est scabies. s. pustulæ ipsæ ideo ibi est destructio substantiæ, quoniam ostendimus iam quod ubicunq; est putredo, ibi est destructio substantiæ, sic quoq; dicamus in morbo gallico quoniam cum in ipso sit contagium est quoque destructio substantiæ nam siue in morbo gallico sint ulcera in inguinibus siue sint ulcera in toto corpore, siue sit casus pilorum siue sint illi tophī, semper est ibi materia putrida, faciens huiusmodi symptomata, discurratis modo uos per omnia accidentia quæ solent contingere in ipso,

&

Et ubique inuenietis esse putredinem materię ergo
 ibi est destructio substantię, unde etiam Gal. in illo
 primo lib. κατὰ γένν quod cum pili cadunt signum
 est materiam illam ex qua generantur esse putridam
 Et ita discurratis uos per omnia symptomata quę cō
 tingunt in illo, nam etiam cum per contagium fiat, na
 scuntur ulcera in inguinibus, Et membro uirili siue
 pene ita quod destruitur substantia illarum partium,
 Et ego super hoc testari possum, nam semel uidi quen
 dam hominem qui corrosus habebat totum penē ita
 quod nihil de ipso habebat. Quare manifestum est q
 in ipso fit putredo alicuius substantię, non enim eua
 dit ab aliquo illorum symptomatum modo in illis oīa
 nibus est destructio substantię, bene uerum est, quod
 ad omnem destructionem substantię in contagio præ
 cedit alteratio sed requiritur necessario, ut sequatur
 putredo in ipso modo, ut dictum est, putredo est quę
 dam corruptio substantię. probatum ergo Et demon
 stratum esse uidetur satis quod in contagio omni sit
 destructio substantię quod intendebamus prius decla
 rare in ipsius definitione, ex quo modo patet quare
 sint aliquę egritudines contagiosę, aliquę autem nō
 .i. sunt aliquę egritudines, quę contagio capiuntur
 aliquę uero non, nam febris ipsa est non contagiosa
 quoniam si quis dormiat cum febricitanti contangatq;
 ipsum non cōmunicabitur illi febris, ita quod destrua
 tur in ipso quoq; substantia, inflammatur quidem Et
 incallescit, quoniā dat ipsi calorem dat. n. quod habet,
 dat calorem quoniam potest recipere ipsum, sed non
 dat

dat destructionem ipsius substantiæ, quoniã in illo fo-
mentum nõ est quod quidẽ possit sustinere talẽ feb. &
in quo esse possit, bene possumus distinguere de hoc
quoniam non negare possumus quia quandoq; etiam
feb. illa communicetur. nam potest esse ita præparata
materia hoc est humores in illo homine ut cum cõtan-
gat alium febricitatem recipiat ipsam feb. ita quòd hu-
mores quoq; putrescant & nõ destruantur in sua sub-
stantia nõ omnino enim putrescunt sed solũ alteran-
tur, ideo potius est non contagiosa feb. in ea enim est
sola alteratio, non autem substantiæ destructio. unde
Arist. in illa sep. particula problematum problemate
quoq; illo, quare sanitas non inducit sanitatem, cum
tamen ægritudo inducat ægritudinem, sanitas autem
non inducit sanitatem, dicebat quòd ægritudo est quæ-
dam alteratio sed sanitas est quædam quies sicut quo-
que notabamus in lectionibus transactis hac de causa
dicebat ægritudo inducit aliam ægritudinem sanitas
autem non inducit sanitatem, sed nolo ut audeamus di-
cere tantum philosophum errasse in hoc cui tantum
debemus sed dicamus quòd optime dixit dum conside-
ravit rem ipsam in se & diuinus philosophus fuit in
hoc quoniam philosophi non considerat ægritudinem
alio modo & sanitatem nisi isto, quoniam autem non
erat medicus nõ considerauit illas dispositiones ut me-
dici considerant. Nam ipsi dicunt sanitatem posse in-
ducere aliam sanitatem sicut ægritudo aliam ægritu-
dinem inducit. unde Hipp. & Auic. omnesq; medici di-
cunt uno consensu optimum esse & sanum ægris am-
plexari

plexari puellas & fouere intestina & membra ipsa, siue etiam puerum paruum amplexando & tenendo cum super membris neutrum duorum quoniam sanitas illius pueri uel puellæ inducit sanitatē in illum hominem, si ergo hoc uerum est ut experimento cōprobatum est & quotidie potest probari manifestum est quòd tam sanitas est alteratio ad bonum quàm ægritudo ad malum, non autem est quies sicut dicunt philosophi & Arist. & hoc quantum ad experimentum, quantum autē ad rationes probatur quoq; quòd sanitas ita est alteratio sicut ægritudo, nam nisi hoc esset sequeretur quòd sanitas & ægritudo non essent contraria duo sub eodem genere, quod tamen falsum est & contra medicam artem, præterea est ita ratio de sanitate sicut de ægritudine quòd sit alteratio quoniā hoc probatur ex suis terminis, nam sicut in ægritudine est semper fluxus de uno termino ad alium terminum neq; quiescit in uno illorum sic quoq; est fluxus in sanitatem de uno termino in alium terminum. neq; permanet parum in uno termino. Vnde Gal. quoque dicebat quòd nō eadem sanitas mane & sero sed semper alteratur. Quare dicamus quòd quo ad sensibilitatē sanitas est quies et hoc modo optime dixit Arist. cum philosophis, sed si insensibiliter cōsideraretur est alteratio quoniam semper mouetur nūquam est in eodem termino sicut declaratum est. ergo tam sanitas quàm ægritudo sunt alterationes, uidete ergo quòd Arist. neque dedit propter quid neque quia in hoc secundum quòd diximus nos cum medicis, sed ipse non erat

erat medicus: Quare contagium fieri dicimus, cum forma putredinalis quæ primo est in uno corpore inducitur in aliud corpus quod contangit, ideo nisi forma ista putredinalis sit in illo corpore, quomodo poterit alteri communicare ipsam? sunt ergo illæ ægri- tudines contagiosæ, in quibus est illa forma, illæ uero non sunt in quibus non reperitur, sicut declaratum est, ex his sequitur quod contagium siue fiat mediante aliquo corpore, siue nullo mediâte sed immediate nihil refert quoniam semper est contagium, nam si fiat per medium aliquod oportet illud medium prius alterari, postea illud inducat illam formam in aliud corpus, quod contangit, medium autem illud potest aut realiter aut formaliter alterari, realiter quidem sicut in scabie & huiusmodi dispositionibus, nam uapores, & spiritus illi scabiosi retinentur in uestibus & cum alius contangat illas inficitur scabie. maxime autem hoc manifestum est in phthisicis quoniam uidemus uapores illorum eleuari & inficere uestes ita quod istis pertinaciter inhaerent, nam cum sint raræ facile imprimuntur in illis, & cum ita realiter sint alteratæ, si illis quis alius uestiatur in eum imprimuntur huiusmodi uapores & alterant ipsum sicquod fit putredo & consequenter phthisis in ipsis. sed hic statim quæret aliquis ex uobis cur est, quod sunt quædam ægri- tudines quæ dant contagium per quoddam medium, & ex his non solum per medium alteratum realiter, sed etiam solum formaliter, quædam autem sine medio, ita quod non communicantur alicui, nisi corpo-

ra ambo se contangant, quædam autem quæ uix quodque communicantur per contactum immediatum. Ad hoc ergo dico, quod ad hoc quod ægritudines cōmunicentur per medium aliquod uel longinquum, maxime facit, quod illæ sint in superficie corporis, & maxime in ipsa cuti, quæ tota est transpirabilis ut patet sensui, nam tunc magis communicantur per medium, etiam longinquum, unde uidemus quod si dormiat is cū aliquo scabioso, etiam si non contangatis ipsum capietis scabiem, quoniam faciliter inficiuntur ipsa media, cum scabies sit in superficie & cuti corporis, si etiā quis abluat manus in panno, quo ablutus est scabiosus quoniam in illo impressi sunt uapores illi putridi scabiosi, faciliter communicatur ei scabies. lepra autem alterat realiter, non solum ipsum medium propinquum, ut uestes, sed etiam aerem longinquum, ita quod potest recipi in aliquo corpore, cum infectum sit ab aere qui est infectus, per uapores in ipso congregatos exhalantes ex corpore alio. In phthysicis etiam uidemus quod phthysis communicatur de uno corpore in aliud per aerem medium inspiratum, nam si materia parumper parata sit in quodam corpore, & illud contangat aerem, ita quod illum inspiret cum infectus sit per uapores exhalantes à corpore phthysico, tunc corpus illud phthysicum redditur, quoniam inficitur per aerem infectum ab alio corpore phthysico: immo etiam uidemus hoc experimēto fuisse comprobatum. uidemus, quod medici cum nolunt sentire num quis sit phthysicus nec ne, imponunt igni sputamina illius ut comburantur

comburantur, & fumus ascendat ad eorū nares sicq;
odorant, periculum est enim ne cum ingrediantur na-
res illi fumi atque uapores, si materia sit præparata
fiant phthisici sicut Gal. probat hoc experientia, nā
declarat de quodam medico, qui cum uellet odorare
eo modo uapores illorum sputaminum, ita infectus est
cum esset quodam modo præparatus, ut factus fuerit
phthisicus. Amplius etiam contagium fit, per mediū
cum soli spiritus multiplicantur in medio, puta aere
sicut patet in ophthalmia, nam cum in ipsa sit forma
putredinalis spiritus ipsi putridi exeunt de illis ocu-
lis & multiplicantur in medio aere eumq; alterant,
& cum ad oculos alterius, qui respicit ipsos peruene-
rit huiusmodi alteratio, in ea quoque fit putredinalis
illa forma & sequitur ophthalmia, ualde enim passibi-
lis est, inter membra ipse oculus, nam illa quidem for-
ma potest induci in alias partes corporis puta in na-
sum, & tales partes, sed quia in illis materia non est
apta ita ad recipiendum illam alterationem consequē-
terq; putredinem, sicut oculus ideo sequitur quoq; ex
hoc quod oculus solus inficitur illa ophthalmia. modo
sunt aliæ ægritudines, quæ non communicantur nisi
per immediatum contactum, ita quod si fieri debet cō-
tagium requiritur, ut duo illa corpora se inuicem con-
tangant, nam in morbo gallico nos uidemus quod non
cōmunicatur de uno corpore alteri nisi per immedia-
tum contactum, nō autem per medium aliquod. Nam
morbus gallicus sicut alias declarauimus (cum de ip-
so ex professo loqueremur) fundatus est in hepate,

ideo non potest recipi nisi contangant se corpora nisi modo ita sit in cuti, ut scabies, quoniam posset per medium fortassis capi puta per uestes, & huiusmodi media, eadem enim esset ratio ipsius sicut est ratio de ipsa scabie, sed cum non est ita in cuti, dico quod non communicatur uni corpori de altero, nisi per contactum amborum inuicem puta per fricationem ipsorum membrorum insimul, ut in coitu, facilius enim esset communicantia quam solo contactu, absque confricatione, nam per illam confricationem spiritus putridi, & uapores communicantur alteri corpori, sicutque ascendunt ad ipsum hepar per uenas & ita inficiunt eius complexionem, & hoc modo communicatur morbus gallicus per contagium, neque enim fortasse per solum contactum capietur, nisi fiat confricatio ipsorum membrorum insimul sicut dictum est. Quare manifestum esse puto omnibus uobis, etiam de nouo medicinam profitentibus, ex his quae sunt dicta hactenus quomodo aegritudines quaedam fiunt per medium propinquum, quaedam etiam per longinquum, quaedam autem non per medium, sed solum per contactum immediatum duorum corporum, sed semper in his quae fiunt per medium alterari oportet medium aliquo modo uel realiter, sicut diximus in scabie siue modo illud medium sit aer, siue uestes, siue panni, siue quid aliud huiusmodi, uel formaliter, quod quidem reperi non dabitur in alijs consensibus praeter quam in contagio. Cum ergo iam dixerimus satis de contagio quod fit quidem per medium alteratum realiter, cras modo uidebimus

uidebimus, quomodo fiat per medium solum formaliter alteratum. i. per solam speciem quæ congregatur puta in medio aere, cum non sit res corporea sed spiritus et incorporea.

LECTIO XXXV.

IN præterita lectione uidimus de definitione ipsius contagij declarauimusq; præcipue, quomodo in contagio semper necessaria sit destructio substantiæ, idq; clarissime ostendimus exemplis, et diximus quæcunque dicenda erant, in illa definitione quoque contagium aliquando fit cum medio, aliquando sine medio, cum autem est cum medio dicebamus, quod contingere dupliciter potest, aut cum medio realiter alterato de quo satis diximus, dedimus quoq; exempla, aut cum medio solum formaliter. i. per speciem incorpoream alterato, credo ego me fecisse officium meum circa illa non discedendo à principijs peripateticis unquam immo semper illis adherendo, etsi ipse Aristoteles diminutus sit ualde in illa sep. problem. particula ubi tractat de hoc contagio, tamen nunquam ut dixi ab illius principijs discessimus, sed omnia si recte aduertitis sunt descendencia ex illis ut et sine labore hoc cognosci possit; supererat modo tractare de affectu qui communicatur de subiecto in subiectum, per quoddam medium non corporaliter alteratum, sed in quo solum diffundatur quædam species incorporea quæ ipsum alteret, deinde medium illud inficiat corpus tertium quod contangit, sicut dicitur de magnete lapide

qui trahit ferrum, nam hoc non prouenit propter aliquem uaporem transeuntem per medium aerem à magnetem ad ferrum, sed solum per speciem diffusam in medio, & si Auer. in hoc ualde damnandus est, quoniam de hoc loquens in 7. phys. com. 10. dicebat ferrum quidem trahi ad magnetem non quòd ferrum trahatur ad ipsum, quoniam illa moueat ferrum, sed quia ferrum mouetur ad illam tanquã ad desideratã, nam quoniam desiderat ad ipsam ire, ut perficiatur ideo mouetur ad illam, sed tamẽ quòd magnes habeat quãdam qualitatem ad hanc tractionem ferri fauentem non negat Auer. sed non exprimit illam, immo non solum dicit de ferro ad magnetem, sed etiam de cibo qui attrahitur ad membra ipsa, ut ab illis perficiatur. sed ista oppositio, quàm absurda ac uana sit manifestum est per se quoniam nihil penitus docet, immo ne scit quid doceat quoniam rem ipsam non intelligit, & autem hoc sit uerum patet, quia ipse sibi non constat nam oppositum huius dixit postea in 8. phys. comm. 35. quomodo ergo uerum dicit, si in tam pauco spatio sibi met contradicit à 10. tex. 7. phys. ad 35. 8. quia uidebat ipse quoque quòd uero non consonabat dictum suum. nam illo 8. phys. com. allegato, inquit de motu ferri ad magnetem, quòd fiat propterea quia complexio ipsius magnetis talis est, ut immutet aerem in illoq; imprimat illam cõplexionem, qui postea immutatus disponit illa ferrum, quod cum dispositum est tali complexione mouetur ad ipsam, ecce oppositum illius quod dixerat 7. phys. si enim per complexione ipsam

ipsam magnetis Auer. intelligeret formam ipsius ipse sibi in se contradiceret etiam, sicut uidetis quoniam substantia est ipsa forma complexio, autem qualitas secundum ipsum non intelligit ergo formam magnetis sed per complexionem intelligit qualitates ipsas magnetis, per quas aer disponitur, qui postea disponit ferrum. cuius quoque signum manifestum est illud quod subiunxit quoque dictum de ipso electro, quod uocatur ambram. electrum enim inquit quod adtrahit paleam confricatum, quoniam habet illam qualitatem qua disponit aerem medium, qui postea afficit ipsam paleam tali qualitate, et eo modo mouetur ad ipsum, sed quam debilissime, cum autem confricatur aliqua re tunc, incalcescit et calor ille alterat aerem magis sicque etiam magis alteratur ipsa palea, et facilius trahitur, alioquin etiam si palea paruula sit, non adtrahit nisi existente isto ductore medio uidelicet fricatione, quoniam ergo non adtrahit illam paleam, etiam si paruula sit, nisi confricata fuerit, quoniam excitatur calor per quem alteratur ipsa palea, ideo signum est quod forma ipsius electri non est illa quae mouet, et alterat medium consequenter ipsam paleam, quoniam nisi adiuuetur illo ductore .s. fricatione non adtrahit ipsam paleam. Quare exemplum paleae est non de ipsa forma electri, sed de qualitate .s. caliditate, ergo etiam eodem modo intelligendum est de magnete, quoniam alterat aerem suis qualitatibus. Quare uidete quam absurda sit opinio ista, quoniam dicimus nos cum ueritate, quod magnes trahit ferrum, quoniam alte-

rat medium ipsum aerem per species ipsius multiplicatas in eo, non autem quod corporaliter alteretur, sed quæ sunt istæ species intentionales quæ in hoc medio multiplicantur. Dico quod est formæ uirtus ipsius magnetis præcisa, quæ decisa ex illa diffunditur per aerem et sic peruenit per aerem ad ipsum ferrum quod postea mouetur ad magnetem. nam sicut lux quæ est uirtus ipsius formæ solis multiplicata in medio cum attingat corpora alia per illud medium reddit ea lucida, sic quoniam dicendum est de ipsa specie quæ multiplicatur in medio, eadem enim de ambobus ratio est, differunt tantum in hoc quod species est spiritualior ipsa luce, nam species illa est solum intellectui subiecta non autem sensui alicui, lux uero subiecta est ipsi sensui uisus, ea autem de causa quoniam. scilicet lux multiplicata in medio reddit lucida corpora cum sit uirtus formæ solis ab ea decisa Arist. assimilauit solem ipsi intellectui sed de hoc aliàs. Diceret modo aliquis hic quoniam dixi species illas multiplicari in medio. scilicet aere sicut lux, uideatur enim nimium informe et impossibile hoc, sunt. nam aliqui qui negant hanc positionem, sed neque Arist. neque Platonici negarent illam, bene negant illam sicut Epicurus ille et Democritus qui quidem introduxerunt illa sua seminaria hoc est corpuscula infinita et atoma quos quoque secutus est ille noster Veronensis quem consutauimus quoque in alijs rebus superius. Nos autem probabimus tum cum peripateticis, tum cum Platonics species has diffundi multiplicarique in medio sed non à priori quoniam non scimus nos cau-

*fas immediatas illarū spetierū in corporibus genera-
bilibus & corruptilibus in quibus est solum demon-
stratio à posteriori, ideo à posteriori quoque demon-
strabimus, quòd diffunduntur huiusmodi speties in me-
dio aere, & primo quidem ostendemus in duobus sen-
sibus dari huiusmodi speties. s. uisu & auditu quoniā
tam uisibiles quàm audibiles speties diffunduntur in
medio primoq; in uisu. Nam quis est ille qui negabit
speties uisibiles multiplicari in medio? sicut speties co-
loris albi & coloris nigri cum uiso fit. i. cum illæ mo-
uent uisum nam ambæ simul possunt mouere sensum
ita quòd in illo simul sunt. nam contrarietas in sensi-
bus potest simul esse. i. duo contraria possunt esse in
his corporalibus materialibus. Quapropter intelle-
ctus quoq; intelligit simul contraria. nam & si in ma-
terialibus sint contrariæ speties, illæ tamen in immate-
rialibus sicut in intellectu non sunt contrariæ, cuius si-
gnum est etiam, quoniam si offeruntur speties contra-
riæ sensibus materialibus confuse sentiuntur ab illis si-
cut à tactu & gustu. sed in ipso uisu & auditu quan-
to ipsæ speties sunt contrariæ non sentiuntur confu-
sæ, immo potius fit quidam concentus sicut & in audi-
tu accidit, nam quanto uox grauior, & acutior iun-
guntur tanto magis faciunt harmoniam apud ipsum
auditum, quod non prouenit ab alia causa, quàm quo-
niam speties ipse in medio multiplicatur, & si refran-
guntur, & fit consonantia. Amplius nos uidemus et
quòd sol quandoq; transit per herbas ipsas. i. radij so-
lares, & cum offendat post aliquem murum planum
post*

post illas herbas, tunc in illo muro multiplicatur color uiridis illarum herbarum. & etiam hoc uidemus in speculo clarius in quo remanet species illæ, tñ nihil aufertur ab illis herbis sed solum uirtus suarum formarum puta coloris multiplicatur, cuius quoq; signū est illud quòd & si in muro ipso appareat ille color uiridis, tamen non est coloratus, ergo uidetur manifestum esse quomodo species istæ multiplicentur. istæ enim sunt rationes demonstrantes à posteriori quòd species istæ multiplicentur, & secundum authoritatem Arist. & Platonis datur multiplicatio huiusmodi specierum, ergo credendum est dari. Neq; hoc mirandum est, magna enim uis est formarum ipsorum mistorum. unde uidemus quòd piscis ille Remora si casu occurrat naui retinet ipsam firmam ut inde moueri nō possit etiam si maximi uēti impellant eam, cum sit paruissimæ staturæ, hoc autem prouenit propter uim suæ formæ quæ potest hoc, ut retineat nauim. hoc enim uerissimum profertur à nautis. Amplius est alius piscis qui Torpedo nominatur, à græcis autem τορπηνη, est enim huiusmodi habēs formam ut cum piscatores tendant retia pro capiendo ipso uel alijs piscibus facit brachium ipsorum piscatorum torpere cum tamen re te nihil patiatur sed quousq; funiculus retium non fuerit incisus illuc usque torpebit eorum brachium. Nos quidem miramur huiusmodi uim formarum cum imperitissimi in philosophia & propter inconsuetudinem sensus mirantur, sed si consideraremus res quæ quotidie uidemus sub oculisq; habemus magis mirare

mur quoniam sunt maiores uires cæterarum formarum quàm istorum piscium, sed quoniam sumus consueti in ipsis non miramur, non enim miramur naturam ipsam ordinatam, non miramur ipsam formã quæ in materiam inducitur siue de ipsa educitur tanto artificio, illamq; esse principium omnis actionis. quid. n. magis est mirandum subiectum fieri ex substantia eodem modo. s. compositum ex materia, & forma, uidemusq; subiectum transmutari. Amplius non miramur ipsarum uirtutem formatiuam existentem in semine quæ facit, & fabricat tanta arte ipsa membra connexa maxime ex tam turpi materia. s. sanguine menstruo, magis enim mirandum est hoc quàm de formarum uiribus. sed hoc prouenit ut dixi propter consuetudinẽ & inconsuetudinem. quid magis mirandum cum uidemus ex sanguine fieri semen, ex semine ipsum animal, ex pane ipsum sanguinem, non debet ideo esse nobis mirum de ipsa uirtute formarum quomodo diffundatur per medium, nam incorporea statim se diffundunt per magnum etiam spatium unde uidemus solem illuminare totum hoc hæmispherium statim, sic quoque non est mirum de forma piscis illius intrinseca quomodo ipsius uirtus diffundatur per medium, nam istarum uirtutes statim se diffundunt, sed citius etiam se diffundunt formæ illæ diuinæ quæ sunt nobiliores maxime forma prima, quæ est Deus gloriosus, per omnia enim diffunditur Deus in instanti. Unde dicebat ille. Plena Iouis omnia constant. secundum ergo magis & minus diffunduntur quoque citius
istæ

istæ formæ . quanto enim nobiliores sunt tanto se diffundunt citius. inde scdm quandam tractationem uniuersalem possumus quidem cognoscere, quomodo istæ species diffunduntur, sed non secūdam particularem, quoniam non possumus attingere gradus certos illarum, sicut neque illos possumus cognoscere in his corporalibus, sed cognoscimus illud quod patitur nostri intellectus imbecillitas . Nam melius est, quod pauca sciamus de talibus quæ honorabiliora & difficiliora sunt, quàm si sciremus multa de uilibus & facilioribus, sicut dicebat Arist. ille diuinus, qui comparat intellectum humanum ipsi uisui, sicut enim se habet uisus noster ad ipsum lumen Solis, sic se habet intellectus noster ad intelligenda diuina . Ideo mihi est obscure quidem habere paucam doctrinam de diuinis quàm de corporalibus magnam & claram . Querere ergo cur uirtus formæ huius magis agit in hunc quàm in illum est uanum, quia illi non possunt in hoc respondere, non enim habemus harum rerum ultimas differentias, satis est quod dedimus, quod possumus de his cognoscere. Gale. quidem reduxit ad conuenientiam ipsarum formarum, & dixit hoc esse quoddam diuinū . Sed cum Auer. uidisset hoc impugnavit ipsum Gal. & reduxit hoc non ad conuenientiam formarum, sed ad identitatem potius, quoniam si esset propter conuenientiam solum, tunc alia quoque præter magnetem traherent ferrum, quæ sunt illi similia in forma, sed quoniam iste homo sæpius gratia contradicendi ipse Gal. errat, ideo sciatis, quod hic reprehendit ipsum,

Et quidem temere, immo cum ipsum reprehendat, obliuiscitur suūpsus, Et suorum principiorum iactorum. Nam ego bene scio Et pro certo habeo, quod ipse quoque Auer. cognouit aliud esse conuenientiam formæ, aliud identitatem, Et hoc prouenire propter conuenientiam formæ, non propter identitatem, nam lupi amant lupos, quia assimilantur Et conueniunt in forma, per quam sunt lupi, nam semper in ista forma conueniunt huiusmodi animalia quæ amant se, sed non semper est identitas ipsius. nam quod identitas hoc non faciat, manifestum est, quia efficeretur solum, ut idem seipsum amaret Et appeteret. similitudo etiam huius est, quoniam similitudo est causa faciendi multas operationes, nam multa indiuidua non sunt eadem, etsi in eadem specie sint bene sunt similia, quia conueniunt omnia in huiusmodi forma specifica, unde uideamus, quod multi sunt gradus inter indiuidua unius speciei. nam unus est doctus, alius doctior, alius indoctior, Et sic de singulis, unde dicebat quoque ipsemet Auer. quod homo doctus est homo indoctus absq; hoc quod sint idem, non sunt similes, immo differunt, neque sunt homines ambo uniuoce, sed æquiuoce, sicut homo lapideus, Et homo uiuus, credo quod hoc dicat si bene memini in primo phys. in proœmio. Fit ergo huiusmodi appetentia inter quædam animalia etiam differentia specie propter occultam similitudinem formarum, unde maior pars uirorum doctorum dixit hoc esse à proprietate occulta, quod una res magis aliam amet quàm aliam, Et uni noceat, alteri non, neque

neque enim altius de hoc quærere debemus. dicebat quoque Gale. quoniam non possumus alia scire. Sed his stantibus statim insurgeret aliquis uestrum, & diceret mihi contra, quoniam tu dicis, quoniam species diffunduntur per medium intentionaliter ex ipsisq; fieri aliquam actionem. nam nos uidemus quòd faciunt huiusmodi species mutationes corporales, quomodo ergo possibile est, ut solum intentionaliter diffundantur? facerent enim hanc mutationem, aut per alterationem, aut per actionem ipsius substantiæ. si per alterationem, hoc esse per accidētia quæ realiter sunt in materia, sicut qualitates sensibiles. si per actionem substantiæ, tunc esse per formam quæ nō potest esse, nisi cum est in materia; modo ista species non est in materia, ergo non potest fieri ista mutatio corporalis à specie solum intentionaliter. Ad hoc ergo respondeo & dico, quòd principaliter, & primo species sunt illæ quæ faciunt huiusmodi mutationes, etiam si sicut corporales, sed non solæ, sed aliquo mediante tanquam proprio instrumento. medium autem istud est ipse spiritus, qui est medius inter corpus et incorporeum omnino, ita quòd neque omnino corporeus est, neq; omnino incorporeus, sed est mediæ cuiusdam naturæ. Nam cum etiam corpus patitur calorem propter uirtutem syderum, uel solis, ille calor per spiritum ipsum imprimatur in illud corpus, secundum Aristot. quoque in. 2. lib. de generatione anim. Calor autem et spiritus sunt idem subiecto, differunt sola ratione, sicut docuimus alias, dum loqueremur de spiritibus. secundum

cundum nobilitatem ergo ipsius formæ, & ipsius spiritus sunt impressiones uariæ. cum enim incorporeum non possit agere in ipsum corporeum, opus fuit quædam media natura inter utrumque, scilicet hoc spiritum qui medius est inter diuinam formam, atque naturam, & puram corporeitatem, ideo etiam natura prouisit de ipso, ut cum anima non possit iungi corpori, cum sit incorporea, quod iungeretur hac media natura, propterea dicitur quod anima magnam habet affinitatem cum spiritu. Immo dicebat ille quod spiritus aut est anima, aut proximum instrumentum ipsius. Spiritus autem affinis est duobus, tum scilicet incorporeo, tum corporeo. per hoc ergo mediū contingit, quod corpus realiter, corporaliterq; alteretur ab agente tamen principali, id est specie intentionali multiplicata, & per hunc spiritum quoque anima alterat corpus. Spiritus autem quædam diuina res est, immo angeli nihil aliud sunt, quam spiritus iste, per ipsumq; patitur & afficitur corpus aliquod à specie incorporea in media multiplicata, & secundum quod diffusa est ipsa species. spiritus quoq; per totum illud medium dilatatus est, propterea bene dicebant illi magni philosophi, qui putarunt totam diuinitatem esse in aere propter huiusmodi spiritum circumuagantem, nam iste spiritus alterat corpora ista secundum qualitatem qua qualificatur à speciebus. non est ergo mirandum, cur species intentionaliter multiplicatæ possint realiter alterare corpora nostra, nam uirtus formarum diffunditur per aera, sicq; qualificat

qualificat spiritum ipsum qui dum contingit ipsa corpora, corporaliter quoque immutat, cum sit fere corporeus. sunt postea aliqua quæ agunt, cum tamen non requirant medium ipsum spiritum, sed tantum mediā ipsam facultatem animalem. Nam uidemus quod si quis cum duobus socijs sit, illi autem duo oscitent ille tertius uidens illos oscitantes, ipse quoque uidetur oscitare, immo statim incipit oscitare, sic quoque si hic sint duo, unus gustat quid acerbum & acidum, alius uidens illum gustantem tale acerbum uidetur quod ipse quoque gustet acerbum illud, & sic dentes acerbizant, & congelantur, multiplicatur ne hic forma in medio, illa uero species alterat ne medios spiritus, qui postea alterent corpora illa realiter? Dico quod alius est modus iste à modo dicto, nam primo dum quis uidet alium oscitantem, sensus mouet imaginationem, imaginatio imaginatur illum sic oscitantem, & cum imaginetur hoc subit motum ipsis instrumentis quæ tendunt ad ipsum os & sic oscitat ille homo, eodem modo possumus reddere causam illius, quod diximus cum quis uidet alium gustantem quid acerbum statim recordatur, quod omne acerbum congelat dentes, illoque exacerbat, ideo incipit imaginari, quod acerbum congelat dentes, & ideo imaginatio iubet motum quendam ita quod uidetur illi homini, sibi perfundi linguam & dentes huiusmodi re acerba. multa enim potest facere quæ appareant tanquam uera ipsa imaginatio ultra hoc quod diximus, aliquando enim erit, aliquis qui imaginabitur sanari, cum æger sit, & sanabitur

nabitur & quod plus est, sunt aliqui stulti, qui cū hic
sint, dicent duo uel tria uerba, & trahent hic mul-
tos serpentes, quoniam imaginationē fixam habent,
quod ueniant isti serpentes, & credunt pro certo. q̄
autem non ueniunt in uirtute illorum uerborum pa-
tet, quia si quis uestrum postea dicat illa eadem uer-
ba, quoniam forte non creditis illos uenturos, neque
imaginamini, quod ueniant non uenient, & si fixi ima-
ginemini quod ueniant illi serpentes, dicatisq; non illa
præcise uerba, sed alia quæ etiam ad propositum non
sint, uidebitis huc concurrere illos serpentes, quod
non fieret nisi esset imaginatio fixa, non enim uis uer-
borum hoc facit, quoniam illa mutare potestis, &
ego credite mihi, uidi quendam hominem, qui fecerat
circulum in terra, signando ipsum statimq; dixit quæ-
dam uerba sed fixæ imaginationis erat, & conuoca-
uit plusquam centum serpentes. Et ego uidi hoc meis
oculis, immo quod multa complura possit etiam ima-
ginatio, uideatis Auic. in quarta particula animalium
suorum, ubi uult ex proposito, quod imaginatio non
solum possit in materia propria, sed etiam in aliena.
Vnde dicit, quod si quis dum coit imaginatur puerum
coloris rubei, ille puer erit coloris rubei, dum in lucē
exierit postea, & dixit quod pueri teneri imagina-
tione sola ab istis, quas nos fascinatrices, siue incan-
tatrices appellamus molestantur. Nam illæ imaginā-
tur se molestare illos, eo modo, & sic molestantur,
quoniam si aspiciant illos, illi spiritus ingrediuntur in
ipsos, ita quod afficiuntur. Immo Auic. putat, tan-

tum posse imaginationem, ut si quis fixam habens imaginationem, quod montes locum cedant, dicatq; eis montes cedite, quod cedent, mutate locum, & mutabunt, & alijs rebus inanimatis, & nisi quis credat, hoc posse fieri, adiungit propterea ista pauca uerba, in loco citato, quod illi qui negant huiusmodi dicta sunt inexperti in naturalibus, & philosophia quasi quod per huiusmodi uerba uelit firmare dicta sua experientia. s. quod illi qui negant talia dicta nesciunt quid dicant quoniam ipse hoc expertus est. ideo non sunt contemnenda neq; neganda quoniam super id experientia testatur. Et ipse B. Thomas uidetur uenire in hanc sententiam ut dicat multa huiusmodi posse imaginationem quod neq; Albertus qui dicitur Magnus negabit neq; nostri philosophi moderni, immo illud asseuerant uerum esse. Nam ille Petrus Pomponatius Matuanus qui me docebat, tantum ascripsit ipse si imaginationi ut retulerit quoq; multa miracula per imaginationem posse fieri, & ita posse in materiam alienam ut si quis dicat cadaueri, mortuo. s. homini surge, surget, & ideo neq; nobis miranda sunt talia, quoniam si ignoraremus illa essemus inexperti philosophie naturalis sicut dixit Auic. uidete modo uos Arist. & suos comment. in. 7. illa particula Probl. & uidebitis quantum defecerint in hac re. Quapropter poteritis quoq; ex dictis soluere unum pulchrum problema quod solet in ore Doctorum esse. Cur. s. mortuo homine & occiso ab aliquo si interfecto accedat & stiterit sanguis iterum tamen presente interfectore

re sanguis fluit de illo cadauere. Nam male conciliator in com. illius particulæ referebat hoc ad ipsos spiritus, quoniam . s. spiritus ipsius interfectoris iterum ingrederentur cadauer, & commouerent sanguinem, immo hoc est propter illius imaginationem de uulnere illato, & emissionem sanguinis quod solet uideri in Germanicis regionibus, in quibus (sicut mihi narrabat quidam scholaris Germanus fidelis, & doctus) mos est non sepelire interfectum per aliquod tempus ut si interfector accedit cognoscatur quis sit ille quoniam cum accedit sanguis exit propter illam imaginationem.

LECTIO XXXVI.

POSTQVAM uidimus de ipso contagio quid sit, quomodo fiat & quotupliciter, uniuersaliusq; de ipso consensu secundum omnem modum, & iam audiistis in superioribus illam summam diuisionem ipsius consensus quando dicebamus omnem consensum, aut fieri propter quandam unitatem compositionis quoniam ista potest multipliciter, aut propter convenientiam alicuius formæ. cum ergo sit ita diuisus consensus medici tractant solum de consensu membrorum propter unitatem compositionis, sed quoniam unitas ista (ut dixi) multiplex est ideo diuidebamus adhuc hoc membrum primum summæ diuisionis & dicebamus quod cum mēbra consentiunt alijs mēbris propterea quia sunt inter se unita compositione, aut unū membrum quod principaliter affectum est tanquam

præparatum ad alia quæ per consensum illius afficiuntur, illa uero tanquam præparata, & dabamus exemplum sicut si ad effectum ipsius hepatis paterentur aliqua alia membra quæ respectu illius sunt principitata, aut potest esse ista unitas compositionis propter aliquam convenientiam ipsarum uiarum. Nam si sint duo membra quorum unum præparatum afficiatur sit tamen cõueniens in uijs cum altero membro ita quod illæ uix sint ambobus communes si patiatur quoque istud dicetur per cõsensum pati istæ sunt principales diuisiones, & sunt alia quæ supra connumerauimus. non enim sunt hic omnia repetenda. sed est hic unum declarandum quod ponebat quoq; Auic. & Gal. explicabat. Nos quoq; exposuimus iam si aduertisti, cū consensus sit per convenientiam in uijs, aut hoc est quoniam de uno membro ad aliud per illas uias nō trāsit illud quod debebat transire, aut transit illud quod non debebat transire. omnia ista explicauimus superius, nolo amplius repetere. Nam dicebamus quod illud quod transit, aut non transit est uel materia uel qualitas sola, si materia aut uaporosa, aut corpulenta & crassa. His uisis modo Auic. postea transit ad alia docenda pro quorum intelligentia, primo animaduertere debetis hic unum maxime memoria repetendum. Nam debetis meminisse Auic. in principio diuisisse hanc secundam Fen in tres tractatus, secundum quod sunt tria præter naturam quæ tractanda erāt, de morbis, de causis, de symptomatibus. Cum ergo in principio proposuerit primo agere de ipsis dispositionibus

stitionibus, tum illis quæ sunt secundum naturam, tum quæ præter naturam. s. sanitate, ægritudine, & neutralitate. egit primo de sanitate & neutralitate deq; ægritudine hucusq; , & parum etiam infra. Sed quoniam sanitas & ægritudo in se consideratæ sunt indiuisibiles, non enim sunt plures sanitates, neq; plures ægritudines in se consideratæ, sed una tantum est sanitas unaq; ægritudo, uerum quia medici non considerant hanc sanitatem, & hanc ægritudinem secundum se sed in ipso subiecto, & cum sunt in subiecto, sunt indiuisibiles. non enim hoc modo una est sanitas, neq; una ægritudo, sed multæ sanitates sunt multæq; ægritudines. Semper enim alia & alia est sanitas, unde dicebat Gal. quod mane et sero non est eadem sanitas sed diuersæ. sic ægritudines sunt diuersæ hoc modo cōsideratæ. Ideo quoq; medici tractamus de huiusmodi dispositionib. in subiecto quæ ut sic sunt diuisibiles, diuidunt quoq; ipsas. propterea Auic. cum de ægritudinibus ageret in concreto non ut in abstracto uoluit diuidere ipsas, nam plures sunt gradus ipsarum quæ tamen omnes sunt dispositiones. Sed antequam dicamus de huiusmodi gradibus, primo uidendum quid in hac re Gal. senserit, qui quidem huius rei author fuit & princeps. Exposita opinione Gal. uidebimus postea quid senserit Auic. Cum exposuerimus hanc utranque opinionem cum una tantum sit ueritas, uidebimus quis illorum magis accessit ad ueritatem comparabimusq; utrosq; inuicem, natura enim rei ex se manifestabit quæ opinio uera quæue falsa, ut ferè

nihil laboremus, Nos hunc ostendere uerum dixisse illum uero falsum. Quare quantum attinet primo ad opinionem ipsius Gal. de qua clarius uidebimus Deo fauente in futuro anno dum legemus, & exponemus artem paruam Gal. & tunc uidebitis opinionem ipsius clarissimam. Sed pro nunc dicamus quòd hoc opinatus est Gal. de huiusmodi gradibus. posuit enim non uem gradus dispositionum huiusmodi, quorum graduū unum qui est nonus, perfectissimum putauit, qui esset tanquam regula & exemplar aliorum omnium, alios uero gradus imperfectos existimauit. secundum enim quòd magis ad illum nonū accedunt tanto magis perfecti sunt, quanto ab illo recedunt tanto sunt imperfectiores. Cum ergo poneret unum illorum perfectissimum absolute, non autem secundum quid, sed simpliciter posuitq; unum imperfectissimum absolute simpliciterq; non autem secundum quid. alios autem gradus iudicauit perfectos, & imperfectos secundū quid. perfectos ratione habita ad illum gradum imperfectissimum. Imperfectos ratione habita ad perfectissimū. Cum enim corpus sanum actu sit omnino appellat illud perfectum gradum. Cum uero actu egrum est appellat illum gradum imperfectissimum. Illud corpus salubre, illud insalubre. Isti sunt duo termini & extremi totius latitudinis graduum, ostendemus autem ibi Deo fauente, quomodo omnes interpretes hallucinantur quàm maxime. Sed ista nunc non sunt repetenda. facit ergo hos duos oppositos gradus, & quidem utrinq; ultimos. Cum hos extremos gradus posuerit

fuerit Gal. postea tanquam a regula, & quodam exēplari deducit a perfectissimo alios gradus semper imperfectiores quanto magis recedentes ab huiusmodi gradu usq; quo deueniat ad illum gradum imperfectissimum qui est aliud extremū latitudinis huius. A summo ergo ad ultimum deducit multos intermedios gradus qui sunt septem numero. Quare primo facit hāc diuisionem quoniam corpus salubre simpliciter & absolute non secundum quid dupliciter potest accipi uno modo pro corpore sanissimo quod semper sanum in actu est, neq; habet aliquod minimum uitium in cōplexione & compositione, sed omnia bene se habēt, & hoc non datur. nunquam enim actu repertum est, neq; reperiatur, immo potius est imaginarium, imaginationi q; subiectum. Aliud est corpus sanum ut plurimum non semper. sicut dici solet de Milone quod fuit sanus, ut plurimum non semper, & de Hercule. Amplius est alius gradus corporis sani cum. s. non est corpus sanum semper neq; ut plurimum, sed ut nunc & diminute. Cum autem præterimus hos gradus, Incipimus accedere ad ea corpora quæ omnino quidem non sunt sana, sed tamen non omnino agra et insalubria, & hæc potius appellantur à Gal. neutra, hanc autem neutralitatem tripliciter diuidebat, aut enim est corpus neutrum quoniam non est omnino salubre, neq; omnino insalubre, sed medio modo se habens, secundo modo cum. s. habet duo contraria simul, & quod ægrotet in aliquo, & quod sit salubre in alio, tertio modo cum est unum corpus quod qui-

dem uno tempore est salubre, alio uero insalubre, et sic sunt sex gradus hæctenus tres quidem ipsius sanitatis, tres quoq; neutralitatis, reliqui modo sunt tres gradus ipsius ægritudinis, nam cum corpora sunt insalubria, aut dicuntur esse insalubria, quoniam non sunt quidem actu ægra, sed sunt facile suscipientia ægritudines ita q; ad ægritudines sunt apta, quia sunt distemperata a principio generationis ægrotant quidem, sed tamen non manifesto, & sunt insalubria simpliciter, alia sunt insalubria ut plurimum quæ parum absunt ab illo primo gradu, alia sunt corpora insalubria, ut nunc, quæ quidem nunc actu sunt ægra, non tamen ut plurimum, neq; semper, & isti sunt nouem gradus dispositionum. cum enim sint tres dispositiones, in singulis illarum sunt tres gradus sicut iam audiistis, hæc est profectò opinio ipsius Gal. breuiter recitata, super qua declaranda nostri Doctores qui docebant nos dum essemus iuuenes per annū manebant, & cum eramus nos scholares in fine anni nihil penitus didiceramus. Restat modo ut ueniamus ad expositionem opinionis ipsius Auic. qui quidem non posuit nouem gradus, sed tantum sex, horum autem sex ipse certos ponit, uerum sextum illum ponit quidem, sed quoniam fortasse non assentit illi opinioni Gal. qui posuit neutralitatem, ideo excusat se cum dicat (ut dicunt) isti ergo sunt ipsius Auic. gradus. primus est cum corpora sunt in ultimo sana quoad fieri potest, alio modo sunt sana corpora cum non sunt sana in ultimo sanitatis non sunt sana, tertius gradus est

est cum corpora neq; sunt salubria, neq; insalubria,
 & quoniam ut dixi ipse nō admittit fortasse hanc neu-
 tralitatē, Ideo adiunxit, ut dicunt, quoniam ipse
 non admittit eum: tamen quia omnium modestissimus
 est Auic. in reprehendendo homines doctos ponit ex-
 cusationem. quartus autem est cum corpora sunt in-
 salubria, quoniam sunt apta ad recipiendam ægritu-
 dinem cito, & facili de causa. quinto autem sunt cor-
 pora in actu quidem ægra, sed tamen non sunt in ulti-
 mo ægra, sed paruam habent ægritudinem. Sexto
 sunt corpora omnino; et in ultimo ægra, hiq; sunt
 sex gradus secundum opinionem Auic. in ipsis dispo-
 sitionibus. Cum ergo iam absoluerimus opinionem
 tum Gal. tum ipsius Auic. reliquum est modo ut com-
 paremus utranq; opinionem inuicem, ut ex compara-
 tione recti ad obliquum remaneat manifestum ipsum
 uerum, necesse enim est unam illarum opinionū ma-
 gis ueram esse aliam uero falsam: Incipiamus ergo
 ab opinione ipsius Auic. qui in rei ueritate considera-
 uit magis naturam rei: Nam nouit falsam illam diui-
 sionem Gal. esse quando dicitur quod salubre corpus
 dupliciter potest esse, aut semper, aut ut plurimum,
 quomodo enim potest esse illud corpus in actu sanum
 semper, quod quidem non habeat minimum uitium in
 complexione & compositione, ita quod in summe sa-
 num sit, bene potest esse sanum corpus in actu primo
 modo, & quod una sit solummodo sanitas, hoc mo-
 do absolute patet. Nam cum Gal. ponat unum gra-
 dum perfectissimum, in quo sit sanitas omnimoda, sci-

tum

tum est quòd sanitas consistit in bona complexione, primo secundum quòd habuimus supra. Cum enim bona est temperatura, tunc natura habens bonam materiam facit quoq; ut in illam materiam pulchra, honestaq; forma inducatur quæ quidem est ipsa compositio, & hoc modo sanum est simpliciter corpus cum nò habeat tum æqualitatem temperiei quæ haberi potest tum bonam compositionem, cum autem corpus habuerit inæqualitatem aliquam tunc est secundum quid sanum & non in ultimo. Quare sunt duo gradus ipsius sanitatis, non autem tres sicut posuisti tu o Gal. Est enim primo corpus illud in ultimo sanū quod Græci appellant ὁματότατον, & unum sanum secundum quid, idest quod nunc sanum est, uel ergo gradus istius sanitatis erunt duo tantum, uel erunt octo quidem excedentes, unus autem medius, si enim non sunt duo, sicut Auic. dixit, tunc dicam ego quòd nouem, probatur quoniam erit unus gradus, in quo quidem erit corpus temperatissimum in qualitatibus alteratiuis facientibus complexionem ipsam, & in compositione. Amplius erunt quatuor gradus sanitatis in quibus dominabitur, & excedet una qualitas siue materia aut calidum, aut frigidum, aut humidum, aut siccum, erunt præterea alij quatuor in quorum singulo excedet una qualitas dictarum cum materia uel due, non curo pro nunc, & sic erunt nouem gradus sanitatis totidemq; ægritudinis ex opposito, nam eadem ratio contrariorum est. Quare non erunt solum nouem gradus, sicut dicit Gal. sed erunt 18. Quare dico

dico quòd Auic. magis rei naturam perspexit in hoc cum posuit illos duos gradus sanitatis. Cum enim ponat Gal. tres gradus sanitatis fatetur quoq; ipse unū illorum non reperiri in actu, immo esse imaginarium, sed si est imaginarius, itaq; soli intellectui subiectus est, non autem extra animam in actu. ad quid ergo ponis talem gradum. Nam medici sunt sensitiui artifices, ideo solum considerant ea quæ uident in subiecto sensibiliter nihil imaginarium uolunt, illud enim remittunt ad ipsos mathematicos, sensibilia istis subiiciuntur. Ideo cum medici considerent ea quæ in actu reperiuntur & sentiuntur merito Auic. hoc aduertens posuit solum duos gradus sanitatis, quoniam illi soli in rebus reperiuntur. Cum autem ponat Gal. tres gradus sanitatis adiunxit quoq; tres gradus ægritudinis, quæ quidem ægritudo est dispositio contraria ipsi naturæ, idest facultati quæ quidem forma est ipsius membri & corporis animati. Cum ergo hic habeamus ipsam naturam, idest facultatem, tum ipsum morbum, aut ergo natura dominatur, aut morbus qui quidem est illi contrarius, si ergo natura dominatur tunc est unus gradus sanitatis, si morbus est unus gradus ipsius ægritudinis, neq; dari aut inueniri potest gradus medius qui quidem sit inter hunc & illum gradum. omnino enim unum istorum uincit & dominatur, sed quicumq; dominetur semper erit unus illorum graduū ergo non datur gradus medius neutralitatis. Aut ergo ægritudo est in ultimo in corpore hominis, aut non in ultimo, idest aut tendit ad mortem, aut ad sanitatē,

Et sic erunt solummodo duo gradus ipsius ægritudinis, non autem tres secundum quod Gal. posuit, sed cum sint hi duo gradus hoc modo ipsius ægritudinis addit postea unum aliud Auic. quod penè est intelligibile, nam ponit quendam medium gradum inter hos gradus, Et ideo sunt tres, nam dicit unum esse illum gradum ægritudinis, cum. s. unū corpus est quod quidem sanum est in actu sed est ita imbecille puta uentriculi, ut sit quid nocui, Et minima causa accedat ægrotet, quoniam enim facillime aptum est ad recipiendam ægritudinem, ideo ægrum dicitur Et ista corpora dicuntur media ægrotatiua, modo autem neutra secundi modi secundum quod Gal. dicebat. Ideo dico quod fecisset melius Gal. Si cum ipso Auic. dixisset solum duos gradus esse sanitatis duosq; ægritudinis, Et addere tertium quoq; ægrotatiuum medium, quàm ponere illum gradum neutralitatis, quoniam corpus neutrum non datur eo modo quo inquit Gal. neq; enim eo modo est corpus neutrum. Quare cum non sit huiusmodi corpus neutrum, neq; esse debet nostræ contemplationis, quoniam quod non est non debet considerari. hæc sint satis quo ad hoc. nolo enim amplius protrahere meum sermonem quoniam patet Et clarum est omnibus, quanto melius senserit Auic. quàm Gal. de hoc autem latius aliàs dicemus, satis est monstrasse illud quod ad nostrum propositum attinebat. Cum ergo sint hoc modo dispositi isti gradus dispositionum secundum Auic. Et hæc sint clara, nunc Auic. deducit quædam consequentia uolens tractare de proprietatibus

tibus ipsarum ægritudinum, ut earum tractatum compleat, & diuidit adhuc ipsos morbos, dicit enim quòd ægritudines sunt adhuc in duplici differentia quo ad earum curationem, aut enim sunt sanatiuæ, aut non sanatiuæ, postea declarat quid intelligat per sanatiuas ægritudines; quidue per non sanatiuas, & inquit. (Et sanatiua quidem ægritudo est quæ non habet quòd prohibeat quin medicetur ut debet, non sanatiua autem est illa cum qua est aliquid prohibens, & non conceditur medico, ut curetur sicut debet, sicut dolor capitis, si cum eo fuerit rheumatismus.) Dicamus ergo quòd ægritudines non sanatiuæ esse possunt dupliciter, aut enim ratione euentus, ut ratione difficultatis quæ est in hoc quòd talis ægritudo sanetur, dicitur etiã non sanatiua, cum est quidem ægritudo in se debilis, pauciq; momenti tamen uia stricta est ad ipsius curationem. Sanatiua est illa in qua quidem uia ad medicandum ipsam non est stricta, sicut cum quis febricitat febre ardenti simplici sine aliquo symptomate. nam ægritudo quidem magna est, & ardua in se, tamen quia habet uiam non strictam per quam curetur, ideo dicitur sanatiua, si enim utamur recto tramite, non est dubium de salute neq; difficilis est curatio illius, quoniam hic non sunt symptomata quæ impediant ipsam curationem. Est autem non sanatiua cum uia stricta est, ad hoc quod curetur. sicut cum quis laborat febre quadam debili, & hac debilitate ipsius uentriculi, tunc accidunt ei multa sympto-
mata,

mata, nam incidit in defectum animi, in instantiam uigiliarum, tantum enim nō possumus attendere ad remotionem ipsius ægritudinis, sed cogimur attendere illi quod magis urget .i. symptomati ne uirtus cadat, & sic moriatur patiens. Ideo quoniam non habemus uiam latam, per quam possumus curare huiusmodi ægritudinem dicimus, quod illa ægritudo est non sanatiua sicut solet quoq; accidere in colicæ curatione. colica autem est mala cōplexio ipsius coli intestini propter ipsius obstructionem eueniens, ad quam consequitur dolor maximus propter solutionem continui, quæ in ipso fit. nam non possumus attendere ad remotionem ipsius malæ complexionis, & inductionem bonæ quoniam periculum est de morte ne uires sternantur, sicq; moriatur æger. Ideo cum claudatur à symptoma ipsa uia curandæ malæ complexionis adsequi trahat ipsam curationem, dicitur ægritudo non sanatiua, cum enim symptoma urget trahit ad se curationem, non ergo intelligit primum modum Auic. hic cū dicit quod ægritudines aliquæ sunt non sanatiuæ, quoniam .s. sunt in se arduæ, quoniam iam dixit gradus illius ægritudinis supra, sed intelligit illas ægritudines difficiles curatione.

LECTIO XXXVII.

VIDIMVS in superiori lectione, cum ipso Auic. quomodo ægritudinum, quædam sunt sanatiuæ, quædam uero sunt non sanatiuæ, quidque intelligeremus per sanatiuas quid per non sanatiuas, dixi-

mus satisq; declarauimus. Cum ergo hoc fecerit Aui. consequenter modo inquit. (Et est tibi sciendū, quòd ægritudo proportionalis complexione ætatis temporis est minoris timoris ea, quæ eis non proportionatur. non enim accidit hæc nisi propter causæ eius magnitudinem,) uult dicere quòd ægritudines illæ quæ proportionantur, simulanturq; tum tempori in quo accidunt, tum ætati corporis cui accidunt, tum eius etiam temperaturæ sunt meliores sanatu, atq; curatu quàm illæ quæ dissimulantur his dictis. exēpli gratia, ut hoc intelligatis. sit unus iuuenis in æstate temperaturæ calidæ & siccæ, qui inuadatur à causo. i. febre ardente, tūc inquit Aui. melior est ista febris faciliorq; quàm sit febris hæc eadem causus nominata, quæ qui dem inuadat hominem temperaturæ frigidæ humidæ in tempore hyemis, & quanto ista plura sunt diuersa ab illa ægritudine, tanto ægritudo peior est, quanto uero pauciora, tanto leuior, quoniam si causus accidat iuueni, temperaturæ tamen frigidæ humidæ in æstate, tūc leuior erit adhuc quàm illa hominis illius, adhuc leuior est illa prima quàm secunda, sed si est iuuenis, qui inuadatur hac febre, temperaturæ frigidæ humidæ in hyemeq; tūc dico quòd melior leuiorq; etiam est illa hominis illius, sed tamen peior est alijs duabus dictis, quoniam in ista plura sunt diuersa ab ægritudine, quam sint in illis ut patet per dicta. Ideo legemus literam disunctiue, non autem copulatiue, quoniam unum istorum, quod sit diuersum ab ægritu-

dine

dine facit illam peiorem . hæc est sententia ipsius Auic. hoc in paragrafo, quæ fait antiquior quam ipsius, nam prius fuit data formaliter ab illo diuino homine Hipp. in 4. aph. 34. Vbi inquit in morbis minus periclitantur ægrotantes quibuscunq; propriæ naturæ ætatis, & habitudinis temporis, & regionis & horæ ægritudo inest magis quam quibus non propria est secundum aliquid horum . Ecce ergo quomodo est legenda litera Auic. quoq; distinctiue sicut notauimus. hæc sunt uerba Hipp. uel similia saltem, hanc autem similitudinem inter ægritudinem, & ipsam ætatem tempora &c. uolo uos intelligere esse secundum speciem non autem gradus, quoniam dicimus exempli gratia, causam febrem. s. ardentem similem esse ipsi adolescentiæ ætati, uel tempori æstiuo, uel temperaturæ calidæ siccæ, non quia adolescentia habeat puta 4. gradus caliditatis & siccitatis, sic febris causon assimilatur ei secundum hos gradus; sed quia adolescentia est calida siccaq; similatur ei causon, qui est calidus & siccus, sic de tempore & alijs . Sicut dicimus quoq; calorem assimilari calori secundum suam speciem, non autem in gradu . sed bene uerum est q. calor remissus augetur & intenditur à calore intenso, sed explanato aphor. secundum Auic. appello enim eum aph. quoniam formaliter est ipsius Hipp. ut uobis citavi, uidetur modo quod in eo sint multe difficultates & arduæ quidem quæ soluendæ sunt, alioqui uidebitur falsus uobis istæ aph. uidetur enim primo q. sit falsus quoniam potius est res e contra quam dicit,

nam uidetur quòd illæ sint perniciose magis, quæ inuadunt proportionales ipsi ætati, tempori, & temperaturæ quàm illæ quæ improporcionales eis inuadunt; & hoc argumento fortificatur primo, quoniam simile conseruatur à suo simili, & ab eo fouetur augeturq; à contrario autem remouetur facilius, hoc probari uidebitis ex se cum tamen uideatur manifestum per se, tunc adiungatis, sed si sic est sicut dicit Hipp. & Auic. quòd leuiore sunt illæ ægritudines, quæ quidem simulantur ætati tempori & temperaturæ quàm quæ dissimulantur, uidetur immo sequi oppositum huius, quòd uidelicet sint magis perniciose, quoniam à simili fouentur, augentur, & conseruantur, magis autem remouentur à suo contrario ergo &c. præterea arguit sic quoniam nos uidemus in æstate cum causon inuadit iuuenem temperaturæ sicce calidæq; si sequatur aer frigidus, propter aliquid sanatur quod non uidetur alio modo esse nisi quia à contrario febris magis remouetur, quàm cum est cum suo simili, ergo falsus aph. Amplius longe deterior est febris ardens in Aethyope, in Aethyopia quàm illa eadem causon in Germano, in Germania in æstateq; tamen longe similior est causon tempori inuasionis aethyopis, temperaturæq; ipsius quàm ipsi Germano ergo falsus aph. præterea longe sunt catarrhi peiores in ipsis senibus, quàm in iuuenibus, tamen catarrhi magis simulantur ipsis senibus, & proportionantur quàm ipsis iuuenibus sicut dicunt Hipp. & Gal. ergo &c. Præterea sic confirmatur quoniam in autumno in senes quartanæ sunt

longiores quàm in iuvene in æstate eadem incidentes ergo sunt periculostores . dicebat enim Hipp. quarta nas illas, quæ æstate inuadūt esse breuiores ergo &c. Amplius uidemus nos quòd illi qui sunt præparati ad phthysm citius corripuntur à phthys, sicq; citius à phthys moriuntur quam illi qui incidunt in phthysm impræparati tamen magis erant proportionales illi, cum essent similes præparatione illa antecedente, quàm illi qui non sunt præparati, sunt autem magis præparati illi qui habent collum longum pectusq; strictum, quam illi qui habent latum . antecedens huius argumenti probatur per Hipp. primo Epid. ubi loquitur de illa constitutione aeris, in qua moriebantur omnes præparati ad phthysm . dicebat enim Hipp. omnes illos qui præparati erant ad phthysm citius mortuos esse in ea constitutione . hoc stante patet falsitas aph. Amplius arguitur ad idem, & hoc aduertatis quoniam mihi uidetur admodum difficile inter alia, uolumus enim confutare fundamentum, quo nixi Auic. & Hipp. protulerunt hunc aphor. fundamentum autem tale est, quòd ubi ægritudo similis est ipsi corporis temperaturæ, ætati, & tempori in quo accidit, tunc est melior quàm quando est dissimilis his dictis, quoniam exempli gratia causon quæ accidit iuueni in æstate, qui sit temperaturæ calidæ & siccæ, melior est quàm si idem causon accidat homini frigido humido in hyeme, quoniam proportionalis est illis quàm huic modo ad causandum illā requiritur paruus calor, quoniam ubi est similitudo requiritur minor im-

pressio,

pressio, quàm ubi non est similitudo, quapropter sequitur quòd cum requiratur melior impressio, in illo frigido humido, oportet esse maiorem agentem, & ideo maior est ægritudo illa accidens in hyeme homini illi quàm ista quæ accidit iuueni in æstate. nam ferè quilibet calor potest imprimere in ipsum causonidem sicut maius est uulnus factum atq; infixum à Milone, uel ab Hercule in uno corpore quàm si infigatur ab uino puero, tamen est uulnus quomodocunq;. Quare sequitur aph. quòd ubi ægritudo assimilatur tempori ætati, & temperaturæ tunc melior est quam illa quæ non assimilatur eis, sed est contraria uel si etiam eadē febris imprimatur in eodem iuuenē, temperaturæ calidæ siccæq;, tum in hyeme accidat ei maior erit quàm si accidat in æstate, quoniā requiritur maior impressio, maiusq; agens. Ad hoc autem sic respondetur destruendo illud quòd ad hoc quòd fiat maior impressio uel mitior, requiritur non solum uis agentis sed etiā proportio ipsius passi hoc est resistentia ipsius. dicebat enim Arist. 4. phys. quòd si mittatur lapis in uacuo, & in pleno certum est quòd citius mouebitur in uacuo ad suum terminum, quam in pleno, quoniam habet minorem resistentiam, cum in uacuo nihil sit, immo inquit ipse mouebitur in instanti quoniam nullam habet resistentiam. Sic propemodum dicamus nos quòd in iuuenē cum imprimitur causon in æstate non solum requirendū est quòd uidelicet agens sit debilius quàm debeat esse si in ipsam eandem febrem in hyeme imprimere debeat quoniam tunc febris illa assimilatur tem-

pori, in hyeme autem ei contrarietur, sed oportet etiā perspicere, quòd in æstate est minor resistentia, in hyeme autem maior. Ideo in ipsa æstate cum agens non inueniat nisi paucam admodum resistentiam, in hyeme autem magnam, ideo in æstate magis imprimet quoniam nihil uel paucum saltem habet, quod quidem ei occurrat. in hyeme autem cum habeat quod illud impediat non potest tantum imprimere eandem febrem. Quare si bene aduertitis concluditur oppositum illius quod dicit argumentum quæ inferre possent aliquam noxam isti aph. Quibus non obstantibus dico quod aph. datus est uerissimus & hoc declaro, quo declarato uidebitis argumenta illa per se cadere. dicimus ergo nos quòd cū quis ægrotat alteratur ab una dispositione in aliam a sanitate in ægritudinem, & de contrario in contrariū. Si ergo debemus curare oportet ipsum restaurari, & redire de illo contrario in aliud contrarium in terminum uidelicet pristinum, a quo facta fuerat alteratio, & a quo recesserat, hoc certum est modo quāto maior erit uirtus ipsius agentis tunc maior erit uiolentia, maiorq; distantia, & requiretur longius tempus, ut redeat ad illum terminum, maioribusq; remedijs quoniam est longe periculosior. declaro sic, si debet fieri actio ab agente in ipsum passum oportet quòd superet illud ad tantam magnitudinem quo fit causon, ad hoc autem quòd fit causon requiritur unus determinatus, certusq; gradus. nam unusquisq; morbus habet proprium quēdam terminum, ut uidelicet lædat sensibiliter operationes,

sic

fit ergo calor ille caufonidis, ut 4. si debet caufon, si ergo calor extrinsecus, uel putredinalis, quisquis sit ille, debeat inducere tot gradus in corpus passum necesse est quod superet illud in sua ui. alioqui non posset educere ipsum ad 4 gradus, consequenter neq; ad caufon. Sed si modo sit corpus frigidum humidum, uel propter ætatem, uel propter tēperaturā, uel propter tempus, uel aliquid tale tunc oportet maius esse agens ut possit superare talem frigiditatem, & humiditatem resistentem, & cum eas superarit inducat in illud corpus maiorem caliditatem. Ideo maior uis ipsius agentis requiritur in hoc corpore educendo ad 4 gradus uel plures quā in bilioso, quoniam iam ibi sunt aliqui gradus caloris, quilibet enim paucus debilisq; calor potest inducere in ipsum caufonidem. si ergo debemus curare hanc febrem in illo primo frigido humido cum egemus contrarijs, contraria enim contrarijs curantur. Ideo egemus primo longo tempore ad hoc quod reducamus ipsum in illum pristinū gradum quoniam maior uiolentia facta est maiorq; ab illo distantia, egemus quinetiam fortioribus remedijs & maximis quidem ideo periculosa est hæc febris, sed febris hæc necessario inducta in bilioso est minor, leuiorq; quoniam pauca facta est uiolentia, paucaq; distantia a pristino termino à quo factus est recessus. Ideo leuioribus quoq; medicamentis indigemus breuiorq; tēpore, quoniam exempli gratia in illo factus est recessus a frigiditate & humiditate per gradus x. ad caufonidem calidam siccam. Sed in hoc bilioso in tempo-

re æstatis factus est recessus a caliditate sua, & siccitate naturali ad causonidem per quatuor gradus. Indigemus ergo remedijs maioribus, longioriꝛ; tempore ubi debet fieri recessus iterum atq; reditus de causonide in frigiditatem & humiditatem per decem gradus quàm ubi per quatuor ad caliditatem & siccitatem. secundo etiam addo argumentum hoc constitutum regula topica a maiori ad minus destructiue hoc modo. Si quis senilis ætatis inuadatur a causonide in hyeme qui esset temperaturæ frigide, & humide certum est quòd magnus erat calor præpotensq; qui potuit superare tot contraria; hic enim omnia erant contraria tamen illa superauit. Ideo signum est quòd magnus erat, ideo fecit quoq; magnam impressionem, sed si sit iuuenis temperaturæ calidæ & siccæ, qui inuadatur ab huiusmodi causonide in hyeme certum esse debet quòd corripietur ab illo agente calore quoniam si ei non potuerunt ita resistere, ut illa non uicerit, tria unita tempus, ætas, & temperatura, quomodo ergo ei resistet solum unum eorum? Videlicet aer, modo iam calefactum est ipsum corpus, quoniam temperaturæ calidæ, siccæq; Ideo facilius imprimetur in ipso causon quoniam solum hic est aer resistens cum sit frigidus, humidus. ideo si aer non potuit resistere calori febrili unitus illis alijs duobus, quanto minus resistet solus? Videte ergo ueritatem ipsius aph. neq; enim fingimus somnia. Immo est aliud argumentum ex rei natura tractum ne uideamur in sophisticis manere. nam si sit homo ætatis iuuenilis biliosus

liofus a prædominio in æstate qui incidat in morbum aliquem sibi proportionatum & similem tum tempore etiam, certum est quòd levis erit. nam si huiusmodi iuuenis sub sole moratus fuerit incidet in causonidem, quoniam iam habet multos gradus ipsius caliditatis, & ideo propinquus est ipsi febri, & cum in ipsum agat calor solis faciliter reducit in febrem sed si sit homo frigidus humidus, ætatisq; senilis qui moretur sub sole certum est quòd non reducetur ad causonidem, quoniam multum distat ab huiusmodi gradu caloris qui requiritur ad causum, requiritur enim alia causa quæ ipsum inducat in talem febrem fortior quàm sit aer. Requiritur dico causa magna quæ ita ipsum immutet, ne faciat in eo generari bilem, quæ quidem foueat talem febrem postquam inducta est, alioqui non incidit in eam. Sed ad hoc requiritur non dicam magna, sed maxima causa. quomodo enim ab aere, aut a tali causa poterit fieri, ut talis homo recedat a tam distantia temperatura frigida humida & cum etiam habeat ætatem iam resistentem, oportet ergo quòd si in tali homine induci debeat febris talis, ut habeat materiam, causamq; corpoream, non autem extrinsecus occurrentem, quoniam sicut leuius tollitur, atque facilius, sic etiam leuiorem facit impressionem, ob id cum tanta sit resistentia, tum ætatis, tum temperaturæ, non poterit facere in ipso Causonidem, stabit ergo ueritas aphorismi nostri, quoniam ubi similis est ægritudo tum temperaturæ, tum ætati, tum tempori leuior

est, quoniam à leuiori quoq; causa generatur, & ideo parum imprimitur, sed ubi est eis dissimilis, tunc est difficilior & maior, quoniam signū est magnam fuisse causam, quæ potuit superare tot resistantia. Visa ueritate aph. oportet modo uidere quid faciant difficultatis ista argumenta, quæ adduximus ne putetur aph. falsum esse, quæ puto iam ex his intellectis persolui posse. Ad primum ergo quando dicebatur simile à simili fouetur conseruaturq; & augetur, concedo, sed ægritudines similes ætati temperaturæ & tēpori sunt, concedo, ergo fouentur augenturq; ab eis similibus? nego hanc consequentiam, & adiungebatur antecedenti, sed remouetur illud simile a suo contrario. concedo totum, ergo ægritudines quæ similes sunt illis tribus sunt maiores quàm quæ sunt dissimiles? nego consequentiam. o uidemus nos quòd si quis in æstate correptus sit à causonide, tunc si sequatur aer humidus frigidus, ergo esset melior si generaretur talis causon in tempore sibi dissimili, dico quòd hoc totum falsum sequitur, quia argumentum hoc facit pro curatione; probat enim q̄ ægritudines quæ sunt similes ætati tempori & temperaturæ, sunt faciliores curatu à contrarijs, quoniā si earum inuasionem sequetur tempus contrarium, tunc remouentur, quoniam leuis erat ægritudo leuiori quoq; causa indiguit pro sui remotione: quod nos quoq; concedimus, nam dicere solemus quòd contraria contrarijs curantur, sed nos loquimur in aph. de generatione talium ægritudinum, quoniam sunt leuiores, cum fiunt proportionales

portionales existentes illis tribus, quàm quæ nō sunt
proportionales. facilius quidem à contrario curan-
tur quàm à simili, immo à simili augentur, sed quòd
leuiore sint quæ fiunt cum sint contrariæ tribus illis
uel uni eorum, hoc non probat argumentum sicut pa-
tet per illam probationem quam adducunt ab expe-
rientia, quoniam uidemus si sit quis qui corripiatur à
causonide & sequatur aer frigidus humidus, tunc il-
la tolletur. ecce quòd dicit illud quòd nos quoq; uo-
lumus, quoniam si solum aer remouet illam, certum
est quòd leuis erat, quoniam à leui causa sublata, si
uero sit difficilis ægritudo, tunc difficiliore quoq; cu-
ratione & maiori indiget. et sic soluitur quoq; secū-
dum ex solutione huius, quoniam ferè idem sunt
idemq; probant per idem, quando dicitur longe dete-
rior est causon in æthyope in æthiopia, quàm in Ger-
mano in Germania, dico quòd hoc quoq; facit pro cu-
ratione, non autem pro generatione eius, de qua hic
nos loquimur. sed nunc ego nego primo hoc antece-
dens, immo est e contra, quòd hoc sit uerum proba-
tur quoniam impressus fuit causus in ipsum æthyopē
in æthiopia à faciliore leuiori q; causa; incidit enim
in eum cum regio & temperatura aerq; adiuuet sem-
per ad eum, sed ad hoc quòd inducatur causus ille in
ipsum Germanum, requiritur grauior fortiorq; cau-
sa, cum temperatura eius & regio aerq; resistet sem-
per, ideo in talem febrem incidere non potest nisi ma-
xima causa fuerit. bene uerum esse concedam quòd
si æthyops habens hanc causonidem feratur in Ger-
maniam

maniam de æthiopia, citius sanabitur quàm in æthiopia manens, ratio huius est quoniam cū in ipsum causum inductus fuerit à leui causa, leui quoq; indiget remedio, quòd quidem contrarium esse debet per regulam illam uniuersalem. sed aer Germaniæ est frigidissimus, ideo sufficiens erit ad remouendum talem febrem, & si sit extrinsecus occurrens, ratio est quia paucum deest ad hoc quòd ille æthyops restituatur, sed si Germanus in æthiopiam ducatur non propter id sanabitur, & si ibi sit aer calidus siccus, quoniam cum in eum inducta sit febris, facta est à causa fortiori quoq;, & multum requiritur ad hoc quòd restaretur in sanitatem. ideo non sufficit aer, sed aliquid aliud fortius remedium contrarium. Ecce ergo quomodo peiores sunt causonides impropportionati ætati tempori temperaturæ & alijs quàm proportionati illis, & pro hoc potestis quoq; petere ab istis nostris mercatoribus Venetis qui uersantur sæpius in illis regionibus orientalibus calidissimis, in Aegypto, in Cairo, nam incidunt sæpius in causonides, & sunt Germani quoq; mercatores ibiq; incidunt in tales febres, inquiruntq; isti nostri Itali quòd plures illorum Germanorum & Francorum moriuntur ex talibus febribus quàm itali, quoniam sunt quoq; in illis difficiliores, maiores. nam maior quoq; causa requiritur ad hoc quòd inuadantur. Itali autem sunt multo aptiores ad illam, cum sint calidiores, consequenter respondemus quarto argumento quando dicebatur, catarrhi sunt peiores in senibus quàm in iuuenibus, ta-

men magis proportionatur ipsis senibus quam iuuenibus secundum Hipp. dico quod in ipsis senibus difficiliore sunt catarrhi, quoniam non possunt concoquere materiam illam, generantq; cruditates pituitosas, quæ quidem postea descendunt, sed difficillime tolluntur huiusmodi catarrhi quoniam in senibus non habemus calorem iuuantem ad illorum digestionem & cōcoctionem, sed in iuuenibus catarrhi raro fiunt, sed quando fiunt oportet esse maximā fortissimamq; causam facientem illos, alioqui generari non poterunt in ipsis, cum habeant ualidum calorem, qui quidem concoquit quā optime, neq; generat pituitosas cruditates, sed postea cum sint difficiliore in generatione leuioribus non utimur sed fortissimis remedijs, uerum leuius dico curatur faciliusq; quā in senibus quoniā habemus calorem in ijs iuuantem ad concoctionem illarum cruditatum. Et notate unum, quoniam aphor. hoc modo dicit ipsius Hipp. Branchi & coriza in ualde senibus non maturantur, habemus enim hic duo. primo dicit in ualde senibus, non autem generaliter in senibus, ad excipiendos illos senes, qui reponuntur in primo senio, quoniam illi habent adhuc multū de calore. sed inquit in ualde senibus, qui sunt in secūdo senio constituti, & decrepitate. postea inquit non maturantur. notate hoc quoniam non dicit sunt perniciosi, sed inquit non maturantur, quoniam quantum ad generationem sunt leues, cum ex quacunque leui causa generentur, sed postea sunt difficiles propter defectum caloris innati quantum ad curationem, quoniam

niam non maturantur, et si applicemus remedia. neque est mea expositio, sed ipsius Gal. in com. illius aphor. qui soluit hoc argumentum non autem ego, uideatis ipsum. Quo ad quintum argumentum, quod dicebat quartanas in autumno inuadentes senem, longiores esse, inuadentes autem iuuenem in æstate breuiiores, ergo impernitiosiores illis tamen magis proportionantur autumno et seni, quam iuueni et æstati, et probatur per Hipp. in aph. dico quod hoc solum probat breuiorem esse quartanam, quæ inuadit æstate iuuenem, quam quæ inuadit senem in autumno, non autem perniciosiorem esse quæ inuadunt in autumno, quoniam illæ quidem sunt longiores, tamen non propterea concludendum est illud, quod dicit argumentum, inquit enim Hipp. in aph. illo, æstiuæ uero quartanæ ut multum sunt breues, autumnales uero longæ, maximæ uero quæ hyemem attingunt, non propter hoc concludit Hipp. quod autumnales sint peiores maiores et difficiliores, immo difficiliores sunt illæ quæ accidunt in æstate, quoniam ut plurimum inuadunt in autumno, sunt enim præcipue in eo propter humorem melancholicum peccantem eo tempore aerem, et in senibus præcipue, qui sunt frigidi seci. Ideo à quacunque leuiori causa fiunt in autumno, sed ad hoc quod fiat in æstate requiritur maior causa maximeque in iuene, et si hæc breuior sit, illa uero longior. extendit enim se per dies menses et annos. Ad sextum quoque quod dicebat præparati ad phthisim cum incidunt in illam citius magisque moriuntur, quam qui in eam inci-

incidunt impræparati, ergo phthisis illa peior est quã ista, tamen magis similis erat illis quàm istis; quod probatur per Hipp. & c. dico quòd illi qui sunt præparati ad phthisim dicuntur qui habent compositionem præparatam similẽ ac proportionatã ipsi phthisi, & hoc modo faciliores minoresq; sunt istæ phthises, quàm illæ impræparatorum quoniam à quacunq; leui causa incidunt illi in ipsam; sed si respiciamus postea similitudinem & contrarietatem ipsius naturæ ac temperaturæ, ideo dico quòd maior est phthisis in illo qui erat præparatus, si sumamus præparationem quo ad temperaturam ipsam, quando etiam in præsentis nos loquimur de ægritudinibus, quando uidelicet ægritudines accidunt alicui, quæ proportionentur tum naturæ eius, hoc est temperaturæ, non ætati, nec tẽpori, sicut supra declarauimus, ideo moriebantur magis illi in constitutione illa acris, qui erant præparati per compositionem, quoniam habebant spatulas longas eleuatas, pectus strictum, collum longum, non autem quòd essent præparati quo ad temperaturã. Ad ultimum autem dicamus, quãdo dicit se destruere fundamentum aph. quoniã ad actionem requiritur proportio ipsius passi resistentis ad agens, sicut dicebat quoq; Arist. in 7. phys. sicut scitis, saltem præsuppono uos scire, quoniam non est hic locus discendi illa, oportet didicisse in alijs scholis, præsupponatisq; illa tanquam firmissima fundamẽta. ideo discatis philosophiam & medicinam intelligatis, alioqui nunquã intelligetis. dico ergo, quòd resistentia ipsius passi fa
cit

cit solum ad hoc, quòd citius uel tardius moueatur ipsum agens, quoniam quanto minor fuerit resistentia, tanto citius agens imprimet, quanto maior tanto tardius, non autem facit quòd agens propterea impediatur quin ad illum eundemq; terminum uadat, siue minor sit siue maior, nam si demus agens agere, oportet ipsum superare in ui sua resistentiam passi, postquam autem superauit resistentiam fertur semper ad eundem terminum, puta caliditatis, ad quem latus esset prius si minor fuisset resistentia; hoc tamen uerum est quòd tardius uadit ad illum terminum, quoniam cõsumit longius quoq; tempus in superando resistentiã passi, maiorem quàm in superando minorem, sicut optime quoq; dicebat Arist. in illo 4. phys. quòd lapis positus in uacuo, & positus in pleno, citius in uacuo descendit, immo in instati, quoniam nullam habet resistentiam, in pleno autem cum sit resistentia tardius mouetur & longiori tempore, non propter hoc tamen lapis restat, quin semper ad eundem terminũ tendat, hoc est ad terram, sed modo uelocius, modo tardius secundum resistentiam medij, sicut diximus. Ideo nihil facit hoc argumentum cum de tempore faciat, non enim quia in æstate minor est resistentia passi ideo minor erit impressio, sed requiritur solum ualidius agens, ideo maiorem quoq; impressionem faciet, & tunc tardius imprimet quàm in æstate; ideo non ualet argumentum.

LECTIO XXXVIII.

DEBES autem scire quòd quædam ægritudinum fiunt &c.) Auic. ut omnino satisfaciatur vobis & addiscentibus, postquam loquitur de dispositionibus præter naturam, hoc est de morbis, & in hoc cap. dicat ea quæ faciunt ad complementum huius tractatus. Ideo nunc quoque uult dare quasdam differentias morborum, inter quas ista maxima est, quando uidelicet ex una ægritudine fit alia. i. quando una ægritudo mutatur in aliam, ipsa autem destruitur, quod pluribus modis contingere potest. pro exemplo autem quòd una transeat in aliam ut pleuritis in peripneumoniam, aliquando autem fit quòd una ægritudo superueniens alijs antecedentibus, curat & remouet illas. Remouet dico uel ad bonum uel ad malum, sic transitus de una ægritudine in uno loco consistens in aliam in alio loco existentem, & hoc est quod dicit Auic. (Debes autem scire quòd quædam ægritudinum sunt quæ ad alias mutantur ægritudines & destruuntur ipsæ & in hoc consistit bonitas. Et est una ægritudo alterius ægritudinis medicamentum sicut quartana ex qua sanatur multoties epilepsia, & podagra & varices & articulorum dolores.) Iste ægritudines aliquando mutantur ad bonum aliquando sunt etiam aliquæ quæ alijs superuenientes tollunt illas una autem permutatur in aliam ad bonum, ut quando febricitat aliquis & fiat abscessus in eius brachio
aut

aut tibia, tunc febris tollitur & hoc modo mutatur ad bonum, melius enim est habere abscessum quam febrem, & sæpe hoc modo terminantur febres, aliquādo tamen mutantur in scabiem, & per eam terminantur cum tollantur penitus, & sic ad bonum mutatur, melius est enim habere scabiem quam febrem, tolluntur autem hoc modo quoniam materia putrida quæ faciebat illam febrem emittitur ad aliquem locum imbecillem sicq; fit abscessus, aut ad totam cutim cum est subtilior materia, & cum exire non possit propter causam sæpius à me redditam, quoniā pori cutis sunt strictiores propter frigiditatem continentis. Ideo facit scabiem pruritumq; cum habeat acrimoniam. Et cum hoc dixerit Auic. relinquit aliud membrum oppositum huic ad finem cap. huius, & interponit aliud ideo satis inordinate procedit, debebat enim hoc modo dicere. Aliæ sunt ægritudines quæ in alias mutantur ad bonum, aliæ quæ ad malum, postea dicere quomodo sunt aliquæ quæ superuenientes alijs præcedentibus sanant eas, sed ipse postquam expediuit primum membrum relinquit secundum ad finem cap. & illud tertium sumpsit declarandum. inquit ergo. (Et est vna ægritudo &c.) .i. sunt quædam ægritudines, quæ cum superuenerint ad aliquas alias ægritudines tollunt illas. postea exemplificat Auic. multis exemplis est enim copiosus in dandis exemplis istæ homo, primoq; dicit quod (quartana sanat si superueniat epilepsiam, uarices, podagram, & dolorem articulare). hic autem scire debetis quod

Auic.

Auic. nunquam dicit aliquid nisi sit comprobatum ab antiquis præterquam in suis opinionibus, sed non nominat illos à quibus accipit quoniam ipse dixit se trās scribere. ob id hoc ex se met non dicit Auic. de quartana quòd sanat illas ægritudines dictas, fuit enim dictum prius ipsius Hipp. & Gal. in com. primo Epid. sect. secunda ferè ad principium, inquit enim Hipp. in tex. quòd quartana sanat multos morbos, immo etiam præseruat à multis morbis. Gal. autem in com. hoc aduertens (& hoc notate propter modernos istos exponentes) dixit quòd Hipp. ibi loquebatur de quartana simplici pura, quæ est omnibus securissima ægritudinibus & multas earum tollit, non autem loquitur de complicata, quoniam complicata quartana parit multa sæua accidentia atq; symptomata, puta quando complicata est cum tumore lienis, aliquando enim propter illam homines moriuntur, & propter hoc dictum soluuntur omnes abundantes uanæ & ignaræ quæstiones istorum modernorum, quas hic mouent, hoc solo dicto soluuntur, & non solum ego qui solui ea sum, sed est ipse met Gal. quas apud ipsos legetis, & si non erit sicut dico, uolo quòd mihi nunquam post hac credatis. Videamus modo quomodo ista quartana simplex est sanatiua (ut more Auic. loquamur) multarum ægritudinum quas numerat hic Auic. dico ergo quòd quartana simplex sanatiua est harum quidem omnium ægritudinum, epilepsiæ, podagræ, uaricum, doloris articularis, sed non omnium eodem modo, est enim aliarum quidem per se sanatiua.

ua causa, aliarum uero per accidens & consequenter, causa autem per se illa est quæ ex intrinseca sui ratione & ex propria natura apta nata est produrre talem effectum, hoc quoq; modo quartana sanatiua est causa ipsarum uaricum per se, quoniam ex sui propria natura apta est sanare uarices tanquam proprium effectum. Varices autem sunt quando uenæ ipsarum tibiærū sunt ita repletæ atro sanguine, ut fiant crassissimæ aliquando etiam magnitudine unius digiti, & aliquando ita intumescunt ut patiantur illi homines dolores maximos, credo quòd intelligatis me. Unde dicitur Marium fuisse uaricosum, Marium dico illum Romanum, & quoniam consuetudo erat apud antiquos, ut secarentur illæ uarices propterq; nimium dolorem ligabantur homines, solus Marius dicitur se abnuisse ligandum sed ita sine uinculis præbuit se Medico secandum. Cum ergo istæ uarices fiant ex sanguine atro & melancholico, & febris quartana ab eodem fit humore & in quocunq; paroxysmo ipsius adueniente expellitur aliquis humor melancholicus, & aliqua portio ipsius, propterea quia scitis in febrium paroxysmis interpollatarum humores mitti ex uenis ad extra uenas, in omni enim febre periodica humores putrescunt in uenis, postea putridi emittuntur propter concussionem in paroxysmis, nam si putrescerent extra uenas tunc non essent febres periodicæ, sed essent continuæ, sicut discitis uos qui auditis praxim, qui autem non auditis pro nunc hoc supponatis, quoniam postea hoc scietis; quartana autem
longa

longa est, propter id quoq; dicitur in prouerbio uulgar
gari, la quartana i uecchi amazza, i gioueni sana.
quartana ergo per se sanat ipsas uarices cum fiant
ex eodem humore melancholico, & in suis paroxys
mis semper aliqua portio illius humoris euacuatur,
ideo inaniuntur uenæ illæ & cessant uarices, alias au
tem sanat ægritudines per accidens, quoniam scitis
quartanam fieri ex humore melancholico, tamen epi
lepsia podagra & dolor articularis fiunt ex pituita,
ob id in suis paroxysmis euacuat melancholiam, non
autem pituitam, quomodo ergo per se earum ægritu
dinum est sanatiua? quòd autem sanet quartana po
dagram est Hipp. in aph. quando dicit quòd si super
podagram superaeniat quartana soluitur. Querimus
modo nos quomodo soluat, cum ex eodem humore
non fiant, hoc cum faciat necesse est dicere per ac
cidens facere. quòd autem sanatiua sit epilepsie est
manifestum per ipsum quoq; Hipp. 6. Epid. sect. 6.
tex. ult. & Gal. in com. dicebat autem Hipp. in tex.
quòd quartana sanat morbum sacrum hoc est ma
gnum, nam quodcunq; magni momenti est, & magnū
dicitur sacrum, & hoc modo exponit Gal. quòd quar
tana est sanatiua sacri morbi. i. magni. postea per ma
gnum morbum exponit epilepsiam quæ est morbus
comitialis ideo magnus. ratio autem cur sanetur su
perueniente quartana est quia in quartana sunt ma
gni longiq; rigores, aliquando per tres & quatuor
horas, & ideo tunc fit magna totius corporis concus
sio, sed cum epilepsia sit propter pituitam crassam ui

scosam in ipsis uentriculis cerebri impactam, ita tamen quod non oppilentur omnino, quoniam esset non epilepsia sed apoplexia, in quartana autem paroxysmis fiunt concussiones illæ & tunc pituita illa paulatim paulatim cum quartana sit longa tanquam ueste educitur sicut dicebat Gal. & eo modo per accidens sanat epilepsiam. accidit enim concussioni illi quod expulsa sit illa pituita & sanata sit epilepsia, sed dicet quis, non poterit quoque tertiana hoc perficere cum in ipsa sint maximi rigores, sicut & in quartana consequenter & maximæ concussiones? Ad hoc dico quod etsi in ipsa tertiana sint illæ concussiones magnæ sicut in quartana tamen pituita illa impacta eo modo in cerebri uentriculis non potest excuti, nisi in plurimis paroxysmis, non autem in 3. uel 4 uel 7. modo tertiana 4. ad summum 7 paroxysmis terminatur, sicut dicebat Gal. aliæ uero feb. non habent tam magnos ac uehementes rigores, ideo id præstare non possunt. quartana autem habent maximos rigores et concussiones, præterea sunt longæ immo quandoque longissimæ, ob id consentaneum est quod excutiat pituita illa in tot concussionibus, qua excussa tollitur epilepsia. hæc est una ratio. secundam rationem assigno cur est quod quartana sanat epilepsiam, dico ergo quod sanatur epilepsia non solū propter illam concussionem magnam omnium membrorum existente frigore magno, sed etiam propter longitudinem ipsius paroxysmi propter ipsum calorem uidelicet sequentem frigus, qui longo tempore durat, aliquando enim

se extendit usque ad 24 horas & 30, ideo trahens longam moram, calor in illo tempore fit maior. hoc autem pro nunc supponatis, quod anno præterito conclusimus fortissimis rationibus & uerissimis, quod uidelicet calor maior sit propter longam moram solis super capita nostra, quam propter uim ipsius naturæ, mora est illa quæ magnificat in calore augendo. Vnde dicebamus tunc quod maior est calor, acutiorq; in augusto mense, in diebus caniculæ, quoniam sol mittit radios super zenith capitum nostrorum, & nobis rectiora, & ideo quoniam sol maiorem moram trahit tunc temporis maior quoq; calor efficitur. supponatis hoc ergo quod alibi à nobis probatum est. mora ergo facit multum ad augmentum caloris. cum ergo paroxysmi ipsius tertianæ post frigus sint breues, ideo pituita illa impacta in uentriculis cerebri non potest exiccari, paroxysmi autem quartanæ sunt longiores, ideo calor moram trahens in illo corpore exiccat illam pituitam, & ita non potest adherere ita quod tãdem expellitur, eoq; modo cessat epilepsia propter ipsam quartanam. Sed causa ista sanatiua epilepsiæ est per accidens, quoniam ex propria natura quartana non habet uastare epilepsiã, sicut habet tollere uarices, ut iam credo declaratum esse in superioribus, sed accidit tum concussione, ut expelleret materiam illam pituitosam, & calori moram trahenti, quod exiccaret eam. quod autem dico de epilepsia idem accipiatís de ipsa podagra, & dolore articulari, quoniam istæ tres dispositiones & ægitudi-

nes ab eadem sunt materia hoc est pituita, differunt solum per loca, quoniam podagra est, cum pituita impacta est in ipsis articulis pedum, ita quod illos afficit, dolor autem articularis dicitur quando est pituita impacta in articulis totius corporis, cum autem est impacta in articulis manus tunc dicitur chiragra, cum uero est impacta in uertebra coxae dicitur ab istis nostris modernis dolor coxendicus, in uentriculis autem cerebri epilepsia, qui omnes morbi fiunt, ut uidetis ex pituita, differunt solum differentia locali, & ideo eodem modo curantur isti morbi, sicut & epilepsia, & quod dictum est de epilepsia putetis dictum propterea de his, quoniam quartana sanatiua est doloris articularis podagrae, chiragrae, & doloris coxendici propter illas duas rationes sumptas a modo paroxysmorum ipsius quartanae, erit tamen causa per accidens, non autem per se, & ideo iam hucusque litera nota est. sed & scabies sanatur per scabiem, quoniam humor ille qui emittebatur, & retinetur. Spasmus quoque sanatur a quartana iuxta sententiam Hipp. in illa quinta particula aph. 70. Si bene memini ubi incipit aph. a quartanis habiti non ualde a spasmis capiuntur, si autem capiuntur prius, & superueniat quartana soluuntur. Cur autem sanetur spasmus ita a quartana declaro, quoniam spasmus fit a materia pituitosa sicut & epilepsia, nisi quia in plus se habet spasmus quam epilepsia, nam epilepsia nihil aliud est quam spasmus quidam particularis, spasmus autem nihil aliud est quam epilepsia uniuersalis, ideo cum

quartana sanat spasmus, sanat per accidens, sicut dictum est de epilepsia, spasmus sanatur quoq; per pustulas sæpe, sed spasmus de quo loquitur nunc Auic. est spasmus factus ex repletione ipsorum neruorum, alioquin non sanaretur à quartana, nam in alio spasmō non est materia. quomodo ergo poterit per quartanam sanari si ibi non est materia, quæ quidem propellatur? pro quo animaduertatis quòd spasmus potest fieri, tum propter nimiam siccitatem neruorum, propter quam contrahuntur, sicut sensu patet chordas lauti cum exiccantur, retrahi breuiorēq; fieri. secundo quia nimis replentur ipsi nerui addatur, & tertius qui quidem fit propter quandam qualitatem pungentem ipsos neruos, quæ adeo accedit de duobus, relinquamus de uno, in propositum loquamur, quoniam cum nerui ipsi replentur nimis ipsa pituita, tunc latiores crassioresq;, & corpulentiores fiunt, sed contrahuntur & breuiorē fiunt, sicut patet quoque in chorda cytharæ, nam si cytharædus habeat cytharam, in qua chordæ sint tensæ, si ponatur in loco ualde humido chordæ ille disrumpuntur, quoniā propter humiditatem illam penetrantem fiunt maiores, tum in profunditate, tum in latitudine, & cum contrahantur, contrahi autem non possint tantum sicut oportet, quoniam iam erant tensæ, ideo dissiliunt & rumpuntur, sicut exemplificabat quoq; Galen. postea iungit Auic. quòd spasmus sanatur quoq; per scabiem & papulas, ratio est quoniam materia illa, quæ contrahēbat neruos educit ad cutim, sicq;

fiunt pustulæ, quas uocat Auic. bothor, & fit quādoq; scabies, & cum educatur materia, neq; possit contrahere amplius neruos ideo cessat spasmus. pustulæ autem istæ siue scabies consequens ipsum spasmum sunt bonæ. tamen per uiam signi, non per uiam causæ, hoc declaro quod bonæ sint per uiam signi. manifesto, quoniam signum est cum fiunt talia naturā uicisse in pugna supra materiam, eam enim misit de neruis ad extra neruos usq; ad cutim, sed cum fuerūt in cuti tales materiæ cum pori sint arctiores propter frigiditatem continentis, ideo non possunt exire, sicq; fiunt pustulæ uel scabies. per uiam autem causæ sunt bonæ, quoniam signum est, quod materia pituitosa illa quæ faciebat repletionem ipsorum neruorum emissæ est, & sic inaniti sunt nerui, & strictiores redditi sunt, consequenterq; elongati, & spasmus cessauit, quoniam eius causa immediata & conuicta remota est. quomodo ergo sanatur spasmus a scabie & pustulis siue bothor, ut dicit Auic. uel pruritu manifestum est. postea Auic. dat aliud exemplum, quomodo una ægritudo sanatur alia superueniente. est enim semper copiosus homo iste in exemplis. dicit enim uenter quoq; propter oculorum ægritudinem similiter sanatur, idest fluor uētris sanatiuus est ab ipsa ophthalmia. Sed uidetur dicere totum oppositum illi quod dicit Hipp. nam Hipp. inquit ægritudines oculorum siue ophthalmiæ sunt sanatiuæ à fluoribus uentris. uideatis ipsum in sexta particula aph. quando dicebat, in oculis lippientem siue ophthalmiam patientem quomodo

modocunq; dicatis si superueniat fluor alui, bonum est
quomodo ergo dicemus? dico quod aut tex. huius
literæ est corruptus quod magis credendum est, cum
hoc scire non possimus. non hoc diceret Auic. Sed si
tex. est bonus, tunc possumus dicere quod possunt
esse inter se causæ quædam circulares, ita quod fluor
alui soluit ophthalmiam, & e contra, nam cum mate-
ria ipsa defluit ad unum locum eorum si ad alium eo-
rum quoq; discedat, tunc ab illo primo remouetur.
ægritudo. ophthalmia enim est in genere destillationū
secundum quod Gal. dicebat in secundo de differentiis
februm. ideo cum fiat propter materiæ defluxum ad
ipsum oculum, si contingat quod materia illa quæ as-
sueuit fluere ad oculum fluat propter aliquid ad ip-
sam aluum, tunc fit sanatio ipsius ophthalmiæ, si au-
tem materia fluxerit ad uentrem fit fluor uentris, si
contingat quod illa materia, quæ assueuerat fluere
ad aluum, fluat aliqua de causa ad oculum, tunc fit
ophthalmia, sed fluor alui cessat, & ita sibi inuicem
erunt causæ sanatiuæ, quomodocunq; sit, saltem di-
cendum est quod protulit hoc secundum membrum, et
per illud uoluit intelligi, & oppositum gratia breui-
tatis, Cum inquit uenter, idest fluor uentris, qui est
ægritudo, sanatur propter superuenientem ægritu-
dinem oculorum, hoc est ophthalmiam. postea dat
aliud exemplum de sanatione ægritudinis unius pro-
pter aliam superuenientem, & dicit. Et lienteria sa-
nat apostema lateris, per lienteriam intelligit fluore
alui, in quo egeruntur illa eadem, quæ suscepta erant
in

in cibum, sed debetis accipere hic lienteriam non proprie sed improprie, ille autem qui uertit Auic. propter ignorantiam interpretatus est hoc modo, neque enim credo hoc dicere Auic. Sed per lienteriam sumatis simplicem diarrhoeam. Inquit ergo Auicen. quod simplex diarrhoea sanat apostema lateris, per apostema lateris intelligatis pleuritidem. Sed uidetur hoc esse contra Hippocr. in aphor. partic. 6. quando inquit. à pleuritide & peripneumonia habito si diarrhoea superueniat malum est, ecce dicit malum est non autem bonum. quid ergo dicit Auic. quod sanat illam? Domini ne sitis ultra occupati, debetis scire quod Gal. exponens Hippoc. ibi excusat Auic. sed primo notate. quoniam ut declaratum est cum materia fluit ad aliquem locum de alio loco, tunc aut colligitur, aut exit, si colligitur tunc fit inflammatio in loco illo ubi colligitur, cum ergo materia fluat ad membranam succingentem costas, quæ dicitur pleura, cum non possit exire colligitur ibi, & fit inflammatio, cum ergo sit hæc inflammatio, quæ postea a loco dicitur pleuritis, habet duo tempora insignia, aut enim materia fluit adhuc ita quod est adhuc in principio, & parum in augmento, aut fluxit omnino, neque amplius fluit, sed omnino collecta est, iamque inflammatio facta est, & est status ipsius inflammationis. his stantibus Gal. declarat in comm. dictum Hippoc. in aphor. illo, & notat primo quod dixit, illi qui sunt capti, siue habiti a pleuritide, &c. dicit enim cum iam sunt capti, id est cum iam inflammatio facta est, & eius status est, mo-
do

do omnino fluxit, non fluit amplius, sed impacta est in membrana illa, ideo in hoc casu si superueniat diarrhœa serum remedium est, ideo dicit malum tarde uenire bubulci, iam materia impacta est, neq; potest amplius fluere, & sic diarrhœa nihil iuuat, sed ultra hoc quod nihil iuuat nocet, quapropter dicit Hippoc. malum est, natura enim debilitatur & calor ipse, sed hic indigemus concoquente, digerenteq; materiam illam impactam, quomodo ergo concoquetur si calor, qui id prestare debet minuitur? malum est & moriuntur. si modo in primo casu quando materia nondum fluxit sed fluit adhuc, neq; impacta est, superueniat diarrhœa, tunc materia quæ transmittebatur ad mēbranam succingentem costas pro facienda pleuritide transmittitur ad intestina, & sic diarrhœa quidē fit, sed pleuritis remouetur. & hoc modo non est malum, sed bonū, melius enim est habere diarrhœam quā pleuritim, & hoc modo bene dixit Auic. hoc in loco, neq; contradicit Hippoc. immo ambo iuncti dāt nobis maximam in hoc doctrinam, distingue tempora & solues difficultatem. Quare non semper timeatis in pleuritide cum superueniat diarrhœa, sed neq; semper speretis salutem, sicut faciunt isti empirici, sed distinguite per signa, an sit inflammatio in principio, an in statu, sicut declaratum est. & ideo uidetis quomodo Gal. soluit hanc apparentem contradictionem. Iungite ergo uos cum Auic. Gal. & habebitis medicinam, & si iungatis ita ut in talibus locis qualis est iste, glossetis & scribatis in uestris libris, uos habebitis

tis aureum librum . nam isti Auicennistæ qui non uide-
 runt Gal. sed tantū Auic. habent hanc regulam fir-
 mam, certamq; appellant ipsi canonem . uident enim
 Auic. non distinguere sicut fecimus nos, ideo ita ha-
 bent illum canonem certum, quod tamen falsū est,
 nisi declaretur modo dicto . postea Auic. dat aliud
 exemplum cū dicat, & similiter an uenarum . apertio
 omnibus confert melancholicis ægitudinibus, & do-
 loribus sciæ, & doloribus renum, & matricis . Ecce
 quomodo una ægritudo alij superueniēs sanat ipsam,
 nam apertio ipsarū hæmorrhoidum sanatiua est mor-
 borum melancholicorum, ut doloris sciæ, doloris re-
 num, & huiusmodi, sanatiua est quoq; doloris arti-
 cularis, sed istorum morborum sanatiua est aliorum
 quidem per se, aliorum autem per accidens . sanatiua
 est quidem melancholicorum per se : pro hoc est aph.
 Hippoc. in insipientibus & melancholicis, si aperiā-
 tur hæmorrhoides bonum . ratio autem huius est quo-
 niam illæ uenæ purgant sanguinem melancholicum,
 ideo cum ex eo fiant morbi melancholici si euacuetur
 sanātur, euacuatur autem per apertionem istarum
 uenarum uel arte factam, uel natura . Sed si natura
 fiat, melius est, unde ut tribuamus honorem illi cui
 debetur, dicimus quòd nesciretur quomodo istæ uenæ
 euacuent potius sanguinem melancholicum, quàm
 alios humores, immo deberent euacuare omnes hu-
 mores simul si orirentur a uena caua, sicut isti dice-
 bant, qui anatomiam exercebant, uerum Vessalius
 mihi in anatomia ostendit quomodo nascuntur a uenis
 ipsius

ipſius lienis, ſicut poteſtis uos quoq; uidere in ſuo lib.
anatomico, ipſe fuit caſtigatoꝝ huius maximi erroris
priorum, nam bene hoc pacto poteſt euacuare ſan-
guinem melancholicum potius quàm alios humores,
quoniam ſcitis lienem proprium locum eſſe ubi expur-
gatur ſanguis melancholicus, ſicut declarauimus an-
no elapſo in prima primi. Ecce quomodo potior ra-
tio eſt quòd expurgent melancholicum, bene uerum
eſt quòd quandoq; euacuantur alij etiam humores,
per apertionem uenarum hæmorrhoidarum ſanatur
dolor hiſſiæ quæ tranſfert iſte dolorem ſciæ, neſcio
iam ubi inueniat hoc nomen ſed dicitur a noſtris do-
lor coxendicus, nam cum euacuetur ſanguis, ſic per
uiam deriuationis ſanatur hiſſia, quoniam locus eſt
propinquus ipſis uenis, quod quoq; cognouerunt iſti
moderni practici, qui quidem in huiusmodi dolore ſo-
lebant imponere clyſteria acuta, quæ quidem aperti-
rent hæmorrhoidas, ut ſanguis euacuaretur, & per
deriuationem ſanetur hiſſia, nam cum exit ſanguis
ſecum trahit quoq; humorem pituiſoſum qui adhære-
bat uertebæ coxæ & faciebat dolorem, ſicq; ſana-
tur. ſanatur quinetiam per apertionem uenarum hæ-
rum dolor articularis, eodem modo cum euacuetur
ſanguis trahatur quinetiam ſimul pituiſoſus humor,
unde uidebitis aliquando ſanguinem illum qui per eas
uenas euacuatur eſſe citrinum, aliquando album a-
quofum, nam cum exit trahit de humoribus ſecundū
quòd peccant præcipue exiſtente loco propinquo.
hos autem morbos ſanat per accidens apertio hæ-
morrhoida

morrhoidum, non autem per se, quoniam per se sanat melancholicos, sicut iam declaratum est. & ideo dicit quod sanat quoque dolorem renum & matricis per derivationem eodem modo. cras finiemus hoc caput postquam non uultis me hodie perficere.

LECTIO XXXIX.

ET est, cum ægritudines in alias mouentur ægritudines, & propter hoc fit dispositio maioris malitiæ, &c.) Videbamus in superiori lectione illud membrum diuisionis illius, quæ dicebat ægritudinum, quæ mutantur in alias, aliæ sunt quæ mutantur in alias ad bonum, aliæ ad malum, uidimus dico illud membrum de his quæ mutantur in alias ad bonum exceptis multis illud declaratum est a nobis cum Auicenna. Nunc modo aggregatur membrum oppositum in diuisione, quando uidelicet mutatio fit de ægritudine in aliam ægritudinem ad malum tamen, ita quod ægritudo in quam fit mutatio est peior illa ex qua facta est. postea dat exemplum dicendo sicut cum mutatur apostema lateris in apostema pulmonis, per apostema autem lateris intelligatis pleuritidem, quam uulgares medici appellant pleurethm, quæ est inflammatio membranæ succingentis costas, quæ dicitur pleura, ex qua nomen suum traxit, sicut in externa lectione quoque declaratum est satis in alio proposito, quæ inflammatio fit ex pura materia biliosa, aut ex sanguine subtili; Vnde optime dicebat Gal. in pleuritide fieri febrem accedentem de

tertio in tertium, & est sicut phrenesis, quæ est inflammatio membranæ cerebri, neq; enim differunt pleuritis & phrenesis ipsa materia, quoniam ab eadem fiunt materia, sed per locum in quo fiunt, quoniam ista in membrana succingente costas, illa uero in membrana ipsius cerebri. peripneumonia uero est inflammatio in substantia pulmonis, eamq; uocat Auic. apostema pulmonis. hoc stante declarato dicit Auic. quòd quando fit mutatio de pleuritide in peripneumoniam, tunc est mutatio de ægritudine in ægritudinē ad malum, quæ dicitur quidem peripneumonia, peior est pleuritide hac ratione, quoniā quæcunq; incommoda solent accidere in pleuritide, accidunt quoq; in peripneumonia in longe peiora, atque maiora, nam sicut in pleuritide est anbelitus difficultas, sic in peripneumonia est & longe maior, cuius signum illud est quòd omnes peripneumonici moriuntur suffocatione, nam cum membrum spirituale faciensq; principaliter ad respirationem, uidelicet pulmo neq; possit constringi dilatariq;, præterea cū sit membrum nobilius ipsa membrana quæ pleura nominatur. amplius longe propinquior est ipsi cordi ideo longe maior est difficultas respirandi in peripneumonia quàm in pleuritide. propterea dicebat quoq; Gal. quòd febres illæ quæ fiunt in peripneumonia, sunt longe peiores & acutiores quàm illæ quæ fiunt in pleuritide hac ratione, quoniam illæ sunt longe peiores febres quæ fiunt propter inflammationem membri propinquois ipsi cordi, quoniam citius magisq; commu-
nit

nicatur calor innaturalis illi, sed pulmo ut dictum est longe propinquior est ipsi cordi, quàm membrana illa. Cum ergo peripneumonia sit in nobiliori membro quàm pleuritis & rationibus alijs dictis, ideo peripneumonia peior est ipsa pleuritide, cuius signum est illud, quòd peripneumonici non pertransseunt ad summum septimum diem, sed pleuritis septimum & 14, & 20, immo & 40, sicut dicit Hippoc. & Gal. narrat de quodam qui dicebatur Anaxion in primo aph. sicut scire potestis. Habetis ergo hactenus quid sint istæ duæ inflammationes, quæ sit peior, in quo membro fiant, nunc reliquum est uidere, quomodo mutatio fieri ista possit. Cum ergo pleuritis sit inflammatio membranae succingentis costas ex materia ibi collecta per defluxum ipsius ab aliquo alio membro: ideo dicamus quòd in hac inflammatione duo principalia tempora consideranda sunt nunc, sicut heri quoq; dicebamus, unum est quando materia defluit, alio uero modo quando defluxit, idest uno modo considerari potest pleuritis quando fit, alio modo quando facta est. si consideratur secundo modo, quando iam facta est, tunc non potest mutari in peripneumoniam, sed aut mutatur in dissolutionem, aut in suppurationem, aut in sphacelismum: si expuatur materia dissolutio subsequitur, si aut fiat sanies suppuratur, quoniam cum non expuitur, ibiq; remanet, tunc putrescit, mutaturq; in suppurationem: & hoc est quod dicebat diuinus ille Hipp. in aphor. quòd pleuritis si pertransit 14 diem, nisi expuatur materia uertitur ad suppurationem,

aut

aut in sphacelismum, cum sit corruptio ipsius mem-
bri, & sequitur mors, nullo autem istorum modoru-
trium est peripneumonia, ergo pleuritis facta non
mutatur in peripneumoniam quod querebamus, sed
si in eam mutatur (neq; enim nego possibilitatem hu-
ius) tunc potest mutari, postquam iam facta est sup-
puratio & longinque, quoniam longum tempus re-
quiritur ad hoc quod fiat talis mutatio, sed quando
fit mutatio ista? dico quod fit quando uidelicet pleu-
ritis adhuc est in principio. i. quando fit, quando ipsa
materia adhuc fluit, neq; impacta est in illa membra-
na, & defluxus materiæ magnus est, magnus autem
est dupliciter, aut propter quantitatem, quoniam ui-
delicet fit maior quantitas quam soleat esse ipsius ma-
teriæ ad faciendam pleuritidem, aut quando quidē ma-
teriæ est ordinata quantitas, sed uirtus debilis & de-
fatigata est, ita quod non potest illam regulari, nam
cū materia colligitur et defluit, natura habet optimū
intentum, quoniam intendit expellere totam mate-
riam omnino extra, sed cum propter quantitatem ni-
miam ipsius materiæ non potest eam expellere, aut
quia cum expellit in medio defatigatur, ideo defluit
materia illa ad pulmonem, & possumus addere tertiū
quod uidelicet uirtus non potest materiam illam ex-
pellere, quoniam nimis uiscida est & crassa, ideo ad-
hæret neq; potest eam impingere. ista autem mate-
ria potest esse bilis illa pura non commista alij humo-
ri, quæ uiscida est, a Gal. dicta uitellina, aut est bilis
cum pituita, & ideo non potest expelli ad membra-

nam, neq; eā penetrare, quoniam scitis ex anatome illam membranam esse crassam, duram, densam, ideo non potest in eam ingredi nisi materia subtilis, unde bene propterea dictum est quod pleuritis non sit nisi ex bile pura, tenui, aut sanguine subtili, quoniam alia materia non potest penetrare illam membranam, cum ergo materia illa non possit recipi in membranam, de fluit ad pulmonem, & ibi fit inflammatio, quam uocamus peripneumoniam, quod quoque cognoscens ille Aretheus medicus antiquissimus maximæ authoritatis homo neq; contemnendus, quem credo fuisse ætate illa parum post Hipp. & uir quidem maximus, qui quidem damnat Hipp. curantem pleuritidem per sectionem uenæ eiusdem lateris, hoc enim inquit non est bene dictum, neq; nominat Hipp. ideo omnino credo eū fuisse ætate Hipp. & eius æmulum, tanquam quod nihil faceret Hipp. qui dixerat faciendam missionē sanguinis ab eodem latere in 4. reg. acut. nam inquit Aretheus Hipp. incidet in unum duorum (non nominat tamen Hipp. etsi ego nominem) aut enim facta sectione uenæ in pleuritide uirtus cadit omnino, & sic sequetur mors infirmi, aut relinquetur debilis & imbecilla, & sic materia illa quæ transmittenda erat ad membranam, cum uirtus non possit sustinere, & sic fluet ad pulmonem, & fiet peripneumonia maior ægritudo quàm prima. Ideo Aretheus consulebat non esse faciendam missionem sanguinis ab eodem latere, sed ab opposito Hipp. autem ut intelligatis faciebat missionem sanguinis ab eodem latere usq; ad syncopē, propterea

propterea motus est Aretheus contra Hipp. Vnde nō oportet contemnere opinionem illam Arabum sicut aliqui faciunt sine maxima ratione, quoniam nō oportet dicere sicut dicunt isti esse opinionem Arabum. fuit enim opinio antiquissima, sicut uidetis, & ita antiqua sicut opinio Græcorum, nam fuit summorū maximorūq; uirorum græcorum Arcthei uidelicet & Archigenis & aliorum. Archigenes enim damnabat Hipp. in hoc quoq; sicut recitat Oribasius & post ipsum ult. Aetius. Vnde ille quoq; consumatissimus medicus Auenzoar dicebat quod missio sanguinis ab eodem latere est mors ægri. ecce quod dicit idem quod Aretheus si optime hæc uerba consideraueritis, quasi dicat, aut morietur propter casum uirtutis aut fiet peripneumonicus propter debilitatem uirtutis; & credo quod Auenzoar legerit Aretheum omnino. ecce ergo quomodo animaduertit nostrum dictum Aretheus ille maximus, quod propter debilitatem ipsius uirtutis de pleuritide fiat peripneumonia. Habetis ergo quid sint pleuritis & peripneumonia, cur fiant, & quomodo ex pleuritide fiat mutatio ad peripneumoniam, tanquam à leuiori ægritudine ad grauiorem peioremq; . his uisis atq; optime intellectis patet modo quomodo omnes expositores hallucinentur, & dico omnes; neminem excipio, quoniam Auic. est breuis, & ideo nesciunt distinguere & declarare rem ipsam, est autem ita breuis Auic. & hic & ferè ubiq; , ut uerum sit quod dicebat meus præceptor Nicolaus ille Leonicens, dum breuis esse laboro obscurus fio.

idcirco; ergo Auic. (Et sicut cum mutatur pleuritis in lethargiam) dat enim aliud exemplum, hicq; ut dixi omnes errant, sed scire debetis primo Domini. & pro certo habere, quod nunquam ex uera phrenitide potest fieri uera lethargia, quæ mutatio est à meliori ad peiorem ægritudinem, hoc habetis ab Hipp. & Gal. etiam, non enim est dictum meum istud, ratio huius reddetur, quoniam phrenitis sit ex bile pura, lithargia uero ex pituita pura, loquor ego de ambabus ueris, non autem transumptiuis, & non ueris secundum Gal. primo libr. prorit. sect. prima com. primo, modo ex pura bile non potest generari pituita, non enim potest fieri mutatio de bile in pituitam, ergo neque phrenitis potest mutari in lithargiā ueram, cum enim fiant ambæ in eodem omnino loco, uidelicet in membrana cerebri, non possunt mutari per mutationem loci, ergo mutabitur una in aliam ratione mutationis unius materiæ in aliam, uel quia una earum ægritudinum recedit, altera uero subsequitur in eodem loco, sed non potest esse, secundo modo, quoniam non esset mutatio unius ægritudinis in aliam neque transitus, sed esset potius quædam successio unius ad alteram, ergo relinquitur quod phrenitis mutetur in lithargiam, per mutationem ipsius materiæ, ita quod materia quæ faciebat phrenitidem, mutata est in materiam facientem ipsam lethargiam, modo materia phrenitidis est bilis, lethargiæ uero pituita, & per dicta bilis non potest mutari in pituitam, quoniam pituita crassa est, modo si bilis fieri debet pituita

ta in eamq; mutari, oportet quod increassetur, sed quāto magis increassatur bilis, tanto magis aduritur, & magis tendit ad naturam melancholiæ, pituita autem ultra hoc quod est crassa, est etiam humidissima & uiscida, ergo relinquitur quod phrenitis uera non potest mutari in ueram lethargiam. Moderni isti in hoc passu multa dicunt & imaginantur, quæ omnia falsissima sunt. Ego non recitabo eorum opiniones & falsas expositiones postea confutando eas sicut solēt aliqui facere. sed dicam tantum id quod mihi suppetit pro Gal. & rei ueritate. Vos postea poteritis legere eos & uidebitis omnia eorum dicta solui, & falsitatem eorum apparere. Dicamus ergo quod phrenitis potest esse & uera sicut dictum est, & non uera, siue non pura. quando est uera ac pura tunc fit à bile pura, & est inflammatio in membranis cerebri, et cum cerebrum sentiat mediantibus his membranis, ideo existente in ipsis talis inflammatio periculum est ne corrumpatur principium ipsius sensus & motus, quod est cerebrum, & ideo natura conatur multum quo ad fieri potest ad expulsionem huiusmodi materie, & ita magna pugna fit eo tempore, dum uidelicet inflammatio fit, sed nondum completa est, cum uero iam factum est apostema in tota earum substantia, tunc sicut dicebat Gal. in illo primo prorit. sect. secunda ad medium illius sect. neq; enim sunt distincti tex. sed illud cap. incipit Tremulæ, & c. (non memini uerba) fit quasi hæctica ipsius cerebri, & dabat ibi accommodatissimum exemplum. dicebat enim quod

est ac si lana iam infecta sit aliquo colore, ita quod amplius non inficitur, & tunc pugna completur, & natura iam prosternitur, atq; decumbit. in primo casu tales homines, quoniam natura nititur expellere materiam, manent inquieti furuntq; , sed in secundo casu cum natura prostrata est, iam illi uidentur dormire, & quieti manent tanquam agni sine uerbis, non dormiunt tamen, sed secundum Gal. dicta habent potius quandam impotentiam ipsius uigiliæ & uidentur lethargici, cum tamen non sunt, cum habeant accidentia illa, quæ contingunt lethargo, quam mutationem quidem de illa furiositate in hanc taciturnitatem appellat arabes medici, & nostri moderni eos insequentes subet, quoniam tunc manent ægri quieti, cum uocantur non respondent, & uidentur ut dixi dormire, moriunturq; isti homines, neq; alio modo potest uerti phrenesis in lethargiam ueram. si autem loquamur nos de phrenesi non pura non uera, & sic de lethargia ut phrenesis fiat ex materia pituitosa commista cum bile ipsa, tunc dicitur Abetsara ab Arabibus, & isti habent soporem & uigiliam simul, soporem quidem ratione ipsius pituitæ, Vigiliam autem ratione subtilis humoris uidelicet biliosi, de qua Auic. in prima tertij loquitur. si ergo consumitur ista materia tum pituita, tum bilis, tunc isti liberantur a tali morbo. si autem consumitur sola pituita, sicut par est eam consumi, & remaneat bilis, tunc remanet uigilia & destruitur sopor. estq; mutatio in ueram, puramq; phrenesim. si autem consumitur bilis & remanet

manet sola pituita, tunc mutatur phrenesis in lethargiam ueram. hoc autem facillime potest fieri, quoniam humor subtilis dissoluitur citius quam ille humor pituitosus crassus & uiscosus, propter dominium frigiditatis in eo, quoniam tunc calor occupatur, & non potest resolvere illum, & hæc permutatio de phrenesi in lethargiam est permutatio unius ægritudinis in aliam ad malum, non autem ad bonum, quoniam multo peior est ista lethargia pura, quam phrenesis non pura. habetis ergo quomodo phrenesis pura non potest mutari in lethargiam puram, sed bene phrenitis non pura potest in ipsam uerti, habetis quoniam consequenter, quomodo Auic. intelligatur in dicto suo per expositionem Hippoc. & Gal. His modo sic stantibus, & declaratis inquit Auic. pauca quedam de contagio, de quo nos perfecte locuti sumus, & illis auditis intelligere ista facillimum erit. Quando dicit. (Et est præterea ex ægritudinibus quedam quæ de uno ad alium transit, sicut, lepra scabies, & variolæ, & febris pestilentialis, & apostemata putrida, &c.) Contagium autem aut fit per medium aliquod, aut sine medio, sicut morbus gallicus, scabies, & huiusmodi. per medium autem dupliciter dicebamus fieri posse, aut per medium corporaliter alteratum. aut per spetiem solum transeuntem. de his omnibus dixisse satis puto. Auic. autem hoc in loco dicit quedam de contagio, quod fit per medium corporaliter alteratum, præcipue tamen de ipso mediante acre facto, & dicit illa

quæ non sunt sua in hoc tractatu, sed transcripta sunt ab eo ab Arist. in septima particula problem. quem diximus quoq; diminute de eo agere cum illis qui ipsum interpretantur in illo loco, quoniam non cognouit alios modos contagij, sic & Auic. tractat de hoc solo modo, quoniam neq; ipse cognouit alium modum præter ipsum, sed id quod Arist. cognouit transcriptum, sed nos uolentes omnino dare uobis notitiam perfectam completamq;, numerauimus omnes modos quibus fieri potest contagium usq; ad unguem, ut nihil desit, sic quoq; de consensu, modus ergo iste de quo loquitur Auic. hic est quando medio contagium fit, quod medium corporaliter alteratum sit, ut puta quando medium uaporibus putridis inficitur, et dat exemplum, quando dicit, (sicut lepra, scabies, & variolæ, febris pestilens, & apostemata putrida). Et hoc modo alteratio ipsius aeris fit, & addit (præcipue cum domus stricta fuerit, & similiter cum uicinus fuerit sub uento,) ratio est quoniam facilius a uento asportantur uapores putridi, ad alium uicinum. postea dat secundum modum contagij quod quidem fit per medium alteratum corporaliter, sed per solum spiritum transeuntem, sicut ophthalmia cum quis oculum alterius inspiciat, dicebamus quoq; nos supra, quod si quis sanus intueatur oculum alterius ophthalmici, corripitur quoq; ipse ophthalmia illa, quoniam spiritus animales transeunt ad oculum ipsius, & sic inficiunt illum; subdit quoq; tertium modum qui fit adhuc per spetiem ipsam transeuntem,

tem, quando inquit sicut congelatio cum imaginatur aliquis quod acetosum illud operetur. per congelationem intelligit stuporem dentium. Cum quis aspiciat aliquem comedentem aliquid acetosi tunc insurgit imaginatio ad imaginandum, & imaginatur illud acetosum, & iubet spiritibus ipsis motiuis, & sic stupent dentes, quoniam uidetur quod comedat acetosum. præsciuerat enim quod omne acetosum est dentium stupefactiuum. postea dat aliud exemplum, cum inquit, (Et sicut phthisis, & Albaras.) hoc autem exemplum erat potius ponendum in primo modo, sed Auic. sicut sæpius facere solet, posuit primo modum illum, postea interposuit quosdam alios modos, deinde posuit hoc exemplum cum debebat ponere illud in primo modo contagij dicto, non est amplius repetendum. Deinde loquitur de ægritudinibus, quæ quidem hæreditantur ex familia propria, quando dicit, (Et sunt ægritudinum quædam quæ in semine hæreditantur, sicut albaras alba, & tinea naturalis, & podagra, phthisis, & lepra) Ratio autem cur hæreditentur ægritudines ex spermate, & quomodo fiat hoc, dico quod est propterea quia scitis sperma esse sanguinem ultra concoctum, ideo cum illi qui patiuntur tales ægritudines, quales numerauit iam Auic. habeant generare filium aliquem, quoniam habet infectum sanguinem, & cum ex eo fiat sperma, relinquitur quod sperma ipsorum infectum relinquetur, quoniam materia infecta erat, & ideo filius genitus ex spermate illo infecto eadem ratione

tione ipse quoq; infectus erit, ita quòd cum ad talem
 ætatem peruenerit fiet phthisicus aut leprosus, se-
 cundum infectionem ipsius spermatis, ex quo tanquã
 ex materia genitus est, modo phthisici habent sangui-
 nem infectum illa lue, si leprosi, loquendo de illis qui
 habent lepram, quæ est uera elephantiasis, sic affe-
 cti podagra, doloreq; articulari, eodem modo dici-
 mus de his qui patiuntur albarum albam. albarum au-
 tem duplex est, alia nigra, alia alba, alias uocant al-
 barum morpheas, & dicunt morpheam albam, aliam
 nigram, albam Græci appellant α'λφον, nos nomi-
 namus utiliginem πλυνξή à Græcis dicta, illa albarum
 alba est ex materia pituitosa dura, quæ ut diximus hæ-
 reditari potest, quoniam illi patientes eam habent san-
 guinem infectum pituitosum. s. ideo inficitur quoque
 semen & consequenter fœtus, sic quoq; patientes le-
 pram, & qui patiuntur ophiastim naturalem hoc est
 a principio, habent enim hanc ægritudinem, quoniam
 non habent pilos, sed habent multos plexus sicut an-
 gues cum plicantur, non autem sicut exponunt isti,
 quoniam habeant modo squammarum sicut sunt illæ
 anguim, nunc enim loquor de anguib; nostris qui
 uidentur anguillæ, habent enim multos plexus, sed
 non squammas, non autem loquor de illis fabulosiss.
 & hæc est ægritudo proueniens propter coitum, quo-
 niam scitis quòd in coitu ponitur tota imaginatio, &
 in ipso spiritus a toto decidunt, non dico ego quòd san-
 guis decadat, quoniam est fabula illa, & quædam so-
 miniatio, ideo cum imaginatio ibi ponatur, & ipsi spi-
 ritus

ritus decidant in semen, cuius signum est quod oculi
cocuntium circumuoluuntur, quoniam spiritus deficiunt, & eo modo inficitur semen, & ita hereditatur ophiastis à foetu. Deinde inquit Auic. illud quod nos declarauimus supra, quando dicit, (Et sunt ægritudinum quædam quæ sunt generales, quæ sunt alicui genti propriæ, aut in aliqua regione morantibus, aut in eis multum abundant,) Nos dicebamus q. ægritudinum aliæ sunt, quæ per totum circūuagantur, aliæ sunt quæ dicuntur epidimiales, aliæ quæ accidunt omni populo determinate in quodam tempore, sicut erant Romæ hemitritei illi tempore ipsius Gal. postea inquit, (Debes autem scire membrorum debilitas sequitur malitiam complexionis, & solutionem fabricationis,) hoc manifestum est per se, nolo me extendere in hoc, quoniam non habeo tempus ut die Lunæ possim incipere tractatum de causis, habetis modo cōpletam ægritudinum doctrinam, & aliarum duarum expositionum. sunt enim fundamenta totius artis nostræ, quantæq. sint utilitatis sentietis, sed nunc non uidetis utilitatem, credite mihi quod uidebitis me non frustra aggressum esse hanc secundam Fen, legite modo quoscunque authores de istis dispositionibus, quod eas intelligetis.

LECTIO XL.

Doctrina secunda, Fen secundæ.

Caput primum est uerbum uniuer-
sale de causis.

CAVSAE dispositionum corporis qua-
rum iam premisimus narrationem scilicet la-
nitatis, &c.) Proponebatur, si bene memoria te-
netis in principio huius secundæ Fen, tractandum de
illis tribus rebus, uidelicet de dispositionibus, de cau-
sis, de symptomatibus ultimo, quoniam iam credo tra-
ctatum esse sufficienter de illis tribus dispositionibus
sanitate, ægitudine, & neutralitate, si danda est
& concedenda, quod erat primum propositum exa-
quendum in hac secunda Fen, modo in præsentia A-
uic. uult aggredi secundum propositum de ipsis cau-
sis, tum morborum, tum accidentium, quorum tra-
ctatus artificiosissimus est, & nobilior illo tractatu
de dispositionibus expedito, quoniam scitis antea quo-
que quod scientia propter quid est nobilior, & perfe-
ctior scientia quia est, supposita ergo illa definitione
data ab Auic. in principio lectionū nostrarum, quod
causa est illa, quæ primo est, ex qua etiam prouenit
lesio in operationibus principaliter, quoniam facit
morbum qui est eius effectus, diuidendæ sunt causæ
eo modo quo diuise sunt dispositiones. quoniam dispo-
sitionum aliæ sunt naturales, aliæ præter naturam,
aliæ

aliæ neutræ, si dantur, sic dicemus quod causarum
aliæ sunt naturales, aliæ præter naturam, aliæ neu-
træ. Supposita hac diuisione secundum Gal. dicamus
etiam quod causarum aliæ sunt salubres, aliæ insalu-
bres, aliæ neutræ, hoc modo enim diuidebat ipse in
lib. artis parue, salubres quæ possunt facere sanita-
tem, insalubres quæ ægritudinem, neutræ quæ neu-
tram dispositionem, sed antequam accedamus ad tex.
declarandum, sunt primo quedam præmittenda, &
declaranda, quæ tanquam fundamenta supponantur,
sicut solemus semper facere. Quoniam ergo definiui-
mus causam secundum Auic. definiamus modo etiam
secundum Gal. quoniam uidebitis maiorem fructum,
& utilitatem ex ea excerpi, quàm ab illa Auicennæ.
Gal. ergo in primo lib. de causis symptomatum, cap.
2. definiebat hoc modo ipsam causam. Causa est
quæ aliquid confert ad generationem ipsius rei. hæc
est Gal. definitio in qua quidem definitione, primo po-
nit quid est illa, addit. n. quæ ex propria natura sui cõ-
fert. dicit enim illud ex sui propria natura, ad hoc au-
tem quod causa ex propria natura conferat, requi-
runtur duo, primo quidem quod aliquid conducat pri-
mo, non autem secundo. i. non autem aliquo medio, ita
quod illa causa non possit illum effectum produce-
re, nisi mediante aliquo. Amplius quod agat per se,
tunc enim causa agens primo per se aget ex propria
natura. i. habebit propriam naturam ad agendū hunc
effectum, estq; de eius intrinseca ratione talis effectus
productio, sicut exempli gratia dicimus ignē ex pro-
pria

pria natura hoc agere, quòd calefacit, non autem calefacit per accidens sed per se, quoniam ex intrinseca ratione non per aliquid aliud, sic quoq; dicimus in re nostra proposita, quòd causa cum agit ad generationem alicuius rei per se, non autem per accidens, quoniam non per aliud medium sed immediate primo non secundo, tunc causa agit ex propria natura, quoniam nata est ad agendum talem effectum, postea dicit Gal. in definitione, confert aliquid; ad differentiã aliquorum quæ & si agant primo per se, tamen non conferunt aliquid ad generationem ipsius rei, exempli causa dicimus quòd locus primo per seq; agit ad generationem ipsius misti & consequenter ex propria natura, tamen non est dicendum quòd sit causa, quoniam nihil confert ad generationem illius, quæcũque ergo habebunt illas conditiones erunt causæ q; primo per se agant & ex propria natura conferant aliquid ad generationem misti ipsius; hæc est completa definitio causæ secundum Gal. quæ tradit longe maiorem ac subtiliorem scientiam quàm illa Auic. quoniam illa erat potius impropria definitio & uniuersalis, ista uero est propria & particularis, nulli alij cõueniens præterquam ipsi causæ. Potestis modo comparare utraq; alteri, & uidebitis nunquid sit uerum quod dico uobis. stante atq; supposita hac definitione, tunc elegans ingenium ex ea discurrens inueniet quot sunt differentiæ causarum, nam ex definitione alicuius rei definitæ statim apparent omnes proprietates illius, alioquin non foret bona definitio, illa enim

est principium & conclusio demonstrationis siue finis secundum quod Arist. docuit quoq; uos in secundo post. nam si causa illa est, quæ ex propria natura aliquid confert ad generationem effectus, ut optime definitum est, quot ergo erunt conferentia aliquid ex propria natura ad generationem, tot erunt causæ, si modo uerum est illud quod definitio conuertitur cum suo definito, sed nihil potest generari nisi ab aliquo generante, in generatione ergo requiritur ipsum efficiens, quod per se primo & ex propria natura conferat aliquid ad generationem ipsam, & hoc est una ex causis, sed quoniam quod fit est aliquid, oportet ipsum esse generatum ex nihilo aut ex aliquo, sed illud quod huic generationi subest nihil esse non potest, quoniam dicunt philosophi quod ex nihilo nihil fit. quare oportet esse aliquid, ex aliquo generatio fit ipsius rei quod uocabitur materia una, & ipsa ex causis, sed efficiens cum efficit, efficit propter aliquem finem, si modo uerum est quod non agit nisi quod intendit agere. finis ergo erit una ex causis, sed sciendum quod finis duplex est, & dupliciter considerari potest, uno modo finis extrinsecus, qui quidem & si primo per seq; agat ad generationem ipsius rei, tamen nihil confert ad ipsam, & hic finis non est de causis istis, quoniam non est in essentiam ipsius rei requisitum necessario, sed est de causis sine quibus non potest generatio esse. si autem consideretur alio modo, hoc est ut est intrinsecus in ipsa re, tunc primo per se agit, & necessarius est ad generationem ipsam, ad eamq; aliquid

quid confert, & ita erit una ex causis. quare hucusque erunt quatuor causæ, efficiens, materia, finis extrinsecus, & finis intrinsecus, qui quidem est ipsa forma. Ideo melius dicemus relinquendo finem extrinsecum, quod sunt quatuor causæ hoc modo, efficiens, materia, forma, & finis intrinsecus, quæ omnes causæ sunt, quando primo per se conferunt aliquid ad generationem rei, si secundum Arist. uolumus dicere, distinguendo scilicet finem ab ipsa forma, & si secundum Plat. sit prætermittenda, sed si comparemus uiam Peripateticorum ad uiam Plat. dicerem quod longe melius senserunt Platonici quam Peripatetici cum Aristot. Plato enim quem insecutus est in hoc casu Gal. uoluit finem non differre à forma, sed illas duas causas confundit loquendo de fine intrinseco; neque enim uidetur Proclus in Timæo separasse istas, ideo omnes Platonici confundunt illas. bene uerum est quod addunt postea præter Peripateticos instrumentalem causam, & ita erunt secundum ipsos quoque 4 causæ, nã efficiens. i. artifex non agit nisi aliquo mediante instrumento neque enim potest agere aliquid nisi habeat organum aliquod, & si non habet illud, utitur tunc manibus quæ sunt organum organorum secundum Gal. dicta in secundo lib. de usu partium, sic quoque anima quæ est causa mouens corpus utitur instrumento. i. spiritu & calore, qui idem sunt, sicut aliàs ostendimus expresso, qui quidem spiritus est dicendus causa, quoniam ex propria natura aliquid confert ad generationem ipsius rei, & ad motum ipsum, propter id enim factum

factum est, & hoc habet in sui essentia, ut deferuiat ipsi animæ mouenti conferendo ad passum ipsum aliquid. sed Peripatetici prætermiserunt illam causam tanquam superfluentem, reducebant tamen illam inter agentes causas, nullam enim differentiam inter agentem & instrumentalem. Quare dicam illud quod sentio nulli addictus, sed pro ueritate pugnando, quod Platonici longe melius sentiunt quam Arist. & Peripatetici, quoniam si esset uerum illud quod dicunt Peripatetici, tunc sequeretur quod instrumentum esset semper agens, tamen hoc falsum est, quoniam sunt aliqua instrumenta: quæ tamen agentes causæ. Amplius sequeretur ex dictis quod si aliquis interfecerit hominem gladio, tunc gladius est instrumentum, ergo agens per se, ergo puniendus est gladius, quoniam semper punitur agens, & sic puniendus est gladius & suspendendus, ponendus in carcerem, torquendusq; non autem homo, quod falsum iudicant omnes, & ita discurrete quod non inuenietis causam agentem aliquam, si non sit instrumentalis, & omne instrumentum erit uera causa agens, cum tamen instrumentum non agat nisi in quantum ponitur ipsi modus agendi ab ipso artifice, artifex enim est ille qui dirigit instrumentum ad opus agendum. ferra enim secatur quidem lignum, sed si debet secare, oportet quod ei ponatur modus secandi ab agente, alioquin non secaret, & secundum modum diuersum sunt uariæ operationes. sic dicamus in operibus naturæ, nam natura ipsa concoctionem intendit. istam autem facere non potest sine aliquo instru-

mento, & ideo est tanquam instrumentum calor ipse & aliud tamen. Quare apud Plat. dicemus quod causæ erunt quatuor contemnendo formam, nam primo est efficiens, postea materia, finis, & instrumentum, de quibus Gal. tractat in sexto de usu partium cap. 12. & in lib. de causis procatar. nullibi tamen sequens Plat. connumerat formam, quoniam quando dicimus finem intrinsecum, includitur in eo forma, & omnes causæ numeratæ secundum Gal. habent omnes conditiones requisitas ad hoc quod sint causæ per se, primo ex propria natura aliquid conferunt ad generationem rei. Quare optime rectissimeq; dicuntur causæ. Quapropter inde colligitur, sicut dictum est, quod locus non est proprie causa dicta, quoniam nihil confert ad generationem rei. bene dicetur causa per accidens, quæ causa non est propinqua ipsi effectui. tamen sine eo non potest generari res, quoniam nihil generatur quod non sit in loco. Ex his sequitur causas antecedentes sic dictas ab istis medicis non esse causas nisi per accidens, quoniam inter ipsas & effectum intercedit alia media causa, sicut exempli gratia in humano corpore plethoria est causa antecedens non per se, sed per accidens causa est ipsius ægritudinis, quoniam inter ipsam plethoriam & ægritudinem intercedit alia causa, neq; enim fiet ægritudo, nisi adueniat aliqua alia causa media; bene disponit ad ipsam ut statim superueniente alia sit ægritudo, ideo plethora siue cacochymia referendo ipsam ad morbum non est causa eius per se, sed per accidens, quoniam acci-

dit quòd plethoria disponit corpus ad ægritudinem, tamen non inducit eam nisi per aliam causam, secundo sequitur ex dictis quòd causa coniuncta, & causa proprie dicta, de qua hactenus locuti sumus, sunt idē, sub duobus tamen nominibus, quæ nomina sunt synonyma, causa enim cōiuncta ex propria natura confert aliquid ad generationem ipsius rei, ergo est causa proprie dicta & ita inter se conuertentur, illa autem est causa coniuncta inter quam & effectum nihil intercedit, sed effectui immediate adhæret, tertio sequitur quòd non est differentia an illa causa cōiuncta sit extrinseca, an intrinseca, dum modo adhæreat ipsi effectui. nam si aer feruens inducat in aliquod corpus febrem ephemeram, tunc aer est causa coniuncta ipsius ephemeræ, quoniam inter ipsum & febrem non aliquid, sed ei immediate adhæret, sic etiam intrinseca est causa coniuncta, si accipiamus febrem putridā, huius causa est ipsa putredo coniuncta, quoniam inter putredinem & febrem nihil intercedit secundū Auic. nam nunc pro certo non de reliquo, quoniam inferius uidebimus quid hoc tanquam uerum ei sit concedendum, de ratione ergo causæ coniunctæ est quòd inter ipsam & suum effectum nihil mediet, siue modo sit extrinseca, siue intrinseca, nihil refert. Sequitur quarto quòd causæ inter quas aliquid accedit non sunt causæ per se, sed per accidens. Est tamen notandū quòd tripliciter per accidens sumi potest hic primo quidē quando est aliqua causa, quæ apta nata est ad agendum aliquod opus, sed illud non agit neq; agere potest

nisi aliquo medio, & ideo non dicitur causa per se sed per accidens, sicut dicimus plethoriam esse causam ipsius ægritudinis per accidens, quoniam est quidem apta ad faciendum ægritudinem, sed tamen non potest eam facere nisi aliquo medio, & ideo non dicitur causa per se, secundo dicitur per accidens illa causa, quæ primo per se quæ facit ad generationem, sed tamen nihil confert ad generationem ipsius rei, sicut dictum est de loco, nam locus quidem necessarius est, quoniam sine eo non potest generari, cum oporteat omne corpus in loco esse, tamen nihil confert ad generationem ipsius rei, & istæ causæ dicuntur sine quibus non per accidens quidem sunt, sed tamen cum hoc necessarie, tertio dicitur causa per accidens alicuius effectus quando non facit effectum illum quem innata erat facere, sed facit alium contrarium, quem non debebat facere, nam aqua frigida innata est frigesfacere, calefacta autem calefacere, tamen illa frigida si uiro calido in æstate tribuatur, magis auget calorem ipsum, quoniam cōstipat poros & ita retrocedit calor ad intimas partes, ibique roboratur & augetur, tamen hoc fit per accidens, non autem per se, quoniam frigida aqua nata est non calefacere, sed frigesfacere. sic aqua calida aliquando frigesfacit, tamen apta nata est calefacere. & his modis dici possunt causæ per accidens. His sic fundatis, debetis modo scire quod causæ huiusmodi sunt aliter considerandæ in naturalibus, aliter uero in his quæ sunt præter naturam, aliter ratione medici, aliter uero ratione subiecti corporis.

Quantum

Quantum ad primum dico quod causæ istæ possunt considerari ratione rerum naturalium, & hoc modo necessariae sunt omnes istæ simul, materia, finis, efficiens, & instrumentum, ut in sanitate dicamus; sanitas enim res naturalis est, in ea enim requiritur primo materia quod est corpus subiectum, in quo est sanitas, forma ipsius sanitatis quæ est finis, & efficiens sanitatem cum suo instrumento, sed in rebus præter naturam non omnes sunt necessariae, bene in illis est efficiens semper, alioquin non fierent, sic habent materiam in qua sustentetur, oportet enim eis aliquid subijci, ut exempli gratia corpus humanum, sed in his non requiritur finis, quoniã omne quod est præter naturam, finem non habet, quoniam finis habet rationem boni. sed ista præter naturam sunt mala, quomodo ergo in ipsis finis requiretur? bene requiritur instrumentum quod deferuiat ipsi efficienti. Amplius possunt considerari istæ causæ respectu ipsius medici, & hoc modo requiruntur omnes simul, nam primo medicus. Indiget agente .i. seipso, unde principium capit ipse motus, requiritur etiam subiectum in quod inducat sanitatem, & instrumentum quo inducat talem sanitatem, alioqui frustra medicus est. dicebat enim Gal. si memini in secundo lib. de crisi, quod ars nostra frustra est, si instrumentum deficiat. Et cum sit agens naturale agit propter aliquem finem, sicq; requiritur finis, quæ est ipsius sanitatis forma, sed in subiecto considerantur etiam alio modo quã respectu medici, et omnes requiruntur. Est

modo uidenda utilitas cognitionis causarum, quantum scilicet conferat scire distinctam scientiam causarum.

LECTIO XLII.

CIRCA materiam & considerationem de ipsis causis uidimus quid sit causa secundum Gal. & eius definitionem dedimus, ex qua multo maiorem succum attraxistis meo iudicio, quam ex illa prima Auic. uidimus etiam quotuplex causa secundum peripateticos & secundum plat. defendimus partem plat. Vidimus quid sit causa per se, quid per accidens, & quotuplex dicitur per accidens, diximusq; quod causa coniuncta & proprie dicta, idem omnino sunt, nunc modo restat uidere quanta sit utilitas, ut medici cognoscant causas: tanta enim est utilitas ut quid magis? neque enim possunt recte curari morbi, nisi causae facientes morbum cognoscantur, si modo uerum est illud, quod dicit Gal. quod morbus in curatione praesupponit cognitionem causae ipsius. Dicamus ergo quod medici antiqui omnes & moderni considerarunt causas dupliciter, uno modo dicebant illas esse causas, quae conferunt aliquid ad generationem ipsius rei, primo per se, sicut nos in hesternae lectione declarauimus, sed adhuc diuidebant has in duas, in synecticas, quas aliqui uocant continentes, alij uero ex his modernis infelicitur, & false coniunctas appellarunt, & inconsteruantes, siue immutantes, sed hic dicet quis fortasse non te intelligo. declaro me & dico quod causae
con=

tentiæ siue continentes quomodocunq; dicatis, dum-
 modo in re conueniamus, sunt illæ apud antiquos, quæ
 sunt intrinsecæ, & in ipsius rei essentia, quoniã con-
 tinent rem, uel quia continentur in re, ut in hominis
 essentia continetur corpus & anima, istæ sunt cau-
 sæ contentiæ ipsius rei, quæ est homo, conseruantes
 uero sunt illæ causæ, quæ non sunt in essentia ipsius
 rei, sed conseruant rem a corruptione & iuuant ad
 generationem; uel immutant ad corruptionem, &
 istæ uel sunt extrinsecæ, uel intrinsecæ; si sunt ex-
 trinsecæ dicuntur à Græcis $\omega\pi\omicron\upsilon\alpha\tau\alpha\gamma\eta\tau\iota\kappa\alpha\iota$, ab
 istis modernis primitiæ, intrinsecas autem nominat
 illas Græci $\omega\pi\omicron\upsilon\gamma\omicron\upsilon\mu\epsilon\upsilon\alpha$ isti uocant antecedentes
 cum ipso Auic. & bene notetis quantum ad hoc, quo-
 niam discetis quantum differat conceptus ipsius Auic.
 & horum modernorum ab illo conceptu optimo græ-
 corum antiquorum. Sed uideamus an in aliquibus anti-
 quis authoribus inueniamus ista dicta, ne uideantur
 esse imaginaria noua. dico ergo quod Gal. in primo
 lib. de differentiis pulsuum in principio fere, dat ex-
 presse causas contentiuas ipsius pulsus, quæ sunt in
 essentia pulsus, & sine quibus pulsus non est pulsus,
 & dicebat quod sunt tres causæ illæ contentiæ pul-
 sus: prima quidem est necessitas ipsa propter refri-
 gerationem ipsius caloris naturalis, secunda autem
 est ipsa facultas motrix, tertia est ipsum instrumen-
 tum, idest arteria: & si remoueatur unum istorum,
 pulsus remouetur. remoto enim instrumento manen-
 tibus alijs causis duabus tollitur pulsus, sic ablata ne-

cessitate euentandi caloris innati manente facultate
 & instrumento aufertur pulsus, sic remota facultate
 remanentibus alijs, & ideo istæ sunt causæ neces-
 sariæ in essentia pulsus existentes, & ipsum pulsum
 constituentes. & hoc est exemplum Gal. in rebus na-
 turalibus. Exemplum autem in rebus non naturali-
 bus habetis ab eodem Gal. in septima partic. aphor.
 30. aphor. si bene memini, super quo aphor. Gal. in
 comm. dicebat quando inquit Hippocr. Quibuscunq;
 excretiones spumose in diarrhoea, his a capite fleg-
 ma descendit, quod causa contentiua excrementi spu-
 mosi thoracis est spiritus existens in illa crassa matē-
 ria & uiscida, remoto enim spiritu aufertur spuma
 & flatus illæ, sic etiam materia crassa est contenti-
 ua causæ, quoniam ambæ sunt in essentia excremen-
 ti spumosi, eamq; constituunt, sed antecedentes cau-
 sæ sunt plures: est enim motus, nam quoniam agita-
 tur materia illa crassa uiscida, ideo eam subingredi-
 tur ipse spiritus, & fit spuma; calor quoq; causat
 spumam, sicut patet in rebus ebullientibus, quoniam
 spiritus generantur cum calor semper rarefaciat,
 sicq; spiritus cum materia crassa facit spumam, ca-
 lor ergo & motus sunt causæ $\omega\epsilon\omicron\alpha\gamma\omicron\upsilon\mu\upsilon\alpha\iota$ ipsius
 excrementi spumosi, quoniam generant causam con-
 tentiuam, quæ est ipse spiritus. & hoc est exemplū
 in rebus non naturalibus, sed in rebus præter natu-
 ram dicamus quod in agritudinibus sunt causæ contē-
 tiuæ, ut diximus superius ubi loquebamur de morbis.
 accipiamus autem febrem, febris non est calor, & si
 dica-

dicatur quòd sit calor, nam ut plurimum medici nominant aegritudines nomine causæ contentiuæ, sed calor est causa contentiua ipsius febris, sed febris semper est dispositio in prima specie qualitatis, dispositio dico facultatis, sed calor quoniam continetur in essentia ipsius febris, eamq; constituit, ideo dicitur cā contentiua tamen propter licentiam medici dicūt febrem esse calorem, cum calor sit ille qui facit febrem, febris autem sit dispositio, & hæc est ipsius formalis ratio, sed remoto calore febris remouetur, (loquimur nunc de calore febrili) posito autem ipso, statim constituit essentia ipsius febris, hoc enim in se habet causa contentiua ut ipsa remotæ, effectus remoueat, posita quoq; ponatur. Sed cum data sint exempla in morbis complexionis, demus modo quoq; exemplum in morbis compositionis. Dico ergo quòd in cataracta dicta sic à uulgaribus, ab antiquis medicis suffusio, aqua ipsa obturat foramen illud uueæ oculi, quæ aqua est crassa uiscida, quæ quidem est causa contentiua ipsius suffusionis, est enim in ipsius essentia, remota autem ipsa remouetur quoq; suffusio, posita ponitur. quod manifestum est si uolumus uidere illos qui detrahunt cataractas, quoniam quam primum perforarunt, & aqua exierit, statim homines patientes uident, si autem iterum colligatur materia, iterum quoque suffusio fit. Sed quid dicemus in aegritudinibus solutionis continui? dico quòd in his quoq; exemplum est tale, cum aliquod uulnus est in membro tum figura uulneris est causa contentiua ipsius uulneris quæ posita

posita ponitur, remota remouetur quoq; uulnus; nā
 figura est in essentia ipsius uulneris eamq; constituit,
 & ita discurratis in his tribus generibus morborum
 & inuenietis ubiq; si recte consideraueritis, causam
 contentiuam. Conseruantes autem siue immutantes
 causæ sunt & agentes & instrumentales. exemplum
 dabat quoq; ille idem Gal. de pulsationibus, ut in hoc
 quoq; uos permoueamus, nam contentiuæ causæ pul-
 sus sunt illæ tres dictæ, necessitas, facultas, & instru-
 mentum, sed conseruantes sunt in duplici differentia,
 aliæ enim sunt corporeæ, aliæ uero extrinsecæ, cor-
 poreæ quidem sunt humores crassi uitrei, qui immu-
 tant pulsum, si autem sint boni humores tunc conser-
 uant illum, extrinsecæ autem sunt sicut aer, qui qui-
 dem sua frigiditate facit quòd generentur humores il-
 li propter quos pulsus immutetur, sunt ergo hæ cau-
 sæ ordinē quodam se consequentes. primo enim sunt
 contentiuæ, postea antecedentes, corporeæ, & ex-
 trinsecæ ultimo, sic potestis uos quoq; dicere de spū-
 ma, quoniam ipsius causa contentiua est spiritus, an-
 tecedens autem corporea est multus calor, qui quidē
 à calore extrinseco intenditur, qui est causa antece-
 dens extrinseca. eodem modo dicamus de ipsa febre
 putrida, quoniam antecedentes intrinsecæ sunt ipsi
 humores putridi & uapores fuliginosi, putridi, petē-
 tes cor. sed extrinsecæ sunt sicut aer frigidus, nā aer
 frigiditate sua obstruit & constipat poros ipsius cu-
 tis, & cum humores non possint euentari putrescūt,
 fitq; febris putrida, ex quibus sequitur quòd morbi ip-
 si

Si tam ab antiquis quàm à modernis medicis appellatur nomine causæ cōtentiuæ (ut plurimū) unde Hipp. appellauit febrem calorem esse, cum tamen calor sit sicut diximus sit causa contentiua ipsius febris, sed qui est in ipsius essentia, ideo uidetur ipse esse morbus, sic etiam in suffusione, aliqui enim appellant eam aquam in oculo quæ tamen aqua est causa contentiua ipsius suffusionis, morbus tamen uerus est in uia, quoniam obstructio est illius meatus. de hoc habebimus in hoc cap. ab Auic. Modo hic uidendum est quòd causa contentiua & causa coniuncta non sunt idem, immo plurimum distant, nam illa est causa coniuncta, quæ immediate ipsi rei adhæret affectu, & inter eam & effectum nihil intercedit, causa autem contentiua est illa quæ intrinseca est, & est in essentia ipsius rei eaq; constituit, quæ posita ponitur, remota remouetur effectus, coniuncta autem ut dixi immediate adhæret effectui, sed non est in ipsius essentia. In febre enim uapores fuliginosi & putridi humores sunt causa coniuncta, contentiua uero est ipse calor, ex hoc tertio sequitur quòd coniuncta causa est in numero antecedentium causarum, quoniam etiam ipsa antecedit essentiam morbi, non autem est in eius essentia, nam febrem præcedunt putredo, humores putridi, & uapores fuliginosi ascendentes ad cor, est obstructio, est etiam infrigidatio, istæ enim non ponunt statim morbum. i. febrem, sed istarum illæ primæ sunt remotæ à morbo, istæ uero ultimæ ut putridi uapores & humores faciunt immediate calorem putredinalem. qui qui
dem

dem postea est causa contentiua ipsius febris, qua postea ponitur febris, remota remouetur, & hæc antecedens calorem & ipsam febrem, quoniam non est in eius essentia sed antecedit ipsum tempore, sola enim contentiua continetur in re, ideo coniuncta est causa antecedens. Ex quo apparet quomodo Auic. & moderni nostri errarunt in nomine primo ipsius causæ. secundo cum ignorantia ipsius nominis, & male impositionis quantum errant in re ipsa quam omnino confundunt, nam nominant isti contentiuam illam, inter quam & effectum nihil intercedit coniuncta, quæ sit in essentia rei, eamque constituat, & remoueat ablata; sed (ut dicebamus prius) medici antiqui considerant istas causas quantum ad illud quod est factum, ut curent ipsos morbos, nam istæ causæ uel conseruant sanitatem, uel immutant ad ipsam, uel ad ægritudinem. Et ideo conferunt ad finem medici, uel ad conseruandam sanitatem, uel remouendam ægritudinem. prout res exigit non enim considerant postea contentiuam causam quantum ad hanc considerationem. Quare sunt hoc modo causæ aliæ sunt contentiue, aliæ *ἡσυχαστικαὶ*, quarum aliæ sunt extrinsecæ, aliæ sunt intrinsecæ, extrinsecas appellant procatarticas primitiuas, intrinsecas autem corporeas seu corporales, quomodocunque dicatis nominetis modo eam etiam *συνδραστήριον*, modo conueniamus in re, sicut dicebat Gal. de nominibus non sit cura, nisi gratia intelligendi rem ipsam, sed quomodocunque sit, semper causæ istæ sunt efficientes, sicut quoque optime

optime dicebamus in expositione illius uerbi Auic. in principio huius secundæ Fen, quando dicebat causa in lib. medicorum est id quod primo est, &c. sed harum causarum efficiētium aliæ sunt extrinsecæ, sicut sunt sex ille aer, somnus & uigilia. cibus & potus, &c. Aliæ sunt intrinsecæ, sicut sunt humores ipsi qui si sint boni conseruant corpus ipsum in sanitate, si autem sint mali immutant ad ægritudinem, aut est qualitas aliqua alteratiua, non enim refert an sit corporea, an incorporea, dummodo habeamus hoc quod sunt in corpore, sed adhuc diuiduntur antecedentes causæ in duas partes, quoniam aliæ sunt quæ efficiūt aliquo medio ipsum effectum, & istæ dicuntur causæ per accidens, ut dicebamus quoque superius, aliæ sunt quæ sine aliquo penitus medio efficiunt, & istæ sunt causæ per se, dicunturq; causæ coniunctæ, neq; refert, an sint istæ causæ corporeæ, an extrinsecæ, quoniam potest esse quoque causa coniuncta extrinseca, dummodo agat immediate, non enim est de eius essentia, quod sit in corpore, sicut est de eius essentia, & intrinseca ratione quod inter ipsum & effectum nihil intercedat, quoniam alioqui non esset causa coniuncta, nam sol feruentissimus faciens febrem, eamq; imprimens in corpore alicuius mediante suo calore, calor est causa coniuncta ipsius febris, quoniam inter ipsum & febrem nihil medium est, sed ei immediate adheret, non autem sic, ut dicit Auic. in præfenti cap. non intelligens quid sit causa coniuncta. Ergo autem dico, quod coniuncta causa potest esse & extrinseca

extrinseca & intrinseca, uidebitis melius hoc inferius, nulli sum ego addictus; nam neque sunt Galeanista, neque Auicennista, sed sum sequens ueritatē, nam ubi mihi non placet, & uideo stare non posse uiam Gal. reprehendo & reprobo, sicut potuistis uidere superius, sic de Aui. etiā facio, sed in quo uterq; optime sensit sequor sententiam utriusq; nullius addictus iurare in uerba magistri. Oportebit legere hoc caput destructiue, sicut deberemus legere constructiue, quoniam multa falsa dicit, nos ueritatem sequemur quantum poterimus.

LECTIO XLII.

VIDEBAMVS in hesterna lectione quomodo dicendæ sunt causæ et diuidendæ secundum opinionem antiquissimorum medicorum, & primam illam diuisionem faciebamus, quod causarum aliæ sunt contentiue, aliæ conseruantes. uidebamusq; quomodo differunt causæ contentiue a coniunctis, & quid sint utræq; contra pertinaciam istorum modernorum cū Aui. qui quantum errarit ostendemus in expositione literæ, quæ quidem cognitio causarum quantum conferat uidebitis inferius magis, supererat modo uidere quod iam polliciti sumus, uidelicet quæ sit utilitas ista excerpta ex cognitione huiusmodi causarum. multum enim refert scire causas & non scire, qui nō habuerit cognitionem causarum nunquam poterit recte curare ipsum morbum. primo ergo utilis est cognitio causarum ad indicationes sumptas pro curatio

ne, nam proponitur ipsi medico morbus qui est præter naturam ut ipsum remoueat, quoniam operatio læsa est uel omnes operationes simul sunt læsæ, ideo primum quòd indicat de sui remotione sunt operationes læsæ, postea sumitur alia indicatio longe difficilior, unde propterea dicebat Gal. quòd uulgares quorū singuli cognoscunt operationem illam læsam tollendam esse, ideo an sit tollendus morbus omnes sciūt quòd sic, sed quare remoueri debeat non sciunt nisi peritissimi medicorum, sicut quoq; dicebat Gal. in illo tertio de locis affectis, ubi dicebat quoq; quòd cognitio illa ab actione sumpta, quòd remoueri debeat est cognitio etiam asini, porci, & equi, quoniam cum super calefacti sunt sensationem quandam habent tristē circa cutim, ideo sentientis hoc cum uiderint amnem tanquam quod cognoscunt ipsi quoq; ubi nimia est caliditas refrigerandum esse, sed indicatio sumpta ab ipso morbo indiget summo artificio summoq; ingenio, quoniam sumitur à causa ipsius læsæ operationis, scitis enim morbum esse causam ipsius læsæ operationis, si ergo remoueri debet huiusmodi læsio operationum, oportet indicationem sumptam de sua causa, hoc est de ipso morbo, exequendam esse, quæ summe artificiosa est, sed iste morbus uel habet causam uel non habet, si habet causam tunc indicatio sumenda est à causa, si est coniuncta ab ipsa, sed quoniam causa coniuncta ab alijs dependet præcedentibus, ideo deinceps sumitur indicatio ab illis, ut ab antecedentibus uel corporeis uel incorporeis scilicet extrinsecis, sicq; oportet

tet cognoscere omnes illas causas alioqui quomodo
sumemus indicationes ab ipsis ignotis neq; minus po-
terit curari morbus. Videte ergo quantum conferat
cognitio harum causarum, cum non possunt sumi indi-
cationes de curando morbo nisi cognoscantur. pro-
ponamus ergo ut res clarior fiat de febre, & dicamus
quod febris est morbus, ergo remouendus est, prima
enim indicatio post læsionem operationum est indica-
tio à morbo secundum Gal. postea sumitur indicatio
à causa contentiva ipsius. i. à calore igneo, qui quidē
indicat de sui remotione, qui cum causetur oportet
nos uidere aliam causam uidelicet coniunctam. causa
ergo coniuncta sunt uapores ipsi fuliginosi ascenden-
tes ad cor, postea sumitur indicatio à causis singulis
antecedentibus corporeis usq; ad extrinsecas, ut ab
humoribus putridis à putredine, postea quoniam pu-
tredo fit ab obstructione meatuum cutis, sumitur quo-
que indicatio ab obstructione, sed quoniam obstru-
ctio fit ex infrigidatione, ideo sumitur indicatio ab ip-
sa quoq; infrigidatione, & ita nisi sumantur indicatio-
nes ab omnibus causis, nunquam poterit tolli morbus
neq; ultime cause nisi tollātur quoq; primæ, quæ sunt
per accidens, quoniam inter ipsas et effectum aliquid
intercedit, si ergo remouere debemus febrem, opor-
tet remouere calorem igneum, postea uapores fuligi-
nosos, humores putridos, obstructionem pororum cu-
tis, postremo infrigidationē, primo ergo oportebit re-
mouere infrigidationem, postea obstructionem, sicq;
deinceps donec remoueatur febris. Quare ergo ad
sumendas

sumendas indicationes pro curatione utilissima est im-
mo necessaria cognitio causarum. postea quòd utilis
sit ad curationem ipsorum morborum ostendendum
est, nam quomodo cognoscetis curationem morbi, nisi
sciatis primo quot sint causæ? curatio autem quomo-
do fiat credo quòd sciatis, quoniam contraria contra-
rijs curantur. per contraria ergo tollendus est mor-
bus tollendæq; causæ, quoniam nisi illæ auferantur,
non auferetur morbus. dicamus adhuc de exēplo pro-
posito, quomodo scietis uos curare ipsam febrem nisi
cognoscatis suas causas, nam contraria debent ei ap-
plicari, sed quæ contraria erunt ista nisi sciamus ta-
lem & talem causam esse? & ideo cum febris habeat
in sui essentia calorem igneum, nisi cognouerimus ca-
lorem, non sciemus quæ sint contraria exhibenda. cū
autem hoc sciuerimus, tunc nos poterimus dicere q,
cum iste calor sit, oportet per refrigerantia remoue-
re ipsum, tuncq; sciendo omnia refrigerantia nos cū-
ramus per cōuenientiora, & si debent remoueri cau-
sæ antecedentes, oportet quòd cognoscantur, quo-
niam alicui non cognoscemus nos sua contraria per
quæ remoueri possunt, non enim poterit remoueri ca-
lor ille febrilis neq; ipsa febris, nisi prius remoueantur
causæ antecedentes omnes, postea deueniendum
est ad remouendum contentiuam causam, qua remo-
ta febris quoq; cessabit, sed ut dixi, oportet per con-
traria remoueri: non cognoscuntur autem istæ con-
traria, nisi ipsæ causæ quoq; cognoscantur. Quare
neq; indicationes unde sumantur sciemus, neq; cura-

re ipsos morbos, neque remouere causas, nisi causas quoq; cognoscamus, & causas quidem omnes. quantum ergo refrat scire considerationem causarum, dictum est. nunc ueniamus ad propositum nostrum & dicamus quod medici considerant causas ipsas secundum intentionem quam habemus de ipsis in hac secunda Fen, in qua sicut supra diximus, & in principio huius agitur solum de causis efficientibus, de contentiuis enim non tractamus in hac, quoniam cum illæ sint in essentia ipsius morbi ideo faciunt solum pro morbo. sed de antecedentibus, & immutantibus, seu conseruantibus tractatus est apud medicos, nos quoq; dicemus quæ sunt efficientes. Cum ergo hæ causæ iam sint sub genere causarum efficientium, oportet eas diuidere iterum, ut omnes quomodo se habeant sciantur. Dicemus ergo quod causarum antecedentium aliæ sunt naturales, naturales autem appellantur medici, quoniam sunt in corpore nostro, quasi ergo dicas corporales, aliæ uero non naturales. ista est diuisio harum causarum maxima. appellamus ergo naturales illas quæ sunt de essentia ipsius corporis & intrinsecæ, & partes ipsius quæ sunt sex. aut enim sunt membra, nam membra quoq; sunt illa, quæ si bene se habeant conseruant sanitatem, si autem male, immutant, secundo sunt complexionibus membrorum: scitis enim quomodo si bonæ sint complexionibus membrorum, ipsa quoq; dispositio humani corporis bona sit, si autem malæ mala, plurimum namq; faciunt complexionibus. tertio sunt compositiones ipsorum membrorum,

brorum, nam quomodo sanum potest esse corpus & conseruari in sanitate, nisi quàm optime eius membra compacta & composita sint? non enim fieri potest, ut male se habeant membra in compositione, tamen corpus sit sanum. De his potestis esse certi ex illis quæ diximus, cum ageremus de morbis, & ægritudinibus in compositione & complexione. quarto sunt humores ipsi, qui quidem si bene se habeant, neque plurimi sint, neque mali, conseruant corpus in sanitate, si autem excedant, aut in qualitate, aut in quantitate, tunc immutant ipsum ex sanitate in ægritudinem. Quinto sunt ipsæ facultates, quæ si bene se habeant conseruant sanitatem ipsius corporis, si autem male affectæ sint, necessario quoque corpus immutatur. sexto et ultimo sunt ipsæ actiones, quæ eduntur. nam si sint naturales, conseruant corpus humanum, si autem non naturales tunc immutant ipsum, et sic uniuersaliter dicemus quòd causæ istæ conseruantur si sint bonæ naturaliterq; dispositæ, cōseruant corpus. si autem non naturaliter immutant & afficiunt ipsum, quæ sunt sex, ut eas colligamus, membra, complexiones, compositionesq; eorum, humores, facultates ipsæ, & actiones, & dicuntur alterantes intrinsecæq; quoniam sunt de essentia ipsius corporis humani, & hac de causa dicuntur naturales. Accipiamus modo secundum membrum ipsius diuisionis, quando dicebamus quòd aliæ sunt non naturales, nam medici inuenerunt hoc nomen infinitum, quoniam non sunt quidem naturales, quoniam non sunt in corpore hu-

mano, sed sunt extrinsecæ, tamen nō propterea sunt præter naturam, immo naturæ sunt quæ quidem sunt necessariæ ad uitam hominis, & sine quibus non potest uiuere, ideo medici uidentes hoc uis sunt nomine infinito non reponente aliquid in specie. nihil enim determinat, ideo cum dicimus non naturales, neq; dicimus naturales neq; præter naturam, quæ numero totidem sunt, sicut & naturales sunt: prima quarum est ipse aer, quod autem aer sit necessarius ad uitam hominis manifestum est, cum eo ablato auferatur uita hominis, non enim fieri posset respiratio, quæ omnia necessaria sunt ad eius uitam, si autem bene dispositus sit ipse aer, conseruat corpora humana in sanitate, si uero male, immutat, ut patet quotidiana experientia, neque hoc indiget ratione. secundo sunt somnus & uigilia, quæ non sunt de essentia neque intrinsecæ ipsius corporis, quæ enim pars eius est somnus quæue uigilia? tamen sunt passionēs ipsius, non autem actiones sicut aliàs ostendimus, cum loqueremur de hoc ex professo, & loquemur hoc anno si legemus usq; ad partem illam de somno & uigilia, ut spero me lecturum; & sunt necessaria ista ad uitam ipsius hominis. nam quomodo quæso homines possent uiuere, nisi quandoque dormirent, quandoq; autem uigilarent & neque enim semper possunt uigilare, neq; semper dormire, & ideo si moderate habeantur, conseruant corpora, si autem nimium aut parcius immutant. nonne uidemus qui uigilant esse desiccatos & tertio sunt accidentia & affectus ipsius animi, sicut sunt gaudium, mæstia,

tia, spes, dolor, & tales affectus. sine ipsis enim homines uiuere non possunt, & sunt necessarij, nam aut sunt in letitia aut mæstitia. neque enim propter
* Arist. in lib. ethicorū iubet hominem esse sine talibus affectibus, quoniam hoc est impossibile. neq; enim homo esset homo nisi aut gauderet aut doleret, sed ibi consulit magnus ille philosophus eos affectus moderandos esse, ut homo neq; nimis irasceretur, neque nimis gauderet, neq; nimis doleret, sed consulit, modo irascendum parce, modo letandum, modo dolendum, modo sperandum, modo desperandum. quoniam eo modo conseruatur suum corpus. sed si immoderate sumantur isti affectus, sunt causæ potius immutantes ipsum, nam uidemus quoq; ex ira quempiam irasci, ex nimia letitia mori. quarto est motus & quies, quæ sunt necessaria ad uitam degendam, non tamen sumenda sunt ista immoderate, neq; enim semper homo potest moueri, neq; semper quiescere, quoniā immutantur corpora ad ægritudinem: si autē modo quiescant, modo moueantur, homines temporibus opportunis conseruantur in sanitate. quinto sunt inanitio & repletio, quæ quantum necessaria sint, permitto considerandum, nam inanitio necessaria est hoc modo, quoniam oportet excerni excrementa ex corporibus ipsis, primo feces per aluum, per oculos sua excrementa, per aures quoq; & deniq; per omnes partes corporis, sed quòd repletio sit necessaria, patet, quoniam quomodo posset nutriri corpus animatum, nisi repleretur alimento: tamen neq; istæ sunt par-

tes ipsius . sexto & ultimo sunt cibus & potus , quæ quidem sunt necessaria ad uitam , cum sine eis degi nõ possit , neq; enim potest animal sine potu & cibo nutrirì . si autem non nutriretur , non uiueret , si autem moderate sumantur conseruant ipsum . sed si nimium aut parcius quàm oporteat , fiunt postea ægritudines , quoniam ab eis immutatur corpus . Harum ergo omnium oportet uos cognitionem quàm exactissimam habere ; sunt postea aliæ , quæ non sunt necessariae ad uitam , tamen uel conseruant uel immutant , & sunt multæ , sicut sapor amarus , dulcis , acris uel similes , missio sanguinis , uulneratio & percussio , quæ tamen sunt extrinsecæ . istarum autem sunt quæ semper iuuant , aliæ autem quæ semper nocent , aliæ quæ modo nocent , modo iuuant indifferenter se habentes . Dicamus de his quæ semper iuuant , nunquam nocent , ut declaremus rem ipsam exemplis . Quæ ergo semper iuuant sunt medicinæ applicatæ iam ad actum operandi si bene applicentur temporeq; opportuno , tunc semper iuuant , nunquam nocent . Quæ autem semper nocent quocunq; tempore exhibeantur sunt quoq; medicinæ ipsæ , sicut sunt uenenosæ , nam quolibet tempore exhibeatis uenenum semper nocet , sic uulnerationes semper nocent . nemo enim ignorat quòd etiam percussiones semper noceant , sempre noseno le bastonade e a qualunq; poltron sita . sunt postea quæ neque semper iuuant , sed neq; semper nocent , sed modo hoc modo illud faciunt , deniq; indifferenter se habentes , & sunt medicinæ quæ per se sunt non applicitæ ad actum

actum artificis, sed antequam applicentur, nam possunt etiam iuuare, si postea bene applicentur, possunt quin etiam nocere si male, ad utrunq; enim se habent. Vltima autem diuisio causarum erit ista, & notate omnia ista quia sunt omnia necessaria: neq; enim laborarem in his nisi cognoscerem quantum uobis proficiet usque ad unguem cognoscere causas omnes. Dico ergo quod harum causarum quæ semper iunant sunt aliquæ quæ postea per accidens nocent: cum enim per se ex propriaq; natura iuuent possunt tamen propter aliquid nocere, tuncq; dicuntur per accidens nocere, ut exempli gratia medicus facit missionem sanguinis uel dat pharmacum, tunc ista auxilia iuuant per se, sed si egrotus peccet aut in affectibus animi, aut exercendo mouendoq; nimium, aut aliquis in exhibendo aliquid aliud, aut dormiendo, aut medicus in curando, tunc missio sanguinis facta, uel pharmacum datum non solum non iuuat, sed etiam nocet, hoc tamen per accidens, quoniam iuuisset, sed quoniam accidit errare in aliquo, accidit quoq; quod medicina noceat, sicq; per accidens nocere dicitur. Aliæ autem sunt causæ huiusmodi quæ quidem nocent per se, sed per accidens iuuant, sicut (ut demus accommodatissimum exemplum) referebat Plinius de habente maximam uomitam in pectore mortalem, ad quem accessit intersector, ut eum interficeret, sicq; educto pugione sæpius ac sæpius percussit ipsum in loco ubi laborabat uomica & statim exiuit sanies & sanatus est liberatusq; ab illa Vomica. Intersector tamen putabat se eum in-

terfecisse, sic alia sunt multa quæ cum nocerent, tum per accidens iuuant, sicut dicimus etiam de aqua frigida quæ per se frigefacit, tamen per accidens calefacere potest, ut exempli gratia, si quis in æstate calidus maxime bibat aquam frigidam, tunc non solum frigefit sed etiam magis calefit, quoniam per illam frigiditatem aquæ obstruuntur pori cutis, & calor nō potest expandi tuncq; recurrit & reuocatur ad suum principium ubi se ipsum multiplicat et fortificat, sicq; magis incalescit homo ille. Amplius aqua calida per se calefacere debet, tamen per accidens frigefacit, sicut experimento patebit. istæ ergo sunt omnes diuisiones causarum quæ quidem si optime sciueritis eas quantum proficiant uobis, uidebitis magis in processu, & ipsas quidem habet Auic. quoq; in cap. hoc, quomodo habeat scietis iamiam, nam ordinem seruat & modū, ut non possimus intelligere ferè eum ultra hoc quòd simul errat, ueniamus ergo ad ipsum. dicit in text. (Causæ dispositionum, &c.) Postquam ergo non uultis me legere, cras incipiemus cap. & si non legerim credo per quartam horæ partem.

2

LECTIO XLIII.

CAUSAE dispositionum, &c.) Si uultis intelligere ea quæ dicentur hic ab Auic. & in quo consistat difficultas & conclusio, oportet uos omnia ea quæ iam a nobis dicta sunt repetere memoriæ, & ne omnia replicemus hic, quoniam nō haberemus tempus perficiendi hoc cap. in his duobus diebus, Ideo secundum

cundum quòd Auic. procedet, ego quoq; illa singula-
tim repetam si ea non intellexistis, alioqui nunquam
intelligeretis hic Auic. Dicit ergo quòd tria sunt ge-
nera causarum quæ à medicis considerantur, uideli-
cet antecedentes, primitiue, & coniunctæ. hæc est
sua diuisio, quorum autem causæ sint, inquit quòd
(Sunt causa illarum trium dispositionum,
quæ iam expositæ sunt in principio huius se-
cundæ Fen.) Circa quòd primo scire debetis quòd
Auic. per coniunctam causam non intellexit illam,
quam Græci συνικτινὴν .i. contentiuam, sed illam
intellexit, inter quam & effectum nihil intercedit, sed
immediata est, tamen non est in essentia illius, sicut
est contentiua, quòd autem hoc sit uerum, & quòd
Auic. quoque cognouit causam illam contentiuam
Græcorum, quòd quæ coniuncta est illa quæ imme-
diate præcedit effectum, manifestum est ex his quæ
dicit ipse in fine huius cap. ubi Auic. post multas diui-
siones ipsarum causarum tandem deuenit ad illam, &
causæ aliæ sunt uicariæ, aliæ non uicariæ. per uica-
rias intelligit illas continentes apud græcos, quoniam
dicit quòd illæ sunt uicariæ, quibus positis ponitur
effectus, ablatisq; remouetur. quæ enim causa est alia
quæ habeat hanc conditionem, nisi ipsa contentiua?
hæc enim non requiritur ad causam coniunctam, cum
tantum illa sit, inter quam & effectum nihil mediat.
Diximus quoq; nos supra aquam illam in oculi forami-
ne causare suffusionem, & ipsius causam esse conten-
tiuam. quoniam in eius essentia est, unde dicebamus
quòd

quòd remota illa aqua remouetur suffusio, positaq;
 ponitur. sic quoq; de febris. diximus enim quòd calor
 igneus est causa ipsius contentiua, & in ipsius essen-
 tia continetur, neq; potest ab ipsa separari, sed am-
 bo simul sunt remouenda. sed ista conditio ut morbus
 non possit remoueri, nisi remota causa, illa non re-
 quiritur ad causam coniunctam; sed hoc tantum ha-
 bet quòd oportet ipsam esse immediatam effectui. nā
 dicimus quòd putridus uapor, siue putredo est causa
 coniuncta ipsius febris putridæ. sit modo uel hic, uel
 ille non contendo nunc remota putredine, siue putri-
 do illo uapore ascendente ad cor, remanet adhuc fe-
 bris illa. Tamen scitum est quòd causa illa erat ipsius
 coniuncta, quoniam inter febre[m] & illam putredi-
 nem nihil intercedit, sed immediate sunt, bene remo-
 to calore igneo, remouetur omnino febris. Amplius
 est aliqua materia fluens ad istam manum, uel frigi-
 da, uel calida, uel humida, uel sicca, tunc propter
 affluxum illius materiæ qualificatæ fit intemperies in
 in ipsa manu puta calida, si materia calida erat cer-
 tum est quòd talis intemperiei materia, causa erat im-
 mediata & coniuncta, tamen remota ipsa non pro-
 pterea remouetur ipsa intemperies sed adhuc manet,
 quoniam iam facta est impressio ipsius caliditatis &
 intemperies iam facta est. Vnde errant illi moderni
 qui quidem ponunt causam coniunctam loco ipsius
 cōtentiuæ, dicunt enim illā esse causam coniunctā, qua
 ablata aufertur effectus, positaq; ponitur. sed Auic.
 ut manifestum est loco contentiue causæ posuit illam
 suam

suam uicariam causam, sed coniunctam illam esse dixit, inter quam, & effectum nihil intercedit, sicut nos quoque posuimus, sed quòd modo ipse cognouerit omnino causas contentiuas, nolo affirmare, quoniam non erat exercitatus in arte medica & si magnus uir sit in scribendo. erat enim nobilissimus homo sicut maior pars medicorum tenet, & ego quoq; credo, si ipse transcripsit à scriptis aliorum medicorum, magnus quidem philosophus fuit, & plurimum exercitatus in philosophia, sed ut dixi non erat exercitatus in hac arte, ideo si non sciuit omnino causas ipsas, nō est mirandum, sciuit quidem sed non distincte. Ideo cum uos uideatis hoc debetis aduertere ut distincte procedatis in cognitione harum causarum, ut possitis soluere omnes dubitationes, quæ mouentur a modernis in hac materia. Sciatis ergo quòd Græci doctores differunt ab Arabibus, quoniam ipsi considerant de causis antecedentibus, quæ sunt efficientes ipsius morbi, de contentiua autem prætermittunt, sed cum coniuncta sit causa efficiens & antecedens quidem, ideo de ea quoq; tractant tanquam antecedente. Nam ipsa quoq; coniuncta causa præcedit morbum, quæcunq; aut causæ præcedentes ipsum dicuntur antecedentes, nam etsi ista sit immediata ipsi morbo, aliæ uero immediatæ, non propter hoc dicendum est quòd non sint omnes antecedentes, quoniam omnino præcedunt morbum, siue modo remotius, siue propinquius, sint enim hic exempli gratia, ut illustremus rem ipsam quàm optime, decem homines qui præcedunt

dunt principem. omnes sunt quidem præcedentes ordine quodam, sed tamen si uolumus ab ultimis incipere, nos tandem inueniemus unum ex illis immediate præcedentem principem, ipsumq; contingentem, & si hic immediate illi uero mediate præcedant illum, non propterea falsum est dicere quòd sint omnes præcedentes, immo uerissimum. sic dicendum puto de causa coniuncta & alijs antecedentibus, quòd omnino ipsa est antecedens tempore morbum, & non differt ab antecedentibus, sed tantum habet hoc quòd inter ipsam & effectum nihil mediat, postea in alijs conditionibus est eadem cum antecedentibus, non est ergo separanda causa coniuncta de mente græcorum ab ipsa antecedente, cum idem sint, differant tantum secundum propinquum & longinquum à morbo ipso, sed si Auic. intelligeret per causam contentiuam, tum omnino separanda esset ab antecedentibus. ratio huius esse debet, quoniam scitis contentiuam causam illam esse, quæ est in essentia ipsius morbi, quæq; ablata aufertur quoq; morbus, qua posita ponitur, neq; efficit ipsum morbum sed constituit, & est eius pars intrinseca, sicut dicimus quoq; materiam & formam in composito esse constituereq; ipsum, non tamen efficiunt illud, nam efficientes sunt illæ quæ efficiunt, sic quoq; causa coniuncta sumpta pro contentiua distinguitur ab antecedentibus, quoniam est in eius essentia tanquam intrinseca pars, antecedentes autem sunt causæ efficientes, quæ efficiunt ipsum morbum: sed si intelligimus per coniunctam illam causam sicut

Et aliqui nostri moderni intelligunt, inter quam et effectum nihil intercedit, tunc separanda non est ab antecedentibus, sicut separat Auic. credo enim quod per hanc causam coniunctam intelligat quoque ipse, sicut diximus superius, ideo male fecit separando eam ab antecedentibus, sed supponendo suo modo causam coniunctam, diuidamus modo quoque secundum quod ipse facit, si modo uolumus declarare textum, et declaremus conuenientiam earum. inquit ergo. Antecedentes uero et coniunctæ communicant in hoc quod ambæ sunt res corporeæ, scilicet humorales, aut complexionales, aut compositionales. dicamus ergo suo modo dummodo ante cognouerimus rei ueritatem, et distinguere sciamus fabam a lupinis, uidebitis quantum distat scientia tradita à nobis cum Gal. ab illa Auic. Conueniunt ergo causæ coniunctæ et antecedentes in hoc, quoniam ambæ sunt corporeæ, ut humores aut complexionis, quæ sunt in essentia ipsius corporis, humores enim in corpore humano antequam putrescant, sunt causæ antecedentes ipsius febris, sed præparantur ad putredinem, consequenter apti sunt facere febrem, sed cum putruerunt tunc humores sunt causa coniuncta febris, et iam faciunt ipsam, inter ipsosque et febrem nihil mediat, neque differunt, sunt enim antecedentes ambæ, tamen hi sunt propinqui, illi facere non poterant, nisi aliquid aliud interuenisset, scilicet putredo ipsorum. sic quoque dicamus de complexione ipsa, quoniam si quis sit complexionis biliosæ, tunc est quidem præparatus ad febrem, quoniam

niam illa complexio facit febrem, sed tamen non potest facere nisi aliquid aliud medium interueniat, nam postea cū illa temperies calida sit in hepate, ita quod super incalescant postea humores generati & putrescant, communiceturq; cordi talis intemperies, tunc est causa coniuncta faciens ipsam febrem, inter illam enim & febrem nihil mediat. simili quoq; modo dicamus de ipsa compositione, aliquando enim accidit tumor præter naturam in pede cum dolore, dolor autem scitis quod attrahit materiam ad locum, ideo tumor iste causa est antecedens ipsius inguinis, idest bubonis, ut loquamur modo medicorum nostrorum, sed causa coniuncta in compositione est obstructio ipsius nerui optici in oculo, ne possit exire spiritus, & eo modo sit suffusio, sicq; tam causæ antecedentes sunt corporeæ quàm coniunctæ ipsæ. & hoc est quod dicit Auic. saltem dicere uellet. Postea inquit (Primitiux uero sunt, &c.) Notetis, & aduertatis quàm optime quoniam Auic. hoc in loco est ualde confusus, & ideo confundemini etiam uos nisi haberetis doctorem dirigentem uos in hac diuisione sua causarū, declarationeq; iste. n. excellentissimus uir profitetur semper non solum hic, sed ubiq; metho do diuisua si quis alius, tamen multum errat in utenda ipsa, & hic & alibi quoq; ideo cum non procedat distincte aduertatis uos, ut distincte procedatis, ne cadatis in errores, in quos cadit ipse. habetis enim a nobis ueritatem huius diuisionis, potestis modo facile iudicare, in quo erret Auic. dicere autem uult hic quod

quòd primitiue ille causæ siue procatarticæ, si secundum græcos dicere uolumus, conueniunt in hoc oēs, quòd sunt extrinsecæ, idest extra corpus humanum. istæ enim est suus characterismus, & sua Idea, ut uidelicet non sint in essentia corporis, sed sint omnino extra illud, idest eius essentiam. Harum autem causarum primitiuarum, quæ existunt extra essentiã ipsius morbi, aliæ sunt quæ cum extra eius essentiam sint, cū hoc tamen sunt omnino extra ipsum, sicut est aer, neq; enim est in corpore, neq; in eius essentia, ci bus & potus & tales. Causæ de quibus dicemus inferius, aliæ autem sunt, quæ extra eius essentiam sunt, tamen non omnino separantur ab ipso. sed sunt ipsius perfectiua, ut est anima ipsa & ipsius affectus, anima enim alia est a corpore, nam aliud est actus, aliud habens actum, modo anima actus est, corpus uero habens actum, ergo distinguuntur, & una pars est anima, alia uero est corpus, sicq; aliud est perficiens, aliud uero quod perficitur: sed anima perficit, corpus uero perficitur, ideo inter se distinguuntur, tamen non propterea anima separatur a corpore, neq; extra ipsum est, ideo ipsius affectus erunt causæ extrinsecæ quidem & primitiue, quoniam non sunt in essentia corporis, sed sunt extra illam, tamen non separantur ab ipso. Et ita hoc est quòd dicere quoq; uolebat Auic. quando dixit quòd anima alia est a corpore, ista ergo est maxima, summaq; diuisio ipsarum causarum procatarticarum, quoniã aliæ sunt extra essentiam corporis cum hocq; quòd separantur

ab

ab ipso, aliæ autem sunt, quæ cum sint extra ipsius
essentiam, non tamen ab ipso separantur. discurre-
tis modo uos per omnes causas extrinsecas, & uide-
bitis omnes reduci sub aliquod istorum duorum mem-
brorum. Dicamus ergo de primo membro quod ille
eæ procatartice quæ non sunt in essentia morbi, neq;
corporis humani, sed omnino ab ipso separantur, sunt
adhuc in duplici differentia; Aliæ enim sunt quæ ex-
trinsecus occurrendo solum immutant corpus, non au-
tem interius sumpta, aut ad bonum, aut ad malum se-
cundum naturam illarum, & sunt plura, sicut occur-
sus uulnerationis, aut percussione, sicut sunt inun-
ctiones, morsus uiperæ, epithemata, emplastra, &
unguenta, & alia multa consimilia; Aliæ autem sunt
quæ modo occurrendo solum immutant corpus huma-
num sed interius sumpta, sicut est cibus & potus, si-
cut etiam sunt multa medicamenta, ut puta uenena,
quæ quidem non nocent, nisi intra sumantur. loquor
ego de ijs uenenis quæ dantur pro potu, nam illa dum
modo non sumantur intra, fricentur postea extra ni-
hil immutant. Quædam autem sunt quæ & intra,
& extra immutant, & dicunt indifferentes, sicut
est aer, nam intra quidem immutat, quoniam per
anhelitum tractus immutat partes interiores, occu-
rens autem ipsi cuti immutat quoq; ut per frigidita-
tem constipando eam, per caliditatem autem laxan-
do, cibus autem & potus solum intra sumpta, sic et
uenenosa, nam si fricentur & tangantur, non immu-
tant nisi intra sumpta sint. Opium enim & talia ue-
nena

nena exterius applicita & occurrentia nihil nocent,
nihilq; exulcerant, & si aliquando nocent, dico quòd
parum noceret, parumq; immutaret. His stantibus
dico postea quòd ista omnia alterantia, aut alterant
per qualitatem, aut per quantitatem, aut per substā
tiam. per qualitatem quidem sicut est aer qui exte
rius occurrens, per frigiditatem, aut caliditatē im
mutat corpus humanum, quæ sunt qualitates tangibi
les, cibus etiam intra sumptus, aut nimis calidus, aut
nimis frigidus, per illas enim qualitates potest immu
tare corpus. & quod diximus de ijs quæ immutant
per tangibiles qualitates, putate, dicendum quoque
de ijs quæ possunt immutare per alias qualitates, ut
odorabiles, nam male odorata possunt nocere ipsi cor
pori, sic dicatur de ijs quæ gustum immutant, ut sa
pores amari, acuti, acres, & tales, quæ possunt
aliquando immutare corpus, sic de ijs quæ auditu per
cipiuntur, nam harmonia, concentusq; consonans
delectat sensum auditus, & aliquando alterat ipsum,
cum tamen per se suas qualitates immutat, & uisibi
les qualitates eo modo possunt immutare, & uel ad
bonum, uel ad malum secundum naturam illorum. per
quātitatem aut possunt alterare aliqua, sed cum quā
titas duplex sit, alia quidem continua, alia uero di
screta, ideo aliqua non nocent quidem per continuā
quātitatem, tamen quoniam sæpius iterantur nocēt,
ut cibus si parce sumatur tamen sæpiissime, idem est
ac si sum pisset multum de ipso semel, & sic nume
rus aliquando immutat corpus humanum, non enim

immutat ipsum cibus si semel sumatur, & in conuenienti quantitate. sed si sumatur ter, quater, & septies. per continuam etiam quantitatem aliqua immutant, sicut cibus parcior quàm conueniat uel latior, uel enim non potest debite nutriri, uel fit plethoria, & hæc sunt quæ per quantitatem immutant. sunt et alia quæ quidem immutant per substantiam, nā quādoq; sumitur cibus crassus & difficilis concoctionis, siue dicamus crassi chymi existens & terrestris, & ideo tarde, difficileq; pertransit, & cum pertransit lædit. alia sunt postea quæ nimis cito pertranseunt, quæ sunt subtilioris substantiæ, & ideo non possunt nutrire, sed immutant aliquo modo corpus ipsum: & hæc sunt diuisiones quæ dandæ erant à nobis in hoc tractatu causarum pro catarticarum quæ uobis sufficiant. nam possent quidem adhuc diuidi particulariter, sed potestis postea uos hoc adimplere cum iam habeatis fundamenta à nobis, neq; enim uolo immorari nunc in diuidendo illas, sunt ergo alterantia omnia, aut per qualitatem, aut per quantitatem, continuam scilicet & discretam, aut per substantiam. possemus namq; diuidere adhuc quæ alterant per qualitatem; ut si dicere mus quòd ea quæ alterant per qualitatem, aut alterant per qualitatem manifestam, ut est aer per frigiditatem, aut caliditatem, aut occultam & immanifestam, sicut sunt omnia uenenosa, sed nolo quòd ingrediamur illud onus, cum ferè frustaneum esset. poteritis enim per uos inuenire illas differentias particulares, satis est quòd habetis ubi fundemini in diuidendo.

do. Sed illa quæ alterant corpus cum sint cum eo tamē non in ipsius essentia, sicut est anima ipsa, nam illa est altera pars animalis, corpus autem altera, ideo animæ affectus alterant ipsum corpus. Dicamus ergo quod anima alterat corpus, aut in actionibus, aut in passionibus. i. aut agendo, aut patiēdo, nam cum mouetur & exercetur corpus, tunc alteratur ab anima agendo, quoniam illa mouent ipsum, & electio fit ab eo, unde a medicis motus. iste dicitur electius, nam dicunt motum electiuum corporis incipere ab anima ipsa, quoniam principium est mouendi. quare motus iste siue exercitatio incipit ab anima, & desinit in corpus, & ideo anima dicitur alterare corpus ipsum agendo. scitis enim quod dicebat quoq; Arist. ille homo diuinus in principio suorum paruorum naturalium, ubi diuidebat actiones ipsas, dicebatq; quod actiones aliæ sunt quæ incipiunt ab anima & desinunt in corpus, sicut iste motus. aliæ uero quæ incipiunt à corpore, & desinunt in animam ipsam. Sed hæc relinquamus. nolo enim nunc illa repetere quæ docet ibi Arist. Aliquando autem alterat corpus per passionē ipsius, nam cū patitur anima, tunc quoq; compatitur corpus. sed sciendum quod istæ passionē animæ, aut sunt necessariæ, aut contingentes, necessariæ quidem sunt ut somnus & uigilia, quod autem somnus sit passio animæ, manifestum est, quoniam nihil aliud est somnus, quàm uinculum ipsius animæ, incipit tamen à corpore & desinit in animam, nam anima uincitur propter humiditatem &

frigiditatem illam uaporum ascendentium ad caput, sed uigilia nihil aliud postea est, quàm solutio ipsius animæ. necessarius autem est somnus, necessariaq; uigilia, non enim potest homo semper uigilare, neque semper dormire, sed quandoque somnum sumit, quandoque uigilare oportet ad negociandū. istæ sunt passionες necessariae. Quæ autem sunt contingentes sunt puta spes, dolor, tristitia, gaudium & tales, quæ modo nunc non sunt, modo sunt, neq; sunt de necessitate uitæ, & cum anima patitur in his, corpus quoq; cōpatitur, unde uidemus sæpe fieri febrem propter aliquem magnum dolorem & tristitiam. & his omnibus modis anima potest alterare corpus, uel ad bonum, uel ad malum. Habemus ergo quomodo & extrinsecus omnino & intrinsecus sunt aliqua quæ alterant corpus, extrinsecus intelligo quæ separata sint à corpore ipso sicut aer, intrinsecus autem quæ non separantur, sicut dictum est de affectibus animæ, suntq; alia quæ alterant ipsum, cibus potus, somnus uigiliaq; motus, & quies, aer, inanitio, & repletio. Cum ergo iam uisum sit quomodo quinque illa reducantur sub duo membra condiuidentia uidelicet aer, motus, & quies, somnus & uigilia, affectus animæ, cibus & potus; Queritur modo hic sub quod illorum duorum reducendæ sint inanitio & repletio, an sub illud quando sunt aliquæ causæ extrinsecus omnino alterantes, an uero sub illud quando sunt causæ alterantes, quæ non separantur omnino à corpore, uidetur enim quòd non possint reduci sub aliquod

aliquod illorum, ergo decisio in completa erit. Ad hoc ergo respondeo quod reducendæ sunt sub secundum membrum, quoniam sunt affectus facti propter actionem ipsius animæ, ideo anima agendo alterat ipsum corpus, neq; enim per repletionem intelligimus solū ciborum potuumq; , neq; eo modo inanitionem, sed per repletionem nos intelligimus motum illum qui incipit ab anima, definitq; in corpus, nam anima, idest uirtus naturalis dum concoquit optime cibos sumptos, tunc fit repletio, nam generantur multi spiritus, generantur quinetiam multi optimiq; humores. sed postea uirtus excretiua & expulsiua insurgit ad expellendum ipsum excrementum relictum a concoctrice facultate, & ita fit inanitio. si autem impediatur istæ facultates, tunc immutatur corpus, & ideo cum sint actiones ipsius animæ repletio & inanitio, reduci habent sub secundum membrum diuisionis, quando dicebamus quod sunt quædam causæ quæ quidem alterant corpus, cum non sint in eius essentia, tamen non separantur ab ipso, non erunt ergo plura his duobus membris diuidentibus. sufficienter ergo diuissimus causas alterantes, discurrete (ut dixi quoq; superius) per omnes causas primitiuas, & inuenietis illas reduci omnes sub hanc diuisionem, & hoc quod modo declarauimus uolebat dicere, si potuisset, sciuissetq; Auic. cum dixit, (Primitiue uero sunt quæ extra corporis existunt substantiam, aut ex parte corporum extrinsecorum, sicut quod ex verberatione accidit, & ex caliditate aeris,

& ex cibo calido & frigido quæ corpori adueniunt, aut ex parte animæ. anima enim aliud est a corpore, sicut quod accidit propter iram aut timorem, &c.) *Postea his uisis Auic. dat conuenientias & disconuenientias harum causarum cum antecedentibus causis & coniunctis, quando dicit. (Et causæ quidem antecedentes & primitiua communicant in hoc, quòd inter eas & dispositiões quas nominauimus, aliquod existit medium, idest conueniunt primitiue cum antecedentibus, quoniam inter ipsas & effectum aliquid aliud intercedit.) Postea dicit quòd, (Conueniunt primitiua, cum coniunctis in hoc, quòd inter ipsas & effectum nihil mediat,) Sed sunt ei immediate, nam aliquando accidit quòd ex calore aeris magno humores in corpore putrescant, & consequenter communicetur cordi, sicq; fit febris, calor enim aeris est causa primitiua, idest extrinseca, tamen inter ipsam & effectum, idest putredinem nihil mediat, uel etiam inter febrem quando humores non putrescunt, & inquit quòd, (Antecedentes inter quas, & effectum aliquid mediat, neque inducunt ægritudinem, nisi alia causa intercedente, coniunctæ autem sunt illæ immediatæ, inter quas & effectum nihil mediat,) & sic dat differentiam quoq; primitiuarum cum coniunctis, quas omnes differentias legatis uos, postquam non uultis me amplius legere. omnia autem intelligetis de his, si*

intellexistis prius quæ dicta sunt a nobis superius, non enim replicabo amplius de conuenientia & disconuenientia harum causarum inter se, sed permittam uobis perlegēda, ut possim perficere cras hoc cap. quod quidem iam incēpimus, ne post festa etiam redeamus ad hoc. cras uidebimus de his quæ dicit Auic. post has conuenientias & differentias, si quæ autem notanda erunt, notabo, & perficiemus omnino cap. Volo autem, quòd habeatis saltem pro firmo super omnia illud, quòd causæ coniunctæ sunt diuersæ a causis contentiuis, quoniam contentiuæ sunt illæ quæ sunt in essentia morbi, & eam constituunt, sed coniunctæ hoc tantum habent de suo, ut sint immediatæ ipsi effectui, postea habeatis illam diuisionem causarum primitiuarum, neque errabitis, sed cognoscetis ubi Auic. errat.

LECTIO XLIIII.

VIDEBAMVS in hesterna lectione conuenientias & disconuenientias illarum causarum trium numeratarum ab Auic. antecedentes scilicet, primitiuas, & coniunctas, secundum scientiam ipsius, dicebamusq; nos non amplius esse dicturos de hac conuenientia & disconuenientia, quoniam sunt facilia quæ de eis dicuntur hic ab Auic. & manifesta per se ex his quæ iam declarata sunt a nobis superius, ideo ut perficiamus cap. hoc in præsentī lectione, ne imperfectam relinquatur, uolo ut prætermisiss illis ueniamus ad alia, & si quid aliud dicat notandum nos quoque

exponamus. Accedamus ergo iam ad alia; dicit Auic. Exemplum causerum antecedentium est repletio febris, &c.) In his ergo exemplis unum notetis, quod ualde notandum est, quod quoque nos supra declarauimus, quod Auic. & omnes nostri moderni medici qui loquuntur de causis non faciunt sermonem nisi de causis efficientibus ipsum morbum, quæ sunt extra essentiam ipsius, non autem de contentiua illa, quæ est in essentia morbi. quæ remota remouetur quoque ipse, quæque posita ponitur, sed de efficientibus, siue modo sint primitiue, siue antecedentes secundum Auic. siue coniunctæ, & quod hoc non sit commentitium, immo uerum sit, uideatis omnia exempla, quæ dat hic Auic. esse de causis efficientibus, dicit autem primo, (Exemplum de causis efficientibus morbum, idest febrem ipsam,) cum dicit quod (repletio est causa febris) tamen manifestum est, quod repletio est causa extrinseca ab ipsa febre, efficiensque eius, nam cum repletum est corpus humoribus, tunc plethoria illa efficit febrem ipsam, sed tamen mediante aliqua alia causa, & repletio receptaculorum ipsius oculi, ut aqua in ipsum descendat, est enim efficiens ipsius cæcitatis ac suffusionis. Postea uidetis quod est extrinseca a ratione ipsius oppilationis & suffusionis. Dat quoque exemplum Auic. de alijs causis efficientibus, uidelicet de coniunctis, & notate quàm optime, quoniam inquit, (Exemplum causerum coniunctarum est putredo febris, &c.) hoc enim falsum est, quod

quòd putredo sit causa coniuncta ipsius febris, ita q̃
sit in ipsius essentia, ut ipsa ablata auferatur febris,
positaq; ponatur. potest enim esse febris remota pu-
tredine, siue modo dicatis putredinem, siue putridū
uaporem ascendentem ad cor, non enim facio litem
meam nunc in hoc, quòd enim hoc sit falsum, patet
quoque ex his, quæ diximus nos supra, cum agere-
mus de contagio. dicebamus enim secundum Gal. in se-
cundo lib. de pronost. per pul. citabamus enim locum
hunc ibi quòd febres pestilenciales, putridæq; sunt in
duplici differentia, aliæ enim sunt quæ sunt cum pu-
tredine humorum, aliæ autem sunt quæ sunt sine pu-
tredine ipsorum, ideo putredo non est causa conten-
tiua ipsius febris, quoniam stat febris sine putredine
ipsorum humorum, hoc tamen uerum est si accipia-
mus febrem putridam, ut est putrida, non quatenus
febris, tunc dico est necessaria, quoniam quomodo po-
test esse putrida sine putredine ipsorum humorum,
& tunc putredo est in essentia ipsius febris putridæ,
ut putrida est, estq; ipsius causa contentiua, non au-
tem antecedens, quoniam ipsius essentiam constituit,
ratio enim formalis ipsius febris putridæ est putredo,
non enim esset putrida sine putredine. in febre putri-
da(uolo omnino quòd intelligatis rem hanc) sunt duo,
uidelicet febris, & putrida febris, febris quidem po-
test esse sine putredine, neq; putredo est eius causa
contentiua, ita quòd ipsius essentiam constituat, sed
bene cum dicimus putrida, tunc oportet esse putredi-
nem, alioquin non esset putrida, & ut sic est eius cau-

sa contentiua, qua remota remouetur putrida febris, positaq; ponitur, sed ut febris, est eius causa extrinseca, neq; ipsa remota statim necessarium est remoueri morbum, positaq; poni. Quare illa particula iuncta putrida est illaq; saluat, putredinē ipsius esse causam coniunctam, eo magis quod esse putridæ non cōuenit ipsi febrī, per se ergo putredo non est de ipsius essentia, minusq; eius causa coniuncta modo dicto. ut est autem febris putrida conuenit ipsi putrida esse, modo non potest esse putrida, nisi existente putredine, ergo putredo est eius causa coniuncta, ideo cum dicimus febrem putridam, illud putridam significat potius causam ipsius febris efficientem, ita quod febris prouenit a putredine humorum, ideo putredo respectu ipsius febris semper est causa extrinseca, ideo potius putredo est causa coniuncta ipsius, quā contentiua contra illud quod dixit Auic. intelligo autem per causam coniunctam illam, sicut supra docebamus, inter quam & effectum nihil intercedit, sed est ipsi immediata, neque requiritur quod sit in essentia morbi, eumq; constituat, ita quod morbum sine ipsa non possit esse, sed hæc conditio est ipsius causæ contentiue, ut ipsa remota remoueatur effectus, positaq; ponatur, quoniam in ipsius essentia est, & pars eius, sine cōiuncta enim potest esse morbus, sicut febris potest esse sine putredine, quod falsum est, si loquamur de causis contentiuis, quæ quidem sunt in ipsa re tanquam partes constituentes, sicut in homine, materia, & forma, non autem sunt efficientes ipsam.

Quare

Quare uolui ista dicere ut caueretis a confusione, quam inducere uobis poterant uerba Auic. hic, et uerba istorum modernorum nostrorum, qui simul confundunt causam coniunctam cum contentiua ipsius morbi. quid uis dicere propter hoc? uolo dicere ego quod distinguendæ sunt omnino istæ causæ inter se quoniam contentiua, ut dixi est in re, coniunctiua autem non bene est ipsi effectui propinqua, neque inter ipsam & morbum aliqua alia causa est, sic est putredo cum febre siue putridus humor, non curo pro nunc, nam immediata est causa ipsi feбри, neq; alia inter febrem & ipsam reperitur, non tamen est in eius essentia sed extra illi adhæret, cuius signum est, quod remota non remouetur febris, posita non ponitur, ut febris. postea dat aliud exemplum huius causæ coniunctæ, qua remota remouetur effectus, posita ponitur secundum suum modum, & inquit quod (Humor idest aqua illa quæ descendit ad foramen, id est ad pupillam, causa coniuncta ipsius oppilationis,) sicut dixit quod (putredo est causa coniuncta ipsius febris,) posuit enim hæc duo exempla Auic. sub eodem nomine causæ, ita quod uult aquam illam inter pupillam & uicem esse causam coniunctam ipsius suffusionis, ita quod sit in ipsius essentia constituatq; ipsam, tanquam enim materia dicitur aqua illa esse ipsius suffusionis, non autem causa efficiens ipsam sed contentiua (ut dictum est supra a nobis) qua remota remouetur suffusio, positaq; ponitur, & ideo aqua definit, poniturq; in definitione ipsius

sius suffusionis, non autem causa efficiens ipsam, &
 secundum antiquos non solum modernos, nam ferè
 semper nominant morbum nomine causæ cõtentiuæ,
 unde definiebant hoc modo, suffusio est aqua inter pu
 pillam uueæq; foramen, & corneam tunicam, et hoc
 modo nominabant pro suffusione, cum tamen sint di
 stincta. nam ipsa suffusio quæ est morbus, est in gene
 re qualitatis, causa illa est in genere ipsius substan
 tiæ, aqua enim substantia est ipsius scilicet suffusio
 nis, estq; subiectum & materia ipsius, unde ipsa
 remota remouetur suffusio, positaq; ponitur, sicut
 dictum est. suffusio autem illa morbus est in uia, nam
 est obstructio illius uie, quæ est inter tunicam cor
 neam & pupillam ipsam ex aqua illa defluente, &
 ita aqua est uere causa contentiua ipsius suffusionis,
 ideo non erat ponendum hoc exemplum in hoc mo
 do, quoniam alio modo putredo, ut dixi est causa ip
 sius febris, alioq; modo aqua ipsius suffusionis, nã eo
 modo se habet aqua ista ad suffusionem, sicut calor
 igneus ad febrim, quoniam sicut remoto calore remo
 uetur febris, eodem modo remota aqua ista remoue
 tur suffusio, & sicut posito calore ponitur febris, sic
 posita aqua illa ponitur suffusio, ideo aqua est causa in
 trinseca materialisq; ipsius suffusionis, sed putredo ẽ
 extrinseca. quõ ergo ponenda erant ista exẽpla in eo
 dem modo nã putredo est potius causa efficiẽs ipsam
 febrem. i. coniuncta eo modo quo nos accipimus con
 iunctam, inter quam & effectum nihil mediat. quid
 uis propter hoc & uolebam ego in hoc discursu illud,
 quod

quod iam conclusi, uos notate, quoniam non eo modo putredo est causa febris, sicut aqua ipsius suffusio-
nis, quoniam aqua est tanquam subiectum & tanqua
materia; putredo autem tanquam efficiens. Ex hoc
modo dat quoque aliud exemplum Auic. cum dicat q
(oppilatio est causa cæcitatis coniuncta) hic
notate unum aliud falsum, nam oppilatio non est cau-
sa coniuncta hoc modo ipsius cæcitatis .i. contentiua
(ut secundum græcos dicamus) neq; enim est in ip-
sius essentia tanquam pars essentialis, sed potius est
extrinseca & efficiens cæcitatem. nam remota oppi-
latione, non adhuc remouetur cæcitas, quoniam iam
facta est illa impressio, quæ si non remoueatur, non
remouebitur cæcitas. Ideo oppilatio non est eo modo
ad cæcitatem, sicut aqua illa ad suffusionem, & calor
igneus ad febrem, sed bene est causa coniuncta, inter
quam & cæcitatem nihil mediat, neq; in essentia ip-
sius est, sed extrinseca est, & sic falsum est hoc quod
Auic. dixit hic. Postea inquit (exemplum cau-
sarum primitiuarum est caliditas solis, aut
fortitudo &c.) causæ primitiue sunt antecedentes
ipsum morbum ideo extrinseca sunt, non autem
intrinseca, intrinseca enim ipsius sunt causæ conten-
tiue illæ causæ, & dicit Auic. tandem illud quod nos
supra declarauimus, nam diximus illas esse causas ef-
ficientes, quæ non sunt in re, sed imprimunt, ideo si
quis ambulans sub sole incidat in febrem, tunc sol est
causa primitiua efficiensq; ipsius febris, extrinsecaq;
non intrinseca. Postea inquit quod causarū aliæ sunt
per

per se, aliæ per accidens. omnia ista iam declarata
sufficienter à nobis supra, causæ per se sunt sicut pi-
per quòd calefacit, & opium cum infrigidat, nam di-
cuntur tunc causare secundum essentiam per seq; quo-
niam habent illam naturam ut unum calefaciat, aliud
uero infrigidet, sicut dicimus ignem etiam per se cale-
facere, quoniam habet hoc ex propria intrinsecaq;
ratione ut calefaciat. Aliæ sunt per accidens, quan-
do faciunt aliquid quod non sunt natæ ad faciendum,
sicut dabamus exempla conuenientia supra, ut aqua
frigida cum calefacit, & calida cum infrigidat. ista
omnia sunt manifesta ex superioribus. nolo nunc re-
petere. attendam alijs quæ dicit Auic. ut hodie possi-
mus perficere hoc cap. inquit. (Non omnis ue-
ro causa quæ corpori aduenit in ipsum ope-
ratur, immo præter hoc tria requiruntur ne-
cessaria, fortitudo scilicet virtutis agentis, di-
spositio ipsius passi, & possibilitas. permit-
tendi vnum tangere aliud tãto tempore &c.)
Quoniam posset aliquis dicere hic, cur est quòd ali-
quis ambulabit sub sole feruescente tamen non febrici-
tabit, alius autem qui cum eo sit, febricitabit, aut alio
tempore ambulabit sub sole & febricitabit, uelambu-
labit in maximis frigoribus, non tamen obstupefcit.
Ideo Auic. uidens hanc dubitationem respondet ipsi,
causa inquit quòd (hoc prouenit quoniam cum
sint tria requisita ad hoc quòd causa innata
producere effectum producat illum, ideo si
unum eorum uel plura deficiant, non proue-
nit

nit effectus ille) & numerat illa tria quæ requiruntur ad hoc, quòd causa agat suum effectum, tamen nos adiungemus unum, dicimusq; quòd quatuor requiruntur, & ostendam etiam quòd sunt quatuor cum illa connumeret, tamen nesciat se connumerare, primo quidem requiritur uis fortis agentis, secundo uero dispositio ipsius passi, & tempus, sed nos addimus quartum. i. contactum, ita quòd agens agat in passum, quod contangat, & quòd ipse quoq; Auic. connumerarit hoc quartum requisitum necessarium audiat nunc primo ipsius uerba, postea ex illis clare ostendemus cõfiteri hoc. dicit ergo Aui. (Postquàm connumeraui illa secundo prima uim scilicet agentis & dispositionem ipsius passi, & possibilitas permittendi unum tangere aliud tanto tempore ut &c.) Ecce quādo dicit (tanto tempore &c.) tangit tertium uidelicet tempus. quando uero ait (tangere) quid sibi uult nisi quòd requiritur contactus ipsius agentis cum passo, ut possit peruenire actio & effectus producat; ista ergo sunt quatuor requisita, ut causa efficiat illud quòd innata est efficere in passo, uidelicet uirtus fortis quæ possit superare ipsum passum, & dispositio passi, tempus, in quo agens agat in passum, & contactus agentis cum ipso passo. ista uolui admonere. & si clare sumatur ex Auic. illud quod notauit tamen quia dicit tantum esse tria, posset quis incidere in errorem. Domini si uultis cognoscere perfecte quæ requirantur ad producendum ipsum effectum,

etum, et quomodo hæc quatuor numerata sint necessaria, oportet uos memoriæ repetere ea quæ dicebat Arist. in 5. illo phys. in principio serē, ubi dicebat quod quinque sunt necessaria ad hoc quod motus fiat; primo motor qui moueat, res mota, quæ moueatur et recipiat motum, terminus à quo incipit motus, terminus ad quem destinit, et tempus in quo fit. hæc sunt quæ ibi ab Arist. dicebātur, sed cū ipse quoque Arist. uideret quod ista non sufficiunt, sed multo plura requiruntur, ideo connumerat illa. sunt autem duo alia, non numerat autem ibi in illo 5. phys. sed postea in primo lib. de generat. et corrupt. circa tex. 48. 49. si bene memini. dicebat enim requiri tum conuenientiam agentis et passi ex parte ipsius materiæ, disconuenientiam autem et differentiam ex parte formarum, siue contrarietatem ut dicam sua uerba, ideo erunt in summa septem omnino scilicet uirtus agentis, dispositio passi, terminus à quo, terminus ad quē, tempus, conuenientia ex parte materiæ, et contrarietas ex parte ipsius formæ. his sic stantibus et manifestis ex fundamentis ipsius met Arist. uidebitis modo quomodo illa quatuor quæ diximus, sint omnino necessaria ad producendum effectum, agens quidem qui agat in passum dispositum, alioquin non fieret mutatio, sed quoniam mutatio non est in simile, neque in idem, alioqui ad quid esset mutatio, nam nihil noui acquireretur, oportet ergo esse contrarium. mutatio ergo fit ratione contrarij. non enim idem mouet, neque agit in se ipsum, sed agit in diuersum à se ut transmutetur

mutetur in illud, sed quoniam quodlibet non generatur ex quolibet, neq; quilibet transmutatur in quodlibet, sed determinatum ex determinato, determinata autem diuersa sunt ipsa contraria, ita quod contrarium transmutatur in suum contrarium, ex eoq; generatur, sed quoniam hoc est impossibile manentibus solis contrarijs, quoniam contrarium non agit in suū contrarium, ideo oportet hic esse aliquam conuenientiam ipsius subiecti quoniam oportet omnia contraria esse in uno & circa unum subiectum, neque oportet esse in quolibet subiecto, sed in uno determinato, ut dicimus orbicularem & rectum uersari circa lineam, amaritudinem & dulcedinem uersari circa saporem uel circa unum uniuersale. i. qualitatem, & hoc subiectum in quo existunt contraria, oportet esse illud quod recipiat modo hoc, modo illud. ideo quando dicimus quod contrarium agit in contrarium ut in ipsum transmutetur, & contrarium ex contrario generatur, intelligimus, quoniam contrarium expellit suum contrarium & inducitur in subiectum ipsum. si autem subiectum debeat recipere, oportet ipsum esse dispositum ad recipiendum, alioqui non recipiet. requiritur ergo dispositio ipsius patientis. Amplius necessarium est ibi esse resistantiam ut uidelicet contrarium quod est in subiecto resistat ipsi agenti, alioqui non fieret actio, exempli gratia, ut rem hanc illustremus, in hoc subiecto est nigredo, uenit agens & uult albificare ipsum, & ita albificat introducendo albedinem & destruendo nigredinem, quoniam nō possunt

n stare

stare simul contraria in subiecto cum mutuo se expellāt, tunc nigredo resistit quantum potest ipsi albificanti introducenti formam contrariam. i. albedinem, ideo cum semper naturaliter contraria forma contrariæ quoque formæ resistat secundum Arist. Ad mutationem ergo et actionem requiritur resistantia de necessitate, resistantia ergo erit ex parte formæ, non autem ex parte subiecti, quoniam ex parte subiecti requiritur aptitudo et dispositio ad recipiendam aliam formam contrariam. sed si debet produci effectus, oportet uim agentis tantam esse, et ita fortem ut superet ipsum passum et resistantiam formæ contrariæ, non enim fit actio à proportionem minoris æqualitatis, sed à proportionem maioris æqualitatis. ad hoc autem requiritur maior uis agentis quàm sit passi resistantia in quod agit agens, non enim quælibet uirtus sufficit ipsius agentis ad superandum passum, sed maior uirtus et fortior quàm resistantia passi, sed dū sit transmutatio ab agente in passo ex contrario termino in contrarium terminum conueniente eis ambobus subiecto passo, tempus requiritur, nam tempus est necessarius motus secundum Arist. quoque quarto phys. et ubicunque ponitur motus statim ibi est tempus, ideo ad transmutationem et actionem requiritur necessario tempus ipsum, et cum agens agere debet in ipsum passum, oportet quod contingat ipsum alioqui quomodo aget uel mediate uel immediate? nam exempli gratia sol cum agit in nos, tunc calefacit nos, et caliditas illa est contraria frigiditati, quæ est in nobis, ideo

ideo frigiditas illi resistit, nos sumus subiectum in quo est frigiditas, postea introducit caliditas ipsa, & cū caliditas debet introduci solq; agere debeat, oportet quod radij solares primo contangant nos, mediante scilicet aere ipso, nam calefaciunt aerem, qui contangens nos cum solaribus radijs calefacit, & ita necessarius est contactus ad hanc actionem. omnis enim naturalis actio per contactum fieri habet. Quare necessaria sunt illa omnia ad producendum effectum, & cū aliquid deficit horum, non producit. uidete ergo quomodo quamoptime Auic. dixit tria illa esse necessaria requisita, immo quatuor, uim agentis fortem, dispositionem ipsius passi, & tempus, quartus contactum agentis & passi. si ergo non agit semper sol in quocunq; subiecto calorem igneum, ad quem sequitur statim febris, hoc est referendum in dispositionem passi, quoniam hoc erat dispositum ad recipiendum actionem ipsius solis, illud uero non erat dispositum, & hoc est quod uoluit Auic. hic. Dat postea unam aliam differentiam Auic. quando dicit quod (sæpe accidit ut una eademque causa producat diuersos effectus, immo contrarios quod plus est) & q illa causa producit unum effectum in unum subiectum contrarium autem in aliud, ut quando una causa facit unum effectum in Socrate, quem non facit in Platone. & ad hoc dicit Auic. quod (non est mirum si una eademque causa producat contrarios effectus, quoniam hoc non facit per se sed per accidens) nam una causa facit unum solum ef-

fectum per se, sed per accidens potest contrarios producere. sed hoc non declarat Auic. Ideo uolo quod rem hanc intelligatis, uoloq; declarare ipsam exemplis. Sol est una causa, qui quidem per se calefacit, lutum autem indurat neq; alium effectum facit, hic sunt duo subiecta scilicet cera & lutum in quæ agit sol, tamen diuersos effectus producit, nam ceram quidem liquefacit, lutum autem indurat, induratio autem & liquefactio sunt contrarij effectus, sed hoc facit per accidens ratione ipsorum subiectorum, quæ sunt contrario modo disposita, nam sol agens in ceram eam liquefacit, quoniam in cera sunt partes humide aeræ scilicet aqueæ, quas congelauit frigiditas, & ideo indurata est, sol postea introducens in ceram, quæ est subiectum, caliditatem, expellit frigiditatem quæ congelabat partes illas, sicq; iterum liquefiunt, & ita cera liquefit, sic etiam cum lutum sit quoddam compositum & aggregatum (non enim est mistum) ex aqueis partibus & terrenis, terra quæ de propria natura dura est mollescit propter aqueas partes eam humectantes, & cum sol agat in ipsum resoluit partes aqueas caliditate sua, relinquitur sola terra, quæ cum dura sit ut diximus, de se, ideo induratur lutum hoc modo ab ipso sole, cum tamen cera liquefiat ab eodẽ, hoc non prouenit nisi ratione passorum, eadem enim causa semper innata est facere eundem effectum, ut sol calefacere: contingit postea quod agens in lutum ita aggregatum (ut dictum est) ipsum induret, agens uero in ceram ipsam calefaciendo liquefaciat. Ad illud

Id autem quod quærebatur, cur causa una innata ad imprimendum unum effectum imprimit ipsum in uno, in alio autem non, dicitur quod hoc provenit propter varias dispositiones ipsius passi, nam unum passum est ita dispositum ad aliquem effectum, ut si causa aliqua ipsum imprimens superueniat, statim illum recipiat; est postea aliud passum quod non est ita dispositum ita quod etsi superueniat causa illa, quæ deberet imprimere talem effectum, non imprimit tamen; exempli gratia. Aliquis comedit ipsum piper, & non contingit ei aliquod symptoma, neque aliquid ei nocet, tamen si quis alius comedat ipsum cadit in aliqua symptomata, sicut narrabat de se ipso Gal. qui cum manducasset piper statim cecidit in singultum, quod non provenit nisi quia Gal. habebat os ventriculi ualde sensibile, ideo cum ipsum mordicasset piper, factus est singultus. si quis tamen alius qui non habet sensibile ita os ventriculi comedat piper, non incidet in singultum. His sic stantibus audiat modo unum ualde notandum, quod desiderabam omnino explicare, antequam finirem lectiones istas. dicit enim Auic. (Causarum præterea aliæ sunt uicariæ aliæ non uicariæ) uolo enim quod ex hoc capiat Auic. multo bene cognouisse quod causa coniuncta & causa contentiua, sunt ualde diuersæ. loquor ego de contentiua illa grecorum, nam si non distinxisset illas ad inuicem, creditis uos quod Auic. posuisset hic hanc diuisionem. post multas alias & non credatis hoc nam supra dedit diuisiones multas causarum. nunc autem ultimo dat aliã

de contentiua & non contentiua, & inquit (Causarum alia sunt vicariae. i. non contentiuae, alia sunt non vicariae. i. contentiuae siue continentes quomodocunque dicatis non curo) Postea declarat hanc diuisionem suamq; membra. Ecce ergo quomodo à rei ueritate inspiratus cognouit causas contentiuas alias à coniunctis, sed non distincte ut dixi quoq; superius. uidit & ipse bonos lib. nam cognouit & ipse quòd coniuncte sunt extra essentiam morbi. contentiuas uero esse intra essentiam ipsius, quibus remotis remoueatur morbus, positisque ponatur. quodq; hoc sit uerum, audiat ipsum prosequentem cum inquit (Et vicariae quidem. i. non contentiuae sunt illae, quae cum separantur non tollitur affectus, sed remanet, quoniam non sunt in ipsius essentia) Deinde dicit quòd (non vicariae sunt illae ex quarum separatione prouenit sanitas). i. contentiuae autem sunt illae, quae constituant essentiam morbi in eaq; sint, remotis ipsis remouetur morbus quoq; . positis ponitur. & notate quæso hanc distinctionem super omnia, quando his uis soluetis omnes dubitationes omniaq; argumenta sophistica quae in contrarium offerrentur, & nisi cognoueritis hanc distinctionem causarum contentiuarum à coniunctis, uos non scietis cognoscere aegritudinem; ideo cognitio illarum deferuiet uobis tum ad cognitionem aegritudinis tum ad curationem, tum ad remotionem ipsarum, quoniam diuerso modo remouentur istae causae, aliter enim remouetur coniuncta, aliter

aliter autem contentiua. & notate eam obsecro uos, inquit Auic. dans aliam diuisionem causarum necessariam ad continuationem, dicendorum cum dictis.

(Dicemus autem quòd causæ quæ mutant dispositiones corporis, & illæ quæ conseruât, aut sunt necessariae, à quibus impossibile est hominem egredi in toto tempore suæ uitæ, aut non necessariae) hæc omnia à nobis iam sunt declarata. quoniam causarum immutantium conseruantiumq; aliæ sunt necessariae uitæ humanæ, aliæ uero non necessariae, sed contingentes, necessariae quidem sunt, aer, cibus & potus, somnus & uigilia, ininitio & repletio, & motus quiesq; affectus siue accidentia animæ, iam ista perfectissime usq; ad unguem intellexistis, quàm distinctissime etiam, ideo uideatis quomodo diuisio ista faciat ad continuationem dicendorum, quoniam his stantibus nos incipiemus agere de causis necessarijs, siue necessario occurrentibus in lectionibus nostris sequentibus post pascha, in tractatuq; de qualitate aeris multum laborabimus Deo fauente atq; auxiliante, cumq; inter necessarias prima sit aer, dicemus de eo ergo. de quo uideatis quid ubiq; dicat Gal. sed præcipue uideatis in 9 illo libr. De æρω τῷ πρώτῳ ubi connumerat tria cognoscenda in curatione ipsius morbi, uidelicet temperaturam corporis patiētis, et naturā morbi, aerēq; ipsum, uideatis ergo quantum referat scire de ipso. præparetis ergo uos ut quāoptime intelligatis. & hæc sufficiant pro præsentis cap. declaratione. Ite modo ad confitendum.

LECTIO XLV.

De affectione aeris qui circumdat corpora.

Cap. I I.

AER est elementum nostrorum corporum &c.) meminisse debetis quemadmodum Auic. in præteritis lectionibus tractauit de causis in uniuersali, & dederit diuisiones multas causarum quas quã recte explanauerimus, potuistis audire, inter illas autem diuisiones dedit unam maxime aduertendam in fine cap. præcedentis, cum dicebat quòd causarũ conseruantium & immutantium aliæ sunt occurrentes necessario, aliæ uero non necessario. Quæ autem necessario occurrunt sunt sex, secundum quòd dicebamus cum ipso Auic. quoq; aer, cibus & potus, motus & quies, animæ accidentia, somnus & uigilia, inani- tio & repletio. Ideo cum hæc declarauerimus, Auic. qui intendit de illis singulis pertractare, uult incipere in præsentia agere de ipso aere, qui est prima causa inter illas. hæc est continuatio huius cap. cum præcedenti. Sed quoniam in hoc cap. sunt multe difficultates, & quidem difficiles tum propter ipsius Auic. modum loquendi, tum propter rem ipsam, quæ difficilis & controuersa est, ita ut nullo modo possitis eam intelligere nisi prius notentur a nobis quedam, quæ parent quoque uiam illis. notandum ergo prius a nobis inter alia quatuor esse corpora simplicia, dicta
elc=

elementa, ut ostendimus in Prima Primi. anno elapso. ideo si dicemus de illis quædam non miremini, oportet enim scire illa, sunt autem istorum quatuor elementorum, duo tanquam loco materiæ in generatione mistorum corporum, duo autem loco formæ. loco materiæ quidem sunt terra & aqua, quæ quidem quandoq; proprio nomine nominantur, scilicet nomine substantiæ, ut terra & aqua, quandoq; autem non, sed nominantur nomine qualitatis dominantis in ipsis, ut humidum & siccum, sicut apud Arist. quoq; uideri potest in lib. de generat. & corrupt. quando ergo dicimus aquam et terram concurrere in mistione corporum, intelligimus de prima mistione substantiali, quoniã ita quoq; mos est apud philosophos peripateticos. Cum uero dicimus humidum & siccum concurrere in mistione tanquam materia misti, intelligimus de secunda mistione; non autem de prima. sed quomodocunq; sit, satis est ut sciatis & supponatis quod iam diximus, scilicet aquam & terram esse loco materiæ in mistione corporum mistorũ omnium et quod ex ambobus tanquam ex materia, omnia illa generantur. Sunt postea reliqua duo loco formæ ad generanda mista, scilicet aer & ignis, quæ semper sunt in actu. non autem in præsentia. in actu ergo sunt ista duo. & ut intelligatis ea quæ sunt dicenda de ipso aere, quoniam difficilia sunt, oportet prius adhuc discurre aliquantulum. Dicamus ergo quod a principio generationis misti locus in quo generatur in eo oportet quod humidum & siccum quæ sunt loco formæ

mæ

ma simul iungantur, & seipsa amplexentur, sed si iungi debent oportet quod prius incallescant, alioqui nunquam simul iungerentur. cum ergo hæc duo simul iuncta sunt calida facta prius fit postea in illis status à calore innato, nam omnia quæ habent quoque calidum innatum, oportet ut flatuentur, omnia quæ incallescunt flatuescunt quoque, quod quoque manifestum esse puto in exterioribus mundi magni, nam uidemus quomodo ex aqua generantur illi flatus dum incalescit, qui quidem flatus nihil aliud sunt quam aer. Videmus enim in mundo magno hoc, & certo scimus ex aqua aerem generari, cum incaluerint ista duo, simulque iuncta sint, tunc postea spiritus ille perturbat & permiscet ambo simul, nam spiritus habet permiscere ita quod quælibet minima pars siccæ contangit quamlibet partem ipsius siccæ, & econtra bene & subtiliter omnia permiscantur simulque iunguntur. apparet ergo quomodo flatus quem dicimus esse aerem, sit principium mitionis, cum sit ille qui simul permiscet materiam generationis. hæc quoque si bene meministis docebamur in prima primi anno elapso, sed dicimus quædam adhuc de spiritu, & si de illo dixerimus ibi, uerum loquemur de eo nunc diuerso modo quam ibi, ita quod coniungentes ea quæ ibi diximus, & quæ hic dicimus completam doctrinam habebitis huius rei. Dicebamus autem quoque ibi, quod ubi mitionis fit, ibi existens calor concoquit & digerit, ita quod uel sit elixatio, uel assatio secundum subiectum ipsum in quod agit calor, uel enim est aqua, uel ter-

ra dominans, si aqua sit elixatio, si terra assatio, & cum calor in huiusmodi subiectum agere non possit, nisi habeat auxilium, ideo per spiritum agit, eoq; tanquam proprio instrumento utitur calor, in eoq; inest secundum illum propterea quoq; regitur, sed non credatis quod pure elementalis existens agat calor, quoniam oportet quod regatur ab aliquo, dico cum agit in semine, nam secundum Arist. agit rectus a calore cœlesti, pure enim Elementalis non posset, sed ultra talem calorem innatum fuerunt aliqui qui posuerunt quid extrinsecum formans semen, quod siue sit formatiua uirtus, siue Cholcodea, siue Intelligentia, siue quid aliud, non curo pro nunc, non est enim locus iste disputandi hæc à nobis, quoniam alias dum de hoc ex professo loqueremur, ostendimus mentem Arist. fuisse ueram, eamq; fuisse, quod talis esset quid intrinsecum non autem extrinsecum, nam est uirtutum decisio à patre remanens in semine à principio. Sed de hoc alias quoque dicemus melius & diffusius. supponantur nunc tanquam scita. Dico ergo quod sunt duo semper impotētia, duo uero semper in actu. in actu quidem aer & ignis. Vnde Gal. quoq; sciens hoc dixit in 8. de plac. Hipp. & Plat. aerem semper in actu esse in corpore animalis; sed animaduertatis ut intelligatis dictum Gal. quod non intellexit per hoc aerem purum simplicem, sed spiritum qui in corpore humano siue animalis est, nam aer purus frigidior est ipso spiritu, unde non semper est in actu ille aer, sed spiritus semper in actu est, qui spiritus ut dicebat

bat Plat. in Timæo . medius est inter aerem & ignē ,
 & ex illis mistus . sed cum hoc dicat Plat. tñ Gal. in
 illo 8. de plac. Hippoc. & Plat. dixit spiritum mi-
 stum esse ex aqua & aere , sed postea ipsemet alias ,
 hoc est in prima particula aphor. tex. illo , qui pluri-
 mum calidi habent innati , &c. uoluit idem cū plat.
 quid ergo dicemus in hac contradictione . apparenti
 Gal. & Plat. & Gal. ad semetipsum , cum modo di-
 cat cum Plat. modo aliter ? ut ergo soluam illam , no-
 tate quoniā cum Plato dixit spiritum mistum esse . ex
 igne & aere , intellexit uno modo , cum uero Gal. di-
 xit aliquando cum esse ex aqua & aere , alio modo in-
 tellexit , cum Plato quidem dixit esse ex igne & aere
 & quandoque Gal. considerauit tunc magis rationem
 formalem ipsius quā materiale . Cum autem Gal.
 quandoque dixit cum esse ex aqua & aere , respexit
 magis ad rationem materiale ipsius quā formale .
 Vnde respiciens quoque hoc Hippoc. dixit in illo suo
 lib. de ratione uictus . quōd multi spiritus sunt circa
 aquas , quoniam ex illa generantur et aere ibi existen-
 te . Quomodo autem considerauit magis rationem for-
 male Plat. ipsius spiritus declaro , nam cum spiritus
 sint frigidiores igne , calidiores autem aere , Ideo di-
 xit ipsos esse medios et mistos ex illis duobus . Sed Gal.
 quomodo considerauit magis rationem materiale ,
 manifestum est , nam ex illis duobus generantur tan-
 quam materia ipsi spiritus . ergo ut ex his possumus
 colligere , sunt ex aere , aqua , & igne . & ita babe-
 tis quomodo concordetur ista apparens contradictio
 inter

inter Gal. & Plat. Amplius oportet quòd notetis u-
num aliud, quomodo scilicet aer semper in actu est in
corpore animalis, nam non quatenus aer, sed quate-
nus spiritus est semper in eo in actu. Hippoc. enim in
lib. suo de natura foetus scribit, quòd in utero ubi se-
men iniectum est flatuatur. reliqua quæ dicit uidebitis
ibi apud ipsum, quoniam non solum de generatione
ait ipsius animalis, sed etiam de qualibet mistione cor-
poris. habetis saltem quòd statim generantur flatus
in ipsis rebus, & maxime in ipso semine, cum inie-
ctum est in uterum mulieris. Volo ergo propterea in-
ferre quòd duo semper sunt in actu in omnibus corpo-
ribus mistis, tum calor tum spiritus. Quod autè hoc
sit uerum primo manifestum est quo ad animalia ipsa,
sensu enim id præcipimus, patet quoque quo ad plā-
tas ipsas. in ipsis enim sunt calores & spiritus, nam
uidemus hoc esse uerum ex concoctione illarum, ex
resolutione superfluitatū, maxime tamē si ligna cōbu-
rantur, nam uidemus quòd crepitant maxime si ligna
sint uiridia, nam illa habent meatus & poros strictio-
res, ideo cum per uim ignis semper comburantur li-
gna, aer quoque expellitur: qui cum non ita com-
mode exire possit per strictiores poros, sicut per la-
tiores, ideo quoq; magis crepitat quàm sicca habentia
poros latiores. uidemus propterea ad combustio-
nem lignorum fieri fumum loco ipsius aeris qui exit.
Quare quotiescunque aliquid aduritur, uel comburi-
tur, sit aer ille sicut fumus, quoniam Arist. appella-
uit aerem inflammatum, metallica autem comburun-
tur

tur & ardent. Sed ex illis non uidentur fumi, quoniam aer inclusus & spiritus est crassior, & terrestrior, & corpulentior. Nam si modo uerum est illud quod iam declarauimus quod in humido spiritus generatur, ex illoq; est, quanto ergo crassius fuerit ipsum humilidum, tanto quoq; crassior erit spiritus, quanto subtilius & tenuius, tanto tenuior atq; subtilior, tamē ratione ipsius agentis habita scilicet caloris, uel debilis, uel fortis, quanto enim debilior fuerit, tanto spiritus erunt crassiores. quanto fortior erunt subtiliores. Vnde Gal. in lib. de utilit. respir. & puls. & in lib. de iectigat. trem. & spasmō dicebat, quod existente sanitate in corpore humano spiritus sunt mediocres, neq; crassiores, neque subtiliores. Vnde ex illis cognoscimus sanitatem, nam uidemus operationes illius corporis mediocres, & sanas. tēperare ergo spiritus bonum est, & temperatos habere, quoniam ex illis postea fiunt agritudines quā plurimæ, neq; aliquod mistum generatum potest esse, quod non habeat spiritus istos, & nisi habeat temperatos, non est bene mistum. Vnde etiam Hipp. in illo suo lib. de flatibus, siue modo sit Hippoc. siue Athei, ut quidam uolunt, non curo de hoc, siue sit huius, siue sit illius, scio tamen quod sunt optima dicta in illo lib. dicebat de aere loquens, siue spiritu, quod in omnibus istis mistis reperitur. quoniam omnia que sunt in hoc magno mundo mouentur per aerem & flatum, tantum enim illi attribuit, ut dicat ipsum esse in causa cur omnia moueantur. nihil enim moueretur nisi

nisi esset spiritus iste. per aerem autem non intelligit fortasse sicut creditis uos, sed intelligit hoc totum simul uniuersum, quoniam & in cælo & ubiq; est ipse spiritus mouens, ad quod allusit quoq; poeta.

Et hoc cælum quod dicitur aer.

dicebat Lucretius. immo quod plus est in diuinis regnat spiritus. ostendimus enim aliàs apud antiquos quoq; Theologos spiritum in intelligentijs esse, unde dicebatur apud illum.

Et spiritus Domini ferebatur super aquas.

Quid enim est in quo non infundatur spiritus? spiritus per omnia infunditur, in omnibus est. & quod hoc sit uerum manifestum est quoq; poetis non dicam solis philosophis, audiat illum poetam qui dicebat. Principio cælum, terramq; &c.

Ista iam sint dicta sufficienter de aere quemadmodum necessarius est in ipsa generatione omnium mistorum corporum cum per illum omnia moueantur, omnia pernisceantur, sed non solum necessarius est ad generationem ipsam, sed etiam ad conseruationem corporis humani & aliorum animalium. ad conseruationem enim illius cum sint aliqua necessaria inter ea est aer necessarius, primo quidem est cibus qui est loco terræ, potus autem loco aquæ, aer tertio loco aeris, cum enim ex terra & aqua componantur, atq; generentur corpora animalium, tanquam ex materia & aere tanquam forma continueq; perdantur, & ad corruptionem tendant, ideo si mista manere debeant, oportet quòd tantum restauretur, quantum perditum

iste aer qui attrahitur quotidie per arteriam ab animalibus sit necessarius ad conseruationem illorum, alioquin morerentur, & quem usum habeat qui attrahitur siue per poros siue per arteriam. Est difficillima quæstio, ideo animaduertatis, quoniam in hac sunt quàmplurimæ opinioniones antiquorum uirorum, atq; in medicina philosophiaq; peritissimorum, & grauissimæ authoritatis, nam alij dixerunt propter unū attrahi à nobis aerem, alij propter aliud, nonnulli quidem dixere aerem attrahi ut uacuum nō concedatur, quod tantum abhorret natura. Cū enim continue fiat resolutio spirituum, ideo ut continue aliquid aliud loco illorū succedat, natura prouisit attractionē aeris, alioquin uacuum daretur, quod est impossibile. et hæc uidetur opinio fuisse ipsius Erasistrati. Nonnulli alij uoluerunt aerem attrahi continue propter nutritionem ipsorum spirituum, ut scilicet continuæ nutriantur, & hæc uidetur fuisse opinio Hipp. in libro de natura fœtus. uidete in principio illius libri. Nonnulli alij uoluerunt ingestum esse aerem continue propter euentationem solam atq; refrigerationem ipsius caloris, nam nisi refrigesceret & euentaretur, ita inflammaretur, ut seipsum perimeret: & hæc opinio uidetur fuisse ipsius Dioclis. Nonnulli alij grauissimi dixerunt hoc continue fieri propter continuam generationem ipsius animæ & hæc opinio uidetur fuisse ipsius Praxagoræ. Et cum isti grauissimi uiri in hac re hoc modo dissensi essent, nullusq; optime & perfecte rem explicaret Gal. ille diuinus, cui tantum

o debemus

debemus succedens, uidit nullam opinionem perfectā esse, sed omnes simul sumptæ faciunt rem perfecte claram, ideo ipse posuit quoq; in hoc opinionem suam dū omnia comprehendat. dicit enim aerem continue attrahi tum ut non detur uacuum, tum propter nutritionem spirituum, tum propter euentationem ipsorum. Quid ergo dicemus in huiusmodi re cōtrouersa? quid iudicabimus inter tot uiros grauissimos? certe oportet q; hanc litem relinquamus ipsi rei naturæ, natura enim rei erit iudex diremptrixq; controuersæ. difficillimum enim nobis est iudicare sine ea. Consideremus ergo naturam rei, deinde examinemus huiusmodi opiniones. consideranda est primo natura ipsius caloris, dicebat autem Gal. ille diuinus omnem calorem qui aliquo sensu corporali sentitur siue sit modo corpus calidum, habere duos motus contrarios, unum quidem habet sursum ut tendat ad suum locum, alium uero habet motum deorsum ut ad suum fundamentum uadat, quo illo possit nutriri, alioquin extingueretur: flabelatur autem & euentatur ab hac parte alioquin periret. Vnde uidemus quoq; sensibilibiter omnem flammā habere istos duos motus contrarios, sursum & deorsum. Quapropter si tollatur unum ex illis quisquis sit ille, flamma peribit, nam uidemus quod si flamma ponatur in aere calidissimo extinguetur, ratio huius est quia tollitur unus motus, ille scilicet qui est deorsum. tota enim flamma querit tendere sursum, exhalat enim propter calorem, sic quoq; si alius motus tollatur, qui est sursum, deorsum tamen moueatur, extinguitur

tinguitur flamma. nam si illa ponatur in frigidissimo
aere cum maxime refrigeretur non potest ascende-
re, & si descendat uersus suum fundamentum ut nu-
triat. Quare quicumq; subruatur extinguitur flam-
ma, unde uidemus quod in Alpibus multi homines mo-
riuntur, qui illac transeunt, quoniam tanta sunt ibi
frigora, ut propterea calor innatus amittat motum sur-
sum, & sic extinguitur. ambo ergo motus sunt neces-
sarij in quocunq; corpore calido quod sentit; quo-
tiescunq; autem sunt duo motus necessarij alicui rei
pro existentia, uno illorum remoto remouetur quoq;
res ipsa, secundum quod dicebat quoq; Gal. sic quoq;
dicamus in corpore humano propter calorem ipsum
sunt duo motus contrarij, sursum & deorsum. sunt
quoq; dilatatio & constrictio ipsarum arteriarum,
que dicuntur systole, diastole, nam illi quoq; duo sunt
necessarij, alioquin uno ablato aufertur homo, nã ab-
lata systole aufertur siue alio ablato, hoc est ergo unum
fundamentum in hac re. Amplius dicamus quod cum
calor sit quidam actus agens, oportet ergo quod sem-
per agat alioqui nisi ageret extingueretur, quod ha-
beat quoq; subiectum & materiam in quam agat, ista
autem materia humidum radicale est, semper ergo
indiget humido, ergo non est calor nisi cum aliquo hu-
mido. propterea bene dicebamus alias cum loquere-
mur de hoc, quod noster ignis non caret humido, im-
mo semper habet illud annexum, neq; sine eo reperie-
tur. quod quidem cum dixissem, quidam Doctores mi-
rati sunt, tanquam si quoddam paradoxum protulis-

sem, cum tamen ipsi quoq; rem postea uiderint clarā
esse, nam scimus, ut ostendebamus ibi, omnia in hoc
mundo corporum corruptibilia esse permista, ideo
ignis non manet simplex, sed semper cum humido ali-
quo est: unde ignis potest dupliciter considerari, uno
modo quoad eius essentiam, secundo modo quoad es-
se. si quo ad essentia consideretur, tunc dico quod
ignis est quædam substantia calida seccaq;, & ut sic
non habet annexum humidum sed ut consideratur se-
cundum esse, dico quod semper est cum humido, neq;
in actu unquam reperietur sine humido. bene conce-
do si accipitis eius substantiam abstractam ab existen-
tia in actu, quod ignis non est humidus, sed quoad est
in actu nunquam possibile est ut reperiatu quin sit
humidus. habetis ergo hactenus duo fundamenta, pri-
mum q; ignis habet duos motus contrarios, & quoda-
libet corpus calidum, unum supra ut ad suum locū ua-
dat, alium deorsum ut ad alendum tendat, secundum
autem quemadmodum semper indiget alimento, quod
quidem alimentum humidum est, tertium autem fun-
damentum erit quoniam cum semper fiat aliqua eua-
poratio ipsius caloris ex corporibus humanis, quod
fiat semper aliqua quoq; restauratio, quoniam nisi im-
plerentur pori qui euacuantur per euaporationem
partium corporearum, tunc daretur uacuum, quod
tantum abhorret natura. ut ergo non detur uacuum
oportet fieri aliquam restorationem. his sic positis
atq; constitutis iam uidebimus quæ opinio sit uerior,
bene omnes sunt ueræ, quoniam omnes tetigerunt ali-
quam

quam necessitatem, sed est una quæ tetigit maiorem necessitatem huius restorationis. sunt autem incomplete omnes istæ opiniones, nisi simul sumantur, sicut diuinus ille Gal. fecit, nam diuersi diuersam naturam ignis cognouerunt, unam enim naturam considerauit Erasistratus cum dixit quod facit euaporare ideo ne detur uacuum, natura prouisit de continua restoratione. Quantum autem ad ipsum Hipp. dico quod non solum tetigit unam necessitatem huius restorationis, sed duas, unam quidem quam diximus pro nutritione et alimento ipsorum spirituum, adiunxit quoque in alio loco aliam necessitatem, quæ est propter uacuum, scilicet ne detur uacuum, et hanc quoque sumpsit Gal. ab ipso in primo aph. in illo aph. qui incipit. qui plurimum habent calidi. postea Gal dixit quoque aliam necessitatem pro refrigeratione. scilicet ipsorum spirituum, quam dixit in lib. de natura fœtus. Quare hanc necessitatem quam dixerat Diocles coniunxit Gal. cum alijs, fecitque completam opinionem, quæ rem hanc claram redderet. sed comparemus parumper omnes inuicem opiniones, et uideamus quis illorum tetigerit maiorem necessitatem, propter quam aer inspiratur, nam necessitas quidem est pro nutritione ipsorum spirituum, quoniam nutriuntur, ut ostendimus, sed tamen non fuit tanta necessitas ut nutrirentur, ut natura dederit hoc onus inspirandi, quoniam illi poterant aliunde nutriri, scilicet ex uaporibus illis eleuatis à sanguine subtiliori, et ideo quantum ad hoc possemus stare sine anhelitu, tamen hoc est impossibile.

le. quòd hoc sit uerum, patet quoniam si ligentur ipsæ arteriæ quæ uadunt ad cerebrum, ita ut aer non possit ire ad cerebrum, tamen nutriuntur illi spiritus qui sunt ibi, quoniam uidemus homines qui non moriuntur, tamen si esset datus pro nutritione spirituum anhelitus morerentur. quod diximus de arterijs cerebri, dicatis uos de arterijs cuiuscunq; alterius membri. Amplius manifestum quoq; fiet quòd nō erat tanta necessitas pro replendo, ut propterea natura dederit animali anhelitum, quoniā bene esset necessitas ista, quæ urgeret si uasa continentia tum humores tum spiritus essent tanquam quoddam uas ligneum, quod quidem non possit considerare neq; cedere, nam cum continue partes resoluantur, oportet etiam restaurari. sed quoniam huiusmodi uasa sunt confidentia ita quòd possunt laxari, possunt constringi pro inanitione & repletionem ipsorum. Quare nō erat tanta necessitas pro replendo uacuo ut nisi esset anhelitus homo moreretur statim, quoniam ut dixi cū uasa inaniuntur, considerare possunt, & sic quoq; replere uacuum, sed prima principalisq; necessitas urgens fuit pro flabellatione continua, & euentatione ipsius caloris innati & spirituum, nam tanta fuit necessitas pro flabellatione illorum, ut cum motus iste anhelitus cesset statim moriatur homo, quod non esset nisi esset quādam maxima necessitas. maxime ergo necessarius spiritus innatus & calor qui non differunt subiecto, sed sola ratione, sicut aliās ostendimus flabellantur continue per aerem inspiratum, primo quidem

dem refrigerat & prohibet ne calor sursum tendat ad suum locum, nisi enim esset refrigeratus sursum tenderet & motum ad infra amitteret, consequenterq; extingueretur, secundum quod dictum est. Vt ergo flabellatur calor, datus est anhelitus pro principali necessitate, neq; putetis me introducere ista noua in has scholas, quoniam non sunt noua, immo sunt antiqua, omnia enim ista sunt Gal. in lib. de util. resp. & puls. & clarius in lib. de iectig. trem. & spas. et si ista dicat alijs uerbis; ego enim breuiter quo fieri potuit collegi omnia quæ ibi habet, cum tamen ipse longissimo sermone ista recitet. Quare iam habetis magnam primamq; necessitatem anhelitus, propter scilicet uentilationem & flabellationem ipsius caloris naturalis & spirituum, ad hanc autem necessitatem principalem cōsequuntur aliæ duæ necessitates, quoniam cum flabellatur calor & spiritus, uacuum quoq; repletur. secundo spiritus ipsi nutriuntur, sed non est datus principaliter anhelitus nisi propter primam, nam possemus etiam stare sine anhelitu, nisi illa necessitas magna urgeret, quoniam propter illam datus est anhelitus. nisi enim continue flabellaretur calor naturalis igniret & ita inflammaretur, ut homo suffocaretur. cuius illud signum est magnum, quod si homo ponatur in feruentissimo calore suffocatur, quando cum tã extrinsecus sit calidus cum attrahatur per arterias non potest flabellare calorem & spiritus ipsos, ideo exhalat calor & homines suffocantur, si etiam ponatur in magno frigore quoniam anhelitus prohibetur suffocatur,

foecatur, sicut contingit in Alpibus. Quare habetis modo quomodo generatur spiritus, ex quibus & quo modo necessario continue flabellentur, alioquin homo moreretur. hæc pro hodierna lectione sufficiant, postquam non uultis me amplius legere, cras si quid relictum est in hac materia colligemus, ut ueniamus ad expositionem Auic.

LECTIO XLVI.

CUM dictum fuerit in fine præcedentis lectionis quod spiritus ipsi nutriuntur ex Gal. sententia per aerem inspiratum per arterias, cum tamen non principaliter propterea datus sit anhelitus, sed secundo, ideo hoc uidens ille Gentilis uolens refragare sententiæ huic insurgit & contra Gal. uult habere opinionem, cum tamen uellet suo modo accommodare Gal. uerba, ne uideretur quoque Gal. illi esse contrarius, sed esse pro se, ita quod uellet esse cum Gal. & Auic. & cum iste Gentilis sit apud istos magnæ autoritatis, ita ut illum appellent speculatorem subtilem, ideo oportet quod uideamus illius argumenta quo possumus omnia confundere, quoniam nihil penitus huius rei intellexit. utitur quidem argumentis apparentibus, & probabilibus, ita quod uidetur trahere rem omnino ad suam opinionem. Nam iste homo ponit duas principales probandas conclusiones, prima quarum est quod spiritus non nutriuntur. secunda est quod si spiritus nutriuntur, non nutriuntur aere, qui per arterias & poros inspiratur. Volo autem quod ipsius

argumenta referamus & argumentemur quoad fieri possit, ut possimus uidere numquid facere possit difficultatem. Ad probandas ergo ambas conclusiones utitur argumentis. ad probandam quidem primam primo sic arguit, quod spiritus non nutriantur nam nullum inanimatum nutritur, sed spiritus sunt inanimati ergo non nutriuntur; argumentum quidem hoc est in prima figura optimum quoad formam syllogismi. ideo cum sit bonum argumentum probat postea maiorem propositionem, quod nullum inanimatum nutriatur ex definitione nutritionis data ab Arist. in suis lib. nam nutritio non est nisi in animato cum per animam tamquam principalem agentem fiat, sed minorem proposit. non probat Gentilis, quoniam tanquam manifestam & probatam relinquit. ipse enim tenet spiritus non esse animatos, quod autem non sint animati, quia non habent instrumentum per quod nutriantur. cum autem habuit quod non nutriuntur procedit ad probandam secundam conclusionem, quae quod spiritus si nutriuntur, non nutriuntur aere inspirato, in hoc autem augmentabo sua argumenta, ut totus sim cum ipso in inueniendo argumenta facientia pro eius opinione, quo melius postea pateat quantum deuiarit. Probat enim primo hoc ex autoritate ipsius Auerr. qui de hoc contra Gal. locutus est in suis coll. dicit enim quod spiritus non nutriuntur ex aere inspirato. secundo arguit ad idem probandum argumento accepto a commutata proportionem. Nam sicut se habet aqua ad partes solidas ipsius corporis, ita se habet

aer ad spiritus, sed aqua neq; pura, neq; permista nu-
 trit membra solida, ergo neq; aer nutrit spiritus ip-
 sius. Amplius sic arguit, spiritus non sunt compositi
 ex aere, ergo non nutriuntur ex illo, nam ex eadem
 materia nutrimur ex qua constamus. si ergo aere nu-
 trirentur spiritus, tunc illi essent ex aere compositi,
 quod tamen falsum est. antecedens autem probatur
 quod spiritus ex solo aere non sint ex autoritate
 Gal. in primo aphor. aph. 14. & in lib. ad Glauc. et
 ubiq; ferè ex sentètia quoque Hippo. qui dicit q; spiri-
 tus sunt corpus mistum ex omnibus elementis, non au-
 tem ex solo aere. Amplius probatur ex sentètia Plat.
 sicut superius ostendimus, cum ergo ex solo aere non
 sit, ergo ex solo aere nō nutritur: Præterea ad idem
 sic arguit. in illis uere fit nutritio, estq; nutrimentū
 in quibus partim illud quod nutrit expellitur, par-
 timq; retinetur. sed aer cum inspiratur pro nutritio-
 ne spirituum per te non partim retinetur, partimq;
 expellitur. ergo non est uerum nutrimentum ipsorū
 spirituum. bonum argumentum est & quo ad maiore
 propositionem illam probat per Arist. qui quidem lo-
 quens de nutritione quomodo sit dicebat quod cum nu-
 triri debet membrum aliquod, oportet quod prius
 concoquatur alimentum ipsum, modo concoctio nihil
 aliud est quā segregatio boni a malo, idest illius quod
 nutrit ab illo quod non potest nutrire, quod est excre-
 mentum. ergo siquid nutrire debet oportet omnino
 quod aliquid segetur & expellatur. hæc enim est
 conditio ipsius nutritionis, non enim fieri potest sine

concoctione, quæ non potest esse sine alicuius expul-
sione, ut apparet ex ipsius essentia. hæc est senten-
tia Arist. in lib. de sensu & sensili. postea propositio
minor probatur per sententiam ipsius Gal. in suo illo
lib. de util. resp. ubi inquit quod tantum de aere inspira-
to exit quantum introductus est. si ergo tanta quã-
titas est expulsi, sicut illius qui fuerat introductus,
ergo nihil de ipso retinetur, ergo non est nutrimen-
tum ipsis spiritibus, ubiq; quoq; Gal. dubitabat de hoc,
dicebat enim dubium est quomodo spiritus ex inspira-
to aere nutrantur, cum tamen reddatur quantũ in-
troducendum erat, & ideo roboratur quoq; ista opinio
hoc modo, aer est corpus simplex. est enim unum ex
quatuor elementis, quæ secundum omnes sunt corpo-
ra simpliciora in his inferioribus: ergo non nutrit.
nam si nutriret sequeretur quod aut totus retinere-
tur, aut totus expelleretur, sicq; non nutriret. quod
autem non retineatur totus manifestum est, quoniam
videmus ipsum quoq; expelli, sed si totus expellere-
tur, esset potius corpus eterogeneum quàm homoge-
neum. istæ sunt omnes rationes quæ possunt pro hac
opinionem dici. Gentilis enim recitat quoque illa, &
cum possent facere aliquem cadere quæ quidem om-
nes rationes apud me nihil ualerent, sed uanæ essent,
neque manerem in hac re, sed quoniam sunt postea
rationes Arist. quoque id probantes, quæ sunt mul-
to ualidiores ac difficiliiores, ideo oportet quod pera-
sistam parumper. Aristot. enim lib. suo. de spiritib.
format pro hac opinione (quoniam ipse quoq; tenet
spiritus

spiritus nutrirī) rationes hoc modo, quæcunque nutriuntur habent instrumenta per quæ fit nutritio, si ergo spiritus munirentur sequeretur quòd haberent quoque instr. per quæ nutrirētur. modo uidemus quòd aer attrahitur per arteriam asperam, quæ est idem unumq; instrumentum, tum in attractione spiritus, tum in ipsius expulsionē; ergo natura defecisset in necessarijs, cum necessarium sit unum instrumentum pro attractione, aliud uero pro expulsionē, tamen dedisset unum tantummodo, neq; uidemus postea instrumenta, per quæ possit sumere nutrimentum ipse spiritus præterea omnis motus fit in tempore, sed nutritio est motus, ergo fit in tempore, tunc sic nutritio fit in tempore, idest nutrimentum assimilatur ipse nutrito in tempore, modo aerem qui inspiratur uidemus quòd in instanti expellimus, ergo aer non nutrit ipsum spiritum. Amplius cibum nutriens cum nutrit aut ingrossatur, aut subtiliatur in concoctione, sed aer inspiratus, neque ingrossatur, neque subtiliatur, sed sicut inspiratur ita redditur, ergo non nutrit spiritum: ista sunt omnia argumenta probantia spiritum non posse nutriri aere, tum secundum Gentilem, tum secundum ea quæ nos adiunximus, tum secundum Arist. Quæ quidem argumenta meo quidem iudicio nihil concludunt in oppositum sicut uidebitis: nam dabimus nos unam solam responsionem, qua soluentur per se omnia illa. Nam ponimus nos conclusionem omnino oppositam illi, cum dicamus quòd spiritus nutriuntur, & cum hoc quòd dicimus nutriri ex aere in spirato

spirato, & hanc conclusionem sustinemus secundum
 sententiam quoq; Gal. in lib. de util. resp. & in. 7. lib.
 de usu part. Pro cuius rei intelligentia debetis primo
 aduertere quòd inspiratio aeris sicut superius docui-
 mus data est à natura per unam magnam necessita-
 tem, quam quidem fugere non poterat, scilicet euen-
 tationem caloris naturalis, & spirituum, sed consecu-
 tiue postea propter nutritionem spirituum, quoniam
 natura sagax fuit, quæ prouiderat aliunde de nu-
 trimento ipsorum, nam prouiderat illam subtilem eu-
 porationem sanguinis, ex quo commode nutrentur,
 ideo absq; hoc quòd dedisset inspirationem aeris ani-
 mal poterat stare minus propter repletionem uacui
 quoniam sine ea poterat facere natura cū condiderat
 uasa quæ considerare possunt & cum exinaniantur re-
 plent uacuum possuntq; denuo dilatari cum replen-
 tur ideo absq; hocq; natura dedisset inspirationē ae-
 ris, animal poterat uiuere. Quare nulla istarum ne-
 cessitatum fuit sufficiens, propter quam daretur in-
 spiratio aeris a natura. fuit enim alia maior neces-
 sitas, propter scilicet refrigerationem, atq; euentua-
 tionem ipsius caloris & spiritus, nam nisi continue
 refrigerarentur, ignirent, sicq; interirent, ideo ne-
 cessitas fuit ista principalis, quæ impulit naturam ad
 dandam inspirationem ipsius aeris. Verum tamen est
 quòd & si natura sagax propter hanc principalem
 causam urgentem dederit huiusmodi respirationem,
 tamen quia semper per pauciora natura facit multa,
 non solum utilia sed & necessaria, ideo prouisit ut
 ad

ad inspirationem aeris, primo refrigerarentur, atq;
 euentarentur ipsi spiritus, consecutiue autem, & se-
 cundario nutrentur, & uacuum replerentur. tāq;
 enim ad harmoniam & quandam conuenientiam nu-
 tricantur cum refrigerati sint spiritus et uacuum re-
 pletur, quoniam continua fit amissio partium spiri-
 tualium; sed quoniam iste aer habet partes similes
 quoq; ipsi spiritui, non tamen omnino similes, ideo in-
 diget alteratione priori. per quam quidem alteratio
 nem aer quoad fieri potest similaretur spiritui alio-
 qui ex ipso nō nutriretur: propterea natura prouisit
 ut aer alteraretur in illis partib. quæ dissimiles sunt.
 si autem sunt quædam partes quæ assimilari non pos-
 sint ipsi spiritui expelluntur, quoniam spiritus nō nu-
 tritur nisi similibus, sicq; partes similes retinentur,
 ut ex eis nutriatur, ut ergo nutriatur oportet altera-
 tionem antecedere ipsius aeris secundum quod Gale-
 docebat in septimo illo suo lib. de usu part. Quare nā
 sagax, prouidaq; in pulmonibus curauit alterandum
 atq; concoquendum ipsum aerem, ut ibi fieret segre-
 gatio partium similarium a dissimilibus quæ nihil ali-
 ud est quàm ipsa met concoctio, nam sicut nutrime-
 tum quod nutrire habet solida membra antequam ac-
 cedat ad ipsa nutrienda, primo in hepate concoqui-
 tur optime & preparatur, segreganturq; partes dis-
 similes, idest excrementosæ a similibus, & quod hoc
 sit uerum, uolo quod comprobemus id experientia
 quotidiana. Nam si incidatis ipsos pulmones semper
 in ipsis inuenietis aliquas partes aereas, quod non est
 nisi

nisi quia ibi præparatur aer & alteratur, atq; concoquitur antequam accedat ad nutriendum spiritum. Vnde dicebat quoq; Gal. quod in anatomia hoc est manifestum, nam cum inciduntur pulmones in ipsis inuenimus aerem infixum in suis concavitatibus, semper enim in ipsis est aer, ut præparetur pro continua nutritione spirituum ipsorum. Quare iam habemus q, aer inspiratus habet refrigerare spiritum, & calorem naturalem, nutrire ipsum, & replere uacuum, sed maxime & primo habet refrigerare spiritum, sicut dictum est. Manifestum ergo est quod nos tenemus secundum rei ueritatem spiritum nutricari aere inspirato, & hæc præpositio omnino est opposita propositioni ipsius Gentilis, quam probauimus argumentis secundum ipsum. Gentilis enim dubitauit in hoc, & cum eo Arist. tandem concludentes spiritum non nutriri, et si nutriretur non nutriri aere inspirato. De Gentile ego nihil perfectò curare, quoniã sua argumenta ex malo intellectu huius rei procedunt, nihil. n. intelligit in hac re etsi subtilitatem profiteatur secundum istos doctores nostros, magis curandum de Arist. mirum enim est quod negarit spiritum nutriri, cum ipse quoq; non cognouerit naturam omnino ipsius spiritus. Nam dicimus nos quod spiritus feruentissimus & calidissimus est secundum Gal. & ipsum quoq; Arist. cum in sinistro cordis uentriculo generetur ita feruidus est, ut dicat Gal. quod si imponatur in ipso digitus comburat ipsum, tantum uirium est, ideo oportet ipsum refrigerari, quoniam nisi refrigeraretur ita subtiliaretur per caliditatem

tem ipsius, ut omniq; exhalaret, & perderet motum illum deorsum, quem diximus supra necessarium esse ad sustentationem ipsius. ut ergo sustentetur in esse, oportet ipsum continue refrigerari, ut ergo refrigeretur continue natura preparauit aerem ipsum, qui continue quoq; inspiraretur, & esset pro ipsius pabulo & alimento, quoniam continue exhalat propter intensam ipsius caliditatē. prouisit ergo natura non solum de uaporosa parte sanguinis pro ipsius nutritione, sed etiam de inspiratione aeris frigidi. Nā spiritus sunt calidissimi, quemadmodum dictum est, modo quæcunq; calida sunt actu maxime ignis, habēt hoc, quod semper agunt, semper nutriuntur, semper generantur, & semper corrumpuntur, semper in motu sunt, secundum quod docebat Theophrastus in suo illo diuino lib. de igne, Vnde non est assignare eundem ignem, eandemq; flammam, nunquam enim hoc possibile est, quoniam semper in fluxu est, semper generatur, semperq; corrumpitur, semper absoluit materiam aliquam. ergo & ipsi spiritus continue agūt, semper generantur, semperq; corrumpuntur. Cum autem semper corrumpantur, oportet quod generentur quoq; semper, & augeantur, sicut diminuuntur, alioquin interirent. non augentur autem nisi per aliquam materiam accedentem. oportet ergo quod si debent generari semper, ut semper accedat materia per quam nutriantur, sicq; semper augeantur pro ipsorum continua diminutione, istam autem materiam qua nutriendi sunt spiritus, oportet esse humidam, nā
calor

calor nutritur humido semper, quoad enim humidum nutrit ipsum illuc usq; uiuit calor et spiritus, cum cessat humidum, cessat quoq; calor sine humido, ergo cum calor esse non possit & continue humidum deperdat, oportet quoq; quod continue restauretur. restauratur autem tum per uaporosam partem ipsius sanguinis, tum per inspiratum aerem. ergo ex aere illo spiritus & calor naturalis nutriuntur, habemus ergo duo hic quod spiritus primo nutriuntur, secundo q; cum hoc quod nutricantur, nutricantur ex aere inspirato. Sed tamen uerum est quod huiusmodi nutritio ipsorum spirituum non est sicut nutritio ipsorum animalium. non enim nutriuntur spiritus eo modo quo nutriuntur animalia, nam nutritio ista non est uere nutritio, quoniam uera est solum ipsorum animalium, sed est nutritio transumptiua, & metaphorice sumpta, nam transumpta est huiusmodi nutritio spiritus à nutritione animalium, ita ut dicere possimus nutritionem dici & predicari, tum de nutritione ignis, tum de nutritione animalis, sed non uni uoce sed transumptiue, idest secundum prius, & posterius analogiceq; ; si philosophice loqui uolumus et metaphorice, idest similitudinarie & transumptiue, si secundum grammaticos uolumus loqui, nam nutritio dicitur de nutritione animalis per prius; de nutritione autem ignis per posterius, ita quod transumptum est hoc nomē ab animalibus ad ignem similitudine quadam intercedente. Quapropter dicamus quod continue quidem & semper spiritus nutriuntur, sicut eodem

Nam nullum inanimatum nutritur per definitionē nutritionis datam ab Arist. concedo hanc authoritatē, sed postea cum inquit quod spiritus non sunt animati, dico quod petit principium. Nam relinquit hanc minorem tamq; probatam & per se uotam, cum tamen probatione indigebat. oportebat enim ipsum probare hanc propositionem, sed in ea probanda est fugitiuus. Nam nos probauimus aliās secundum Gal. ipsum spiritum esse aut animam, aut proprium instrumentum animæ, immo dicebat Gal. in illo suo lib. quod animi mores sequantur temperaturam corporis, & spiritus est uerum domicilium animæ. Cum enim in corporeum corporeo iungi non posset, ideo natura sagax et prouida mediante quodā medio inter utrūq; scilicet spiritu, coniunxit huiusmodi duo animam & corpus. sine spiritu enim animatum esse non potest, quoniam animam non haberet, cum illa per spiritum corpori coniungatur. Quare cum spiritus sint animati, nutriuntur, & fallit suum argumentum quoniam non probauit minorem propositionē, nam multa probatione indigebat. ipse tamen ignarus reliquit eam per se notam, & quod non sit per se nota manifestum est, quoniam multum quesita est apud nostros quoque modernos, qui solent quoque formare questionem hoc modo, utrum spiritus sint animati. Veniamus modo ad soluenda argumenta per quæ probat secundam suam conclusionem, quod etiam si spiritus nutriatur, non nutriuntur aere. primo enim eam probabat ex authoritate Auer. in suis collect. Ad

Spiritus uero animatus

quod augmentum respondeo, quod nihil ualet, nam quid ad me de Auerr. cum ipse multum sit malignus in decisionibus rerum ipsius Gal. & ubi potest, ipse contrarietur, etiam in rebus uerissimis; ideo si est malignus contra Gal. nihil facit ad rem cum adducet rationes contra hanc naturam & Gal. sententiam, tunc illas soluam, sed quia ut dixi, Auerr. malignus est, ideo contrariatur quidem in hoc Gal. non tamen contra ipsum argumentatur. ideo dimittam hoc argumentum quoque; ego, quoniam nihil ad me autoritas ipsius, bene argumenta ualerent, si ea adduceret, sed non adducit. Ad secundum autem ipsius Gentil. argumentum quod erat huiusmodi, sicut se habet aqua ad partes similes, sic se habet aer ad spiritum, Dico quod debetis animaduvertere quod huiusmodi argumenta accepta a commutata proportionem, concludunt illud quod possunt, id est parum ualent & pauca probationis et autoritatis, & dimittamus etiam ualere, concedo totum, sed quando dicit quod aqua non nutriuntur ipsa membra solida, ergo neque spiritus nutriuntur aere, nego consequentiam. Nam primo dico, quod data est aqua pro nutritione, & aqua multum confert ad penetrationem ipsius alimenti ad partes solidas: Amplius humectat ipsum cibum, quoniam ex humido nutriuntur membra. habet quinetiam usum alium aqua in corpore animalis, ut scilicet non absumat humidum & exsicceetur corpus; cuius signum est illud, quod illi qui parum bibunt exsiccati sunt & demacrati, qui uero multum bibunt sunt pingues. Vnde uidemus istos Germanos

manos esse multum pingues, quoniam multum bibūt. bene tamen uerum est quòd illi non bibunt aquam, sed bibunt uinum. præterea dico etiam quòd aqua nutrit. non enim aqua quam nos habemus est illa aqua simplex elementalisq; , sed est mista ex quatuor elementis. nullum enim datur elementum simplex in actu, sicut ratione cognoscuntur, quoniam omnia sunt mista in hac sphaera. & si aqua simplex esset, dicerem & ego quòd non nutrirer, sed quoniam mista est, ideo dico quòd nutrit solida membra. quòd autē aqua ista sit mista non autem elementalis & simplex probatur, quoniam ista aqua putrescit. quæcunq; autem putrescunt sunt mista non autem simplicitia, ergo & aqua est mista. Nam dicebatur quoq; ab Arist. putredinem esse quandam mistorum passionem. Vnde neq; iste noster ignis est simplex, sed est mistus. nam semper materia ex qua generatur iste est mista, ideo mistus quoq; generatur iste ignis, ille uero cœlestis ignis elementalis est & simplex purus, non commistus. est enim ignis cum isto modo æquiuoce ignis, quoniam in illa sphaera est ita purissimus, ut non habeat caliditatem illam mordacem, immo habet illam ualde mitem, ibi non calefacit, ibiq; non comburit, quoniam elementa simplicitia non agunt in proprio loco, nisi cum insimul sunt permista. appellabat autem ipsius caliditatem Theophrast. ille γόνιμος ἐίρημοτερά. Cum ergo iam manifestum sit aquam istam nostrā mistam esse, ergo & nutrit. nam bene ualeret quòd non nutrirer si simplex esset, sed omnia sunt hic com-

mista, ut alias latius demonstrauiamus. dicamus ergo
 eodem modo de aere cū spiritu. & ideo uidetur quo-
 modo hoc argumentum faciat pro opinione Gal. &
 nostra. aer enim cum non sit purus hic neq; simplex,
 sed mistus nutrire habet spiritum, oportebat ergo
 quod minorem propositionem probasset, quod aqua
 non nutriat, & habuisset rationem pro se. Quare
 relinquitur primum argumentum solutum. Quoad
 autem secundum argumentum quod tale erat, spiri-
 tus non sunt solum ex aere, ergo neq; solo aere in-
 spirato possunt nutriri. probatur consequentia, quo-
 niam ex eisdem constamus ex quibus nutrimur. & ē
 contra per Aristot. Quod autem spiritus non sint ex
 solo aere, manifestum est per Gal. ubiq; ferē conce-
 do antecedens, quod spiritus non sunt ex solo aere.
 postea negatur consequentia, quam insert; ergo non
 nutriuntur ex solo aere, intelligendo argumentum
 de aere nostro, qui in actu est, nam si essemus in aere
 simplici puro, & naturali, tunc suffocaremur; nam
 usum præbet quidem nobis iste aer quem attrahimus,
 quoniam mistus est ex uaporibus frigidis, ideo refri-
 gerat spiritū ipsum, cumq; nutrit, sed si in sua natu-
 rali dispositione esset, tunc ita calidus esset, ut non
 modo usum non præberet sed & nocumentum. ideo
 cum supponamus aerem nostrum esse mistum (sicut
 ostendimus,) dicimus quod ex illo nutriuntur spiri-
 tus, qui non sunt compositi ex solo aere. Quare nō
 ualet consequentia illa non sunt solum ex aere, ergo
 neq; ex eo solo nutriuntur, nam sunt compositi ex o-
 mnibus

minibus elementis quatuor, ex illis quoque nutriuntur, nam aer qui est hic & quem inspiramus habet omnia alia elementa permixta. nam omnia hic sunt simul mixta, sicut dicebat Hippoc. & cum eo Gal. nos quoque latius ostendimus alias. Reliquum est ut ueniamus ad solutionem ultimi argumenti quod tale erat: in illis est uerum nutrimentum illud, quod in ipsis partim retinetur, partim expellitur, modo aer inspiratus non partim expellitur, partimque retinetur, ergo non est uerum nutrimentum ipsorum spirituum. concedo maiorem propositionem totam, hoc enim declarauit Aristot. modo ueniamus ad minorem, quando dicit, & aer inspiratus non partim retinetur, partimque expellitur; sed totus expellitur. nego hanc propositionem. Ad probationem illius per ipsum Gal. in fine lib. de utilit. resp. dico quod ipse quoque dubitauit in hac re, & pulchram proposuit questionem examinandam, sed ipse quoque in hac soluenda fuit fugitiuus. dicebat enim ibi dubium uidetur quomodo ex aere nutriantur spiritus cum aer inspiratus in tanta quantitate expellitur, sicut inspiratus est. Ego certe nunquam inueni solutionem illius in lib. suis: tamen ipse ibi dicit se dicturum de illo alias diffusius. quoniam enim ut credo ego nondum locutus erat de ipsa dubitationis solutione: ideo ibi in futuro uerbo locutus est cum diceret alias dicetur diffusius. & quoniam in alijs rebus cum uult se remittere ad alium tractatum. citare solet suos lib. ideo cum nunc non citet lib. praecisum in quo habuerit hanc solutionem, dicerem ego hac pro-

missione uoluisse nos expedire, quia fortasse dubius erat in hac re, neq; sciebat firmiter eius solutionem. Ego quidem non profiteor me meminisse omnium dictorum ipsius Gal. sed tamen ego puto me nunquam uidisse in suis lib. qui ad nos peruenerunt, huiusmodi solutionem, Et ut dixi, si Gal. fecisset aliquem lib. in quo huiusmodi solutionem posuisset, certe se citasset, neq; se expediisset eo modo. Cum ergo Gal. fuerit in soluenda hac quaestione & ratione fugitiuus: ideo ego uidens quod fortasse potuisset facere uobis magnā difficultatem, uolui ex dogmate ipsius Gal. & si ipsum non exhibeat excerpere dissolutionem eius. dicebat namq; ipse in illo suo septimo de usu partium, magnam fuisse sapientiam naturæ in formando ipsos pulmones, nam formauit illos natura ut semper in ipsis aer contineretur, ne cum loquela nos impediret suffocaremur, & etiam ut loquela posset continuari, nam si nō esset aer qui expiraretur dum loqueremur, & refrigeraret spiritus ipsos, oporteret loquelam ipsam intercipi, ut aer inspirari posset. Cum ergo aer inspiratur & expiratur, dico quod tantum quidem (inquit Gal.) expellitur quantum introductum est, etsi tamen in tanta quantitate expellatur, non propter illud idem est aer qui expellitur cum eo qui inspiratus est, neq; eadem ipsius substantia, nam expellitur aer fuliginosus & excrementosus, qui derelictus est in concoctione ipsius in pulmonibus: semper enim pulmones concoquunt ipsum aerem, cumq; præparant, ut possint nutrire spiritum, cumq; refrigera

re, & semper expellit partem illius dissimilem, quæ assimilari non potuit. Quare efficiens est causa ipsius concoctionis calor naturalis in pulmonibus materiæ aeris. istum enim concoquit alterat & assimilat quoad fieri possit, ut ex illo nutriatur spiritus, sed in omni concoctione est expulsio aliquarum partium, et aliquarum retentio (sicut dictum est.) Quare hic est pars aeris quæ retinetur; est quoque pars quæ expellitur, tamen æqualis quantitas est aeris expulsi cū quantitate illius qui inspiratus est. Nam cum diastole & systole in corporibus sanis sint æquales, neque maior est necessitas ipsius dilatationis, quam constrictionis propter refrigerationem maiorem spirituum, tunc æquales sunt quantitates aeris, tum inspirati, tum expulsi. Nam cum motus isti sint æquales, per quos motus tum aer expellitur, tum inspiratur, ergo quātas fuerit dilatatio, tanta erit expulsio, quanta constrictio, tanta quoque inspiratio ipsius aeris, modo per dicta restrictio est æqualis ipsi dilatationi. ergo & aer attractus per restrictionem erit æqualis aeri expulso per dilatationem. & hoc est quod dicebat Gal. se aliàs ostensurum, quomodo æqualis est aer inspiratus aeri expulso per expirationem in quantitate, quasi uellet dicere id quod nos absoluimus, quoniam restrictio & dilatatio sunt æquales motus. Quantū autem attinet ad rationes ipsius Arist. dico quod per habita facillime respondebitis unica responsione. quoniam ille probant de nutritione uera ipsius animalis, nam illa fit per instrumenta. Sed ea quæ nutriuntur

tur modo ipsius ignis non indigent instrumentis, cum non nutriantur uniuoce cum ipsis animalibus; neque enim ipse dedit tot instrumenta igni, cum dixit illum nutrirī. Videatis modo omnia argumenta quaecumque fieri possunt in hac re, & soluetis illa per fundamenta. Videatis subtilitatem Gentilis quem isti nostri moderni uocant speculatorem subtilem, nescio uidere ego istam subtilitatem. immo uideo quod est crassissimus in hac re, aut quod sum ita crassi ingenij, ut non cognoscā subtilitatem eius. Et hæc de hac questione.

LECTIO XLVII.

AER est elementum nostrorum corporum & spirituum, est etiam emanatio nostris adueniens spiritibus &c.) Si recte meministis quæ diximus in superioribus duabus lectionibus de ipso aere & spiritu, non erit consequenter difficile intelligere ea quæ dicuntur ab Auic. in hoc cap. in quo uult tractare de aere. declarabimus autem ipsum text. Auic. quoniam multum errant in eius expositione eius expositores. Ego enim primo exponam secundū rei ueritatem & meo iudicio, postea dimittam uos uidere Gentilem & Iacobum, & alios, & uidebitis quantum hallucinentur. nolo enim nunc recitare eorum expositiones, quoniam esset absumere tempus, postea confuturæ. Sed cum cognoueritis bonam & ueram expositionem, accedens postea ad illos, & clare uidebitis in quibus errent. erimus ergo textuales hodie, cum iam speculationem præmiserimus. sed ut intelli-

gatis hanc primam partem, animaduertatis quoniam
 aer dupliciter accipi & considerari potest. uno mo-
 do ut est elementum, & ut est in potentia, nam ut sic,
 aer est elementum corporum mistorum, quoniam ele-
 menta quatuor in misto remanent uirtualiter & in
 potentia, etsi de hoc sit magna quaestio, utrum for-
 maliter uel uirtualiter remaneant. sed quoniam ma-
 ior pars tenet ea remanere potentia, ideo ostendimus
 manifeste alias in prima Fen. primi ea remanere uir-
 tualiter, ideo hoc supponatur tãquam ibi probatum.
 hoc ergo primo modo sumptus est aer in potentia, se-
 cundo modo sumitur & consideratur ut est in actu,
 & hoc modo fluit & refluit in nostro corpore, neq;
 in misione est, sed necessarius est ad uitam, quoniam
 sine eo uiuere non possumus, alioqui suffocaremur.
 Quare habemus iam quod aer dupliciter considerari
 potest in nostro corpore uno modo ut in potentia,
 & sic est elementum nostrorum corporum & spiri-
 tuum. i. ut in potentia consideratus; est etiam prae-
 ter hoc quod est elementum nostrorum corporum et
 spirituum emanatio nostris adueniens spiritibus. i. ut
 consideratur aer in actu, quoniam ut sic fluit & res-
 fluit, & est causa meliorationis eorum, non tantum
 sicut elementum. i. ut in potentia consideratus, &
 ut in misione concurrat, sed etiam sicut faciens. s. tem-
 perans, quoniam refrigerat spiritus ipsos, qui sunt fer-
 uentissimi, & ideo temperantur ab ipso. iam autem
 declarauimus in his quae praecesserunt & c. Pro quo
 animaduertatis quoniam in corpore nostro sunt tri-
 plices

plices partes: alie enim sunt solidæ, & hæ dicuntur à græcis στερεά, secundo sunt ipsi humores quatuor, qui sunt partes fluidæ: humores habent quòd sint fluidi, quoniam sunt humidi ut dicebat Hipp. & Auic. de finiebat in prima primi cap: de humoribus in principio ubi quoq; declarauimus quomodo necessario sint fluidi ipsi humores, tertio sunt spiritus ipsi, qui quidē fluunt, sed non fluunt eo modo quo fluit aqua, & huiusmodi humida, sed cum fluunt impetunt. ideo dicuntur magis impetentes partes. unumquodq; autem ipsorum sit & generatur ex quatuor elementis, tam solidæ partes quàm fluidæ & impetentes, & ideo quando dicit Auic. quòd est aer elementum nostrorū corporum, intelligit per corpora illas partes solidas, postea dicit etiam, spirituum qui sunt partes impetētes, & quoniam humores magis possunt dici solidi quàm spiritus, ideo per corpora non solum intelligimus solidas partes, sed etiam humores. i. fluidas partes. iam autem declarauimus in his quæ præcesserunt quid intelligi uelimus per spiritum. non enim dicere uolumus illud quòd philosophi animam uocant: aer ergo in secundo significato accepto ut in actu est, non est elementum nostrorum corporum, sed est emanatio adueniēs spiritibus nostris ut refrigerentur, & sic meliorantur. nolo ego nunc recitare expositiones istorum modernorum, postea illas confutare, quoniam cum rectum audieritis uos postea inspicientes illos facile iudicabitis falsum & obliquum, nihil enim intelligunt de hoc cap: meo iudicio; quoniam ergo spiritus sunt nature

tura igneæ, ideo aer continue fluit & refluit, ideo eū dixit esse emanationem Auic. & non solum est elementum quod concurrat in mixtione, sed etiam est efficiens temperatos ipsos spiritus. semper enim fluens est refluensq; in nostro corpore, perpetuo corrumpitur, perpetuo generatur, nunquam manens idem spiritus, quoniam est natura igneæ, modo ignis in continuo fluxu est. ob id natura prouisit de huiusmodi aere attracto. habetis ergo omnia ista clara. Cum autem Auic. fecisset hanc distinctionem aeris qui est duplex, aut enim est in potentia aut in actu; ut in potentia est elementum nostrorum corporum & spirituum, ut autē in actu sic est emanatio nostris adueniens spiritibus, quoniam mentionem fecit de spiritibus, ideo nūc uult declarare quid intelligat per spiritus: Nos autem iam id declarauimus aliās quomodo spiritus ipse idem est cum calore innato; sunt enim eadem subiecto, sed sola ratione distinguuntur, ideo dicit (Iam enim declarauimus &c.) ostendimus enim quod spiritus non sunt ipsa anima in prima Fen primi, declarauimusq; paulo ante quomodo spiritus non sunt anima, neque sunt corpus sed sunt quædam substantia media inter corporea tum incorporea. cum enim ipsa anima non posset coniungi corpori, ideo per spiritum medium, natura ista duo simul iunxit. Cum autem anima solo intellectu subiecta sit, corpus autem ipsi quoque tactui, ideo spiritus non est tactui subiectus, quoniam est tenuior, ideo sensu tenuissimo cognoscitur, scilicet uisu, tum etiam ipso intellectu. spiritus ergo
non

non sunt anima, sed sunt potius proprium domicilium ipsius animæ quemadmodum superius docebamur cū Gal. propterea aliqui quoq; fuerunt qui dixerunt spiritum esse animam propter illam similitudinem, secundum quod dicebat Gal. in lib. suo de usu resp. sed & Peripatetici & Platonici, omnesq; philosophi dixerunt concordēs spiritum esse substantiam quandam tenuem & domicilium proprium ipsius animæ, non autem animæ propterea addit illud Auic. quid intelligat scilicet per spiritum, quoniam non intelligit illam animam secundum illos philosophos antiquos, sed intelligit substantiam mediam inter corpus & animam, quā alio nomine appellamus calorem naturalem, de quo spiritu locuti sumus iam satis anno elapso in prima primi: manifestauimus ibi multa de hoc spiritu, quæ nunc non sunt referenda. Quare cum iam diuiserit Auic. ipsum aerem in duplicem, dixeritq; aerem aliū in potentia esse, aliū uero in actu, cumq; de aere in potentia ut est elementum partium corporis humani tractarit satis in prima primi cap. de Elementis, ideo nunc loquens de aere, uult loqui de aere secundo modo accepto, ut scilicet est in actu, & inquit (Et hoc quidem temperamentum, quod ex aere nostris aduenit spiritibus, ex duabus pendet operationibus, quæ sunt mundificatio & euentatio) & ut hoc melius intelligatis quod dicit Auic. scire debetis, quod in corpore humano sunt duo motus contrarij, qui perpetuo fiunt dum uiuit homo, & die & nocte, scilicet constrictio & dilatatio. qui qui
dem

dem nō modo fiunt in ipso thorace quōd maxime per-
spicuum est, sed etiam in toto corpore, & omnibus e-
ius partibus per instrumenta deferentia spiritum .i.
per arterias. Cum ergo hi duo motus sint à natura cō-
stituti perpetuo in corpore humano, ideo sunt pro-
pter aliquem finem, sunt enim naturales motus, mo-
do omnia naturalia habent aliquem finem, differunt
nanq; in hoc naturalia à non naturalibus, quoniam na-
turalia propter aliquem finem fiunt, sed non natura-
lia carent fine. non sunt enim propter aliquem finē;
unde dicebat quoq; Arist. nihil frustra à natura factū
esse, sed quæcunq; facit, facit propter aliquem finē.
erunt ergo isti motus constituti à natura propter ali-
quid. Qui ergo erit iste finis intentus à natura? dico
quōd cum calor naturalis sit calidissimus, ideo ut re-
frigeraretur aliquo modo, & sic tēperaretur, natura
dedit homini hos duos motus, uerum constrictio ha-
bet postea suum finem distinctū à fine ipsius dilatatio-
nis. Cum enim constrictio & dilatatio sint contrarij
motus, ideo contrarij quoq; erunt fines illorum. Qua-
re cum habeant suos fines hi motus duo, ideo dicendū
est de dilatatione & constrictione. uolo ergo quōd
nunc intelligatis quid sit dilatatio quidq; constrictio
& quamoptime illorum naturam intelligatis: nā isti
nostri expostores nihil penitus de re intellexerunt,
sed omnia confundunt. propterea dicit Auic. quōd
(spiritus mundificantur & euentantur per il-
lam emanationem aeris deuenientē ad ipsos)
ista omnia audistis in nostra speculatione, dicemus
etiam

etiam de his, dilatatio ergo & constrictio sunt duo motus, de quibus est loquendum: apud etiam nostros medicos uulgares dicuntur diastole. i. dilatatio, & systole. i. constrictio. Postquam ergo Auic. iam distinxerit illos duos motus, & dederit eorum fines, assignauerit quinetiam eorum operationes, quæ sunt duæ, una ut spiritus ipsi mundificentur, altera ut illi iidem euententur, ideo nunc uult declarare quid sint istæ duæ operationes, quid sit scilicet mundificatio spirituum, & quid sit eorum euentatio. quando dicit, euentatio uero est temperamentum complexionis spiritus calidi cum superfluit propter constrictionem & secundum plurimum, & propter aliud scilicet temperamentum, quod sit temperamentum relatiuum, quod sciuislis. sed sciatis quod oportet parumper hic manere, quoniam ista uerba sunt implicata, ut uix possint intelligi nisi habeat quis ea quæ nos declarauimus. Legatis enim istos expositores et uidebitis erasitiam ingenti illorum, qui tamen speculatores nominantur. dico ego de Gentile illo, qui cum uelit hunc locum exponere, magis difficilem reddit, & hoc non est alia de causa, nisi quia non intelligit ipsam rem, & ita est difficilis hic locus, ut Andreas ille qui correxit tex. Auic. uoluerit hunc locum emendare, uel quod eo modo stet litera Arabica, uel quod inuenit suo ingenio, tamen magis intricat ipsam, & difficiliorem reddit. ideo legemus secundum literam antiquam quoniam faciliior; & attendatis nostræ expositioni, quoniam uidebitis num uerum tangat nec ne. Ut ergo intelligamus

mus hanc literam sciatis primo illud, quod quoq; declarauimus in superioribus, si recte attendistis, aerē inspirari duplici de causa, tum propter magnam necessitatem, tum propter utilitatem, propter necessitatem quidem quoniam cum spiritus sint feruētissimi, sicut declaratum est, ideo fierent ignei & inflammarentur, nisi per refrigerationē temperarentur; & sic animal suffocaretur, uel etiam seipsos interimerent, quoniam ita incalescerent ut amitterent illum motū ad infra. i. ad suum fundamentum. sicq; omnino exhalarent, & animal moreretur. ut ergo animal uiuere posset natura prouida in omnibus rebus prouisit ut refrigerarentur, & euentarentur per inspiratum aerem frigidum. inspiratur autem ille aer per dilatationem thoracis, qui est unus ex illis duobus motibus, per aeremq; illum spiritus temperati efficiūtur. neq; ignescunt, ignescunt autem & inflammantur spiritus & calor naturalis maxime per constrictionem, quæ est motus contrarius dilatationi, nam calor maxime ignescit & ut plurimum propter transpirationem prohibitam secundum quod docebat Gal. in primo lib. de differentiis feb. modo constriction est quid aliud quam prohibita transpiratio; nam maxime hoc patet in febribus putridis, in quibus inflammatur & ignescit calor innatus propter prohibitam transpirationē, quoniam pori obstructi sunt, unusq; hic modus est inflammationis & accessionis ipsius caloris secundum dogmata Gal. Alio quoq; modo ignescunt spiritus quam per constrictionem prohibitamq; transpirationem,

idest cum applicantur, approximantur eis res calidæ
uel aer calidus. tunc enim suscipiunt huiusmodi calidi-
tatem, sicq; in caliditate magis intenduntur. tertio
quoq; modo inflammantur spiritus non per prohibitā
transpirationem, non per approximationum rei ca-
lidæ sed per ipsum motum, unde uidemus ex motu
quoq; alicuius rei fieri ignem & flammam, unde mo-
tus & lumen innata sunt ignem generare, dicente
philosopho quoq; in libr. de cælo. cum ergo sint istæ
tres causæ inflammationis, & ignefactionis ipsorum
spirituum, ut plurimum tamen ignescunt propter trā-
spirationem prohibitam. Vnde uidemus quod cum ar-
teria aspera ipsius gulæ impagitur crassis aliquibus
uiscosisq; humoribus, quoniam prohibetur ipsa tran-
spiratio, ita ignescunt spiritus & calor innatus, ut
homines suffocentur, sicut contingit in illa ægritudi-
ne quam uulgo quoq; appellarunt asthma, propte-
rea natura sagax ut refrigeratione & euentatione
refrigerarētur, prouidit de huiusmodi attractione æ-
ris per inspirationem. hæc est necessitas propter quā
data est homini respiratio aeris. est autem alia utili-
tas, quam præbet huiusmodi respiratio, non ut spiri-
tus ipsi qui ignescunt, uel etiam ignefacti sunt tempe-
rentur per euentationem, sed ut conseruentur in sua
propria temperatura, cum sunt temperati & sani,
non autem cum ignefacti sunt. Quare habetis duos
usus ipsius attractiōis aeris. unus est ut spiritus igniti
tēperentur ad suamq; æqualitatem reducantur, alter
est ut conseruentur in propria natura cum sunt tem-
perati

perati & sani, cum autem spiritus ipsi igniti sunt, tunc magna fit inspiratio ipsius aeris, quoniam per illam recreantur cum per constrictionē fuissent igniti, sicut contingit in his, qui difficile anhelant, cum autem sunt temperati tum per inspirationem aeris, qui est calidus humidus, conseruantur in propria temperatura, quæ quidem est calida & humida, non quæ eorum temperatura sit absolute calida et humida sed relate; & notate subtilitatem cum breuitate Auic. quid enim potest intelligi nisi sit homo boni ingenij, dicit enim (Euentatio est temperamentū complexionis spiritus calidi cum superfluit propter constrictionē & sū plurimū,) notate (& pp aliud scilicet temperamentū, quod sit tēperamētū relatiue, quod sciuiſti) possumus dicere de hoc homine, dum breuis esse laboro obscurus fio: uult enim dicere spiritum habere temperaturam relatam, non absolutam, id est calidam & humidam relatiue ad alia membra corporis humani, sicut dicimus cordis temperaturam esse calidam siccam, referendo illā ad temperaturam cerebri & alia membra, cerebri quoque temperatura est frigida humida relata ad temperaturam cordis & hepatis, ossa sunt frigida & sicca respectiue ad cor & alias partes, non autem quod absolute sint talia, sic quoque dicimus spiritus esse calidos & humidos relatiue, pro cuius termini intelligentia debetis scire quod temperatura duplex est, alia enim est absoluta, alia relata. absolutam eam dicimus, quæ omnino æqualis est: relatam autem quæ

non est omnino æqualis, sed talis est respectu temperaturæ aliorum, sicut de hoc satis diximus anno elapso in prima primi cap. tertio de complexionibus. nō oportet nunc ista repetere, sed sunt supponenda tanquam intellecta, si uultis in hoc loco intelligere Auic. Legamus modo uerba, illaq; exposita erunt per se et clara ex his quæ annotauimus hactenus. dicit ergo, (Euentatio uero est temperamentum complexionis spiritus calidi cum superfluit propter constrictionem secundum plurimum,) Inspiratio aeris frigidi qui refrigerat spiritus, habet duos usus; alter est quoniam cum facti sunt ignei magis reducuntur ad temperamentum suum, idest caliditatem & humiditatem. ista autem igneitas spirituum cum fiat à tribus causis, quemadmodum diximus, ut plurimum tamen fit propter transpirationem prohibitam, & constrictionem quæ contraria est ipsi dilationi, aliū usus est quem habet euentatio, quoniam conseruat spiritus in propria temperatura calida humida, quod uera sit hæc expositio nullæq; sint expositiones horum modernorum quas uiderim, manifestum est, quæ subinfert & addit, nam inquit & propter aliud, ecce quod notat secundum usum. postea dicit, (.s. temperamentum quod sit temperamentum relatiuum,) idest ut spiritus conseruentur in propria tēperatura, quæ relatiua est et quid calida humida, propterea illa particula expositiua declarat quis sit secundus usus ipsius euentationis; cum dicit, (scilicet quod autem sit istud

tem-

temperamentum relatiuum iam sciuiſti,) idest ego iam illud declarauim in prima primi cap. tertio de complexionibus, quod supponendum est tanquam scitum, non autem repetendum. hæc est mera & uera expositio mentis ipsius Auicennæ, & si obscurissima sint uerba, & melius uidebitis inferius quomodo optima est expositio. Videatis modo quæcunq; dicunt isti expositores & uidebitis quantum sint absorta a mente Auic. dico de illo Gentile qui exponit hanc partem: Nam Iacobus ille de Forliuio transibat hanc partem dum legeret illam, neq; sciui adhuc causam cur iste homo dimiserit illam in expositam. fuit enim fugitiuus in hoc, neq; oportebat ita facere. dimisit enim illam quoniam erat difficilis intellectu, neq; sciebat extricare se, cum tamen non possit esse ut dimiserit illam quia non esset necessaria neq; utilis medico, nam est magis necessaria, magisq; utilis quam pars alia huius secundæ Fen, in qua tractet de causis immutantibus necessarijs. Sed cum Auic. iam ostenderit nobis quid sit euentatio & usus ipsius, nunc modo transit ad alia, & uult declarare quæ sint instrumenta per quæ fit huiusmodi euentatio, & inquit, (Et hoc quidem temperamentum attribuit nobis aeris attractio à pulmone & a poris euatione pulsus, qui sunt cum arterijs continui,) debetis repetere memoriæ ea quæ dicta sunt à nobis, quoniam huiusmodi euentatio habet duos usus, tum ut temperet spiritus ignitos, tum ut conseruet in propria temperatura. ut ergo fiat huiusmodi

usus, oportet aerem attrahi tum per poros cutis, tum per asperam arteriam à pulmone. Cum ergo sint illi duo usus ab euentatione prouenientes, non possent esse nisi aer frigidus esset. quomodo enim spiritus possent refrigerari per illum, nisi esset frigidus: propterea subiungit Auic. in tex. (Aer autem qui nos circumdat valde est frigidus in complexione compositione spiritus innati, quanto plus complexionis quæ accidit propter constrictionem,) dicit quòd aer qui attrahitur tum per poros, tum per asperam arteriam est frigidus nõ absolute, quoniam falsum diceret, sed respectu ipsorum spirituum qui sunt in corpore humano, tam quando sunt ignei, quàm quando sunt sani, & in propria temperatura, immo si respectu eorum dum sunt temperati, quanto magis cum sunt ignefacti per constrictionem. quomodocunq; enim sumantur spiritus, semper sunt calidiores aere attracto; ideo uidete quantũ clara sit & optima expositio nostra, quoniam aer attractus qui euentat spiritus si illi sunt ignei reducit ipsos ad proprium temperamentum, si autem sunt sani tunc conseruat illos scilicet semper refrigerando ne ignescant. quid clarius. dicit enim (Aer attractus est frigidior ipsis spiritibus innatis dum sunt in propria temperie, quanto magis cū sunt igniti, tunc enim magis calidi sunt seip-sis,) & magis declarat se exponendo ea quæ dixit; Vellet ipse dicere ea quæ diximus nos in speculatione, sed non potest ita clare declarare. Nam posset aliquis

aliquis uestrum ab eo querere quomodo fiat istud temperamentum spirituum cum sunt ignei. Amplius quomodo conseruentur in propria temperatura, ideo hoc praeuidens Auic. docet quomodo fiat istud, & inquit, (Cumque aer ad ipsum peruenit, impellit ipsum & miscetur cum eo, & prohibet ipsum ne ad igneitatē cōuertatur constrictiuam, ex qua ipse ad malitiam peruenit complexio nis, &c.) Vult dicere quod cum aeris sit attractio per inspirationem, tunc cum aer sit frigidus occurrens spiritibus qui sunt calidi, mistio fit calidi cum frigido, & ita ista extrema refrangunt se inuicem, & sic remanet quoddam medium temperamentum, eoq; modo cum temperetur spiritus, prohibetur quoq; ab igneitate, sed cum temperentur existentes ignei, tunc cum essent remoti ad hoc quod agerent operationes suas animales facimus, quod reddit ad illas exequendas, remouendo illud per quod non poterant illas exequi, idest igneitatē; Et hoc est quod dicit Auic. cum inquit, (Ex qua ipse ad malitiam peruenit complexionis per quam remouetur a praeparatione ad effectiones recipiendum animales in se, quae est causa vitae & ad resolutionem suae met substantiae uaporalis humidae) haec pars iam clarissima est. Alia autem utilitas est quam diximus, nam ex inspiratione huiusmodi aeris prohibemus ne spiritus ita subtilientur ut exhalēt & relinquant corpus ipsum, propterea dicimus quod conseruantur in propria temperatura, & natura, ideo

facimus illos non fluidos per huiusmodi refrigerationem. tunc enim dicitur aliquid a nobis reddi non fluidum, cum sui natura fluidum est, sed prohibetur ne fluat, modo spiritus sui natura maxime sunt fluidi, si relinquuntur igniti, & ideo refrigerando illos, aer attractus conseruat ne exhalent. hæc sunt quæ uoluit Auic. haberi propter euentationem spirituum, quæ habetur merito aeris attracti: Postea inquit, (Mundificatio, &c.) postq; non uultis me amplius progredi hodie, cras nos finiemus cap. hoc.

LECTIO XLVIII.

MUNDIFICATIO vero est propter societatem ipsius, quando reuertere facit anhelitus &c.) Videbamus in superiori lectione quomodo ad conseruationem ipsorum spirituum requirebantur duo motus, per quos quidem fiebant duo effectus, alter motus erat dilatatio, alter constrictio; effectus erant mundificatio ipsorum spirituum, & euentatio eorundem. Vidimus quin etiam quomodo euentatio duplicem præbet usum tum ad hoc quod mutantur cū ignei facti sunt de illa igneitate ad suam temperaturam propriam, tum ut conseruentur in propria temperatura, quæ est relative calida & humida. Reliquum est modo ut uideamus alia quæ in hac materia uidenda sunt nam per expirationē ipsam spiritus mundificantur fuliginosis illis uaporibus, sicut per inspirationem aeris euentantur. cum enim iam aer per attractionem in pulmonem est concoctus & refrigerauit.

spiritus

spiritus nutritiūq; eosdem, postea fuligines generatæ apud ipsos expelluntur per ipsius expirationem, sicut docebamus nos supra diligenter, cum in speculatione nostra essemus. Quare cum fit expiratio mundificatur spiritus à uaporosa illa fuligine (propter societatem ipsius &c.) Hic est difficultas ex parte uerborum Auic. quid scilicet intelligat per hoc qd dicit (per societatem,) nam reuera sunt difficulta ista uerba Auic. debetis enim scire quòd difficultates in dictis doctorum aut sunt ex parte uerborū, aut sunt ex parte ipsarum rerum; ista ergo difficultas est ex parte uerborum Auic. quem nos exponimus nūc, sed uult hoc dicere Auic. quòd cum habeamus duas utilitates ex dilatatione ipsa, tum euentationem ipsius caloris innati, tum nutritionem ipsius substantiæ uaporosæ spiritus, constrictionem autem sit illi opposita sicut declaratum est et contrariorum eadem est ratio, differenter tamen, ideo erunt quoq; tot utilitates prouenientes ex constrictione, quot sunt illæ quæ proueniunt ex dilatatione. sunt quidem tot & oppositæ illis, per constrictionem autem fit mundificatio secundum Auic. ideo illius erunt duæ utilitates. nam sicut per dilatationem thoracis habebamus refrigerationem spiritus, sic quoq; per constrictionem & mundificationem habemus expulsionem aeris fuliginosi qui non est amplius aptus natus refrigerare spiritus, neq; ipsos nutrire. Amplius sicut dictum est in superioribus ipsius nutrimenti alia pars retinetur, alia uero expellitur? Cum enim nutrimentum intro sumatur sitq; dissimile

simile ipsi nutriendo, oportet prius ipsi assimilari si nutrire debet illud, & cum totum assimilari non possit, ideo quod potest nutrire. i. simile retinetur, quod autem non potest nutrire. i. dissimile, non retinetur, sed expellitur; ideo sicut per dilatationem per quam fit euentatio aer inspiratur, qui debet assimilari ipsi spiritui ut illum nutriat, sic quoque per constrictionem per quam fit mundificatio expellitur excrementum ipsius aeris, quod relictum est in concoctione ipsius, quem assimilari nutriendo spiritui non potuit, & consequenter quod non erat amplius aptum natum nutrire ipsum; cum inquam ita res se habeat merito Auic. dixit illud uerbum quod facere uidebatur difficultatē (propter societatem) quoniam propter societatem cum isti motus sint contrarij ambo se concomitantur, ideo cum unus illorum habeat duas utilitates, alter quoque tot habebit sed oppositas duabus illius. quod hoc sit uerum quod ego dixi, & quod hæc sit mens Auic. in illo uerbo, declarat magis quando dicit. (quando reuertij facit anhelitus illud quod ei attribuit uirtus separatiua ex uapore fumoso, cuius comparatio ad spiritum est comparatio humoris superflui ad corpus cum aer expellitur.) Scitis uos secundum dicta nostra in omni nutritione necessariam esse attractionem nutrimenti. Amplius ut quod est attractum concoquatur, quod concoctum est, assimiletur, quod autem non potest assimilari sed dissimile remanet expellatur. neque enim solum sunt ista necessaria in una nutritione sed in omni, quoniam mul-

tae sunt nutritiones. dicebat enim Gal. in prima aph.
particula ista omnino necessaria esse, quod quoque uult
hic innuere Auic. dicit enim cum ergo relinquuntur
excrementa in concoctione aeris sicut declarauimus
supra quod spiritus ex aere nutriuntur in propria
questione contra quosdam: quoniam autem illa nutri-
tio est occulta concoctioque non manifesta, ita quoque
cum expelluntur illa excrementa expulsio est occul-
ta, & quoniam erat occulta, ideo ut à nobis intelli-
getur Auic. illustrauit exemplis manifestis, nam sicut
in partibus solidis quae nutriuntur sic quoque ipsi spiri-
tus sed ex simplicioribus, quod negauit Gentilis, puta-
uitque secum esse Auic. & tamen Auic. dicit totum op-
positum illius quod ipse dicit, ut hic uidemus & mani-
bus pertractamus, uoluitque Gal. idem dicere cum ex
ipsius sententia ostendimus oppositum. sicut ergo cum
nutriuntur solida membra, & relinquitur aliquid, quod
non est aptum natum amplius conuerteri in substantiam il-
lorum, tunc expellunt illud tanquam excrementum,
nam per (corpus) Auic. intelligere solet solidas par-
tes, sicut notauimus quoque superius melius. Postea
Auic. declarata concludit quam breuissime cum inquit.
(Temperamentum ergo eius est propterea
quod spiritui aduenit aer cum attrahitur, &
mundificatio est propter eius exitum cum ex-
pellitur.) Isti sunt breuiter usus tum euentationis
tum mundificationis qui sunt effectus tum dilatationis
tum constrictionis, nam inquit quod (quando fit
aeris attractio per inspirationem tunc refri-
gerantur

gerantur spiritus, cum autem excrementosæ fuligines post concoctionem & nutritionem expelluntur, tunc mundificantur.) Vide quod quantum ad hoc omnia sunt iam clara ex declaratis, non est in his ideo immorandum, sed antequam perueniamus ad alia quæ sequuntur, ut illa intelligatis, debetis scire quædam de respiratione, quoniam de illa tractat Auic. Quare notetis diligenter quod aer expulsus per expirationem, & attractus per inspirationem differunt tum substantia quoniam attractus subtilior est simpliciorque: sed ille qui expellitur est crassior & compositior, nam semper crassius est excrementum quod in concoctione relinquitur, quodque expellitur, quam est ipsum alimentum. Nam sicut superius ostendimus humidum est nutrimentum ipsius ignis, cuius signum est illud quod cum aliquid iam exiccatum est non est amplius aptum natum nutrire ignem. crassior ergo aer est qui expellitur, quoniam tanquam exiccatum relictum est, immo quandoque ita crassus est, ut visu uideatur & percipiatur, quod maxime solet contingere tempore hyemis duplici de causa, tum intrinseca tum etiam extrinseca. Intrinseca quidem

* extrinseca autem causa, quoniam cum expiratur, exiens inuenit frigiditatem ipsius aeris continentis, & ideo inspissatur ita quod uertatur etiam in aquam, sicut propemodum contingit in alembico, nam uapores exhalantes ex herbis impositis ascendunt ad partem concavam ipsius alembici, & inuenientes superficiem frigidam plumbeam refrigerantur & condensantur,

spissantur, sicq; descendunt sub forma ipsius aque. simili enim modo cum uapores fuliginosi expirentur. tunc in hyeme inuenientes frigiditatem cōtinentis ingrossantur & fiunt aqua, cuius signum quoq; illud maximum est, quoniam cum animalia dormiunt homines, maxime inueniunt linteamina madefacta ubi aerē expirarunt, quoniam aer inspissatur & uertitur in naturam aque, sicq; madefacit lintea secundū quòd notabat quoq; Arist. in suo illo lib. de somno & uigilia; & hoc erat quod uolebam esse à uobis notandum inter alia. secundum uero quod notādum est uolo quòd sit illud ne erretis in ijs quæ dicuntur à doctoribus, quoniam in hoc quoq; male intellecto errarunt uiri, qui sunt etiam magni nominis. sciatis ergo quòd in ipsa expiratione duo sunt motus, unus est ipsius cordis, alter uero ipsius thoracis. isti autem motus tum conueniunt, tum etiam differunt inter se. dicamus ergo primo in quibus conueniunt, secundo in quibus differunt. conueniunt quidem igitur in hoc, quòd propter utrumque aer inspiratur, per quem fit refrigeratio ipsius caloris innati. conueniunt quoq; in modo motus ipsorum. ambo enim & ille qui cordis est, & ille qui thoracis mouentur per constrictionem & dilatationem, dum autem dilatatur thorax aer attrahitur, dum uero constringitur expellitur aer fuliginosus. Ex quo colligitur error ipsius Alberti qui dicitur Magnus, qui quidem in suo lib. de respir. sicut potestis eum uidere, dicit constrictionem & dilatationem thoracis esse motus contrarios, & sicut per dilatationem aer expellitur,

expellitur, ita per constrictionem aer inspiratur pro
 euentatione & nutritione ipsorum spirituum, cum
 tamen totum omnino sit oppositum, nam per motū di-
 lationis thoracis aer inspiratur, cum autem thorax
 constringitur tunc aer fuliginosus expellitur, quod
 quoque probatur per naturam rei, nam cum thorax di-
 latatur quomodo possibile est fieri ut aer non inspire-
 tur? cum trahatur, uidemus enim uasa ipsa repleti,
 cum autem sit constrictione tunc uasa clauduntur. quo-
 modo ergo per illam potest fieri inspiratio aeris? si
 per dilatationem aperiuntur. Amplius omnes antiqui
 tum medici tum philosophi dixerunt per dilatationem
 aerem inspirari, per constrictionem uero expelli. ip-
 se solus nuper dixit hoc somnium & hanc imagina-
 tionem chymeram, præterea conueniunt isti duo mo-
 tus cordis & thoracis quod sunt idem affectus. i. pa-
 tiuntur in affectibus communibus, nam cum mutatur
 motus cordis mutatur quoque motus ipsius thoracis, si
 enim frigidum ita constipet asperam arteriam ut non
 possit fieri motus thoracis, sic quoque motus cordis mu-
 tatur. quod autem dico de frigido, idem intelligatis
 uos de calido, & de gaudio letitia & de mœstitia, nā
 aliquando per magnam melancholiam in quibusdā in-
 tercipi motum thoracis & etiam motum cordis, unde
 fiunt quoque suspiria propter communicantiam motus
 cordis, & propterea in hoc quoque ille Albertus Ma-
 gnus male putauit motum cordis non intercipi, cum
 tamen motus thoracis intercipiatur, quod tamen fal-
 sum est omnino. nam uidemus quod cum intercipitur
 anhelitus

anhelitus cor ita palpitāt ut uideatur uelle exire, quoniam motus illius mutatur ut quiescat non tamen quiescit, sed quoniam hi duo motus conueniunt in his, modo uidendum est in quibus differunt, differunt autē magis per attractionem ipsius aeris, nā motus thoracis trahit aerem extrinsecum, nondum alteratum. motus uero ipsius cordis trahit aerem alteratum & præparatum in pulmonibus. diximus enim superius quomodo concoquitur in pulmonibus. postea deuenit ad ipsum spiritum nutriendum atq; euentandum. Amplius differunt in principio ipsius motus, quoniā principium ipsius motus cordis est cor, sed principium motus thoracis qui anhelitus appellatur, sunt ipsi musculi ipsius thoracis. primo tamen musculus ille qui diaphragma appellatur sicut docet Aristot. in suo lib. de anhelitu, quodq; ostendit & probauit Gal. in 6. lib. de usu partium. præterea differunt inter se isti duo motus in motu, quoniam motus ipsius cordis omnino naturalis est, motus autem ipsius thoracis est uoluntarius, & à uoluntate rectus quoq;: cuius signum illud est quod motus cordis non potest prohiberi uoluntate, motus uero thoracis potest prohiberi, immo potest retineri atq; prohiberi usq; ad mortem, quemadmodum narrabat Gal. de illo seruo Hannibalis, qui cū delegatus esset mortī ita tamē quod sibi eligeret mortem potiore, ita retinuit anhelitum quod suffocatus interiit, quod nō esset si anhelitus esset uoluntati subiectus. Amplius differunt in perpetuitate motus, quoniam motus cordis semper durat dū animal uiuit, motus

tus uero thoracis non semper sit stante etiam uita ipsius. nam uidemus homines qui seipsos submergunt in aqua, qui tamen uiuunt sine motu thoracis tanto tempore, quanto sub aqua sunt, motus tamen cordis semper exequitur nunquam destruit. Videte ergo quomodo isti duo motus differunt, diuersi autem sunt a natura fabricati non temere, sed quadam magna prouidentia, nam nisi esset prior motus thoracis per quem aer extrinsecus attraheretur suffocarentur, nam aer à frigiditate aeris suffocaretur, & interimeretur, propterea natura prouisit ut aer per thoracem traheretur & in pulmonibus alteraretur & prepararetur, qui postea per motum cordis accederet ad refrigerandum & euentandum spiritum. Amplius in pulmonibus oportuit aerem semper esse reconditum tanquam in thesauro & officina, quoniam cessante quandoque motu ipsius thoracis, posset calor euentari & refrigerari per illum aerem. quo cessante & deficiente nisi postea restaretur de nouo per anbelitum suffocatur animal. audistis modo quid dicat Auic. inquit. (Aer enim qui attrahitur in primis cum ingreditur ad temperandum necesse est ut sit in effectum frigidus, sed postquam conuertitur ad qualitatem spiritus propter calorem longitudine more destruitur eius iuuamentum, & non indiget eo, & est aer nouus necessarius ut illius alterius suppleat vices,) omnia ista sunt iam clara, oportet igitur necessario, ut egrediatur ad hoc ut suo Vicario locum euacuet, & ut fu

mose

moſæ ſuperfluitates ſubſtantiæ ſpiritus cum eo expel
lantur, iſta omnia audiſtis iam a me in ſuperioribus.
Aer autem ſi eſt in bona diſpoſitione accedens magis
ad naturam ipſius ſpiritus, in quoq; nihil ſit corruptū
eſt ſanitatē conſeruans. diximus enim & nos ſupe
rius quomodo aer non ſolum ſit neceſſarius ad uitam,
ſed etiam ad conſeruandam ſanitatē, cum enim cor
rumpitur & non eſt clarus, inducit ægri tudines, &
quandoq; ita corrumpitur ut fiat uenenoſus. & hoc
eſt quòd dicit Auic. in litera. (Et aer quidem
dum eſt temperatus & clarus neque ſubſtan
tia extranea complexionī ſpiritus contraria
ei admiſcetur, eſt ſanitatē efficiens & ipſam
conſeruans, & cum mutantur ſuæ operatio
nēs, contrarium operatur) ſed pro intelligen
tia dictorum Auic. notare debetis hic unum quod cla
riſſime declarat Gal. in illo primo lib. de ſanitate tuē
da. Nam dicebat ibi Gal. quòd aer dupliciter mutari
po teſt, uno modo ſecundum qualitates, alio modo ſe
cundum ſubſtantiā, ſecundum qualitates quidem. ſ.
calidum frigidum humidum & ſiccum, quam quidem
mutationem unusquiſq; non po teſt cognoscere, neq;
unicuiq; illa po teſt nocere, quoniam alij homines ma
gis conſeruantur in calido, alij in frigido, alij in humi
do, alij in ſecco ſecundum diuerſitatē ægri tudinum,
inmo & naturalium temperaturarum, quoniam alia
animalia magis conſeruantur in calido quàm in frigi
do aere, alia econtra, ſic de alijs qualitatibus, pro
pterea non omnia animalia offenduntur cum aer mu
r tatur

tatur magis ad unam qualitatem quàm ad alterã, quoniam sunt aliqua quæ in illa magis conseruantur quàm in alia. sed mutationem substantiæ aeris omnia timēt. cum enim aer corrumpitur & putrescit mutaturq; secundum substantiam, nocet omnibus tam animalibus quàm plantis, & medijs, omnia mutantur omnia offenduntur, cuius signum illud est quòd ista sint uera, quoniam cum fiunt morbi epidemiales non omnes homines ægrotant. quoniam aer mutatur solum secundum qualitates propterea moriuntur quidem aliqui. sed sunt alij postea qui eo tempore saniores degunt, sicut sunt pleni omnes lib. Epid. Hipp. Videmus enim illius processum qui dicit in hac & in hac dispositione aeris multi moriebantur, sed qui erant huiusmodi temperatura, saniores fiebant, quoniam conseruabantur in illa qualitate aeris magis quàm in alia, sed cum aeris substantia mutatur, omnia animalia patiuntur, omnia illa suffocantur, omnia mutantur in sui substantia, unde uidemus quòd in agro Puteolano apud Neapolim corruptus ita est aer, ut si proijciantur in illum aliqua animalia, ut canes & talia quæcunque statim moriuntur, nullum potest animal ibi immorari: et sicut tempore pestilente in quacunque regione accidit, nam patiuntur omnia animalia communiter: sed præter has mutationes, sunt aliæ diuisiones mutationum ipsius: nam mutationes aeris aliæ sunt naturales & secundum naturam. i. cum aer immutatur secundum causas naturales quas nominabimus, nã mutatur aer naturaliter aut propter circulum ipsius anni & periodum

riodum¹ solis, quæ mutationes temporales nominantur, de quibus in sequenti cap. dicemus, aut propter influxus & affectus ordinatos ipsorum corporum celestium & stellarum, aut propter pluuias & tales causas naturaliter causantes: non naturaliter autem mutatur aer secundum causas non naturales ut propter uapores aliquos ascendentes in ipsum ex paludibus & aquis corruptis, quæ causæ hic non sunt dicendæ neque connumerandæ, neque illæ quæ sunt contra naturam, quoniam in particularibus sunt declarandæ. & hoc est quod inquit Auic. in fine cap. (Aeri præterea accidunt mutationes naturales & mutationes non naturales, & mutationes cursum egredientes naturalem ei contrariæ. Naturales uero sunt mutationes temporales, quoniam in unoquoque tempore ad aliam conuertitur complexionem) nam alia est complexio ipsius in uere, alia in æstate, alia in hyeme, alia in autumnno. de naturalibus ergo mutationibus primo est agendum, inter quas cum principales sint mutationes temporales, ideo de illis est primo tractandum. Cras ergo incipiemus cap. sequens de mutationibus aeris temporalibus, & erunt in illo cap. pulchra dicenda.

LECTIO XLIX.

Cap. IIII. De naturis temporum: & est
doctrinæ secundæ, Fen secundæ
libri primi.

DEBES autem scire &c.) audiuiſtis in calce præcedentis lectionis quemadmodum Auic. diuiſerat dupliciter mutationes ipſius aeris; & diuiſio una erat in duas partes. nam dicebat Auic. quòd mutationes aeris aliæ ſunt ſecundum naturam, aliæ uero non naturales; inter illas autem quæ ſunt ſecundum naturam ponebat Auic. mutationes temporum anni. Cum ergo maxime eſſent mutationes ſecundum naturam, & tractaturus eſſet de illis mutationibus, uoluit primo tractare de his poſt cap. iam expoſitum, & facit aliud cap. in quo intendit tractare de mutationibus temporalibus, quod habemus præ manibus exponendum, & hoc eſt propoſitum in hoc cap. tractabit ergo de temporibus anni, propterea optime inſcripſit illud de naturis temporum. Sed antequam incipiat tractare de illis primo annotat quoddam tanquã à uobis primo ſupponendum & ſciendum: Quoniam cum de illis temporibus tractent tum medici tũ aſtronomi, ne putetis quòd conſiderentur eadem conſideratione, propterea Auic. primo admonet uos, quòd alio modo tempora conſiderantur à medico, alio modo ab aſtronomo, cum dicat. (Debes autem ſci-

re

re quòd tempora ista quę sunt secundum medicos alia sunt ab eis quę sunt secundū astro nomos .) Et quia ostendit etiam quomodo considerant illa astronomi, & quomodo medici, tantum secundum superficiem: Expositores autem illius sicco pede pertranscunt & se potius implicant, propterea nos putauimus diligentius esse tractandum de temporibus anni, ut omnino rem hanc caperetis. ostendamus ergo clarissime & breuissime quoad fieri potest, quomodo Astronomi considerant illa, deinde quomodo medici. Dicamus ergo quòd astronomi considerant tempora anni & illa distinguunt secundum motum ipsius solis in circulo Zodiaci: secundum quòd sunt illi quatuor quadrę, ita sunt quatuor tempora: & ut hoc intelligatis, debetis scire quòd in Zodiaco sunt quatuor quadrę seu quatuor puncti, Sol autem mouetur in illo circulo Zodiaci, & modo est in hoc puncto modo in illo secundum quòd mouetur. primus ergo punctus huius circuli est punctus Arietis, in quo cum est Sol, calor moderatus est non autem nimium intensus, & propterea secundum quòd est Sol in diuersis punctis sic quoq; calor est diuersus. in puncto ergo arietis existente Sole, calor moderatus est. cum autem sic calor est moderatus, tempus unum est, quod dicitur uer. post tropicum Arietis sol incipit esse in puncto cancri, qui est secunda quadrę Zodiaci: cum autem sol est in hoc puncto, calor amplius non est moderatus sed mordax & intensus: existente calore intenso & immoderato æstas est, propterea existente

sole in puncto Cancrī incipit æstas. Cum autem sol iam pertransit punctum ipsius cancrī usq; ad punctū Libræ durat æstas: cum est in puncto libræ incipit autumnus usq; quo perueniat ad punctum ipsius capricorni, sol non est ita intensus in calefaciendo sicut antea fuit. à puncto autem capricorni usq; ad punctum ipsius arietis iterum tunc est tempus quartum, quod appellatur hyems. Sol autem tunc remisse calefacit, & ideo secundum astronomos quatuor sunt tempora anni, secundum quod sol percurrento circulum zodiaci in quo quidem sunt quatuor quadræ pertransit unam uel aliam quadrā, quadræ autem istæ sunt æquales, & propterea quoque tempora sunt æqualia in duratione. quanto enim tempore sol manet in una quadrā, tanto tempore dicitur esse uel uer, uel æstas, uel aliud tempus. quatuor ergo sunt tempora Astronomica, quæ distinguuntur non solum secundū uim caloris, sed etiam secundum relationem ad ipsas quadras, quoniam autumnus est cum sol reperitur in puncto ipsius libræ, & sic in alijs. & quoniam sole existente in puncto arietis est uer, ideo quoq; dicimus uer habere calorem moderatum, quoniam cum sol in illo puncto existit moderate calefacit. hæc est distinctio temporum secundum astronomos, quam quidem breuiter quantum negocium nostrum id patitur recitauimus. neq; uolo quod profundius eam examine-
mus, sed illam dimittamus astronomis. Quoniam autem est alia distinctio illorum temporum secundū considerationem ipsorum medicorum, quæ cum ad nostrum

strum magis attineat propositum, magis quoq; consideranda & examinanda est, maxime cum nos simus & philosophi & medici. Nam medici subtilius rem considerarunt & diuiserunt sua tempora, meliusq; hanc rem perceperunt. Nam dicunt quidem astronomi cū sol incipit esse in puncto arietis, usquequo perueniat ad punctum alium scilicet cancri, tunc est uer, in medio autem istorum duorum punctorum sol pertransit punctum ipsius Gemini, non hoc solum medici considerarunt cum astronomis appellantes illud uer, sed aliud addiderunt, in principio enim conueniunt cū illis, sed in fine discordant propterea quod dicunt medici cum incipiunt oriri eliades stellæ tunc incipit secundum tempus, scilicet æstas, nam eliades sunt in dorso tauri. cum ergo sint in illius dorso tunc incipiunt apparere, cum sol recedit à tauro per xx gradus, nā si dorsum tauri non apparet, nisi cū sol recedit à tauro per xx. gradus, eliades autem sint in dorso tauri, ergo neq; illæ incipient apparere nisi cum sol recesserit à tauro per xx gradus. ortus ergo stellarum eliadum Eliacarum erit post recessum solis à tauro per xx gradus, & hoc quoniam scitis motum solis esse diuersum motui stellarum fixarum. cum ergo sol oritur tunc eliades incipiunt apparere. modo in prima die Maij sol recedit à tauro per xx gradus, tuncq; incipiunt apparere eliades, ideo in prima die Maij incipit æstas, & computando hoc totum spaciū ab ortu & principio ipsius solis à puncto arietis, usque ad recessum illius à tauro per xx gradus, explet solū mens

ses duos, immo non explet duos menses, nam arietis punctus in x. die Martij, à x. die autem Martij usque ad primam diem Maij non sunt duo menses expleti. et ideo uer non erit longius. i. non durabit per duos menses secundum medicos, cum tamen secundum astronomos multo longius sit; in ortu autem eliadam. i. recedente Sole à tauro per xx gradus, hoc est in prima die Maij incipit æstas & durat usq; ad ortum Arcturi, Arcturus autem oritur apud æquinoctium autumnale, modo æquinoctium autumnale est in primo gradu Libræ, & primus gradus Libræ, est in duodecimo die Septembris nostri ergo consecutiue & necessario sequitur, quòd a prima die Maij, usque ad duodecimam Septembris durabit æstas, & sic æstas erit quatuor mensium integrorum secundum medicos, secundum quos etiã autumnus incipit in puncto libræ. i. in ortu Arcturi, & durat usq; ad occasum eliadam, quoniam tunc occidunt cum Tauri signum occidit, cū sint in dorso ipsius Tauri. modo cum oritur sol in signo scorpionis, qui quidem est contrarius ipsi Tauro, occidit Taurus, non enim potest esse in duobus contrarijs. cum ergo oriatur scorpionis signum, tunc erit occasus ipsarum eliadam, quoniam tunc occidunt cum Tauri signum occidit, illud occidit in ortu scorpionis, ergo in ortu scorpionis occident eliades: in ortu etiã scorpionis autumnus finietur. ortus autem scorpionis est secunda, uel tertia die Nouembris, ergo secunda, uel tertia die Nouembris finietur autumnus, & ideo durat autumnus a duodecima Septembris,

bris, usq; ad secundam Nouembris. hyems ergo incipiet tertio Nouembris, & durat usq; ad ortum Arietis, qui oritur decimo die Martij. ergo hyems durabit a tertia die Nouembris, usq; ad x. Martij, & sic autumnus non explebit duos menses, hyems autem explebit quatuor menses, & decem dies. quod enim deficit ipsi ueri ad explendum duos menses hyems assumit supra quatuor menses. habemus ergo ex dictis quod uer durat a decima die Martij, usq; ad primam diē Maij; æstas uero à prima die Maij, usq; ad primam diem Septembris uel circa; autumnus a prima die Septembris, uel circa usq; ad primos dies Nouembris; hyems uero à primis diebus Nouembris, usq; ad decimā Martij, uel circa. secundum ergo ipsos medicos ista quatuor tempora sunt inæqualia, non autē æqualia, sicut dixerunt mathematici & astronomi: nam hyems omnium longissima est; nam ex supputata ratione est mensum quatuor, dierum decem. post hyemem est æstas, quæ est mensum quatuor integrorum, breuiora autem sunt alia duo tempora media, nam uer est mensis unius dierum autem uiginti. autumnus mensum duorum integrorum. hæc est diuisio temporum perfecta secundum ipsos medicos. sed aduertendum à uobis est unum, quod hæc diuisio est secundum Orizontem, qui est in quinto & quarto Climate & regiones propinquas, sicut Græciam, Hispaniam: alio enim modo se habent tempora in alijs climatibus, ut in tertio, secundo, primo, & sexto, et septimo, nam in septimo climate hyems longior est,

quàm

quæ in alijs regionibus : in primo & secundo longior æstas est . Verum pro nunc uolo quòd ista accipiat de diuisione temporum , quoniam alibi sunt ista diligentius pertractanda in omnibus climatibus . sufficiat dixisse de uno . sed forte aliquis insurget , & dicet , quòd ista sunt mea phantasmata , & mea inuenta , dico quòd non sunt mea inuenta , immo omnia sunt Gal. dicta & ipsius Hippocr. Gal. qui dem ita docet in primo Epidem. comm. secundo , ubi de his pertractauit , est defectuosus multum , tamen ipse quoq; docet hoc quod modo docuimus nos , autumnum esse solum duorum mensum . Ego ostendi hoc clarissime declarauiq; illa quæ ibi non perficit Galen . Nam ostendi quomodo hyems præcedit æstatem in longitudine durationis . sed sciendum adhuc quòd æstas diuiditur . Gal. enim ipse loco citato secundum antiquos diuidebat æstatem in duas partes , prima pars est a principio puncti cæcri usq; ad ortum ipsius Leonis , in quo signo est canis qui oritur circa finem Iulij , & continet 50. dies , uel circa . ista secunda pars dicitur Marascus , illa uero prima pars dicitur à Græcis ὁ ὥρεα , quoniam in ea uigent fructus illi , qui a nostris Latinis dicti sunt horarij uertētes quasi nomen Græcum , propterea illam appellant partem fructuum , quia fructus horarij sunt in maxima copia , et sic patet quomodo æstas habet duas partes . Gal. autē diuidebat hyemem in tres partes . prima pars ipsius est in solstitio hyemis , & hoc appellatur mediū hyemis , quoniam utriusq; habet unam aliam partem : du-

rat autem puta per decem dies . illa autem prior pars dicitur sementum , tractum nomen quoniam eo tempore seminantur frumenta & alia frumentacea . Vltima uero pars quæ scilicet est a solstitio usq; ad uernū tempus dicitur tempus plantandi . Aestas uero habet duas , scilicet marasum & tempus fructuum , reliqua uero duo tempora media uer , & autumnus propter illorum breuitatem non diuiduntur , sed indiuisa relinquuntur . habuistis enim quomodo non pertranscunt duos menses , immo uer non explet duos menses . habetisq; septem partes anni uer , marasum , tempus fructuum , autumnum , sementum , medium , & tempus plantandi . hæc est completa & perfecta diuisio temporum anni secundum antiquos medicos et completa descriptio : habetis quoq; rationem omnium illorum quæ iam dicta sunt . Videtis modo quomodo sunt inæqualia secundum medicos , cum tamen astronomi posuerint illa æqualia . quot sunt iam audiuistis ; modo reliquum est ut uideamus tex. Auic. quo illum intelligatis , uerum sciatis quod Auic. crassa minerua docet horum temporum diuisionem : uidetur enim qd doceat illam potius a posteriori , & audiatis quæso quam crasse doceat , inquit , (debes autem &c.) hoc clarum est (Quatuor enim sunt secundum Astronomos tempora , secundum mutationes solis in unaquaque quadra circuli signorum a puncto incipientes uernali .) audiuistis à me quomodo sunt quatuor quadræ zodiaci , & secundum quod in unaquaq; reperitur Sol , mutatur quæque

que tempora, ita quod sunt quatuor tempora quoque anni, sed tamen sunt equalia, quoniam equaliter moratur in singula Sol, (Secundum medicos uero uer in terris temperatiuis est tempus, in quo non tantum sunt necessariae res calefacientes propter frigus, ut inde sit multum curadum neque euentatio propter calorem.) Ver enim est tempus potius moderatum, quam frigidum, uel calidum, propterea neque euentationibus, neque operimentis multis egemus. Ecce quam crasse describat iste homo tempus uernale, non enim describit secundum illius principia, ut fecimus nos secundum doctrinam Gal. & Antiquorum: postea dicit, (Et in ipso quidem est principium frondendi Arberes,) quantum autem duret, declarat, & inquit, (Et eius tempus est tempus inter æqualitatem uernalem, aut ipsum purum donec sol sit in medio Tauri,) id est uer durat à principio Arietis, usque ad medium Tauri, id est usque ad xv. gradum Tauri. Nos autem superius diximus illud durare, usque ad xx. gradum Tauri, quando eliades incipiunt apparere, sed ista est pauca differentia a xv. usque ad uiginti gradum, nam illi quinque gradus faciunt solum duos dies. sunt ergo solum duo dies differentes, est pauca differentia. (Et autumnus est huic oppositus in talibus quales sunt terræ nostræ.) diximus autem nos quomodo autumnus incipiat in principio librae, & durat usque ad occasum Eliadum, uerum ut diximus Auic. Crasso modo pertractat hanc diuisionem
temporum

temporum in alijs uero terris possibile est, ut procedat uer. i. longetur magis quam ad xv. gradū Tauri, et tardius incipiat, ut autūnus autem tardet quinto in septimio & secundo climate, & in fine sexti climatis, deinde inquit, (Et æstas quidem est totum tempus calidum, & hyems totum tempus frigidum.) hæc sunt facilia. Vnumquodq; igitur duorum temporum ueris & autumnus est magis breue secundum medicos, quam unumquodq; duorum temporum hyemis & æstatis. ista iam sunt clarius & subtilius a me pertractata superius, nam hyems est longior omnibus temporibus, post hanc est æstas, postea autūnus, ultimo est ipsum uer, (Et hyems quidem est tempus æstati oppositum, æstati aut minus eo, aut maius secundum terras,) in primo climate maior est æstas, in septimo uero maior & longior hyems, & in fine sexti. (Et videtur quod uer sit tempus florum, & initij pomorum.) Crasse describit uer, (Et autumnus est tempus inutationis colorum foliorū & principium casus eorum, & quod est præter istud est hyems & æstas.) iam credo quod ista sint facilia, neq; indigent perscrutatione. (Et dicemus quod ueris complexio, &c.) Hic modo incipio tractare de complexionibus temporum, & primo ipsius ueris. sed postquam non uultis me amplius legere, audiatis duo uerba, ut sciatis quid de beatis studere pro hac re. Domini postquam diuissimus tempora anni tum secundum antiquos, tum secundum Auic. nunc modo

eit ipsum ad finem ipsius medicinæ .i. sanitatem , secun-
 dum quòd ipse Gal. dicebat : modo ista quæstio condu-
 cit ad finem medicinæ .i. ad sanitatem , ergo medica est
 quòd conducat ad finem medicinæ . patet quia sine il-
 la .i. sine determinatione , & cognitione cõplexionum
 temporum non possumus curationem bonam exequi .
 sed cum hoc quòd est conuenientissima , est quoq; quā
 difficillima , quoniam litigant duæ opiniones magnæ ,
 propterea oportet quòd multum attendatis in hac re ,
 utrinq; enim sunt rationes multæ & ualidæ : primoq;
 sunt rationes & argumenta illorum qui tenent uer
 esse temperatum , postea sunt illa quæ arguunt esse ca-
 lidum , & humidum . Dicamus ergo primo rationes il-
 lorum qui tenent illud esse temperatum , inter hos ho-
 mines prius est Gal. qui adducit rationes pro hac po-
 sitione firmanda . sunt autem in summa 4. rationes
 illius . primum autem argumentum est tale : illud est
 tempus temperatissimum in quo est aer temperatus :
 aer autem tunc est temperatus cum corpora sunt ma-
 gis sana . dicemus ergo sic in quo corpora sunt sana
 magis , sed in uere sunt corpora sana magis , quia aer
 est temperatissimus , ergo uer est temperatissimum . ma-
 ior propositio huius rationis ualet et manifesta est , nã
 cum aer est temperatus cõseruat & facit sanitatem
 cum autem est corruptus uel male qualificatus , tunc
 inducit egritudines fiuntq; contagia & pestilentia ,
 secunda quoq; propositio patet quoniam in uere cor-
 pora humana sunt in maxima temperie , & magis
 sana quàm in alijs temporibus , ergo uer est tempera-
 tum

tum. i. aer existens in uere est temperatus, quoniam si non esset temperatus, tunc induceret intemperiem. secundo ad idem arguitur sic. illud tempus quod est maxime medium, & consequenter quod recedit ab extremis, est æquale & temperatum. Sed uer est recedens ab extremis ergo uer est temperatū & æquale. maior manifesta est de se, minor autē manifestatur, quod uer ipsum recedat ab extremis, & sic est medium, nam nulla qualitas in ipso extrema excedit, calor enim moderatus est; modo calor per superius dicta semper agit, semper in actu est, propterea agens in illud humidum, quod relictum erat ab hyeme resoluit illud & attenuat ita quod ipsum quoque humidū nō excedat, sed sit temperatum & moderatum, propterea cum aer relinquatur moderate humidus uer erit in illis duabus qualitatibus temperatum, præterea frigus in eo non excedit quoniam recedit ab hyeme, quæ est frigida, & accedit ad æstatum quæ est calida. siccitatem autem in ipso non excedere manifestum est, quoniam nondum æstas fuit in qua calor maxime resoluit & exiccat, & hyems præcessit, quæ reliquit humiditatem illam, quam quidem attenuando ipse calor reddidit moderatam. cum ergo uer recedat tum a frigidityte, tum a caliditate, ab humiditate, & siccitate, relinquatur quod sit æquale & medium, ergo est temperatum. Amplius tertio Gal. probat suam positionem hoc modo deducendo ipsos aduersarios ad impossibile, & argumentatur sic. si uer esset calidum & humidum secundum quod posuistis uos aduersarij,

uersarij, sequeretur unum maxime falsum, & contra omnes medicos, quod scilicet uer esset corrumpens potius corpora humana quam conseruans in sanitate, nam ad caliditatem & humiditatem iunctus sequitur corruptio substantiæ, idest putrefactio: si ergo uer esset calidum et humidum tunc eo tempore putrescissent magis corpora humana, et fierent pestilentie, pustulæ & ἐξάνθηματα, & aliæ quæcunq; ægri-
tudines quæ fiunt ex putredine, quibus ægri-
tudini-
bus pleni sunt libri Epid. Hippoc. nam Hippoc. consuevit in his libris dicere in tali constitutione aeris calida & humida plurimi moriebantur, & fiebāt pestilentes ægri-
tudines. si ergo per uos uer esset calidum & humidum, corpora essent magis ægra in eo tempore, hoc tamen falsum est, cum inueniamus Hipp. & omnes antiquos dixisse sanum esse uer, & experientia quotidiana comprobari potest. magis enim ualent corpora in uere, ergo uer non est calidum & humidum, sed temperatum, nam si est temperatum sequitur etiam quod sit magis sanum. Amplius & quarto argumentatur ad idem. hoc autem argumentum est ad hominem, dicit enim Gal. quod aduersarij arguebant pro sua opinione sic. Ver medium est inter æstatem & hyemem, modo hyems est frigida, æstas uero sicca, ergo uer neq; erit siccum, neq; frigidum, sed erit calidum humidum. quatenus enim accedit ad æstatem quæ est calida, uer quoq; calidum est, quatenus uero accedit ad hyemem quæ est maxime humida, sic humidum est, ergo, & c. sed inquit Gal. reflex-

f étendo

Etendo argumentum ad hominem, si ualeret tuus mo-
 dus argumentandi in eadem quoq; forma probarem
 oppositum illius quod dicis, nam eodem modo argu-
 mentandi probarem uer esse frigidum & siccum. op-
 positum autem tu dixisti. Nam sic arguo. Ver mediū
 est inter æstatem & hyemem. ergo quatenus in illis
 mediū, neq; est calidū sicut est æstas calida, neq; est hu-
 midū, sicut humida est hyems, sed quatenus accedit ad
 æstatē quæ sicca est, uer quoq; siccū est, quatenus ue-
 ro accedit ad hyemem, quæ frigida est, frigidum quoq;
 est, ergo uer non est calidum & humidum, sicut di-
 xisti tu, sed est frigidum & siccum, quod est opposi-
 tum illius quod dixisti. ista sunt argumenta Gal. quæ
 probant uer habere complexionem temperatam non
 autem calidam & humidam, sicut quidam posuere,
 & omnia ualent ut manifestum cuiq; est; maxime
 uero quartū uidetur ita tenere, sicut suū, quoniā idē est
 modus penitus argumētandi. Sed sunt quidā postea qui
 sequuntur Gal. qui alia quoq; addidere argumenta ad
 id dicentia & probantia uer esse temperatum, & pri-
 mo quidem sic arguunt circa quod est innatum fieri
 intemperatum circa illud innatum est fieri tempera-
 tum, nam habetis quoq; in philosophia, quod opposi-
 ta sunt illa quæ circa idem subiectum nata sunt fie-
 ri, & circa idem genus, sed circa tempus ipsum in-
 natum est fieri intemperatum, ergo & temperatū,
 sed nullum aliud tempus est temperatum præter uer,
 ergo & uer est temperatum, in æstate enim calor
 intensus est & in alijs duobus temporibus est aliqua
 qualitas

qualitas excedens, ergo circa tempus fit intemperatum, ex quo sequitur circa illud quoque fieri temperatum, hoc autem tempus nullum aliud esse potest nisi uer, ergo uer est temperatum. Amplius & secundo sic arguitur circa idem illud tempus est temperatum, in quo omnia generantur, sed in uere omnia generantur. ergo uer est temperatum, ualeat argumentum. maior propositio manifestatur quoniam uidemus etiam arbores non generare nisi sint in sano et bono habitu, nam si sunt in malo habitu toto illo anno infecundæ sunt, modo habitus bonus esse non potest nec sanus nisi si tempus quoque sit temperatum & sanum. probatum enim et demonstratum est a nobis superius cum Auic. & magis declarabitur inferius, tempus sanum & temperatum facere temperiem corporis: intemperatum autem intemperiem illius. cum ergo in uere omnia ista symphyta generentur, sunt quoque in bono habitu corporis, ergo & tempus uerum sanum est, si modo uera sunt illa quæ a nobis dicta sunt, quod temperies corporis non potest stare sine temperie aeris. a signo ergo; & a posteriori probant isti uer esse temperatum. tertio arguunt ad idem sic: illud tempus est temperatissimum, in quo temperate radij solares calefaciunt hanc regionem. probatur ista maior propositio; & uidetur esse nota ex dictis a me superius, quoniam tempora distinguuntur secundum quod Sol est in quadris Zodiaci, in quibus modo magis calefacit modo minus, secundum quod a nobis magis & minus accedit & recedit secundum quod Ptolemæus docet

bat in quarto quadripartitæ . modo adiungatis illi maiori minorem propositionem sic. In uere radij solares calefaciunt hanc regionem moderate, quoniam moderate quoq; recedit a nobis . ergo uer est tempus temperatum. minor probatur, quoniam Sol tunc est moderate propinquus, & moderate longinquus, ergo moderate calefacit . sed de hoc uidebimus in sequenti lectione. Cum autem Sol est in signo ipsius Libræ non moderate calefacit, non est enim eadem ratio accessus & recessus ipsius Solis . Scitis enim quantum differunt accessus & recessus ipsius secundum quod iam didicistis ab Arist. in secundo lib. de generat. & corrupt. dicebat enim Arist. accessum Solis esse causam generationis, recessum uero illius esse causam corruptionis . cum ergo Sol accedit & reperitur, neq; nimis longinquus, neq; nimis propinquus, tunc moderate calefacit. est autem sic Sol cū reperitur in signo ipsius Arietis, sed tunc est uer . ergo uer est temperatum. Amplius quoq; probatur quod uer sit temperatum per Ptholemæum in primo lib. quadripartitæ. Præterea Ptholemæus sæpius cōparat ipsum uer Ioui; modo Iuppiter est temperatus, ergo & uer est temperatum. Ista sunt ferè argumenta quæ adduci possunt ad probandum ipsius ueris temperiem, tum adducta à Gal. tum ab illis qui eius insequuntur sententiam, & quæcunq; talia formari possunt pro illis. In oppositum est alia oppositio antiquorum uirorum, & grauisimorum, qui adducti a ueritate ipsa & rationibus confirmati putarunt uer non esse temperatū, sed

sed calidum & humidum, sunt autem & ad banc opinionem adstruendam argumenta opposita illis.

Atheneus enim maximus medicus & doctissimus probat uer esse calidum & humidum, non autem temperatum, & primo sic arguebat; in uere res generantur animatae, modo caliditas & humiditas sunt causae ipsius uitae, qualitates autem his oppositae frigiditas et siccitas sunt causae mortis, ergo uer est calidum & humidum. i. in uere sunt istae qualitates. secundo quoque arguebat sic. illud tempus est calidum & humidum, in quo generatur plurimum de sanguine, in uere generatur plurimum sanguinis ergo uer est calidum & humidum, nam in quocunque tempore generatur plurimum de uno humore secundum affinitatem quam in se habent, nam in hyeme generatur plurimum de pituita, quoniam pituita est frigida & humida, modo hyems est frigida & humida: in aestate plurimum de bile, quoniam et aestas & bilis calida & sicca sunt: In autumno generatur plurimum de melancholia quoniam utrunque frigidum & siccum, non tamen omnino autumnus, ergo in uere quod est quartum tempus generatur plurimum de sanguine, qui est calidus & humidus, ergo uer est calidum & humidum. quod autem in uere generetur plurimum de sanguine probatur quoque per ipsum Hipp. in tertia particula aphor. in illo aph. in quo inquit quod per tempus ipsius ueris, et per principium aestatis maxime degunt pueri, & qui illis aetate proximi sunt. Senes aestate, & principio autumnus, reliquo autem autumnus & hyeme

me magis ualent qui media sunt ætate, pueri autem
 & illis proximi magis ualent eo tempore, quoniam
 conseruatur in ipsis humor sanguineus qui correspon-
 det illorum temperaturæ calidæ & humidæ, ergo uer-
 est calidum & humidum. Amplius sic quoq; proba-
 tur conclusio: in uere sunt plurimi sudores. ergo uer-
 calidum est & humidum quod in ipso humidum abun-
 det propter illam causam, propter consequentia, nam
 cum emanant sudores, aut emanant propter humidi-
 tatem, aut propter caliditatem, non propter calidi-
 tatem, ergo propter humiditatem, antecedēs autem
 probatur quod in uere sint plurimi sudores emanan-
 tes, nam Hippocr. in tertia particula aphor. dicebat
 quod in uere quod appropinquat ipsi æstati sunt plu-
 rimi sudores, si sudores sunt propter humiditatem, et
 maxime fiunt in illo tempore aeris, ergo uer ipsum
 erit humidum. propter quod enim unumquodq; tale
 & illud magis, si propter uer fiunt sudores qui sunt
 humidi, ergo uer magis humidum erit. Amplius idem
 probatur hoc modo: in uere sanguinei pessime de-
 gunt, ergo uer non est temperatum, sed calidum, &
 humidum. Vnde dicebat quoque Gilbertus por-
 retanus, si bene memini in illo suo libro de sex prin-
 cipijs in capitu. de quando quod sanguinei male de-
 gunt in uere, ergo uer calidum & humidum: dice-
 bat enim ibi quoq; Porretanus quod tempora anni al-
 terant nostra corpora. Amplius idem confirmant per
 ipsum met Gal. & sic astruunt rationem accipiendum
 allegatum aphor. in tertio aphor. quod pueri & qui
 sunt

sunt illis ætate propinqui bene degunt in aeris parte, quæ affinis est æstati, & in principio æstatis, ubi exponebat Gal. quòd hoc est propterea quia pueri sunt calidi & humidi, & in alia parte sunt generati pluri mi humores sanguinei, quoniam illa pars erat calida & humida, ut ergo illa humiditas parum refrenetur statim fiunt temperati, modo in fine ueris & principio æstatis est caliditas & siccitas moderata, quæ refrenat huiusmodi humiditatem, ideo optime degunt eo tempore. quid clarius? cum ipse met fateatur quod nos uolumus, inquiunt isti qui Athenæum sectantur, præterea probant idem per ipsum Hippocr. qui in lib. illo suo de aere, aqua, dicebat solstitia & æquinoctia esse ualde periculosa, quoniam in istis fiunt maxime mutationes in aere, modo in uere est solstitium unum ergo illud periculosum, & quod circa illud est, ergo non temperatum, ut dicis tu o Gal. sed etiam sic probatur conclusio, quoniam multæ & pessimæ fiunt ægritudines in uere secundum quòd habemus in tertia particula aphor. modo illa non sunt tempora temperata in quibus fiunt multæ ægritudines secundum ipsum Hippocr. & Gal. quoq; ergo uer non est temperatum. Hæc sunt frè argumenta huius contrariæ opinionis et talia quæ adduci possent, nam maxime fundata est ista sententia. uisis argumentis ad utranq; partem tum Gal. & sequacium, tum Atheni, quem damnat in hoc Gal. Reliquum est ut nunc faciamus illud quod debebamus facere in principio huius dubitationis antequam adduceremus utrinq; argumenta. o-

portet. n. q. præmittamus distinctiones, sicut consueui-
 mus. quæ si præmissæ fuisset in principio nulla fuisset
 ista questio, quoniã prouenit solũ ex mala distinctione
 profectò erat soluta una data distinctione sine tot nu-
 gis, et mirũ est q. Gal. qui consueuit id facere, & sem-
 per damnat illos, qui sequuntur talẽ modũ dubitandi,
 nũc inciderit in eundẽ errorem. primo. n. ponit argumẽ-
 ta Atheni, secundo sua contra illum, postea distin-
 ctiones suas, postremo soluit Atheni argumenta. si
 dedisset unã distinctionẽ quam nunc dabimus nos, ui-
 disset tum ueritatem rei, tum etiam argumenta nihil
 ualere. sed quòd non cognouerit huiusmodi distinctio-
 nem, & consequenter ueritatem rei, non credo, sed
 potius mihi persuadeo, hoc factum esse à Gal. studio
 contradicendi tanto uiro, quantus erat Athenus, qui
 antiquissimus & maximus medicus fuit, cupiebat pa-
 rumper cum ipso disputare, non enim possum ego aliud
 imaginari de Gal. Dicamus ergo tunc aerem esse
 temperatum cum existente in propria temperie nullo
 intemperatum extraneum ei accedat, quod ip-
 sum quoq; intemperatum reddat: sua autem ista pro-
 pria temperies non est illa temperies absoluta ponde-
 ris, sed est temperies illi conueniens cum est maxime
 in propria natura, quæ dicitur temperies ad iustitiã,
 idest temperies quæ illi attribuẽda est iuste: modo aer
 habet hanc temperiem iustitiæ, & est in propria na-
 tura, cum est calidus & humidus: inter enim qua-
 tuor elementa has duas quantitates in propria natu-
 ra & temperie sibi uendicat quod non solum deter-
 minauit

minauit Arist. in secundo lib. de generat. & corrupt.
sed etiam ipsemet Gal. in lib. de elementis. ubiq; quoq;
fatetur caliditatem, & humiditatem esse appropria-
tas ipsi aeri existenti in propria natura, ergo habemus
hactenus tunc aerem esse temperatum, cum habet
temperiem debitam ad iustitiam quæ ipsi cōuenit,
non alij; modo ista temperies est cum caliditate &
humiditate, ergo aer cum est temperatus est calidus
& humidus. supposito hoc supponendū est modo se-
cundo aliud quod est comprobatum ab Arist. & Gal.
& est secundum sententiam omnium philosophorum
etiam modernorum. hoc autem est, quod omnia quæ-
cunq; generantur, generantur per calidum agens in
humido, & non solum generantur, sed et sic conserva-
uantur, calidum ergo et humidum ingrediuntur ge-
nerationem rerum per se, quoniam per ipsa res gene-
rantur, sed aliæ duæ qualitates, idest frigiditas, et sic-
citas ingrediuntur opus naturæ per accidens, ingre-
diuntur generationem rerum per accidēs, non p se, nā
frigidum quatenus retinet ipsum calorem ne ita atte-
nuetur quod exhalet, neq; possit agere in humidum.
frigidi enim est ingrossare & densare & consequen-
ter retinere; ex calido ergo & humido omnia gene-
rantur per se & nutriuntur, sed per accidens ex fri-
gido quatenus iuuat ipsum calorem; siccitas etiam in-
greditur generationē quatenus constipat & non per-
mittit simul cum frigiditate ipsum humidum fluere.
ista quoq; superius ostendebamus: ex quo ergo ex his
nutrimur, ex quibus constamus, ut dicebamus fusiſsi-

me anno elapso dum exponeremus primam primi, omnia nutriuntur quæ nutriuntur ex calido & humido, quoniã ex illis generantur per se, propterea quæ non nutriuntur & deberent nutriri neq; iam habent calidum agens in humido, sunt mortua, & sunt frigida & sicca, quoniam istæ duæ qualitates sunt per se facientes ad corruptionem rerum, sicut illæ duæ per se faciunt ad generationem, unde græci quoq; appellant mortuos ἀλύντασ quasi dicant sine humorib. Ecce ergo quomodo humidum faciat per se ad generationem rerum & illarum conseruationem: omnia enim quæ generantur tantũ durant quoad in proprio calido & humido conseruantur. tertio supponẽdum est à uobis aliud, quòd caliditas & humiditas non dicuntur in omnibus uninoce, sed æquiuoce, immo analogice, et secundum prius et posterius, nam uno modo est caliditas & est humiditas in mistis cum in illis excessu magno sunt non quòd habeant huiusmodi temperamentum cum his qualitatibus, sed quia in illis excedunt, alio modo sunt istæ duæ qualitates in mistis quatenus per illas conseruantur in propria temperatura & in esse, nam potest esse illius temperies frigida & sicca, tamen in eo misto, necesse est tamen de caliditate & humiditate esse ut conseruetur in esse, alioquin corrumperetur. tertio dicunt caliditas & humiditas esse in mistis cum comparatiue ad alia mista dicitur aliquod mistum esse calidum et humidum, cum hoc tamen quòd existit in propria tẽperie et illa propria temperies comparata ad temperies aliorum mistorum

storum dicitur calida & humida, sicut dicimus hepar
esse calidum & humidum cum illud comparamus cor
di & cerebro, nam temperatura hepatis comparata
temperatura cordis est calida & humida, sic tempe-
raturam cordis dicimus esse calidam sic compa-
ratam temperaturæ hepatis: propterea cum his tri-
bus modis dicimus aliquam rem calidam & humidā,
dico quòd hoc tertio modo intelligitur ab Atheneo et
seguacibus uer esse calidum et humidum, quoniam cū
sua temperie stat caliditas ipsa et humiditas, nō enim
primo modo accipimus esse calidum et humidum quia
caliditas & humiditas in illo excedant & propterea
Galene, oportebat te ad hoc aduertere sicut alias ad-
uertis, nam ipse in 8 lib. de placitis Hipp. & Plat.
ubi probabat acrem semper in actu esse in corpori-
bus nostris, aquam uero minime, nam pituita est hu-
mor aqueus, sed tamen est aqua in actu, spiritus autē
sunt in actu quoniam cum suscipiant naturam aeris,
qui actu est, ideo sunt semper actu. postea addit Gal.
adhuc quòd sanguis est humor temperatissimus cum
tamen alibi in multis lib. dicat & fateatur apertissi-
me ipsum sanguinem esse calidum & humidum, per-
te o Gal. sanguis est temperatus, et cum hoc quòd est
temperatus est calidus et humidus comparatiue ad al-
ios humores, quia sua temperies stat cum caliditate
et humiditate, sic quoq; debes intelligere Atheneum
dixisse, uer esse calidum et humidum, non quòd calidi-
tas et humiditas in eo excellat, sed temperies ipsius
aeris in uere stat cum caliditate et humiditate, non.

ne idem fatetur Gal. sed ostendit se non intelligere gratia contradicendi tanto medico. hac distinctione ipſius caliditatis et humiditatis præmiſſa, nihil probant in contrarium adducta argumenta tum Gal. tū ſequacium, qñ illa omnia arguunt cōtra illos qui putāt ipſum uer habere caliditatē et humiditatē excedētes. Atheneus autem & qui ipſum ſequuntur dicunt uer habere caliditatem & humiditatem, cum quibus qualitatibus ſtat temperies ipſius, quoniam in uere aer eſt in propria natura & temperie. nihil enim accedit ad eam neq; calidum neq; frigidum, quod poſſit in ipſum inducere aliquam qualitatem excedentem, non aliquid humidum, non quid ſiccum, ſed cum ita eſt tūc eſt temperatus, ergo in uere eſt tēperatus exiſtensq; in ſua temperie, quæ eſt calida & humida, tunc eſt in propria temperie & natura aer cum eſt calidus & humidus, quoniam iſta eſt propria illius temperies. Ecce ergo quomodo ſua argumenta nihil faciunt contra Atheneum, immo pro illo faciunt. Concedimus nos ō Gal. uer eſſe temperatum ſicut probas, ſed tamen in hac ſua temperie eſt calidus & humidus. Nam cum alteratur aer ad aliquam qualitatem excedentē, tunc alteratur ratione cauſarū alterantium aut propter radios ſolares, nimium calefacientes, aut propter frigiditatem inductam à uaporibus aſcendentibus ex terra. modo in uere ſol moderate calefacit ſicut iam probatum eſt, non inducens in aerem caliditatem excedentem, ſunt quoq; moderati uapores aſcendentes e terra humectantes ipſum, ideo non habet ali
quo

quo modo qualitatem excedentem, sed est temperatus, & cum hac sua temperie stat ipsa caliditas & humiditas: propterea dicimus quoque nos uer esse temperatum in propria temperie, quæ calida & humida est, propterea tua argumenta o Gal. nihil probant, quoniam cōcedimus esse temperatum uer sicut dicis, sed est calidum & humidum, cum hac sua temperie, neque oportebat te adducere tot argumenta et cōtradicerē non solum tanto uiro, sed & ueritati. Creditis uos Domini tantæ fuisse pertinaciæ, ut uoluerit dicere uer esse calidum & humidum excessiue? o o nō est dicendum, quoniam hoc colligimus ex dictis ipsius Gal. in loco citato, & ipse quoque fateretur si uellet quoniam cognoscebat ueritatem hanc. sed creditis fortasse diuinum hunc hominem non intellexisse opinionem Atheniæ? intellexit ipse sicut potest clarissime colligi ex ipso met. sed hoc fecit quoniā Gal. erat superbus & cupiebat contradicere Athenæo, quoniā erat maximus medicus & philosophus, ut uideretur omnino maior omnibus. & ideo uidete quod semper differit cum excellētis medicis & philosophis, non uidetis uos quod disputet cum istis uulgaribus, quia omnino cupiebat ut diceretur Gal. princeps medicorum, sicut dicitur Arist. princeps philosophorum, nihil aliud cupiebat. & quod hoc sit uerum uidete etiā quantum ualeant sua argumenta cum sint ita debilia, ut illa una distinctione data soluantur. sunt quidem probabilia & possent capere aliquem, sed soluuntur omnino per aliquod perspicax ingenium. illa distinctione
habita

670 Montanus in primi Auic.
habita uos inuenietis Gal. ferè semper in suis contra-
dictionibus adducere argumenta probabilia & nihil
demonstratiua. Quare Alpharabius quoque ille ma-
gnus uir in suis lib. rhetoricorum dicebat in inuesti-
ganda ueritate nõ esse utendum probabilibus & rhe-
toricis argumentis, sicut facit sæpissime & ut pluri-
mum Gal. inquit magnus ille arabs Alpharabius Gal.
enim cum uult inuestigare in questionibus ueritatem
adducit sua argumenta omnia probabilia quidem, sed
nihil necessarij concludentia. uidistis quoq; quid ual-
leant illa quæ adducit in hac questione contra Athe-
neum & antiquos medicos, qui cognouerunt hanc ue-
ritatem. discurrite per illa omnia, & uidebitis per
nos ipsos an concludant aliquid, nisi de caliditate &
humiditate excedente, de qua non loquimur, ut dixi-
mus loquimur (bone Deus) de temperie aeris, quæ
calida est & humida. habetis modo questionem hanc
completam contra ipsum Gal. qui illam mouit & pu-
tauit se concludere contra antiquos cum tamen con-
tra se concluderit, completaq; questione accedamus
modo ad alia.

LECTIO LI.

IN calce superioris lectionis uidimus quantum
æquiuocatio illa & metaphora fecerit errare illos,
qui defendere uolunt. Ver esse temperatum, nam ex
distinctione illius data à nobis sua argumenta ruunt,
omnia soluuntur per se, nam nos quidem dicimus uer
esse temperatum in propria natura, quæ est calida et
humida,

humida, ideo dicimus quoq; illud esse calidum & humidum, tunc enim omnia sunt temperata cum sunt in propria natura, & temperatura, sic quoque uer est temperatum existens in propria natura, quæ quidem non est absoluta sed iustitialis & comparata ad temperaturam æstatis, hyemis, & autumnus, est calida & humida. Præterea non ne ipse quoque Gal. dicebat. aquam tunc esse in propria natura cum habet illi additas qualitates scilicet frigiditatem & humiditatem & terram quoq; esse in sua temperie naturæ, cū est in suis proprijs qualitativibus & ab alijs recedit? His suppositis nonne uidetis quod utriusq; rationes sunt concordantes & dicunt ueritatem simul? Gal. enim & sequaces arguunt semper de caliditate & humiditate excessiua, Athenæus tamen non intellexit eo modo, ergo contradicit ei Gal. Athenæus autem & antiqui doctissimi & excellentissimi dixerunt, uer esse calidum & humidum non excessiue, sed cum sua temperie. Qui autem sequuntur illos ex modernioribus arguunt de caliditate & humiditate ueris excessiue, quæ rationes bene arguunt intellectæ modo nostro, ergo dictum iam & declaratum est. Quoniam ergo Gal. argumenta sunt probabilia neq; pertranscunt demonstrationem, ideo dicamus ad suum primum, quod tale erat; illud est tempus temperatissimum in quo aer est temperatus. sed in uere aer est temperatus, ergo non est calidum & humidum, nego consequentiam, quoniam ista temperies ueris est calida & humida, ideo stat uer esse temperatum & calidum & humidum comparatiue

ratiue ad alia tempora, quoniam illius temperies est iustitialis & comparatiua, non autem absoluta. Ad secundum argumentum: illud est tempus temperatiū quod medium existens maxime recedit ab extremis, sed uer est ita, quoniam uer recedit tum ab æstate tū ab hyeme, ergo est temperatum. nihil ualet contra nos istud argumentum, quoniam cōcedimus quòd uer est temperatum & recedit ab extremis, neque enim ponimus in eo excessus caliditatis & humiditatis, sed sua temperies est calida & humida. Ad tertium quod deducebat ad impossibile: si uer esset calidum & humidum, sequeretur quòd esset peius omnibus alijs tēporibus & magis corrumpens, hoc est contra omnes medicos, qui uno ore dicunt uer esse saluberrimum; ergo &c. dico quòd tu o Gal. deberes hoc modo conficere illud tuū antecedēs; si uer esset calidū & humidum excessiuum, sequeretur postea tuum consequēs quod inferis: & mirum est de Gal. qui non distinxit de ista temperie absoluta & comparatiua, qua distinctione non data, uidetur concludere argumentū. Sed quoniam data est à nobis, uidete quantum modo ualeat hoc argumentum, nam uer est temperatum, ergo sanum: ista temperies tamen comparata ad alia tempora, est calida & humida, non autem quòd caliditas & humiditas excedant in illo. Ad quartum & ultimum Gal. quod est ad hominem, dico quòd non considerauit naturam rei, & stupefio quomodo iste homo nunc sit tam proteruius, tamq; contumax contra illos antiquos doctos, superbia certe illi uelabat oculos intellectus.

tellektus . nam hoc argumentum nihil contra nos, sed
potius est contra ipsum ; non enim illi antiqui facie=
bant hanc demonstrationem ut disputarent et argue=
rent , quoniam non erant ita contumaces , bene ipse
Gal. fecit postea demonstrationem ad argumentandū,
sed faciebant illam potius ad inueniendam ueritatem,
quam certe etiā inuenerunt . propterea non debebas
o Gal. postea reflectere argumentum quando tempe=
ries aeris in uere est calida et humida non frigida sic=
ca, ideo neq; tuus modus argumentandi ualeat sicut ua=
let ratio ipsorum . uideatis ergo quid probent ista sua
argumenta nihil profecto, debebat prius ponere di=
stinctionem sicut consuevit in quæstionibus, neq; dece=
ptus esset, neq; superbia uelasset illi oculos, erat enim
arrogantissimus & superbus , conabatur deprimere
omnes uiros altissimos, sicut nunc Atheneum, ut seip=
sum extolleret , cum tamen contra ueritatem proce=
deret, quod neq; ignorabat ipse, sciebat quamoptime
Atheneum sequi in hoc ueritatem , sed uoluit illū pa=
rum deprimere , cum tamen seipsum deprimat . nihil
aliud cupiebat Gal. nisi nomē primi medici, sicut phi=
losophi primi nomen iniunctum est ipsi Arist. Quan=
tum ad hoc dictum ergo habemus uer esse tempera=
tum, cum hocq; calidum et humidum quod neq; nega=
ret ipse Gal. si uellet ueritatem fateri . Vidimus quo=
modo non est temperatum absolute , quomodoq; non
ualeant argumenta Gal. contra Atheneum. Auic. au=
tem idem dicit quod Gal. etsi breuius, cito enim se ex=
pedit et dicit . (Et dicemus quod ueris com=
plexio

plexio est temperata neq; est sicut existimant quidam calida & humida.) Sed tu Auic. cum Gal. non intellexisti, aut finxisti non intelligere Athe-
neum, non enim dicit uer excessiue esse calidum & humidum, sicut illi impingis. sed dicit quòd non est me-
dici demonstrare uer esse temperatum, ut se hic ex-
pediat de hac questione, & dicit hoc munus esse phi-
losophi naturalis, cum ait, (Certificare uero i-
stud multa inuestigatione est in parte natura-
lis philosophiæ, credere autē debemus quòd
uer est temperatum.) Expeditis his modo uenien-
dum est ad alia quæ in tex. sequuntur,) Et æstas
est calida, &c.) ut optime intelligatis illa quæ se-
quuntur in tex. multa prius sunt supponenda & præ-
scienda, quoniam dicit Auic. tempus secundum quod
sequitur ipsum uer .i. æstatem esse calidam, hoc au-
tem postea probat, & nos probabimus. sed hic po-
test aliquis dubitare, cur est quòd in æstate aer est ca-
lidus. iam diximus quomodo aer fit modo calidior, mo-
do frigidior secundum causas caloris antecedentis, nā
cœlestis calor est quoq; faciens huiusmodi tempus ca-
lidum, cum ergo corpora cœlestia efficiant huiusmo-
di calidum, oportet quòd in aliquid illum imprimant.
de hoc ergo quod suscipit impressiōē ipsius caloris,
est aer secundum quod probauimus anno elapso in ex-
positione primæ primi, ubi loquebamur de ipsis ele-
mentis, illa sunt supponenda, tanquam scita, quoniā
puto nos scire illa quæ ibi diximus, aer ergo suscipit
impressiōē caloris factā a cœlestibus corporibus, se-
cundum

cundum ergo maiorem recessum & minorem, magis
 et minus quoq; aer imprimitur ipso calore secundum
 quod ipse Arist. quoq; dicebat in lib. secundo de gene-
 rat. & corrupt. ubi dicebat motum ipsorum corpo-
 rum celestium imprimere calorem in ista inferiora
 per medium aerem, & communiter quidem motum
 omnium stellarum, sed primo & præcipue motum ip-
 sius solis, propterea quoniam principaliter secundū
 impressionem illius in aerem caloris etiā calidum &
 non calidum est tempus, tempora quoq; secundum mo-
 tum illius. i. accessum & recessum distinguuntur: &
 annus secundum periodum illius finietur & incipiet.
 et quoniam mutat impressionem accessum & reces-
 sum secundum quatuor quadras zodiaci, in quibus mo-
 uetur, ideo quatuor quoq; erunt tempora anni, & se-
 cundum motum illius & lunæ fiunt dies quoq; decre-
 torij, de quibus maxime in medicina differitur, de qui-
 busq; locuti sumus alias ex professo, & ostendimus
 quomodo fiant secundum motus horum syderum in se-
 cundo lib. aph. Hipp. ubi est locus proprius, & lon-
 gam disputationem de hoc fecimus ubi probauimus idē
 rationibus mathematicis quæ hic non sunt repetendæ,
 supponantur. Quare cum sol est in prima quadra. i.
 in signo arietis facit unum tempus, cum autem est in
 signo cancri. i. in secunda quadra, facit aliud tempus,
 & est secunda mutatio ipsius solis, tertia mutatio est
 cum sol ingreditur punctum libræ, sed secunda illa mu-
 tatio cum ingreditur punctum cancri est magna mu-
 tatio, quarta quoq; est magna mutatio & est cum iā

pertransiuit tertiam quadrantem et iam ingreditur punctum ipsius capricorni, & ideo secundum quod supra dicebamus cum Auic. quatuor sunt tempora, secundum quod sol reperitur in quatuor quadris zodiaci, & secundum quod in singulis mutatur, sic quoque calor is mutatur: nam maior fit secundum maiorem accessum ad aerem & nos, minus autem secundum mitiorem recessum ab aere & à nobis. Quare secundum ista signa uidetis quomodo sunt quatuor mutationes insignes ipsius anni & caloris, nam caloris impressio moderata est in principio arietis usque ad principium ipsius canceri, nam sol neque ita recedit à nobis sicut in quarta quadra, neque ita accedit sicut in secunda. Cum autem sol est in principio canceri, tunc magis incenditur etiam usque ad principium libræ, & in hac quadra existente sole, quoniam maxime accedit ad nos & ipsum aerem, maximam quoque impressionem caloris facit, & ideo tempus hoc maxime calidum est. cum uero sol est in libra usque ad punctum capricorni, recedit à nobis semper magis, & ideo semper magis calor minuitur, quoniam uero cum est in capricorno maxime recedit à nobis, ideo paucam facit impressionem in aere, & propterea sunt maxima frigora ultra hoc quod non est calor, uidete ergo quomodo secundum recessum & accessum solis calor maior & minor est. in principio ergo canceri intensus est calor quoniam est supra Zenith capitum nostrorum & appropinquat maxime nobis est, enim in sublimi ipsius cœli. cum autem dicimus esse supra Zenith capitum nostrorum

nostrorum, intelligimus ipsum opponi recte capitibus nostris, & cum est maxime propinquus nobis facit magnam impressionem caloris. ratio est quoniam tunc radij sui maxime in meridiano cum sint magis oppositi in se reflectuntur & multiplicantur sicq; calorem magnum excitant, & cum reflectuntur faciunt angulos rectos. sed cum non possint facere angulos rectos, saltem faciunt illos acutos. cum non possunt facere acutos, faciunt obtusos. Sed cum faciunt angulos rectos magis calefaciunt, cum uero acutos minus, cum obtusos minime. Quod autem hoc sit uerum probatur quoq; in his inferioribus, nonne magis ignis calefacit, & maiorem calorem inducit in illum, qui opposite illi imminet, illiq; ^uq; opponitur, quam in illum, qui ei recte non opponatur, hoc certum est, & experientia comprobatur. Experimini enim & uos quotidie, saltem potestis experiri. ratio huius est; quoniam illi radij à centro ducuntur, & uirtus ipsa calefactiua educitur è circumferentia. nōne superius quoq; probauimus uirtutem maiorem esse in centro, quam in circumferentia? quoniam magis unita est. necesseario uirtus unita semper maior est seipsa dispersa. Et, ut hanc rem clarissime intelligatis, sit hic circulus bipedalis ipsius ignis; agat in hoc passum, quod illi opponitur recte, agat in hoc quoq; passum oblique se illi exponens: cum per iam dicta à nobis in his quæ habent circumferentiam, uirtus maior sit in medio, quam in circumferentia, quoniam magis unita; certum est, quod magis calefaciet illud passum oppo-

situm recte ipsi medio, quoniam uirtus calefactiua ad
 ipsum ducitur ex illo medio, quam passum oblique op-
 positum, quoniam uirtus calefactiua ex circumferen-
 tia ducitur ad ipsum. Ita ad propositum redeuntes di-
 camus, quod cum sol ipse accedat ad nos magis in æ-
 state, & supra Zenith caput nostrorum, sic maio-
 rem quoque facit impressionem caloris, quoniam cum
 ita est, opponitur nobis, & radij illius e centro pro-
 ueniunt, ideo in se reflexi, atque conuersi faciunt angu-
 lum rectum, & maximum calorem excitant. si uero
 propter longinquitatem regionis ab illo non possunt
 facere angulum rectum saltem faciunt illum acutum.
 & adhuc calefaciet multum quid est, sed non ita sicut
 quando faciunt angulum rectum. Nam regula quoque
 est apud ipsos mathematicos, quod cum linea recta du-
 cta cadat super planum facit in se conuersa angulum
 rectum modo perpendiculariter super illud cadat, sed
 si non ita perpendiculariter cadat super planum eadē
 linea cum in se conuersa non possit facere angulum
 rectum saltem facit illum acutum. acutus autem an-
 gulus propinquus est ipsi recto, & si magis declinet
 non facit acutum, sed obliquum. Cum ergo sol est in
 tropico ipsius cancri, si linea perpendicularis recta
 .i. radij perpendiculares recti cadunt super aliquam
 partem aeris in se conuersi faciunt angulos rectos.
 cum autem anguli facti sunt ab illis recti magis multi-
 plicantur in medio aere sicque maiorem faciunt impres-
 sionem, ideo regio illa cœli difficillima est eo tempo-
 re, radij autem eo modo faciunt angulum rectum, quo-
 niam

niam recte è centro educuntur circa regionem illam, quæ Siene nominatur, ideo calores in illa sunt intensissimi. nam ut diximus fortiores sunt radij ducti ex centro quàm ex circumferentia. in nostra autem regione non sunt ita intensi calores, quoniam radij perpendiculares non cadunt super illam, ideo non faciunt in se conuersi et reflexi angulos rectos, sed cum nõ possint illos facere, quoniam parum declinant, ideo faciunt acutos qui rectis sunt proximi, ideo sunt quidẽ magni eo tẽpore calores, sed nõ ita intensi sicut in regione Siens & in quarto climate. nam sunt in illis aliquibus regionibus, propterea ita intensi ut sint inhabitabiles uel saltem difficile habitabiles. habetis ergo hæcenus causas intensiõis caloris in ipso aere. principalis enim & immediata causa est, ipsa appropinquatio & accessus solis & rectitudo axis deueniẽtis ad aerem nostrum: secunda uero & minus principalis causa est reflexio radiorum facientium angulos, modo rectos, modo acutos, modo obliquos secundum quòd ducuntur perpendiculariter et recte à centro, sed his declaratis quoniam mentionem fecimus et faciemus de una propositione, ideo uolo quòd eã physica ratione manifestemus, sumus enim & medici & physici. Apud physicos naturales est una talis propositio, motus et lumen excitant calorem. non enim omnes intelligunt hanc propositionem, & si famosissimam, multi quidem sciunt motũ & lumen excitare calorem, sed cur & quomodo nesciunt, multi sciunt huius rei et effectus quia, ignorant autem pro-

pter quid, nunc ergo aduertatis, quoniam uolo ut habeatis propter quid. Cum enim motus & lumen subtilient ipsam aerem & quanto subtilient tanto rarefacient quanto rarefaciant tanto magis aer accedat ad naturam ipsius ignis, ideo tanto magis quoque calefit cum ignis sit calidus, nam aer si magis ingrossetur, tendit ad naturam aquæ sicque sit frigidus, si magis subtilietur, et calefiat, tanto magis est uia in ipsum ignem & consequenter calefit secundum quod dicebat quoque Alex. Aphr. in primo Quæst. natural. cap. si meminisse, et quæstione ut diximus & citauimus superius. dicebat enim Alex. quod quanto aer incrassatur & densatur tanto magis frigescit & aqueum redditur, & quanto magis rarefit, tanto magis incalcescit et fit igneus, eadem enim est ratio oppositorum differenter tamen & opposito modo, ex his ergo clare patet quod quæcunque attenuant ipsum aerem illum calefaciunt. ista enim consecutiue se habent, et cum attenuatur aer calefit, quoniam tendit ad naturam ignis, sed motus & lumen attenuant aerem ergo illum calefaciunt. cum enim motus localis sit omnium motuum nobilissimus, propterea illi datum est ignire et calefacere, & datus est perfectis corporibus perfecte, imperfectioribus uero imperfecte, secundum enim perfectionem corporum quæ mouentur, commensuratus est, quoniam enim cœlestia corpora perfectissima sunt, ideo natura dedit illis ut perpetuo mouerentur, isto motu locali post cœlestia, quoniam ignis subsequitur, ideo illi attribuit hunc motum natura uelocissimum. uelocissime

locissime enim mouetur ignis. comparatione aliorum
 elementorum. cum autem magis ab illis corpo-
 ribus aer habuit quidem hunc motum, sed non ita ue-
 locem sicut ignis habuit tertio secuta est aqua quæ
 cum magis ab illis distet, non habuit à natura talem
 motum localem, nisi prius ab aliquo mota. ideo dici-
 mus aquam non moueri, nisi motam. cum autem ter-
 ra maxime omnium distaret, ita quòd tamq; centrum
 omnium sit, fuit penitus expers illius motus, & ha-
 buit sempiternam in medio quietem, sicut ignis cū sit
 propinquissimus ipsius cœlestibus, habuit ut semper
 in motu esset semper agigaretur. hinc inde, nunquam
 quiesceret, propterea secundum motum istorum cor-
 porum habuerunt calorem maiorem & minorem, tan-
 to enim magis appropinquant cœlestibus corporibus,
 quæ suo motu illa rarefaciunt. Quapropter cū ignis
 sit illis maxime propinquus habuit perpetuam agita-
 tionem, & motum ita quòd cum hoc etiam, quòd est
 propinquus motui illorum corporum, ita subtiliatus
 est & rarefactus, ut habuerit intensiorem calorem
 omnibus alijs corporibus, inflammatum enim per mo-
 tum ipsius cœli perpetuum & sui ipsius confricando
 partes cum partibus, consequenter quanto magis in-
 flammatum per motum ipsum, calefit quoq; per lumen
 illorum corporum. Vnde quoniam corpora, quanto
 tenuiora & subtiliora sunt, tanto quoq; sunt lucidio-
 ra, unde quoniam magis longinquus est à talium cor-
 porum motu ipse aer propterea fuit quidem subtilia-
 tus per sui ipsius motum, et motum illorum ita quòd
 cale-

calefactus quoque est, non tamen ita sic ut ignis. ille enim cum esset omnium propinquissimus, fuit quoque omnium tenuissimus, & calidissimus consecutiue, qui quidem aer dum hoc modo sit calidus, si magis inter seipsum agitetur & confricetur tendit in naturam ignis quoniam magis attenuatur, cuius illud manifestum est signum quod cum confricantur lapides inuicem excitatur ignis, quoniam aer ita attenuatur, ut uertatur in naturam ignis. Quare uideatis Domini quoniam cum motus calefaciat non calefacit, nisi quia attenuat prius illud corpus, consequuntur se ista. quoniam mouentur etiam ista corpora & sunt propinqua motui cœlestium ergo attenuantur, attenuantur ergo calefiunt, quanto magis sunt tenuia, tanto calidiora. patet ergo quomodo motus natus sic calefacere dicebamus, postea quod lumen quoque calefacit, quod quidem uerissimum est. nam uidemus quanto magis aer est calidior, tanto magis luminosior, & e contra quod quidem sensu ipso comprobatur. nam si radij Solis reflectantur super aliquem hominem uersitum in speculo illo concauo, ita calefaciunt ipsas uestes, ut etiam comburat illas, cum ergo Sol magis ad nos appropinquat, tanto magis reflectuntur illius radij, & ideo magis luminosus redditur, & magis etiam calefit, consequenterque calefacit corpora ista mista, quod hoc sit uerum, neque chimerice dictum manifestum est ex dictis ipsius Auic. in litera cum dicat quod (In æstate maius, & intensius lumen est in ipso aere ideo maior quoque calor,) cum enim

enim magis reflectantur radij in eadem æstate, et eadem die cum Sol est in meridiano, quàm cum est in oriente, tamen magis propinquus nobis est Sol, cum est in oriente, quàm cum est in meridiano, a quo provenit hoc? hoc fortasse est propter concentricos, nam cum est in oriente, est propinquior capitibus nostris, quàm cum est in summo & sublimi ipsius cœli magis calefacit non est reddere causam. est enim dubitatio quomodo idè potest esse longinquior & propinquior nostris capitibus quam dubitationem nolo nunc solvere, neq; huiusmodi rei causam reddere. nam mathematicis id longius probandum et examinandum relinquo. maxime cum nos nunc simus physici & medici. non enim attinet ad professionem nostram propterea ista iam dimittamus, & ueniamus ad ea, quæ negotio nostro subseruiunt. sat enim sit dixisse illa pauca pro intellectu eorum quæ dicit Auic. hic. scio enim in hoc meo auditorio esse multos bonos mathematicos & Astrologos, qui hæc sciunt ideo ista dimittam illis considerata. scio postea quòd sunt multi qui astronomiam nunquam didicerunt, neq; ista intelligunt, & isti me deridebunt, si amplius super his rationes adducam, nam cum non intelligant, ad quid ista adducere? Vos uero qui ea scitis nihil discetis, nollem enim ut contingeret, sicut contingit illi prædicatori Arlotto Piuano, qui cum concionabatur dicebat ea quæ nec ipse, nec alij eum audientes intelligerent. Veniamus ad nostrum negotium. Nota quòd cum descenderet cathedram & iret domum nosq; ipsum conueniremus,

remus, dixit sub porticu Aromatarie de la bursa, quod ille Peretus Mantuanus, quem audiverat dum uenisset ad declarandū quoddam exemplum in textu Arist. erat enim philosophus, quod exemplum mathematicum erat dixit, Domini, Ego nolo facere, sicut faciebat meus præceptor Nicoletus, qui cum uellet exponere ista exempla mathematica dicebat, Ego nolo declarare quia ego quidem intelligo illa, sed quoniam uos non intelligeretis, taceo ego autem, inquit Peretus, dico quod scio hic esse multos bonos Astro-nomos & mathematicos. Ideo si intelligerem hoc exemplum declararem, uos qui scitis declarate mihi, sic quoque poteram dicere ego, inquit Montanus.

LECTIO LII.

IAM audiistis in calce præcedentis lectionis, quomodo in æstate maior est calor, quam in alijs temporibus. quæsitum deinde erat cur cum magis appropinquet nobis, cum est in oriente, quam cum est in meridiano, tamen minor calor excitatur. sed solutionem huius prætermisimus quoniam nostrum negociū non est. ad ostendendū autem cur maior calor in æstate est utebamur duplici causa & ratione. prima autem & principalis erat appropinquatio ipsius Solis. ad Zenith capitum nostrorum, cum enim nobis est propinquus, tunc radij proueniunt ab axe illius, uel saltem exeunt magis propinque a centro Solis. secunda causa erat reflexio radiorum facientium angulum rectum cum perpendiculariter cadunt radij, uel saltem

tem acutum cum non ita perpendiculariter cadūt, qui proximus est recto. nam quomodo reflexio radiorum potest esse principalis causa cum illa non fieret nisi Sol nobis appropinquaret, nam quoniam propinquus est nobis reflectuntur illius radij, & declarabamus quomodo in æstate magis appropinquat nobis, et etiam uidebamus illam propositionem famosam quomodo motus & lumen calefaciunt. adduximusq; super hoc rationem physicam quoniam multi sciunt quidem quia illius propositionis sed propter quid ignorant, propterea declarauimus, quomodo per subtiliationem & attenuationem calefaciunt, quæ iam sunt a uobis supponenda, neq; amplius repetenda. illa .n. sumus speculati antequam ueniremus ad ea, quæ dicit Auic. in hoc cap. Nunc ergo uisis illis ueniamus ad expositionem text. Auic. qui uult probare & ostendere causas cur est quod Sol magis calefacit in æstate, quàm in alijs temporibus, idest cur est quod æstas sit calidior omnibus temporibus, & inquit, (Et æstas est calida propter ea quia Sol oppositioni capiti est propinquus,) hæc est principalis & prima causa quā nos quoque reddebamus, quoniam enim in æstate magis appropinquat nobis Sol, ideo maior calor excitatur, ostendimus quomodo & cur fiat. ista enim iam sunt declarata, nolo amplius immorari in his: dicit postea, (Et fortitudo existit radij qui ab eo profluit, &c.) Aduersatis quoniam Auic. concludit quod dictum est, quod scilicet æstas calida est non solum eo quia proximus est

est nobis Sol, sed etiam quia radij reflectuntur & faciunt uel angulos rectos, uel acutos si rectos facere non possunt, sed tamen nos dicebamus illam primam esse principalem causam, quoniam sine illa hæc secunda nulla est, dat ergo hanc secundam causam, nunc cū dicit. Et fortitudo radij existit qui ab eo profluit, qui imaginatur conuerti retro in æstate, aut super angulos ualde acutos, aut super seipsum in lincis in quibus penetrauit. hæc omnia sunt dicta a nobis: nonne uidetis quòd idem dicit, est tamen differentia quoniam nos clarissime exposuimus hæc rē et ordinatissime, sed ipse in hoc maxime inordinatus & difficillimus in suis uerbis, ita quòd intelligi ferè non possit, quòd hoc sit uerum, patet quoniam etiam sui expositores hic querunt de ipso, cum non possint percipere uult enim discere; & fortitudo existit radij, qui ab eo profluit, cū appropinquat magis Sol Zenith caput nostrorum, tunc radij ab eo profluentes sunt fortiores in calefaciendo. Ecce ergo quomodo reflexio supponat priorem causam, idest appropinquationem. ratio huius est, cum dicit, (qui imaginatur conuerti retro in æstate) notate illud uerbum (imaginatur,) ut intelligatis Auic. est enim uerbum passiuum in hoc loco, ut dicatis quoniam nos imaginamur, oportet quòd etiam uos imaginemini hoc uerbum imaginatur passiuè iacere. uidete quomodo propter ignorantiam istorum interpretum oportet uos discere nouare grammaticam. non possum aliud facere ego. hic est sensus quoniam nos imaginamur illos radios reflecti,

eti, & in aere facere angulos rectos, & tunc maximus intensissimusq; calor est, sicut in siene & quarto climate. aut si non possunt facere angulos rectos saltem faciunt illos acutos & multiplicatur ita in medio, sicq; excitat calorem. dixit autem quem radium nos imaginamur reflecti, quoniam reuera non est reflexio, sed est mathematica reflexio, sed cum reflectatur corpus illud in quo sunt radij illi quoq; reflectum solius corporis est reflecti: reflectitur & incorporeum dum sit in corpore quod reflectitur, qui ergo habent radios reflexos facientes radios rectos maxime calefiunt, sicut illi qui inhabitat illam regionem siene. sunt enim sub tropico canceri, & ideo accipiunt radios profluentes a centro. sed cum ista nostra regio non sit sub tropico canceri, non accipit radios immediate profluentes a centro Solis: tamen accipit illos propinque profluentes a centro, propterea radij illi in nostra regione reflexi non faciunt angulos rectos cum perpendiculariter non cadant a centro super illam, sed faciunt angulos acutos qui rectis sunt proximi. ideo in hac quidem regione fiunt calores, sed non ita intensi sicut in illa. dictum est enim lineam cadentem rectam super planum si perpendiculariter cadat in se reflexam facere angulum rectum, si autem parum declinet facere acutum. radij ergo qui super capita nostra cadunt, non cadunt perpendiculariter, sed aliquantulum declinant, & ideo cum non possint facere in se reflexi angulum rectum, faciunt illud quem facere possunt .i. acutum, qui recto proxi-

mus

mus est. Quare ex his potest patere quemadmodum maior et minor calor sit secundum approximationem maiorem & minorem ipsius Solis, & secundum quod regiones maxime appropinquant illi regioni in qua radij reflexi faciunt angulos rectos, nam magni post illam regionem sunt calores in quarto climate, quoniam radij reflexi faciunt angulos acutos ualde, in primo uero climate & secundo fiunt minus acuti, propterea, & minores calores. in sexto, in quo sumus nos minus acuti fiunt, & in fine sexti climatis, & in septimo toto fiunt, non acuti amplius, sed obliqui. propterea non solum non sunt ibi calores, sed etiam sunt semper maxima frigora. (Quando ergo, inquit Auicenna, aut super seipsum in lineis in quibus penetrauit, & propterea inspissatur radius, intellexit cum conuertuntur huiusmodi radij in se multiplicantur, & virtus eorum fortificatur, sicque magis calefaciunt.) Ecce quomodo intelliguntur dicta ipsius Auic. Intellectis his quæ iam sunt declarata à nobis, quomodo enim intelligeretis hanc literam nisi prius intellexissetis illa quæ diximus, dicatis obsecro. sequitur autem in litera, & inquit (Huius uero causa pro certo existit eo quod casus radij Solis alius est qui est sicut casus axis columnæ & pyramidis, sicut si à centro corporis Solis penetret ad illud quod est ei oppositum,) dicit Auic. quod reflexio huiusmodi radiorum facientium angulos rectos, uel ualde acutos excitat calorem. Cum ergo est

propinquus nobis sol ipſus centrum propinquum eſt
et ſuper axe . axis autem eſt linea ducta a centro cæ-
li ad circumferentiam , cadunt radij facientes angulos
rectos uel acutos formant quandam figuram uel py-
ramidis ſiue columnæ . hoc namq; proprium eſt cor-
porum calidorum luminoforum , ut faciant ſcilicet py-
ramidem , cuius pyramidis acumen eſt ipſa axis . py-
ramis autem ſemper habet acumen ſupra , ſeu dicatis
illud quod eſt acutum , cum uero deſcendit , tunc fa-
cit Clunum . Quare cum radij refleſcuntur tunc fa-
ciunt columnam , cum faciunt angulos et ſic multipli-
catur , et excitat calorem . iſta ſint hoc modo declara-
ta , dicit poſtea Auic. (Alius eſt qui eſt ſicut ſu-
perficieſ & circumferentiæ , aut qui eſt pro-
pinquus circumferentiæ &c.) Nunc Auic. oſten-
dere uult quod radij uel cadunt ab axe ſolis , uel ab il-
lius circumferentia . Si cadunt ab axe , tunc maiorem
calorem inducunt , ſi autem proueniunt à circumſeren-
tia debilius agunt . quoniam ergo in hyeme nos habe-
mus radios prouenientes à circumſerentia propter ma-
gnam illius à nobis longinquitatem , propterea mini-
mus eſt calor , minor enim uirtus eſt in illis qui proue-
niunt à circumſerentia , quàm illis qui proueniunt à cæ-
tro , in æſtate enim maior calor eſt , quoniam à ſolis
centro procedunt radij , propterea inquit Auicen.
(Alius eſt qui eſt ſicut ſuperficieſ & circum-
ferentiæ , aut qui eſt propinquus circumſerē-
tiæ .) Poſtea reddit cauſam , cur eſt quod radius pro-
ueniens à centro ſolis eſt fortior in calefaciendo , et

maior ipsius uirtus est quàm radij illius uirtutis, quæ à circumferentia deuenit, et ait quòd hoc est quoniam illi radij qui à circumferentia nascuntur cum reflectantur ad centrum adiuuant uirtutem ipsius centri, propterea in illo tota uis est, et propterea fortiores sunt radij qui ab ipso oriuntur in agendo, nam non solum habent uirtutem ipsius centri, à quo oriuntur, sed etiam circumferentiæ, sed non è contra. non enim radij centri adiuuant qui nascuntur à circumferentiæ, et ideo sunt paucæ uirtutis et fortitudinis in agendo, et dicit. (Et eius quidem uirtus existit in axe & quòd impressio ei aduenit ab omnibus extremis) ille uero qui est in parte extremorum .i. qui est in circumferentia magis debilis. ratio est quoniam uirtus centri non deuenit ad ipsam. Quapropter nos sumus cadentes in æstate sub axe circa ipsum, et perdurat hoc tempus super nos, qui morantur in istis latitudinibus. Quasi dicat Auic. quòd illa regio in qua ipse erat est sub axe solis .i. quòd radij super illam cadentes deueniunt à centro solis, uel propinque. Ecce quomodo quamoptime subiunxit illud uerbum. (Nam illi solum sunt sub axe) .i. radij directe cadentes super ipsos nascuntur à centro qui inhabitant regionem existentem sub tropico cancri, nam cum proueniant à centro reflexi, faciunt ibi angulos rectos & maximum excitant calorem, itaque ferè sunt inhabitabiles, aut saltem ferè difficile habitabiles. Quanto autem magis regiones sunt propinque illi, tanto magis quoque habent radios propinque nascentes

scentes à centro ; quia ergo sua regio erat illi propinqua, propterea radij cadentes , super ipsum nascuntur propinque à centro solis , ideo in illa regione fiūt quoq; in æstate magni calores. Et in illis latitudinibus regionum, & quoniam sunt plurima climata, non autem unum solum clima propterea artificiose dixit . (Et hi qui morantur in istis latitudinibus) *in numero plurali, non autem in ista latitudine in numero singulari . quod autem in æstate habeamus radios natos à centro solis uel saltem propinquo à centro, probat adhuc Auic. signo & inquit .* (Ideoq; in æstate lumen existit magis splendidum licet spatium quòd est à nostro loco ad locum Solis sit longius, cum solexistit circa suam augem.) *Quod habeamus radios natos propinque à centro & reflectuntur faciuntq; angulos ualde acutos probatur, & ostendo inquit Auic. signo, nam (uidemus quòd in æstate magis luminosus est aer quàm in alijs temporibus) inditium maximum quòd reflexi maxime in aere multiplicentur modo cum maior existit lux in medio aere & intensior reddit illum magis luminosum & illum rarefacit , ad rarefactionem autem sequitur caliditas , sicut supra dictum satis est. ideo cum in æstate luminosior est aer, calidior quoque erit, ista enim se consequuntur , quoniam luminosus est , ideo rarefacit aerem , rarefacit aerem, ideo illum calefacit , quanto enim magis illum rarefacit, tanto magis quoq; uertit illum in ignē consequenter reddit illum calidum . sed diceret quis cur*

in meridiano quoq; cum sol magis longinquus est à nobis quàm cum est in oriente, tamen maior lux & intensior est in meridiano quàm cum est in oriente, & maior calor; non enim uidetur hoc posse consonare ueritati, propterea astronomi imaginati sunt orientem, qui quidem distinguat hemispherium superius ab inferiori, ideo dicunt, surgat sol ab hemisphero inferiori ad superius, & linea ducatur recta, tunc ab oriente ad orientem, & alia à meridiano ad eundem, certum est quòd longior erit illa quæ ducitur ab oriente ad orientem, quàm illa quæ est à meridiano ad orientem. ideo maior quoque lux est. sed ista longe melius & subtilius, longeque probata sunt à mathematicis in theoricis planetarum. hæc potius dicta sunt ut satisfacerem huic negotio, pingui enim crassaque minnerua sunt pro nunc ista probata, ideo non amplius immoremur in his, sed illa mittamus ipsis mathematicis, & hoc totum est quod inquit Auic. quòd cum sol est in meridiano .i. in auge, est longinquior à nobis quàm cum est in oriente, propterea Auic. respondet huic dictioni & inquit quòd (hoc est probatum & declaratum à philosophis naturalibus in parte philosophiæ naturalis) quæ Astronomia appellatur & dicit (istius uero longinquitatis & propinquitatis, scilicet cum est in auge) .i. in meridiano & in oriente comparatio in parte astronomica partis disciplinalis philosophiæ declaratur. remittit ergo huius rei declarationem ad philosophum naturalem. Et quoniam certum est ex his quæ dixit

dixit Auic. motum & lumen calefacere , propterea remittit se ad philosophum naturalem, quoniā in parte una naturalis philosophiæ hoc declaratum est, cum inquit . (Et certificatio fortitudinis caloris & fortitudinis luminis monstratur in parte philosophiæ naturalis.) Quo ad primum, quoniam non est nostra professio, pauca quædā diximus , & remisimus nos ad astronomos, sed quoniam nos sumus & Medici & philosophi , ideo declarauimus secundum , quomodo scilicet lumen & motus calorem excitent , dedimusq; huius rei , propter quid nolo amplius illa repetere sed suppono , ego uos illa iam intellexisse . sed ueniamus ad alia ne toto hoc anno stemus in hoc cap. Cum ergo Auic. iam probauerit satis æstatem esse calidam, cum etiam sensu ipso sentiamus eam esse calidā, cōsequenter modo uult probare quæ qualitas passiua ei conueniat, et ostendet eam esse siccam , cuius rei assignat tres rationes , prima harum causarum est quod æstas est sicca, propterea quia uapores non ascendunt humidi sicut in alijs temporibus, nec faciunt pluuias , propterea etiam qui in illo sunt, resoluuntur a magna & intensa radiorum caliditate, ideo non humectatur aer . sed aduertatis , quod nunc loquimur de æstate naturali , non autem de æstate illa, quæ præter naturam est propter aspectus et constellationes , nam potest esse æstas maxime pluuiosa , sed si est æstas naturalis , uapores nisi rarissime ascendant , & ita fiunt pluuiæ rarissime , quoniam illos uapores caliditas Solis resoluit . Sed dicemus de hoc in

secundo cap. idest in cap. seq. nolo nunc in hoc immorari, ne ponamus cap. in cap. et bis idem repetamus, quod pro nunc supponendum est tanquam certum, quoniam probabitur. Supponit unum Auic. in hoc toto cap. quod est notandum à uobis, ne fallamini. Supponit enim q̄ consideremus aerem non in propria natura, quoniam est calidus & humidus, nam hæc consideratio pertinet ad ipsum philosophum naturalem. probat enim ille aerem esse quandam substantiam cōpositam ex materia & forma, calidam & humidam. Consideratio autem medici de ipso est non ut est in propria natura, sed ut est semper commissum aliquo extrinseco, quod illum reddat modo frigidum, modo calidum, modo siccum, modo humidum, considerat enim medicus ipsum aerem quatenus expiratur & inspiratur, et extrinsecus alterat corpus humanum, nihil querit de parte illa aeris superiori calida humida, sed de hac inferiori, quæ semper circumdat corpora nostra. Vana enim esset illi consideratio illius. debet enim considerare de aere, ut alterat et immutat nos, modo non immutat, nisi iste qui nobiscum est, non immutat autem nisi immutetur, non immutatur nisi per aliquod extrinsecum illi accedens. non enim calefit aer, nisi per aliquid ei accedens, quod calidū sit infrigidatur per aliquod frigidum commissum, humectatur per aliquod humidum, exiccatur per aliquod siccum, & hæc est summa conclusionis ipsius Auic. non enim intelligetis illum, nisi hæc prius scia-
tis, nihil penitus intelligetis de illis quæ dicit, quæ iam
dixit,

dixit, & etiam dicturus est in hoc toto cap. Ideo cau-
sa cur exiccatur aer est, quoniam illius substantia re-
soluitur ab illa caliditate intensa. Amplius dicit ter-
tio quod aestas sicca est. i. aer siccus est in aestate, quo-
niam non accidit illi quod solet accidere cum humecta-
tur, nam illi non accedunt pluuiæ propter iam dictā
causam, quoniam uapores non ascendunt ad ipsum,
et illi pauci qui in ipso sunt commisti resoluntur a
magna caliditate. cum ergo non humectatur aer ab
illis exiccatur, non autem siccat alia de causa, nisi
quia suo humido priuatur, hoc enim probabit infe-
rius Auic. cum hoc etiam præbet ille Aristot. in suis
libris de generat. dicit enim quod humectatio & exic-
catio opponuntur priuatiue, exiccatio enim est priua-
tio humectationis, illa uero est fortior alijs rationibus
quoque & causis, quoniam scilicet humidum pro-
prium ipsius aeris & substantia resoluitur a tam in-
tensa caliditate, hæc ergo sunt tria quæ reddunt sic-
cum ipsum aerem tempore æstatis. Cum ergo ex
his tribus causis satis manifeste liqueat æstatem es-
se siccam, & iam probatum sit eam esse calidam,
reliquum est, ut concludamus ipsam æstatem esse
calidam siccam. de caliditate illius iam diximus su-
perius, de siccitate illius, iam audiat. Notandum
ergo a uobis est Domini, quod superius quoque
admonebamus nos appellare aerem æstiuum esse ca-
lidum siccum, & aerem in se calidum humidum
comparatiue, non autem absolute, ideo cum com-
paretur ad aliud, oportet etiam quod inueniamus

illud, ad quod comparatur & refertur, non enim ad unum solum tempus refertur, sed ad reliqua omnia tempora. Aestas ergo cum dicitur esse calida sicca intelligitur comparatiue tum ad hyemem, tum ad reliqua duo tempora, si enim aestas esset calida sicca absolute, ita quod caliditas tunc ipsius aeris esset absoluta, non autem relata ad reliquorum temporum qualitatem, tunc non possemus respirare, et si respiraremus. & si respiraremus non euentarentur, nec refrigerarentur spiritus ipsi. et sic cum non refrigerarentur sic ignirent et exhalarent, et dimitterent corpus humanum, quod postea moreretur, propterea semper aer est frigidus respectu nostrorum corporum, et ipsorum spirituum semper est frigidus humidus, respectu nostrum. Vnde dicebat quoq; Gal. quomocunque sit calidus aer in regionibus habitabilibus semper est frigidus, respectu nostrorum corporum, quod si non est frigidus, tunc illae regiones sunt inhabitabiles. quod si sit uerum patet per hoc signum, quoniam quotiescunque in tempore aestiuo calidissimo etiam discooperitur ipsum cerebrum aliquo magno uulnere leditur semper frigiditate, et ad frigiditatem alteratur, sicut dicebat quoq; Gal. quod non esset, nisi semper aer esset frigidus respectu nostrorum corporum. bene uerum est quod modo est calidior, modo frigidior, modo siccior, modo humidior, sed semper est frigidus. dicit ergo, (Et aestas praeter hoc, quod est calida, est etiam sicca propter resolutionem humorum, quae fit in ea a mul-

multa caliditate,) hæc est prima causa cur æstas sit sicca; dat postea secundam rationem cum dicit, (& propter resolutionem substantiæ aeris, & ipsius similitudinem cum natura ignea,) ita legitur in textu antiquo sed melius est, ut legamus hanc literam secundum quod correxit ille Andreas Alpagi, dicit enim quod non corrumpitur, quoniam sequeretur maximum inconueniens, nam dureretur uacuum, quod tantum abhorret natura, sicut habetis a philosophis maxime ab Arist. 4. phys. sed corrumpitur substantia et resoluitur quia maius spacium occupat cum rarefiat caliditate. nam secundum Arist. quarto lib. metheor. et secundo lib. de generat. et corrupt. illa sunt inspissata et rara quæ habent paucam materiam, magnum uero locum occupant: illa uero densa quæ habent multam materiam, sed paucum locum occupant, propterea philosophi antiqui dicebant quod rarum et densum sunt principia rerum naturalium, ut narrabat Arist. contra quos ille arguit, sed etiam ipsi habent multas rationes & magni momenti pro se, non enim oportet quod tantum uideamus argumentationes contra ipsos ipsius Arist. sed & eorum placita, & placitorum fundamenta, quoniam non mouebantur sine aliquo fundamento tanti uiri, neque aspernamini eorum sententias, sed quàm optime illas speculemini. Arist. autem posuit calidū, frigidum, humidum, & siccum esse principia rerū naturalium, quoniam sunt principia ipsius generationis rerum naturalium secutus ipsum Platonem, & pri-

mo Hippoc. qui antea fuit . ab illo enim omnes philo-
sophi acceperunt postea suas sententias bonas, non q̄
ipse Hipp. putarit istas quatuor qualitates esse prin-
cipia substantiarum, non enim tam ignarus fuit, non
tam ignari illum sequentes Arist. & Plat. Sed per il-
las qualitates intelligentes ipsa elementa quatuor:
quæ sunt corpora simplicia, nam elementorum nomi-
na, sunt potius nomina balneatorum secundum quod
dicebat Gal. primo lib. de Elementis. Dico ergo quod
densum & rarum secundum hos antiquos philosophos,
sunt principia rerum, nam ad raritatem sequitur ca-
lidity: ad densitatem uero frigiditas. Quare ego
quoq; dico cum his philosophis quod rarum & den-
sum immediate sunt mutantia ipsius substantie: quo-
modo enim mutabitur aer in aquam, nisi de rarita-
te mutetur in densitatem: Nam quam primum aer in-
cipit densari, incipit quoq; mutari in sua substantia,
& accipere formam aquæ. si cum aqua incipit rarefie-
ri, mutatur in sua substantia, & accipit formam ip-
sius aeris, nam ad raritatem sequitur caliditas, quæ
stat cum aere. ad densitatem uero frigiditas, cum qua
stat aqua, propterea rarum & densum sunt rerum
naturalium principia. Sed non propterea sumus nos
pro philosophis antiquis contra ipsum Aristot. immo
sumus cum illo. nam dico ego solum quod rarum &
densum sunt immediata principia mutationis rerum na-
turalium: calidum uero frigidum humidum & siccum
dicimus esse causas intrinsecas ipsius rei naturalis. sed
hæc sint satis, quantum ad hoc. nolo enim in hoc pro-
trahere

trahere sermouem meum, dicemus alias, & diximus de hac re. satis est quòd nūc excitauī ingenia uestra. melius ergo est ut redeamus ad propositum nostrum quòd legamus secundum tex. Auic. ut scilicet dicamus aerem tempore æstatis exiccari propter ipsius rarefactionem ab intensa caliditate, nam quanto magis rarefit, tanto magis assimilatur igni, & accipit de forma ipsius, quòd uerum sit hoc quòd litera Andr. sit melior. uideatis quoniam subiunxit Auic. (Et ipsius similitudinem cum natura ignea,) quid clarius esse potest, nam quomodo assimilatur ipsi igni, nisi quando rarefit. quoniam magis subtiliatur, magisq; calefit, propterea certum habeo, non possibile aliter esse literam Auic. quoniam eius mens est ista, Cum enim rarefiat ab illa magna caliditate consequenter tendit ad naturam ipsius ignis, modo ignis non potest esse sine siccitate, propterea aer exiccatur, concluditur ergo ex dictis æstatem esse calidam & siccam. dicit modo quæ sit complexio hyemis cum dixerit de complexione æstatis, & dicit quòd (Hyems est frigida & humida, habet enim contrarias, qualitates qualitatibus ipsius æstatis quoniā etiam habet causas contrarias illi,) quas non numerat gratia breuitatis, nam possunt colligi ex his quæ dicuntur de æstate cum oppositionis eadem sit ratio & disciplina opposito modo. Postquam non uultis me amplius legere audiat saltē quid faciendū sit; Cras disputabitur cum ipso Auic. de complexione ueris & autumnī, & comparabuntur inter se istæ duæ

complexiones. ponit enim duas conclusiones probandas Auic. prima est quod uer est temperatissimum, secunda quod autumnus est frigidus & siccus, quas quidem conclusiones sustinet & fulcit multis rationibus, ita quod nihil aliud facit in hoc reliquo totius cap. nisi probare istas duas conclusiones. uidebitis quantum laborabimus contra ipsum.

LECTIO LIII.

IN autumno uero iam calor diminutus fuit, & frigiditas nondum peruenit ad complementum, &c.) Vt intelligatis ea quæ dicuntur in hoc toto cap. debetis diligenter scire quemadmodum Auic. intendit probare in hoc cap. has duas conclusiones; quas modo dicemus; & sciatis quoniam cum dicimus uer & alia tria tempora talia esse, non intelligimus quod ueris substantia sit talis, sed quia secundum tale & tale tempus permiscetur in eo tales & tales uapores, talia & talia extrinseca, siue refrigerantia, siue calefacientia, siue humectantia, siue exiccantia. hæc est prima conclusio scienda, ut ueniamus postea ad ea, quæ dicit Auic. Sed nos ponimus hic aliam conclusionem contrariam illi; Quoniam dicimus ipsum uer esse calidum humidum, sic quoque alia tempora; sed dicamus nunc de uere. dicimus ergo uer est calidum & humidum in propria substantia, quoniam habet talem temperaturam ipse aer, hoc autem probabamus superius in propria questione, ut audiuiſtis. secundo dicimus quod uer est calidum & humidum,

humidum, æstas uero calida & sicca, sicq; alia tempora cum suis qualitatibus, quia aer tunc in propria substantia habet huiusmodi qualitates, non autē quia illi aliquid extrinsecum accedat, bene illud quod extrinsecus accedit consideramus, sed consideramus ipsam substantiam aeris, scilicet quod efficitur talis uel talis, nam quotiescunq; excedunt in ipso qualitates, istæ tunc excedunt uirtute ipsius Solis & uaporum alterantium ipsam substantiam aeris, nam cum est in ipso maior caliditas et siccitas quàm illi conueniat, tunc est ratione Solis alterantis ipsum, sicq; in uere aer est humidus & calidus in propria substantia. secunda conclusio quam hic ponit Auic. est quoniam enim intendit probare quòd uer comparatum ipsi autumno est temperatum, sed autumnus quoad qualitates quidem actiuas est temperatus, quia in illo non excedit aliqua duarum qualitatū actiuarum, neq; frigiditas, neq; caliditas. quo ad ipsas qualitates passiuas, dicit Auic. quòd, (Autumnus est tēperatus sed in eo excedit ipsa siccitas,) quod quoque dixit Gal. ego autem oppositam conclusionem sustineo, Dico enim quòd autumnus non est temperatus quo ad qualitates actiuas, neq; siccus quoad passiuas, sed bene concedo secundo autumnum neque esse calidū, neque esse frigidum, neq; humidum, neque siccum, sed est inæqualis, modo frigidus, modo calidus, modo siccus, modo humidus. Vnde & inæqualis autūni &c. dicebat ille Poeta uidens autumnum esse inæqualem quoad suas qualitates. Auic. ergo ut diximus sustinet

net autumnum frigidum siccum, uel temperatum in actiuis, sed quantum ad passiuas dixit illum esse siccū, nihil aliud uult probare in hoc toto cap. Videte modo quomodo in probandis his dictis est longus more suo, ista autem opposita nos sustinemus, quoniam ueritatem rei attingunt. secundum conceptum intellectus mei, ego nolo damnare opinionem contrariam, sed ego illam uobis fideliter recitabo & confutabo rationibus & sensu ipso attestante, postea ponam sententiā meam in hoc, uos eligetis utramuis, nolo enim ut in hoc alicui sitis addicti, non mihi magis quam Auicem. sed eligite eam quæ placuerit uobis. Ego omnia recitabo, non astringo uos. Videamus ergo istas probationes Auic. primo quomodo uer est temperatum, & quomodo ipse autumnus est temperatus in actiuis, siccus uero in passiuis. ponit ergo primo unam propositionem deinde illam probat rationibus. propositio est ista; autumnus est temperatus quo ad actiuas, ita quod in eo, neque frigiditas, neque caliditas sola dominatur, sed simul ambæ; quo ad passiuas autem non sic est immo est siccus. dicit ergo in autumno uero iam calor diminutus fuit, & frigiditas nondum peruenit ad complementum, & simile existit quod iam in medio stamus longitudinis, quæ est inter axem quam nominauimus, & inter circumferentiam, propinquus igitur existit in temperamento quod inter caliditatem et frigiditatem existit. hæc est probatio primi dicti ipsius propositionis, seu conclusionis; ratione enim hac probat autumnum esse temperatum, quo ad actiuas qualitates,

litates, quoniam tunc neq; est excedens caliditas, neq;
 frigiditas, cum ipsi radij Solis appropinquant nostro
 capiti mediocriter, ita quod neq; nimis distat a nobis,
 neq; nimis appropinquat Sol, tunc enim ipsius radij
 reflectuntur quidem, sed mediocriter, ita quod neq;
 faciunt angulum rectum, neq; ualde acutum, sed me-
 diocriter multiplicantur in medio, ideo mediocriter
 quoq; illud calefaciunt, nam cum est propinquus ma-
 gis Zenith nostrorum capitum ipse Sol, radij ab illius
 centro procedunt, ideo habent magnam uim calefa-
 ciendi, cum uero distat a nobis, tunc radij nascuntur
 a circumferentia & minimam uim habent calefacien-
 di, immo ita minimam habent illam uim, ut minimum
 excitent calorem propterea tunc sunt frigora, cum
 uero neq; ita longinquus est, neq; ita propinquus, sed
 est in medio, tunc radij, neq; a centro, neq; a circun-
 ferentia nascuntur, sed propinque tum ab ipso cen-
 tro, tum a circumferentia, & sic habent mediocriter
 calefaciendi uim. Quare tunc calor quidam tempe-
 ratus & mediocris est, sed ita est in autumnno, non
 enim nimum appropinquat nobis Sol, neq; nimum di-
 stat, sed in medio est, ideo mediocris excitatur calor.
 Probatum ergo iam esse existimo autumnnum non ha-
 bere caliditatem excedentem, cum enim iam sol non
 sit amplius in secunda quadra. i. cum æstas præterijt,
 incipit esse & moueri, & moueri in ipsa Libra, mo-
 do cum non est in secunda quadra radij ab eo produ-
 cti non oriuntur a centro, sed propinque ipsi centro,
 propterea non excitant illum immoderatum calorē,
 quem

quem solent excitare in æstate, sed excitant illum moderatū. assimilabitur ergo in hoc ipsi ueri autumnus, nam sicut in uere sol est in ariete, qui est medius inter cancrum & capricornum, sic quoq; in autumnus est in Libra, quæ est inter cancrum & capricornū, propterea sicut in uere ipso qualitates actiue sunt temperatæ, non autem excedentes, sic quoq; in autumnus erunt temperatæ, ergo relinquitur autumnus temperatus in actiuis qualitatibus. hæc est probatio ipsius Auic. pro primo dicto conclusionis suæ. Incipiamus ergo ab hac ratione, ut illam destruamus, ne simus postea molesti uobis, sic enim breuius & ordinatius procedemus in examinando statim quamcunq; probationem. Examinemus ergo Domini hanc suam probationem, nihil enim concludit, nam uidetur quidem in hac sua ratione habere rationem ipsius efficientis. i. solis, quoniam dicit, (Sicut in uere est mediocriter distans a nobis & mediocris est calor, sic quoque in autumnus, cum sit mediocriter a nobis distans, mediocris quoque & temperatus est calor,) hæc erat sua comparatio, si bene meministis, sed non facit mentionem de ipso passo recipiente, & ideo deceptus est Auic. non enim sciebat quod actio non fit nisi ab agente in passo optime disposito, & secundum ipsam dispositionem passi recipientis fit ipsa actio. non enim habetis uos ab Arist. quoque sepius non posse fieri actionem, nisi agens agat in passum propinquum, & bene dispositum? uellem quod mihi in hoc responderet Auic. facit enim hoc
suum

suum argumentum ex semisse, ideo ex semisse quoque concludit & colligit: non enim ualet est eodem modo Sol qui est agens propinquus in uere & autumnno, ergo eodem modo calor, sed oportet adiungere aliquid aliud, ut si dicamus, est eodem modo agens & patiens eodem modo dispositum, ergo est idem calor. sed postea negatur antecedens quoniam etsi agens eodem modo se habeat, tamen dispositio materialis ipsius passus non est eadem, sed inæqualis. si enim esset eodem modo aer dispositus, eodem quoque modo reciperet ipsas impressiones, sed non est eodem modo dispositus, nam in uere est crassior ipse aer quam in autumnno, nam in autumnno est tenuior & rarior propter præcedentem caliditatem magnam & intensam ipsius æstatis, modo quanto est crassior, tanto minus recipit ipsas impressiones Solis. i. calorem, quoniam in ipsum non possunt ita penetrare radij Solis; cum autem est tenuior facilius recipit calorem impressum ab agente, quoniam ad ipsam raritatem facillime sequitur caliditas, unde dicebat Gal. quod aqua quidem facile frigit, sed difficile calefit, quoniam est densa; ad densitatem autem facilius sequitur frigiditas, quam ipsa caliditas, ut supra declaratum est, immo si uolumus possumus hanc rationem sumere ab ipso Auic. in ipsius dictis inferius, ut sit argumentum ad hominem: & uidebitis Domini quod ex ipsius fundamentis illum refellimus. dicit enim infra quod (Cum Sol deuenit ad primum punctum ipsis arietis, tunc est aer crassus, humidus, uaporosus,) id est in prin-

cipio ipſus ueris . modo cum ſit ita humidus aer ſi de-
bet reduci ad propriam temperiem , ut magis calidus
ſiat cum propter ipſus craſſitiem & uapores humi-
dos ſit frigidus , oportet quòd paulatim reducatur a
ſole in ipſum agentem ad ſubtiliationem . niſi enim ſub-
tilietur non ſuſcipiet ipſam caliditatem , propterea nò
ita ſumit ipſam caliditatem , ſicut qñ eſt ſubtilis , non
ita uaporofus . Cum aut in autumnno per dicta ſit ſub-
tilis aer propter præcedentem caliditatem propte-
rea facilius alteratur ad calidum quoniam facilius ſu-
mit ipſus ſolis impreſſionem , & poſtea frigefit , quo-
niam non ita intensa eſt actio ipſius ſolis , cum eſt in
Libra , ſicut eſt in cancro , hac de cauſa in die cum in
ipſum agat ſol eſt calidus , quoniam cito ſumit ipſam
caliditatem , in nocte uero frigidus , quoniam ſol non
amplius illum alterat . immo notate quoniam ipſemet
Auic. inferius coactus ab ipſa ueritate , dicet in meri-
die eſſe maximum calorem , in nocte uero frigidum
eſſe aerem , quia calor propter ſolem magis poteſt
in die , frigus uero in nocte propter illius reſeſſum .
faciamus ergo ſic , ſi in autumnno per te ò Auic. mo-
do eſt frigus modo calor , nonne eſt inæqualis & in-
ſtabilis ? quid ergo dicis illum eſſe temperatũ in qua-
litatibus actiuis , cum modo una illarum modo altera
dominetur indifferenter ? Videtis ergo quomodo non
eadem ratio ipſius ueris & autumnni , quoniam & ſi
idem ſit agens eodemq; modo ſe habēs in ambobus , nò
tamen paſſum eodem modo ſe habet in illis . aliud enim
eſt ſubiectum recipiens impreſſionem ipſius ſolis in

uere, aliud uero in autumnno. hæc ergo est destructio
 ipsius primæ rationis Auic. qua probabat primum di-
 ctum conclusionis, quoniam nō inquirimus solam a-
 gentis uim sed & dispositionem ipsius passi, est ergo
 autumnus inæqualis quo ad suas actiuas qualitates,
 quoniam modo frigidus modo calidus. Accedamus mo-
 do ad aliud ipsius dictum, uult enim probare hoc di-
 ctum suum quando ait: inter humiditatem autem, &
 siccitatem non est temperatus: uult dicere quòd au-
 tumnus non est temperatus quoad suas qualitates pas-
 siuas, immo excedit in eo una earum scilicet siccitas.
 primo audietis suam rationem qua probat hoc suum
 dictum, deinde examinabimus ipsam. dicit ergo Auic.
 probō modo quod autumnus non possit esse tempera-
 tus quoad suas passiuas qualitates, nam in æstatis tē-
 pore præcessit maxima siccitas, quoniam maxima ca-
 rat caliditas resoluens illos uapores ipsum humectan-
 tes aerem. Amplius nihil accessit quod sit humectans
 quodq; potuerit ipsum humectare, cum ergo æstatem
 statim sequatur autumnus & relinquatur in aere il-
 la siccitas, sequitur quòd in autumnno necessario aer
 sit siccus: hæc est ratio ipsius Auic. quando dicit,
 (Quomodo enim hoc esset cum Sol iam sic-
 cauerit aerem, & nondum acciderit exiccans
 humectantibus quod sit exiccationi causæ
 exiccatis oppositum.) Quantum ergo ad hanc
 rationem dico primo, quando dicit quòd, (præces-
 sit siccitas maxima in æstate,) propter illā ma-
 gnā caliditatem, uerum est hoc, sed cum dicit po-

stea quòd (nihil est in autumno quòd possit humectare aerem, & expellere ab illo siccitatem,) dico q. hoc totū falsum est, & non solū contra ipsum, sed etiam contra experimentum, sed dicamus primo an accidat in autumno aliquid quod possit ipsum humectare, nam supra diximus quòd aer exiccatur cum non humectatur ab aliquo adueniente extrinsecus. i. cum priuatur ipsa humiditate, modo quomodo potest exiccare cum in autumno ipso sint pluuiæ, quæ possunt expellere ipsam siccitatem aeris inductam a caliditate intensa ipsius solis in æstate circa xx. diem Septembris. Vnde etiam uulgares solent appellare illas pluuias, pluuias Sancti Michaelis. hoc potestis scire Itali non uidemus hoc sensu ipso. Amplius sunt & aliæ causæ accedentes ad ipsum aerem, quæ possunt illum humectare, sunt enim euaporationes humidae multæ; quæ illum humectant cum ipsi misceantur, nam cum in autumno sit moderatus calor non excessiuus, sicut est in æstate, propterea colliquat ipsas res, & ideo fiunt euaporationes, nam cum calor debilis est, multiplicantur uapores humidi per se etiā. o Auic. sed in autumno debilis est calor, per se quoq; ergo multiplicantur huiusmodi uapores, qui cum permisceantur aeri, ipsum humectant, ergo non est siccus, quoniam per illa humectantia exiccatio tollitur. ista argumenta uidetis, quomodo nihil probent, ergo nulla est conclusio. Dicit postea quædam alia argumenta pro quorum declaratione aduertatis quod dicit Auic. (Non quodlibet frigidum etiam
minimum

minimum potest condensare ipsum aerem, sed quodlibet calidum etiam calidum resoluit, si sit minimum,) dico quod hoc est false dictum, neq; habet ueritatem aliquo modo, nam dico ego quod sicut quodlibet calidum resoluit, ita quodlibet frigidum condensat, ita enim modicum calidi, modicum quoq; resoluit, sicut modicum frigidi, modicum condensat, neq; maior ratio est de uno in resoluendo, quam de altero in condensando, tamen quodcunq; frigiditate condensat, sicut quodcunq; calidum resoluit. Videte ergo quomodo prestat se mirandum omnibus iste homo cum dicat ista, quæ nullam prorsus in se includunt ueritatem. sed uidebimus alia quoq; longe magis miranda. Videte quaeso quomodo supponit hoc unum quod multa indigebat consideratione, et probatione, præter illud quod iam diximus. dicit enim Auic. quod (longe magis calidum exiccatur, quam frigidum ipsum humectetur.) propterea cum in autumno sit siccitas ipsius aeris relicta ab æstate non potest ita humectari per succedentem frigiditatem, ideo remanet siccus, sed cum in uere sit magna humiditas in uere derelicta ab ipsa hyeme facillime exiccatur ab ipsa caliditate succedente in uere, ideo ita exiccatur, quod ad temperamentum reducit, propterea uer est temperatum autumnus uero non, sed est siccus, dico Domini quod est magnus error, magna fallacia in hac re, & optime attendatis, decipit enim nos, aut sponte uoluit nos decipere, ideo in hoc caute ambulandum est sicut ipse ambulauit, nā

uideate quomodo uult ipsum humidum facilius exiccari, quàm ipsum siccum humectari. Ad hoc enim uolo quòd ita respondeamus distinguendo de humido, quoniam humidum est duplex, aliud substantiale, aliud uero humidum infusionis. ista distinctio non est mea, tamen enim formo ego noua, sed est ipsiusmet Arist. in secundo de generat. & corrupt. si ergo loquamur de humido substantiali & de humido infusionis, dico quòd tunc uerum est illud quod dicit Auic. humidum facilius exiccari quàm siccum humectari. nam bene uidemus quòd facillime corpus humanum cadit in exiccationem ipsius, ita q. humidum substantiale exiccatur, sicut contingit in heceticis, tamen difficillime & ferè impossibile est quòd humectentur. nam si debet humectari, oportet illud humectari per ipsum alimentum, modo ipsum alimentum non potest deuenire ad ipsa membra cum sint exiccata neq; attrahant. Amplius oportet ipsum alimentum humidum permutari et adiungi ad minimam quamcunque partem ipsius corporis, sed cum corpora sunt exiccata, pori sunt strictiores, ideo humidum alimentum nō potest transire per illos & illis adherere partibus, propterea non possunt ex illo nutriri, consequenter neq; humectari. difficilius ergo est humectare siccum quàm exicare humidum substantiale. si autem loquamur de humido infusionis non de substantiali, tunc dico quòd ita facile est siccum humectari, sicut humidum siccari, immo quod plus est dico quòd facilius est humectare siccum quàm exicare humidum, & hoc probatur ipso experimento

rimento, quoniam si panhus optime siccus, ponatur in aqua statim in instanti fere temporis humectabitur, cum tamen longiori tempore opus fuerit ad ipsum exiccandum ut duabus horis aut tribus. Amplius uidemus ipso sensu facilius esse humectare aerem siccum quam exicare cum est humidus. Vnde si in estate cum aer est siccior si pluuia parua superuenerit, statim humectatur, si autem humidus fuerit aliqua longiori pluuia non nisi difficile exiccatur & longiori tempore. Videtis ergo quomodo humidum infusionis est difficilius ad hoc quod exiccetur, quam sit siccum ad hoc quod humectetur, propterea illa propositio medicorum famosissima & in ore omnium permeans est falsa si uniuersaliter intelligatur, cum dicunt quod humidum difficilius exiccatur quam siccum humectetur. est enim uera de humido quod est in mistis & in animatis, quæ quidem aluntur, sed non est postea uera de humido infuso sicut aeris propter pluuiam, de substantiali uera est non de infuso. hoc modo enim est limitanda, alioquin non esset uera uniuersaliter. Amplius dicitur hic in text. quod quilibet calor & in quocunq; gradu sit potest resolvere & exicare: sed non quælibet frigiditas potest humectare, sed requiritur magna frigiditas & intensa. Aduertatis in hoc, dico enim quod caliditas per accidens resoluit, cum enim per se calefaciat, & calefaciendo rarefacit ipsum aerem rarefaciendo facit illum exhalare partes humidas, si quæ permixtæ sunt cum illo, & sic resoluit per accidens, & consequenter exicat. Amplius dico quod frigiditas

tas magna non solum non humectat, sed etiam exiccatur, nam sicut est ipsius caliditatis trahere humidum à centro ad circumferentiam, & facit illud euaporare, sic quoque frigidi est trahere ipsum à circumferentia ad centrum. sunt isti duo motus contrarij, cum unus sit à centro ad circumferentiam, alter econuerso à circumferentia ad centrum. Cum ergo trahat illud humidum ad centrum, illud exprimit constringendo & consecutiue exiccatur. Quare non solum ipsa caliditas exiccatur, sed etiam frigiditas. Vnde uidemus quod facilius humidum exiccatur & citius accedente aliqua magna frigiditate, quam propter aliquam caliditatem; neque hoc solum ego dico sed ipse Arist. 4. lib. meteor. quod sit uerum, patet, quia propter frigiditatem magnam uapores ascendentes in aerem ita consistunt, & frigiditas illa ita exprimit ab illis humidum ut tandem fiat aqua, quæ siccior est quam illi uapores tenues, sicque fiunt pluuie, & hoc est quod dicebat Alex. aphrod. in primo lib. Quæst. naturalium cap. sexto, quam quæstionem sæpius citauimus, ideo illam uideatis, ubi dicebat quod cum illi uapores magis exprimuntur à frigiditate, fit aqua consequenter pluuia, quod si adhuc frigiditas agat in illam aquam & exprimat ab illa humidum magis tunc tendit ad naturam terre, neque est amplius aqua sed medium quoddam inter aquam & terram. i. glacies: quod si adhuc magis illam exprimit ita exiccatur ut fiat ipsa terra, propterea exiccatur semper frigiditas magis, propterea frigidiorē dicimus esse terram aqua propter hanc rationem.

rationem. Vnde etiam aliàs ostendimus ex proſeſſo diſputantes aquam non eſſe primum frigidorum, ſed terram contra communem opinionem, quod quidem ipſe quoq; Auic. non negauit, immo aſſeuerauit firmiter in ſuis lib. natural. in quibus pertractat de rebus naturalibus. nunc autem uidetur quòd ſui met non ſit memor. Quapropter dicamus etiam quòd frigiditas duplex, alia enim eſt quæ exiçcat, alia eſt quæ humectat. hæc eſt non mea diſtinctio ſed ipſius Auer. quarta to meteor. dico enim quòd frigiditas ut frigiditas exprimit, exprimendo exiçcat, unde exprimendo aerẽ facit ex illo qui eſt principiũ humidorũ aquã, quæ lōge magis denſior & ſtictior eſt, deinde magis exprimendo facit ex aqua illa glaciẽ, poſtremo ſi in illam magis agat exprimendo, uertit illam in terram, ſicut iam dictum fuit. ſi autem iſta frigiditas ſit coniuncta ipſi humiditati ut accidit in aqua, tunc non amplius exprimit, conſequenter neq; exiçcat, ſed humectat, & hoc propterea non eſt ratione frigiditatis, ſed eſt ratione qua coniuncta eſt frigiditas ipſi humiditati, alioquin non humectaret. frigiditas ergo aquea eſt illa quæ humectat, ſed terrea & aliquolibet dũmodo non ſit cum humiditate exiçcat exprimendo humidum, ſicut accidit in hyeme, nam ſi ſit frigiditas magna ſine ipſa pluuiã, tunc non ſolum non humectat, immo exiçcat ita ut uertat aquam in naturam glaciẽ, ſed ſi ſit frigiditas cum aliqua pluuiã, quoniam eſt iuncta humiditati maxime humectat, propterea non ualet quòd omnis frigiditas humectet, & quòd oportet magnam eſſe

esse frigiditatem si debet humectare, immo magis exci-
cabit, quia magis exprimet humidum. Postquam non
uultis me amplius legere, die lunæ ego perficiam hoc
cap. omnino si potero & audietis pulcherrima, nam
contradicam ipsi Auic. & Gal. & audietis utranque
sententiam, eligetis postea meliorem quæ magis pla-
uerit, excitabo saltem ingenia uestra si aliud facere
non potero. nolo enim ut credatis mihi quatenus ego
sed rationibus demonstrantibus.

LECTIO LIIII.

¶ I D E O Q U E non est dispositio quæ faciat
remanere uer in humiditate.) Ista est conclu-
sio, quam quidem intendebat Auic. probare per ra-
tiones illas præmissas, quæ sunt declaratae in præce-
denti lect. & confutatae à nobis, qui tenemus conclu-
sionem oppositam. nā dicebat hanc suam conclusionē
fulciri una ratione, quoniam non quælibet frigiditas
humectat sicut quælibet caliditas exiccat, nam mini-
ma etiam caliditas exiccat, sed frigiditas si debet hu-
mectare oportet quod sit aliquantulum intensa, alioquin
non humectat: ex hac ratione quid sequitur? sequi-
tur quod non est eadem ratio ut caliditas ipsius ueris
faciat illud esse humidum sicut aduersarij posuerunt,
quoniam caliditas facile resoluit & consequenter exci-
cat, uel ut melius loquamur euaporat, magis enim re-
soluere quam euaporare propterea facit ipsum uer
temperatum, sed frigiditas illa remissa ipsius autumnii
non potest humectare siccitatem relictam in aere ab
æstate;

estate, quoniam oportet illam esse aliquammodo inten-
sam alioquin non humectat, propterea autumnus re-
manet siccus cum uer sit temperatum. concludit er-
go cum dicat ideoque non est dispositio quæ faciat rema-
nere uer in humiditate hyemis, sicut est dispositio quæ
facit remanere autumnum in siccitate æstatis. decla-
rat magis hanc suam conclusionem, cum dicat ueris
enim humiditas temperatur in tanto tempore propter
caliditatem, in quanto non temperatur siccitas autū-
ni propter frigiditatem, ista omnia sunt declarata ne-
que indigent maiori expositione sed contra talem ex-
positionem diximus quoque superius cum negaremus
rationem suam, contrariumque probarem etiam ip-
so sensu, nam dicebamus quod intensa frigiditas non so-
lum non humectat sicut affirmat Auic. sed etiam exic-
cat, modo non sit cum ipsa humiditate coniuncta, ut in
aqua intelligebamus de frigiditate secundum se ut est
frigiditas quæ exiccat, propterea quando dicit quod
longe magis caliditas exiccat humiditatem ueris reli-
ctam ab hyeme & reducit ad temperamentum, quam
faciat frigiditas ipsius autumnus in humectando siccita-
tem ipsius aeris relictam ab æstate; dico quod opor-
tebat ipsum hoc probare, non autem supponere tan-
quam per se manifestum, maxime cum hoc sit falsum.
uidemus enim longe maiorem exiccationem à frigidita-
te factam quam ab ipsa caliditate. hoc enim expe-
rientia manifestum fit nobis, quoniam si exponatur
pannus humidus, & ponatur tempore ipsius æstatis
cum sol est in tropico cancri, non ita cito exiccabitur,
sicut

sicut si exponatur ipsi uento, cumq; magna frigiditas est ipse continentis. comprimit enim ipsum pannū illa frigiditas, sicq; exprimendo humidum facillime exiccat. Amplius dicimus quod ipsa frigiditas quoq; facit sensibilem ualde humectationem magis quam ipsa caliditas resolutionem, unde uidemus quod cū sol est sub tropico cancri in nocte frigiditas comprimens ipsum humidum aerem facit cadere rorem, & non ita citō resoluitur ab ipsa caliditate, immo quandoq; & ut plurimum remanet usq; ad meridiem antequam resoluator, quod est signum maximum frigiditatem existentem cum humiditate magis citius humectare, quam ipsam caliditatem resoluerē. Vnde uidemus q; frigiditas quoq; causat pluuias & humiditatem ipsius aeris, cum non est ita intensa, ut exprimat postea humidum, quoniam tunc exsiccat secundum quod dicebat Arist. & Auer. omnesq; philosophi concedūt, propterea oportebat ipsum probare magis hanc suā rationē quod scilicet frigiditas minus humectet quam ipsa caliditas resoluit, quoniam ceteris partibus existentibus uidebimus oppositum illius, & quoniam uolebat omnino hanc conclusionem probare cum uideret hanc rationem dictam nihil probare, propterea subiunxit aliam probationem cum dixit, & uidetur quod humectatio ista, & exiccatio similes sint operationibus habitus & priuationis, & non duorum contrariorum operationibus: uult dicere in hac sua ratione quod humiditas habet quandam rationem ipsius habitus, siccitas uero probationis; ideo hoc stante

uult

vult probatum esse quòd facilius est exiccari humidū
ipſus ueris, quàm ſiccum ipſus autumnī humectā-
ri, modo clarum eſt quòd naturaliter facilior eſt trā-
ſitus ab habitu ad priuationem, quàm a priuatione ad
habitum, quod non ſolum philoſophi comprobant, ſed
etiam ipſe ſenſus docet. nonne uidemus quòd erit ho-
mo qui diſciplinās addiſcit per x. annos, & longiori
tempore etiam, ſcientia autem eſt quidam habitus in
ipſa mente, tamen propter unam ſolam ægri tudinē
etiam breuiuſculam obliuiſcetur omnium illorū quæ
ante didicerat, obliuio autem eſt iſta niſi priuatio ha-
bitus iam in mente acquiſiti ſcilicet ſcientiæ, immo ita
omnium obliuiſcuntur, ut ne nomina quidem amplius
exprimere ſciant, ſicut de pluribus narrat Plinius.
Et ego noui multos qui ne nomen quidem poſt ægri tu-
dinem ſciuiſſent dicere, quod quidem maxime ſolet
accidere in his qui patiuntur apoplexiam, ſicut ſæ-
pius uidi cum illos curarem. hæc eſt ergo ratio ipſius
Auic. quòd magis humectatio poſſit exiccatione, quā
exiccationem humectatione, quoniam a priuatione
ad habitum difficilius eſt tranſitus, quàm e contra.
Exiccatio enim non eſt niſi humidæ ſubſtantiæ deſtru-
ctio. Ecce ergo quomodo eſt priuatio, ſed eſt quidā
habitus ſed ſubſtantiæ humidæ acquiſitio, modo acqui-
rere aliquid difficilius eſt, quàm illud deperdere. ſed
uideamus etiam, in hac ſua probatione peccat, ideo ni-
hil penitus concludit. quoniam ita facile eſt tranſire
de humido ad ſiccum, ſicut etiam de ſicco ad humidū,
neq; maior ratio eſt de uno, quàm de altero, & quo
niam

niam dicebatur illa propositio quod facilius est trans-
 itus de habitu in priuationem, quam e contra, modo
 humiditas est habitus respectu ipsius siccitatis; dico q-
 uera est propositio prima, sed oportet eam limitare
 nam duplex est habitus, alius enim est habitus de
 prima specie qualitatis, alius uero est de alio genere
 predicamentali. propositio famosa allegata est ue-
 ra de habitu illo prima speciei qualitatis, quoniam diffi-
 cilius est transitus de ignorantia ad scientiam, quam e
 contra. sed de habitu qui facit unum genus predica-
 mentale quod appellatur habere, non est uera propo-
 sitio, quoniam ita facile est me habere uestem sicut
 non habere, ita facile est me non habere uestem sicut
 habere, propterea humiditas & siccitas non sunt in
 prima specie qualitatis, ideo non ualet propositio de
 illis, sed sunt in genere ipsius habitus. ideo ita facile
 est habere priuationem unam sicut alteram, non est
 difficilius habere humiditatem quam siccitatem. Qua-
 re uidete quomodo non ualet huiusmodi sua probatio
 quod si etiam concederetur hoc totum, quod tamen
 ego non adhuc concedo, non tamen propterea etiam
 aliquid concluderet contra nos, quoniam illae qualita-
 tes quae quidem per alterationem acquiruntur, ita fa-
 cile acquiruntur, ut una difficilius altera non acquirat-
 ur, modo humiditas & siccitas, & si sint habitus &
 priuatio tamen per alterationes acquiruntur, pro-
 pterea ita facile est acquiri unam illarum sicut alte-
 ram, nulla est differentia. haec est ratio ipsius Auic,
 quae quantum concludat uisum est, sed non deduxit
 hanc

hanc rationem ne decipiamini. posuit solum minorem,
propositionem ipsius syllogismi & minuit per illā to-
tam rationem, non deduxit illā aut noluit deducere, di-
catis modo quomodo uultis, sed quia Auic. dixerat hu-
miditatem habere rationem ipsius habitus, siccitatem
uero ipsius priuationis, ideo respondet cuidam tacitæ
quæstioni, quam quis facere potuisset, nam potuisset
aliquis dicere, quomodo aer est humidus quomodo
siccus, cum aer sit humidus essentialiter, ergo uidetur
quod illi sit accidens huiusmodi qualitas, propterea
respondet huic quæstioni & dicit quod cum conside-
ramus nos ipsum aerem, & dicimus illum esse humi-
dum uel siccum, non intelligimus quia ita sit in pro-
pria substantia, sed secundum quod sensibiliter sit ta-
lis uel talis per ea quæ illi extrinsecus adueniunt. pro-
pterea inquit Auic. cum loquimur de humiditate ip-
sius aeris non intelligimus humiditatem ipsam substan-
tialem, sed accidentalem & extrinsecus aduenientē.
nam de illa substantia hic ne cogitamus quidem nunc,
sed de illa extrinseca & siccitate, quæ fit per cōmi-
stionem extrinsecorum. & hoc est quod dicit in hac
litera. Cum enim in hoc loco dicimus aerem humidū
& aerem siccum non intelligimus eius formam neque
eius qualitatem naturalem, aer enim in propria sub-
stantia est calidus humidus, neq; de hoc in hoc loco co-
gitamus, aut multum sollicitamur, & cum aerem di-
cimus humidum declarat nunc sua dicta quomodo in-
telligat, non uolumus intelligere nisi cui admisti fue-
rint uapores multi aquosi, aut aerem cuius spissitudo
conuersa

conuersa fuit a similitudine uaporis aquosi, & aerem dicimus siccum, aerem scilicet ex quo resolutum fuit quod de uaporibus aquosis ei erat admistum, quoniā se conuertit ad similitudinem ignis propter resolutionem, & cum quo admisti fuerint terrestres fumi, qui sua siccitate terræ similantur, sed hic nos uolumus sustinere & defendere contrariam conclusionem, dicimus enim quod cum dicimus aerem humidum, non solum intelligimus secundum illa quæ ei extrinsecus adueniunt, idest secundum uapores & pluias, quæ illum humectant, sed et substantiā ipsam consideramus, quoniā habemus quidem rationem uaporum qui cū illo admiscuntur, sed etiam ipsius substantiæ. nam in tempore calido aer est calidus in propria substantia, in eoq; exiccatur, ideo in propria substantia est siccus, in frigido autem ita comprimitur quod fit de natura ipsius aquæ, immo est ferè aqua, sicut patet in illis regionibus quæ sunt ita frigide ut inhabitabiles sint, nam si quis iter tenderet per illum aerem, made fieret, quoniā maxime frigidus est, ideo condensatur, & consecutiue fit humidus. in illis etiam regionibus quæ sunt calidiores, sicut in primo climate ita calidus est aer, ut sint quoque inhabitabiles illæ regiones, quoniā tendit ad naturam ipsius ignis, ita calidus & exiccatus est ab intensiōe illius caliditatis, propterea non solum propter uapores illi commistos, uel humidos, uel terrestres, idest siccos humidus fit, uel siccus, sed etiam quoniā ita redditur in propria substantia uel calidus, uel frigidus, humidus,

uel

uel siccus. quod hoc sit uerum, manifestum reddo ad-
huc magis per ipsum met Auic. nonne uidetis si in pro-
prijs uerbis sibi contradicit, legatis illa uerba, (Et
aerem dicimus siccum, aerem scilicet ex quo
resolutum fuit quod de uaporibus aquosis ei
erat admistum, quoniam se conuertit ad si-
militudinem substantiæ ignis propter reso-
lutionem.) notate Domini quæso, dicit enim quod
cum dicimus aerem siccum, tunc aer ille assimilatur
substantiæ ipsius ignis, modo quomodo potest assimi-
lari ipsi igni, nisi rarefiat, quoniam ut diximus supra
cum aer rarefit magis, magis quoq; tendit ad naturam
ipsius ignis, quoniam magis exiccatur, cum primo
magis calefiat, ideo cum ignis calidus sit & siccus in
propria substantia, aer autem illius assimilatur sub-
stantiæ, cum dicimus esse siccum, ergo est calidus sic-
cus in propria substantia. Cum enim exiccatur aer
est similis exhalationi siccæ, & exiccatur etiam pro-
pter illas exhalationes siccas. Quapropter si debet
esse uel siccus, uel humidus, uel alio modo qualifica-
tus, oportet quod non solum sit ita propter aliquid
extrinsecus accedens, sed oportet quod talis sit in
propria substantia, nisi enim in propria substantia
calefiat & exiccetur, quomodo assimilabitur substan-
tiæ ignis, nam cum ita exiccatur & calefit, rarescitq;
tunc est in potentia ignis, idest est in uia ad ipsum ig-
nem, cum uero densatur & est frigidus humidus,
est in potentia aquæ, & in uia ad aquam, ita quod
propinquus est formæ ipsius aquæ, secundum quod

docebamus superius ex mente ipsius Alex. Aphrod. in quæst. citata primi lib. Videte ergo quòd illa sua probatio nulla est. superfluitas igitur hyemalis minuitur ex uere propter quamlibet caliditatem, quæ in ipso accedit, propter quod Sol oppositioni capitũ propinquus existit, &c. Iam probata est conclusio ab Auic. rationibus quæ a nobis sunt omnes confutatae, quoniam falsæ, nam modo uult illam quoq; probare signis. Videamus obsecro ista sua signa, an per ea aliquid concludat: dicit quòd ueris caliditas resoluit humiditatem superfluam quæ relicta est ab ipsa hyeme, quoniam probatum est quòd caliditas quælibet resoluit, ideo remanet temperatum ipsum uer. postea dicit, (Autumni uero substantia non propter quamlibet frigiditatem quæ in ipso accidat, humectat,) non eodem modo in autumno sic citas ipsius potest humectari, quoniam non quælibet frigiditas humectat, sed magna frigiditas, modo in illo est minima frigiditas. quod hoc sit uerum inquit Auic. probatur signo) & dicit, (Et cum hoc cognoscere uoles cõsiderabis an res siccæ in aere frigido tam cito humectantur q̃ cito res humide in aere calido exiccantur, postquã pones frigidum in frigiditate sua, siccum calidũ in caliditate sua,) fere istud est signum Auic. quo probat autumnii siccitatem nõ posse ita humectari a frigiditate ipsius mediocri, sicut ueris humiditas ab illius caliditate exiccatur et temperatur, sed quantum hoc sit sophisticum & fallax signum audiat, nam aut intel-

ligit

igit de frigiditye sola in gradu, quæ est cum ipsa humiditate noctis ipsius autumnii, tunc ego dico quod cæteris partibus, & si sint iidem gradus caliditatis, & frigidityis, magis frigiditas humectabit, quam ipsa caliditas exiccet, citius enim quod ponitur in illo humido frigido humectabitur, quam humidum positum in calido exiccet. Amplius cum nos consideremus humiditatem ipsius autumnii, & siccitatem illius, consideramus respectu nostrorum corporum, quatenus scilicet alterat nostra corpora secundum hanc uel illam qualitatem; modo ponamus quod aliquis ambulat in nocte autumnii & in die, uidebimus a quo magis ledetur: certum est enim & experientia comprobatum possibileque comprobari, quod magis ledetur ab humiditate & frigiditye radiorum Lunæ frigide humidæ, quoniam maxime humectabitur & infigidabitur, quam in die a caliditate & siccitate radiorum ipsius solis, modo sit idem gradus utriusque: propterea uidete quomodo nihil concludit suum argumentum suæ signum, quoniam non est uerum illud quod dicit, si loquatur de frigiditye iuncta ipsi humiditati, nam cæteris paribus magis humectat quam ipsa caliditas resoluat: si autem non intelligat de ista humiditate, sed de illa, quæ quidem iuncta est ipsi siccitati, tunc dico quod illa non solum non humectat magis quam resoluat ipsa caliditas, sed etiam potius exiccat, sicut dictum est; non enim sunt mea ista dicta, sed sunt Arist. quod sit hoc uerum probatur sensu, nam cum boreas fiat ita frigidus est aer & siccus, tamen non hu-

mectat immo exiccat, nam si exponantur panni ad
 boream flantem tunc citius exiccabuntur, quàm si ex-
 ponantur ipsis radijs Solis, & hoc uident quoq; mu-
 lieres quæ cum uolunt exiccare pannos exponunt il-
 los flante uento isto frigido sicco, sed frigiditas quæ
 est in nocte autumnus est cum humiditate, propterea
 magis humectat quàm caliditas fortasse resoluat. non
 enim habet quid exprimat, sicut cum est cum siccita-
 te, & quoniam istud suum signum erat infirmum &
 falsum, neq; sibi satisfaciebat, ideo percunctabatur
 an posset inuenire alias rationes, & querebat omni-
 no aliquas latebras, dat ergo alias probationes, &
 inquit. (Cum ergo hoc consideraues in-
 uenies rem interea diuersam) licet hic existat
 res alia maior ista, & est quòd humiditas in aere ca-
 lido & frigido simul non permanet, nisi propter ema-
 nationis permanentiam ad eas uenientis, sed siccitas
 indiget nulla emanatione, uult adducere aliam ratio-
 nem maiorem sicut ipse dicit, uidebimus an ita sit,
 uult autem probare quòd uer non sit humidum, sed tè-
 peratum, & quòd autumnus est siccus, & antequàm
 condant argumentum primo sibi quædam assumit, &
 inquit quòd (humiditas in aere esse non po-
 test, nisi sit continua & magna emanatio.)
 quoniam autem possunt esse duæ res, quæ possunt
 illi accedere & humectare illum, scilicet & pluuiæ
 descendentes & uapores humidi ascendentes, ideo
 non dixit humectari aerem aut per pluuiam aut per
 euaporationem, sed usus est uno uocabulo comprehē-
 dente

dente ista duo potentia humectare ipsum, uocabulum autem est istud (emanatio) nam per emanationē intellexit illa duo Auic. quoniam per alterum illorū aer humectatur. hoc notato, atq; præsupposito arguitur modo sic ad conclusionem. ubi est continua et magna emanatio ibi est humiditas, postea subiungit Auic. in uere non est continua, magnāq; emanatio, ergo in uere non est humiditas, ergo uer non humidū, sed temperatum existit. antequam ueniamus ad alia uolo ut examinemus prius hanc rationem quid concludit. Dicamus ergo quod quando dicit primo, (Vbi est magna emanatio ibi est humiditas,) per hanc propositionem intelligit quod ubi non est emanatio magna non est humiditas, ita quod sola emanatio uidetur per ipsum esse causa humectationis ipsius aeris, quod tamen falsum esse dicimus; quandoquidem frigiditas ipsa moderata iuncta cum humiditate relictā ab hyeme humectat ipsum aerem, nam comprimit ipsum aerem & reddit illud corpulentius & humidius, loquimur autem nunc de humiditate sensibili, quoniam de insensibili nihil curamus. ideo dicemus ad ipsum quod & si in uere sit pauca emanatio, tamen est frigiditas illa iuncta cum humiditate, quæ humectat aerem ipsum. Amplius uultis melius argumentum contra ipsum. Cum ipsemet superius sicut audiuiſtis dixerit frigiditatem humectare, si ergo o Auic. dicis aerem posse humectari à frigiditate cur nam facis mentionem solum de emanatione? uidete obsecro, nescit iste quid superius dixerit, nec sibi con-

stat. uidete quæso, uult probare quòd uer non est humidum & assumit quòd sola emanatio est illa quæ potest humectare ipsum aerem, nam semper ex se siccat aer & causis illum calefacientibus, ergo non humectatur nisi per aliquod extrinsecus adueniēs, quòd ipsum humectet. sed iam ostendimus quomodo fallitur in hoc, & quomodo humiditas in uere est per aliam quoq; causam, quæ non est amplius repetenda, modo cum exiccatur tunc prouenit ut ipse dicit ista exiccatio, eo quia emanatio ad illum non accedit, modo uult nunc probare illud antecedens quòd aer exiccatur nisi ad illum accedat emanatio, & inquit (Hoc autem quòd humiditas non permanet in corporibus aeri discoopertis, & in ipso aere, nisi propter emanationem, non est nisi propterea quòd aer non dicitur fortis frigiditatis, nisi per comparisonem nostrorum corporū, neque eius frigiditas prouenit apud nos in terris habitatis tanta, quia aliquo modo resoluat, immo in omnibus resoluit dispositionibus propter illud quod in eo existit de uirtute solis. & stellarum.) Cum ergo abscinditur emanatio & perdurat resolutio, cito aduenit siccitas. Innuit hanc rationem Auic. his uerbis. Cum aer semper sit calidus considerando illum in sua natura non comparatum ad nos, ideo semper resoluit ipsam humiditatem in illo existētē in his nostris regionibus, quæ habitabiles sunt, non loquimur de illis quæ propter ipsius frigiditatem sunt inhabitabiles, non enim

potest

potest unquam esse ita frigidus in his, quia semper tam
tam caliditatem in se habeat ut possit resolvere ema-
nationes humidas, quod quoq; assueverat Gal. in pri-
mo lib. de tuend. sanit. cum probaret quoq; ipse aerē
ita calidum esse quocunq; tēpore ut resoluat & exic-
cet corpora humana ideo corrumpuntur hac quoque
ratione, immo dicit quod potest quidem esse modo fri-
gidior modo calidior, sed quod semper non sit calidus
in his regionibus non est dicendum, quoniam si ita es-
set tunc istæ regiones essent inhabitabiles. dicamus er-
go sic: semper aer sua caliditate resoluit humiditatem
in ipso existentem, ergo exiccat semper, nisi ergo ali-
quid extrinsecum humectans adueniat non humecta-
tur, sed siccus remanet. cum ergo in uere non sit
emanatio quæ ipsum possit humectare, cumq; per iam
dicta resoluat humiditatem in ipso existentem, sequi-
tur ex hoc quod resoluit illam humiditatem super-
fluam, reliquam uero dimittet, ita quod temperatus
fiet, ergo uer est temperatum non humidum. hanc ra-
tionem Auic. maiorem propositionem diximus iam,
minorem postea subiungit, cum dicit; in uere autem il-
lud quod resoluitur est plus eo quod euaporat, sed ad
hanc suam rationem respondeo quod bene uerum est
illud quod dixit Auic. ipsum aerem semper calidum
ita esse, ut resoluat humiditatem, sed quia in uere est
ipsa humiditas derelicta ab hyeme crassa non subtilis,
& frigiditas quædam humectans, propterea non po-
test ita resolvere ut exiccet aer, immo semper re-
manet humidus & sunt ipse uirtutes cœlestes hume-

stantes ipsum, ideo non potest exiccari. concedo ego quoq; quod semper resoluit, neq; propterea contra nos aliquid sequitur, quoniam cum hoc quod resoluit humiditatem in illo existentem nō tamen ita resoluit, quin semper humidus remaneat, aerem enim supra diximus esse deferentem uirtutes cœlestium corporū, nuncius est uer & angelus diuinorum, & secundum quod in ipso imprimuntur diuersæ illorum uirtutes diuersos quoq; producit effectus. Vnde dicebat ille, creauit Angelos suos: propter ergo istas uirtutes diuersas influxas modo resoluit humiditatem magis, modo minus, modo nihil, immo humectatur, modo refrigerat, modo humectat, modo calefacit. hac de causa in uere non potest resolui à sua caliditate humiditas propria, quia humidus relinquetur. Hinc possumus reddere causam & rationem unius problematis, cur est enim quod quandoq; in parte superiori aeris sunt uapores crassiores, ipse quoq; ibi crassior redditur, tamen non fit pluuia, ibi enim est perpetua frigiditas, tamen non est perpetua pluuia, deberet semper illum incrassare & condensare sicq; descenderet & fieret pluuia. huius rei reddebat causam quoq; Auer. in primo meteor. cap. 4. dicebat quod hoc quoque prouenit eo quia illa pars ipsius aeris est subtilior, ideo neque ita potest incrassari ut fiat pluuia. querebat enim Auer. causas ipsius pluuiæ, secūda ratio est quia non ita comprimit illum semper frigiditas ut descendat, neq; ipsi uapores ascendere possunt ad illam partem, ideo neq; fiunt semper pluuiæ, & sunt aspectus

constellationesq; quæ non refrigerant illum, immo ali quando refrigerant. sed cum calefaciunt illum non possunt densari illæ partes ita ut descendant. Cum uero uapores ascendunt in illam partem aeris, in qua generantur pluuiæ & cum hoc sunt aspectus hume= stantes, tunc inspissantur & refrigerantur, descēdit & generatur sic pluuiæ, & quandoq; etiam si uapo= res non ascendunt ad illam tamen signa & aspectus cœlestes sunt frigidi & humidi, ideo maximæ longis= simæq; pluuiæ generantur, sicut contingit in his die= bus elapsis & nunc cum simus in uere. Videtis enim uos quomodo per xx dies durant ipsæ pluuiæ, certū est quòd non sunt generatæ propter uapores ascen= dentes, sed propter ipsos aspectus & signa cœlestia imprimentia frigiditatem & humiditatem in illa par te aeris, & sic factæ sunt pluuiæ. quòd non fuerint propter uapores ascendentes manifestum est, immo propter constellationes, quoniam quidam magnus A= stronomus ante hanc pluuiã per quindecim dies præ= dixit illam futuram longam, egoq; illum audiui, non enim sciebat ipse quòd deberent ascendere tanti ua= pores, sed bene præuidebat quòd in hoc tempore si= gna frigida & humida coniungi deberent, propterea prædixit futuram pluuiam. Quapropter cum in ipso uere sint constellationes & uirtutes influxæ à cœle= stibus corporibus, quæ sunt frigida & humida, ideo non resoluitur omnino illa humiditas, sed ita resolu= tur quòd remanet humidus, non autem fit tempera= tus eo modo quo intelligit Auic. Videbimus modo de
ipss

ipsis euaporationibus in sequenti lectione, quoniam
 quedam uidetur dicere hic de ipsis, uidebimus an ali-
 quid de ipsis intelligat, & credo quod perficiemus
 hoc cap.

LECTIO LV.

IN hesterna lectione declaratum est ab Auic. q
 uer sit temperatum, autumnus uero siccus, una ratio-
 ne ultima inter alias dictas. dicebat enim quod cum
 non fiunt euaporationes & pluuiæ quæ humectant
 aerem, exiccatur, quoniam humidum quod in ipso est
 exhalat propter caliditatem ipsius aeris, quæ sem-
 per resoluit illud, nā nunquam potest ita frigidus es-
 se, ut in se non sit ita calidus quod resoluat aliquid ip-
 sius humiditatis, modo in ipso uere non sunt euapora-
 tiones, neq; sunt pluuiæ, quæ possunt ipsum humecta-
 re, ideo ita resoluit sua caliditate moderata humida-
 tem superfluum derelictam ab ipsa hyeme, ut tempe-
 retur humidumq; non relinquatur, sed diximus nos
 quod hoc est falsum, immo non ita resoluit humida-
 tem in ipso existentem ut non remaneat humidus pro-
 pter influxus ipsarum stellarum, nam quandoq; sunt
 stellæ influentes siccæ, sicq; aer exiccat, quoniam uir-
 tutes illarū recipit, quandoq; humidæ quandoq; frigi-
 dæ, quæ illum humectant, ita quod non resoluit humi-
 ditatem in illo existentem: est etiam ipsa frigiditas
 quæ quidem incrassando ipsum aerem, humidum illū
 reddit, propterea etsi resoluator humiditas, non tamē
 potest ita resolui, quin semper relinquatur aer humi-
 dus

duſ ſicut dicebamus . frigiditas enim ipſa comprimit
aerem , uirtus ſtellarum influit in ipſum aerem ſicq;
humectatur , nam per ſe frigiditas conſtipat , & ex=
ſiccatur potius . cuius rei illud eſt ſignum , quòd ſi ſit ali=
qua dies in hyeme frigida , quoniam aer eſt frigidus
tunc illas dies diſtillata eſt , ſed cum humiditas ſit cum
ipſa frigidity adiuncta uirtute ſuperiorũ humectat .
uirtus enim illa longe inſenſibilius agit in hæc inferio=
ra . & quòd frigiditas humectet manifeſtum eſt etiam
quoniam comprimit aerem , illumq; condenſat , nam
in hyeme ſi præcedat dies frigidiffima tuncq; ſubſe=
quatur nox , aer ille ita craſſefactus & condenſatus
deſcendit ſitq; ſub forma ipſius pruinæ , inuenitur e=
nim manet terra cooperta pruinâ , propterea in autũ=
no illa ſiccitas quoq; hæc ratione humectat , quoniam
frigiditas illa comprimit aerem & nõ ſemper eodem
modo reſoluit caliditas , immo quandoq; magis quan=
doque uero minus , frigiditas etiam non ſemper com=
primit , ſed exprimit & exſiccatur , propterea ſi in hye=
me ſit dies frigidiffimus flante borea frigidus ſecco , nõ
tamen in nocte ſequente cadit pruinâ , quoniam exic=
cauit ipſum aerem præcedens uentus . hæc ſint dicta
pro his quæ dicebamus contra Auic . Videamus mo=
do quid dicat hætenus , uidimus enim quomodo nõ eſt
uerum quod dicebat , dicebat autem quòd (ubi non
eſt emanatio ibi non eſt humectatio .) Nos
diximus quomodo fiat ab alijs cauſis , nunc uidendum
iſtud ſuum fundamentum an ſit uerum dicit enim quòd
(in uere maior eſt reſolutio quàm euapora=
tio

tio, propterea sequitur quòd ver tēperetur) consideremus quæso primū hoc, nam dico quòd omnino falsum est, nam cum est crassus aer & calor debilis, non fit resolutio immo proprie fit euaporatio. nōne euaporatio fit à debili calore? propterea cur dicis o Auic. & tu Gal. quoniam sustinetis uer esse temperatum, in illo quoque maiorem esse resolutionem quā euaporationem? nam resolutio fit à magno fortiq; calore, oppositum autem est in uere per Auic. quoq; dicunt enim & illius in uere esse calorem temperatum ergo maior erit euaporatio quā resolutio, miror ego quomodo iste homo sumpserit hoc fundamentum tanquā probatum, cum non solum non sit probabile, sed etiam est falsum. quòd hoc sit uerum uidebimus quoque melius inferius. ex uerbis enim ipsius met Auicen. hoc quòd modo diximus eliciemus. illud enim ipsemet fatetur postea, cum dicat, (Et huius quidem causa est eò quòd euaporationum duæ res efficiunt, vna est caliditas subtilis pauca ī eo quòd ex spatio manifestum existit. prima causa ipsius euaporationis est caliditas ipsius aeris debilis,) nam cum dicit, (in spatio) intelligatis in hoc aere, postea dat aliā causam, cum dicit, (& caliditas fortis in terra abscondita, ex qua ad terræ superficiem res profluit subtilis, &c.) Ego Domini declarabo primo sensum fideliter ipsius Auic. quid scilicet sentiat in his omnibus uerbis et in hoc toto paragrapho, postea uidebimus de ueritate, uult enim Auic. proba

re in uere maiorem esse resolutionem ipsa euaporatione, ut relinquat probatum uer esse temperatum, & ad hoc probandum suum habet primo fundamentum, quod ad faciendam ipsam euaporationem duo causae concurrunt, primo caliditas moderata, quae quidem est in hoc spatio ipsius aeris, alia uero causa est ipsa caliditas intensa & uehemens, quae in terra abscondita est quae quidem trahit ipsum humidum a cetro ad superficiem, ut facilius fiat euaporatio ipsa per illam moderatam caliditatem existentem in ipso aere, declarat autem, & dicit (Quod enim de terra occultum est in hyeme uehementi calore calidum existit, quemadmodum in sapientij naturalibus principalibus declaratum fuit, & caliditas aeris pauca,) haec est sententia Auic. Examinemus modo hanc partem, quoniam ex hoc supposito ipse postea probat suum propositum, & uideamus de caliditate temperata ipsius aeris postea de illa quae est in terra. Dico ergo quod cuiuscunque caliditatis est euaporare probo per Aristot. per Gal. & tandem per ipsum Auic. qui quidem in hoc cap. dicit quod quilibet calor resoluit, ergo quilibet calor euaporat, audiuiſtis cum supra cum de hoc disputaret, nam euaporatio est resolutione debiliori modo si quilibet calor resoluit, quanto magis euaporat, dummodo semper inter ipsum calorem & passum sit proportio maioris inaequalitatis, nam cum calor potest uincere ipsam materiam semper potest facere euaporationem, calor autem si debilis est non semper

resoluit, sed tunc euaporationem facit, cum est fortis
 resoluit, non autem euaporat: quod si non uultis mi-
 hi credere potestis experimento comprobare hanc
 rem, nam si imponatis aquam in Lebete, uel aliquo
 uase super ignem debilem uidebitis multos uapores
 ascendere cum incipiat illam calefacere: quod si ex-
 dem aqua imponatur igni forti & uehementi in cale-
 faciendo, tunc non solum facit euaporationem, sed
 etiam resoluit maximam partem illius humidi, hac de
 causa dicunt medici, q̄ calor aeris soluit, sed non resol-
 uit, nam moderatus est, neq; habet tantam uim ut pos-
 sit resoluerē, & ideo caueant a calore aeris dicebat
 ille, unde Arist. & Auerr. cum ipso in primo lib. me-
 teor. dicebāt quod in æstate, & in hyeme non fiunt
 nisi rarissimæ pluuiæ. loquuntur autem illi philosophi
 de his duobus temporibus cum se habent secundum na-
 turam, dabantq; rationem, quoniam in æstate quidē
 non eleuantur uapores humidi, qui quidem possint in-
 crassare aerem, ut fiat pluuia: cum enim per super-
 rius dicta in æstate sit caliditas intensa, non euapora-
 tionem facit, sed illud quod euaporat, resoluit, ideo
 resoluti uapores non possunt condensari, ita quod fiat
 pluuia, in hyeme uero neq; fiunt euaporationes. ca-
 lor enim ita debilis est ut non possit supra materiam
 ideo in hyeme non fiunt pluuiæ recte quidem. ad hoc
 respicientes ipsi philosophi, protulerunt in his tem-
 poribus non fieri pluuias. uidete ergo quomodo possi-
 tis intelligere has rationes medicæ artis, nisi prius di-
 cideritis illum totum Arist. lib. meteor. nam ille lib.

est necessarius ad hanc nostram artem, est quidem necessarius tota philosophia naturalis eleganti medico; quoniam ubi desinit philosophus naturalis, ibi incipit elegans medicus secundum quod dicebat Arist. in lib. de sensu & sensibili. Sed maxime iste lib. inter omnes alios necessarius est & primo loco necessarius. est enim anima medicinae, neque unquam poteritis esse boni medici, nisi prius didiceritis illum lib. hoc ergo stante, quod modo dictum est, debilem calorem causare ipsam euaporationem fortem uero resolutionem illud quod subiunxit Auic. falsum esse confirmo, cum dicit quod, (in uere maior est resolutio, quam euaporatio,) probat autem hoc ipse quoniam in uere caliditas abscondita in terra diminuta & debilis est, propterea non potest trahere humidum a centro ad superficiem ut fiat euaporatio, dico quantum ad hoc etiam quod etsi illa caliditas non sit ita fortis ut possit trahere humidum a centro, tamen illa caliditas non est sufficiens, neque necessaria ad hoc quod non fiat euaporatio. primo proba quod non sit sufficiens, secundo quod non necessaria, quod quidem sit sufficiens proba per Arist. quoniam in hyeme est fortis caliditas in ipsa terra abscondita, immo in ipsa aqua, uidemus enim aquam esse calidam per antiperistasm quod etsi Arist. non diceret, nos tamen quotidiana experientia doceret, neque hoc potest negari, ideo deberent fieri maiores euaporationes & pluuie multae tamen non fiunt nisi rarissimae. ergo illa abscondita caliditas in terra non est sufficiens ad generandas plu-

uias,

uias, quoniam si esset sufficiens eo tempore multæ generarentur. præterea quod ista caliditas ad faciendā euaporationem non sit necessaria, probō, quoniam, secundum ipsum Aristot. pluuiæ sunt aut propter magnam frigiditatem existentem in aere, quæ ipsum condensat, aut propter ipsam euaporationem, sed in mense Augusti fiunt pluuiæ multæ non propter frigiditatem existentem in aere ipsum condensatam, ergo propter euaporationem factam ex ipsa terra, modo in eo tempore caliditas in terra abscondita non est, immo in ipsa est frigiditas propter præcedentem æstatem in qua calor aperuerat poros & meatus terræ, sicq; caliditas illa euaporat, et tamen maior est euaporatio, ergo illa caliditas non est necessaria, nam si esset necessaria tunc non fierent nisi paucae euaporationes; oppositum tamen sensu percipimus, uidemus enim nebulas multas in aere, & illos uapores crassos quos uocant Veneti caliginem, & aliàs tales euaporationes, cum ergo non sit necessaria ista caliditas, non uidetur aliquid probare, neq; concludere Auic. quoniam & si in uere non sit caliditas abscondita in terra nisi debilis non propterea sequitur quod in eo tempore non possint fieri euaporationes. Præterea etiam si supponantur omnia illa quæ supponit iste tamq; uera, tamen omnia sunt falsa, quæ concludit (audiatis) etiam falsa, sequitur enim. dicit quod (in hyeme sunt multæ pluuiæ,) quod probat per suum fundamentum iactum, quod putabat esse uerum, cum tamen multa inuestigatione debebat proba-

ri, nam si in hyeme est magna frigiditas in aere condensans ipsum, amplius fortis est ipsa caliditas abscondita in terra per antiperistasin fortificata, ideo multæ pluviæ fiunt in hyeme, & dicit, (hoc esse declaratum in naturalibus scientiis,) ideo tanquam firmissimum reliquit sine alia probatione, quod tamē dictum nos dicimus esse contra Arist. ueritatem & ipsam experientiam manifestantem nobis oppositum illius quod dicit, nam ultra hoc quod in hyeme non sunt plurimæ pluviæ, immo sunt rarissimæ, intelligatis semper nos de his temporibus cum se habet secundum naturam, dico ergo quod cum hyems est secundum naturam esse potius sicca, ultra hoc quod non sunt plurimæ pluviæ, sed sunt pluviæ in uere & autumno mediocres secundum quod dicebat ipse Hip. & ipsemet Auic. uolo enim confutare Auic. per ipsum met Auic. neq; à suis fundamentis uolo discedere, quod maxime erit contra ipsum, hoc est quod intendit, cum dicit, (quod enim de them. &c.) perseuerat postea Auic. probando quod in tempore hyemis sunt plurimæ pluviæ, quoniam non solum sunt pluviæ in hyeme propter multas euaporationes, quæ fiunt magna existente & intensa caliditate abscondita, sed etiam propter frigiditatem ipsius aeris quæ constipat illam euaporationem, & facit illam descendere, nihil enim est quod resoluat illam in hyeme. sed quomodo potest esse uerum hoc, quod dicit Auic. nā in aere tunc non est illa caliditas debilis & moderata, quæ necessaria est ad faciendam euaporationem.

amplius illa intensa frigiditas quæ tunc est in aere
 quàm primum esset attractum humidum ad superficiẽ
 ab ipsa caliditate abscondita constipat & inspissat il-
 lud, ita quòd non potest ascendere, propterea non
 possunt fieri pluuie, sed omnia ista conueniunt in ue-
 re & autumnò, quoniam tunc est frigiditas debilis et
 moderata in aere, quæ potest condensare illas euapo-
 rationes factas a caliditate quoq; debili & moderata
 existente in ipso aere. quid ergo dicis ò Auic. Videte
 literam. (Duæ igitur res ad humectandum
 coniunguntur, quæ sunt sublimatio & inspis-
 satio, & quanto magis cum etiam frigiditas
 ipsius aeris operatur spissitudinem & con-
 cussionem ad euaporationem,) ista sunt falsa.
 Præterea ò Auic. debebas probare illud quod di-
 cis, quòd scilicet in uere sit maior resolutio quàm eu-
 aporatio, nam nos probamus oppositum, quoniam re-
 solutio fit nisi à forti calore, modo in uere est debilis
 & moderatus calor, ergo ille in uere non potest re-
 soluere, immo solum euaporat, propterea illa quæ di-
 xisti de euaporationibus in hyeme omnia sunt falsa et
 in uere illa sunt uera, tu tamen contrarium conclu-
 dis quoniam dicis in hyeme esse maiorem resolutionẽ
 partium humidarum existentium in aere ipsa euapo-
 ratione humida ut dicis ò Auic. quòd in hyeme est ma-
 ior euaporatio quàm in uere? cum tamen oppositum
 omnino sit, nam concessit ipse quoq; in eo tempore es-
 se magnam euaporationem, in quo quidem caliditas
 aeris moderata est: est quoq; frigiditas pauca consti-
 pans

pans uapores qui iam ascenderunt, modo in uere debilitas caloris existit, quæ potest colligare ipsam materiam humidam & euaporare. Quare concludimus quod in uere sunt maiores euaporationes & maiores pluuie, ecce oppositum illius quod dicebas. dicit autem in litera (In uere autem resolutio aeris est magis fortis quam euaporatio & calor absconditus occultus ualde minuitur & apparet ex eo quod superficie terre aduenit subito res, quæ est fortior quam uaporans aut res quæ subtilis existit euaporationis) iste homo supponit unum falsissimum, neque enim possunt illi in hoc excusare nam dicit quod si uolumus scire in uere maiorem esse resolutionem debemus perspicere terram, quoniam ex illa eleuatur quedam subtilis euaporatio, quæ quidem statim resoluitur ab ambiente calore. Ego nescio ubi hoc uiderit, nonne supponit ipse quoque in uere esse moderatum calorem, & quandam debilem frigiditatem, quomodo ergo calor ille potest resolvere illam euaporationem? bene hoc uerissimum esset si in uere esset illa caliditas intensa, quæ quidem est in aestate, & certe nolo quod amplius in his immoremur, nam ferè pro ipso uerecundor, nescio ubi ista inuenerit, & quomodo hic illa inculcarit omnia sunt falsa. oporteret ipsum impugnare in singulis quibusque uerbis. Aut res quæ existit subtilis euaporationis propterea quod multum superat materiam & subtiliat & inuenit paucam euaporatio calorem multum in aere. hoc falsum est o Auiçen. Et completur resolutio

propter hoc, hoc est secundum plurimum & secundum earum causarum singularitatem absq; alijs causis, ex quibus hæc aliæ proueniunt causæ præter eas quas nominauimus: per has causas innuit Auic. quod sunt etiam causæ aliæ præter has, scilicet influxus celestes qui adiuuant resolutionem ipsam, ut omnino probet quod illa sit maior euaporatione, tamen possumus nos contra ipsum instare, nam cum sol est in ariete, tunc radij moderate calefaciunt, ideo cum moderatus sit calor non solum non fiet resolutio sed fiet maior euaporatio. Videte quæso quomodo omnia sunt contraria illis quæ dicit. Præterea supponit unum aliud quod falsissimum est: dicit enim quod (in uere pauca est materia humida quæ quidem possit humectare aerem euaporando cū illi commisceatur) hoc enim quod sit falsum, patet sensu, nam multa est materia humida in uere, & hac ratione nihil concludit. hoc uidemus nos sensu manifestante, dicit ergo. (Amplius autem non est ibi materia multa quæ illud quod fuit sublimatum & subtiliatum restauret, & propterea oportet ut natura ueris trahat ad æqualitatem) id est sit temperatum inter humiditatem & siccitatem, propter meas fortissimas rationes et inuestigationem acutam huius rei, o fortissimæ sunt. sicut est temperatum inter caliditatem & frigiditatem, hæc est ergo conclusio omnium fortissimarum rationum istius hominis quod uer est temperatum in passiuis qualitatibus, sicut probatum est supra quod est temperatum

in actiuis . Sed si non habet alia argumenta, dico quòd
 nihil conclusit , & ista sua conclusio nulla est , qui enim
 male præmittit & false, male & false concludit .
 uidistis iam & audiistis quomodo ualeant sua argu-
 menta, & quomodo omnia sunt soluta, audiat obse-
 cro quòd subnectit . dicit enim (Et si probauimus
 quòd uer est temperatum tam in actiuis quàm
 in palsiuis qualitatibus, tamen non uolumus
 propterea negare quin ueris pars tendens ad
 hyemem sit magis humida quàm sicca.) Ecce
 quomodo quæsluit latebras & postea ab ipsa uerita-
 te rei coactus fuit fateri quod nos dicimus . quid enim
 aliud uolumus quàm quòd sit magis humidus quàm sic-
 cus aer in parte illa ueris & o o nihil aliud uolumus .
 Ecce ergo quomodo laborasti frustra o Auic. adduxi-
 sti rationes quæ potuissent aliquem intricare , postea
 idem concludis quod nos concludimus , propterea ui-
 dete nunquid opinio Athenesi sit uera nec ne . Quare
 etiam illud argumentum aduersariorum quod puta-
 bant esse maximum & fortissimum , quod pro sua for-
 titudine appellant suum Achillem ; uidebitis quomodo
 est imbecille, quod tale erat . non possumus transire
 de extremo uno ad alterum extremum nisi per mediũ
 transeamus , sed cum transimus de hyeme ad æstatem
 transimus de extremo ad extremum , quoniam sicut
 hyems frigidissima & humidissima omnium temporum
 est, sic quoq; æstas calidissima & siccissima est , ergo
 oportet per medium transire . hoc medium autem in
 quo neq; frigiditas neq; caliditas nec siccitas neq; hu-

miditas dominetur, tale medium est ipsum uer, ergo uer est temperatum & æquale. Dico quòd nihil concludit contra Athenæum, quem semper defendimus, quoniam concedo totum. uideamus modo quid contra nos faciat, non transiur de extremo ad extremū nisi per aliquod medium transeat, concedo. sed cum transimus de hyeme ad æstatem, tunc transimus de extremo ad extremum, ergo oportet illud medium esse temperatum, uer est medium, illud ergo uer est temperatum. concedo quòd est temperatum & medium in qualitatibus que conueniant in propria natura & temperie ipsi aeri, modo istæ sunt duæ qualitates, humiditas cum caliditate ergo uer est calidum & humidum existens temperatum, uerissimum dictum ergo illud est quòd cum transimus de hyeme ad æstatem oportet pertransire per medium, quòd mediū sit conueniens ipsi aeri. sed illud medium est cum caliditate & humiditate, propterea uer calidum est & humidum. Videte ergo quomodo suus Achilles factus est debilis, nihil probat profectò sicut uidistis. Quare nos concludimus uer esse calidum & humidum, non autē temperatum eo modo quo intelligunt nostri aduersarij. Cum non uultis me amplius in hoc progredi, ego non redibo ad ista declaranda. permittatis me legere si uultis. alioquin ego incipiam aliud cap. Incipiam ergo caput sequens quod est de iudicijs temporū & eorum mutationib. uos perlegetis reliquū huius cap. facile. n. illud intelligetis ex his quæ modo sunt declarata nolo. n. in hoc ca. manere per totū hunc annū.

LECTIO LVI.

De iudicijs temporum & eorum mutatio-
nibus. Cap. II II I.

Vt intelligatis ea quæ sunt hic dicenda ab Auic.
& à nobis debetis unum scire & meminisse quòd hoc
erat propositum ipsius à principio huius secundæ do-
ctrinæ, secundæ Fen pertractare, scilicet de causis
in illa tota usq; ad finem, & ut tractatū de illis ordina-
tū faceret Auic. primo egit de causis in uniuersali, ubi
uidimus nos de causis tamē antecedentibus primitiuis
scilicet & coniunctis. uidimus de coniuncta causa &
cōtinēte, quæ distinguūtur secundū græcos doctores.
et quantū in hoc falluntur isti moderni philosophi o-
stensum est: de omnibusq; differentiis ipsarum cau-
sarum pertractatum satis. ubi ostendebamus quòd o-
mnes causæ antecedentes sunt extrinsecæ ab ipsius
morbi essentia, & de illis ut sunt efficientes conside-
ratum est, & inter alias diuisiones antecedentium
causarum efficientium, & alterantiū ultima & prin-
cipalis erat illa, quòd causarum alterantium & im-
mutantium nostrum corpus aliæ sunt non necessarie,
quæ quidem occurrunt nobis sed non necessario ad de-
gendā uitā, aliæ sunt necessarie quæ uitæ omnino sunt
necessariæ, neq; possunt quotidie euitari. hæc erat
enim potissima una illarum diuisio. Cum dedisset hanc
diuisionem accepit membrum alterum, quando dicis

tur quòd illarum causarum aliæ sunt necessariae uitæ
 ipsorum animalium, & diuisit illud in sex. dixit enim
 causarum necessariarum genera sex esse si bene me-
 ministris, illasq; numerauit, cum dixit, quòd (ista-
 rum causarum sunt aer, tum cibus & potus,
 somnus & uigilia, motus & quies, acciden-
 tia animæ, exinanitio & repletio.) cum ergo
 inter illas prima & principalis esset ipse aer, quem
 euitare non possumus, quin semper immutet nostra
 corpora, essetq; tractaturus de illis ordinatim pro-
 pterea incepit agere de natura ipsius in se considera-
 ti non respectu alicuius, ordinatissimus est enim A-
 uic. in ordinandis & continuandis suis cap. quoniam
 debemus semper tractare de ente prius ut absolutum
 quidem, postea ut est quid relatum, quoniam ab uni-
 uersalibus ad particularia procedendum est. egit er-
 go de natura illius & usu, quem præbet corporibus
 humanis, quoniam cum est temperatus præbet tem-
 periem illis, cum est intemperatus intemperie quoq;
 inducit. Et quoniam aer mutatur, ideo diuisit muta-
 tiones illius, & dixit quòd, (aliæ sunt illius mu-
 tationes naturales, & secundum naturam,
 aliæ non naturales, & præter naturam.) Et
 cum uellet agere de illis sumpsit primo mutationes na-
 turales & quæ secundum cursum naturæ sunt, ut de
 illis pertractaret exquisite. Et quoniam inter muta-
 tiones naturales sunt principales mutationes tempo-
 rales, idest secundum quatuor tempora ipsius anni,
 propterea sumpsit tractatum de quatuor temporibus
 anni,

anni, de illorumq; complexione differuit. Cum ergo de illis egerit in superiori cap. consequenterq; pertractandum esset de alijs mutationibus ipsius aeris naturalibus, prius uoluit agere de iudicijs temporũ, quæ sunt mutationes naturales aeris secundum tempora. sed ut applicantur ipsi corpori humano quod est illarum subiectum immutatum. Nam cum prius sit pertractandum de temporibus secundum se & absolute, propter ea primo egit de mutationibus aeris secundũ illa tempora in se considerata, postea ut applicantur corpori humano, & super ipsum præbent iudicium, ut scilicet uel bene, uel male immutent corpora humana. uoluit ergo pertractare de illis, ut nos sciremus iudicare quid sit futurũ de intemperie aliqua inducta ex aliquo morbo, & maxime cõfert medico tractatus iste, quoniã scit postea providere cũ accedit ægri- tudo ad corpus ipsum. maxime enim iuuatur medicus in curatione illius ægri tudinis quoniã capit quo modo sit in illo procedendum secundum tempus hoc uel illud amplius accedat ægri- tudo, præuidet quid sit futurum ratione quoq; ipsius temporis, iuuatur quoq; mirum in modum medicus in prognostico, nam scit postea prædicere futuram salutem uel corruptionẽ. per cognitionem ergo horum temporum iudicat medicus quid futurum: propter ea non immerito Auic. inscripsit hoc cap. de iudicijs temporum & eorum mutationibus. & hoc quantum ad progressum Auic. & titulum cap. Quantum autem ad tractatum dico quod præmittit unum fundamẽtum suum, postea per- tractat

tractat de temporibus anni, ut applicantur & comparantur corpori humano, sed ut intelligatis & distincte procedatis, uolo quod prius animaduertatis unum, & intelligatis statim quaecumque dicuntur in hoc cap. nam debetis scire quod omnia ista quae dicuntur ab Auic. hic fundantur super uno fundamento summo apud ipsum, & nisi illud praemississet non potuisset tractatum hunc recte persequi. hoc fundamentum tale est quod aer immutat corpora humana, uel ad frigidam, uel ad calidum, uel ad aliquid aliud secundum qualitates illas, quae in ipso reperiuntur, caliditatem, frigiditatem, humiditatem, & siccitatem. hoc enim manifestum esse puto. quid enim inducit aer humidus nisi humiditatem? quid aliud siccus, nisi quod exiecat? quid facit aliud aer calidus, nisi quod calefacit? frigidus nisi quod frigefacit? istud ergo est fundamentum principale, & primum quod praemittit Auicem. tanquam supponendum sine alia ratione & probatione, cum uerissimum postea praebet aliud fundamentum, quod quidem tale est, quoniam quotiescunque fuerit aliqua mala complexio in corpore humano conueniens mutatio ipsius aeris est contraria illi, id est in qua sint qualitates contrariae, quoniam contraria contrariis remouentur & curantur, à similibus autem conseruantur. hoc est suum secundum suppositum. omnia quaecumque in hoc cap. disputantur super his suppositis fundata sunt. sed quoniam sunt multae dubitationes in illa propositione allegata, famosaque apud omnes, quod contraria contrariis remouentur & curantur, a simi-

a similibus autem conseruantur, ideo oportet quòd a nobis illæ nunc soluantur. sed si ista supponantur uera & probata, sequitur ex illis suppositis, quòd si aer alterans humana corpora alteret ea cum eisdem qualitatibus, quæ sunt in ipsis corporibus, corrumpit magis ipsa si male se habeant, sed si sint temperata et sana conseruantur in propria temperie. si autem cū contrarijs qualitatibus curat, si male se habeant ita, quòd sint intemperata. hinc est quòd cum aliquis est conseruandus in temperie mittitur a medicis ad aerē sibi familiarem, & similem in complexione. & ideo corpora sana debent fugere aerem sibi contrarium in complexione, quoniam non indigent immutatione. sed conseruatione, corpora uero ægra ad aerem sibi contrarium mittenda sunt, quoniam ab illo immutantur ad temperiem. si ergo inueniatur corpus quadratum quod describunt medici, uersetur in aere simili, sed si sint corpora quæ habeant aliquam qualitatem excedentem illā debent morari in aere contrariam habente qualitatem. ab illo enim maxime iuuantur in illoq; morantur, melius se habent quàm in simili, propterea in tempore illo quod contrariam habet illis qualitatem, optime degunt: quod manifestum omnibus est, nam senes propterea melius uiuunt & saniores in æstate, quoniam etsi illi sint frigidi siccique, tamen habent multam humiditatem infusam quæ ab illo calore intenso moderatur, & sic ad maiorem temperiem reducuntur. pessime uero degunt in hyeme, quoniam humiditas illa infusa superabundat, ideo magis ad

intemperiem tendunt, iuuenes uero pessime degunt in æstate, quoniam acuitur illorum caliditas & siccitas, & efficiuntur magis intemperati, hyeme uero optime, quoniam illæ intensæ qualitates franguntur et ad temperamentum reducuntur à contrarijs in illa qualitatibus existentibus, humiditate scilicet & frigiditate. Quare notandum est optime quòd illa propositio uera est, siue primum dictum propositionis contrarijs contraria curantur, modo non recesserit multum ad contrariam illam qualitatem corpus humanum. nam si parum inclinarit ad illam maxime iuuabitur a contrarijs & curabitur, sed si multum recesserit ad illam non modo non curabitur a contrarijs, sed & offendetur magis & occidetur. propterea limitanda est hæc propositio quæ habetur in tex. Auic. nisi illa corpora multum recesserint ad qualitatem contrariam, nam si sit aliquod corpus quòd maxime declinet ad intemperiem frigidam siccam, si uoluerit illud reducere ad temperiem per contrarias qualitates, calidas scilicet & humidas, tunc magis offendetur. Vnde dicebat quoq; Gal. de hoc loquens, quòd si sit membrum patiens aliquam intemperiem calidam humidam, si per contrarias qualitates uoluerimus curare illam, quæ tamen magna sit, tunc ita infrigidabimus, ut offendatur magis, ita quòd illud membrum sentiet maximos dolores, & periculum est de mortificatione illius membri, & ne fiat cancrena, sphacelismus. propterea uidetis quomodo propositio uera est, neq; sine ratione hoc contingit, nam si uolumus optime constare

derare rem ipsam, nos inueniemus rem ita se habere, nam illa corpora si debent remoueri ab illis excellentibus qualitatibus, oportet quod remoueantur per alterationem. Sed illa quæ operatur huiusmodi alterationem est natura & uirtus in illo existens, secundum quod dicebat Gal. in secundo lib. artis parue, ubi dicebat quod natura ipsa est operatrix, sed adiutor illius est ipse medicus, nam illam addiuuat ad perficiendam huiusmodi operationem. Quotiescunq; ergo applicamus illi corpori intemperato medicamentum contrarium, ut reducatur ad temperiem, tunc oportet ipsam uirtutem alterare mediante illius qualitate contraria, modo non potest id operari, nisi cum est fortis. non potest autem esse fortis, nisi cum ipsum corpus optime se habet & temperatum est. cum enim corpus est intemperatum & male se habet, tunc uirtus ipsa debilis est, nam secundum quod se habet corpus, anima quoq; ita se habet, unde dicebat Gal. quod animi mores & uirtutes sequantur ipsam temperaturam corporis, tum in fortitudine, tum in debilitate, in proprio libr. quem condidit de hac materia. Cum ergo in corpore intemperato & ægro uirtus sit imbecillis maxime quidem in ipso corpore recedente ad intemperiem. si ergo uoluerimus per contrarias qualitates illud corpus curare, oportet quod fiat maxima alteratio, modo maxima alteratio non potest fieri, nisi a uirtute fortissima, ideo non poterit fieri alteratio stante illo quod modo diximus, quoniam uirtus imbecillis est, et ita cum non possit ille dominari,

nam

nam agit in illud corpus ipsum contrarium, & ita lædit illud uirtusq; magis debilitatur, ita quòd omnino destruitur cum destruat calor per huiusmodi alterationem, propterea in his casibus contraria contrarijs non curantur, immo magis læduntur illa corpora. Ex quo notate etiam, quòd Auic. in prima Fens, tertij lib. in dolore insigni ipsius capitis. Ego enim non memini nunc cap. quòd sit scio in illa prima Fens tertij, timebat exhibere frigida, quoniam timebat ne uirtus esset quandoq; imbecillis, & ideo magis lederetur illud corpus ex applicatione illorum, quod non omnes intellexistis hactenus, nam alterat illud oleum rosatum quidem, sed quoniam magis lederet illum hominem, si uirtus imbecillis esset, ideo dimittit illud et magis conseruat ipsis similibus paulatim paulatim alterando ipsum per aliqua contraria, ut cum uirtus fuerit fortificata melius possit operari. Quare erit quoq; aliquis resolutus propter magnam caliditatem, si tentemus illum curare ponendo puta in aere frigido, statim ille suffocabitur, & sic occidetur a medico, etiam si quis resolutum iam habeat ferè propter magnam frigiditatem calorem innatum, & fuerit positus in aere calidissimo non solum non curabitur, sed etiam ledetur, ita quòd suffocabitur, nam sicut paucus calor positus in feruentissimo, calidoq; aere suffocatur, & pauca, debilisq; flamma in magno lumine posita extinguatur, sic quoq; ille paucus calor suffocatur cum illi adueniat calidissimum quid, propterea notate errorem turpissimum & nefandum modernorum

rum medicorum, qui quidem semper contraria applicant, ut contraria tollant, non habentes rationem illius quod modo diximus, quod quantum sit considerandum permitto iudicandum illis, qui me intellexerunt. Ista ergo sunt quæ habentur in hoc toto paragrafo, primo quando dicit Auicen. (Omne tempus quod complexionem habet sanam proportionalem est conueniens,) quoniam si est temperatum inducit temperiem ipsis quoque humanis corporibus, si modo uera sunt illa quæ dicta sunt de ipso a nobis superius, (sed qui malitiam complexionis habet proportionalem diuersificatur ab eo, sed cum multa ab æqualitate egres-
sio acciderit proportionalem est non proportionale ab eo diuersificabitur, adeo quod uirtus debilitabitur; Vnumquodque etiam tempus complexionis ægrote conueniens ipsius contrarium est,) ista sunt duo fundamenta super quibus diximus fundari hoc totum caput. sed antequam intelligatis illa quæ dicuntur in hoc paragrafo, nunc uidenda sunt quædam circa illas propositiones, quoniam uidetur esse difficultas circa illas. primo quidem quoad ipsam secundam quod similia similibus conseruantur. ista propositio est propositio famosa & allegata sæpiissime, tum apud philosophos tum apud medicos, quæ tamen uidetur esse falsa, & hoc experientia quotidiana comprobatur. nam si sit aliquis homo qui habeat temperaturam biliosam & calidam, & moretur in aere calido, tempore æstatis,
magis

magis nocetur & facillime febricitabit . ergo similia a similibus potius augentur & corrumpuntur . ut ergo remaneat huiusmodi propositio uera sicut est famosa , propterea primo pono tres conclusiones , siue tres propositiones declarandas , quarum prima est ista . simile non agit in simile . secunda propositio , simile a simili augetur . tertia autem est quod simile a simili conseruatur . Circa has propositiones igitur parumper immorandū est . Et quantū ad primū dico q̄ ut soluantur oēs ambiguitates circa ipsā cōtingētes , opus est primo distinguere quandam æquiuocationem , quæ est causa ipsius difficultatis , dico enim q̄ simile dupliciter capi potest , uno modo in concreto , alio modo in abstracto , nam cum dicimus caliditatem similem esse alij caliditati , intelligimus altero duorū modorum , aut substantia calida est similis alij substantiæ calidæ , aut caliditas est similis caliditati , non quatenus est in subiecto , sed in se considerata . magna enim differentia ista ut dicamus substantiam calidam similari alteri substantiæ calidæ , & ut dicamus caliditatem asimilari alteri caliditati , si ergo accipiamus caliditatem uel aliquam aliam qualitatem in abstracto similari alteri qualitati , tunc dico quod illa qualitas ab altera non potest alterari neq; augeri . nam si alteratur & augetur ab illa , aut oportet quod nutriatur , aut quod augeatur , aut quod minuatur , aut quod corrumpatur , sed non potest nutriri quoniam qualitas illa in abstracto non potest esse animata , ergo non potest nutriri , quoniam superius probauimus quod inanimatum

nimatū nutriri non potest, cū loqueremur an spiritus
 nutriantur. si ergo non nutritur oportet quod augea-
 tur, sed illa nō pōt augeri ab alia sibi simili qualitate,
 quoniā si sunt similes, ergo sunt æquales in gradu, sed
 si sunt æquales in gradu nullo modo possunt se inuicē
 augere, ratio est quoniam augmentū non fit nisi ab ali-
 quo maiore in gradu, et ab aliquo intēsiore. qūo. n. po-
 test esse quod si sit æqualis illi in intensiōe, ut illam
 augeat, si tantam habet intensiōem ista sicut illa, ne-
 mo enim dat quod non habet, neq; enim potest multi-
 plicari aliqua fōrma quæ illam augeat, nam fōrma nō
 multiplicatur, nisi in medio quod est subiectum, mo-
 do supponimus istas qualitates esse in abstracto, non
 autem in subiecto, non potest ergo ab illa augeri, sed
 neq; potest minui ista qualitas ab alia sibi simili, quo-
 niam eadem est ratio oppositorum, modo tamen op-
 posito, si ergo non potuit augeri ab illa minus pote-
 rit minui, nam si in gradu sunt æquales. quomodo pos-
 sunt inuicem minui ab altera, ergo relinquitur quod
 ab illa corrumpatur per præcedentem ipsam altera-
 tionem, nam omnem corruptionem præcedit altera-
 tio, sicut habuistis in alijs scholis, sed si debet fieri al-
 teratio, oportet quod illa qualitas in aliam agat, modo
 actio non fit nisi a proportionē maioris inæqualitatis,
 secundum quod docebat Arist. in illo septimo lib. phy-
 sic. modo quomodo possunt inuicem agere, si sunt si-
 miles in gradu, neq; una sit altera intensior? opor-
 tet autem quod si debent inuicem agere una plus pos-
 sit quàm altera, ut super illam dominetur. Quare

qualitas simili alij qualitati nō potest in eā agere, neq;
minus augere illā cōsiderādo ambas nō in subiecto, sed
in abstracto. Videamus ergo an possent inuicem agere
et augeri istæ similes qualitates, nā si sint duo corpora
similia in qualitatibus simul iuncta augentur, si .n. unū
alteri iungatur tunc augetur gradus ipsius qualitatis,
magis .n. potest in illo aucto corpore, quā in dimidio
illius, quoniam in maiori quanto maior est uirtus apud
omnes philosophos et medicos, hoc probatū ē certū
est, nam si accipiat scintilla ipsius ignis, certum est
q̄ habet uim calefaciēdi et calefacit, sed si capiatur al-
lius ignis qui sit in maiori, quanto magis calefaciet
quā illa scintilla, nam cum sit in maiori subiecto, quā
to magis extensa, quā illa qualitas quæ est in ipso
quanto paruo, cum autem magis sit extensa magis
etiam potest calefacere. corpus ergo iunctum alij cor-
pori sibi simili in qualitate auget uim illius qualitatis,
nam si capiatur unum corpus quod habeat qualitatem
pedalem, sitq; homogeneous, suppono enim quod
sit simile in partibus, in singulis illius partibus est illa
qualitas, siue illius qualitatis aliquis gradus, ista qua-
litas sit ipsa caliditas, certum est quod calefaciet, sed
si illi iungatur aliud corpus quod habeat qualitatem
similem illi, caliditatem scilicet, tunc magis augetur et
corpus et uis ipsius caliditatis in agendo. magis enim
calefacit, cuius signum est quod si illa magnitudo quæ
resultauit ex illis duobus corporibus pedalibus diuidi-
tur, non amplius altera illarum partium poterit tan-
tum calefacere quātum calefaciebat caliditas illa quæ

in tota magnitudine continebatur . nonne potest magis magnitudo tota , quàm altera pars illius magnitudinis ? Nam sunt decem homines qui trahunt nauim , quoniam tantum de uirtute habet iste , tantum ille , et sic de singulis illis decem , ita quòd simul iuncti ad ipsam funem reddunt ita intensum gradum uirtutis , ut possint trahere ipsam nauim . quòd si per casum se iungantur inuicem non poterunt singuli trahere nauim . non enim tantum roboris habet unus illorum sicut decem simul , quoniam maior quantitas est decem hominum quàm unius , ideo magis potest uirtus ipsorum quoniam augetur magnitudo , augetur uirtus , in maiori enim quanto maior est uirtus sicut dictum est , maius robur est in homine magno et corpulento quàm in pusillo & paruo , quoniam ad maiorem magnitudinem in qua est qualitas ipsa augetur quoq; ipsa qualitas sed intelligatis nunc me de ipsis uirtutibus & formis extensis loqui , non autem de illis quæ non sunt extensæ ad extensionem subiecti , nam uerum non est quod dicimus de illis , quoniam maior uirtus potest in paruo homine consistere quàm in magno & corpulento , ut sunt uirtutes cognoscitiuæ , siue intellectiuæ , & magna uis consistit in corpore paruo dicebat ille , quoniam magis uiget in illo uirtus , cum minus grauet . Quare hoc modo augetur simile a simili si consideramus ipsas qualitates in concreto , idest in subiecto corpore , quoniam quanto magis iungitur corpus simile in qualitatibus alteri corpori , tanto magis augetur ipsa qualitatis uis . tolluntur ergo omnes contradictio-

nes sicut uidetis distinguendo de ipso simili, quoniam in concreto augetur simile a simili, in abstracto uero non. Videamus modo tertiam propositionem, nunquid sit uera nec ne, an in se habeat quid difficultatis. dicebatur enim quod simile conseruatur a simili. Videatur enim primo quod ista propositio sit falsa quoniam iam tu dixisti quod simile non agit in simile, quoniam omnis actio sit a proportionem maioris inæqualitatis, modo si sunt similes in gradu non est ista proportio maioris inæqualitatis, ergo non possunt inuicem agere, sed si simile conseruatur a simili, oportet quod in illum agat, ergo sicut non potest in illud agere, neque conseruabit ipsum, quid enim est aliud conseruare, quam in ipsum agere, & per se non potest simile agere in simile, ergo neque conseruare. Vt ergo ostendamus quod propositio uerissima est si intelligatur optime subiiciatur nobis pro exemplo ipse homo, qui quidem continue in motu & alteratione est. si ergo ambulet per aerem qui illi sit dissimilis, uidebitur apparenter ipsum ab illo aere alterari, insigniter etiam uel humectatione nimia uel calefactione, uel frigefactione, uel exiccatione. quia uidetis quomodo dissimile immutat suum dissimile, siue quod est in extremo, quoniam supponitur quidem hominem alterari, sed non insigniter, ideo temperatus est, modo aer cum excedat in aliqua qualitate ipsum insigniter alterat. si uero aer sit temperatus & medius, qui non habeat qualitatem excedentem similisque in complexione illi homini, non amplius ille aer aget, neque immutabit,

aut alterabit ipsum hominem, quoniam in qualitatibus sunt similes. modo simile non agit in suum simile per iam dicta a nobis. Cum ergo non alteret illum dico saltem sensibilibiter, quoniam non potest esse quod insensibiliter illum non alteret, sed nos qui sumus medici consideramus ipsam alterationem sensibilem, non autem insensibilem, quoniam illam pro nihilo reputamus, ipsum consequenter conseruat in propria temperatura. ista ergo est sensus huius tertiæ propositionis a nobis positæ, quod simile conseruatur a suo simili, quoniam simile non agit in suum simile, neque illud immutat, aut ad bonum, aut ad malum, sed cum illud non immutet, permittit in propria temperatura. cum permittitur in propria temperatura, neque ab illa remouetur conseruatur, ideo simile conseruatur a simili. uidete ergo quomodo argumentum oppositum non concludit, quoniam concedimus quod non agit in illud simile, sed cum non agat conseruat. legamus modo ea quæ sunt declarata.

LECTIO LVII.

DICEBAMUS in præcedenti lect. quemadmodum super duobus suppositis, & fundamentis fundabantur omnia quæ dicebantur in hoc toto cap. quod præ manibus habemus. nihil enim in illo habet quod non sit fundatum super illis. primum autem illorum erat quod aer alterat corpora humana secundum qualitates, quæ in ipso existunt, hoc erat primum suppositum, quod supponebat Avic. secundum autem erat

quòd contraria tolluntur a contrarijs, ideo ægritudines tolluntur a contrario sibi ære in qualitatibus, similia autem similibus conseruantur, ideo corpora sana conseruantur in propria temperatura in ære sibi simili. & in his duobus dictis erant multæ dubitationes & difficultates, quæ iam solutæ sunt, nam dicebamus quòd simile conseruatur ab ære suo simili, quoniam cum non est contrarium alterare non potest ipsum corpus humanum. declarauimus quinetiam quomodo contrarium tollit suum contrariū, dicebat enim Auic. (Vnumquodque etiam tempus complexionis ægrotæ conueniens ipsius contrarium est,) nunc modo uult probare alteram suam propositionem, quòd scilicet contrarium tollit intemperiem, contrarium dico tempus. dicit autem quòd si sit aliquod tempus quod excedat ualde in aliquibus qualitatibus, & quòd subsequatur aliud tempus quod excedat in qualitatibus contrarijs illis præcedentis temporis bonum est, & bona mutatio, quoniam corporibus maximi auxiliij est, quoniam a tempore subsequenti tollitur intemperies inducta a primo in ipsis corporibus, propterea dicit, (Cumque duo tempora a sua egressa fuerint natura, & fuerit eorum exitus contrarius, neque ibi fuerit superfluitas longa, quoniam tunc nocerent illis corporibus,) postea exemplificat, & dicit, (Quòd si hyems fuerit meridiana & superuenit ei uer septentrionale erit aduentus secundus super primum conferens corporibus,

bus, & ipsam temperans eo quòd Septentrio-
 nalitas aeris est opposita meridionalitati hye-
 mis,) *Ecce ergo quomodo contraria tempora se
 consequentia bona sunt, quoniam se inuicem tempe-
 rant. dat adhuc aliud exemplum, & dicit, (quòd
 si fuerit hyems sicca ualde & subsequatur eā
 uer humidum, tunc intemperies inducta in
 corporibus humanis ab ipsa siccitate hye-
 mis tolletur per humiditatem ipsius ueris,) inquit ergo, (& similiter si hyems ualde sic-
 ca fuerit, & uer fuerit ualde humidum, tunc
 uer hyemis siccitatem temperabit. Et si hu-
 miditas non fuerit multa, neque prolongabi-
 tur tempore multo non mutabit illius tem-
 peramentum impediens,) quasi dicat quòd re-
 ducet ipsum corpus ad temperiem non autem ad in-
 temperiem humidam, nisi multum durauerit illa hu-
 miditas. Exemplum autem illud primum est tale, q̃
 si fuerit hyems calida & humida, idest quòd flet au-
 ster in ipsa, & subsequatur uer frigidum siccum, id-
 est quòd in eo subsequatur uentus septentrio, tunc il-
 la caliditas & humiditas ipsius hyemis tollitur a sicc-
 tate ipsius ueris, nam cum hyems est calida humida
 propter flatum ipsius austri, ideo inducantur tales
 intemperies, ut periculum sit de ipsa pestilentia, pro-
 pterea superueniens uer in quo flat Boreas uentus fri-
 gidus & siccus corrigit, & emendat illam intempe-
 ratam humiditatem cum caliditate, quemadmodum
 etiam si est hyems sicca & superueniat uer humidū,*

temperatur enim illa siccitas ab humiditate ipsius ueris, sed si humiditas ipsius ueris fuerit longa & dura uerit multum, tunc inducetur alia intemperies multo peior scilicet humida, & tunc fient pestilentie & putrefactiones corporum. hæc ergo sunt exempla quibus declarat hoc secundum suum fundamentum, nam si per primum suppositum aer alterat humana corpora secundum qualitates quæ in illo reperiuntur, certum est quod si in hyeme flet auster qui calidus et humidus est, aer quoque calidus & humidus est, ideo alterat corpora nostra per caliditatem & humiditatem. si ergo subsequatur ipsam hyemem uer in quo flet septentrio, qui est frigidus siccus, aer quoque frigidus & siccus est, & per frigiditatem, & siccitatem alterat nostra corpora, & ita remouet superfluum humiditatem & caliditatem inductam ab aere hyemali. Quare contrarium tempus subsequens aliud tempus bonum quoniam reducit corpora ad temperiem, quæ antea intemperata erant. Videtis modo quomodo ex illo primo supposito & fundamento declaratum est secundum quod erat tale, contraria scilicet tolli & curati a contrariis. uidebitis ita paulatim num sit uerum illud quod nos modo diximus in præcedenti lect. quod scilicet super illis duobus suppositis fundabantur omnia quæ dicuntur in hoc cap. ab Auic. inde enim omnia pendent. (Et mutabit illud eius temperamentum humectatione impedies) Superest modo Domini ut soluatur unum dubium quod faciebat difficultatem contra dicta ab ipso in
su=

superioribus, contradiceret enim sibi met. Quapropter cum aliquis ista audiisset potuisset dicere quid dicis o Auic. nam si per tua dicta hyems præcedat calida & humida, subsequetur illam uer frigidum & siccum, tunc uer reducetur ad intemperamentū, quoniam per has qualitates in illo dominantes remouebitur superfluitas tum caliditatis tum humiditatis relicta ab hyeme, ergo uer erit intemperatum, quoniam si est in ipso redundans frigiditas & siccitas uer non solum crit temperatum, sed & frigidum siccum, quod est oppositum illius quod supra dixisti. Cum ergo Auic. uidisset hanc dubitationem & obiectionem quam aliquis contra se facere potuisset, respondet, et uidete quomodo respondet & quomodo soluat: dicit enim quod (non se extendit longo tempore illa siccitas & frigiditas, sed tantum durat quā tum tolli potest humiditas relicta ab hyeme superflua) sic quoq; respondet si quis diceret quod subsequens uer humidum hyemem siccam, tunc uer erit humidum, quod est cōtra ipsum, dicit enim ad hoc quoq; quod illa humiditas tum multum se extendit ita quod faciat illud humidum, sed tantum quantum sufficiat ad tollendam siccitatem superfluam derelictam ab hyeme, propterea non prohibet quin remaneat tēperatum sicut dixerat. sed debetis modo aduertere illud quod aduertit Gal. quoq; in primo libro de tuend. sanit. nam dicebat ibi Gal. quod non omnibus nocet siccitas ipsius hyemis, sed quibusdam nocet quibusdā uero auxiliatur. nocet quidem illis qui sunt tempera
ture

turæ frigida sicca, sed qui sunt temperaturæ calida
humida iuuantur ab illo, propterea cum superueniat
uer humidum, dico quod illud eis non conuenit, nam si
ab illa siccitate hyemis iuuabantur, erant in illa con-
seruandi, nam modo ab humiditate ipsius ueris offen-
dentur. istæ regulæ sunt limitandæ & particulari-
ter intelligendæ pro illis qui sunt temperati, aut pro-
pè temperaturam sunt. nam cum aer mutatur in qua-
litatibus primis calido, frigido, humido, & sicco, non
omnibus iuuat semper, neq; omnibus nocet, sed par-
tim nocet, partim iuuat, iuuat quidem illis qui sunt cō-
trariæ temperaturæ, nam si aer mutetur ad calidita-
tem, aer iuuat quidem ijs qui sunt frigida temperatu-
ræ, sed nocet ijs qui calida sunt, propterea ex ma-
gna mutatione ipsius aeris fiunt morbi illi qui Epide-
mici appellantur, secundum enim qualitatem excedē-
tem fiunt in aliqua regione, nunc modo in altera, &
aliqui laborant aliqui uero magis ualent, qui sunt sci-
licet temperaturæ contrariæ. Vagantur autem per
orbem totum non magis permanentes in hac quàm in
illa regione secundum quod dicebat Gal. & Hippoc.
primo Epid. Sed Auic. his expeditis modo nunc uult
ponere aliam conclusionem, quæ conclusio talis est,
quoniam sicut sæpius dictum est cum aer mutatur in
propria substantia, nocet omnibus tēperaturis. Qua-
re si aer mutetur in propria substātia uel saltem pro-
pinquius est ad putredinem, tunc melius est si solum
unum tempus sit in quo aer eo modo mutetur, quàm si
pluribus temporibus, quoniam si adhuc subsequatur
aliud

aliud tempus, in quo talis mutatio permaneat periculum maius est. sed exemplo declaremus ut omnes intelligatis, nondū enim hoc intelligitis, dico ergo quòd Auic. hoc intendit, quòd cum aer mutatur, ita quòd ferè in substantia mutatur, maius periculum est de putredine si multis temporibus permaneat illa mutatio, puta si uer mutetur ad maximam humiditatem et caliditatem, periculum est de putredine ipsius aeris, consequenter de putredine corporum animalium, maius tamen periculum est si ad tale uer humidum ualde subsequetur æstas humida, tunc enim sumus quasi certi de pestilentia. at si adhuc æstatem subsequatur autumnus humidus sumus certissimi de putredine aeris & pestilentia. iam enim dictum est a nobis supra, quomodo calidum humidum sunt materies putredinis. dicit ergo hanc conclusionem hic Auic. quando ait, (Mutatio præterea temporis in quo tempore est minus afferens mortalitatem, quàm eius mutatio in multis temporibus, scilicet mutatio adducens mortalitatem, & non est mutatio emendans illud quòd prima attulit mutatio, sicut diximus) iam audiistis uos hoc. (& ex complexionibus aeris, &c.) Sed circa huiusmodi conclusionem considerandum est quoniam non uidetur rectam illam facere Auic. cum solum passum consideret. modo Arist. 6. phys. dicebat non solum nos debere considerare passum, sed etiam agens in ipsum quam proportionem habet ad illud. nam si sit exempli gratia agens quod sit graduum quatuor

tuor & agat in passum per horas 12, certum est q
 citius & maiorem actionem imprimet quàm si sit al-
 terum agens unius gradus & agat in idem passum
 per 12 horas, igitur uidetur quòd sit istud argumen-
 tum ex semisse, & ut dicunt Logici à secundū quid
 ad simpliciter, nam non solum debemus considerare
 tempora siue passum, sed etiam agens. Cur ergo il-
 lud prætermisit Auic. fuit ne tam stolidus, ut præter-
 mitteret illud quod maxime erat considerandum. Do-
 mini dico quòd Auic. erat maximus uir, maximus
 philosophus, maximus medicus, & maximus diallec-
 ticus. propterea non est credendum quòd illud præ-
 termiserit. Quare uidendum est quomodo fecerit
 Auic. & optime aduertatis ea quæ dicentur, quoniā
 maxime iuuabunt ad quæstionem futuram ex profes-
 so de calore cur maior & fortior sit in mense Augu-
 sti, quàm in mense Iulij, cum tamen in mense Iulij sol
 propinquior sit nobis quàm in mense Augusti, nolo
 enim nunc illam facere neq; me quidem in illam intro-
 mittere expecto enim tempus in quo melius possim il-
 lam habere, quoniam credatis me hac tota nocte labo-
 rasse dolore colico & si nunc quoq; parum laborem,
 uidetis enim tantum hoc modo, legam aliàs. debetis
 ergo scire quòd si sit ualida & magna uis agentis sed
 tempus sit breue in quo agit, tunc agit quidem sed su-
 perficietenus in ipsum passum & inæqualiter in hac
 parte illius non in illa, & hæc actio parum in passum
 imprimitur. propterea cito quoq; & minima de cau-
 sa abit. quod patet per plurima exempla nam si quis
 afficiatur

afficiatur ex improviso statimq; magna tristitia superficietenus solum afficitur, sed magna affectio illius est cito quoq; propterea redit ad pristinum statum. Sed cum agens paucum est in uirtutem & tempus sit longum in quo agit, tunc imprimit actionem suam aequaliter per omnes partes passi & profunde. nam si illa tristitia paulatim inducta esset tantum illum affecisset, ut non facile amplius posset redire ad gaudium, sic propemodum dicimus in his temporibus. sic quoq; in alijs quæ pro exemplo adduci possunt, ut timoribus, gaudijs, motibus. si quis enim laboret paucum tempore magno & ualido exercitio sudat, resoluuntur illius uires ut uideatur ferè cadere, sed quoniam non profunde sed in superficie solum est affectus tali magno motu propterea facile redit ad pristinum gradum uirtutis. quod si quis alius paulatim paulatim longo tempore laboret paruo exercitio paulatim resoluuntur spiritus & humidum radicale absimitur profunde non solum superficietenus, ut non possit postea refocillari, nisi difficile & longiori tempore. Amplius quoq; in febribus ipsis incendentibus secundum quod dicebat Gal. caliditas maxima inducitur in corpus humanum, ideo magnam statim facit affectionem & inaequaliter superficietenusq; . propterea etiam facile & cito relinquit illud. sed si caliditas in alia febre inducatur paulatim paulatim profunde imprimitur & longo tempore difficileq; eradicatur. hac de causa dicebat optime Hipp. diuinus in aph. Qui tarde resoluuntur tarde quoq; reficiendi sunt, quoniam resolu-

tio

tio illa facta est in profundis partibus, propterea longo tempore opus est ad instaurandos illos ut paulatim paulatim inducatur ipsum nutrimentum: hac ergo de causa Auic. non immerito meminit solum de illis temporibus & passo, non de agente, quoniam & si agēs esset ualidum breuiterq; agat, tunc tempus illi contrarium facile alterat quod imprimitur ab ipso, neq; dimittit illud agere. propterea ergo dixit solum de temporibus Auic. nullam mentionem faciens de agente. Sed dicebamus quod ista iuuāt ad ea quæ dicenda sunt in quæst. ideo ne credatis me non habere alia fundamenta, dico quod ista potius sunt quædam exempla: uidebitis enim quod adducemus demonstrationes fortissimas & probationes etiam mathematicas, hæc solum sunt exempla ut dixi. Cum ergo iam Auic. declarauerit quod peiora sunt tempora multa quam unum solum, in quibus aer mutatus est ad talem qualitatem, ut sit propinquus putredini, quæ est corruptio in substantia, nunc modo uult declarare quæ sint mutationes aeris propinquæ ad ipsam putredinem & dicit q (cum tempus mutatum est ad caliditatem & humiditatem tunc magis aptum est ad putredinem) cum dicit (& ex complexionibus aeris dignior ut cōuertatur ad putrefactionem est calidi & humidi complexio.) Circa quod debetis animaduertere quod caliditas & humiditas sunt causæ putredinis secundum etiam uulgares medicos qui consueuerunt dicere has duas qualitates esse matres putredinis. putredo autem substantiæ corruptio

ptio est, quare caliditas & humiditas sunt causæ corruptionis ipsius substantiæ. sed non intelligatis nos loqui de his qualitatibus temperatis et mediocribus, sed de illis quæ excedunt, & quæ non sunt in substantia ipsius aeris, quoniã illæ sunt mediocres. sed quæ extrinsecus accedunt ad illum aut propter uapores malos illi commistos, aut aliquid aliud. Et ut hoc intelligatis debetis optime advertere ut sciatis quòd omnia quæ generantur, generantur per actionem calidi in humido secundum Arist. quoq; in lib. de generat. & corrupt. & sæpius in libro de partibus animalium, et in lib. de morte & uita. modo nihil potest generari nisi quid aliud antea corrumpatur, nam generatio ueniens est corruptio alterius, secundum quòd dicit ipse met Arist. in illis de generat. & corrupt. ex omnib. enim quæ sunt in ista sphaera innatum est fieri aliud cū corrumpantur. sumus enim ita nati nos ut ex nobis semper aliquid fiat & generetur. Inde enim Arist. probabat generationem perpetuo duraturam, quoniam quodcunq; corrumpatur in nihilum abire nō potest, sed ex illo fit unum aliud. Cum ergo calidum agit in humidum aliquid corrumpit, ex quo corrupto aliquid aliud generatur, nam istud calidum putredinale trahit humidum ad circumferentiam. & sic corrumpitur & putrescit mistum, ex qua putrefactione fit aliud secundum quòd dicitur ab Arist. in 4. meteor. humidum enim illud, ex quo fit generatio corrumpitur, & nisi corrūperetur aliud non generaretur, nam ad omnem generationem antecedit alia corruptio si modo

do

do uerum est dictum Arist. quod unius generatio est alterius corruptio, quare ad corruptionem sequitur generatio. nisi granum frumenti cadens super terrā corruptum fuerit & putrefactum, non germinabit dicebat quoq; ille doctor & princeps omnium scientiarum, nam cum calidum internum uincitur ab humido, fit quædam coinquinatio & illa quam græci nomine proprio appellarunt σάπνεσιν, non enim habemus nos nomina latina, quibus significare illam recte possimus, sed & qui uerterunt Arist. illis nominibus utuntur. Quare cum ex actione calidi in humido uincatur ab illo fiet putrefactio, hincq; dictæ sūt istæ qualitates duæ materies putredinis. propterea cum uermutatur ad istas excessiue, quoniam habet eas sed in propria temperie, propterea illius propria substantia corrumpitur, inde est quod non debemus mirari si iste aer in uere ita corruptus corrumpit omnes homines & animalia, cum continue illo indigeamus, ut spiritus ipsi euententur & nutriantur, neq; enim possumus sine illius attractione uiuere, ne per minimū quidem tempus, sicut diximus supra cū haberemus quæstionem propriam, tantum nutriantur nec ne. Auic. modo cum comparauerit ipsas mutationes temporū ad se inuicem, nunc uult dicere quæ sint loca in quibus fieri solet sæpius corruptio & putrefactio aeris propter ipsius mutationem ad illas qualitates, dicit enim quod sit sæpius ista corruptio in locis, quæ sunt inæqualia, in illis enim fiunt magnæ & extremæ mutationes aeris, & non solum in uno tempore anni sed etiam

etiam in una die paruissimo & breuissimo tempore, si
cut sunt loca in quibus sunt montes & ualles, & hoc
non solum probatur experientia, sed etiam ratione,
primo quidem ratione, nam corruptio & putrefa-
ctio ipsius aeris propter uapores humidos & malos
illi commistos, quemadmodum dicebat quoq; Auic. su-
perius, si meministis. ubi ergo colliguntur sæpius ua-
pores illi, aer quoq; sæpius putrescit, modo in locis ubi
sunt ualles colliguntur sæpius & multi uapores, nam
ibi multum possunt radij solis ad euaporandum nõ ad
resoluendum, nam in illis uallibus non possunt tantum
reflecti radij solis, ut possint resolvere. Quare fiunt
multæ euaporationes humide quæ cum misceantur
substantiæ ipsius aeris mutant illum ad qualitates pu-
trescentes. Quare ibi fit corruptio aeris sæpius.
hinc est quod sæpiissime & ferè semper uidemus nebu-
las in uallibus. Sed dicet quis immo uidemus nebulas
in uerticibus montium ferè semper, dico quod illæ non
eleuantur ex montibus sed ex uallibus postea ascen-
dunt montium cacumina. bene ex montibus eleuantur
euaporationes calidæ & siccæ, nam scitis quod sunt
duplices euaporationes; aliæ enim sunt calidæ humi-
dæ, & istæ sunt ex quibus generantur nebulae, aliæ
uero calidæ siccæ quæ in montibus fiunt, ex illisq; fi-
unt uenti, nihil enim aliud est uentus nisi euaporatio
calida & sicca secundum quod dicebat Arist. in secũ-
do meteor. ubi loquitur de uentis, & sicut scribunt
omnes boni meteorologici, ex humidis & calidis fiunt
pluuie, in illis ergo regionibus in quibus multæ &

frequentes euaporationes calidæ & humidæ fiunt, mutationes fiunt magnæ tendentes ad putrefactionē ipsius aeris, modo in illis quæ sunt inæqualiter scabrosæ in quibus sunt ualles multæ & frequentes fiunt humidæ euaporationes. propterea sæpe mutatur aer maxime ad tales mutationes ut corrumpatur ipsa substantia aeris & fiunt ita magnæ mutationes in illis ut sæpissime in una die sint suffocationes propter caliditatem, modo propter frigiditatem. hoc est ergo quod dicit, (Plurimum uero quod accidunt mutationes aeris est in locis diuersorum situum, idest inæqualium & in profunditatibus uallium, sed in montibus, & in altis paucae proprię existunt,) Vult innuere quod notauimus supra, nam etsi sint in illis nebulae & euaporationes, non tamen eleuantur a montibus sed uallibus, propterea si in illis regionibus fiunt magnæ mutationes aeris non fiunt ratione sui, sed quia illis communicantur. Ego uolebam perficere hoc cap. omnino nam sunt aliqua difficilia, sed postquam uideo uos & me defessum esse, propterea audiat is uuum, ut sciatis provide re uos pro crastina die, quoniam enim dicebat Auic. in fine huius cap. (quod si uer est pluuiosum, & sequetur æstas pluuiosa tunc est tempus magis sanum quàm esse possit,) ideo illud a nobis in crastina lectione erit considerandum an ueritatem habeat; Videtur enim habere in se difficultatem aliquam.

LECTIO LVIII.

Et est conueniens, ut sicut tempora dicuntur, proueniāt, ut sit æstas calida, hyems frigida, & similiter vnumquodque tempus, &c.) Vidistis in superioribus omnia quæ attinent ad ipsa tempora, quomodo scilicet mutantur tum ad calidum, ad frigidum, humidum, & siccum, & per illas qualitates mutant humana corpora, consequens est modo ut uideamus reliqua quæ dicit hic Auic. nam dicit quòd tunc sunt maxime conuenientia tempora anni, cum sunt in natura propria, non considerando illa respectu unius uel huius, uel illius indiuidui, sed communiter respectu illorum omnium. natura autem sua est ut hyems sit frigida, uer uero temperatum secundum ipsum Auic. quomodo autem dicamus illud esse temperatum contra Auic. superius ostendimus non est amplius ut illa repetamus, supponantur tantum scita & intellecta quoniam scio uos intellexisse illa. æstas autem calida autumnus inæqualis, tam ad actiuas, quàm ad passiuas qualitates contra Auic. quomodo enim possunt esse conuenientia magis, quàm cum existunt in propria natura. Vnde dicebat quoq; Hippoc. ille diuinus in tertio aphor. 8. aphor. quòd cum sunt constantia tempora anni, & in sua natura consistentia, ægritudines quoq; constantes sunt, sed ut ista intelligatis debetis scire quòd tunc dicitur aliquod tempus esse constans, quando non mutatur aer a sua mutatione naturali pro illo tempore, sed semper

per se habet eodem modo a principio illius temporis, usque ad finem, si ergo tempora fuerint constantia, inquit Hippocr. in illo aphor. .i. si tempora permanserint in sua naturali mutatione a principio usque ad finem, tunc ægritudines quæ in illis fiunt erunt constantes. i. erunt eodem modo a principio usque ad illarum finem, permanet autem in sua natura tempus cum ad aerem nihil extrinsecum accedat, semper enim debetis hoc præsupponere, nam mutatur tum ad frigidum calidum humidum & siccum, cum aliqua id genus alterantia illi accedunt: sed sunt dubitationes in hoc, quoniam si magis conseruantur corpora aliqua in uerè quàm in alijs temporibus, propterea uidetur quòd in illo tempore essent conseruanda, non autem immutanda per alia tempora in quibus fiunt mutationes aeris insignes ad qualitates primas, quoniam cum sint temperata, conseruanda sunt in tempore uno temperato. nam cum ipsa tempora mutantur, mutantur quoque ipsæ temperaturæ corporum, ergo ex his uidetur quòd pessimæ sint istæ mutationes quatuor temporum, ut æstas sit calida in excessu, hyems frigida in excessu, uer autem calidum humidum in propria temperie, autumnus uero inæqualis, nam hyems illa frigefaciet, æstas uero calefaciet, sicque extrema in illa corpora agentia inducent multas malasque ægritudines in ipsa, reliquum ergo est quod natura melius fecisset, si fecisset unum solum tempus medium in quo talia corpora temperata conseruarentur, quale est uer. Ad istas igitur difficultates & dubitationes respondendo

spondeo & dico quòd longe melius est quòd natura fecerit huiusmodi mutationes aeris per quatuor tempora, & istæ mutationes sint insignes, modo ad unam qualitatem, modo ad alteram, quoniam etiam si quis mihi diceret quòd huiusmodi tempus medium & unũ magis conueniret illis corporibus, quæ quidem sunt temperata, nam cum sint in propria temperie magis sunt conseruanda quàm immutanda per huiusmodi qualitates excedentes. si enim sunt sana nonne debent cõseruari in temperie illa & sanitate? quod quoq; nos fatemur non solum nunc, sed etiam superius diximus, diccrem tamen quòd essent conseruanda in sanitate talia corpora $\chi\alpha\rho\alpha\tau\iota\sigma\tau\alpha$. i. corpora illa quadrata quæ describuntur à Gal. sed quoniam raro immo rarissime talia corpora quadrata reperiuntur secũdum quòd dicebat quoque Gal. primo lib. de tuend. sanit. ideo non potuerunt conseruari in illa temperie, quam non habebant. nam omnia fere corpora excedunt in aliqua qualitate. quòd si quandoq; est aliquod corpus temperatissimum, dico quòd ita temperatum est per instans temporis, propterea cum non essent conseruanda per tempus unum solum simile, natura prouida uidit quòd si tempus esset unum in quo dominaretur frigiditas & humiditas, ut hyems, tunc senes & omnes illi qui sunt temperaturæ humidæ morerẽtur, quoniam magis intenderetur sua intemperies, propterea fecit mutationem insignem, in qua dominaretur caliditas excedens, quod tempus dictum est æstas, in isto enim tempore illa insignis humiditas remittit

774 Montanus in primi Auic.
tur, & sic humidi fiunt magis temperati, quoniam
corrigitur error commissus in hyeme & uere, pro-
pter eorum humiditatem. Amplius sunt iuvenes &
corpora calida & sicca quæ morerentur, si semper
esset æstas, quoniam ab illius calore omnino exicca-
rentur propterea natura hyemem humidam frigidā,
quæ corrigeret errorem commissum in æstate confor-
mauit, & tandem cum omnia corpora habeant ali-
quem excessum qualitatis, propterea oportuit esse
diuersa tempora, ut hi bene degerent in hoc tempo-
re, illi in illo: hoc modo enim omnia corpora succedūt
in uita, & sic ordo uniuersi seruatur: nam cum sint
aliqua corpora frigida, aliqua calida, aliqua humida,
aliqua sicca, ideo natura quoq; uoluit ea mutari ad ca-
lidum, frigidum, humidum, siccum secundum mutatio-
nes quatuor ipsius temporum anni. fuit ergo melius
ut natura diuiserit annum per istas mutationes anni
hac de causa, alioquin ordo uniuersi non seruaretur.
sed quid dicemus postea ad Hipp. qui in illo 3. apho-
tex. primo. dicebat mutationes temporum pariunt
ægritudines: potissimum dico quod potest responderi
secundum quod exponit Gal. illum aph. in comm. nam
dicit quod intelligendum est dictum ipsius Hipp. quan-
do fiunt mutationes excedentes & ualde insignes, nō
autem de mutationibus ipsius anni, & si (ut ingenue
loquar) illa Gal. expositio nunquā mihi placuerit,
ratio est, quoniam Hipp. subiungit postea; Et magnæ
mutationes temporum, propterea relinquentes illius
expositionem incidenter quid intelligamus dicemus;
exponamus

exponamus ergo secundam ueritatem illum aph. & ut mihi uidetur, nam dico ego quod in prima parte aph. intelligit de mutationibus anni quatuor cum dicit mutationes temporum potissimum pariunt egritudines: nam exempli gratia tempus calidum ut uer, excitat materiam illam multam quæ est in corpore hominum collecta tempore frigidiori hyemis, propterea cum materia illa excitetur et moueatur parit quoque morbos, unde hac de causa in uere fiunt multe egritudines. dicebat autem Hipp. quod non est ratio ne ipsius ueris quod generentur in illo tot egritudines, quoniam illud est tempus sanissimum, sed est ratione multitudinis humorum, & quidem malorum, qui collecti sunt tempore hyemis, unde uidemus quod si qui sunt uacui malis humoribus, optime degunt tempore ueris, non enim est ipsum tempus quod faciat egritudines sed quia tempus excitat humores existentes in corporibus qui latebant neque mouebantur, ideo cum moueantur, pariunt morbos. dixit enim Hippo. pariunt, quoniam non faciunt, sed excitant humores, qui postea faciunt morbos, immo istæ mutationes temporum soluunt egritudines ultra hoc quod illas non faciant, sicut dicebat quoque Gal. in illius 8. aph. tertie particule citati superius, nam secundum quod reperiunt egritudines illas soluunt, hoc enim uidemus sepiissime, nonne uidemus quod si in hyeme quartana ante generata in autumnno non soluitur, soluitur superueniente uere, sicut narrabat quoque Gal. lib. de diebus decretorijs, & si non soluitur uere, soluitur postea

superueniente æstate. Quare his notatis audiatís modo expositionem incidenter illius aph. primi quæ quadrat longe magis menti ipsius Hipp. dicit enim mutationes temporum potissimum pariunt morbos, intelligendo de mutationibus ipsius anni, pariunt morbos, modo quo dictum est: Sed dicet quis, hic non legitur quòd soluant ægritudines ista tempora, dico quòd intelligendum est, quoniam hac de causa dicit potissimū pariunt, quasi dicat ista quidem tempora soluūt ægritudines, quæ generatæ fuerunt in præcedenti tempore, sed pariunt illas potissimū. subiungit postea Hipp. magnæq; mutationes, quasi dicat non solum mutationes ordinatæ anni, sed & magnæ insignesq; pariunt potissimum morbos. ideo uidete quomodo expositio Gal. nulla est in hoc aph. Quare ut dictum est melius fuit naturam distinxisse annū per huiusmodi quatuor mutationes, quoniam etsi unum indiuiduum magis ualeat in uno tempore, quàm in alio, quoniam magis illi conuenit, tamen quoniam natura non fecit tempora ista respectu Platonis uel respectu sortis illius, uel illius indiuidui, sed ratione omnium simul, ut ordo uniuersi seruaretur quadam iustitia distributiua cœlesti & diuina, cum corpora formasset diuersa in temperaturis, uoluit quoq; distinguere tempora anni & diuersa facere, ut illi bene degerent in hyeme, illi in æstate, & ut soluerentur ægritudines, quæ quidē sunt generatæ in præcedenti tempore, & sic habetis expositionem primi aph. tertię particule, & quomodo natura melius fecit cum formauerit tempora diuersa,

non

non autem uno modo solum, & quomodo sunt conuenientia tempora ipsa cum sunt in propria natura, non omnia ratione unius individui, sed ratione uniuersæ subiungit Auic. (Annis præterea in quo omnia eius tempora secundum unam eueniunt qualitatem, annus est malus, quemadmodum si totus annus fuerit humidus, siccus, uel calidus, uel frigidus &c.) hoc est illud quod dicebat quoque Hipp. in illo tertio aph. tex. com. 7. dicebat enim ipse Hip. diuinus quod si annus excesserit in una qualitate ita quod quatuor tempora excedant in illa, ut uideantur esse unum tempus multæ fiunt ægritudines, ideo malus est. istæ autem ægritudines fiunt secundum qualitatem excedentem, nam si excedat caliditas fiunt calidæ ægritudines, si frigiditas frigida, si humiditas humida, si siccitas sicca, hoc enim uult quoque Auic. qui accepit ab Hipp. dicit ergo (annus enim qui est sic est multarum ægritudinum suæ qualitati proportionalium, quarum tempora erunt postea proluxa) & exemplificat postea Auic. multis exemplis quæ sunt clara ex his quæ sunt dicta à nobis superius, sed antequam exemplificet, prius ponit rationem ad hoc & argumentum. nam si est solum æstas sicca, fiunt plurimæ ægritudines sicca. si ergo in uno solo tempore anni fiunt ægritudines multæ proportionales illi, quanto magis fient ægritudines proportionales cum totus annus excesserit in aliqua qualitate illi proportionali? Cum tunc & uis ipsius agentis augeatur, & tempus longius fiat.

fiat. augmentata enim causa augmentatoq; tempore,
 in quo efficitur res, quanto magis augmentabitur ef-
 fectus: hoc est enim Arist. 6. phys. hic est locus super
 quo argumentatur Auic. sed ipse occultat locū hunc.
 dico hoc propter dialecticos istos. dicit ergo Auicē.
 (Vnum nanque tempus multum commouet
 ægritudinem sibi proportionalem, quanto
 magis totus annus?) modo nunc uult exemplifi-
 care ut ista clariora efficiantur, & primo exemplifi-
 cat de tempore frigido humido, postea de calido, de
 frigido quidem, igitur dicit. (Tempus enim frigi-
 dum cum corpus inuenit phlegmaticum cō-
 mouet epilepsiam &c.) dicit quod si fuerit frigi-
 dum tempus & humidum ualde, sicut hyems, tunc fi-
 unt ægritudines frigide humide, maxime si tempera-
 turæ corporum fuerint huiusmodi frigide humide, nā
 si sit corpus phlegmaticum in tempore frigido humi-
 do patitur morbos humidos, ut epilepsiam & apople-
 xiam. sunt enim ambæ à materia crassa pituitosa fri-
 gida humida impacta in uentriculis cerebri, illos ob-
 struens: sed est differentia, quia cū omnino obstruun-
 tur est apoplexia. si autem non omnino obstruantur
 est epilepsia, & patiuntur spasmus, præcipue illum
 qui est ex repletione humorum crassorum frigidorū
 in neruis, cum illi repleantur istis humoribus frigidis
 crassis dilatantur, & cum dilatantur diminuuntur in
 alia dimensione scilicet longitudine, & ita corripian-
 tur, & fit spasmus. sunt enim duo potissima genera
 spasmī, alterum ex contractione ipsorum neruorum, al-
 terum

terum uero ex eorū repletionē . de illo qui fit ex repletionē intelligit Auic. quoniam ille est morbus frigidus, & paralyſis, quæ est morbus frigidus cum non poteſt tranſire facultas motiua per neruos ad ipſa membra propter obſtructionem factā ex humore frigido crāſſo, aut enim omnino non tranſit, & ſic non mouentur membra, aut obſcure tranſit & ſic mouentur obſcuro motu. Eſt enim quidam ſpasmus. Deinde ponit aliud exemplum & inquit. (Et torturam) Eſt enim ægri- tudo cum ſcilicet ipſa ora torquē- tur modo ad hanc modo ad illam partem. dicitur au- tem ab iſtis noſtris medicis ſpasmus cinicus. Quare cum annus frigidus eſt eueniunt ægri- tudines illi proportionales, ſicut ſunt illæ quæ iam numeratæ ſunt a nobis. ſed ſi annus eſt calidus, eueniunt in il- lo anno ægri- tudines calidæ oppoſitæ eis quæ ſunt di- ctæ, quæ quidem ſiunt a bile, ſicut illæ frigide humi- dæ a pituita crāſſa exiſtente anno frigido. iſtæ autem ægri- tudines calidæ ut plurimum ſunt acutæ. Quare in anno calido ſiunt ægri- tudines calidæ acutæ, ſiunt multi ſudores, febres igneæ & intenſiue quæ à Græ- ci ſolent dici πυρετοι, cō quòd ſint ardentes, ob id recte illas Latini nominarunt incenſiuas. ſunt autem acutæ hæ febres ſecundum quòd dicebat de illis Hip- poc. in illo quarto lib. reg. acut. ſiunt quinetiam apo- ſtemata acuta calidæq; quæ ex bile ſiunt, ſicut eryſi- pelas phlegmonodes, & aliæ bilioſæ, calidæq; ægri- tudines, & hoc eſt quòd dicit, (Et tempus cali- dum cum inuenit corpus cholericum com- mouet

mouet materiam & febres acutas, & aposte-
 mata acuta, quanto magis si unus totus an-
 nus secundum unius temporis naturam in-
 cedit;) eodem modo arguit Auic. ergo in anno fri-
 gidiori, inquit enim quod (Cum est unum solū
 tempus ut æstas calida; fiunt ægri-
 tudines calidæ, quanto magis dicendum est si annus to-
 tus calidus fuerit?) locum enim accipit sicut su-
 pra quoq; . Volo quod omnino hodie perficiamus hoc
 cap. quoniam quod reliquū est facile est, probat enim
 siue declarat quod cum mutationes sunt longiores &
 citiores, fiunt quoq; magis ægri-
 tudines illis propor-
 tionales, si calidæ fiunt quoq; calidæ ægri-
 tudines sicq; de singulis, cum inquit, (Amplius cum cito pro-
 uenit hyems cito hyemales proueniunt ægri-
 tudines, & cum cito prouenit æstas, cito ad-
 ueniunt ægri-
 tudines æstiuæ & mutantur æ-
 gri-
 tudines quæ erant ante secundum iudi-
 cium temporis,) hoc dictum est superius a no-
 bisq; notatum. Cumq; aliquod tempus prolongatur
 multæ eius sunt ægri-
 tudines & proprie æstas & au-
 tumnus. Postea admonet uos ne fortasse erraretis in
 his quæ sunt a nobis dicta, nam diximus ipsa tempora
 facere ægri-
 tudines sibi proportionales, propterea
 dicit, quod cum dicimus, ita non intelligimus illa fieri
 ratione temporum ipsorum, quoniam hoc sit hyems,
 illud uero æstas. sed quoniam sunt qualitates in eo tē-
 pore in aere, quæ alterāt ad similem sibi ægri-
 tudinem, & proportionales. non admiremini ergo Do-
 mini

mini si quandoque nos admonemus aliqua facilia & puerilia, quoniam etiam maximi uiri admonent quādoq; uos illa ne erretis, sicut facit hic Auic. quis enim tam stupidus est, quin sciat hoc quod modo admonet? nullus profecto etiam imperitus, sed est ratione ipsarum qualitatū existentium eo tempore in aere, nam illæ maxime mutant corpora humana, ita quòd secundum suam uirtutem immutant illa, & ita immutant & si in uno die mutetur aer tum ad frigiditatem, tum ad caliditatem, corpora quoq; alterentur, sicut dicebat Hippoc. in illo tertio aphor. & Poeta assuebat. ratione ergo qualitatū aeris fiunt egritudines non ratione temporum in se, hoc est, quod dicit, (Debes autem scire quòd effectus mutationum temporum non sunt propter causam temporis, unde est tempus,). i. ut in se consideratur, sed propterea quòd cum eo mutata qualitas magnam efficit operationem in mutationibus dispositionum, similiter quoq; si uer in una die mutatur de caliditate in frigiditatem mutabuntur secundum eas corpora, addit, (Et in temporibus sanius, &c.) illa sunt clara per se, modo Auic. uult declarare quæ sunt tempora saniora, in quibus communiter omnes bene degunt, illa enim sunt sana tempora, quæ non habent excedentes qualitates in se, neq; uapores mali, dicit ergo quòd cum autumnus est pluuosus, per quas pluias remittitur caliditas sua, & siccitas inducta ab æstate præcedente, & subsequatur illi hyems frigida, sed moderate frigida, quoniam

niam si esset magna mutatio in illa ad frigiditatem mutarentur multum corpora ad ægrotudines, propterea dicit, (mediocriter,) dicit ergo, (& in temporibus quidem, &c.) postea subdit, (Et si uer pluuiosum fuerit & æstas non absque pluuiâ fuerit, erit istud quod sanius esse potest,) dicit non quantum ad uer & æstatem, postquam de autumno & hyeme, dixit quod, (Ver debet esse pluuiosum, & æstas pluuiosa,) Cum enim ita se habent ista tempora saniora sunt quã esse possint. hoc est quod dicit hic Auic. sed hoc uidetur habere maximam difficultatem & uidetur esse contra ueritatem ipsam, nam cum hyems præcesserit ipsum uer, & in hyeme fiant multe pluuiæ, ideo in ea sit aer humidissimus, deberet sequi uer in quo calor esset aliququaliter soluens & exiccans illam superfluum humiditatem, ut non sit humidus aer nimium, et fiant putredines, modo si subsequens uer non solum non exiccet immo sit pluuiosum maxime humectabit aerem, & ita humiditas excessiua in illo dominabitur, quod si fuerit non erit sanum, unde dicebat ipsemet superius, quod in uere debet esse calor qui soluat humidum hyemale non autem qui resoluat, modo si est pluuiosum non dominabitur tantus calor, qui possit soluere. Amplius quod magis est, dicit quod, (Oportet ad uer pluuiosum sequi æstatem pluuiosam consequenter humidam, cum aer ita humectatur fiunt putredines & corruptiones, sicque malæ sunt constitutiones aeris hu-
iuf-

iufmodi,) nam cum unum tempus solum humidū est fiunt illi proportionales ægritudines multæ, quanto magis cum sunt simul tria tempora anni humida, fient ægritudines humida? ergo non sunt sana sicut dicit Auic. secundo quotiescunq; duo tempora sunt ita humida periculum est de putredine, quoniam ut dictum est supra, putredo fit ab humido dominante ipse calido, modo quanto magis periculum erit cum sunt tria, erimus enim quasi certi de putredine, ergo non sunt sana. Præterea Hippoc. primo libr. Epid. recitando ægritudines quæ contigerunt in tali & tali cōstitutione aeris dicebat quod in constitutione aeris humida fiebant pestilentia. modo ista erit ualde humida, ergo multæ erunt pestilentia. Amplius in tertio aph. Hippoc. tex. xi. dicebat quod si hyems fuerit Aquilonia, & uer pluuosum fient febres acutæ, lip-pitudines & aliæ ægritudines, modo hic non solum est pluuosum uer, sed & æstas sequens illud, quanto magis ergo fient illæ ægritudines maxime his qui sunt temperatura humida? Et ipsemet Auic. superius dicebat quod cum hyems est aquilonia & humida, & sequatur illam uer contrarium illi, idest septentrionale, tunc illud emendat errorem in hyeme commistum. si ergo uer fuerit humidum & eiusdem temperatura, quomodo emendabit illum errorem immo maiorem faciet, quanto magis. Et cum subsequetur æstas humida & pluuiosa, quod est contra ipsum etiā Hipp. præterea ille idem Hipp. in illa tertia particula aph. tex. 7. dicebat si æstas sit similis ueri sudorum copiam

copiam in febribus expectare oportet, cum enim uer sit humidum & æstas fuerit humida, tunc fient sudores in febribus, modo si hoc est quod dicit Auic. quod æstas sit similis ueri, uer uero ipse hyemi, quoniam omnia ista tempora sunt humida, quid dicemus de sudoribus? nonne fient maiores in febribus ultra ergo hoc quod non erunt sana erunt pessima, quid ergo dicebat Auic. hic? somniabat ne? audiuiſtis dubitationes has contra ipsum, dico quod non somniabat, immo sciebat ipse quid diceret, nam si recte meministi, exposuimus quoque Auicem. supra quod uer pluuiosum debet esse non excessiua pluuia sed tantum humiditate irrigante; hoc stante dicit modo quod cum uer est pluuiosum. i. in uere sunt pluuie aliquæ, quæ tantum irrigent & humectent parum aerem, non. autem quod scatet pluuijs, sicut est istud nostrum uer quod undique pluuijs scatet, nam tunc pericula sunt quæ dicta sunt, sed cum est hoc modo pluuiosum uer & æstas sequatur humida et pluuiosa moderate neque tota sed in principio parum; quoniam si tota pluuiosa esset tolleretur seges. optime ergo dixit Auic. (æstatem debere esse pluuiosam moderate) quod sit uerum audiatis illius uerba. dicit enim. (Et æstas non sit sine pluuia, ita quod non debet esse sicca, sed neque pluuiosa) propterea optime decantabat ille Poeta, Humida solstitia atque hyemes optate serenæ Agricola. ecce quomodo ipse optime dixit solstitia debere esse humida, non tota æstas ut relinquatur tempus non æstus remittendo calorem illum intensum, tempore

tempore enim illo medio oportet remittere æstum ne exurantur plantæ & segetes . maximum enim periculum est de huiusmodi exiccatione . propterea poeta optime exprimit hanc rem ut melius exprimere non potuerit, cum dixit solstitia, sicut aliàs quoq; omnia optime expressit. cum igitur uer moderate humidum est & æstas non sine pluuiâ circa solstitium, optimum sanumq; tempus est . propterea contrariæ apparentes authoritates et rationes nil ad propositum, quoniam arguunt de excessibus qualitatis humidæ . nos autem de temperatis .

LECTIO LXIX.

Caput quintum doctrinæ secundæ , Fen
secundæ primi .

DE aere bono &c.) hætenus uidimus de natura ipsius aeris & illius mutationibus naturalibus, dicebamus enim in principio huius tractatus mutationes ipsius aeris alias esse secundum naturam, alias uero præter naturam . de illis quæ sunt secundum naturam primo locuti sumus quæ sunt mutationes temporales, tempora enim sunt naturales mutationes et ordinatæ ipsius aeris, unde diximus illam esse bonam mutationem & secundum naturam, quotiescunq; aer remanet in propria substantia, neq; mutatur in illa, sed tantum mutatur secundum qualitates, & quidem non excedentes, sed moderatas, illaq; tempora diximus esse

esse sana & conuenientia quæ à sua natura non egrediuntur. Cum ergo Auic. locutus sit de ipsis mutationibus aeris naturalibus essetq; locuturus de alijs quodque mutationibus ipsius, nunc merito proponit agere de mutationibus illius præter naturam existentibus, et quoniam cum mutatur præter naturam non solū mutatur secundum qualitates excedentes, sed etiam secundum substantiam ipsam, propterea tantū & prius uult agere de mutationibus illius præter naturam in propria substantia, postea de illis quæ fiunt in qualitatibus excedentibus, & non solum de mutationibus præter naturam ipsius substantiæ aeris sed etiam secundum naturam, merito ergo & optime inscripsit hoc cap. Auic. (de aere bono) in cuius comparatione aget quoq; de malo non secundum qualitates, sed in propria substantia malæ. debemus enim hoc supponere, & pro firmo tenere, quod Auic. in toto hoc cap. non agit de aere mutato secundum calidum, frigidum, humidum, & siccum, sed mutato in propria substantia illius, quoniam de bonitate ipsius aeris egimus satis supra, nunc modo agendum est de bonitate illius in propria substantia. Sed antequam ueniamus ad expositionem tex. uolo quod supponatis prius unū maximum fundamentum, quod non solum apud omnes philosophos naturales conceditur, sed etiam apud mathematicos & medicos, quod quidem tale est: aerem diuidi in quatuor partes, prima illius pars est quæ suprema & apud ipsum ignem existens purissima subtilissima calidissimaq; calidissima quidem, quoniam

niam propinqua est ipsi igni calefacienti & attenuanti, propterq; motum ipsum corporum superiorum diuinorum; subtilis enim fit, propterea ista pars purificatur. optime ergo diximus quod calidissima est tenuissima & purissima. secunda pars aeris est huic de diametro opposita quæ scilicet includitur in terræ cauernis crassa & ualde impura mista et frigida, quæ quidem propterea potius dicendus est uapor quam aer. mistus enim est modo quo uapor ille qui a terra exhalat. Præter istas duas partes est tertia quoque quæ quidem supra terram est innatans quæq; secundum ipsum possidonium mensuratur 40 stadiis, scitis autem uos quod stadium est octo milium passuum, de qua maxime nos qui sumus medici loquimur, quoniã in hac parte habitamus, hac nutrimur, hacq; componimur, hanc inspiramus, quæ quidem non est ita sincera sicut illa quæ proxima ipsi igni existit, neq; ita impura & mista sicut illa pars, quæ est in cauernis terræ inclusa, sed neq; ita tenuis sicut illa, neq; ita crassa sicut ista, quæ propter suam crassitiem dicitur potius uapor, quam aer, sed est media, quæ quidem cum sit longinqua ab influxibus cœlestibus & radijs solaribus calefit quidem, sed non ita ut prima pars, infrigidatur autem propter illam partem aeris, quam uaporem rectius nominauimus quam aerem: propinqua enim est illi. habemus tres partes ipsius aeris, reliquum est ut addamus modo quartam partem & ultimam: quæ secunda est descendendo supra illam secundam & propinquas primæ quæ apud ignem est, pro-

pterea cum multum à terra distet, radij non possunt ita ad illam reflecti, propterea fit infirma in caliditate, propterea in primo loquentes quidam philosophi modernorum dixerunt hanc partem non solum esse frigidam, sed etiam esse frigidissimam in excessu: dicunt enim quòd parum potest calefieri cum in eam reflecti radij non possint, oporteret enim illū esse quoddam corpus solidum & densum, nullo enim alio modo possunt reflecti radij solares, propterea illi reflectuntur in terra quæ densa est & corpulenta, sed cum sit admodum ab illa longinqua cum sit supra terram 40 stadijs, ideo radij reflexi ad eā deuenire non possunt, ideo frigida relinquitur. sed quantum deuiarint à ueritate isti moderni, manifestum est, quantum etiam falsum sit illud fundamentum. Nam aer apud etiam omnes philosophos in propria substantia calidus est & humidus, nisi ab extrinseco aliquo quod illi miscetur non infrigidetur, modo ad illam partem trahi non possunt uapores tanti, qui cum illi sint misti, infrigidant eam. Cum ergo in propria substantia semper sit calidus humidus aer, has enim qualitates illi adiunxerunt philosophi, quoniam ergo frigidissimus est, nam caliditas & humiditas ita sunt intrinsecæ aeri, ut illis ablatis auferatur ipse aer, nā sunt in illius substantia, imò sunt formæ propriæ ipsius aeris secundum aliquos philosophos, qui dicunt qualitates primas esse formas quatuor elementorum, uel sunt saltem immediate consequentes formam elementorum alios philosophos. Quare cum in propria natura sit calidus, relinquitur

tur illam partem calidam esse, alioquin aer non esset. Præterea quomodo dicunt isti illam partem aeris non solum esse frigidam, immo frigidissimam, cum tamen si hoc esset sequeretur unum maxime absurdum. sequeretur enim cum per ipsos quoque frigidi sit condensare & incrassare, quod illa pars aeris condensaretur et incrassaretur, si parte est frigidissima, sed omne quod densatum est iam descendit, quoniam ad densitatem sequitur gravitas, ergo illa pars descenderet sub forma ipsius pluviae, quoniam cum aer condensatur & infrigidatur, tendit ad naturam aquae. ecce quomodo deducti sunt ad istud falsum & maximum inconueniens, si enim descenderet, quomodo esset postea secunda pars? Quare relinquitur contra istos modernos quod illa pars aeris non sit frigidissima, & certe ego nescio ubi acceperit hoc ille Albertus, nescio ubi imaginatus sit ista phantastica, cum hanc suam opinionem neque per authoritates magnorum philosophorum possit probare, neque per aliquas rationes, sed neque per signa non debemus ita imaginari phantastica; bene dicam & ego quod ista pars aeris frigida est, sed non absolute sed comparatiue & relatiue ad partem illam quae proxima est igni, quae omnibus partibus aeris frigidior est, sed cum illius comparatione sit frigidior dicto postea quod comparatione etiam istius partis tertiae nobis proximae & naturae est calidus, quoniam semper calidus est in propria natura aer, alioquin non esset aer, propterea calidior ista parte nostra sed non semper, sed quandoque calidior quandoque uero frigidior,

dior, calidior quidem puta cum est hyems, nam iste per frigiditatē in frigidatur, ille uero per quandā anteperistasin ut dicit Arist. fit calidior, sed cum per magnam caliditatem ipsius solis aer iste noster aestuat et calefit, tunc calidior est illo qui supra ipsum est, ut contingit in tempore aestatis. per calorem enim magnum solis expellitur ab illo frigiditas, in eumq; inducitur caliditas, ita quod fit calidior omnino. cum ergo aestate ille aer qui supra hunc est sit frigidior, propterea uidemus quod in illo generatur grando. cum uero iste noster frigidior illo est ut tempore hyemis in illo sit ipsa nix, secundum quod dicunt philosophi, in aestate uero cum sit calidior in illaq; parte superiori frigidiori generetur grando, in ista generatur ros & pluuia, propterea uidetis quomodo isti decepti sunt & hallucinati dicentes partem illam aeris frigidissimam esse. o bene concedam ego quod modo dictum est à nobis comparatiue esse frigidam illam partē aeris, sed facta ista diuisione aeris in quatuor partes, quæ omnino erat à nobis præscienda alioquin nihil intelligeretis de aere dicta & dicenda. dico modo quod futuro bono medico non solum necesse est considerare istam partem nostram aeris, ex qua componimur, & quotidie nutrimur, quæ tamen illi magis necessaria est, sed etiam alias partes, quoniam faciunt illæ quoq; ad cognitionem huius nostræ partis, quæ principaliter est consideranda, quomodo enim sciemus aerem hunc alterari modo ad frigidum modo ad calidum nisi prius cognouerimus per quæ alteratur? nam po-
test

test alterari ad frigidum tum per ipsos uapores ascendentes, tum propter grandinem illam quæ descendit; al calidum autem alteratur quoniam propinqua est parti superiori aeris calidiori, oportet ergo bonum medicum considerare istas partes, ut sciat quomodo alteretur ista pars, quam inspiramus quæq; necessaria est nostræ uitæ. hoc est quod primo erat notandum a uobis Domini maxime faciens ad intelligentiam eorum quæ dicentur, sed secundum quod notandum est à uobis erit hoc quòd aerem bonum contingit esse dupliciter, alio modo enim dicitur aer bonus, ut cōsideratur in propria natura, alio modo ut cōsideratur relatiue. Cum ergo his duobus modis dicatur aer bonus, dico modo quòd ille est bonus aer, cum in propria natura consideratur. qui quidē est in propria & debita natura nō mutatus ad alienā naturam. bonus ergo aer erit cū in propria natura cōsistat, consistet autem in propria natura cum ab extrinseco nō fuerit mutatus ad alienam naturam. Quādo uero consideramus aerem modo secundo, non in propria natura, sed relatiue, tunc dico quòd aer ille proximus aeri & sequens illum non est bonus, relatiue dico ad nostra corpora, quando ex illo nutriri non possumus, neq; illum possumus inspirare, nam si ipsum inspiraremus moreremur & suffocaremur, cuius signum est quòd cum ista nostra pars calescit nimis suffocantur animalia. non enim possunt euentari spiritus. modo inspiratio aeris data est ut illi euententur ex eoq; aere nutriantur. non enim possumus illo nutriri qui pro-

ximus est aeri, quoniam nobis non est conueniens, ne
 que ex illo sumus compositi, ex illis autem non possu-
 mus nutriri, ex quibus non sumus. nam dicebat quo-
 que Arist. ex his nutrimur ex quibus constamus. mo-
 do faciamus sic, ex illo aere supremo nō constamus,
 sed ex hoc nostro, quem quotidie incolimus. er-
 go ex illo non nutrimur, sed ex isto nostro, quia iste
 noster aer bonus est comparatiue ad nostra corpora,
 quoniam illum inspiramus, ex illo nutrimur, ex illoq;
 constamus, qui impurus & mistus est neq; ita calidus
 sicut ille supremus, modo non alteretur ad malas qua-
 litates, & ad naturam substantiāq; malam. Quomodo
 enim bonus esse ille potest, cum si illum inspiraremus,
 suffocaremur, quoniam non solum non euentat spiri-
 tus sed illos magis calefacit. Vnde dicunt isti moder-
 ni, quod ex hoc est quod cum aliquis cadit ex sublimi
 loco in terram, antequam sit in terra mortuus est; nō
 enim est propter concussionem & contusionem, quo-
 niam nondum concutitur, sed est propterea quia illa
 pars sublimis aeris subtilis est & calida, ideo cum ca-
 denda illam attrahant, neq; spiritus possint euentari
 suffocantur. Quia si esset aliquis mons (dicunt isti) al-
 tissimus qui attingerent partem illam aeris ita calidā,
 superq; illius cacumen homo ascenderet suffocaretur
 attrahendo aerem ita calidum, sed non inuenitur mōs
 ita altus, neq; enim est mons qui pertranseat medium
 miliare uel circa, dico per lineam rectam, non per
 obliquam, quoniam sunt aliqui qui sunt 30 miliarū,
 sed nunc dico per lineam rectam; quare dicemus con-
 cludendo

cludendo quòd aer iste noster qui est tertius descendēdo optimus est quoad nostra corpora, modo non alteretur ad malum. alteratur autem ad malum per multas causas. dico quòd alteratur nunc ad malū in substantia, non quoad qualitates, quoniam de illis mutationibus satis dictum est in superioribus. alteratur ergo ista pars multis causis ad illam accedentibus, primo quidem propter uapores malos qui cum illa permiscuntur & immutant illius substantiam. amplius propter influxus cœlestes. isti enim maxime immutant substantiam huius aeris, & alteratur immutaturq; propter radios ipsos reflexos, & per alias causas de quibus loquemur in hoc cap. ista sunt de quibus loquimur, quoniam intendimus agere de mutatione illius aeris secundum substantiam. (Aer bonæ substantiæ, &c.) Dico quòd Auic. hic supponit & in toto cap. quòd aer in propria substātia alteratur per duas causas tantum: primo per uapores qui illi commiscuntur, propterea ille optimus est aer, cui non sunt permisti uapores mali, ille autem qui est discooper tus cœlo neq; sint aliqua ex quibus possint eleuari mali uapores, bonus est maxime clarus existens & humidus, ultra hoc enim quòd non habeat uapores euē tatur, ideo non est tantum periculum quòd corrumpatur, sed aer ille qui inclusus est inter parietes domus, cum in domo sint multæ spurcitæ, ex illis eleuantur uapores mali qui permisti cum ipso aere immutant illum ultra illud quòd addit Auic. ipse enim dicit quòd est malus ille, qui est constrictus intra parietes, quoniam

quoniam non cuentatur. Nos autem addimus aliam causam, propter scilicet uapores multos existentes in domo. hæ ergo sunt duæ causæ cur alteretur aer in propria substantia, & uapores misti & prohibita transpiratio, atq; cuentatio, sed est quoque alia tertia causa fortior ualde ultra istas, quas dixit Auic. sunt autem ipsi influxus cœlestes, qui maxime faciunt ad immutationem ipsius aeris, maxime enim immutāt illum ad putredinem. Vnde quòd hoc sit uerum manifestum est, quoniam Astronomi dicunt quòd in coniunctione ipsius Iouis & Martis accidit putredo & corruptio ipsius aeris, consequenter pestilentie, nam calidum extrahit humidum, & imputrescit illius substantia, ratio est quoniam Iuppiter est calidus humidus secundum ipsos Astronomos, Mars uero calidus & siccus, propterea cum calor maximus ipsius Martis exurat humidum Iouis & illud extrahat, facit putredinem, sicq; accidit putredo in aere, nam ita bene fit putredo a calido debili humidum coinquinate, sicut calidum forte humidum extrahente, propterea dico quòd medicus debet maxime cōsiderare has tres causas, propter quas aer immutatur in propria substantia, tum propter uapores, tum propter cuentationem prohibitam, & non solum has duas, sed etiā aliam tertiam quæ maximi facienda est, certe ideo oportet uos habere Astrologiam, ut cognoscatis istos influxus cœlestes, coniunctionesq; aspectuum, neq; spernendæ sunt istæ scientiæ a uobis, quoniam erat quoque præceptum illius diuini Hipp. in suo lib. de ae

re & aqua, ubi dicebat Hippo. quòd astronomia maxime facit ad medicinam, neq; enim potest esse bonus medicus, nisi sit quoq; Astronomus. Quia cum tot de causis possit alterari substantia ipsius aeris, debet illas omnes cognoscere, ut dixi, medicus, ut cognoscat mutationem aeris fieri propter hanc, uel propter illam causam. Quantum autem necessarium sit medicum cognoscere mutationes aeris, manifestum est, quoniam cum mutatur aer in substantia, non huic uel illi tali, uel tali nocet, sed omnibus insimul animalibus, insicit enim omnia etiam animata, sicut dicebat ille idem diuinus Hippoc. & nos superius diximus de mente quoq; ipsius Gal. Quare cū mutetur in substantia noceat omnibus, dicemus quòd erit malus aer in substantia propria, modo huic uel illis omnibus, eodē quoq; ergo modo hic intelligimus, quando dicimus aerem esse bonum non secundum qualitates, sed cum est in substantia bonus, neq; solum bonus est huic uel illi indiuiduo, Petro uel Philippo, sed ut omnibus indiuiduis bonus est. debetis hoc pro certo supponere q, acturi sumus de illius bonitate et alteratione ad malū, cum talis est in substantia, quoniam de mutationibus secundum qualitates dictum est, non oportet amplius repetere neq; considerabimus, quatenus huic uel illi conuenit, sed ut omnibus, neq; ut uni climati et regioni conuenit uel alij, sed ut omnibus climatibus, non ut conuenit Gallo uel Hispano, nam cum aer mutatur ad qualitates bene magis confert uni quā alij. alij autem nocet. scitis enim quòd si Germanus feratur in Indiam

diam morietur, quoniam ille aer calidus ei non conuenit, Amplius etiā si feratur Indus in Germaniam, quoniam ille aer frigidus ei non conuenit moritur, propterea secundum diuersas temperaturas aer quoq; diuerse conuenit & disconuenit secundum uarias eius qualitates, sed quoniam nos non sumus locuturi de huiusmodi mutatione, sed de illius mutatione secundum omnem substantiam, cum autem mutatur secundum substantiam omnibus nocet, non huic magis quā illi. propterea diximus supponendum a uobis esse nos tractaturos de mutatione aeris, eiusq; bonitate in propria natura & substantia, sicut erat in illa maxima pestilentia toties dicta & manifesta uobis, ut credo, quæ describitur à Gal. Hip. & illo florētissimo poeta Thucidide. in illis enim annis corruptus fuit ita aer in propria substantia, ut in illa constitutione aeris omnia animalia morerentur, quæ erant non in uno climate, sed erat tanta pestilentia illa, ut morerentur omnia, tum in 2. 3. 4. quintoq; climate, sed cū Hippoc. diuinus reperiretur in Theßalia apud Regem illius prouinciæ, uolens ipse propter suam maximam prudentiam saluare Regis regionem curauit incidendas omnes syluas quæ erant in Theßalia, illasq; comburendas, ita quod mutatus fuit aer ad propriam substantiam saluataq; est regio illa, cum tamen in alijs climatibus nulli datum esset uiuere, tanta erat putrefactio aeris. Cum non uelitis me amplius legere, audiatis unum uerbum solum. Iam sunt declarata illa quæ erant declaranda in hoc cap. nihil enim habebitis

tis quòd modo non sit clarum in illo, legemus modo cras literam Auic. illamq; exponemus, & ut possitis uos preparare uolo admonere uos, quoniam in hoc saltem uolo sequi Gentilem & alios. Volo enim prætermittere hanc partem tex. in qua tractat de mutationibus aeris adhuc, nam est longissimus tractatus et facilis, ita quòd non indiget expositione, sed illū per uos poteritis percurrere. transibimus ad alia maioris momenti, & incipiemus illud cap. quod dicit de motu & quiete, ne immoremur in facilibus, & difficilia relinquamus: neq; enim ista exposuit ille Gentilis, & quod fecit Gentilis alij quoq; fecerunt, propterea nolo ut in his conteramus tempus.

LECTIO LX.

CIRCA considerationem de aere bono ut consideratur in propria substantia uidimus omnia, quæ erant declaranda circa intelligentiam huius boni aeris mutatione ut modo ueniremus ad expositionē tex. Auic. ita quòd lectio præmissa fuit tanquam quoddam argumentum, & commentarium huius literæ. Videamus ergo nunc quid dicat Auice. (Aer bonæ substantiæ est aer cui non admiscetur ex uaporibus, nec ex fumis res extranea, &c.) Dicebamus in superiori lect. quemadmodum erant tres causæ quæ mutarent bonitatem ipsius aeris in substantia. primo erant ipsi uapores ascendentes a terra illiq; commisti. secunda causa erat ipsa euentatio,

tio, quia quanto magis aer euentatur, tanto magis stat in propria substantia, & hæc sunt duæ causæ de quibus meminit Auic. in hoc cap. secundum autem magis & minus de uaporibus illi commiscetur magis & minus corrumpitur. tertia causa fortissima ad causandam putredinem erant ipsi influxus celestes, de qua quidem causa Auic. mentionem non fecit. nos autem illam duabus primis addidimus, & non inmerito, quoniam potentissima causa est ad illud peragendum, exponamus modo tex. (Aer bonæ substantiæ,) Ecce quomodo loquitur de bonitate aeris, eiusq; mutatione in propria substantia, (est aer cui non admiscetur ex uaporibus nec ex fumis res extranea,) notate illud, (res extranea,) nam aer semper est cum aliquibus uaporibus, tuncq; est purus ab illis, propterea etiam si uapores aliqui illi immisceantur, non propterea statim sequatur quod sit malus, quoniam non adhuc corrumpitur, propterea dicit quod est bonus dummodo tamen de uaporibus illi commisceantur ut corrumpatur illius substantia. Ecce (res extranea.) id est magis quam oporteat. Cum ergo commisceantur ipsi aeri multi uapores & fumi tunc aer corrumpitur in propria substantia. dicuntur autem istæ exhalationes secundum quod dicebat Arist. in primo illo lib. meteor. quæ quidem sicut dicebat ibidem Aristot. duplex est. alia enim calidæ, stecæq; complexionis, alia uero calidæ humidæ, fumus ergo apud Auic. est exhalatio calida, stecæ apud Arist. quæ cum sit igneæ complexio

nis,

nis, propterea dicitur ab Auic. fumus; uapor autem apud Auic. est exhalatio calida & humida. ex euaporatione autem & exhalatione calida & sicca cum sit natura ignea generatur in sublimi ignes, cometae, fulgura, & talia ignea, ex illa autem calida humida fiunt ipsae pluuiae, grandines, & alia, quae generantur in sublimi multa. exhalatio autem ex qua fiunt ipsi uenti, non est omnino calida sicca, sed neque calida humida, sed est quaedam media exhalatio, neque enim propterea contradico Arist. immo cum illo eodem sum & uideatur dicere quod illa exhalatio calida & sicca sit materia uentorum. bene uerissimum est quod est illi propinqua & tendit ad calidum siccum, non tamen omnino est illa calida & sicca exhalatio, ex qua generantur cometae. est ergo quaedam media exhalatio inter illam & istam, cuius signum est quod ex illa calida sicca generantur ignes, ideo uenti essent ignes, uapores ergo. i. exhalatio calida humida mutat aerem in propria substantia, reddunt enim illum crassum obscurum, & corrumpunt ipsum, & fumi, idest exhalatio calida sicca corrumpunt ipsum aerem, cum ex illa fiant res igneae, quae postea corrumpunt ipsum. Cuius signum illud est quod fiunt multa & pessimae aegritudines cum multa fiunt fulgura in aere, cometae, & talia, quae ex huiusmodi exhalatione generantur. maxime enim calefit aer, & ita maxime calefactum putrescit, propterea quia ita bene corrumpit & putrefacit calor igneus & intensissimus, sicut calor remissus, non tamen eadem ratione, sed
calor

calor quidem igneus est causa putredinis, quoniā ex-
trahit quāprimum ipsum humidum, & ita mistum
derelictum ab illo putrescit, calor uero remissus est
causa putredinis in omnibus corporalibus, quoniam
uincitur ab humido. cum enim illum non possit rege-
re, succumbit & ita mistum putrescit, sicut cum sunt
multæ euaporationes calidæ & humidæ permixtæ ip-
si aeri. secundo bonus aer est ille qui est discoopertus
cælo, quoniam mouetur semperq; in motu consistit.
Amplius & per hoc possumus intelligere nostrā ter-
tiam causam, quoniam ille aer qui est discoopertus
cælo melius suscipit ipsos influxus cælestes. hoc enim
possumus intelligere per hoc etiam, quia cum cælo
est discoopertus uidetur paratus ad recipiendum in-
fluxus illius, & etiam quoniam mouetur & euentat-
ur magis. per motum autem illum prohibetur cor-
ruptio & putredo illius, semper enim mouetur uer-
motu ipsorum corporum cælestium, idest motu orbi-
culari secundum Arist. in primo lib. meteor. motus
ergo illius prohibet corruptionem suam. Amplius cum
semper sit in motu non potest ita facile recipere im-
pressiones malas per quas possit corrumpi. motus. n.
expellit ipsam impressionem, cum non dimittat illam
imprimi in ipsum passum. hinc potestis accipere cau-
sam, cur aquæ illæ quæ sunt in continuo fluxu et mo-
tu nunquam putrescunt. fluminū enim aquæ nūquam
putrescunt, bene illæ quæ sunt permanentes & quies-
centes in palustribus locis. subdialis ergo aer his ra-
tionibus bonus est, quoniam non ita facile putrescit,
euentatur

euentatur enim etiam per ipsos uentos : modo euentatio prohibet putredinem ; scitis enim quòd prohibita euentatio causat illam , sic quoq; per oppositum euentatio prohibet putredinem . aer autem ille qui est constrictus intra parietes ipsius domus non est ita bonus , non est , quoniam non habet illas causas quæ faciunt illum esse bonum , neq; enim habet motum , sicut ille qui est coelo discoopertus , neq; enim potest moueri motu uniuersi , idest circulari , quoniam cum intra illos parietes conclusus est , uidetur quodammodo ut ita loquar incarceratus , propterea non est mirum si nō potest moueri : hinc est quòd facilius potest putrescere quàm subdialis , quoniam ut dixi prohibita transpirationis ratio causat putredinem . sed est quoq; alia ratio longe etiam fortior : quoniam uidemus quòd quanto maior est quātitas unius rei , tanto magis resistit agenti in illam : quanto minor fuerit quātitas illius , tunc minus resistenti agenti in ipsam . sic ergo quanto maior est quātitas ipsius aeris , tanto magis aer resistit calori putredinali , & suæ corruptioni , quanto minor est illius quantitas , tanto minor quoq; erit illius resistentia , maiorem enim habet resistentiam maius quantū ad ipsum agens , quàm minus passum , dico ad idem agens , & agens eiusdem uirtutis secundum quòd probabat Arist. in sexto phys. hinc ergo est quòd facilius putrescit aer inclusus intra parietes domus , quoniam est minoris quātitatis quàm aer subdialis . habet enim minorem resistentiam ad ipsum calorem putredinalem . Est quoque alia tertia ratio , quoniam ille aer

qui est conclusus intra parietes non potest recipere influxus cælestes, neq; radios solares possunt illum omnino attingere, ideo cum illis priuatur non est ita bonus in propria substantia sicut aer subdialis, facilius enim hanc ob causam putrescit. Quare iam audistis qui est aer bonus, & qui non est ita bonus. Vos ergo qui exercitaturi estis praxin, & futuri estis medici, non tantum circa aerem debetis obseruare illa, quæ præcipit Hippo. qui præcipiebat medico, ut cum aliquem haberet curandum cognosceret prius latitudinem ipsius climatis, sed etiam regionis, sed oportet etiam quod obseruetis alia, num scilicet aer in ipsa domo quam æger incolit sit bonus uel non bonus: si est bonus conseruandus est a uobis. si autem non bonus, oportet quod sitis diligentissimi ut illum bonum reddatis. nam quandoq; sunt aliqui qui etiam si non ægrotent alia de causa, tamen propter aerem domus in qua incolunt ægrotant; hac de causa oportet uos esse diligentissimos. sunt enim aliqui ita crassi, ut nullo penitus modo considerent ipsum aerem uel sit bonus, uel non bonus. uidimus enim sæpius & scimus quod aliqui ægrotantes quàm primum mutarint aerem cubiculi, statim sanati sunt, tanti momenti est aer, cuius rei signum est quod etiam Gal. maximi facit illum, nam semper ponit illum inter principalia a medico considerata in curatione ipsorum ægrorum, nam ipse in nono Therap. dicebat tria esse principaliter considerata in qualibet bona curatione. primo n. debet considerare ipsam ægritudinem, secundo temperaturam

peraturam ipsius ægri, tertio ipsum aerem. tanti. n. facit ipsum aerem Gal. cum ergo æstis in curatione alicuius hominis statim considerate aerem non solum climatis & regionis, sed & ciuitatis, uici, & ipsius domus. Circa praxin enim optime uos geretis si ista feceritis. nam quid facit ad ipsum ægrum aer climatis & regionis bonus, ut postea aer in quo moratur non sit bonus? Aduertatis ergo quamprimum ad illū aerem in quo moratur, sicut potestis meminisse me semper aduertere, si enim est malus, oportet quod immutetis domum si potestis, si autem non potestis, saltem mutabitis ipsum aerem illius domus siue cubiculi, ego enim sæpius hoc facio sicut uidistis me. euentato autem aerem cum hoc quod æger non nocetur etiam si esset tempore hyemis, nam curo ipsa tentoria circa ægrum trahi, quæ nostri uocant pauigiones, sicq; concludi diligentissime & postea aperiantur fenestræ, ut aer possit euentari, cum suffumigijsq; optimis illum mutamus ad bonitatem in substantia, sicq; prohibemus aeris malitiam ne etiam corrumpatur et putrescat. neq; nocemus ægro. maxime ergo aduertatis ad istum aerem si bene circa curationes uultis uos agere. Cum non in aere accesserit putrefactio communis discoopertus magis erit recipiendus quàm constrictus intra parietes. Excipit ex data regula unum casum, nam semper bonus est discoopertus cœlo, nisi accidit casus iste ut fiat in omnibus putrefactio communis, tunc enim melior est constrictus quàm discoopertus: in alijs uero omnibus casibus semper

melior est ille subdialis, id est est minus malus, minus enim suscipit putrefactionem in sua substantia ille qui est intra parietes constrictus, quoniam non ita est aptus ad suscipiendos uapores malos, maxime cū putrefactio accidit in pestilentijs ratione magnæ & superflue humiditatis. Vnde uidimus nos in nostra ciuitate Veronæ anno millesimo quingentesimo à natiuitate Domini 12. cum erat illa magna pestilentia, ut omnes ciues & homines morerentur, erat enim postea uacua illa ciuitas tanta strage facta a putredine ipsius aeris a superflua humiditate, multi quasi a natura instructi claudebant suas fenestras, & in cubiculis clausis morabantur cum acetoq; aspergebant illa, & ita exiccabant illum aerem. docti enim uidebantur ab ipsa natura, omnes femellæ etiam hoc faciebant. melior enim erat tunc ille aer domicilij, quàm discoopertus cælo, quoniam non poterat tantam humiditatem suscipere, consequenter neq; ita putrescere, postea etiam aceto magis illum exiccabant. uideate ergo quantum iuuat medicina, ut manifestum fiat optime fuisse dictum ab Hippo. medicinam esse donū Dei, quod quidem semper miratus sum, quoniam ista ars est donum certe ipsius optimi Dei; est enim nobis lior omnibus artibus, & omnibus rebus, maxime homini conuenientissima illiq; utilissima, cuius manifestum signum illud est, quod non est aliquis ita rudis neq; etiam femella aliqua quæ nesciat aliquid de ipsa medicina, sicut dicebat ille diuinus Hippo. in suo lib. de medicina, propterea melior est aer qui est constri-
ctus

Etus intra parietes, & minus malus quàm subdialis, quoniam non ita putrescere potest. in alijs uero casibus melior est subdialis. Sed cum iam Auic. ostenderit bonitatem aeris, idest quando aer est bonus per causas duas, & nos per tres, nunc modo uult ostendere illius bonitatem per signa, & illius malitiam, et dicit quòd ille malus est aer, qui est tenebrosus, crassus & obscurus, nebulosusq;. accipiat is uos aerem clarum limpidum & lucidum, dicatisq; illum esse bonum. hoc est ergo constantissimum signum ad cognoscendam bonitatem aeris eiusq; malitiam, si perspiciamus an sit perpetuo clarus uel obscurus, nam ille obscurus & crassus est malus, cum etiam habeat causas illas tres uel aliquas illarum quas diximus. cū ergo ostendimus iam per demonstrationē propter quid aerem bonum et malum qui dependeat ab illis causis uel non dependeat, postea facimus demonstrationem quia, siue signi, cum ostendamus illum esse bonum uel malum, qui habet talem & talem affectionem, oportet ergo uidere an sit tenebrosus, uel lucidus & clarus, ille autem non est tenebrosus aer, sed clarus, in quo non sunt uapores crassi qui ad illum proueniant ascendentes ex stagnis paludibus. hic sciatis quòd summus quoque bonitatem & malitiam ipsius aeris a solo & terra, in qua est, nam cum solum est tenue & sterile uapores ab illo eleuati sunt tenues, non autem crassi. propterea cum aeri commiscetur non incrassant illum. Vnde uidemus quòd cum solum ipsius Veronæ sit sterile saxosum & tenue, aer ille bonus

est, quoniam uapores crassi non eleuari possunt cum illoq; commisceri. Sed cum peruenitis ad solum Patauinum, quod pingue est & crassum, ipsum uidebitis aerem esse crassum, & non ita clarum, & propterea uapores crassi perpetuo in illum ascendunt, & fit crassus, tenebrosus, & obscurus magis quam ille Veronensis noster. Hinc est quod ille aer Bononiensis pessimus est, sic obscurus est semper & crassus tenebrosus propter multos & crassos uapores ascendentes in illum ex ipso solo, quod quidem pinguisimum est & fructuosum, nam est quidem frigidus propter multos uentos ibi dominantes, semper flantes; est postea humidus ualde propter uapores humidos crassos ex terra eleuatos, est quidem igitur Bononia ditissima, sed pessima quoad sanitatem. Vnde si aer ille Veronensis esset Bononiæ illa esset melior in sanitate, quam est. si autem solum Bononiense esset Veronæ tunc illa esset longe ditior, quam est. dicit ergo Auic. (Et hic quidem bonus aer permanet clarus, nisi cum eo uapores, &c.) notate Domini illud nisi, quoniam facit exceptionem nunc Auic. ille enim est bonus aer, qui est clarus & non tenebrosus de se propter agrum & solum nisi sit propinquus aliquibus stagnis uel paludibus, quoniam tunc eius bonitas deletur, non est malus ratione ipsius terræ, sed ratione stagnorum & paludum propin quarum illi, quoniam semper exhalat ex illis malus uapor, & cum illo aere commiscetur, propterea ille aer Fanensis esset bonum propter ipsam terrā, tenuis enim est, quoniam

niā solū est tenue. sed quoniā in illo agro sunt fontes et una illius pars pertingit mare propterea semper ad illū perueniūt uapores humidi crassi, qui illius bonitatē delēt. Est quoq; bonus aer si non sint in illo agro nemora et lucus, nā si sunt plurima nemora in aliquo agro illius aer malus redditur, sed ista causa est per accidēs reddens ipsum aerem malum, cuius signum illud est quod potest remoueri absq; corruptione ipsius agri, uel aeris, modo illud est per accidens quod potest esse & non esse præter subiecti corruptionem, ubi ergo nascuntur multæ plantæ, malus est aer, sed cur hoc eueniat multæ sunt causæ. est. n. una causa prima quia ex illis eleuantur multi uapores humidi ad aerē, qui cū illo misti reddunt illū malū, maxime si sint arbores humide uiscosæq; quoniā maior humiditas ē in illis arboribus quā in alijs. quæ sunt istæ arbores uiscidiore & humidiores? dico quod sunt illæ quibus nō decidunt folia, sicut testabatur quoq; Theophrast. in libr. de plantis, non enim decidunt illis folia, dicebat Theophr. quoniam habent innatam uiscosam humiditatem, ut non possit ita exiccari à calore æstiuo, quod postea cum superueniat frigus autumnale decidunt illis folia sicut alijs decidunt, sicut sunt iuniperi, lauri, cupressus, buxus & tales arbores, ex quibus multæ humiditates exhalant & ita malum reddunt aerem, nam uapores multi humidi immutant maxime aerem, sicut dicebamus in principio huius cap. cum Auic. Est & alia causa cur malus est aer in illis regionibus in quibus sunt istæ arbores, quoniam ubi sunt istæ arbo-

res maximæ, altæ ut iuniperi, cupressusq; non tamen potest euentari, & propter prohibitam euentationē ab illis aer malus redditur. tertia causa est quoniam ubi sunt multæ arbores, sunt multæ umbræ. radius enim solis repercutitur ab illis arboribus quæ sunt solide, propterea cum radius ille non possit peruenire ad istum aerem infimum non purgat illum ex uaporibus commistis, neq; potest concoquere humidum illud superfluum. propter has causas ergo aer fit malus & maxime aptus ad putredinem; hinc est quod ille prudentissimus Hipp. & diuinissimus certe, cum esset in Thessalia apud regem, essetq; eleuata illa maxima pestilentia de qua diximus superius, ut morerentur omnia animalia in quinque climatibus, uolens seruare suam saltem regionem Thessaliæ, curauit de mandato Regis omnes syluas & arbores incidendas statim comburendas. est enim maxime copiosa syluis etiam nunc illa Thessalia, sicut etiam decantant Poetæ, & ita saluauit suam solum regionem, cum aliæ in circuitibus perijssent, ex incisione enim arborum illarumq; combustionem maximas & multas utilitates habuit: primo quidem per ipsum ignem exiccauit maxime aerem qui superflue humidus erat, & sic prohibuit putredinem, quando illa fit superfluente humido. secundo cum incidisset arbores quæ prohibebant euentationem aeris, euentandum dedit uentis ipsum aerem, modo ipsa euentatio prohibet putredinem. tertio prohibuit magnam humiditatem ex illis arboribus eleuari, cum illas combussisset, & ideo non poterat ita putrefieri

fieri aer. quanta ergo fuerit in illa aeris constitutio-
ne prudentia illius diuini hominis, uidetis, prohibuit
enim pestilentiam illam magnam in sua regione, in cu-
ius honorem erexerunt postea Theffali statuam au-
ream, propterea malus est aer ubi multæ sunt arbo-
res uiscosæ rationibus dictis. et ubi sunt olera & her-
bæ. corrumpunt enim aerem illæ quoq; , sed non co-
modo quo corrumpunt ipsæ arbores, non enim faciunt
umbras neq; minus prohibent euentationem aeris, sed
solum propterea quia ex illis eleuantur multi mali ua-
pores, qui commisti cum aere illum corrumpunt, ma-
xime si sint herbæ aptæ ad putrescendum, sicut cau-
lis & eruca. Caulis enim maxime aptus est ad putre-
factionem ipsam, scitis enim quomodo sint maxime
putrescibiles, nam si decoquantur & decoctum illo-
rum stue & ipsi abijciantur, ut à mulieribus solet fie-
ri, per diemq; ita mancant, uos sentietis teterrimum
odorem & putridum, ubi ergo sunt caules ibi malus
est aer, & ubi eruca, quoniam putrescibiles ex illis
eleuantur uapores putridi, qui commisti cū aere cor-
rumpunt illum, & arbores malarum complexionum.
bene hoc dixit Auic. quoniam ubi sunt arbores non
uiscidæ & humidæ, sed malarum complexionum &
uenenosæ. Iuglandes enim abijciunt folia propterea
non sunt uiscosæ nam ubi sunt faciunt illum aerem ma-
lum non quia ex illis eleuentur uapores humidi, sed
propter suam pharmacositatem. sunt enim propter
illam quodammodo uenenosæ: ultra etiam hoc quod
sunt pharmacosæ, astringunt, modo illæ sunt pessimæ
quo

quo ad ipsum aerem bonum. præter iuglandes sunt eiusdem rationis & peiores nuces, maximam enim pharmacositatem & uim adstringendi habent, sunt et ficus. habent enim & ipsi uim pharmacosam. quod sit uerum experiri potestis. si enim accipiat is illarum lac & imponatis in patina per unam uel duas dies postea de illo parum sumatis & inungatis aliquam partem uestri corporis, uidebitis quantum erodet & faciet illam partem eleuari in tumorem & rubedinem maximam excitabit. Amplius addit Auic. (& foliati) isti dicunt foliatum esse ipsum cyperum, sed decipiuntur, quoniam cyperus non est altus immo nascitur in ripis paludum, & paruus caule, neque est uiscida neque agit sua pharmacositate in aerem sed potius intelligendum est per foliatum cypressum non cyperum, isti enim pro cypresso acceperunt cyperum sed decipiuntur quoniam cypressus corrumpit aerem propter omnes causas quæ dictæ sunt, est enim altissima arbor, quod non solum confessus est Theophr. sed etiam Pli. deinde subiungit Auic. (Et propter hoc &c.) non solum non oportet quod misceantur mali uapores in aere, qui debet esse bonus facientes illum obscurum sed etiam oportet quod euentetur. ista enim est secunda causa quam dat Auic. cum enim non euentatur, aptus est magis ad putredinem, oportet quod in illo semper sit aura sufflans, sicut superius diximus nos. Nam si recte meministis dicebamus superius quod uenti omnes sunt ex eadem materia scilicet calida & sicca, sed secundum quod transeunt per regiones diuersas,

uerſas, capiunt quoq; diuerſas qualitates, propterea dicimus auſtrum eſſe humidum, quoniam tranſit per mare magnum, ideo humectatur. Boream quinetiam dicimus eſſe ſiccum, quoniam deſcendit per Germaniam & montes, ideo inſrigidatur et humiditas exprimitur ſiccusq; relinquitur. Auſter quidem malus, Boreas uero bonus. propterea dixit (oportet aerem ſuſſari uentis deuenientibus ex alta terra.) Boreas enim ut dixi deſcendit ex montibus altis Germaniæ. (Et aer hic non eſt &c.) Cum Auic. dixerit illum bonum aerem & malum ratione uaporũ illi commiſtorum & euentationis, modo ſubdit quomodo debet eſſe bonus ratione ſitus ipſius, neq; enim debet eſſe in terra profunda & ſit facile alterabilis, modo ad hanc modo ad illam qualitatem non conſeruans diu unam ex illis, præterea dicit quomodo aer bonus eſt in domo exiſtens & qui malus, nam ille malus eſt qui quidẽ eſt in domo non noua quæ habeat parietes de nouo coloratos. primo quidem non ſint de nouo fabricati propter ipſam calcem, nam propter illam aer corrumpitur, ex illa enim eleuantur uapores multum inſicientes aerem ipſum, neq; ſint colorati coloribus ijs quibus ſolent colorare de nouo puta depicti cinnabari, & talibus coloribus rubels, ſicut illo ſuo ſclergi. erat enim ſicut apud nos color ille cinnabaris. propterea cum de nouo ſunt picti parietes ipſius domus eleuantur ex illis uapores mali, qui multum offendunt noſtra corpora. itaq; quandoque etiam poſſunt ſuffocari homines, proptereaq;
aſtrin=

astringunt illi colores et calx ipsa adurit ultra hoc & astringit, neq; sint parietes ubi sit fumus ex carbonibus. hic Domini essent multa dicenda, sed propter breuitatem temporis dimitto. Epilogat postea Auic. omnia illa quæ hætenus dicta sunt de mutationibus aeris quàm breuissime. Cum autem iam me rogastis ut inciperem tractatum de pulsibus, præparetis uos optime, quoniam incipiemus cras dicere aliquid de pulsibus, qui est tractatus nobilissimus & difficillimus, ubi dicit Auic. Pulsus est motus receptaculorum, etc.

LECTIO LXI.

IAM ex his quæ in superioribus dicta sunt à nobis credo manifestum esse potuisse, quemadmodum ad medicum attinet uersari circa tria illa. circa causas, dispositiones, & accidentia, omnis enim medica consideratio est circa nihil aliud quàm ista tria prædicta, nihil considerat medicus nisi ista tria, & si quædam alia uideatur speculari præter ista, sciatis quòd omnia illa de quibus considerat præter ista reducuntur ad illa tria, & ita præter illa nihil considerat, ratio autem huius est quoniam cum subiectum habeat ipsa medicina considerandum de illo considerat quatenus illius passionem considerat & speculatur. modo ista tria sunt affectiones & passionem sui subiecti, & rationes formales illius, circa quod uersatur medicus. sed aduertatis quoniam circa ista tria uersatur tum natura ipsa, tum doctrina, tum ars, sed circa illa alio modo procedit natura, alio modo doctrina, alio ipsa ars.

ars . nam natura incipit procedendo suo modo ab ipsis
causis ; secundo à dispositionibus , tertio uero ab ac-
cidentibus . à prioribus enim & notioribus nobis sem-
per natura procedit : modo ipsæ causæ sunt longè prio-
res natura quàm dispositiones & accidentia , propter
ea ab illis incipit descendendo ad dispositiones ut tan-
dem deueniat ad ipsa accidentia . ars autem & medi-
cus operans procedunt opposito modo huic ipsius na-
turæ : incipiunt enim in suo processu à notioribus no-
bis & prioribus nobis , posterioribus autem & igno-
tioribus natura : modo signa sunt longè priora & no-
tiora nobis quàm dispositiones , & quàm causæ . hac
de re ars incipit ab accidentibus procedendo ad dispo-
sitiones : postremo deueniendo ad ipsas causas . diuer-
so ergo modo procedunt & natura et ars . nam ipsa
natura à notioribus , natura . Ars uero ab ignotiori-
bus natura , notioribus uero nobis . primo ergo ars
incipit ab accidentibus tanquam nobis notioribus , po-
stea à dispositionibus tanquam notioribus causis . Po-
stremo de causis disputat tanquam ignotioribus nobis
& posterioribus . Doctores autem qui docent ipsam
artem neq; procedunt eo modo quo procedit natura ,
neq; procedunt eo modo quo ars , sed medio quodam
modo , sunt enim medij in procedendo inter utrunq; .
ideo neq; primo incipiūt à causis sicut natura incipit ,
sed neq; ab accidentibus sicut incipit ipsa ars , sed ab
eo quod est medium inter utrunq; . primo enim incipit
à dispositionibus ipsis , secundo procedit ad causas , ter-
tio deuenit ad accidentia , non enim potest incipere
primo

primo a causis uel ab accidentibus, quoniam neq; cau-
 sarum, neq; accidentium doctrinam potest habere nisi
 prius cognoscat doctor illam rem, cuius sunt illæ cau-
 sæ & accidentia, modo causæ & accidentia de quib-
 us speculatur, sunt causæ & accidentia ipsarum di-
 spositionum, ideo oportet primum illum speculari de
 dispositionibus, quibus cognitis deuenit ad doctrinam
 causarum istarum dispositionum. tertio uero ad ipsa
 accidentia consequentia tales dispositiones. illæ enim
 dependent a dispositionibus per causas ipsas causan-
 tes dispositiones. hic ergo est ordo doctrinæ, ut pri-
 mo incipiat a dispositionibus, secundo descendat ad
 causas, postremo deueniat ad ipsa accidentia: quem
 ordinem Auic. cum doceret, uoluit seruare in hac to-
 ta secunda Fen, in qua nihil aliud considerat præter-
 quam illa tria. primo enim pertractauit de dispositio-
 nibus ipsius corporis humani quod est suum subiectum:
 secundo de causis: postremo de accidentibus. Nos au-
 tem illum exponentes primum quidem tractatum de
 dispositionibus, siue primam doctrinam perfecimus,
 ut nihil penitus reliquum fuerit de illis, doctrinam au-
 tem de causis ipsis, quæ secunda erat ordine non per-
 fecimus. Incepimus quidem & dedimus omnes dis-
 ferentias ipsarum causarum. Cumq; tractaremus
 de causis ipsis inter quas principalis & summa e-
 rat ipse aer, propterea de ipso tractauimus de il-
 liusq; natura & substantia disputauimus satis. sed cum
 longa esset illa materia, & facilis etiam ut uere lo-
 quar, propterea illam partem uobis perlegendam di-

miseramus, postea tractaturi de alijs causis consequētibz. sed cum etiam illa longa & facilis esset pars, decreuimus uenire ad ipsa accidentia uestro etiā consilio et potius uestro impulsu, si uere loqui debeo. præsupponatis ergo quòd sumus tractaturi de ipsis accidentibus, quorum tractatus & doctrina tertia est in ordine sicut iam dictum est: Circa quòd debetis animaduertere ac recte considerare quòd ipsa accidentia sunt in duplici differentia. i. accidentia sunt duplicia, alia quidem naturalia, alia autem contra naturā; contra naturam quidem sunt plurima, sicut dolores, tumores, & alia huiusmodi, quæ consequuntur aliquā malam dispositionem, & egritudinem aut complexionem malam, aut malam compositionem, aut continuitatis solutionem. naturalia uero accidentia sunt illa, quæ consequuntur ipsam bonam dispositionem, scilicet sanitatem, & cum illa dispositio bona est, accidentia quoq; illam consequentia sunt bona & naturalia, quæ tamen mutata illa dispositione, mutatur atq; uariatur, sicut sunt ipsæ actiones, nam dum sanitas est in corpore, naturales sunt actiones, immutantur autem illa quoq; mutata sicut sunt pulsus exeuntiaq;. Cum ergo Auic. iam tractauerit de signis & accidentibus consequentibus ad ipsas dispositiones malas, indicantiaq; illas, nunc modo uult tractare de accidentibus ijs quæ sunt naturalia, tamen immutantur secundum q. dispositiones immutantur. inter quæ sunt ipsæ actiones. de actionibus ergo uult in præsentia incipere, quæ mutantur diuersimode & cum inter illa sint ipsi pulsus

pulsus, propterea de pulsibus tanquam principalibus
 accidentibus & signis tractat in primis, postea tra-
 ctaturus de ipsis excurrentibus immutatis, de urinis sci-
 licet & alijs. tractabimus ergo nos primo de pulsi-
 bus. antequam autem agamus de illis, primo debe-
 mus facere illud quod faciunt omnes boni doctores, ut
 declaremus quid intelligamus per pulsum. Sciatis er-
 go quod pulsus est quædam actio facta a calido pro-
 pter suum finem, nam quodcunq; agens naturale agit
 propter finem, natura enim nunquam agit aliquid fru-
 stra, sed semper ad finem tendit, sed quoniam finis
 unus solum non est propterea distinguendum est. dico
 enim quod finis duplex est, alius est uniuersalis, alius
 particularis. quælibet enim actio est propter aliquem
 finem. actio ergo uniuersalis habet finem uniuersalem,
 actio autem particularis habet finem particularem,
 sed omnis actio est ab aliqua facultate, sed diuersarum
 facultatum diuersa sunt obiecta secundum Aristot. in
 secundo lib. de anima. primo sunt obiecta, secundo ip-
 se facultates, postremo actiones. quot ergo erunt fi-
 nes uniuersales, tot erunt etiam actiones uniuersa-
 les, tot enim sunt facultates, est autem unus finis uni-
 uersalis ut animal sit, & habeat essentiam, & iste fi-
 nis est finis necessitatis absolutæ, ita enim dicitur, neq;
 enim posset existere ipsum animal nisi haberet essen-
 tiam finis, ergo unus est essendi. actio autem quæ re-
 fertur ad hunc finem est ipsa essentia, ista autem es-
 sentia ipsius animalis est ipsa uita: dum enim uiuit exi-
 stit. Vita ergo erit uniuersalis actio ipsius animalis
 ad

ad finem dictum, scilicet ad esse. Cum ergo esse sit finis ipsius actionis, & unaquaque actio denominatur a fine, propterea cum esse ipsius animalis sit uiuere, actio tendens ad hunc finem uiuendi dicitur uita. iste est unus finis uniuersalis qui habet actionem suam uniuersalem; sed quoniam materia est pars ipsius essentiae, & materia ipsius animalis est ex contrarijs, contraria autem in se inuicem agunt, & propterea materia diminuitur, ideo finis secundus uniuersalis est ut conseruetur ipsum animal in uita: non potest autem conseruari, nisi materia semper subsistat, & cum diminuatursemper oportet aliam restaurari, quæ quidam non restauratur nisi per nutritionem, quare istæ erit unius finis animalis, ut scilicet nutriatur. huius autem finis uniuersalis actio est nutritio ipsa, & iste finis nutriendi est finis necessitatis consequentiæ, non autem absolutæ, sicut est finis essendi. necesse enim est si animal debet existere longo tempore, ut nutriatur, sed quoniam ut dixi omnis actio habet suam facultatem, propterea oportet ut inueniamus facultatem uniuersalem a qua dependeat ista actio prima quæ uita appellatur. facultatem autem istam de necessitate absoluta agere oportet, sicut suus finis est de necessitate absoluta. oportet etiam ut inueniamus facultatem a qua dependeat secunda actio nutritionis, quæ quidem agat de necessitate adhærendi, sicut suus finis est de necessitate adhærendi. Quo ad ergo primam actionem omnes ferè supponunt tanquam suppositum certum quòd illa actio uitæ non sit a facultate naturali, non ab animali, sed relinquitur quòd fiat a uitali.

Vitalis ergo facultas est illa, quæ agit huiusmodi actionem uitalem. Cum hoc uideritis, debetis postea ulterius procedere & uidere quemadmodum uita nihil aliud est quàm quædam actio ipsius animalis in partibus quæ uiuunt, sed quoniã illæ partes quæ uiuunt nō sunt similes neq; simplices & uniformes, uita autē si debet esse in illis omnibus cum sit una & uniformis, oportet quod sit in aliquo communi, quod quidem sit in omnibus illis partibus: modo ubi est una facultas, anima est quoq; ibi, modo anima indiget instrumento aliquo ad exequendas suas actiones, sed facultas uitalis est pars animæ, propterea oportet illam agere suo instrumento, quoniam anima est actus corporis phisici organici, propterea opus est illi instrumento per quod agat: actio autem illius facultatis cum suo instrumento est ipsa uita, quæ quidem erit actus illius instrumenti quod est ipsum cor secūdam ipsum Arist. ponit enim cor principium omnium membrorū in quo sit sedes & domicilium ipsius animæ in quo generatur instrumentum, etiam proprium huius facultatis uitalis idest spiritus qui omnibus partibus corporis communicatur. propterea quoq; uita illis communicatur. Vtrum autem cor sit principium totale ipsius corporis, in quo consistat anima, non est certum, sed est maxima lis inter medicos et philosophos: quam quidem quæstionem nunc non est persequendū a nobis, sed relinquamus illam aliàs disputandam. Spiritus ergo est instrumentum facultatis illius uitalis, quoniam illa non potest agere sine proprio instrumento. omne enim agens naturale agit per aliquod instrumentum.

mentum. Cum autem istæ spiritus sit naturæ igneæ, & maxime seruescens, oportet quòd refrigeretur, alioquin consumet seipsum sicut latissime declarauimus in superioribus nostris lectionibus. scitis enim quod nullum actu corpus calidum potest stare sine euentatione & refrigeratione aliqua, ut ergo spiritus ignei euententur aer inspiratur, qui quidem sit actu frigidus respectu ipsius spiritus, alioquin non refrigeraret. ut ergo inspiraretur aer frigidus propter euentationem spiritus, & iterum expelleretur ut purgaretur spiritus ab excrementis illius, oportuit naturam providere de aliquo instrumento. quoniam omnis actio naturalis perficitur per aliquod instrumentum. natura ergo prouisit de instrumentis per quæ fieret attractio illius aeris, & dedit animali asperam arteriam: & cum spiritus sint in corde, oportuit instrumenta ipsa per quæ attraheretur aer frigidus esse continuata cordi. antequam autem trahatur aer ad cor oportuit ipsum præparari & purgari, alioquin suffocaretur spiritus. prouidit propterea natura sagax de pulmone in quo præparetur aer, cum ad illū prius attraheretur et alijs partibus deseruientibus ad respirationem, de quibus nunc non est pluribus tractandum. cum autem cor non solum non habeat spiritum, sed etiam aliæ partes, ita quòd ille diffusus est per omnes partes corporis, hac de causa natura formauit illas arterias. nam ipsa natura nunquam deficit in necessarijs, cum neque superflua sit in non necessarijs. formauit ergo arterias per uniuersum corpus tendentes. Quid habetis modo ex hoc discursu? Dico

quod habetis quemadmodum est unus finis uniuersalis
 essendi, scilicet animal, cuius finis actio est uniuersalis,
 ipsa scilicet uita, quoniam esse ipse anima
 & uiuere qui est finis, sed quoniam omnis actio
 dependet a facultate, propterea est facultas uitalis
 quæ producit hanc actionem: & ubi facultas ibi ani-
 ma, illa autem est actus corporis physici organici,
 propterea si in illo toto esse debeat, oportet quod
 habeat unum instrumentum, idest spiritum ipsum qui
 sit in omnibus partibus corporis, sed quoniam ille maxi-
 me calidus est, propterea oportuit illum euentari, alio-
 quin seipsum consumeret, ideo natura prouisit de in-
 spiratione ipse aeris frigidi, & ut attrahatur, opus
 est instrumentis ad quaslibet partes corporis, ideo na-
 tura formauit ista instrumenta, scilicet ipsas arte-
 rias, per quas attraheretur aer ad infrigidandum spi-
 ritum in illis existentem. sed si spiritus per omnes illas
 manare deberet, cumq; ille primo in corde sit, in illoq;
 generetur, propterea oportuit ipsa instrumenta esse
 ipsi cordi continuata, arteriæ ergo continuatæ sunt ip-
 si cordi. sed si trahi debet aer ad refrigerationem ip-
 sius spiritus, dico quod tria requiruntur necessario.
 requiritur enim facultas ipsa, alioquin non fieret actio
 sicut dictum est; requiritur instrumentum ipsum. i. ar-
 teria. ultra ista duo requiritur ipsa necessitas attra-
 hendi illum aerem. ista tria necessario requiruntur
 ad ipsam inspirationem aeris et actionem istam quam
 uocamus pulsus; fiunt enim eodem modo. Arteriæ
 quidem ut dixi continuantur ipsi cordi, quoniam illud
 est principium in quo consistit ipsa facultas uitalis, et
 ipse

ipsi spiritus qui est illius instrumentum. causæ ergo intrinsecæ & contentiue, ut loquamur recto modo secundum Gal. ipsius pulsus sunt tres, necessitas pulsandi ut euentetur spiritus igneæ naturæ, facultas ipsa uitalis, tertio & ultimo ipsum instrumentum. Cum ergo istæ sunt causæ necessarie & contentiue & intrinsecæ ipsius pulsus per iam dicta. modo contentiua causa per superius dicta à nobis cum de illa loqueremur est illa qua posita ponitur suus effectus, remota remouetur. sequitur ex illis quòd quotiescunque unum ex illis remouetur & deficit, statim quoq; remouetur & deficit pulsus. non enim fiet pulsus si remanente facultate & instrumento tollatur tamen necessitas pulsandi: amplius remanente necessitate pulsandi & facultate integra existente, instrumento tamen læso statim pulsus læditur, remoto remouetur, eodem modo dicamus de facultate, quoniam etsi remoueantur solum facultates existentibus adhuc instrumentis & necessitate stante pulsandi statim remouetur pulsus. Quare quodcunq; istorum solum sublatum tollit pulsum, quanto magis postea cum fuerint simul duo uel omnia ablata, quodcunq; etiam istorum mutatur, mutatur quoq; pulsus, multo magis si omnia simul mutantur, mutantur autem per causam ledentem aut propter gaudium, aut propter ægritudinem, aut timorem, aut spem, aut amorem, & huiusmodi accidentia animi. propterea per mutationem illorum pulsum medici cognoscunt intrinsecos affectus corporis & ipsius animi, quos quidem ut cognosceremus per huiusmodi mutationes facta fuit ars & constitu-

ta, quæ dicitur ars cognoscendorum pulsuum, quæ quidem indiget medico & exercenti diligentissimo: ita enim est nobilissima ista ars, ut cognoscantur quoque ipsi affectus animæ. quid magis ergo laudandum & honorabilius? sicut est illud famosum exemplum Erasistrati medici diligentissimi et perspicacissimi, qui quidem per pulsum cognouit filium ipsius Seleuci amare nouercam suam. Cum ergo negocium medici est ut cognoscat ipsas passionēs intrinsecas corporis & animæ, quandoque mutationes omnesque humanos affectus tum præsentēs tū futuros cognoscere quærimus nos dico quod medicus quatenus medicus non respicit ad futuros affectus, sed solum præsentēs, quoniam medicus quatenus habet sub sensu ipsos cognoscit, quæ autem passionēs sensui illius non subiiciuntur, nihil curat. sed quoniam non possumus cognoscere ipsos affectus nisi cognoscamus illorum causas, propter quas facti sunt, illæ etiam cognoscuntur per ipsum pulsum, propterea debemus nos cognoscere pulsus, qui neque possunt cognosci nisi eius quoque causæ sciantur. quomodo enim cognoscemus pulsum nisi cognoscamus à quibus causis fiant? propterea nos qui sumus tractaturi de pulsibus oportet considerare de causis illorum tam intrinsecis quàm extrinsecis. Intrinsecas uoco illas tres contentiuas, extrinsecas uero alias quasunque, quæ multæ sunt. dignum ergo erit & necessarium considerare de illis causis si doctrinam pulsum habere uolumus, sed etsi cognosceremus causas illorum, & non sciremus modum tangendi, et cognoscendi pulsus, nihil haberemus: propterea oportet quod

que

que habere modum tangendi illos, quomodo detinendum est brachium, & quomodo digiti. sed etsi haberemus doctrinam causerum & modum tangendi & cognoscendi, uanum esset, nisi cognosceremus quoque differentias ipsorum, propterea oportet quod cognoscamus & consideremus de differentiis pulsuum, ita quod primo tractabimus de differentiis pulsuum: secundo de modo & arte tangendi pulsus; tanguntur enim arte. tertio de causis pulsuum, ita quod illud quod ultimo per resolutionem inuentum est erit primum in compositione & ordinatione ipsius doctrinae. uidete quomodo deduxit nos ille diuinus Gal. per bonam & rectam resolutionem, ut postea ultimum illius esset primum in tractatione. cum ergo primo sit considerandum de differentiis pulsuum Gal. pertractans de pulsibus, dansque nobis doctrinam illorum facit primo tres lib. de differentiis pulsuum; de cognoscendis autem per artem ipsis pulsibus condidit alios 4. lib. & 4. de causis ipsis pulsuum. & hoc modo nos quoque pertractabimus. hoc autem erit uobis tanquam argumentum quoddam in illos lib. Gal. legatis illos & uidebitis quantum auxilij attuli uobis cum hoc meo discursu, & ita adiuui uos, ut etsi non essent lib. Gal. possent alios ferre similes condere. His praesuppositis, accedamus modo ad tractatum de pulsibus. & in hoc nos sequemur ordinem ipsius Auic.

LECTIO LXII.

CIRCA materiam de pulsibus in praecedenti nostra lectione ostendimus multa uia & methodo quadam breuissima cum inueniremus illius principia &

Ec 4 causas,

causas, uolentes habere perfectissimam hanc doctrinam pulsatiuam, ut ergo omnia illa quæ dicta sunt, quæ fuerunt tanquam præludium & declaratio omnium dicendorum in hoc tractatu breuiter succingā, dicamus quòd antiquiores nostri primates & patres huius artis cum uellent inquirere cognitionem pulsuum à notioribus incipiebāt, ut illorum principia inuenirent à quibus illi dependent, & propterea primo uidebant motum quendam in toto corpore humano continuum, hancq; solum communem notionē habebant primo nullam aliam inquisitionem cognitionē possidentes, quem motum communi etiam quadam notatione nominarant pulsum. Cum autem ulterius procedere uellent quo perspicacius & distinctius uiderent modum istius motus, quō sit & à quibus principijs & causis fiat, uiderunt ac iudicarunt illum motū continuum ac manifestum esse actionem ipsius anime, tanquam causæ efficientis, nam uidebant secundum quòd illa mutatur ad diuersas dispositiones, pulsum quoq; mutari, eiq; consentire. inuenerant ergo isti optimi Antiqui principium efficiens, quod est ipsa anima, ulterius inuestigantes cum anima sit efficiens ipsius pulsus, & anima non agit sine instrumento sicut sæpius audiistis, nam ipse quoq; ego sæpiissime retuli id ultra hoc quòd ille Aristot. fatetur cum dicit animam esse actum corporis physici organici: per hoc enim possumus dicere animam non posse operari nisi instrumento adiuta: inuenerunt ergo isti optimi uiri instrumentum quo utitur anima in peragendo isto motu; & adhuc magis perseuerantes cum omnis actio fiat

fiat ratione alicuius finis, quia natura nihil agit frustra, nihil inconsulto, sed omnia perficit propter aliquem finem, sicut declaratum est in physicis, ubi etiam propter hoc distinguunt illa quæ fiunt natura, ab illis quæ fiunt casu & fortuna, quoniam quæ fiunt natura fiunt propter aliquem finem, quæ uero fiunt casu & fortuna non. Cum ergo pulsus sit actio ipsius animæ, quæ perficitur ab illo mediante instrumento isti antiqui cum inuenissent instrumentum uerterunt inquisitionem suam ad finem, propter quem factus est iste motus. inquisiuerunt ergo instrumentum, & perquirentes inuenerunt primo pulsum qui est actio facta, deinde animam quæ illam facit, tertio ipsum instrumentum quo anima facit istum motum: quarto & ultimo ipsum finem propter quem fit iste motus. sed cum illi adhuc magis inquirerent cognitionem huiusmodi actionis usque ad intima uolebant uidere quæ actio sit ista pulsus. Cum autem hoc intenderent, primo uidebant genera actionum esse tria, nam aliæ sunt actiones naturales, aliæ animales, aliæ uitales. quæ quidem nobis quoque manifestæ esse debent. non enim oportet in uno loco omnia perquirere, sed singula suis locis conuenientibus. hoc sciatis quasque actiones quæ peraguntur in hoc nostro corpore reduci ad illas tres. Cum ergo per discursum iam factum isti uiri inuenissent illa quæ dicta sunt magis per scrutantes uoluerunt uidere sub quo genere sit repouenda ista actio animæ, an sub naturalibus, an sub animalibus, an sub uitalibus, & hoc modo sunt ratiocinati. pulsus non est sub actionibus naturalibus, non
sub

sub animalibus, ergo relinquatur ut sit sub ipsis uitalibus. Nam monstrabant quod non sub naturalium genere, minus sub genere animalium, nam primo si sub naturalium genere aut pulsus est actio facultatis attractiue, aut expulsiue, aut concoctiue, aut retentiue, non sub aliqua istarum actionum potest reponi. ergo non est actio naturalis neque animalis, quoniam non fit uoluntate, neque enim possunt homines retinere, cum uolunt ipsum pulsum, neque enim actio ista est aut cognitionis aut rationis, aut imaginationis, aut alicuius cognoscitiue facultatis interioris non memoratiue non cognoscitiue, neque est actio cognoscitiuarum facultatum exteriorum, neque uisuiue potentiue, neque tactiue, neque audituiue, neque alicuius alterius. ergo non est actio animalis. relinquatur ergo ut pulsus sit actio uitalis facultatis, quae quidem facultas sita est in corde. tria enim sunt membra principalia corporis humani, in quorum singulis consistit principium illarum trium actionum dictarum. in cerebro reponimus animalem ipsam uirtutem, in corde uitalem, in hepate naturalem. in corde ergo principaliter est actio uitalis, quoniam in illo est principium facultatis quoque uitalis, propterea dicimus cor esse illud quod primo & per se & principaliter uiuit. quare in corde uiget maxime uitalis facultas, & actio, merito ergo illi antiqui adiudicarunt isti facultati uitali instrumentum principale ipsum cor. cor ergo erit instrumentum principale, quo fungitur illa facultas uitalis in motu pulsandi, sicut ostendebamus quoque fusius & latius in superiori

rioni nostra lect. in qua ista fecimus clariora. primum instrumentum pulsus. i. quo perficitur pulsus est cor : secundum uero & minus principale sunt ipsæ arteriæ, quæ quidem etiam nascuntur ab ipso corde: hoc enim ratione quoque ipsa, & ex natura rei conuincitur, quoniam si uerum est q̄ facultas uitalis sit principium huius actionis, quæ principaliter utitur ipso corde tanquam instrumento, opus est si per totū corpus fieri debet huiusmodi operatio, ut sint quoq; instrumenta particularia plura, quæ si debent esse instrumenta, oportet ut seruiant illi facultati uitali. non possunt autem illi seruire nisi illa participent. illa autem participare non possunt nisi à corde illis attribuantur. merito ergo arteriæ sunt coniunctæ ipsi cordi & ab illo oriuntur. quoniam sunt instrumenta illa particularia tendentia per uniuersum corpus humanum. ista ergo duo instrumenta inuenerunt tum cor quod est principale tum arterias quæ sunt minus principales, sed cum inuenissent ista instrumenta quæ sunt gratia alicuius finis, & illam actionem pulsandi quæ propter aliquid fit, propterea adhuc inquisiuerunt ipsum finem qualis sit. Cum enim in corde generetur calor naturalis & innatus nobis & ipsi spiritus actu calidi & feruentes, modo scimus & probatum est quoq; aliàs superiusq; à nobis repetitum est, corpus calidum actu indigere refrigeratione, alioqui se ipsum extingueret ac interimeret nimium effruescens, ideo oportuit ipsum spiritum actu calidum refrigerari. refrigeratur autem per attractionem ipsius aeris actu frigidi, attrahitur autem iste aer per inspirationem ipsam, & motum quem pulsum appellamus. Quare iste finis est ipsius pulsus & instrumentorum, ut euentur

tur & refrigeretur spiritus actu calidus. Quare iam audiuiſtis & intellexiſtis quemadmodū antiqui illi noſtri patres uenerunt in cognitionem ipſius pulſus & principiorum illius & cauſarum efficientem, iſti dixerunt eſſe facultatem uitalem, inſtrumentum uero eſſe cor & arterias. finem autem ut ſpiritus euentetur qui actu calidus eſt, & hoc uidens ille Eraſiſtratus maximus medicus et doctiſſimus philoſophus, qui fuit Gener Ariſt. doctrine peripateticæ peritiſſimus. Cum enim eſſet gener Ariſt. non eſt dubitandum quin hauſerit quoq; illius doctrinam, paralogiſmo tamen quodam in hoc fuit deceptus. Videte ergo quantum faciunt iſti paralogiſmi, & quantum ſunt cauendi, cum magnus uir propterea ſit deceptus, uidebat enim ille magnus uir omnia illa quæ à nobis dicta ſunt ſecundum intentionem Antiquorum, uidebat inquam cauſam efficiētem pulſus, qui principium habet in corde, eſſe facultatem uitalem, inſtrumentum uero eſſe cor, & arterias finem eſſe propter calorem euentādum, qui in corde generatur, tamen dixit poſtea quod cum uideamus in ipſo thorace duos motus, tum dilationem, tum contractionem, per dilatationem quidem attrahi aerem frigidum ut refrigeret calorem, & ut hanc ſuam poſitionem clario-rem faceret, dabat exemplum in iſtis exterioribus ſenſatis. dabat dico exemplum de folle fabrili, nā dicebat Eraſiſtratus follem attrahere aerem cum dilatatur, dilatatio enim eſt cauſa immediata ipſius attractionis aeris, nam ſi interrogatus fuiſſet ab aliquo reſpōdiſſet ſine dubio ſicut dictum eſt. ſi quis inquam diceret cur folliſ attrahit aerem, reſpondiſſet quoniam dilatatur, ſic quoq; dicebat, dicendum eſt in thorace, qui eſt tanquam folliſ attrahens
aerem,

aerem, attrahit enim aerem quoniam dilatatur, propterea per dilatationem isti dicebant aerem attrahi, & attrahit aerem thorax quoniam dilatatur, sed in arterijs postea non eodem modo se habet. dicebat hic homo, neque est eadem ratio in attractione aeris & dilatatione, immo tota penitus ratio contraria est, nam illæ dilatantur, quia replentur ipso aere & spiritu, ideo repletio est causa immediata dilationis, non autem è conuerso, sicut erat in superioribus, nam ibi dilatio erat causa ipsius attractionis, quoniam enim dilatatur Thorax aer attrahitur, hic uero quoniam arteriæ replentur ideo dilatantur, ideo dicebat aliquid repleti dupliciter, uno quidem modo cum dilatatur & attrahitur aer, sicut contingit in thorace, alio autem modo cum aere repleatur, sed non quoniam dilatatur, imo dilatio sequitur ipsam repletionem in hoc casu, sicut contingit in ipsis arterijs, quæ quidem dilatantur, quoniam replentur, follis autem fabrilis repletur quoniam dilatatur sicut et thorax. Iudicabat ergo hoc modo Erasistratus de dilatatione ipsarum arteriarum, nam cum dilatatur thorax repletur illa concavitas cordis aere & regeneratur spiritus, sicque cor transmittit postea illum per illas arterias quæ sunt illi continuæ. Videte ergo quantum fuit necesse continuare arterias ipsi cordi, sicque cum arteriæ repleantur illo, dilatantur, & cum exinaniantur spiritu cum in illas a corde non transmittatur cōstringuntur. hac de causa motus est Erasistratus maximus homo ad dicendum repletionem esse causam dilationis arteriarum, cum tamē dilatio sit causa repletionis postea ipsius thoracis, sed fuit deceptus & magna fuit deceptio istius uiri cum diceret hæc, immo si in rei ueritate

tate uolumus loqui, uidebimus q̄ eadem penitus est ratio in utrisq; tum in arterijs, tum in thorace, quemadmodum posteriores postea demonstrarūt rectissime, Archigenes scilicet & Herophilus, denique ille maximus Gal. qui totam hanc artem medicam perfecit. nam dicunt isti quod eo modo dilatio in arterijs est causa repletionis, sicut & in thorace, ambo enim habent duos motus dilationē & constrictionem, in hoc tantum differūt, quoniā motus ipsius thoracis euentat ipsum cor, q̄ postea causa est motus efficiens. si ipsius motus arteriarum, cum in illo sit facultas uitalis illa quæ est efficiens pulsus, nam secundum dispositionē illius facultatis motus ipsius pulsus mutatur; nā sicut supra ostendimus sunt tres causæ contentiue pulsus, facultas, instrumentum, & finis. quorum singulis solis mutatis mutatur quoq; iste motus pulsandi. Ista superius declarata sunt, neq; oportet amplius illa repetere. habeatis saltem pro firmo, q̄ pro mutatione uaria ipsorum mutatur quoq; pulsus. uultis hoc uidere? et uultis credere ueritati? uidetis ipsum Auic. mirabilem certe hominē in hac arte pulsatiua, qui quidam in hoc cap. docet nos artem tangendi pulsus. dicit q̄, (Debemus tangere solū illos qui sint liberi omnib. affectibus extraneis, ut dolore, mæstitia, gaudio magno aliquo, & si sunt illis affecti, oportet nos expectare quo ad liberentur,) ratio est quoniā non possemus cognoscere affectum quem querimus, nam mutantur pulsus secundū quod disposita est ipsa facultas. Cuius signum quā manifestum illud est q̄, ille idem Erasistratus maximus medicus et in hac arte peritissimus, de quo paulo ante loquebamur, qui erat medicus Seleuci regis per tactū pulsus sui filij,

cognouit

cognouit illū amore esse captum nouerca uxoris Regis,
 quoniam mutatus est maxime pulsus secundum affectū et
 passionem ipsius cordis, amor. n. maxime afficit illam fa-
 cultatem & cor ipsum. quid enim aliud est amor q̄ affe-
 ctus quidam cordis? Quapropter nobilissimā ars fuit exi-
 stimata hac de causa, quoniam cognoscimus per illam affe-
 ctus et ipsius animæ, fuitq; inuenta eo modo quo dictum est
 ab antiquissimis patribus, ut discursu nostro iā patefactū
 est adamusim: sed non ita breui tpe fuit perfecta, immo
 paulatim paulatim, & per longā etatem inuenta est, per
 longum tempus, et experimētum multorum dignissimorū
 medicorum. Vnde primo erat parua ista ars, & quidem
 rudis, postea paulatim a singulo quoq; illustri medico &
 philosopho illustrata & dilatata. q̄ sit uerum hoc patet,
 quoniā erant in principio antiqui illi ignari et rudes in il-
 la, & ita rudes ut parum quid scirent de hac, scirent tñ
 aliquid sed proportionē habitā ad præsens tempus in quo
 est perfecta, poterant dici nihil scire magis, tamen succe-
 dente tempore fuit ampliata & intellecta. Erant. n. anti-
 qui alij qui pulsū hunc dicebāt esse palpitationem quan-
 dā ipsius cordis. Alij autem quid aliud esse imaginabatur,
 quæ quidem opiniones cū sint q̄ plurimæ et uanæ inanesq;
 huic nostro negotio, cum debeamus docere ueritatē, pro-
 pterea nolo illas uobis referre cum et uobis tædio essem,
 neq; oportet in his cōsumere tempus, cū sint omnino me-
 dico inutiles, nunc si quis tñ curiosus potius uoluerit &
 desiderauerit oēs illas habere, ille uideat 4 lib. Gal. de dif-
 ferent. puls. & ibi uidebit, habebitq; Gal. recitantē omnes
 illas adamusim usq; ad satietatem, & ut ita dicam etiam
 ad ipsum fastidium. Cum autem nos quæramus solum do-
 ctrinam

etiam huius artis rectam perfectam et uerā, non habemus inquirere uana, ideo illis relictis curiosis uenimus ad ipsum Auic. quē sequemur in nostris lectionib. doctissimi autē est hic homo in ista parte et peritissimus, certe, breuis quo ad fieri potuit, ut nihil magis. propterea Auic. tractās de pulsib. in hoc cap. 1. huius summæ immo in illa tota intendit duo, primo dare differētiās pulsum omnes, secundo uero ille inuestigabit & inuestigat quæ quotque sunt causæ ipsarum differētiarum pulsum, tā naturales quā præter naturam, naturales. n. sunt aliæ causæ puls. sicut uidebimus, ut complexio, ætas tempus anni, aliud est enim pulsus iuuenis, aliud ipsius senis, aliud tpe æstatis, aliud uero hyeme. cibus & potus et sunt causæ naturales mutantes pulsum, aliud est. n. pulsus ante cibum, aliud post cibum, et aliæ causæ quæ numerabuntur. Præter naturā autem sunt quoque causæ differentiarum puls. ut dolores ægritudinesque, nam mutatur maxime pulsus, aliud est. n. pulsus in sanitate, aliud in ægritudine. Quare quo ad primum dicimus q. cum Auic. uelit primo tractare de differ. puls. primo definit in hoc cap. pulsum, & dat illius quidditatem, quid. s. sit pulsus. secundo cum dederit definitionē illius diuidit in partes essentielles, tertio docet artē tãgēdi pulsum, quō detineamus manum, quō debeat stare æger, quant arteriā tangere debeamus, et reliqua quæ attinent ad hoc, ut discamus tangere pulsum ut illius differētiās cognoscamus 4. & ult. Auic. dat quasque differentias pulsum, usque ad ultimas exquisitissime & doctissime. Quare quatuor *

GOTTSCHER
RESTAURO
1970

